

ბაბუჩა ნომობი

ბეი
გობა

»ბაკურლი«

საბუნებისმეტყველო

ქართული
ფილოსოფია
II

«საბუნებისმეტყველო»

სარედაქციო კოლეგია:

სუტა ბერულავა, ელენე ვირსალაძე,
ქსენია სისარულიძე, ალექსანდრე ლლონტი,
შისეილ ჩიქოვანი

ტომი შეადგინა, წინასიტყვაობა და შენიშვნები
დაურთო პროფ. ალექსანდრე ლლონტიმ

მხატვრობა ელგუჯა ამაშუკელისა,



„ხალხური სიბრძნის“ მეორე ტომშიც ზღაპრებია შესული და იგი პირველი ტომის უშუალო გაგრძელებას წარმოადგენს. აქ ჯერ ვეცნობით ქართული ფანტასტიკურ-ჯადოსნური ზღაპრების რამდენიმე ნიმუშს, ხოლო შემდეგ, უფრო სრული სახით — საყოფაცხოვრებო ზღაპრებს, ხალხურ ნოველებს, გონებამახვილურ პატარა მოთხრობებს.

ფანტასტიკურ-ჯადოსნური ზღაპრების ეს ნიმუშები ფართო პოპულარობით სარგებლობენ. ადამიანის ფანტაზია ამ ზღაპრებში უმაღლეს მწვერვალს აღწევს. ამით აიხსნება, უწინარეს ყოვლისა, რომ ხალხში მათი ათეული ვარიანტი არსებობს, ხოლო ზოგი მათგანის ცალკეულ მოტივთა პარალელებს არა მარტო ჩვენში, სხვა ხალხთა ეპოსშიც ვპოულობთ.

კრებულში შეტანილია მდიდარი კოლექცია საყოფაცხოვრებო ზღაპრების — ხალხური ნოველებისა, რომლებშიც ასახულია ადამიანთა საზოგადოებრივი ურთიერთობის სხვადასხვა სფერო. ხალხური ნოველა მცირე ზომის მოთხრობაა საყოფიერო თემაზე. მისთვის უცნობია ფანტასტიკურ-ჯადოსნური მოტივები, ზღაპრის ტრადიციული დასაწყის-დასასრული. მოქმედება აქ რეალისტურად ვითარდება. თემატიკურად ნოველები მრავალფეროვანია. მათი პერსონაჟები ცხოვრების შუაგულიდან ამოყვანილი ადამიანებია, რომლებიც ჩვენს ყურადღებას თავიანთი საოცარი თავგადასავლით იპყრობენ.

დიდი ნაწილი ამ ნოველებისა ეძღვნება შრომასა და მშრომელ ადამიანებს. შექმბულია შრომისმოყვარე, ხოლო სა-

მარცხვინო ბოძეა გაკრული უქნარა, მატყუარა კაცი. ხალხი მართალი, კეთილი ადამიანის მხარეზეა, გმობს ბოროტებას, სიცრუეს, სოციალურ უკუღმართობას, სიზარმაცეს, ქურდობას, მატყუარობას, რელიგიური კულტის გახრწნილ მსახურთა და გაბატონებული კლასების გაქსუებულ მოხელეთა აღვირახსნილობას, სირეგვენესა და სიბრიყვეს. ასეთი სახის ხალხურ მოთხრობებს წითელი ზოლივით გასდევს მაღალი ფილოსოფიური აზრი — „ბოროტსა სძლია კეთილმან, არსება მისი გრძელია“. ასეთი და მსგავსი შინაარსის ნოველები ადამიანს უნერგავენ შრომის სიყვარულის გრძნობას, ზრდიან მას კაცთმოყვარეობისა და ჰუმანური სულისკვეთებით, ხელს უწყობენ მათი დადებითი მორალური თვისებების ჩამოყალიბება-განმტკიცებას.

ხალხი ერთმანეთს უპირისპირებს ორ საწყისს, კეთილსა და ბოროტს. მისი სიმპათია ყოველთვის კეთილის, დაჩაგრულის, ღარიბის, შრომისმოყვარე ადამიანის მხარეზეა. ხალხის გენია, ერთი მხრით, მხატვრულ ფერებს არ იშურებს საყვარელი გმირის პორტრეტის შესამკობად, გაატარებს მას განსაცდელის ბეწვის ხიდზე, დააძლევინებს საბედისწერო დაბრკოლებებს და შემდეგ თავზე ადგამს გამარჯვების გვირგვინს; მეორე მხრით, მუქი ფერებით ხატავს ცბიერ, ბოროტ, უკეთურ ადამიანს, ნიღაბს ხდის და აშიშვლებს მის ბილწ სახეს. ხალხის ფანტაზია სავსებით მართებულად ასახავს საზოგადოების განვითარებისა და მისწრაფების ბუნებრივ ტენდენციას, ობიექტურ კანონზომიერებას. ნოველის მხატვრულ ფორმას ხალხი იყენებს თავისი შეხედულებების უფრო სხარტად და ცოცხლად გადმოსაცემად. ხშირად სავსებით რეალისტურ სიუჟეტურ ქსოვილში ჩართულია ირეალური მოტივები, ბედისწერა, სასწაულთმოქმედი ნივთები, ჯადოსნური აქსესუარი, რაც შემოქმედს სჭირდება იმისათვის, რომ წინა პლანზე წამოსწიოს სოციალური მოტივი, გამარჯვება არგუნოს მშრომელთა ფენის წარმომადგენელს. ხალხი თავის საყვარელ გმირს სწორედ ამ გზით ატარებს და თანაც გამარჯვებას ანიჭებს.

ზღაპრები ჩვენს ყურადღებას იქცევენ თავიანთი ნათელი

იდლებით, კომპოზიციით, ხატოვანი ენით. მარტივი ფრაზები, მკაფიო სინტაქსური შეხამებანი, ცოცხალი დიალოგები, გემოვნებით შერჩეული ლექსიკა, შესანიშნავი შედარებანი, ჰიპერბოლები, ეპითეტები, მეტაფორები, გამეორებანი, აზრტყვადი შეგონებანი, მყარი ფრაზეოლოგიური შეერთებანი და სხვა ენობრივ-სტილისტიკური სამკაულები, აი, რა ახასიათებს ხალხური პროზის ამ მშვენიერი ნიმუშების მხატვრულ ენას. ყველაფერ ამას უნდა დაემატოს ნოველათა ძირითადი ციკლების იუმორისტული ტონი და გამგმირავი სატირული იერი, რაც კიდევ უფრო ზრდის კრებულში შეტანილი ტექსტების შემეცნებითს მნიშვნელობას. მკითხველი აქ იპოვის ბევრ შესანიშნავ ნათქვამს, ჭეშმარიტად ხალხურ ნაკვესს, გონებამახვილურ სენტენციას, სხარტ ფრთიან სიტყვასა და იდიომურ გამოთქმას, რომლითაც ასე მდიდარია საყოფაცხოვრებო თემებისადმი მიძღვნილი ეს ნაწარმოებები. ხალხური ენის ჩუქურთმებში ძვირფასი თვლებივითაა ჩასმული ჩვენი სამშობლოს ყველა კუთხისათვის ბუნებრივი სიტყვა-შეგონებანი, რომლებიც ნიჭიერსა და ენაწყლიან მთქმელებს უხმარიათ. ზღაპარი მაღალოსტატური მხატვრული ქმნილებაა, თავისი მტკიცედ ჩამოყალიბებული შინაგანი სტრუქტურითა და ფორმით, თემითა და სიუჟეტით, მოტივებითა და პერსონაჟებით. აქ ვეცნობით რეალურსა და ჯადოსნურ ძალებს, რომელთა მოქმედებაში, წარმატებასა და მარცხში სიმბოლურად ჩაქსოვილია ხალხის ღრმა აზრი, მაღალი ზნეობა, მომავლის რწმენა.

ყოველივე ამით აიხსნება ის უსაზღვროდ დიდი პოპულარობა, რითაც ზღაპარი სარგებლობს ყველა ასაკის ადამიანთა შორის და, პირველ რიგში, ბავშვებსა და ახალგაზრდობაში. ხალხური ზღაპარი ადამიანთა მხატვრული გემოვნების განვითარებისა და ესთეტიკური აღზრდის ფრიად მნიშვნელოვან საშუალებას წარმოადგენს. იგი ჩვენი კულტურის მარად უჭკნობი სამყაროა.

წარმოდგენილ ზღაპრებს შეიძლება ვუპოვოთ მრავალრიცხოვანი სიუჟეტური ვარიანტი, როგორც გამოცემებში, ისე ხელ-


ნაწერთა კოლექციებში. რედაქციამ საჭიროდ არ ცნო ძირითად ტექსტთან ერთად ვარიანტების გამოქვეყნება. თუმცა კრებულში შეტანილია ზოგი ისეთი ტექსტი, რომელშიც ნაცნობი მოტივები მეორდება, მაგრამ მეორდება განსხვავებული ასპექტით.

ტექსტების დიდი უმეტესობა ამოღებულია ქართული ხალხური ზღაპრების არსებული კრებულებიდან, პერიოდული გამოცემებიდან, არქივებიდან და ფოლკლორისტთა საკუთარი კოლექციებიდან. გათვალისწინებულია ქართული ზღაპრების თითქმის ყველა გამოცემა.

ტექსტები ჩაწერილია საქართველოს ყველა კუთხეში. გამოყენებულია ქართული ხალხური ზეპირშემოქმედების ძველ და თანამედროვე მთამაგეთა ჩანაწერები და პუბლიკაციები, რაც თავ-თავის ადგილასაა აღნიშნული შენიშვნებში.

ხალხურ ნოველებს წინათ ცალკე წიგნად არ სცემდნენ, ისინი ჩვეულებრივ კრებულებში შეჰქონდათ საყოფიერო ან ნოველისტური ზღაპრების სახელით. ქართული ხალხური ნოველების პირველი პატარა კრებული მხოლოდ 1956 წელს გამოიცა. წინამდებარე წიგნი საშუალებას იძლევა უფრო ღრმად გავვეცნოთ ქართული ხალხური პროზის ამ მდიდარი და თვითმყოფი ჟანრის მხატვრულ-ესთეტიკურსა და ფილოსოფიურ-დიდაქტიკურ ღირსებებს.

ტექსტები რამდენადმე გამართულია სალიტერატურო ენის ნორმების შესაბამისად. ცალკე მთქმელთა მეტყველების კოლორიტი, ადგილობრივი ფრაზეოლოგიური შეხამებანი, იდიომური გამოთქმები და ლექსიკა უცვლელადაა დატოვებული.



ც ე რ ო დ ე ნ ა

იყო და არა იყო რა, იყო ერთი ცოლ-ქმარი.

ქმარი სოფლის განაპირას ხნავდა. ცოლმა სადილი წაუღო. ხურჭინი გადაიკიდა მხარზე, შიგ მკადები ეწყო და ქილით მაწონი ედგა. ცოლი ორსულად იყო. შუა გზაზე რომ მივიდა, მუცლიდან დაუძახა ვაჟმა: დედი, მომეცი, მე ავიკიდებ ხურჭინსო!

— სადა ხარ, შვილო, საიდან აგკიდოო, — უპასუხა დედამ.

— აა, დედილო, აქა ვარო, — მოესმა დედას დაბლა მიწიდან, დაიხედა და ცერისტოლა ვაჟი კი დაინახა. ბელები გაეშვირა და იდგა.

— მომეცი, დედი, მე წამოვიღებო! — არ ეშვებოდა ცეროდენა დედას.

მისცა დედამაც. აიკიდა ცეროდენამ ხურჭინი, მაგრამ რას წაიღებდა? ხურჭინი დააწვა ზევიდან, კინალამ დაახრჩო. წავიდნენ დედა და შვილი მამასთან. გუთანი რომ დაინახა, ცეროდენამ დაუყინა მამას: მამილო, შენ ჩამოდი, მე უნდა დავუჭდეო.

— შენ რა ხარ, შე პაწაწკინავ, — უთხრა მამამ, — შენ რა უღელზე დასაჯდომი ხარ, ხომ ჩამოვარდი და გაგჰყლიტეს ხარებმაო.

— არა, უნდა დავუჭდე და უნდა დავუჭდეო, — დაიყინა ცეროდენამ.

ჩამოვიდა მამა. ცეროდენა დაუჭდა, მაგრამ გადმოვარდა და კამეჩის პატივში ჩავარდა.

ექება მამამ, მაგრამ ვერ იპოვა და ვერა. დაიკარგა ჩვენი ცეროდენა. დაღონდა დედაცა და მამაც.

ბედად ცა მოიღრუბლა, დაიქუხა, დაიგრიალა, გააგრიალ-გამოაგრიალა თავისი რკინის ბურთები ცაზე და კოკისპირულად დაუშვა წვიმა. კამეჩის პატივი გაშალა, გაფანტა და ჩვენი ცეროდენა უვნებლად კი ამოვიდა. გამოიჩრეცა პირი, ყურები და ისევ ის ბიჭი დადგა. ცოტათი შესცივდა. წამოვიდა და ვაზებში ქვეშ ცეცხლი დაინთო, მოუჭდა გვერდზე და თბებოდა.

ერთიც ვნახოთ, მგელი მოძუნძულდა, დაინახა ცეროდენა და ესიამოვნა: ერთი ლუკმა მაინც გამომივაო.

მივიდა ცეროდენასთან და უთხრა: უნდა შეგჭამოო.

— ვერ შემეჭამო, — უპასუხა ცეროდენამ გულადად. წამოხტა და მგელს თავისი წვეტიანი ჯოხით შეუტია. მგელმა პირი გააღო და ცეროდენა პირში მოიქცია.

მგელს ძვლების ხვრაში ერთი კბილი ჰქონდა ახლადმოტეხილი და საშინლად სტკიოდა. ჩაჯდა იმ ნაკბილარში ცეროდენა და დაუწყუო ჯოხით ჩხვლეტა. მგელს საშინლად სტკიოდა, ეწვოდა და ღრიალი შორთო.

— გამოდიო, — შეეხვეწა ცეროდენას მგელი.

— ვერ გამოვალ, შენ გინდა კბილებში როგორმე მიგდო, — უპასუხა ცეროდენამ, — მე აქაც კარგა თბილადა ვარო.

მგელს კბილი ძალიან ეწვოდა. შეპფიცა ცეროდენას: ოღონდ გამოდი მანდედან და, პირიქით, ოქროსმატყლიან ერკემალსაც გაჩუქებო.

გამოვიდა ცეროდენა კბილიდან. მგელსაც დაუამდა ტკივილი, აჩუქა ერთი ოქროსმატყლიანი ერკემალი ცეროდენას და თვითონ თავის გზაზე გასწია.

ცეროდენა უდგას თავის ოქროსმატყლიან ერკემალს და აძოვებს. თან მღერის და უკრავს ჩალის სტვირსა.

ყაჩაღებმა ჩამოიარეს. საყდრის გატეხა უნდოდათ, მაგრამ რადგან საყდრის კარები შიგნიდან იყო დაკეტილი, ვერაფერი მოეხერხებინათ. ცეროდენა რომ დაინახეს, ძალიან გაუხარდათ.

— წამოდი, — უთხრეს ცეროდენას. — საყდარში გადაგსვამთ ფანჯრიდან, კარები გაგვიღე და, რასაც გამოვიტანთ, შენც გინაწილებთო.

— არა მცალია, ჩემს ერკემალს რაღა ვუყო, — უპასუხა ცეროდენამ. — მგელი შემიჭამს, მარტოკა რომ დავტოვოო.

ყაჩაღებმა არ დაიშალეს. ნახევარს მოგცემთო, უთხრეს და, როგორც იყო, დაიყოლიეს, წაიყვანეს და გადასვეს ფანჯრიდან.

ცეროდენამ გაულო კარები. როცა ყველაფერი გამოზიდეს, ცეროდენამ უთხრა ყაჩაღებს: მომეციტ ჩემი ერკემალი და დაპირებული ნახევარიო.

ყაჩაღებმა ნახევარზედაც უარი უთხრეს და ერკემალიც წაართვეს. დარჩა ცარიელი ცეროდენა.

ცეროდენა მაშინვე სოფლისკენ გაიქცა ყვირილით: მდევარი, მდევარი ჩქარა, ყაჩაღებმა საყდარი გაძარცვესო!

გაპოეიდა ხალხი ყაჩაღებს, დახოცეს, ის ოქროს ერკემალიც წაართვეს და ის ნაპარავი ნივთებიცა.

ქირი იქა, ლხინი აქა,
ქატო იქა, ფქვილი აქა.

სამი ღა

იყო ერთი ცოლ-ქმარი. ჰყავდათ სამი ქალიშვილი. ძალიან ღარიბად იყვნენ. არაფერი ებადათ, მამული არა ჰქონდათ და დედული.

ერთხელ იმ კაცის ცოლი თაროსა წმენდდა. თაროს წმენდის დროს სამი პურის მარცვალი გადმოვარდა. წაიღეს ეს მარცვლები, გაჩიჩქნეს მიწა და დათესეს. ყანა მოვიდა ისეთი, რომ ავი თვალით არ შეეხედებოდა, ზღვასავითა ღელავდა; თავთავისაგან მისხეპილი და მიწოლილი იყო. ცოლ-ქმარი სიხარულით ცას ეწეოდა.

აი, დამწიფდა მარცვალიც, შემოვიდა ყანა. ყველანი წავიდნენ მოსამკალად. მომკეს, შეკონეს და დადგეს უზარმაზარი ძნა.

მეორე დღეს მამამ გაგზავნა უფროსი ქალი ძნის სანახავად. მივიდა ქალი, შეხედა, ძნას ერთი უზარმაზარი გველვეშაპი შემოხვევია, სულ შემოსწვდენია ამ ძნას და კუდი პირში უჭირავს. ქალს შიშით გული წაუვიდა. მოვიდა მამასთან, უთხრა, ასეა საქმეო.

მამამ ახლა შუათანა ქალი გაგზავნა: ჰკითხე, რა უნდა, რისთვის მოვიდაო. ქალი შიშით კინალამ მოკვდა, ვერაფერიც ვერა ჰკითხა.

მერე უმცროსი ქალი გაგზავნა მამამ. ქალი მივიდა გველვეშაპთან და ჰკითხა: რა გინდა, რისთვის მოსულხარ, შეგვატყობინეო?

გველვეშაპმა უთხრა: წადი, მამაშენს უთხარი, ერთ-ერთი ქალი მომცეს ცოლადაო.

ქალი წავიდა მამასთან და უთხრა გველვეშაპის დანაბარები.

მამამ უფროს ქალს ჰკითხა: გაპყვები თუ არა, შვილო?

— აბა, მამ! — უპასუხა უფროსმა ქალმა, — აღარაფერს დავუკლებ, მე მაგას ცოლად გავყვეო!

შუათანამაც ასე თქვა. ჭერი უმცროსზე მიდგა. უმცროსმა ქალმა თქვა, გავყვებიო.

წამოიყვანა გველვეშაპმა ეს ქალი და წამოვიდა. წინ გველვეშაპი მიცურავს და უკან ქალი მისდევს. იმ სოფელს რომ გასცდნენ, გადიძრო გველვეშაპმა ტყავი და ისეთი ვაჟკაცი გამოჩნდა. რომ უკეთესი აღარ იქნება. ქალს ძალიან გაუხარდა.

ქმარმა უთხრა: ჩვენს ქვეყანაში ქაჭურად ლაპარაკობენ, ჩემმა დედამ რომ გითხრას, კოკა გატეხეო, კოკა უნდა მიუტანო, რომ გითხრას, წყალი დააქციეო, წყალი უნდა მიუტანო, რომ გითხრას, თონე დაამტვრიეო; შენ თონე უნდა გაახურო, რომ გითხრას, სუფრა აალაგეო, შენ სუფრა გაშალე, რომ გითხრას, ჯამები დაამტვრიეო, შენ მოიტანე. ასე დაარიგა ცოლი და წავიდნენ.

ქაჯების ქვეყანაში რომ მივიდნენ, დედამთილმა უთხრა ახალ რძალსა: წყალი დააქციეო. რძალმა აიღო და მიუტანა. ყველაფერი ისე აასრულა, როგორც ქმარმა დაარიგა. ძალიან უკვირდა ყველას: ახალმოსულია და როგორ იცის აქაური რიგი და წესიო. ყველამ მოიწონა და შეიყვარა.

ქალი დაორსულდა. მშობაარობის დრო რომ მოახლოვდა, წინაწვევად მამის სახლში, სამშობლოში წაიყვანეს. დებს ძალიან შეშურდით იმისი ქმარი და ცხოვრება.

მოილოგინა ქალმა. ვაჟი ეყოლა. ქმარიც მოუვიდა. როცა წასვლა დააპირეს, უფროსმა დამ გაყოლა მოინდომა. უმცროსმა დამ უთხრა: ნუ წამოხვალ; ჩემი დედამთილი ბოროტია, არ მოგასვენებსო. ქალმა არ დაიშალა და გაპყვა.

გზაზე რომ მიდიან, ცოლისდამ უთხრა სიძეს: შენ წინ წადი და მოგეწვეითო.

ვაჟი წავიდა წინ და დები უკან მიდიან.

გზაზე ერთი მსხმოიარე ვაშლი შეხვდათ. ძალიან მაღალი იყო და გლევი, უტოტო. უფროსმა დამ უთხრა უმცროს დას: მოდი, დაო; ჩემი ტანისამოსი ჩაიცვი, შენი ტანისამოსი არ დაგეხიოს. მე გიზურგულე, ადი ამ ვაშლზე, დაკრიფე, სანამ ჩამოხვალ, ბავშვს მე დავიჭერო.

რას იფიქრებდა საბრალოდ დედა! შვილი დას მისცა, იმან უზურგულა და ავიდა ვაშლზე. ქალმა აიყვანა ვაჟი ხელში და გზას გაუდ-

გა. ტირის ბავშვი, ტირის, სულ მუშტისტოლა ცრემლებს აბნევს, მაგრამ ვინ უგდებს ყურს?!

ზის ქალი ვაშლზე და ესმის შვილის ტირილი. ვერ გაძლო და დაუძახა დას:

ნუ მიტირებ, დაო, ყრმასა.

შემომისვი ქანდარასა,

მოგიწოვებ პატარასა.

ამ ქალმა სიძე რომ დაინახა, დაუძახა: მოიცადე, აღამიანო, რძე გამიშრა და ბავშვი მიტირისო!

დაუცადა კაცმაც. იმასაც თავისი ცოლი ჰგონია, რაკი ისე არის მორბული, როგორც იმისი ცოლი. წამოვიდნენ შინ და წამოიყვანეს ვაჟიც.

— და რაღა უყავიო? — ჰკითხა გველეშაპმა.

— მე ვუთხარი, რომ ჩემს დედამთილს ვერ გაუძლებ-მეთქი და უკან დაბრუნდაო.

მივიდნენ სახლში. დედათილი ეუბნება: რძალო, ლიტრა გატეხეო. ისიც აიღებს, დასცნებს და ჩახს! ჯამები დაამტვრიეო. ისიც აიღებს, დასცნებს და ამტვრევს. თონე ჩაანგრეო! აიღო ცული. დასცნო და ჩაანგრა! ყველამ ეკვი შეიტანა, აქ რაღაც ამბავიო!

რაკი რძე არა ჰქონდა, ერთი ძროხა ჰყავდათ და იმისი რძით დაუწყეს ბავშვს ზრდა. როდესაც ცოტა მოიზარდა, წაიყვანდა ხოლმე თავის ძროხას მინდორში და თვითონაც იქ ედგა და აძოვებდა.

დედა ვაშლზე რომ დარჩა, იმდენი იტირა, იმდენი იტირა, რომ ცრემლად და სისხლად ჩამოიღვარა მიწაზე. სადაც იმისი სისხლი და ცრემლი მოხვდა, ისეთი ლერწამი მოვიდა. როგორც ტყე. ათასნაირი ყვავილი და ბალახი გაიშალა.

ერთხელ პატარა ბიჭმა წაიყვანა ძროხა და იმ ვაშლთან მივიდა. მოსტება ერთი ლერწამი, ფრჩხილით გააკეთა სტვირი, დაუკრა და დაუკრა. სტვირი უკრავდა და თან იძახოდა:

სტვირო, სტვირო,

რასა ტირო?

მე დედაშენი ვშავდები,

შენ ჩემი შვილი ბრძანდები!

სტვირი სულ ამას იძახდა. ვაჟმაც ჩაიკრა გულში სტვირი და აღარ იშორებდა. სახლში რომ მოვიდა, მოიტანა, დაუკრა და სტვირმა ისევ ის სიტყვები დაიძახა. ქალს გულზე ცეცხლად წაეკიდა.

წაართვა სტვირი ბავშვს და დაუმტვრია, მაგრამ ნატეხი სტვირი ისევ უკრავდა და იძახოდა:

სტვირო, სტვირო,
რასა ტირო?
მე დედაშენი ვშავლები,
შენ ჩემი შვილი ბრძანდები!

ქალმა გაიგონა კიდეც. წაართვა ნამტვრევებიც ბავშვსა და თონეში ჩაყარა. ნამტვრევები რომ დაიწვა, ნაცრისაგან ქალის სახე გამოისახა და მიესვენა თონეზე. ბავშვიც იქვე იჯდა და ჩასტიროდა.

ჩაიხედა იმ ქალმაც და დაინახა თონეში დის სახე. გაცეცხლდა, გაბრაზდა, ამოაღებინა ნაცარი და ბანზე მოაყრევინა. იმ ადგილას მშვენიერი ალვის ხე ამოვიდა. ნახა გველვეშაპმა, ძალიან გაუხარდა, აატანინა ლოგინი და დაიდგა იმის ქვეშ. დამე რომ დაეძინებოდა, ჩამოხრიდა ალვის ხე ტოტებს და ჩაეკონებოდა მძინარე ქმარსა.

ქალი კი სიბოროტითა კვდებოდა. მოიავადმყოფა თავი და უთხრა ქმარს: თუ მაგ ალვის ხეს მოჭრით, მაგის ვარცლს გააკეთებთ და შიგ იმ ვარცლში მბბანებთ, ხომ კარგი, მოვრჩები, თუ არა და მოგკვდებიო.

— ჯანაბას შენი თავი, თუ მოკვდები, — უპასუხა ქმარმა, — მოკვდი და მოქასვენეო.

გველვეშაპი სანადიროდ წავიდა. ცოლმა მუშებს დაუძახა და მოაჭრევინა ალვის ხე, გააკეთებინა ვარცლი, მაგრამ არ გაიბანა კი: ავად არ იყო და რად გაიბანებოდა?

მოვიდა ქმარი. ძალიან ეწყინა და გაჯავრდა, მაგრამ გაჯავრება რაღას უშველიდა.

იმ ალვის ხის ერთი ნაფოტი ერთი უშვილო ბებრის ბანზე დაეცა. იპოვა ბებერმა, შეიტანა და სახაშეს დააფარა. ბებერი რომ სადმე წავა, ის ნაფოტი გადაიქცევა ქალად, დაგვის, დააკრიალებს იქაურობას, დარეცხავს ჯამ-ჭურჭელს. დაალაგებს, ისევ ნაფოტად გადაიქცევა და ისევ სახაშეს დაეფარება.

მოვა ბებერი, დაინახავს დაგვილ-დაწმენდილ სახლს, დარეცხილ-დასუფთავებულ ჭურჭელს. უყვირს. მიდის მეზობლებში და ზოგ ვის ეუბნება მადლობას და ზოგ ვისა.

— შენს სახლში ფეხიც არ შეგვიდგამს, არც დაგვიგვია და არც დაგვისუფთავებია. იქნება ვინ იყოს, კარებს უკან დაიმაღე და ნახავო. — ეუბნებოდნენ მეზობლები.

ბებერი სწორედ ისე მოიქცა, როგორც უთხრეს. დაიმალა კარებს უკან და დაუწყო ცდა.

ნაფოტმა იფიქრა: ახლა კი წავიდა ბებერიო, იქცა ქალად და დაუწყო სახლს დაგვა და დაწმენდა. მიეპარა ბებერი, სწვდა და დაიჭირა.

— ვაიმეო! — დაიწვილა ქალმა.

— ნუ გეშინია, შენ შვილი და მე დედა, — უთხრა ბებერმა, — ღმერთმა სხვა შვილი არ მომცა და შენ მაინც იყავი ჩემი ქალიშვილიო.

ქალსაც ძალიან გაუხარდა. ამას იქით ერთად იყვნენ და ცხოვრობდნენ ტკბილად.

ერთხელ ქალი შეეხვეწა ბებერს: შენი ჭირიმე, ჩემო დედავ, აქ რომ ვეშაპა, ის დავპატიყთო, იმის ცოლიცა და შვილიცაო.

ბებერმა ნება დართო, რატომ არა, შვილო, ვინც გინდა, მე რა წინააღმდეგი გაგიხდები, დავპატიყთო, თუკი ვინმე გესიამოვნებაო.

გამართა ქალმა სადილი და მიიპატიჟა თავისი ქმარი, შვილი და ის ბოროტი და.

სადილზე სადღეგრძელოები რომ ჩამოაყოლეს და ყველამ მიირთვა, ქალმა აიღო ჭიქა, დაასხა ღვინო და დაილოცა:

— გაცოცხლოს შენ, ჩემო ქმარო, შენც, ჩემო შვილო, და შენც, ჩემო დაოო!

ქმარს აქამდისაც ეცნობოდა ეს ქალი, გულიც შეუვარდა და ახლა კი დარწმუნდა, რომ მისი ცოლი ეს იყო.

ქალმა დაწვრილებით უაპბო ყველაფერი. მოაბა ქმარმა ის მოლაღატე და ცხენის ძუას და დააჩქლეთინა. თვითონ ისევ თავისი წინანდელი ცოლი შეირთო და ბედნიერად იცხოვრეს.

ჭირი იქა, ლხინი აქა,
ჭატო იქა, ფქვილი აქა.

მუშაკის ლაგამი

იყო და არა იყო რა, იყო ერთი საშინლად ძუნწი, მაგრამ ძალიან მდიდარი კაცი. აუარებელი ცხვარი და საქონელი ჰყავდა, შინაც სარჩო მრავალი ჰქონდა. ისეთი ძუნწი იყო, რომ სულ მშვიერი და ტიტველი დადიოდა, არაფერს არ იცვამდა ტანზე. ცოლ-შვილსაც

შიმშილით ხოცავდა. მწყემსებს არ იჭერდა: დაკლავენ და შეჭამენ რასმეო, თვითონ მწყემსავდა.

არც თვითონა ჭამდა და არც სხვებს აჭმევდა, არც მეზობლისა და არც სტუმრისა სახლში შეყვანა არ იცოდა.

ერთხელ ეს ძუნწი კაცი შინდორში ცხვრებს მიერეკებოდა. შეხედა, მგელს ერთი უსახელო, ეშმაკის პატარა შვილი უჭირავს პირში და მიაბენინებს. მეცხვარემ. მოიგლიჯა თოფი, გადაურბინა მგელს წინ, ესროლა და გააგდებინა. მერე მივიდა და თან წამოიყვანა.

უსახელომ უთხრა, რაკი გადამარჩინე, ჩემ დედ-მამასთან თუ არ წაგიყვანე, არ იქნება: ისინი გადაგიხდიან ჩემს მაგიერ სიკეთესაო.

ალარ მოეშვა უსახელო ამ ძუნწსა. დაუყენა ძუნწმაც ცხვარს კაცი და გაჰყვა უსახელოს. ისეთ ღაღაღღაზე ატარა, ისეთ კლდეებზე მიჰყავს, რომ ეს ძუნწი ძლივსლა მიათრევს ფეხებს.

იარეს და იარეს ამ კლდეებზე. უსკდება გული ძუნწსა. ფიქრობს: ვაითუ ამ ეშმაკმა გაპიტყუა და გადამჩხოსო.

უსახელომ უთხრა: ჩემს დედ-მამას დიდი სარჩო აქვს, ბევრ ოქრო-ვერცხლს შემოგაძლევენ და არ აიღო. შენ უთხარი: ჩემი ქონება მომეციო-თქო.

მივიდნენ ეშმაკის სახლში. უამბო პატარა ეშმაკმა, როგორ გამოსტაცა ამ მეცხვარემ მგელსა. ეშმაკებმა დიდი სიამოვნებით მიიღეს ძუნწი, შეიყვანეს სულ ოქროთი და ვერცხლით სავსე ოთახში.

— აი: შვილო, წაილე რამდენიც გინდა, აკრიფე, გულაში ჩაიყარეო! — უთხრეს ძუნწ მდიდარს პატარა ეშმაკის მშობლებმა.

მისდის სული ძუნწს, უნდა აკრიფოს ეს ოქრო-ვერცხლი, გაივსოს გულა და წაიღოს, მაგრამ პატარა ეშმაკი თვალს უშვრება.

— აკრიფე ოქრო და ვერცხლი, რამდენიც გინდაო, — ეუბნებიან ეშმაკის მშობლები.

ძუნწი ხმას არ იღებს.

— წაილე ოქრო-ვერცხლი, რამდენიც გინდაო, — ეუბნებიან.

ის კიდევ ჩუმად არის, არ იღებს ხმას.

— მაშ, რას ითხოვ, რა მოგცეთ, გვეთხარ და აგისრულებო. შენთვის არაფერს დავიშურებთო.

— ჩემი ქონება მომეციო, — უთხრა ძუნწმა.

ეშმაკებს როგორღაც ემძიმათ ძუნწის სათხოვარი. შეყოყმანდნენ, მაგრამ მერე მივიდნენ ძუნწთან და ქისტი წაჰკრეს კისერში. ამ

ძუნწს პირიდან ლაგამი კი წავარდა. დაავლო ლაგამს ხელი ეშმაკმა და შეინახა.

ეს ძუნწი თითქოს ახლა გამოერკვაო, მიიხედ-მოიხედა: სადა ვარ, აქ რას ვაკეთებ, ვინ მომიყვანა ამ სახლშიო.

დაიხედა ტანზე, ხედავს, თითქმის ტიტველია, ჩამოხეულ-ჩამოგლეჯილია, თავის თავი თვითონ შეზიზღდა. ფეხაკრეფით გამოსწია. მოდის გზაზე და ფიქრობს თავის თავზე. მოაგონდა მაშინ, ცოლ-შვილიც მშვიერ-ტიტველი და საცოდავები რომ ჰყავდა, დანანდა, გაუჯავრდა თავის თავსა. ახლა სულ თვალწინ წარმოუდგა, რაც თავის სიძუნწით გაჭირვება და სიხარბე გაწია.

მოვიდა ცხვარნი. უბრძანა ბიჭს, დაეკლა ერთი კარგი ჰედილა, გაგზავნა სახლშიაც საკლავი. ცოლს შეუთვალა: ტანისამოსი გამო-მიგზავნეო. იყიდა ყველაფერი თავისი ცოლ-შვილისათვის და გაგზავ-ნა. სანამ ტანისამოსი არ მოუვიდა, თვითონ ვერ წავიდა სახლში, რცხვენოდა.

უხარია ცოლ-შვილს, ეს რა ხასიათი შესცვლია ამ კაცსაო.

ამრიგად, მისი ქონება ეშმაკებს აღარ დარჩა და თვითონვე მოიხმარა.

პირი იქა, ლხინი აქა,
ქათო იქა, ფქვილი აქა.

დღისით მკვდარი

იყო ერთი სოფდაგარი. ჰყავდა სამი ქალიშვილი.

ერთხელ სავაჭროდ მიდიოდა, თავისი ქალიშვილები მოიხმო და ჰკითხა: უცხო მხარეს მივდივარ და რა მოგიტანოთო?

უფროსმა უთხრა: ისეთი კაბა მომიტანე, მისით ჩამეცმებოდეს და მისით გამეხდებოდესო.

შუათანამ უთხრა: ისეთი სარკე მომიტანე, რომ ყველაფერი და-მანახოს, რაც დედამიწის ზურგზე და მალლა ცაში ხდებაო.

უმცროსს უთხრა: შენ რალა მოგიტანო? უმცროსმა უთხრა: მოვიფიქრებ და გეტყვიო.

ქალს ერთი ძალიან ჰკვიანი ძიძა ჰყავდა და იმას ჰკითხა: მამა უცხო მხარეს მიდის და რა დავაბარო, რა მოგიტანოს, შენ მასწავლეო.

2. ხალხური სიბრძნე, ტ. II.

ძიძამ უთხრა: ისეთი ვაშლი მოგიტანოს, რომ ნატვრა გისრულდებოდეს.

წავიდა ქალი და მამას დააბარა: ისეთი ვაშლი მიყიდე, გავქრა, ისევ გამთელდეს, გაჭრილი შევჭამო და მეფის დედა გავხედო.

— კარგიო, — უთხრა მამამ და წავიდა.

დაბრუნდა ერთი წლის შემდეგ. უფროსებს მოუტანა, რაც დააბარეს. უმცროსს უთხრა: შენ რაც დამაბარე, ვერ ვიშოვე. აღმოსავლეთისაკენ ყოფილა ერთი ბალი. გველების ღობე ჰქონია, მცველად პირდაღებული ვეშაპები ჰყოლია და ის ვაშლიც იქა მდგარა. იმ ბალს ჯერ ადამიანის ძე არ მიჰკარებია და, აბა, მე როგორ მოგიტანილი!

დაღონდა ქალი, ტირილი დაიწყო. მოვიდა ძიძა და ჰკითხა: რად ტირი, გენაცვალეო?

— ასეა ჩემი საქმე, მამას ის ვაშლი ვერ უშოვია, ჩემი დების დაბარებული საჩუქრები კი მოუტანიაო.

ძიძამ ანუგეშა: თუ მარჯვედ მოიქცევი, შენ თვითონ იშოვი მაგ ვაშლსაო. წალი აღმოსავლეთისაკენ, ერთ ტრიალ მინდორში თვალს მოჰკრავ პატარა ბალსა. ეს არის სწორედ ის ბალი, გველების ღობე რომ ავლია და ორი პირდაღებული ვეშაპი შესასვლელთან რომ უწევსო. ბალში ერთადერთი ის ხე დგას. ესენი იმ ხესა და მის ნაყოფს დარაჯობენო. შუადღეზე, მზე მალდა რომ აიწევა და სიცხე ჩამოაქვრს, შაშინ გველებს და ვეშაპებს ეძინებაო. სწორედ ის დრო შეარჩიე, შევარდი, მოწყვიტე ერთი ვაშლი და უკან არ მიიხედო, ისე გამოიქეციო.

წავიდა ქალი. იარა ერთი დღე, მეორე, მესამე, ერთი თვე. მიადწია, როგორც იყო, იმ მინდორს. გაიხედ-გამოიხედა, დაინახა საკვირველება: ერთ ალაგას რგვლად არის მოვლებული გველების ღობე. შესავალთან პირდაღებული უშველებელი გველვეშაპები წვანან. შიგნით ერთადერთი ვერცხლის ხე დგას, ზურმუხტის ფოთლები ასხია, მახვილმსხვილი ვაშლები აბია: ერთ მხარეს ლალის ფერის, მეორე მხარეს ალმასის ფერისა.

ამის დანახვაზე ქალმა კინაღამ ჰკუთა დაკარგა. გადაწყვიტა: ან ამ ქვემძრომების ლუკმა უნდა გავხდე. ანდა ეს ვაშლი უნდა დავკრიფო, შუადღისას მივიდა ახლოს. გაიხედა, მართლაც, სძინავთ გველვეშაპებს, დაუდვიათ მიწაზე თავი და ხვრინავენ. ქალმა ისკუბა და შევარდა ბალში. მოწყვიტა ერთი ვაშლი და გამოიქეცა უკან. მორბის და შოაქვს ვაშლი. უხარია, შავრამ რაღაც ხმაურობა ესმის: აშლილა

მთელი გველეთი, გველვეშაპები წავილ-კივილითა და ყვირილით მოსდევენ ქალს. მოიხედა უკან, რაღა ქნას! შირბცს, ღონე ელევა. უკან მისდევს აუარება ქვემძრომი. რაღაც ხმა გაიგონა: გადაუგდე ვაშლი, თუ არა, დაიღუპებო.

სასოწარკვეთილებაში ჩავარდნალმა ქალმა გადაუგდო უკან ვაშლი და გრძობამიხილი იქვე დაეცა. ცოტა ხანს შერე ვონს მოვიდა, ადგა. გაიხედ-გამოიხედა; არაფერი არა ჩანს, არც ვაშლია, არც გველვეშაპი და გველები მოსდევენ. დგას ერთ მინდორში. უნდა დაბრუნდეს სახლში, მაგრამ გზა დაეკარგა, საით წავიდეს, არ იცის. დაადგა გზას და მიდის. სად მიდის, თვითონაც არ იცის.

გაიხედა, მოჰკრა თვალი პატარა საყდარს. მიადგა კარს. კარი დაკეტილია შიგნიდან. არც საჭმელი, არც არაფერი. შემოუარა გარს: უნდა თავი შეათაროს. ტირის, დაჯდა იქვე. რომ დაღამდა. რაღაც ხმაური გაიგონა შიგნიდან. შეშინდა და იქვე დაიშალა. უცებ ვაიღო კარი, ერთი ახალგაზრდა ვაჟი გამოვიდა საყდრიდან და ბნელაში მიიშალა. კარი ღია დარჩა. ქალი შიგ შევიდა და ნახა: ერთ კუთხეში კუბო დგას, მეორეში — ლოგინი. ლოგინის წინ სუფრაა გაშლილი პურ-ღვინით. ქალს ძალიან ჰშია. უნდა პური მოტეხოს, მაგრამ ამ დროს ფეხის ხმა გაიგონა. ლოგინქვეშ შეძვრა. შემოვიდა ვაჟი. გაიარ-გამოიარა, პირი დაიბანა. დაჯდა და პურის ჭამას შეუდგა. ჭამს ბიჭი პურსა.

გათენებამ მოაწია თუ არა. ვაჟმა ახალა კუბოს თავი და შიგ ჩაწვა.

ქალი გამოვიდა საფრიდან. მივიდა კუბოსთან. უნდა ამ ბიჭს პური სთხოვოს. ნახა, რომ ვაჟი უკვე მეკდარია. ქალს შეეშინდა, მივიდა სუფრასთან და იფიქრა: მე თვითონ მოვტეხ პურსა და ვჭამო. ყველაფერი ხელუხლებელივით დახვდა. გაუკვირდა ძალიან: ეს კაცი წუხელ პურსა ჭამდა და სუფრა კი ისევ ისეაო. ქალმა ვერ გაბედა პურის ჭამა, ჰშია, მაგრამ არ ახლო ხელი არაფერს.

გააღო კარი და გამოვიდა გარეთ. უნდა წასვლა, მაგრამ სად წავიდეს, ვერაფერს ხედავს, არც გზა არის, არც არაფერი.

იხეტილა ცოტა ხანს. საღამო უკან ისევ ამ საყდარში შევიდა. მზე რომ ჩავიდა, სინათლე თავისთავად აინთო საყდარში. მიიხედა, კუბოდან კიდევ რაღაცა ხმაური გაიგონა. შეეშინდა, ისევ იმ ლოგინქვეშ შეძვრა და დაიშალა. გამოიჭვრიტა და ხედავს, კუბოდან მშვენიერი შესახედავი ვაჟი ამოძვრა, გაიზმორა, გაიარ-გამოიარა, პირი დაიბანა, მივიდა სუფრასთან, დაჯდა, აიღო პური და ჭამას შეუდგა. პურის ნამცეცები სუფრის წინა ცვივა. ქალმა ხელი

გამოყო, პაწაწინა ნამცეცები პირში ჩაიდო და ცოტა სული მოითქვა.

გათენებამ შოაწია თუ არა, ვაყი ისევ ჩაწვა კუბოში. ქალი არ შეუპჩნევია.

მეორე დილას ქალი გამოვიდა ლოგინქვეშიდან. ახლა კი ვეღარ მოითმინა. შიშშილისაგან დასუსტდა, მივიდა სუფრასთან, ნახა, ყველაფერი ისევ ხელუხლებელია. გაბედა, როგორც იყო, პური და ხორცი მოჭრა და შეჭამა. ერთი კიქა ღვინოც დაასხა და დალია.

ამასობაში დაღამდა. კვლავ შეძვრა ლოგინქვეშ. ვაყიც ადგა კუბოდან ცოტა ხნის მერე და მოუჯდა სუფრას. დახედა პურს თუ არა, ზეზე წაშოვარდა: ეს რა ამბავია ჩემს თავსაო! ოცდაათი წლის განმავლობაში თავგი რა არის, ისიც არ მინახავს ამ საყდარშიო.

ერთი მოზრდილი პურის ნაჭერი ისროლა. ქალმა გამოყო ხელი და წაეტანა. ვაჟმა სტაცა ხელში ხელი და გამოათრია. შეხედა, რას ხედავს. მშვენიერი ქალია!

მოეწონა ძალიან. უაჰმეს ერთმანეთს თავიანთი თავგადასავალი. ქალმა ვაჟს ჰკითხა: რა არის, რომ დღისით მკვდარი ხარ და ღამით ცოცხალი?

ვაჟმა უამბო: მე ვარ ერთი სოფლის ბატონიშვილი. ნადირობა მიყვარდა ძალიან. ერთხელ სანადიროდ წავედი. ერთ ირემს გამოვეკიდე. ირემი თვალიდან არ მეკარგებოდა, დღე და ღამე მივდევი. ერთ მაღალ მთაზე ავიდა და იქ გაქრა. მთაზე რომ ავდიოდი, მზის ცხრა თვალი დაჰყურებდა დედამიწას და არემარეს წვავდა. მეც, სიცხისაგან შეწუხებულმა, მზეს მშვილდ-ისარი ვესროლე. მოხვდა თვალში და ცალი თვალი წაუხდინა. იმის მერე ქვეყნის ნახევარი სულ ზნელშია გახვეულიო. ამისთვის ღმერთმა დამსაჯა: დღე მკვდარი ვარ და ღამე ცოცხალიო. ნათესავებთან ცხოვრება არ შემიძლია, დედ-მამამ ამ მინდორში ამიშენა საყდარი. აქ დაასვენეს ჩემი კუბო და ასე ვცხოვრობ მას მერე. დღეში ერთი პური, ერთი ცხვრის გავა და ერთი დოქი ღვინო მეძლევა. გადმოვასხამ, ღვინოს იმდენივე ემატება, მოვჭრი ხორცსა — ხორცი მთელდება, მოვჭრი პურსა — პური მთელდებაო... აი, შენ რომ პური მოგიჭრია, ხომ ხედავ: ემჩნევა, არ გამთელებულა! ახლა არ ვიცი, შენ რა უნდა გაჭამო?

ძალიან შეუყვარდათ ერთმანეთი. ვაყი გაქრებოდა ღამის სიბნელეში, მოჰქონდა პურის ნატეხები. ხან თვითონ მშვიერი რჩებოდა და იმ ქალს აძლევდა თავის ულუფას.

ასე შეინახა ვაჟმა ქალი ექვს თვეს. ქალს დაეტყო ორსულობა.

ვაჟმა უთხრა: შენი აქ ყოფნა შეუძლებელია. ძალიან მიყვარხარ, მაგრამ აქ ვერ შეგინახავ, უნდა წახვიდო.

ქალმა ტირილით უთხრა: მე შენ თავს ვერ დაგანებებო.

ვაჟმა არ უსმინა. ამოიღო გორგალი, ძაფის ბოლო ხელში მისცა. გორგალი გააგორა მინდორში და უთხრა: მიყევი მაგ გორგალს და ჩემს მშობლებთან მიგიყვანსო. მშობლებს არათფერი უთხრა, ბავშვი გეყოლება, ბავშვს იქვე დატოვებ და ისევე ჩემთან გამოიქცევიო.

გადაეხვია ქალს, აკოცა და გაისტუმრა.

წავიდა ქალი, მიჰყვება გორგალს. იგორა გორგალმა და ერთი ციხე-დარბაზის წინ გაჩერდა. ქალიც იქვე ჩამოჯდა. ნახეს მოსამსახურეებმა, ჯერ არ შეუშვეს სახლში, მაგრამ მერე სახლის პატრონმა მოჰკრა თვალი, შეეცოდა ორსული ქალი და შინ შეუშვა. ცხოვრობდა იქ. ერთ დღეს ეყოლა მშვენიერი ვაჟიშვილი.

კუთხეში აგდია საწყალი, ჩალა უგია და კონკები ახურავს.

ღამდამობით ვიღაცა მოდის ამ ქალთან და უძახის ჯარედან: სულო ჩემო, როგორ შენ და როგორ ჩემი ძეო?

— ჩალაზე ვწვევართ მე და შენი ძე, კონკები გვახურავს, პურის ქერქი გვიყრია, იმის დასალბობად ერთი კათხა წყალი გვიდგასო.

კაცმა ჩაილაპარაკა: ვაი დედასა ჩემსა! ვაი მამასა ჩემსა! ვა უფრო გადიასაო!

ეს გაიგონეს მოსამსახურეებმა. წავიდნენ და ბატონს უთხრეს: ვიღაც კაცი მოდის ღამით და ამისთანა სიტყვებს უძახის იმ ქალს. ჩვენ რომ აქ გეყავს სამადლოდაო.

ერთ ღამეს თვითონ ოჯახის პატრონები ჩამოვიდნენ ძირს და დაიძალნენ კუთხეში. ღამით ისევ მოვიდა ეს კაცი და დაიძახა: სულო ჩემო, როგორ შენ და როგორ ჩემი ძეო?

იმ ქალმაც დაუძახა: ჩალაზე ვწვევართ მე და შენი ძე. კონკები გვახურავს, გამხმარი პურის ქერქები წინ გვიყრია, იმის დასალბობად ერთი კათხა წყალი გვიდგასო.

კაცმა გარედან დაუძახა: ვაი დედასა ჩემსა! ვაი მამასა ჩემსა! ვაი უფრო გადიასაო! და გაქრა ღამის სიბნელეში. გამოცვივდნენ გარეთ, მაგრამ ვერაფერი ვერ დაინახეს.

ქალს გამოჰკითხეს: ვინ არის, რომ გელაპარაკებო?

ქალმა უამბო თავისი თავგადასავალი. ვაჟის დედ-მამას ეპვი დაებადათ: ეს უთუოდ ჩვენი შვილი აქნებო.

ქალი დააწვინეს მშვენიერ ოთახში და მომვლელები დააყენეს თავზე.

— ის ვაჟი რომ მოვიდეს, აქ შემოიხმე და არ გაუშვა, გვაჩვენეო.

იმ ღამეს არაფერი. მეორე ღამეს მოვიდა კარს უკანა და დაიძახა: ჩემო სულო, როგორ შენ და როგორ ჩემი ძეო?

ქალმა რა გაიგონა. აქედან ხმა მისცა: შემოდი ოთახშიო.

იმან უთხრა: მე შემოსვლა არ შემიძლია. ის კი არა, აქ მოსვლის უფლებაც არა მაქვსო. მითხარი, როგორ ხართო?

ქალი არ მოეშვა: არ გეტყვი, შენი თვალითა ნახეო!

კაცმა ვერ გაუძლო ქალის მუღარას. შევიდა. ბავშვს დაუწყო კოცნა. ქალსაც გადაეხვია. კარის უკან დედ-მამა იყო ჩასაფრებული. შემოცვივდნენ მაშინვე, შეჰოხებვიდნენ ვაჟს, იცნეს შვილი, დაუწყეს კოცნა. დედ-მამა ტიროდა. არ უშვებდნენ: ჩვენთან დარჩიო, ეუბნებოდნენ.

ვაჟი არ ნებდებოდა: საცა არის, გათენდება, უნდა წავიდე, თუ არა, აქ მოვეკვდებიო.

ამასობაში მამალმაც იყივლა. უკვე თენდებოდა. ვაჟს მუხლები მოეკვეთა და მკვდარი დაეცა.

შეიქმნა წივილ-კივილი. დედ-მამის მწუხარებას საზღვარი არა ჰქონდა. ამ დროს ქალი წამოვარდა: მე უნდა ვიშოვნო ამის მოსარჩენი წამალიო.

ადგა და წავიდა. დედ-მამამ მოსამსახურეები გააყოლა — ოთხი კაცი.

ქალი ფიქრობს: უნდა წავიდე მზესთან და იმან უნდა მომცეს მაგის მოსარჩენი წამალიო.

მიდის ქალი. მიჰყვებიან კაცები. თვეობით მიდიან, წლობით მიდიან. მოსამსახურეები გზაში დაეხოცა. თვითონ ტანისაშლისი დაეხა, დაგლახაკდა. მობრუნების იმედი არა აქვს. გადაწყვიტა, ცოცხალი არ დაებრუნდებო. მზის ქვეყანას უნდა მიიღწიოს. მზეს უნდა გამოსთხოვოს ვაჟის მოსარჩენი წამალი.

მივიდა მზის სასახლეში, სული ძლივს მიიტანა.

მზე შინ არ იყო. მზის დედას გაუკვირდა, აქ ჩემი შვილის შიშით აღამიანი არ მოსულა, ყოველივე სულდგმულს წევავს მისი სიახლოვე, შენ როგორ გაბედე მოსვლაო?

— მე არ მეშინია, — უთხრა ქალმა, — სათხოვარი მაქვს მზესთანაო.

მოუყვა თავის თავგადასავალს. სთხოვა, მზე მაჩვენეო. მზის დედამ უთხრა: მზის ნახვა არ იქნება, სიახლოვეს ყველაფერს დაწვავს, შენს გაჭირვებას მე მოვახსენებო.

მზის დედას ქალი შეეცოდა, რადგანაც თვითონაც დედაპიწის შვილი იყო. ქალი დაბანა, ჩააცვა, აჭაჟა და დამალა.

სალამო ეამს მოვიდა მზე თავისი ცეცხლის მფრქვეველი თვალებით. დაიძახა მაშინვე: ადამიანის სუნი შეცაო!

დედამ უთხრა: არაფერია, შვილო, დღეს ტანისამოსი გამოვიცვალე, ტანი დავიბანე, მე ხომ ადამიანი ვარ, ჩემი სუნი იქნებაო.

ამ სიტყვებმა ნათქვამი გადააფიწყა შვილსა. დასხდნენ. ვახშამი მოუტანა დედამ და თანაც სიტყვა შეაპარა: მოგიკვდეს, შვილო, დედა! ეგ მეცხრე თვალიც რომ გქონოდა, რა ლამაზი იქნებოდი! მოუკვდეს იმას თავი, ვინც ის თვალი წამოგთხარა! მაშინვე იჭრატომ არ დაწვიო.

— არა, დედი, იმას ეყოფა სატანჯველი: დღისით მკვდარია და ღამით ცოცხალიო! ოცდაათი წელიწადია ადამიანი არ უნახავსო.

— უი, შვილო! ნამეტანი მოგსვლია მაგის დატანჯვაო! — დედამ უთხრა.

— აბა, დედი, ამისთანა საქმე დამემართა, ამდენი ხანია მარტოდ-მარტო, ტრიალ მინდორში დვას ერთი საყდარი, იქ კუბოში ასვენია დღისითო. ღამე გაიღვიძებს, გაივლ-გამოივლის, დილას ისევ მოკვდებაო.

დედამ წუწუნი დაიწყო: უი, შვილო, დიდად დაგიტანჯავსო!

— მეც მეცოდება, მაგრამ შველაც არ შემიძლიაო.

— ნუთუ იმის მოსარჩენი წამალი არ იქნება ქვეყანაზეო? — დედამ უთხრა, — ემარა სატანჯველიო.

— კი, წამალი როგორ არ არის, მაგრამ ვინ მიუტანსო!

— რა არის, მაინცაო? — ჰკითხა დედამ.

— ერთი წვეთი ჩემი პირისნაბანი წყლის წასმა და მისი მორჩენა ერთი იქნებაო.

მეორე დილას დედამ წყალი მიუტანა მზესა. მზემ პირი დაიბანა, რაღაც ეჭვი აიღო და დედას უთხრა: ეს წყალი გადაღვარეო!

დედამ წყალი გადაღვარა, ცოტა კი მაინც ჩატოვა.

მზე ადგა და წავიდა. დედამ ქალი გამოიყვანა. ეს წყალი სურაში ჩაუსხა. საგზალი გაატანა და გაუშვა.

— გზაში თუ ვინმე მკვდარი ნახო, ყველას წაუსვი და გააცოცხლეო, — დააბარა.

წავიდა ქალი, მიფრინავს ჩიტვივით. თოვლში ჩამხრჩვალ ხალხსა ხედავს. მივა, წაუსვამს ამ წყალსა და ყველას აცოცხლებს. გააცოცხლა თავისი მოსამსახურეებიც.

ერთი წლის ჰერე მოადწია სახლში. ყველას გაუხარდა მისი მოსვლა, მით უმეტეს, წამალი მოჰქონდა ქმრის მოსარჩენად. წაუსვა და გააცოცხლა. იმათ სიხარულს საზღვარი არა ჰქონდა. ღღესაც ბედნიერად ცხოვრობენ.

გველის ტყავზე ამოსული ალვის ხე

ერთ სოფელში მუდამ წელიწადს მოჯამაგირე ჰყავდა. წელიწადში სამ თუმანს უხდიდა.

ერთ წელიწადს ერთი საწყალი გლეხი დაუდგა მოჯამაგირედ. წლის ბოლოს სამი თუმანი დაუწყო წინ და უთხრა: ეს სამი თუმანი გირჩევნია, თუ სამი სიტყვაო?

გლეხმა იფიქრა: მაინც ღარიბი ვარ და ღარიბი, სამი თუმანი ხომ ვერ გამამდიდრებს, მოდი, ამ სამ თუმანს დავანებებ და სამი სიტყვა მითხრასო.

სოფელში იყო ეს სამი თუმანი მაშინვე ჩაიკეცა ჯიბეში და უთხრა სამი სიტყვა: ერთი — აქედან რომ წახვალ, რაც შენმა თვალმა მოიწონოს, უბრალო კენჭიც კი, აიღე და შინ წაიღე; მეორე — რასაც ვერ შეაწვდეს; არ წაეპოტინო; მესამე — შენი გულის პასუხი, ცოლი რა არის, იმასაც არ უთხრაო.

გლეხი ადგა და წავიდა. „ვაი, სამო თუმანო, აბა, რად მინდოდა სამი სიტყვა, სამი თუმანი ჩემს გაჭირებულ ცოლ-შვილს ცოტა რამეს უშველიდაო“, დარდობდა გზაში. მოდის დაფიქრებული.

ერთ ქრელ გველს ტყავი გაუხდია. და გზაზე გდია. მოეწონა. მოაგონდა სოფელის სიტყვა, აიღო, დაკეცა და ჯიბეში ჩაიღო. მივიდა სახლში. ეზოში რომ შევიდა, გველის ტყავის გადაგდება უნდოდა, მაგრამ შეეშინდა: არაფერი ავნოს ვისმესო და დიდი ქვის ქვეშ შედო. შევიდა შინ, დაწვა და დასაძინებლად მოემზადა. ცოლმა ჰკითხა:

— რა ჰქენი, კაცო?

— დამაცა, გათენდეს, ხვალ გეტყვი!

გათენდა მშვიდობის დილა. ქალი ფარეთ გამოვიდა, შეხედა, ეზოში ერთი ძალიან დიდი ალვის ხე ამოსულა, ცაში აქვს წვერი. შევარდა შინ და ქმარს უთხრა: კაცო, ეს ალვის ხე შენ ხომ არ მოგიტანია, გუშინ არ იყო, დღეს საიდან გაჩნდაო?

გლეხმა შეხედა თუ არა, თქვა. ერთი თუმანი უკვე გავანადღეო!

ახლა მთელი სოფელი ალაპარაკდა: საიდან და როგორ ამოვიდა ამოდენა ალვის ხეო. გლეხმა ხალხს უთხრა: თუ ძალიან გინდათ გაგება, მე ვიცი. რაზეც არის ამოსული ეს ალვის ხე, დავნაძღვედეთ და, თუ ვინმემ გაიგოს, თავი მოჰქერიო, თუ არადა, სანაძღეო დაწყვეთო!

დღესა, ხვალა, ზეგა ამ კაცმა გაიმარჯვა სანაძღეობით. საქმე წინ მიდის. მოდის და მოდის სანაძღეო. ერთ დღეს ვილაც ვაჭარმაც ჩამოიარა. ყრილობა რომ დაინახა, იკითხა:

— ეგ ხალხი რად მოგროვილაო?

— აგერ, ეს ალვის ხე ერთ ღამეს ამოვიდა და ამხელა გაიზარდა; პატრონმა იცის, რაზეა ამოსული და სანაძღეობებს იგებსო. — უპასუხეს.

ვაჭარმა თქვა: ამ საქმეს თუ გავიგებ, ქალისაგან, თორემ ქმარი არ იტყვისო!

ერთ დილაზე ადრე ჩამოიარა. გლეხის კარზე ჭერ არაფერ მოსულიყო. აიღო ათი მეტრი ჩითი და გადაუგდო. მეორე დილასაც ადრე ჩამოიარა და ათი მეტრი აბრეშუმი გადაუგდო. მესამე დილას საკაბე გადაუგდო. ახლა ქალმა დაუძახა:

— აქეთ გამოიარე: რატომ ყრი მაგ ფართალს, გუნებაში რა გაქვსო?

— რამდენი წელიწადია, მიყვარხარ. პირში ვერ გიბედავ და ასე შორიდან მინდა, რამე გასარგებლოო. — უპასუხა ვაჭარმა.

ქალმა იფიქრა: თუკი ამ ვაჭარს მე ვუყვარვარ, მეც ეს მიყვარსო! გამოუტყდა სიყვარულში. ვაჭარმა დაიწყო ქალთან სიარული. გავიდა დღე, თვე, წელიწადი. ერთხელ ქალს უთხრა:

— ნუთუ არ იცი, ეს ხე რაზეა ამოსული?

— არ ვიცი და არც მიკითხავს!

— აბა, საღამოზე შეეკითხე ქმარს და სინამდვილე გაიგე!

მოვიდა საღამოს ქმარი და ცოლმა ჰკითხა:

— რა კარგია, მეც ვიცოდე, ეს ხე რაზეა ამოსული, განა არ მეტყვი?

--- აბა, რად გინდა?

— როგორ არ მინდა, დღეს დიდი სანაძღეო დავკარგე, შენ შინ არ იყავი, მსურველები კი უკან წავიდნენ, რომ მცოდნოდა, მეც მოვიგებდი სანაძღეოს!

— არა უშავს რა, რასაც მე ვღებულობ, საკმარისია! — უთხრა ქმარმა.

ცოლი კიდევ შეუჩნდა, ჩააცივდა, დღე და ღამე მოსვენება არ მისცა. უნდა მითხრა და უნდა მითხრაო!

— კარგი, ხვალ გეტყვიო, — უთხრა გაბეზრებულმა ქმარმა, — ოღონდ არავინ გაიგოსო!

ქალმა მეორე დღეს გააფრთხილა ვაჭარი, კარებთან დაწეკი, ჩუმად მოისმინე, რასაც ქმარი მეტყვისო. ვაჭარი ღამით მიიპარა კარებთან და ყური დაუგდო ცოლ-ქმრის საუბარს. შუალამეა და ქმარი ჩუმად ეუბნება: არავინ გაგვიგოს კია და ეს ალვის ხე გველის ტყავზეა ამოსულიო!

— რაო, გველის ტყავზეო? — წამოიძახა ქალმა ხმამაღლა: რა არის, კარებში რომ ვაჭარი წევს, იმას გააგონოს.

ვაჭარმა გაიგონა ყველაფერი, წავიდა და ტკბილად დაიძინა. გათენდა დილა და ჯორ-აქლემით მიადგა გლესს კარებზე.

— აბა, სანაძლეო დავდოთ, გამოდი გარეთ! — დაუძახა გლესს, — მე ვიცი ეს ხე რაზეც არის ამოსული. თუ გამოვიცნო, ეს ხე რაზეა ამოსული, სამ რამეს დავადებ შენს ოჯახში ხელს და მომეცი, თუ ვერ გამოვიცნო, სამ რამეს, რასაც შენ დაადებ ჩემს სახლში ხელს, მოგართმევო!

დანაძლეედნენ. ვაჭარმა უთხრა:

— ეგ ალვის ხე გველის ტყავზეა ამოსულიო!

— მართალია, ნამდვილად გველის ტყავზეა ამოსულიო! — უპასუხა გაკვირვებულმა გლესმა.

მართლაც, მოჭრეს ალვის ხე, ნახეს, გველის ტყავზეა ამოსული. წააგო სანაძლეო! ბოლოს, ვაჭარს სთხოვა: სანაძლეო კი მოიგე, მაგრამ მოჰეცი ერთი დღე-ღამის ვადა, ამის შემდეგ, პირობის თანახმად, სამ რამეს, რასაც ისურვებ, მიიღებო!

ვაჭარმა მისცა ვადა. თვითონ საჭეიფოდ დაჯდა. გლესმა კი დაჰკრა ფეხი და სოვდაგართან გაიქცა. სოვდაგარს მისი მისვლა გაუკვირდა:

— რა გაგიკვირდა, რად დაღონებულხარ, ხომ არა შეგემთხვა რაო?

— ასე და ასეა ჩემი საქმე, სანაძლეო წავაგე, რაზე მიშველეო.

— დაჭეკი, ჯერ პური ვჭამოთ და მერე მოვიფიქროთო! — უთხრა სოვდაგარმა.

დასხდნენ, პური ჭამეს და საუბარი გამართეს.

— განა არ გითხარ, შენი საიდუმლო არავის უთხრაო? საიდუმლო გაგამხელია და სანაძლეოც იმისათვის წავგიგაო.

— რა ვქნა, ქალმა შემაცდინა, ცოლია, ვენდობი-მეთქი, ვიფიქრე.

სოვდაგარმა მისცა ერთი ხოროსნის ხმალი და ერთიც სალე-

სავი; თანაც დააროგა: წადი, დადექ ამალმ და მთელი ღამე ლესე ეს ხმალი. კარგად გალესე და დილით ადრე კიბეზე დადექი; ვაჭარი მოვა თუ არა, შემოდგება საფეხურზე და ცალ ხელს მოაჯირს მოჰკიდებს, მეორე ნაბიჯს რომ გადმოდგამს, მეორედ მოჰკიდებს ხელს, მესამე საფეხურზე მესამედ მოჰკიდებს ხელს მოაჯირს. შენ მაშინვე გააჩერე, სამ რამეს უკვე დაადე ხელი-თქო, ჩამო-უქერი ეს მოაჯირი და მიეციო.

გლები გახარებული წამოვიდა. მთელი ღამე ლესა და ლესა ხმალი. ცოლს გული უსკდება, თუ თავს მჭრის, რაღას აგვიანებსო, შიშით არა და არ ეძინება. გათენდა დილა, მოვიდა ვაჭარიც.

— აბა, მეგობარო, სანაძლეო ხომ მოგიგე, მზადა ხარ თუ არაო?

— მობრძანდი, მზადა ვარ, რაც გნებავს, დაადე ხელი და წაიღეო!

ჩაუდგა მესუთე საფეხურზე და დაუდგა ხმლით. ამოდის ვაჭარი, ფეხი რომ გადმოდგა, ხელიც დაადო მოაჯირს, მეორე ნაბიჯზე — მეორედ დაადო ხელი, მესამედაც რომ დაადო ხელი, გლებმა ჩაუჭრა მოაჯირი და უთხრა: აი, სამჭერ ამას დაადე ხელი, აიღე და წაიღეო!

ხალხმა თქვა: სწორია ეგ კაცი, არა ტყუისო!

— არა, ძმო, არ მინდა თქვენი მოაჯირი, აქვე იყოს, ვხედავ. მაკობეო! — თქვა ვაჭარმა და წავიდა ხახაშშრალო.

გლები მობრუნდა სახლში, მისდგა ცოლს და სულ ტყავი გააძრო: ღამით გითხარ საიდუმლო, დილით უკვე გამეცი, რა ადამიანი ხარო!

ამ სანაძლეოში ერთ ხელმწიფეს ოქროსტარიანი დანაც მოუგო. ეს ხელმწიფე უკვე დიდი ხანია მოკვდა, ახლა მისი შვილი განაგებს სახელმწიფოს. მიუტანეს ამბავი ახალ ხელმწიფეს: მამაშენს ერთი ოქროსტარიანი დანა ჰქონდა. ამა და ამ გლებმა სანაძლეოში მოუგო. უნდა მიიპატიეო ისა და დანა როგორმე ხელში ჩაიგდოო.

ხელმწიფემ დიდძალი ხალხი დაპატიჟა. მათ შორის — ეს გლებიცა და სოვდაგარიც. ყველა კაცს შემწვარი ქათამი ან ინდაურა მიართვეს. მასპინძელმა გამოაცხადა: საყოფი დანები არ გვაქვს, საკუთარი დანები ამოიღეთ, დაჭერით ქათმები და მიირთვიეთო.

ყველამ ამოიღო დანა, დაიწყეს შემწვარი ქათამ-ინდაურების დაჭრა, გლები დანას არ იღებს. ქალი შეუჩნდა: ამოიღე ეგ დანა, რალა შავი დღისთვის გინდაო.

სოვდაგარმა თვალი უყო: არ ამოიღო დანა, არ გაბრიყვდეო! მაგრამ ქალი არ მოეშვა, აიძულა ამოეღო დანა. როგორც კი დანა

გაშალა და ფრთა და ბარკალი მოაქრა შემწვარ ქათამს, ხელმწიფის შვილმა უყვირა: დანა დაადე, ეგ მამაჩემის დანაა, შენ ის მოგიკლავს და დანაც წაგიერთმევიანო!

დაიქირეს გლეხი და მიაბრძანეს დილეგში. ხალხმა განაგრძო ქეიფი.

გათენდა მშვიდობის დილა. სოვდაგარმა თქვა: მოდი, ერთს კიდევ ვუშველი, ერთი თუმანი კიდევ მმართვესო. წაიყვანა პატარა კატა და მივიდა ციხესთან. ეს პატიმარი ფანჯრიდან იყურებოდა და ყველაფერს ხედავდა.

— შენ ხომ იცი, — ვითომ კატას ეუბნება სოვდაგარი და სცემს, — გეტყვიან, ეგ დანა ვინ მოგცაო, ადექი და უპასუხე: მართალია, დანა მამაშენის ნაქონია, მას მამაჩემის ვალი მართებია, არ გადაუხდია, მამაჩემი გაბრაზებულა, მამაშენი მოუკლავს და დანაც წაურთმევიანო. თუ მამის ვალს, გადამახდევინებ, იცოდე, არც შენ შეგრჩება და ჩემი შვილი გაზღვევინებს ჩემს ვალსაო.

ყველაფერა გაიგონა პატიმარმა. დილით დაიბარა ხელმწიფემ და ჰკითხა:

— ეს დანა ვინ მოგცაო?

— ეგ დანა, მართალია, მამაშენის ნაქონია, მაგრამ მას მამაჩემის ვალი ჰქონია, ვალი რომ არ გადაუხდია, ამდგარა მამაჩემი, მოუკლავს მამაშენი და დანაც წაურთმევიანო. და თუ მე, შვილს, გადამახდევინებ მამის ვალს, იცოდე, არც შენ შეგრჩება, ჩემი შვილი მაინც გაზღვევინებსო, — უპასუხა გლეხმა.

მაშინ ხელმწიფემ თქვა: დანას ვართმევ, ვართმევ, სიკვდილს რაღას ვემართლებიო. გაათავისუფლა გლეხი.

გლეხი შინ რომ მივიდა, კარგად დაბეჯა ცოლი: ყველაფერი შენი ენისგანა მკირსო.

ამის შემდეგ კარგად ცხოვრობენ და მხიარულადაც არიან.

გველის ქობილი

იყო და არა იყო რა, იყო ერთი ქვრივი დედაკაცი და ერთი ვაჟიშვილი ჰყავდა. ქვრივ-ობლობაში გამოზარდა. რომ დავაჟაკცდა, უთხრა:

— დედი, განა სულ შენ უნდა იწვალო, წავალ, ან მოჯამაგირედ დავდგები, ან სხვა რამეს მოვახერხებო.

— შვილო, ისე კი არ გამიხადო საქმე, რომ თვეში ერთხელ არა მნახო.

— დრო მეფობს, დედი, იქნებ ორ თვეშიაც ვერა განხო, მაგრამ წერილს მოგწერო.

ადგა და წავიდა ეს ბიჭი. იარა, იარა, ერთ ხელმწიფესთან მივიდა.

— დიდებულო ხელმწიფევე, ერთი ქვრივ-ოხერი დედა მყავს და, თუ შეიძლება და გჭარდება, მოსამსახურედ ამიყვანეთო.

— მოდი, შვილო, თუკი ასეთი ჭკვიანი ხარ და დედის ამავს აფასებ, მოდი, კარგი აღამიანი იქნებო. მეცხვარეს ყაველი გასდის, აღარა დგება და ცხვარში შენ წადიო.

აიყვანა იმ ხელმწიფემ მწყემსად. უთხრა: ხვალ ცხვარს შორე-კავენ და შენ ჩააბარეო.

ჩააბარა ცხვარი. იმისთანა ყისმათიანი იყო ის ბიჭი, რომ სამი წელიწადი იყო და ერთი ცხვარი არ დაჰკლებია.

— აჰას კი გთხოვთ, — უთხრა მან წინასწარ, — ექვს კვირაში ერთხელ დედაჩემი უნდა ვნახო, თორემ თავს მოიკლავს დარდი-თაო. დაჰპირდა ხელმწიფე — გაგზავნიო!

ერთი თვე გავიდა და გაგზავნა. მატყლი, ერბო, პური, ფქვილი და ვინ იცის, კიდევ რა არ გაატანა დედასთან; ფულიც კი მისცა.

მიდის ეს ვაჟი გზაზე და, დასწყევლოს წმინდა გიორგიმ ჩვენი დამძრახავი, ერთი მცურავი დახვდა გზაზე გაშობილი. ჩამოვიდა ბიჭი, აიყვანა ეს მცურავი და შეიყვანა ჯაგებში. წინ პური და ყველი დაუღო და უთხრა: ჩემო გველანა ძმობილო, ნულარ გამოხვალ გზაზე, თორემ დაგხვდება ვინმე, ქვას დაგიშენსო. იყავი შენთვის, შენც სიცოცხლე გინდაო.

წავიდა თავის დედასთან ის ბიჭი. თქვენც გაიხარეთ, ვინცა გყავთ წასულები იმათი მოსვლითა და მეცა, როგორც იმ დედამ გაიხარა. იყო იმ ღამეს იქა. გათენდა დილა და ბიჭი აღრე ადგა, ისაუბმა და წავიდა. ის მცურავი ისევ იქ დახვდა. დაუძახა ბიჭმა: მე რომ გთხოვე, ჩემო გველანა ძმობილო, ნულარ გამოხვალ გზაზეო. რატომ არ მიჯერებო?

ჩამოვიდა ცხენიდან, შეიყვანა ჯაგებში, დაუღო პური და ყველი: აი, ეს ჭამე, ნულარ გამოხვალ აქედან, ქვას დაგარტყამენ თავშიო.

მცურავმა უთხრა: რაკი ეგრე მადლიანი ხარ, ენა გამოყავი და ჩემ ენის წვერს დაადეო.

ბიჭი შეკრთა, მაგრამ მერე თქვა, რაც იქნება, იქნებაო. დააღეს ენას წვერები ერთმანეთს.

— ახლა წადი, — უთხრა გველმა, — ცხვარი დაიბლავლებს, გაიგებ, ძალი დაუფეს — გაიგებ, ცხენი დაიჭიხვინებს — გაიგებ, სულ ყველა ოთხფეხისა და ფრინველის, ყველა მცენარის ენა იციო. ახლა რომ გაივლი, ყური უგდე, ცხენი ქვას ფეხს რომ წამოჰკრავს, გაიგონებ, რასაც იტყვის. ზანჯალი ამოიღე, ბებერ ხეს დაჰკარ, გაიგონებ, რასაც იტყვისო.

მიდის და, მართლაც, პირველად ცხენმა ქვას წამოჰკრა ფენი. ქვამა თქვა: ოჰ, მეცხვარევე, შენამც გაქვავდები, პირი დამამტვრიეო!

— შენ გაქვავდიო! — დაუჭიხვინა ცხენმა და ქვას მეორედ დასცხო წიხლი.

გაიარა და ახლა ბებერ ხესთან მივიდა. დაუკაკუნა, ვითომ მოჰკრა უნდა.

— არა, არა, მე ძნელი მოსაჰკრელი ვარ, დაგიგვიანდება, რომელიც ადვილი მოსაჰკრელია, იმასთან მიდიო!

მივიდა ახლა პატარასთან. პატარამ შესტირა: წადი და ბებერს უთხარა, რომ ჯერ მე მავხელა გავიზარდო, რაც ის ბებერია, ვნახო წუთისოფელი და მერე მომჰქერიო.

ერთი სიტყვით, ესმის ყველაფრის ენა ამ ყმაწვილს. ან ჩიტა დაიჭიკჭიკებს, ან რა...

მოვიდა ცხვართან. იმსახურა სამი წელიწადი. როცა გაუვიდა ყავლი, ბებერი სთხოვა ხელმწიფემ, მაგრამ იმ ბიჭს დედა მოუხუცდა და — უნდა მივხედოო!

— ჩამორეკე, შვილო. ცხვარი და გავყოთო, — უთხრა ხელმწიფემ. — რაკი ასეთი ადამიანი ხარ და გეცოდება დედაო.

ჩამორეკა ცხვარი. შემოვიდა ცხვარი ფარეხში და ბატყნები თავის დედებს ეთამაშებიან.

ამ ბიჭს ერთი კოჭლი ცხვარი ჰყავდა შეჩვეული, სულ თან დასდევდა. ბატყანი შეუჟუნტრუშდა კოჭლ ცხვარს და უთხრა: როგორ გულს მაკლია, დედი, რომ შენ კოჭლობ და სხვასავით ბატყნებს ვერ ეთამაშები, სულ უკან რჩებიო.

ცხვარმა უპასუხა: ეჰ, შვილო, განა მართლა კოჭლი ვარ? მთელი ე მაგ ცხვრის დოვლათი ზურგზე მკილია და ამიტომ ვკოჭლობ. ე მაგ ბიჭს თუ ჰქუა აქვს, ხელიდან არ გამიშვებსო.

წაიყვანა ბიჭმა კოჭლი ცხვარიც სხვა ცხვრებთან ერთად. წამოვიდნენ. გზისპირას ერთი მეკომური დგას. საფქვავეი გაუფენია

და ქალი უზის. რომ გამოატარა ცხვარი და ახლოს მოაღწია, ქალი შინ შევარდა და სარკმლიდან უყურებს. საფქვავს ჩიტები დაეხვივნენ და იძახიან: როგორც ეს პურია გამრავლებული, ისე გამრავლდეს შენი ცხვარ-ბატკანი, სანამ შენ ცხვარს ჩამოატარებ, ჩვენ მაგრად გავძლებითო. ბიჭს გულანანად გაეცინა, გადაიხარხარა.

მოვიდა ბიჭი თავის დედასთან. გაუხარდა დედას. მეცხვარედ სხვა დაიპირეს. სახლები გამართა, ის კოჭლი ცხვარი კი სულ თანა ჰყავს. მერე დედამ უთხრა: ახლა უნდა დაგაქორწილო, წაიყვანე ნათლიდეთა დღეობაში და ვინც მოგეწონება, აირჩიეო.

წავიდნენ დღეობაში. დადის და ვერავენ აურჩევია. ერთ ადგილას ერთი ქალი ნახა და ძალიან მოეწონა. ითხოვა და გადაიხადეს დიდი ქორწილი. თურმე ეს ქალი ის იყო, სარკმლიდან რომ იყურებოდა. იმ ღამეს აბა რა იქნებოდა, მეორე ღამეს კი, ერთად რომ დაწვნენ, ქალი ჩამოეკადა: რაზე გაიცინე, როცა ცხვარი მიგყავდა ჩემ სახლთანაო?

ამ ბიჭს კი გველისაგან ნათქვამი ჰქონდა, არამც და არამც არ გასცე ეს საიდუმლო, თორემ მოლევს ქვად იქცევიო.

— შენ ჩემი სიკვდილი გინდაო! — უთხრა ბიჭმა.

სამი-ოთხი ღამე ასე აწვალებს ამ ვაჟს.

ვაჟმა თქვა: ეს ცხვარი უნდა გავყიდო! გარეკა ცხვარი და ესმის, ცხვრები ლაპარაკობენ: ვაი, რა პატრონი გვიკვდებაო!

ერთი ციკანი შეეთამაშა დედას. თხამ უთხრა: ნეტავ შენ, რა გათამაშებს, როგორი პატრონი გვიკვდებაო!

ციკანმა უპასუხა: ნეტავ რა გადარდება! თუ არ უნდა სიკვდილი, გამოჭრას სამი კონა წყებლა, ამალამ შინ შეიტანოს და როგორც კი ის ქალი ხმას აპოილებს, მოსცხოს; მანამდის სცემოს, სანამ არ შეეხვეწება: მომეშვი, აღარაფერი მინდა შენით. ისიც ცოცხალი დარჩება და ჩვენც პატრონი გვეყოლებაო!

ბიჭი ასეც მოიქცა. როცა ივაშშემს და დასაწოლად შევიდნენ, ქალმა უთხრა: შენ გენაცვალე, უნდა მითხრა, რაზე გაიცინეო!

გადმოიღო ბიჭმა ეს სამი კონა წყებლა და ერთი რომ გადაამტვრია ზედ, ახლა მეორე დაიწყო. ქალი შეეხვეწა: ოღონდ ნუ მოჰკლავ და, თუ კიდევ გკითხო, მძინარეს ყელი გამოჰქერიო.

მას შემდეგ ცხოვრობდნენ ბედნიერად.

ტყის კაცი

სამი სვანი წავიდა სანადიროდ. სანადირო ალაგას რომ მივიდნენ, განცალკევდნენ: ერთი ერთ მხარეს წავიდა და მეორე — მეორე მხარეს. იმ ერთმა სვანმა იარა, იარა და მივიდა ერთი ტბის პირას, სადაც ბევრი შველი და არჩვი ჩამოდიოდა. დახოცა შველი და არჩვი, მოიტანა ერთი ხის ქვეშ, დაანთო ცეცხლი, ააგო მწვადები და შემოუფიცხა გარშემო.

სულამო უამი იყო. ამ დროს ტყიდან გამოვიდა ტყის კაცი, რომელსაც თავით ფეხამდე ერთი არშინი თმა ესხა. მოვიდა და მიუჩდა. სვანს სრულებითაც არ შეშინებია. უშიშრად შესცქეროდა ტყის კაცს. ტყის კაცმა უთხრა:

— მწვადი მომითალე ერთიო!

— მწყალობდეს ღმერთიო, — უთხრა სვანმა.

— მომითალე ორიო!

— მინამ მყავდა ღორიო, არც მაკლდა ღორიო, არცა მისი ქონაო.

— მომითალე სამიო!

— სამი ისარი ავაგდე, დევის ყურები ავაგეო.

— მომითალე ოთხიო!

— ოთხი ფარა ცხვარი მყავდა, არც მაკლდა ნაპარსი, არცა მისი ყველიო.

— მომითალე ხუთიო!

— ხუთი ძმაკაცი რომ სახლში იქნება. იმათ რა გაუჭირდებაო.

— მომითალე ექვსიო!

— ექვსი უღელი ხარი მყავდა, ვხნავდი, ვფარცხავდი, ცოლშვალს კარგად ვინახავდიო.

— მომითალე შვიდიო!

— მოვმართე მშვილდიო.

— მომითალე რვაო.

— ტყეში მტრეღი მოვკალი, მოვიტანე და დავიწყე ბღღენაო.

— მომითალე ცხრაო!

— აქედან გაჩეცალე, თორემ გაგიწყრება ანგელოზიმცაო.

ეს რომ უთხრა სვანმა, ტყის კაცი ადგა და მოშორდა. გაიარა პატარაზე და დაიკივლა გახარებულმა. მისი სიხარული ეს იყო, რომ შულამისას მოვიდოდა და მძინარე სვანს შეჭამდა. მაგრამ სვანსაც ხერხი იხმარა: დაანთო დიდი ცეცხლი, შემოიხსნა ხანჯალი, ტარით დაარტო ცეცხლაპირას მიწაში და გადაათარა ზედ

ნაბადი. თვითონ გატენა თოფი ორი ტყვიით და ავიდა ხეზე.

შუალამის დროს მოვიდა ტყის კაცი, გაშალა ხელები და დაეცა მკერდით ხანჯალზე: მძინარე კაცი ეგონა. ხანჯალი გულში შეერქო. ტყის კაცმა დაიყვარა, გამწარებულმა გამოიძრო გულიდან ხანჯალი და გადაადგო. ამ დროს სვანმა ზევიდან ორტყვიიანი ბეჭებში დააყოლა. ტყის კაცმა დაუძახა: ერთი კიდევ მესროლეო. სვანმა უთხრა: ჩემგან ეგ გეყოფა და ერთსაც წმინდა გიორგი გესვრიოსო.

წავიდა ტყის კაცი, ჩავარდა იქვე ტბაში და მოკვდა. მოვიდნენ ტყის კაცები და დაიწყეს ტირილი: ჩვენი იბრუხი მოკლესო.

გათენდა დილა, ჩამოვიდა სვანი ხიდან, აიკიდა ნანადირევი ზურგზე და მოვიდა შინ მშვიდობით.

ციება, ცხელება და სიკვდილი

ციება, ცხელება და სიკვდილი დაძმობილდნენ. ერთ ტრაალ მანდორზე პურა მოშვიდათ. სერზე მეცხვარე დაინახეს და ციებას უთხრეს:

— წადი და ერთი ცხვარი გამოართვი!

წავიდა ციება და მეცხვარეს უთხრა:

— ერთი ცხვარი უნდა მომცე!

— განა ვინა ხარ, ცხვარს რომ მთხოვ?

— მე ციება ვარ!

— შენ თუ ციება ხარ! აბა ნახე! — დაუძახა მეცხვარემ, წამოაგლო ჩომბახს ხელი და უღო და უღო გვერდებში.

შეუჯდა ჯანში ციება და მეცხვარე გააცია. წინ ცივი წყარო მოდიოდა, თითი რომ შიგ ჩაგეყო, მოგაზრობდა, გაქანდა მეცხვარე და ტყაპა გაადინა შიგა. ციებამ ველარ გაუძლო ცივ წყალს, გამოცალა და წამოვიდა. მივიდა სიკვდილთან და ცხელებასთან.

— რა ჰქენი? — ჰკითხა სიკვდილმა.

— ციება მე კი არა, ის ყოფილა!

— აბა, ახლა მე წავალ, — თქვა ცხელებამ.

მივიდა ცხელება მეცხვარესთან და უთხრა:

— ერთი ცხვარი უნდა მომცე!

— განა ვინა ხარ, ცხვარს რომ მთხოვ? — ჰკითხა მეცხვარემ.

— მე ცხელება ვარ!

— შენ თუ ცხელება ხარ, აბა ნახე! — დაუძახა მეცხვარემ, წამოავლო ჩომბახს ხელი და უღო და უღო.

შეუჯდა ჯანში ცხელება და მეცხვარე გააცხელა. ბიქს ცხვრის ტყავები ჰქონდა მოგროვილი, გაქანდა და შიგ ჩაწვა. ცხელებამ ვეღარ გაუძლო სიციხეს, გამოეცალა და წავიდა.

— რა ჰქენი? — ჰკითხა სიკვდილმა.

— ცხელება მე კი არა, ისა ყოფილა, კინალამ დაწვეა!

— აბა, ახლა მე წავალ, — თქვა სიკვდილმა, — ენახოთ, მოვიყვან ცხვარს, თუ არა!

მივიდა სიკვდილი მეცხვარესთან და უთხრა:

— ერთი ცხვარი უნდა მომცე!

— განა ვინა ხარ, ცხვარს რომ მთხოვ?

— მე სიკვდილი ვარ!

— მთელი ფარა წაიყვანე, მხოლოდ ერთი მითხარი, როდის უნდა მოგვკდე?

— ჩემი ძალით ხომ ვერ მოგკლავ, აგერ სიას გადავსინჯავ და გეტყვი. გადასინჯა სიკვდილმა სია და უთხრა: შენ ახლა ხარ ოცი წლისა, ოთხმოცი წელი კიდევ უნდა იცოცხლო, ასად უნდა შეასრულო.

— რახან ოთხმოცი წელი უნდა ვიცოცხლო, ცხვარი შენ რაში უნდა მოგცეო, — უთხრა მეცხვარემ, გადმოიღო ჩომბახი, უღო და უღო, გააგდო სიკვდილიც.

აკი დედაკაცი

მოსუცი ცოლ-ქმარი ცხოვრობდა. კაცი კეთილი ხასიათისა იყო, ქალი ავი, ბოროტი; ჩაგრავედა ქმარს.

ერთხელ კაცი სათევზაოდ წავიდა. მტკვარში ბაღე გადაისროლა და ერთი პატარა თევზი დაიჭირა. გადააბრუნ-გადამოაბრუნა, ძალიან ეპატარავა, საკმელად არ გამოდგებოდა. გადააგდო ისევე წყალში. თევზი მოუბრუნდა კაცს და უთხრა: რახან სიცოცხლე მაჩუქე, დამილოცინებარ, ამიერიდან ყოველი ფრინველისა და ცხოველის ენა გეცოდინება, ხოლო თუ შენს საიდუმლოს ვინმეს გაუმხელ, მოკვდები.

წამოვიდა კაცი შინ. მინდორში დიდი მუხა იდგა და იმის ჩრდილში დაისვენა. მოფრინდა ორი ყვავი, ერთი დედა, მეორე — შვილი. დასხდნენ მუხაზე და საუბარი გამართეს. შვილმა დედას უთხრა:

— ჩავალ, ამ კაცს თვალებს დაეთხრი, მშია.

— დაიცადე, შვილო, ადამიანი ეშმაკია, იქნებ არ სძინავს, და-
გიჭერს და მოგკლავს, — უთხრა დედამ.

ეს ყველაფერი ესმის ამ კაცს და თავი მოიმძინარა. შვილმა არ დაუჯერა დედას, ჩაფრინდა დაბლა, ჩუმად მიეპარა მძინარე კაცს და უნდა ჩაჰკრას ნისკარტი თვალებში. ამ დროს კაცი სწვდა ყვავს და დაიჭირა. ყვავმა დაიწყო ჩხავილი.

— დედა, მიშველე, დედა, მიშველეო!

— შავ კაცმა ჩვენი ენა რომ იცოდეს, ჩემს რჩევას გაიგონებს, მუხას ქვეშ ოქროთი სავსე ქილაა დაფლული, იმას ამოიღებს და შენ გაგიშვებსო. — ჩამოსძახა დედა ყვავმა.

კაცმა ყვავი მაშინვე გაუშვა და ჯობით გამოჩიჩქნა მუხის ძირი, იპოვა ოქროთი სავსე ქილა და შინ წაიღო. ცოლს ძალიან გაეხარადა. შეიძინეს ყველაფერი, ცხოვრობენ ბედნიერად.

ერთ დღეს ქალი შეუჩნდა:

— უნდა მითხრა, სად და როგორ შეიძინე ეს სიმდიდრეო!

— შენ ხილი იხილე, ჰამე და სვი, ჩაიცვი და დაიხურე, რას კითხუ-
ლობ, საიდან მოვიტანეო, — უთხრა კაცმა.

ქალი მაინც არ მოეშვა. სულსა ზღის საწყალ კაცს. მოსვენებას არ აძლევს, არ იცის, რა ქნას.

კაცის მწუხარება მამალმა გაიგო. შეებრაღა კაცი და თავისებურად ჩაულაპარაკა. კაცი მიხვდა, საკენკსა მთხოვსო. გამოიტანა და ქათ-
მებს ბლომად დაუყარა საკენკი. მამალმა დაიხორხოცა და დედლები მაშინვე გაშორდნენ საკენკს. შემდეგ რაღაც დაუკაცანა და დედ-
ლებიც კაცანით მისცვივდნენ საკენკს. მამალმა ჩაილაპარაკა თავის-
თვის: ეჰ, საწყალი კაცი, მე აგერ ოც ცოლს ვუვლი, უჩემოდ ვერა-
ვინ გადადგამს ფეხს და მაგას ერთისათვის ვერ მოუვლია. რას შესჩერებია ავ დედაკაცს, ერთი კარგად მიტყიპოს და თავიდან მო-
იშოროსო.

ეს გაიგონა კაცმა: მამლის რჩევა მოეწონა, გამოიტანა და სა-
კორკოტე მარცვალი დაუყარა. ამ დროს ავი დედაკაცი კვლავ მო-
ექრა:

— ჩქარა მითხარი, სად იშოვნე ის სიმდიდრე, თორემ დაგახრ-
ჩობო!

კაცმა ახლა აღარ მოუთმინა. წამოავლო სახრეს ხელი, ქალს სწვდა და ლაზათიანად გაჯობა. ახლა ქალმა იკადრა თხოვნა: შენი ჭირიმე. თავი დამანებე და ამის შემდეგ აღარაფერს გკითხავეო.

კაცმა ცემით რომ გული იჭერა, გაუშვა. ამის შემდეგ ცოლ-ქმარი ტკბილად ცხოვრობდა. ერთი გადაკრული სიტყვაც არ უკადრებიათ ერთმანეთისათვის.

გველი და გლეხი

ცხოვრობდა ერთი ღარიბი გლეხი. ძროხის მეტი არაფერი გააჩნდა. მუდამ დღე ამ ძროხის რძეს ყიდდა და ცოლ-შვილს იმით ინახავდა.

ერთხელაც გაიარა და გველის სორო ნახა. თქვა: გამიგონია, გველს რძე უყვარსო, მოდი, ამ ერთ დღეს თუ გინდ ცოლ-შვილი მშიერი დამრჩეს, რძეს გველს ვაჭმევო. დადო სოროს პირზე სარძევე და თვითონ შორიასლოს დაიმალა.

ამოვიდა სოროდან გველი, რძე დალია, სარძევეში ერთი თუმნიანი ჩააგდო და ისევ ჩაძვრა სოროში. აიღო კაცმა სარძევე და წამოვიდა. თუ ცოტა რაზე უნდა ეყიდა, ახლა ოქროს თუმნით ბევრი რამ იყიდა, საჩუქრებიც წამოუღო ცოლ-შვილს. მათ ჰკითხეს:

— საიდან იშოვნე ამდენი ფულიო?

— ჰამეთ, სვით, ჩაიცვით დაიხურეთ, ეგ რა თქვენი საქმეაო!

მეორე დილით ღარიბმა გლეხმა ისევ წამოიღო რძე, იქვე სოროსთან დადგა სარძევე. კიდევ ამოვიდა გველი, რძე დალია, სარძევეში ოქროს თუმნიანი ჩააგდო და წავიდა.

ისე შეეჩვია კაცი გველს, რომ აღარ ერიდებოდნენ ერთმანეთს. კაცი პირდაპირ მივიდოდა, დაუდგამდა რძეს, გველი დალევდა, ჩააგდებდა სარძევეში ოქროს თუმნიანს და წავიდოდა.

ეს კაცი ძალიან გამდიდრდა. დიდძალი ქონება შეიძინა.

ერთხელ სხვაგან მოუხდა წასვლა მთელი კვირით. გლეხი დარდობს: ერთი კვირით რომ წავიდე, გველს რძეს ვინლა მიუტანს, ვაი თუ ის გველი დაეკარგოო! იფიქრა: მოდი, ჩემს საიდუმლოებას უფროს შვილს გავანდობ, შვილია, გამიტანსო.

წამოიყვანა შვილი, წამოიღო რძე და აჩვენა გველის სორო. ყოველ დილით მოიტანე რძე, გველი დალევს და სარძევეში ოქროს

თუმანს ჩააგდებსო. მე ამ გველმა გამაკეთა, თორემ პურის ფულიც მიჭირდაო.

წავიდა ეს კაცი. ბიჭიც ყოველ დილით უზიდავს რძეს და ასმევს, გველიც აგდებს სარძევეში ოქროს თუმნიანებს. ერთხელ, ორჯერ, სამჯერ... ბიჭმა თქვა: ნეტავ, ამ გველს ამოდენი ოქროს ფული ვინ მისცა, ალბათ, ნატვრისთვალი აქვს, შოდი, გველს მოვკლავ და ნატვრისთვალი მე დამრჩებაო.

ერთ დღეს კეტი წაიღო თან. გველი რომ დაეწათა და სვამს, მოუქნია, თავში უნდა დაერთყა, მაგრამ გველი გასრიალდა და ბოლო წააწყვიტა. მოუბრუნდა და ბიჭი დაკბინა. სახლამდის კი მიაღწია და სული დალია.

სად არის, სად არა, ეს კაციც დაბრუნდა. ნახა, სახლში გველისაგან დაკბენილი შვილი გდია. მაშინვე მიხვდა კაცი მიზეზს. შემოირტყა თავში ხელი. ამბობს: შვილი ვიდარდო, თუ მუდამ დღე ოქროს თუმნის დაკარგვო?! დაასაფლავა შვილი და კარგა ხნის შემდეგ თქვა: უნდა წავიდე გველთან, ან უნდა დამგლოჯოს, ან უნდა შევეურიგდეო.

აიღო სარძევე, გაავსო რძით, მიიტანა სოროსთან, თვითონ შორს დადგა. გველი ამოვიდა და უთხრა:

— არ დავლევ, რძე უკან წაიღე, არ შეგირიგდები! ან როგორ უნდა შეგირიგდე, შენ ჩემი საიდუმლო არ შეინახე და შვილს გაანდე, მან ჩემი სიკვდილი მოინდომა, მე შვილი მოგიკალი. ერთხელაც იქნება, ერთმანეთს რასმე აუუტებთ. სჯობს, შენ შენთვის იყო, მე ჩემთვისო!

კაცმა უთხრა:

— არა, არაფერს გერჩი, რაც მოგვევიდა, მოგვევიდა, შევრიგდეთო!

— შევრიგდეთ მხოლოდ იმ პირობით, რომ შორს იყავი. დავლევ რძეს, სარძევეში თუმნიანს ჩაავადებ და წაიღეო.

ეს კაცი ასე იქცევა. მიაქვს რძე, შორი-ახლო დგება, გველი დალევს რძეს, სარძევეში თუმნიანს ჩაავადებს და მიდის.

გველი და კაცი

ერთხელ ცოლ-ქმარი ცხენებზე იჯდა და სტუმრად მიდიოდა. გზაზე გველის წიწილები გამოშლილიყვნენ. კაცმა ცხენები გააჩერა, გადმოხტა და თქვა: გამიგონია, შვილი გველსაც არ უნდა მოუკლაო, აუქშია წიწილებს და სოროში შერეკა.

ერთ ძველებურ დარბაზს ესტუმრნენ. ვახშამი რომ ჭამეს, ყველამ რალაცა თქვა. ამ კაცსაც ეხვეწებიან, შენც თქვი რამეო.

სალამოზე გველი დაბრუნდა. წიწილებმა ამბავი დაახვედრეს: ერთმა კაცმა გაიარა და ცემით სულ წელები დაგვწყვიტაო. გველი კვალს გამოჰყვა და მოვიდა ამ დარბაზთან. შემოერთყა გარედან, ბანიდან თავი ჩაყო შიგ, რომ დაიძინებენ, უნდა დაკბინოს ყველა.

ამ კაცს კიდევე აცივლებიან: თქვი რამე, გზაში ნავალი კაცი ხარ, ახალი ამბები გეცოდინებაო.

მასაც მოაგონდა: მართლა, რომ მოვდიოდით, აუარებელი გველის წიწილა გამოშლილიყო გზაზე, გადმოვხტი ცხენიდან და სოროში შევრეკე: ცხენმა და კვიცმა ფეხი არ დაადგას—მეთქი.

გველმა ეს გაიგონა: ამ კაცს სიკეთე გაუკეთებია და წიწილებმა, შეხედეთ, რა ამბავი დამახვედრესო! მოვიდა თავის სოროში და წიწილებს სულ ცემით წელები დასწყვიტა.

გათენდა მშვიდობის დილა და ამ კაცმა ცხენები წაიყვანა წყალზე. გველი იქ დახვდა. კაცს შიშით გული კინალამ გაუსკდა. გველმა უთხრა: ენა გამოყავი, უნდა გაკოცოო.

კაცი კიდევე უფრო შეშინდა, ლამის გული წაუფიქდეს, სიკვდილს თავისი თვალითა ხედავს.

— გამოყავი, ნუ გეშინია, შენთვის სიკეთე მინდა, ბოროტი არაო! შეშინებულმა კაცმა გამოყო ენა. გველმა ზედ უნის წვერზე აკოცა და უთხრა: რამაც დაილაპარაკოს, პირუტყვი იყოს თუ ფრინველი, ყველას ლაპარაკი გესმოდეს, ხოლო შენს საიდუმლოს თუ ვისმე ეტყვი, იმ წუთში მოკვდებიო!

წამოვიდა ეს კაცი ისევ იმ ოჯახში. პური ჭამეს, დაისვენეს, შესხდნენ ცხენებზე და გამობრუნდნენ. ქალი ორსულადაა, ზის მაკე ცხენზე და უკან წამოჩრჩხვული კვიცი მისდევს. კვიცი ჩამორჩა და კაცმა გაიგონა მისი ლაპარაკი: დამიცადე, დედაო!

ცხენმა კი დაუძახა: არა გრცხვენია, მე ოთხი სული მოვდივარ და შენ ერთი სული, ისიც ასე ახალგაზრდა, კიდევე მეუბნები, დამიცადეო!

ამ კაცმა რომ ცხენის ლაპარაკი გაიგონა, გაეცინა, მიხვდა, რაზე იყო საუბარი: ქალი ორსული იყო და ცხენი — მაკე. ცოლმა ჰკითხა:

— რად გაიცინეო?

— რა ვიცი, გამეცინა უნებურადო! — უპასუხა ქმარმა.

— არა, უნდა მითხრა, რად გაიცინეო.

— უბრალოდ გამეცინა, რა სალაპარაკოა, წავიდეთო! — ეუბნება ქმარი.

— არა, ახლავე, უნდა მითხრა, რად გაიცინე, თორემ აღარ წამოვალო! — დაემუქრა ქალი, ჩამოხტა ცხენიდან და ჭიუტად დადგა.

— წამოდი, ადამიანო, შინ გეტყვი, აქ რომ გითხრა, მოვკვდები და სახლში მაინც მოვკვდე! — უთხრა საწყალმა კაცმა.

წამოვიდნენ. მოვიდნენ სახლში. ქალს ტანისამოსი არ გაუხდია, ისე მივარდა ქმარს: აბა, ჩქარა მითხარი, რად გაიცინე!

— ხვალ წადი, წირვა-ლოცვა მოისმინე და მაშინ გეტყვი!

მეორე დღეს ქალი ადრე გაიქცა წირვა-ლოცვის მოსასმენად, მაგრამ ამის დარდი სულ არა აქვს. მხოლოდ იმაზე ფიქრობს, ჩქარა გაიგოს, რაზე გაეცინა ქმარს. ქალი რომ გაისტუმრა, კაცი ცეცხლისპირას დაჯდა და ფიქრობს, სადაც არის საიდუმლოს გავამხელ და მოვკვდებიო. მუხლებზე კატა უზის. სად არის, სად არა, ერთი მამალი შემოვარდა, ნისკარტითა და ფეხებით ჩააფრინდა ამ კატას.

— ადე, შე ოხერო, გიარ-გამოიარე, რა ჩაგიწირპლია თვალები ამ ცეცხლის პირას, წადი, თავი მაინც დაიჭირო!

კატამ უთხრა:

— ნეტავ შენ, დარბიხარ და დათარეშობ, ჩემს გულში კი არ იხედები, რა ბოღმა ტრიალებსო!

— ნეტავ რა გაქვს სადარდებელიო?

— სად არის, სად არა, ამ კაცის პირცეცხლიანი ცოლი მოვა, კაცმა საიდუმლო სიტყვა იცის, ქალი მის გამხელას სთხოვს, კაციც ეტყვის და მოკვდება. შე ის მადარდებს, რომ ეს ტარტაროზი ქალი მეც სახლიდან გამაგდებსო!

— მეხი შენც დაგაყარე და მაგ კაცსაც! — უთხრა მამალმა, — ეგ რა კაცია, მე ას ცოლს ვიგერიებ, ვინ შემომკადრებს ხმის შემობრუნებას! განა მაგას არ შეუძლია, აილოს სახრე და ჭკუა ასწავლოსო?

კაცი ახლა გონს მოვიდა და მამალს საკორკოტე ხორბალი დაუყარა. სად იყო, სად არა, ქალიც მოვიდა. კაცს სახრე მზადა აქვს: ქალს ჭერ არ მოუხდია ლეჩაქ-ბაღდადი და მიახალა:

— აბა, ჩქარა მითხარი, რისთვის იცინოდით?

— ჭერ გაიხადე ეგ ახალი ტანსაცმელი, ძველი ჩაიცვი და მერე გეტყვიო!

ქალმა გაიხადა ახალი ტანისამოსი თუ არა, კაცმა დაუჭირა საყელო, აიღო სახრე და ერთი თუ ორი: მე რა ვიცი, რისთვის გამეცინაო!

კარგა რომ მიბეგვა, ხელი გაუშვა. ქალი ძლივს სუნთქავდა, ყველაფერი სტკიოდა. ცოტა ტკივილები რომ შეუჩერდა და გვერდები დაუამდა, თქვა: შე ახირებულო ჩემო თავო, რა გინდოდა იმ საწყალ კაცთან, გაეცინა, გაეცინაო!...

სიკვდილის ჩამოსვლა დედამიწაზე

ერთ სოფელში იყო ერთი უშვილო ღარიბი კაცი. ამ ქვეყანაზე არაფერი საზრუნავი არ ჰქონია. დილიდან საღამომდის მუშაობდა ყანაში, ოფლი წურწურით ჩამოსდიოდა ცხვირ-პირზე. დაღამდებოდა და ააყუდებდა სამ ოციან თობს ჯარგელის ლოჯეზე, შეაღებდა კარებს, დაანთებდა ცეცხლს, ოზანდარიდან გამოიტანდა ცივ მჭადს და აცუცქნიდა ზედ თევზის კუდს. დაწვებოდა, დასვენება უნდოდა, მაგრამ სიზმარი საშველს არ აძლევდა. ესიზმრებოდა მიცვალებული დედა, რომელიც ვითომ საიქიოს მიათრევდა მას. ამიტომ ძალიან ეშინოდა სიკვდილისა.

ერთხელ სიკვდილი შემჯდარა თეთრ ცხენზე და ჩამოსულა დედამიწაზე. თურმე ეძებს საიქიოში წასაყვან კაცებს. მიდის გზაზე და ცხენს მიაჯირითებს. ის ღარიბი კაცი შეხვდა პირდაპირ. შიშმა აიტანა, იფიქრა, წამიყვანსო. დამალვაც კი მოინდომა, მაგრამ ვერ მოახერხა. სიკვდილმა მოაჭენა ცხენი ამ კაცთან და მიესალმა, შიშისაგან გათავებულმა კაცმა ძლივს უთხრა, გაგიმარჯოსო!

— ნუ გეშინია, მე შენს წასაყვანად არ მოვსულვარ, ამ სოფლიდან ერთ-ორი კაცი უნდა წავიყვანო და მანამდის ეს ცხენი დამიჭირე! — გამოელაპარაკა სიკვდილი.

კაცმა გამოართვა ცხენი და აღვირი ხელში დაიჭირა. სიკვდილი გაიქცა სოფელში კაცების წამოსაყვანად. დარჩა კაცი მართო სიკვდილის ცხენთან. იფიქრა: მოდი, სიკვდილს ამ ცხენს მოვპარავ, შევჯდები ზედ და წავალ; მერე როგორღა მოაკითხავს ვინმეს და ხალხს სიკვდილისაგან ვინსნო.

შეჯდა ცხენზე. უნდოდა გაეჭენებინა და იქაურობას გაშორებოდა, მაგრამ ცხენი ადგილიდან არ დაიძრა. სიკვდილს მათრახი თან წაეღო და უმათრახოდ ცხენი არ დაიძრა. ზის ცხენზე და ძალიან წუხს. ცოტა ხანში სიკვდილაც გამოჩნდა. მიუვლ-მოუვლია სოფელში, წამოუყვანია ახალგაზრდა გოგო და ბიჭი.

კაცს რომ ცხენზე შემჯდარს მოუსწრო, ძალიან გაუკვირდა: ჩემი ცხენის მოპარვა ხომ არ გინდოდაო? — ჰკითხა. კაცმა ვერაფერი უპასუხა. სიკვდილს გაეცინა. წამოიძრო ხელიდან მათრახი, მისცა და უთხრა: შემოჰკარი მათრახი ჩემს ცხენს და ცაში აგაფრენს, რაც იქიდან დაინახო, მითხარო.

კაცმა შემოჰკრა მათრახი და სიკვდილის ცხენმა უცებ ააფრინა ცაში. დიდხანს იფრინა უგზო-უკვლოდ და კარგა ხნის შემდეგ დაბრუნდა.

— აბა, მითხარი, რა ნახე ცაში? — შეეკითხა სიკვდილი.

ლარიბმა კაცმა უპასუხა:

— რას ვნახავდი, ვერაფერი ვერ ვნახე, მაგრამ ის კი ძალიან გამიკვირდა, რომ ჩვენი დედამიწა ციდან კვერცხის ოდენა გამოჩნდა!

სიკვდილს კიდევ გაეცინა და უთხრა:

— ბიჭო, თუკი დედამიწა კვერცხისოდენა ყოფილა, როგორ ფეხ-რობდი, ჩემთვის ცხენი რომ მოგეპარა, ამ კვერცხისოდენა ქვეყანაზე უცხენოდ ვერ გიპოვიდი? ახლა წადი და მეიარევერ აღარ იფიქრო ელდ საქმეზეო.

სიკვდილი შეჯდა ცხენზე. შემოსვა უკან გოგო და ბიჭი და გაუყვა საიქიოს.

შემტბარი ღარიბი კაცი დიდხანს იჯდა შარისპირზე დაფექრებული...

ბედი და იღბალი

ბედი და იღბალი ერთად მიდიოდნენ. ერთი ღარიბი კაცი ნახეს. იღბალმა უთხრა ბედსა: მოდი, დაშენაძლევე, ეს კაცი გავეპყდიდროო.

ღანაძლევედნენ. იღბალმა კაცს მისცა ოქროს ფულები და უთხრა: წადი, დიდი დუქანი გააღე და ივაჭრე, აქ რას წვალობო!

წამოიღო კაცმა ეს ოქროს ფული და თქვა: ამოდენა ფული მაქვს, ცოტა რავე მაინც ვუყიდო დაქნეულ ცოლ-შვილსო. ერთი წითელი ხელსახოცი შეიძინა, საკმელ-სასპელიც ბლომად იყიდა, ხელსახოცში გამოკრა და მოაქვს სახლში. გზაში დაისვენა. ხელსახოცი იქით დადო. ერთი მშიერი ყვავი დასწვდა და წაიღო.

მივიდა ღარიბი კაცი დაღონებული და დაძმარებული. უანბო ცოლს თავგადასავალი. ცოლმა, რა თქმა უნდა, არ დაუჯერა.

ერთი კვირა რომ გავიდა, ბედი კიდევ შეხვდა იღბალს და ჰკითხა:

— რა ჰქენი, გაამდიდრე ის ღარიბი, თუ არაო?

— არ ვიცი, ოქროები კი მივეციო!

ჩაიარეს ღარიბ კაცთან, ისევ ღარიბად ცხოვრობს.

— რა უყავი ის ოქროებითო? — ჰკითხა იღბალმა.

— ასე და ასე მომივიდა, ყვავმა მომტაცაო.

იღბალმა ახლა ორი იმდენი მისცა: წაიღე, გამდიდრდიო.

ლარიბმა კაცმა ბაზარში რომ გამოიარა, თქვა: ამოდენა ფული მაქვს და მოდი, რამეს ვუყიდი დამშეულ ცოლ-შვილსაო!

ფული რომ ამოიღო, ორმა ქურდმა დაინახა. დიდმა ქურდმა პატარას უთხრა: მე დანით გამოგიდგები, ეგ კაცი ქულაჯის ქვეშ ამოგიფარებს და ფული ამოაცალეო.

დიდი ქურდი დანით გამოუდგა პატარას. ლარიბ კაცს შეებრაღა და დაუძახა: მოდი, შვილო, მოდი, მე დაგიფარავო და ქულაჯის ქვეშ დამალა. ქურდმა ჯიბიდან ამოაცალა ფული და თავს უშველა. ლარიბი შინ მოვიდა თუ არა, ცოლს უთხრა: — აი, იმ კაცმა ორი იმდენი კიდევ მომცაო. ჩაიყო ხელი ჯიბეში, მაგრამ კაბიკი არა აქვს. იფიქრა, უსათუოდ იმ პატარა ბიჭმა ამომაცალაო.

ქალმა უთხრა: შენ ეშმაკები გაწვალევენ, თორემ ორას თუმანს, აბა, ვინ მოგცემსო!

გავიდა ერთი თვე და ბედი და იღბალი კიდევ შეხვდნენ ერთმანეთს, ბედმა ჰკითხა: რა ჰქენი, გაამდიდრე ის ლარიბი, თუ არა?

— ორი იმდენი კიდევ მივეცი და არ ვიცი, — უპასუხა იღბალმა. ჩაუარეს ლარიბ კაცს და ისევ დაგლახაკებული იპოვეს.

— რა უყავი იმდენი ფულიო? — ჰკითხა იღბალმა.

— იქით გამეცალეთ, ეშმაკებო, თქვენი ფული ჩემთან არა დგება. იღბალმა ახლა სამი იმდენი მისცა და უთხრა:

— შენ თუ შნო არა გაქვს, ამხანაგი აიყვანე და შენი საქმე წინ წავაო.

წაიღო ეს ფული ლარიბმა და პირდაპირ ცოლს მიუტანა. — აი, თუ არ გჯერა, იმ კაცმა კიდევ მომცა ფული. ცოლს არც შეუხედავს, ისე უთხრა: ჩააგდე ქოთანში და შეინახეო.

ლარიბი ამხანაგის საშოვნელად წავიდა. ამ დროს მეზობლის ბავშვმა მოირბინა და დიასახლისს სთხოვა: მარილი გვასესხეო!

ქალი ცომს ხელდა და ბავშვს უთხრა: მე, შვილო, ცომიანი ხელები მაქვს, ქოთნიდან ამოიღეო.

ბავშვმა ჩაყო ხელი ქოთანში, მარილიც წაიღო და ეს ფულიც გააყოლა. მიუტანა დედას მარილიცა და ფულიც. დედამ ფული რომ დაინახა, შვილს უთხრა: წაიღე და ჩვენი ფულის ყუთში ჩააგდეო.

ლარიბმა მოიყვანა ამხანაგი, ნახა, ფული აღარ არის.

— რა იქნა ფულიო? — ჰკითხა ცოლს.

— მე ფული არ მინახავს, ხომ გითხარი, ეშმაკები გატყუებენ, თორემ ორას-სამას თუმანს რომელი კაცი მოგცემსო!

ლარიბმაც დაიჯერა: მართლაც, ეშმაკები მატყუებენო! გავიდა ხანი. ბედი და იღბალი კვლავ შეხვდნენ ერთმანეთს.

— რა ჰქენი, გაამდიდრე ის ღარიბი, თუ არაო? — ჰკითხა ბედმა.

— სამი იმდენი კიდევ მივეცი და არ ვიცი, რა მოუვიდაო!

ნახეს, კაცი ისევ ღატაკია.

— რა უყავი ის ფულიო? — ჰკითხა იღბალმა.

ღარიბმა ველარ მოითმინა და კეტს წამოავლო ხელი. თქვენნი ფული ჩემთან არ დგება, დაიკარგეთ, ქაჯები და ეშმაკები ხართო!

ახლა ბედმა უთხრა იღბალს: შენ ხომ ამდენი მიეცი და ვერ გაამდიდრე, მე სულ ცოტას მივცემ და ნახე, თუ ვერ გავამდიდროო! ბედმა ღარიბ კაცს მისცა ხუთი მანეთი და უთხრა: სამი მანეთით ვირი იყიდე, ათი შაურით — ცული, ათი შაურით — თოკები და მოსართავეები, მანეთისა — საკმელ-სასმელი. ტყეში შეშა მოჭერი, ყოველდღე ჩამოიტანე ქალაქში, გაყიდე და ალებული ფულით ტკბილად იცხოვრო!

მართლაც, ღარიბმა სამ მანეთად ვირი იყიდა, ათ შაურად — ცული, — ათ შაურად — მოსართავეები, მანეთის — სასმელ-საკმელი და წამოვიდა შინ. მუდამდღე ტყიდან ჩამოაქვს შეშა, ყიდის და თავისი ნაოფლარით ბედნიერად ცხოვრობს.

შემოდგომით ერთი ხმელი წიფელი ნახა. შემოუარა ირგვლივ და თქვა: ამას მოვჭრი და მთელ ზამთარს მეყოფა საზიდავადო. წიფელა წააქცია და რას ხედავს: თურმე ის წითელი ხელსახოცი ყვავს ამ ხეზე დარჩენოდა და იპოვა. ის ოქროებიც შიგ იდო. წამოიღო და მიუტანა ცოლს. ახლა ღარიბს ბევრი ფული აქვს, მაგრამ მაინც შრომობს და შეშას ყიდის.

ერთხელაც ღარიბი კაცის მეზობელს დაეთვალა თავისი ფული და სამასი თუმანი მეტი აღმოჩენოდა. მაშინვე გაიგო მიზეზი და უკანვე დაუბრუნა. ეს კაცი ახლა კი გამდიდრდა. კარგი სახლებიც დაიდგა.

გავიდა რამდენიმე წელიწადი, იღბალი შეხვდა ბედს და ჰკითხა:

— რა ჰქენი, გაამდიდრე შენი ხუთი მანეთით ის კაციო?

ჩაუარეს ღარიბს და ნახეს, მართლა გამდიდრებულა. კაცმა დაინახა თუ არა ბედი და იღბალი, გაუხარდა და შინ შეიპატიჟა. კარგად იქეიფეს.

ღარიბმა კაცმა თქვა: ღარიბი ვიყავი, მაგრამ ახლა არა მიშავსო. ეგრეა, მაშრომე, ბედი მომეცი და სანახევრე გადამაგდეო!...

მეჩონგურა

იყო ერთი ხელმწიფე. ჰყავდა ერთადერთი ქალი, რომელიც სილამაზით მზეს ეცილებოდა. მამა ქალის მთხოვნელებს ეუბნებოდა: ამა და ამ ადგილას, ამა და ამ ბაღში იზრდება უკვდავების ვაშლი, ვინც იმ ვაშლის ნაყოფს მომიტანს, ჩემ ქალს იმას მივათხოვებო.

ყველა მიდიოდა ვაშლის საძებრად. ბევრი ვაჟკაცი წავიდა, მაგრამ უკან დაბრუნებული არავინ უნახავთ.

ხელმწიფის მაზლობლად ერთი მეჩონგურე ცხოვრობდა. განთქმული იყო თავისი სიმღერებითა და დაკვრით. მასაც მოსწონდა მზეთუნახავი, მაგრამ თხოვას აბა როგორ გაბედავდა! ერთ მშვენიერ დღეს ეს მეჩონგურეც მივიდა ხელმწიფესთან და მზეთუნახავი სთხოვა. მასაც უკვდავების ოქროს ვაშლის მოტანა დაავალეს.

მეჩონგურემ აიღო თავისი ჩონგური და გაუდგა გზას. ბევრი იარა, თუ ცოტა იარა, ცხრა მთა გადაიარა. მიადგა ერთ უზარმაზარ ბაღს, რომელიც ისეთი მაღალი კედლით იყო შემოვლებული, რომ ჩიტიც ვერ გადაფრინდებოდა.

მეჩონგურემ დიდხანს უარა ბაღს, მაგრამ კარი ვერსად უპოვა. უვლის ბაღს მეჩონგურე ირგვლივ. უკრავს ჩონგურს და მღერის ტკბილად. ამ სიმღერას ყურს უგდებს მთელი ქვეყანა, ტყემ შეაჩერა ფოთლების შრიალი და ტკბება სიმღერით, ცაში მონავარდე ფრინველები ბაღისაკენ მიფრინავენ, სხდებიან მახლობელ ხეებზე და ყურს უგდებენ მეჩონგურის ხმას. სიმღერამ დაატკბო ყველაფერი, თვით ქვის კედელიც კი.

უცებ მეჩონგურის წინ გაიხსნა სალი კლდის კედელი და გამოჩნდა ყვავილებით მოფენილი გზა. გზა პირდაპირ ბაღში მიდიოდა. მიჰყვება ამ ყვავილოვან გზას მეჩონგურე და თანაც მღერის თავის გულაქლავ სიმღერას.

ის უკვდავების ვაშლი, თურმე, ამ ბაღში იდგა და მას მცველად ჰყავდა გველვეშაპი. ვინც ბაღს ახლო მიეკარებოდა, ცოცხლად ყლაპავდა. მოესმა უცხო ხმა, ახრიალდა, საზიზღარი პირი დააღო და დაიღმუვლა: ვინ არის ეს თავხედი, ვინ გაბედა ჩემს ბაღში შემოსვლად, აქ ჩემი შიშით დაღლა ქიანჭველები ვერ დადიან და ცაში ფრინველები ვერ დაფრინავენო!

მეჩონგურე უკრავს და მღერის. მღერის თავის სიმღერას და თვლებიდან თქრიალით მოსდის მღელვარე ცრემლი, მღერის და თანაც ტირის. გველვეშაპი ღრიალით გამოქანდა მეჩონგურისაკენ, საზარელი პირი დააღო, უნდა ჩაეყლაპა, მაგრამ უცებ შეჩერდა და ყური

დაუგდო მას. ტკბილმა სიმღერამ გააბრუნა გველვეშაპი. დიდხანს უსმენდა გაჩუმებულა. ველარ გაუქლო მისმა ბოროტმა გულშაც და გასასხლანებელი თვალებიდან ცრემლები გადმოსცვივდა. აკანკალებული და აცრემლებული უცქეროდა სანიზდარი გველვეშაპი მეჩონგურეს. რომელიც კიდევ უფრო მგრძნობიარე სიმღერებს მღეროდა.

ერთი კიდევ ჩამოჰკრა მეჩონგურემ და უცებ დააწყდა ჩონგურს ლარები. შეწყდა წყრიალა ხმებიც. თავდახრილი მეჩონგურე დგას პირდაღებული ურჩხელის წინაშე და გადმოსდის ცრემლი. თვალბედასისხლულა გველვეშაპი დუმს, მასაც თვალბედაში ცრემლები უჩანს და საბრალოთ შესცქერავს მეჩონგურეს.

უცებ გველვეშაპი გონს მოვიდა. ასწია თავი. მოწყვეტა უკვდავების ვაშლი და გაუწოდა მეჩონგურეს. მეჩონგურე შეკრთა, თვალბედას არ უჯეროდა. გველვეშაპმა უთხრა: წაილე, ნუ მორტყვობ. ჩემს სიცოცხლეს ასეთი ხმა არა მსმენია, არავენ დამლაპარაკებია მავნაირი ენით. წაღი, წაილე ეს ვაშლი და სიტყვას გაძღვე. დღეის იქით აღარ დაეღვარო შენი მოდგმის სახსლი, რა ტკბილი ყოფილა ადამიანის ხმაო.

გახარებულმა მეჩონგურემ დაავლო ხელი უკვდავების ვაშლს და უკან გამობრუნდა.

ფინასოს ზღაპარი

იყო და არა იყო რა, იყო ერთი დიდებული ხელმწიფე. ჰყავდა სამი ვაჟი და სამი ქალი.

როდესაც ხელმწიფე კვდებოდა, შვილებს უანდერძა: შვილებო. ეს მთელი ჩემი სახელმწიფო თქვენთვის დამილოცნია, როგორც გსურდეთ, ისე მოუარეთ. მაგ სამ ცოდვის შვილს კი ნუ გამიუბედურებთ, ვინც პირველმა გთხოვთ, იმას მიეცითო.

უმცროს შვილს მისცა ერთი თვალი და უთხრა: უბედურების დროს დაგიხსნისო. დაანახა ერთი შავი ძთა და უთხრა: იმ მთაზე ნუ წახვალთ, წითელსა და თეთრ მთაზე კი შეგიძლიათ ნადირობაო.

მოკვდა ხელმწიფე. დამარხეს, როგორც ხელმწიფეს შეეფერებოდა, და იგლოვეს.

გავიდა ორი თვე. ერთ დღეს, კარებზე რომ დიდი ქვა იდო, იმაზე ბუ შემოჭდა. ძმებს კაცი შეუგზავნა და სთხოვა და ცოლად.

ძმებმა, უფროსმა და შუალამ, კეტებს მოავლეს ხელი: წაეთრიოს იქვე, საიდანაც მოთრეულა, ჩვენს დას ბუს როგორ მივცემთო! უმცროსმა ძმამ კი მოავლო უფროს დას ხელი: მამის ანდერძს ვერ გავტეხო, და მისცა ბუს.

ბუმ შეისვა მხრებზე ქალი და გაფრინდა.

მეორე დღეს მოვიდა მგელი. უფროსმა ძმებმა ისეთივე პასუხა მისცეს, როგორც ბუს. უმცროსმა კი მეორე და გამოიყვანა და მისცა.

სიტყვა რაღა გავაგრძელოთ, მესამე დღეს შავარდენი მოფრინდა და უმცროსმა ძმამ უმცროსი და იმას მისცა. შავარდენმა შეისვა ქალი ზურგზე და ღრუბლებში აფრინდა.

რაკი დები გაათხოვა, უმცროსმა ვაჟმა იფიქრა, მამის ეს ერთი ანდერძი ხომ არ გავტეხე, მოდი და ერთი იმ შავ მთაზეც წავალ, ვნახავ, რა არის იქ ისეთი, რომ საშიში იყოსო.

მართლაც ადგა, ჩაიცვა ჭაჭვი, აისხა აბჯარი, შეჯდა ცხენზე და გასწია სანადიროდ. მთელი დღე ინადირა შავ მთაზე, ვერსად სულიერი ვერა ნახა, ვერც ვერაფერი მოკლა. იმ ღამეს იქ დადგა.

მეორე დღეს იარა კიდევ და ბოლოს ერთი ტბა ნახა. შუა ტბაში ერთი ბატი დაცურავდა. იფიქრა: სხვა ვერაფერი მოვკალ, ეს ბატი მაინც მოვკლა, თორემ შიმშილი მომკლავსო. ვაჟმა ტბას მიაშურა და ბატს თოფი ესროლა, მაგრამ ვერ მოარტყა. თოფის გასროლაზე ჩაყურყუმელავდებოდა და შორს სადმე ამოჩნდებოდა. კაცს ეგონებოდა, ან ფეხები ექნება დამტვრეული და ან მხრებიო. ვაჟმა იმდენი ესროლა, რომ ტყვია-წამალი სულ გაუთავდა, მაგრამ მაინც ვერ მოარტყა. ბოლოს, შეჯდა ცხენზე და შეცურდა ცხენდაცხენ, მაგრამ ბატი ისე ეშმაკურად დაცურავდა, რომ ეშმაკიც ვერ დაიჭერდა: ხან წინ გაუტურდებოდა ცხენს, ხან უკან მოექცეოდა, ხან ფეხქვეშ გაუძვრებოდა, ხან შორს გაუტურდებოდა. ბოლოს ბატმა ვაჟი კარგა შორს შეიტყუა.

რალაც განგებით ვაჟი უკან გამოცურდა, მაგრამ ცხენი და აბჯარი სულ იქ დარჩა. ის იყო ღამდებოდა კიდევაც. შორს, სადღაც, ტყეში ცეცხლი გამოჩნდა. ვაჟმა იქით გასწია.

იარა, იარა და ბოლოს ბუების სოფელში მივიდა. ბუები ხნავდნენ და თესავდნენ. ვაჟი მივიდა იმათთან და მიესალმა:

— გამარჯობათ, ბუებო, ბუს ქვეყნისანო! ან სალაში, ან გამარჯვება არ იცით? ან ბატონი არა გყავთ?

ბუები კაცები ყოფილიყვნენ, მაგრამ ბუების ტყავები კი ეცვათ.

— გამარჯვებაც ვიცით და ბატონიცა გვეყავს! — უპასუხეს ბუებმა. — ჩვენმა ბატონმა ახლა ამომავალი ხელმწიფის ქალი მოიყვანა და ყველანი გახარებულნი ვართ!

— აბა, ერთი მაჩვენეთ, სად არის თქვენი ბატონის სახლი, — უთხრა ვაჟმა.

სიხარულით მიასწავლეს. ვაჟმა გასწია ბატონის სახლისაკენ და შორიდანვე იცნო თავისი უფროსი და. და ჩამოეგება ძმას, გადაეხვია და კოცნა დაუწყო. დასხდნენ და ერთმანეთს ტკბილად გამოჰკითხეს ამბავი.

სალამო რომ მოახლოვდა, დამ უთხრა ძმას: ძმაო, ახლა შენ სხვა ოთახში უნდა გახვიდე. ბუთა ბატონი რომ მოვიდეს, ვაითუ ან კლანჭი გაგკრას და ან ნისკარტო.

სალამოზე მოვიდა ბუ. გადიძრო ბუს ტყავი და გამოჩნდა მშვენიერი ვაჟკაცი. ცოლს რომ მიესალმა, უთხრა: სულიერის სუნი მომდისო!

— შენ იფრინე ქვეყანაზე, შენ მოგყვებოდა კაცის სუნი, აქ სხვას რა უნდოდაო, — უთხრა ცოლმა.

შემდეგ ჰკითხა:

-- ახლა რომ აქ ჩემი ძმა იყოს, რას უზამ?

— უფროსს და შუალა ძმას თვალებს გამოვიჩიქნი, უმცროსს კი გადავებხევი და ვაკოცებ.

— აქ არის ჩემი უმცროსი ძმა, — უთხრა ცოლმა და გამოუჩინა.

ბუ გადაეხვია თავის პატარა ცოლისძმას და კოცნა დაუწყო, ბოლოს, მოსვლის მიზეზი გამოჰკითხა. ვაჟმაც ყველაფერი უამბო, რაც დაემართა. ბუმ უთხრა:

— მე სამი წელი ვდიე იმ ბატს, ის ბატი ქალია, მაგრამ ხელთ ვერ ვიგდე და, აბა, შენ რას დაიჭერდი?

— მაშ, ვერაფერს გავხდები? — ჰკითხა ვაჟმა.

— მე ვერაფერს გიშველი, — უთხრა ბუმ. — და იქნება მგელი დაგეხმაროს.

ვაჟი მგელთან წავიდა. მგელმა უთხრა: ორი წელი ვცდილობდი იმის დაჭერას, მაგრამ ვერაფერს გავხდი. იქნება შავარდენი დაგეხმაროსო.

ვაჟი წავიდა შავარდენთან. შავარდენმაც დიდი სიხარულით მიიღო. როდესაც ცოლისძმამ უამბო თავისი თავგადასავალი, შავარდენმა უთხრა: მაგ ბატს ტყუილად დასდევი. იგი მზეთუნახავია და ბატის ტყავით დაცურავს. მე მთელი ერთი წელიწადი ვდევიდი, ცაზე ავდიოდრი, იქიდან დავიხუველებდი, მაგრამ ბატი, როგორც კი

დამინახავდა, ტბაში ჩაყვინთავდა. იმას ვერავინ დაიჭერს. ერთი დე-
ვია, ცალი გვერდი გამხმარი აქვს და ცალი სალი. თუ ეცოდინება, იმას
ეცოდინება მისი ამბავიო.

ვაჟი მაშინვე წავიდა იმ დევთან. ბევრი სიარულის შემდეგ, დაი-
ნახა, რომ ერთ გორაზე ხესავით უზარმაზარი კაცი აყუდებულა. ვაჟ-
მა მოუარა დევს გამხმარი გვერდიდან და უთხრა:

— გამარჯობა, მამავ!

— აქეთ მოდი, — უთხრა დევმა, — მამობა რომ არ გეთქვა, შენი
საქმე ცუდად იქნებოდა. რა გაგვიკირდა, რომ ჩემთან გაბედვლ მოსვლა?

ვაჟმა უამბო თავისი თავგადასავალი. დევმა უთხრა: მე დევების
ხელმწიფე ვიყავი. რვა ცოლი მყავდა, მაგრამ, ეგ ბატი ძალიან ლამა-
ზი ქალი იყო, მაგის მოტაცებაც მოვინდომე. აქედან იმის სახლი კარ-
გა დიდ მანძილზეა; დამე ტბიდან სახლში ბრუნდება. მივედი იმის
სახლში და დავიძალე. მინდოდა მომეტაცა, მაგრამ გამიგო, ამიტეხა
ქარი და სეტყვა, გამოვექეცი. ის იყო, იმის საზღვარს უნდა გადმოვ-
სულიყავი, ერთი ფეხი ჩემს მიწაზე შედგა, რომ დამკრა ქარი და გა-
მაქვავა. ახლა ვინც იმ ქალთან მივა, თუ სტუმრულად არის, ქალი
არაფერს ეტყვის; ვისაც იმისი ცოლად შერთვა უნდა, მან სამი
სიტყვა უნდა ათქმევინოს და იმას გაჰყვება ცოლად, თუ ვერ ათქმე-
ვინა, გააქვავებსო. ნეტავი მე კი გავექვავებინე და ჩემს მიწაზე ფეხი
არ გადმომედგა, რომ ტანჯვას მოვრჩენილიყავიო.

ვაჟმა მადლობა გადაუხადა და გზას გაუდგა.

იარა, იარა და მივიდა იმ ქალის სახლში. შევიდა და წამოწვა
ტახტზე: რამდენი ზღაპარი და ლექსი ვიცი, ყველაფერი რომ
ვუამბო, განა ვერ ვათქმევინებ რამესო.

სალამოზე მოვიდა ქალი და დაწვა ვაჟის პირდაპირ. ქალი ისეთი
ლამაზი იყო, რომ ვაჟს სულ დაავიწყდა, თუ სადმე ან გაეგონა, ან
ენახა რამე.

მიდიოდა დრო და ვაჟი მაინც ვერაფერს ამბობდა. ბოლოს, ვაჟმა
თქვა გულში: ეს დამე მიდის და ხვალ თავს მომჭრიან, თუ არაფერი
მოვიგონეო.

ამ დროს ვაჟს მოაგონდა მამის მიცემული თვალი და თქვა, რაღა
ოხრად მინდა ან თვალი ან სხვა რამე, თუ კი ახლა ვერაფერს მიშვე-
ლისო.

ამოიღო თვალი და უთხრა, აბა, ახლა მიშველეო!

ქალს ფეხებთან სანთელი ედგა. ვაჟმა თვალი სანთელთან დადო.
თვალმა უთხრა სანთელს: ფისასო, ხომ ხედავ, ჩვენი ბატონები შე-
წუხებულები არიან, მოდი, ზღაპარი ვთქვათ და შევაქციოთო.

— რა ვთქვით? — უთხრა სანთელმა, — საღამოზე ამანთეს, თავზე ცეცხლი მიკიდია, დილამდე დავდნები.

— მაშ, კარგი, — უთხრა თვალმა, — მე გეტყვი.

თვალმა დაიწყო: ერთი მღვდელი, ერთი თერძი და ერთი ღურგალი მიდიოდნენ. გზაზე ერთ ტყეში დაულამდათ, დაანთეს ცეცხლი და დადგნენ. როდესაც დასაძინებლად მოემზადნენ, თქვეს, მხეცებმა რომ არაფერი გვავენონ, ვიყარაულოთო.

წილი ჰყარეს. პირველად დარაჯობა ღურგალს შეხვდა. როდესაც მღვდელსა და თერძს დაეძინათ, ღურგალმა; რომ არ დასძინებოდა, ამოიღო თავისი იარაღები, გააკეთა ერთი მშვენიერი ხის ქალი და მიაყუდა ხეზე.

როდესაც ღურგლის ვადა გავიდა, დარაჯობა თერძმა დაიწყო. მან ხეზე აყუდებული ხის ქალი დაინახა. რომ არ დასძინებოდა, ამოიღო თავისი იარაღები და შეუქერა მშვენიერი ტანსაცმელი, შემოსა დედოფალივით და ხეზე მიაყუდა.

ახლა მღვდელს ერგო დარაჯობა. მღვდელმა ხეზე მიყუდებული ქალი დაინახა, იფიქრა: ეშმაკი თუ არისო და დაუძახა: ვინ ხარ, ეშმაკი თუ კაციო?!

ქალი ხმას არ სცემდა.

— შე წყეულო, ვინა ხარ? — გაუშეორა მღვდელმა.

ქალმა პასუხი არ გასცა. მღვდელი გულადი იყო. მივიდა, მოჰკიდა ხელი, ცეცხლში ჩაგდება უნდოდა, მაგრამ ხელში ხის ქალი შერჩა. მღვდელი მიხვდა, რომ ხისგან იყო გაკეთებული. ამოიღო ჭვარსანარება და დაიწყო ლოცვა. ილოცა დიდხანს და ქალი გააცოცხლა.

— ახლა, ფისასო, ვის ეკუთვნის ის ქალი, — ჰკითხა თვალმა, — ღურგალს, თერძს, თუ მღვდელს?

— მე რა ვიცი, თავზე ცეცხლი მიკიდია, დილამდე გავთავლები; — უპასუხა სანთელმა, — მე რა იმისი ჯავრი მაქვს!

ამ დროს წამოიწია ქალმა და გაჯავრებულმა უთხრა სანთელს: შე წყეულო, ისე იქცევი, თითქოს ჯერ ჩემთან არა ყოფილიყავ! უთხარ, რომ იმას ეკუთვნის, ვინც წინწინ შეუდგა საქმეს. ღურგალს რომ არ დაეწყო, ან თერძი ვის რას ჩააცმევდა და ან მღვდელი ვის ჩაუდგამდა სულსაო.

— ეს ერთიო! — თქვა ვაჟმა.

— აბა, ფისასო, ახლა შენი ჯერია! — უთხრა თვალმა სანთელს.

— რა ზღაპრისა მცხელა? — უპასუხა სანთელმა, — თავზე ცეცხლი მიკიდია, დილამდის გავთავლები.

— მაშ, ისევ მე გეტყვი. — თქვა თვალმა და დაიწყო, — გზაზე სამი კაცი მიდიოდა: ფენმარდი, გულთმისანი და ექიმი. ფენმარდს.სარბე-

4. ხალხური სიბრძნე, ტ. II.

ნად გული ერჩოდა და გულთმისანს უთხრა: თუ ძმა ხარ, ერთი ჩაიხედე საწუთროს ჯამში, იქნება ვინმე იყოს ავად, ეს ექიმი წამალს მოამზადებს, მე გავაქევე და მოვარჩინეთო.

გულთმისანმა ჩაიხედა ჯამში და თქვა, ერთ ქვეყანაში ხელმწიფის შვილი კვდება და ის შეგვიძლია მოვარჩინოთო.

ექიმმა მაშინვე მოამზადა წამალი, ფეხმარდმა ფეხებიდან დოლაბები მოიყრინა და ხელმწიფისაკენ გაიქცა. მიუტანა წამალი და მოარჩინა ხელმწიფის შვილი! ახლა შენ მითხარ, ფისასო, ვინ მოარჩინა ის ხელმწიფის შვილი?

— მე რა ვიცი, — უპასუხა ფისასომ, — ხომ მხედავ, მე ჩემი დარდი მაქვს, ვიწვები.

— შე წყეულო, უთხარ, რომ იმან, ვინც წამალი მიუტანა, — დაუძახა გაჯავრებულმა ქალმა სანთელს.

— ეს მეორეო! — თქვა ვაჟმა.

— აბა, ახლა შენა თქვი, ფისასო, — მიუბრუნდა თვალი სანთელს, — სულ მე ვლაპარაკობ და შენ კი არაფერს ამბობ.

— რა ლაპარაკისათვის მცხელა, — უპასუხა სანთელმა, — თავზე ცეცხლი მიკიდია, დილამდის ჩამოვდნები.

— მაშ, უკაცრავად ნუ ვიქნები, — თქვა თვალმა, — და ერთს კიდევ ვიტყვი.

დააწყო: გზაზე ერთი კაცი მიდიოდა ცოლითა და ცოლისძმით. ყაჩაღები დახვდნენ, გაძარცვეს, დასჭრეს თავები კაცებს და დაყარეს. ქალი ცალკე ქმარს ტიროდა, ცალკე — ძმას. ღმერთს შეესმა ქალის ტირილი და გამოგზავნა ორი ანგელოზი: წადით, უშველეთ რამეო.

ანგელოზები მოფრინდნენ, დასხდნენ მტრედებივით მკვდრების ახლოს ხეზე, ჩააგდეს ერთი შტო და თქვეს: მაგ ქალს რომ ესმოდეს და იმ შტოს მკვდრებს წაუსვამდეს, ხომ გაუცოცხლდებოდნენო.

ქალმა აიღო ეს შტო და მოუსვა მკვდრებს. მკვდრები გაცოცხლდნენ, მაგრამ, საუბედუროდ, ქმრის თავი ძმას მოება და ძმისა — ქმარს.

— ახლა შენ მითხარ, ფისასო, ვისია ის ქალი?

— მე რა იმათი ჯავრი მაქვს, — უპასუხა ფისასომ, — ხომ ხედავ, გავთავდი, თავზე ცეცხლი მეკიდება და გონი მეღვეა!

— აი, შე წყეულო, — უთხრა ქალმა და ადგა, — განა შენ ჩემ ხელში არა ყოფილხარ, რომ ვერაფერს ეუბნები? უთხარ, რომ იმის ცოლი იქნება, ვის ტანზედაც ქმრის თავია მიბმული.

— ესეც მესამეო! — დაიძახა ვაჟმა, — შენ ჩემი ცოლი იქნებიო, — და ქალს მოეხვია.

გადაიხადეს ქორწილი და ზღაპარიც აქა თავდება.

მარგალიტის ტრეპლი

იყო და არა იყო რა, იყო ორი ძმა. ძმები ერთად ცხოვრობდნენ. ორივენი ცოლიანები იყვნენ, მაგრამ ერთს შვილები ჰყავდა, მეორეს კი — არა.

კარგა ხანს ცხოვრობდნენ ერთად ტკბილად და უშფოთველად. ამ ერთ ძმას წამოეზარდნენ შვილები. ცოლმა ქმარს დაუყენა: შენ ძმას უნდა გაეყარო, დაბერდა, რაღას გვარგიაო. ქმარი გაუჭავრდა: რას ამბობ, დედაკაცო, დაბერდნენ, ახლა სადღა წავლენ, სანამ ახალგაზრდები იყვნენ, ჩვენთვის და ჩვენი შვილებისათვის შრომობდნენ, მაშინ არ ვერეკებოდით და ახლა გინდა მაგათი მოშორება, როდესაც ჩვენი შესანახები გახდნენო!

— არ იქნება და არა, თუ არ გაეყრები, წავალ და წყალში თავს დავიხრჩობო.

რაღას იზამდა საწყალი კაცი, წავიდა და უთხრა ძმას.

უშვილო ძმა ძლიერ დაღონდა და უთხრა: რად უნდა გამაგდო. ძმაო, ამ სიბერ-სიკვდილის დროს. შენი ძმა ვარ, ცოდვად დაგედება. თუ იმასა ფიქრობ, რომ შეგიქამ რასმე, ჩემი წილი მე კი არა, მთელ ოჯახს ეყოფა, შვილები არა მყავს, ჩემ წილს განა სამარეში წავიღებ, შენს შვილებს არ დავუტოვებო?

— რა ვქნა, — უთხრა ძმამ, — შენი რძალი მაგაზნეა დამდგარი: თავს მოვიკლავო, ამბობს, თორემ მე, ხომ იცი, არ მესიამოვნება შენი მოშორებაო.

რაღას იზამდა უშვილო ძმა? წავიდა, უთხრა ცოლს და მეორე დღეს გაუდგნენ გზას უარააროდ.

იარეს, იარეს და მივიდნენ ერთ ტყეში. ეძებეს თავშესაფარი, გავიდა ორი-სამი დღე და ვერსად იპოვეს.

მესამე დღეს ერთი სახლი ნახეს, შიგ არავინ იყო, ღვინო და პური კი რამდენიმე წლის საკმარი იყო. ბერიკაცი თავისი ცოლით შევიდა ამ სახლში და თქვა: იქნებ სახლის პატრონი დევი მოვიდეს, დაგვხოცოს და ტანჯვას მოგვარჩინოსო.

გავიდა თვეები, მაგრამ პატრონი არავინ გამოჩენილა. კაცმა და დედაკაცმა დაიწყეს ცხოვრება ახალ სახლსა და ახალ ქვეყანაში. ბერიკაცი და დედაკაცი ტკბილად ცხოვრობდნენ, მაგრამ ზოგჯერ კი ჩივილს დაიწყებდნენ ხოლმე: ვინ დაგვმარხავს, ვინ დაგვიხუჭავს თვალებს, რომ დავიხოცებითო.

გავიდა რამდენიმე თვე. ერთხელ ამ დედაკაცმა იგრძნო, რომ

ფეხმძიმედ იყო. დედაკაცი დალონდა, ტირილითა და ქვითინით წავი-
და ქმართან. ქმარმა ტირილის მიზეზი ჰკითხა.

ცოლმა უთხრა: შენც, ხომ იცი, შენთანა ვარ დაბერებული, შენი
მოლაღატე არ ვყოფილვარ! თუ ექვს რასმეს აიღებ, ვისზე იფიქრებ,
ვინ არის აქ? ან რაღა ჩემი შვილოსნობის დრო არის? მაგრამ ეს მა-
ტირებს, რომ ახლა დავორსულდი!

— ნუ იჯავრებ, — უთხრა ქმარმა, — აბა, ჩვენ ხომ ვერ უარუ-
ყოფთ, რაც არის, არისო.

მართლაც, მოკლე ხანში გაუჩნდა მოხუც დედაკაცს მშვენიერი
ქალიშვილი.

ქალი რომ მონათლეს, ჰკითხეს ნათლიებს, რას დაანათლავთ?
ერთმა თქვა: დეე, ჩემმა ნათლულმა რომ იტიროს, ცრემლად
მარგალიტი აფრქვიოსო. მეორემ თქვა: როდესაც გაიცინებს, ისეთი
ვარდი და ია გადმოუვიდეს პირიდან, რომ სიკვდილის პირას მისუ-
ლი გამოაბრუნოს იმათმა სუნმაო.

— მაშ, მე ისეთ მძივებს დავანათლავ, რომ სანამ ის ედება
ყელზე, იცოცხლოს და როცა მოიხსნის, მოკვდესო, — თქვა მესამემ.

მოხუცებულები გაკვირვებულნი და გახარებულნი დარჩნენ.

ერთხელ ბავშვმა რაღაცაზე იტირა და გადმოშალა მარგალიტი.
ბერიკაცმა აკრიფა, წაიღო ქალაქში. უყიდა ტანსაცმელი, სა-
გებ-სახურავი და ქალის სხეადასხვა მორთულობაც. როცა ქალი
რამეზე იტირებდა, ცრემლად მარგალიტი სცვიოდა.

გამდიდრდა ბერიკაცი. ქალს მშვენიერი სახლი აუშენა. დრო გა-
ვიდა. გოგო გაიზარდა. თოთხმეტ-თხუთმეტი წლისა ისეთი
ლამაზი იყო, რომ იმის მნახველს წუთისოფელი დაავიწყდებოდა.

ერთხელ ამ ქვეყნის ხელმწიფის შვილი სანადიროდ წამოსულიყო
იმ ტყეში, სადაც ბერიკაცი სახლობდა. მას თან წამოეყვანა ვე-
ზირიც.

მთელი დღე ინადირა ხელმწიფის შვილმა, ვერაფერი მოკლა, ერ-
თი ხოხობს მეტი.

სალამოზე ვეზირს უთხრა, თქვენ წადით, ეს ხოხობი სადმე შე-
მიწვით. ამაღამ აქ უნდა დავრჩეთ, ხვალ თუ არაფერი მოკვალ, სირ-
ცხვილით ქალაქში როგორ დავბრუნდებო.

ვეზირმა წაიღო ხოხობი და ბერიკაცის სახლში მივიდა. ბერიკაც-
მა დიდი სიამოვნებით მიიღო ხელმწიფის შვილის ვეზირი, კარგად
გაუმასპინძლდა და უთხრა: თუ ამხანაგები გყავდნენ, რატომ ისინიც
არ მოვიდნენო.

ბერიკაცს უნდოდა ხოხობი გამოერთვა და შეეწვა, მაგრამ ვეზირმა არ დაანება: მე თვითონ უნდა შევწვავო.

გააჩაღეს ცეცხლი. ვეზირმა ხოხობი შამფურზე ააგო და დაუწყო წვა. აჰ დროს ბერიკაცის ქალი შემოვიდა. ვეზირს თვალეები ქალზე დარჩა. ქალი იღვა, ვეზირი იმას შესცქეროდა და ხოხობი ნახევრად დაეწვა.

წამოუღო ნახევრად დამწვარი ხოხობი თავის ხელმწიფის შვილს.

ხელმწიფის შვალმა უთხრა: რა გეჩნია, რაზე დაგიწვავს ეს ხოხობიო.

— ბატონიშვილო, რა მეჩნა, ბერიკაცი მშვენივრად გამიმასპინძლდა, მთხოვა, თქვენი ბატონიც აქ მობრძანდეს, ხოხობსაც შევუწვავთო. მაგრამ არ დავთანხმდი. მინდოდა, თვითონ შემეწვა. დავიწყე კიდევაც შეწვა, მაგრამ იმ ბერიკაცს ერთი ქალი ჰყოლია, გამოვიდა, თვალი ველარ მოვაშორე და, აი, ხოხობიც დამეწვაო.

ხელმწიფის შვილი ნაზირ-ვეზირით წავიდა ბერიკაცთან. ბერიკაცი ძლიერ გულგახსნით დაუხვდა ხელმწიფის შვილს და, რაც რამ ჰქონდა, ყველაფერი მიართვა.

როდესაც ვახშამზე სხდებოდნენ, ბერიკაცმა წყალი ჩამოატარა სტუმრების ხელის დასაბანად. როდესაც ხელმწიფის შვილთან მიიტანა, მან უარი უთხრა, უფროს კაცს ხელუბს როგორ დაგაბანინებთ, უმცროსი ვინმე გეყოლებათ, ხელები იმან დაგვაბანინოსო.

ხელმწიფის შვილს უნდოდა, რომ ბერიკაცის ქალს დაეგებანინებინა ხელები.

წყალი ახლა ბერიკაცის ცოლმა ჩამოატარა, მაგრამ ხელმწიფის შვილმა არც იმას დაასხმევინა წყალი.

ბოლოს, ქალს დაუტახეს. გამოვიდა ქალი ლიტრით და ხელმწიფის შვილსაც, იმის მნახველს, გული წაუვიდა. ქალს გაეცინა, პირიდან ვარდი და ია გადმოუვიდა. ამ ვარდითა და იით მოაბრუნეს ხელმწიფის შვილი და დასხდნენ ვახშამზე.

ვახშმის შემდეგ ხელმწიფის შვილმა ბერიკაცს ქალი სთხოვა ცოლად.

ბერიკაცმა მოახსენა: ბატონიშვილო, ჩვენ თქვენი ღირსნი არა ვართ და თუკი გვიკადრებთ და ჩვენ ქალს ცოლად შეირთავთ, თქვენზე უკეთესს ვის ვიპოვიოთ.

გახარებულმა ხელმწიფის შვილმა იმ ღამესვე დანიშნა ქალი და მეორე დღეს გასწია ქალაქში, დედ-მამას გავახარებო.

მშობლებმაც საწინააღმდეგო არაფერი უთხრეს: თუ შენ მოგეწონა, შეილო, ჩვენ მეტი არაფერი არ გვინდაო.

ხელმწიფის შვილს ერთი ავი გამზრდელი ჰყავდა. იმ გამზრდელს უნდოდა თავისი ნაბუშარი ქალი როგორმე გაეთხოვებინა ხელმწიფის შვილზე.

ხელმწიფის შვილმა საცოლის იოსაყვანად ის გამზრდელი გაგზავნა და თან ნაზირ-ვეზირები გააყოლა. გამზრდელმა ეტლში თავისი ყორანივით შავი ქალი დამალა და გასწია ხელმწიფის შვილის საცოლესთან.

მივიდნენ ბერიკაცის სახლში, წამოიყვანეს ქალი და წამოვიდნენ.

გამზრდელმა გზაზე ეტლში ჩუმად ჩაიდგა ორი ლიტრა წყალი. ქალს ისეთი საკმელი აჰამა, რომ ქალი წყურვილით კვდებოდა. შევევდრა გამზრდელს: წყალი დამალევინეო.

გამზრდელი გაუჩაგრდა: აქ წყალს რა უნდა, ერთ უღრან ტყეში ვართო.

ქალმა კიდევ სთხოვა გამზრდელს.

— თუ ერთ თვალს გამოითხრი და მომცემ, — უთხრა გამზრდელმა ხელმწიფის შვილის საცოლეს, — წყალს მაშინ დაგაღევინებო.

— გამომთხარე, — უთხრა ქალმა, — ოღონდ წყალი კი დამალევინეო.

გამზრდელმა ერთი ლიტრა წყალი მისცა და სამაგიეროდ ერთი თვალი გამოსთხარა და შეიწახა. ქალმა მთელი ლიტრა დაცალა, მაგრამ შალე ისევ მოსწყურდა. ქალმა კიდევ სთხოვა წყალი. გამზრდელმა მეორე თვალიც გამოსთხარა და მისცა მეორე ლიტრაც.

გამზრდელმა ნაზირ-ვეზირებს უბრძანა: წინ წადით, ქალი უნდა დაეასვენოთო.

ნაზირ-ვეზირები წავიდნენ. ჩამოვიდა გამზრდელი, გადმოათრია ბრმა ქალი, გახადა ტანისამოსი, მიიყვანა ერთ ხესთან და იქ დატოვა. იმისი ტანისამოსი ჩააცვა თავის ქალს, მოისვა გვერდზე და მიიყვანა სასახლეში.

ხელმწიფის შვილს საცოლის მოლოდინში ქორწილი გაემართა. დაეპატიჟა სტუმრები. მაგრამ აი, მოუყვანეს ერთი ვიღაც საძაგელი გომბიო. ბერიკაცის ქალის მნახველს, ხელმწიფის შვილს, აბა, რას მოეწონებოდა ვიღაც ყორანივით შავი ქალი. მივარდა თავის გამზრდელს: რა უყავი ჩემი საცოლე, ეს ის არ არის, სად დაღუპეო?

— დიდებულო ბატონო, — უთხრა გამზრდელმა, — ეს ქალი გახლავს თქვენი საცოლე. დედ-მამასთან გამოთხოვების დროს ბევრი იტირა და ფერი შეეცვალაო.

ხელმწიფის შვილი მაინც ვერ დააჯერა და ვერ მიაკარეს ახლოს გამზრდელის ქალს. ცოლი ცალკე ცხოვრობდა, ქმარი — ცალკე.

ახლა იმ ბრმა ქალს დაუბრუნდეთ, თვალმბდათხრილი რომ დატოვა ხესთან ხელმწიფის შვილის გამზრდელმა.

უშტრად დარჩენილი ქალი იდგა ხესთან და ტიროდა. ჩამოსდიოდა ცრემლი მარგალიტად და ქალი იმალებოდა მარგალიტში.

ბოლოს, მარგალიტი მკერდამდე მიადგა და წელქვევით ერთიან დაფარა.

იმ ტყის ახლოს, სადაც ქალი დატოვა ხელმწიფის შვილის გამზრდელმა, ერთი ქალაქი იყო. იმ ქალაქში ერთი საწყალი ბერიკაცი ცხოვრობდა. ბერიკაცს ერთი ვირი ჰყავდა. დილით წავიდოდა ბერიკაცი ტყეში, აჰკიდებდა ვირს ფიჩხს, მოიტანდა ქალაქში, გაჰყიდდა და ფულს გლახებს დაურიგებდა. წავიდოდა შუადღისას, მოჰკრეფდა ფიჩხს, აჰკიდებდა ვირს, გაჰყიდდა ქალაქში, ფულს საყდარში შეიტანდა და შესწირავდა; საღამოზე წავიდოდა, მოიტანდა, გაყიდდა და აღებული ფულით თვითონა და იმისი ცოლი ირჩენდნენ თავს.

ერთხელ ბერიკაცი ტყეში იყო. ვირი გაუშვა დაუბმელად და თვითონ შეშასა ჰკრიდა. როდესაც ფიჩხი მოამზადა ასაკიდებლად, ვირი იარსად იყო. ძებნა დაუწყო. ნახა და რა ნახა: ვირი მისულა ერთ ხესთან, დამდგარა და შესცქერის ნახევრად მარგალიტში ჩაფლულ ქალს. ბერიკაცი გაუჯავრდა ვირს.

ქალმა გაიგონა კაცის ხმა და სთხოვა, ძმა ხარ თუ მამა, მიშველე რამე, გარს კლდე მაქვს შემოვლებული, შემომამტერიეო.

ბერიკაცი მივიდა ქალთან, მოაშორა მარგალიტი და წაიყვანა სახლში. წაიღო მარგალიტიც. ბერიკაცი უცებ გამდიდრდა, ქალს ჩააცვა მშვენივრად და მისცა ცალკე ოთახი.

ერთხელ ქალის ახლო კრუხმა რალაცაზნედაც წიწილას ჩაუნისკარტა. წიწილამ წიწინი დაიწყო, მამალი მოვარდა უცებ და კრუხს დაუწყო ჩხუბი: რადა სცემ შვილსაო.

ქალმა გაიგონა ეს ლაპარაკი ქათმებისა და გაეცინა. პირიდან იავარდი გადმოუვიდა და ოთახში მშვენიერი სუნი დადგა.

ბერიკაცი რომ შევიდა ოთახში, ძლიერ გაუკვირდა: ამისთანა იადა ვარდი საიდან მოვიდაო.

ქალმა უთხრა ბერიკაცს: წაილე, მამავ, ეს ია-ვარდი, ხელმწიფის ქალაქში დაატარე გასაყიდად. თუ ვინმე შეგევაჰკროს, ნუ მიჰყიდი, რაც უნდა ბევრი ფული გაძლიოს. ხელმწიფის შვილის გამზრდელს აქვს ჩემი თვალები, და თუ შეგვხვდა, ის იყიდის ამ ია-ვარდს თავი-

სი ქალისთვის. უთხარ, რომ თვალზე ცვიდი-თქო. მოგცემს ერთ თვალს და მომიტანეო.

ბერიკაცმა წაიღო ეს ია-ვარდი ქალაქში, მაგრამ არავის მიჰყიდა, თუმცა ბევრი მყიდველი გამოუჩნდა. ბოლოს, შეხვდა ხელმწიფის შვილის გამზრდელი და ჰკითხა, რაზე ყიდი, ან როგორ ყიდი მაგ ია-ვარდს, ბერიკაცო?

გამზრდელს ია-ვარდი თავისი ქალისთვის უნდოდა, რომ ხელმწიფის შვილისთვის ეთქვა: აი, ჩემს ქალს პირიდან რა ია და ვარდი გადმოუვიდაო.

ბერიკაცმა უთხრა: ადამიანის თვალზე ცვიდიო.

გამზრდელმა მისცა ქალის ერთი თვალი და გამოართვა. მაგრამ ხელმწიფის შვილი მაინც არ მიჰკარებია იმის ქალს.

ბერიკაცმა წაიღო ეს თვალი და თავის ნაშვილებს მიუტანა. ქალმა ჩაისვა თვალი, ჩაღესა მარგალიტი და ია-ვარდი და გადაისხა ზედ. თვალი გაუშთელდა და აეხილა ისე, როგორც წინათ ჰქონდა.

ერთი თვალი აახილა ქალმა, მაგრამ მეორით ისევ ბრმა იყო. ახლა როგორმე მეორე თვალი უნდა ეშოვა. ქალმა მოიშადა კუბო, ჩაწვა შიგ და ბერიკაცს კი უთხრა, ეს მძივი, ყელზე რომ მიკეთია, შემხსენ, წაიღე და მეორე თვალი იყიდე. მე მოვკვდები, ამ კუბოთი წამიღე და სადაც მიპოვე, იქ დამდგო.

ბერიკაცმა იყიდა მეორე თვალზე ხელმწიფის შვილის გამზრდელისაგან, მოიტანა, გაუკეთა მიმკვდარებულ ქალს და ტირილითა და ვიშით წაიღო იქ, სადაც პირველად იპოვა.

ქალი ხელმწიფის შვილისაგან ორსულად იყო და კუბოში გაუჩნდა მკვდარს ვაჟი. ბავშვი დედის მკერდს არ შორდებოდა და ისე სწოვდა ძუძუს.

ერთ დღეს დადარდიანებული ხელმწიფის შვილი სანადიროდ წავიდა. გაიარა ტყე და ერთგან შველი წამოუხტა. ხელმწიფის შვილმა ესროლა ისარი, ვერ მოარტყა, შველი გაიქცა, დაედევნა ხელმწიფის შვილიც.

ირბინა შველმა, ირბინა ხელმწიფის შვილმაც. შველი კუბოზე გადახტა და გაქრა.

მივიდა ხელმწიფის შვილი კუბოსთან, ჩაისხდა შიგ და თავისი საცოლე კი დაინახა. ქალი ისე იწვა, თითქოს სძინავსო. ვაჟი გადაეხვია თავის მკვდარ ცოლს, კოცნა დაუწყო და მრავალი ცრემლი აფრქვია. ბევრი ცრემლი ღვარა, მაგრამ ცრემლით რას უშველიდა.

რაკი ტირილით გული მოიჭერა, ვაჟმა დაავლო ხელი თავის შვილს და სახლში წაიყვანა.

გამზრდელის ქალმა თავისთან შეიყვანა ეს პატარა ბავშვი, უნდოდა ხელმწიფის შვილის გული მოეგო და თამაშობა დაეწყო. რაკი ხელში აიყვანა, ბავშვი სწვდა იმის ყელზე ჩამოკიდებულ მძივს, მოგობლაუჭა და დაიწყო ტირილი. უნდოდათ ბავშვი მოეშორებინათ, მაგრამ ის ხელს არ უშვებდა.

ხელმწიფის შვილმა უბრძანა გამზრდელის ქალს: მიეცი, რასაც გთხოვს, ნუ ატირებ ბავშვსაო.

ქალმა მოიხსნა მძივი და მისცა ბავშვს. ბავშვმა დედისკენ დაიწყო წევა და ტირილი. ხელმწიფის შვილმა შემოისვა ბავშვი ცხენზე და კუბოსკენ გაქუსლა. ბავშვმა დედა რომ დაინახა, გაიღიმა და სინარულით ხელების ქნევა დაიწყო.

ხელმწიფის შვილმა ბავშვი დედასთან დასვა და ცქერა დაუწყო, ვნახოთ, რას იზამსო.

ვაჟი შეაფოფხდა მკვდარ დედას და ეს მძივი ყელზე მიაღო. შეეხოთუ არა მძივი, ქალმა მაშინვე თვალეზი გაახილა და წამოდგა.

გახარებულმა ხელმწიფის შვილმა აღარ იცოდა, რა ექნა. შემოისვა ცხენზე ცოლიც, შვილიც და გასწია სახლში.

— აა, ჩემი ცოლიო, — დაიძახა ვაჟმა. როგორც კი შევიდა სასახლეში. გამოეგებნენ ხელმწიფე და დედოფალი და სინარულით გადაკოცნეს თავიანთი რძალი.

შევიდა ქალი სასახლეში და ცრემლებმა დაუწყო თვალეზიდან ფრქვევა: იატაკზე გაიშალა აუარებელი მარგალიტი. ქალმა ნახა გამზრდელის ქალი, გაეცინა იმის საძაგლობაზე და პირიდან ია და ვარდი გადმოსცივდა.

გამზრდელი და გამზრდელის ქალი კი ცხენის კუდით ათრიეს და ისე დახოცეს. ხელმწიფის შვილმა თავისი წინანდელი საცოლე შვირთო და ცხოვრობდნენ ტკბილად.

კირი იქა, ლხინი აქა
ქატო იქა, ფქვილი აქა.

მონუსტი სტუმარი

თიბვის დაწყებისას დღეობას იხდიდა თურმე ხალხი.

ერთხელ ყველა მინდორშია ჩაცმულ-დახურული და ნელა თიბავს, დღესასწაულია. იმ ხალხში სამი ღარიბი ძმა არის, მათ არც საკმელი აქვთ და სასმელად კი მხოლოდ არაყის ნახადი აქვთ. სადილად დასხდა ყველა, არის სიმღერა და ქეიფი.

ამ დროს დაბლიდან ერთი მოხუცი კაცი გამოჩნდა. მთიბაგებს აქეთ-იქით ვამარჯვება უთხრა. სუფრასთან არავინ მიიპატიუა. გაიარა იმ სამი ძმის ახლოს. უმცროსმა ძმამ თქვა: დავუძახოთო. ძმებმა უთხრეს: რა უნდა აკამო და ასვაო?

— ჩვენ რაცა გვაქვს, ის დავალევიანოთო.

არ ჰკითხა ძმებს და დაუძახა: იკადრეთ და ჩვენთან მობრძანდით ცოტა ხანსო. სტუმარმა უთხრა:

— აბა, ყველა მღერის და ქეიფობს. თქვენ რალას უყურებთო?

— რა ვქნათ, საჭმელი არა გვაქვს, სასმელად არაყის ნახადი წამოვიღეთ, მეტი არაფერი გვქონდა, რითი ვიქეიფოთო!

სტუმარმა უმცროს ძმას უთხრა: არა უშავს რა, ჩამოასხი ღოჭიდან ეგ ნახადი და დავალევიანო.

ჩამოასხა, ღვინო არის შესანიშნავი!

— პური არა გაქვთ? — იკითხა სტუმარმა, — აი, იმ მთაზე თეთრად რომ ჩანს, აბა, ის რა არის, ჩამოიტანეო!

— ქვა არის, რად ჩამოვიტანო!

— წადი, შენ რა გინდა, ჩამოიტანეო!

ავიდა და ნახა მშვენიერი დიდი ცხვარი და თეთრი პური. ახლა კი გაიშალა სუფრა. დასხდნენ, დაიწყეს სიმღერა. ყველა ჩააჩუმეს; ვინ არის ისეთი, რომ ამისთანა სიმღერა იცოდეს!

მთიბაგები იცინიან: ნეტავ რა აქვთ, სტუმარიც რომ მიიპატიეც, რას ასმევენ და აჭმევენ ეგ ღატაკებიო.

ჭამა რომ დაამთავრეს, მოხუცმა უფროს ძმას ჰკითხა:

— შენ რა გირჩევნია, უფრო რისი მოყვარული ხარო?

— მიწა მინდა, საჭმელს ვიწოვნიო!

— მიწაც გქონდეს და საჭმელიც, სანამ სტუმარი არ შეგძულდესო! — და დაულოცა მიწა.

ახლა საშუალო ძმას ჰკითხა:

— შენ რისი მოყვარული ხარო?

— ჯოგისაო, — უპასუხა.

— შენისთანა ჯოგი არავის ეყოლება, სანამ სტუმარი არ შეგძულდებო.

ბოლოს, უმცროს ძმას ჰკითხა:

— შენ რალა გინდა, რას ინატრებდიო?

— მე იმისთანა ცოლი მინდა, სტუმარი და მასპინძელი უყვარდეს და ოჯახის მოვლა იცოდესო, — უთხრა უმცროსმა ძმამ.

— ოჰო! მაგისთანა ქალი ქვეყანაზე მხოლოდ ორი მეგულება, ერთი გათხოვილია, მეორეს ქორწილი ამაღამ აქვს, თუ მოვახერხებ, შეგრთავო.

უფროსი ძმები იქვე დაასახლა, ერთს მიწა და პური მისცა, მეორეს—ჯოგი, უმცროსი ძმა კი თან წაიყვანა.

ერთი კეისრის შვილსა და მეორე კეისრის ქალს ქორწილი აქვთ. მოხუცმა წვიმა და ქარი მოიყვანა. მიაღწენ კარზე მექორწილებს და დაუძახეს:

— მასპინძელო, ბინა არა გვაქვს, ამაღამ დაგვასვენეო.

მოახსენეს კეისარს და იმან უარი უთხრა: ქორწილზე ვილაც უცნობი შემოვა, ამას უსიამოვნება მოჰყვება, ამაღამ არ შემოვუშვებ და შემდეგ ვიაც შემოვუშვებ, მე ვიციო.

მოხუცმა ჰკრა წიხლი კარს. შეამტვრია და შევიდა. შეიყვანა ბიჭიც. მაგიდა გაშლილია. ნეფე-დედოფალი ერთად სხედან, ესენი მეორე მხარეს დასხდნენ. მოხუცმა ბიჭს უთხრა: წადი, საქმრო ააყენე და იქ შენ დაჯექიო.

ბიჭი ასეც მოიქცა. კეისარი გაბრაზდა: ამიტომ არ გიშვებდით სახლშიო.

მოხუცმა უთხრა: რას ლაპარაკობ, ქალი ამ ვაჟის არისო. კეისარი უფრო გაჭავრდა. მოხუცმა უთხრა: აბა, ნაძლევი დავდოთ, თუ ქალი ამისი არ იყოსო.

— რა ნაძლევი მინდა, ქალი გათხოვილიაო, — თქვა კეისარმა, მაგრამ ბოლოს ჰკითხა, — არა, მაინც რა ნაძლევი გინდაო?

— ამ ვაჟებს ხელში ვაზის თითო წნელი მიეცით, რომლის ხელშიაც წნელა ფოთოლს გამოიყვანს, აყვავდება, ყურძენი დამწიფდება და ამ სუფრაზე მოგერთმევა, ქალიც იმას დარჩებაო.

კეისარს არ უნდოდა დათანხმება, მაგრამ სხვა გზა აღარა ჰქონდა. მისცეს ორივე ვაჟს ხელში ვაზის წნელი. უმცროსი ძმის ხელში წნელი განედლდა, ფოთოლი გამოიყვანა, აყვავდა, ყურძენი დაისხა და დამწიფდა. კეისრის შვილს კი გაუხმა.

— ახლაც არ მისცემ ქალს ამ ბიჭსო? — ჰკითხა მოხუცმა კეისარს.

— არა, არ მივცემ, გათხოვილიაო.

— აბა, რომელმაც ხანჯლის წვერებზე იცეკვოს, იმას მიეცით-ააყენეს საქმრო, მაგრამ როგორც კი ფეხს დაადგამს ხანჯალს, ეჭრება.

— აღექ, ბიჭო, ახლა შენ იცეკვეო! — უთხრა მოხუცმა უმცროს ძმას.

ადგა ის და დატრიალდა ამ ხანჯლის წვერზე.

— ახლა ხომ გვატან ქალსაო? — უთხრა კეისარს მოხუცმა.

— არა, არ გაგატანთო!

სტუმრები აღგნენ და წავიდნენ. ადგა ქალიც და მხიარულად წამოჰყვა მათ, ვერავინ დაუშალა. მოხუცმა ისინი დაასახლა კარგ ადგილას და დალოცა: სანამ სტუმარი არ შეგძულდებათ, თქვენისთანა ბედნიერი არავინ იყოსო.

გავიდა ხანი. სამივე ძმა ბედნიერად ცხოვრობს. ამოიარა კიდევ ამ მოხუცმა კაცმა — წმიდა გიორგიმ. წვიმს. იმისთანა ავდარია, რომ გარეთ გასვლა არ შეიძლება. მიადგა უფროს ძმას.

— დამაყენე, წვიმაა, მაღლიაო.

— ჩემს ცოლს ხელი აქვს დამწვარი სტუმრის პურის ცხობით და არავის შემოგუშვებო, — უპასუხა უფროსმა ძმამ.

— რა ბედიც გქონდა, ის დაგრჩებაო! — უთხრა მოხუცმა. ახლა მიადგა საშუალო ძმას. იმანაც ასე უპასუხა სტუმარს: ჩემს ცოლს ხელი აქვს დამწვარი სტუმრის პურის ცხობით, არავის შემოგუშვებო.

— ძველი ბედი გექნებაო, — უთხრა მოხუცმა.

მიადგა უმცროს ძმას. შინ ცოლია, ქმარი მოკვდომია, კუბო უდგას და ტირის.

— მასპინძელო, მასპინძელო! კაი ქალო, დამაყენე ამაღამო.

დამწუხრებულმა ქალმა გამოხედა: მობრძანდი, ახლავე დავგვი სახლსაო. ქალი დატრიალდა, ცრემლები მოიწმინდა, კუბო ბნელაში მიშალა, სახლი დაგავა, ცეცხლი დაანთო, ქათამი დაკლა და სტუმარი მიიწვია.

— ოჰ, შენ მარტოდ ყოფილხარ, ქმარი სად არის? — ჰკითხა მონხუცმა.

— დიახ, მარტო ვარ, ქმარი ბაზარშია წასული, არ მოსულაო, — უთხრა მოწყენილმა ქალმა.

სტუმარმა იცის, რომ ქმარი მკვდარი ჰყავს და კუბოში ასვენია ბნელში. ადგა სტუმარი, ვითომ გარეთ გასვლა უნდაო, წავიდა სიბნელისაკენ, კუბოს საფარი ახადა, შეუბერა, ვაჟი გააცოცხლა, რაც იყო, იმაზე უკეთესი გახადა, ხელი გაუყარა მკლავში და ოთახში შემოიყვანა.

— რატომ დაიგვიანეო? — ჰკითხა სახეგანათებულმა ქალმა ქმარს ისე, რომ სტუმარს არაფერი შეამჩნევინა.

— მე ყველაფერი ვიცი, კაი ქალი ყოფილხარ, ბედიც კარგი გექნებათო! — დალოცა მოხუცმა უმცროსი ძმა და მისი ცოლი, გამოემშვიდობა და წავიდა.

იმ დღიდან უმცროსი კიდევ უფრო მდიდარი და ბედნიერი გახდა. უფროსი ძმები დარჩნენ ისევ დაგლახაკებულები.

სიზმრის ახსნა

იყო საწყალი კაცი. ღარიბად ცხოვრობდა. მუდამდღე ტყეში ხმელ შეშას აგროვებდა, ყიდდა და თავს იმით ირჩენდა.

ერთ დღეს კაცი ჩვეულებრივ ტყეში წავიდა. უცებ გზაზე ხვრელიდან თავი გამოყო გველმა და უთხრა: თქვენს ხელმწიფეს სიზმარში უნახავს ცაზე ჩამოკიდებული სისხლიანი ქამარ-ხანჯალი. მაგრამ სიზმარი მისთვის ვერავის აუხსნია. წადი და მოახსენე: ეს სიზმარი იმის მომასწავებელია, რომ ჩქარა დიდი ომი ატყდება-თქო, და რითაც ხელმწიფე დაგასაჩუქრებს, შუაზე გავიყოთ.

კაცი გაიქცა და ეს ყველაფერი ხელმწიფეს უამბო. სიზმრის ახსნა ხელმწიფეს ძალიან ესიამოვნა და საწყალი კაცი ოქრო-ვერცხლით დაასაჩუქრა. თვითონ კი დიდი ომისათვის მზადებას შეუდგა. კაცს დაენანა ამოდენა ოქრო-ვერცხლის შუაზე გაყოფა და გველის მოკვლა მოინდომა. გამოეკიდა, მაგრამ გველმა ხვრელში შეასწრო, მხოლოდ კუდი მოაწყვიტა.

გავიდა ხანი. ხელმწიფემ კიდევ ნახა სიზმარი. ახლა ვითომ ციდან მელა იყო ჩამოკიდებული კუდი. სიზმარი ვერავინ აუხსნა. ხელმწიფემ ისევ დაიბარა საწყალი კაცი და სიზმრის ახსნა მოსთხოვა. კაცს რა უნდა ექნა, მოსათქმებლად ორი კვირის ვადა ითხოვა. გამოემშვიდობა ხელმწიფეს და შინ წამოვიდა. გველთან მისვლა ვერ გაბედა. დიდხანს იყო დაღონებული, ვერა გაიგო რა. ბოლოს, კვლავ გველთან წასვლა გადაწყვიტა. მივიდა სოროსთან, დადგა შორიანლოს და სთხოვა გველს სიზმრის ახსნა. გველმა ჯერ ხმა არ გასცა, შემდეგ გამოვიდა და უთხრა: ეს სიზმარი მოასწავებს ისეთი წლის დადგომას, რომ ადამიანები ერთმანეთის მოტყუილების მეტს არაფერს გააკეთებენო.

გახარებული კაცი მაშინვე გაიქცა ხელმწიფესთან და სიზმარი აუხსნა. ხელმწიფემ კიდევ უფრო მეტი ოქრო-ვერცხლით დაასაჩუქრა იგი. კაცმა ამდენი ოქრო-ვერცხლის მიღება სულ არ შეატყობინა გველს. ამის შემდეგ გველის რჩევა რაღაში დამჭირდებაო, — იფიქრა და შინ წაიღო.

კიდევ გავიდა დრო და ხელმწიფემ ისევ ნახა სიზმარი: ვითომ ციდან მამალი ცხვარი იყო ჩამოკიდებული ღუმით. სიზმრის ახსნა ვერავინ შეძლო. ხელმწიფემ ისევ დაიბარა საწყალი კაცი და სიზმრის ახსნა უბრძანა. შეწუხებულმა კაცმა მოთქმებისათვის სამი კვირის ვადა ითხოვა. ბევრი იფიქრა, სხვებსაც ჰკითხა, მაგრამ ვერც რა თვითონ მოისაზრა და ვერც სხვამ ვერაფერი ასწავლა. მიადგა

ისევ გველის სოროს. ყოველდღე დადიოდა აქ. სთხოვდა გველს დახმარებას, მაგრამ ის გარეთ არ გამოდიოდა.

ბოლოს, გამოვიდა გველი ხვრელიდან და უთხრა: ეს სიზმარი იმის მაუწყებელია, რომ წელს დიდი მოსავალი იქნება და ხალხი გამდიდრდებაო.

ხელმწიფეს ძალიან ესიამოვნა სიზმრის ასსნა და კაცი ახლა უფრო მეტი ოქრო-ვერცხლით დააჯილდოვა. კაცმა თქვა: ამდენა სიმდიდრე გველის მეშვეობით შევიძინე, მოდი, ამ ოქრო-ვერცხლს მთლიანად გველს მივუტანო. ასეც მოიქცა. ყველაფერი გველს მიართვა. გველმა მადლობა მოახსენა:

— ეს შენი სურვილით კი არ ხდება, წელიწადია მოსავლიანი, უხვი და ოქრო-ვერცხლიც იმიტომ არ გშურსო! არც იმაში იყავი დამნაშავე, რაც უწინ ჩაიდინეო. — უთხრა გველმა, გამოატანა ოქრო-ვერცხლი უკანვე და თვითონ სოროში შეძვრა.

იმათ მოსვლამდის არაფერი გეტყინოთ!

ნატვრის თვალი

იყო და არა იყო რა, ღვთის უკეთესი რა იქნებოდა. იყო შაშვი მგალობელი, ღმერთი ჩვენი მწყალობელი. ერთ ქვეყანაში ცხოვრობდნენ ცოლი და ქმარი, ჰყავდათ ერთი ვაჟიშვილი. ეს ბიჭი ჩვილმეტოვრამეტი წლისა იყო, მაგრამ მაინც თავის მშობლებს შეჰყურებდა ხელებში, მთელ ცისმარე ღღეს უქმად ატარებდა.

მისმა უსაქმურობამ უსიამოვნება შეიტანა ოჯახში. ცოლ-ქმარს ხშირად ჰქონდა ჩხუბი და საყვედურით ერთმანეთს ყურს უხვრეტდნენ: არა, ბავშვობიდანვე შენ გარყვენი, არა, შენ გარყვენიო!

ერთ ღღეს, როცა მშობლებს კვლავ შვილის თაობაზე ჰქონდათ ლაპარაკი, ცოლმა უთხრა: კაცო, იქნება ჩვენი შვილი იმიტომ არა მუშაობს, რომ ოჯახში ფული ეგულება. მოდი, გავყოთ ის ფული, ჩვენ ჩვენი წილი ავიღოთ, იმას კი თავისი მივცეთ, იქნება მაშინ თავისას მაინც გაუფრთხილდეს და ხელი გაანძვროს.

ქმარს მოეწონა ეს აზრი. მოიტანეს შენახული ფული, დაუძახეს თავიანთ ყალადანა ბიჭს და უთხრეს: აი, შვილო, რაც ოჯახში ფული გვექონდა, სულ ეს არის. გავყოთ თანასწორად, ყველას თავისი ფული თვითონ ჰქონდეს და, როგორც უნდა, ისე მოუაროსო.

გაიყვეს. ოც-ოცი თუმანი თვითონ აიღეს, ოცი კი შვილს ჩააბა-

რეს და უთხრეს: წაიღე, შვილო, იქით მიდექ, აქეთ მოდექ, მაგ ფულს ფული მიუმატე და იცხოვრეო.

ბიჭმა ჩაიღო ოცი თუმანი ჯიბეში და გაუდგა გზას. ბევრი იარა თუ ცოტა იარა, გავიდა ერთ მინდორზე. გაიხედ-გამოიხედა და დაინახა, რომ მეცხვარეებს დაუჭერიათ ერთი ძალლი და ახრჩობენ. ბიჭს შეებრალა პირუტყვი, მივიდა მეცხვარეებთან და უთხრა: ოღონდ ეგ ძალლი გაუშვით და, მე რომ ოცი თუმანი მაქვს, იმას მოგცემთო.

მწყემსებმა გაუშვეს ძალლი. ძალლმა ერთი კი შეხედა თავის მოსარჩლეს და რაც ძალი და ღონე ჰქონდა მოკურცხლა. ბიჭმა მისცა ოცი თუმანი და დაბრუნდა ისევე სახლში. დაჯდა კვლავ ძველებურად შინ და არაფერს არ აკეთებდა.

დაღონდნენ მშობლები.

— ოც-ოც თუმანს რომ გვაგულებს, ალბათ, იმიტომ არ მუშაობს ჩვენი შვილი. მივცეთ ამ ფულიდანაც ნაწილიო. — კაცმა გამოიტანა ფული, გაყო შუაზე, ნახევარი შეიღს მისცა და ნახევარი თვითონ დაიტოვა. ბიჭმა ჩაიღო ჯიბეში ფული და გაუდგა გზას.

იარა, იარა და მიაღდა ერთ სოფელს. ხედავს, რომ დედაბერს დაუჭერია ერთი საბრალო კატა და ახრჩობს. ბიჭს შეებრალა ცხოველი, მივიდა დედაბერთან და შეეხვეწა: ბები, ოღონდ ეგ კატა გაუშვი და, მე რომ ოცი თუმანი მაქვს, იმას მოგცემო. ბებერმა გაუშვა. გახარებულმა კატამ რამდენჯერმე მოიხედა უკან და მოუსვა ტყისაკენ. ბიჭმა მისცა ოცი თუმანი და წამოვიდა შინისაკენ. სახლში რომ მივიდა, წამოწვა ძველებურად შუაცეცხლთან და ხან ერთ გვერდზე გადაგორდებოდა, ხან — მეორეზე.

დაღონდნენ კვლავ მშობლები.

— ოც თუმანს რომ კიდევ გვაგულებს, ალბათ, იმიტომ არაფერს აკეთებს, მივცეთ ისიც, რომ აღარაფერი გვექნება, იქნება მაშინ მაინც გააკეთოს რამეო.

კაცმა გამოიტანა ის ოცი თუმანიც, მისცა თავის ღონდრე ბიჭს და უთხრა: აი, ეს არის ჩვენი უკანასკნელი ფულიანობა, ამასაც შენ გაძლევეთ. აქამდე თუ იმის იმედით არაფერს აკეთებდი, რომ ფულს გვაგულებდი, ახლა ერთი გროშიც აღარა გვრჩება სახლში, რომ თვალზე მივიფაროთ. წაიღე! გაისარჩე, შრომა ფულად აქციე, ფულს ფული მიუმატე და იცხოვრეო.

ბიჭმა გამოართვა ფული, ჩაიღო ჯიბეში და გაუდგა გზას. ბევრი იარა თუ ცოტა იარა, გავიდა ერთ მინდორზე, გაიხედა და რასა ხედავს! ერთ კაცს დაუნთია დიდი ცეცხლი, დაუჭერია გველს წი-

წილა, მოუბამს გრძელ ჯოხზე და ცეცხლას ალზე ატრიალებს. გველი წივის და იკლაკნება სიმწრისაგან. ბიკს შეებრაღა, მივიდა და შეეხვეწა: ოღონდ გაუშვი ეგ გველის წიწილა და, ჯიბეში რომ ფული მაქვს, იმას მოგცემო.

კაცმა მაშინვე გაათავისუფლა გველი. ბიკმა მისცა ოცი თუმანი და გასწია შინისაკენ. რამდენიმე ნაბიჯი არც კი იქნებოდა გამოვლილი, რომ ბალახებიდან გამოსრიალდა გველის წიწილა, დაუდგა წინ და უთხრა: რადგან ასეთი სიკეთე ძიყავი და სიკვდილს გადამარჩინე, მეც სიკეთით მინდა გადაგიხადო. წამოდი ჩემთან, ნურათურის გეფიქრებო!

ბიკი დათანხმდა და გაჰყვა. გველის წიწილამ ასე დაარჩია გზაში თავისი სტუმარი: ჩემს მშობლებს ჩემს მეტი შვილი არა ჰყავთ. მე რომ ვუამბობ ჩემს ამბავს, ვიცი, ძალიან გაუხარდებათ და საჩუქრად ბევრ ოქრო-ვერცხლს შემოგაძლევენ. შენ ის საჩუქარი არ გამოართვა. უთხარი: თუ ჩემი პატივისცემა გინდათ, თქვენ რომ წითელთვლიანი ბეჭედი გაქვთ, ის მომეცით-თქო. ის ბეჭედი ნატვრისთვალია და რასაც ინატრებ, შეგისრულდება.

იარეს, იარეს და შევიდნენ ერთ ბნელ გამოქვაბულში. გველის მშობლებმა ბიკი რომ დაინახეს, შეაგდეს მაშინვე ბეჭედი და მიადახეს: ნატვრისთვალო, ნატვრით გინატრებთ, ნატვრა შეგვისრულე და ეს ბიკი ქვად აქციე! ბიკი გაქვავდა. გველის წიწილამ ტირილი დაიწყო და თავს იკლავდა. მშობლებმა უთხრეს:

— შენ ჯერ კიდევ გამოუცდელი ხარ. არ იცი, ვინ არის შენი მოკეთე და ვინ არის შენი მოავე. ეს ადამიანის შვილია, ჩვენი დაუძინებელი მტერი!

— მე ამან გადამარჩინა წამებასა და სიკვდილს. როგორც მოკალით, ისე გააცოცხლეთ, თორემ მეც ახლავე თავს მოვიკლავ!—ეხვეწებოდა გველის წიწილა.

მშობლები შეფიქრიანდნენ: მართლა თავი არ მოიკლასო. დედა-გველმა შეათამაშა მალლა წითელთვლიანი ბეჭედი და უთხრა: ნატვრისთვალო, ნატვრით გინატრებ და ნატვრა შემისრულე: ეს ქვადქცეული კაცი ისევ გააცოცხლე!

ბიკი გაცოცხლდა. გველებმა უთხრეს: რადგან ჩვენს შვილს დახმარებხარ და სიკვდილისაგან გიხსნია, ამიტომ ჩვენ სიკეთით უნდა გადაგიხადოთ: რასა გვთხოვ, რომ შეგისრულოთ?

— სხვა არაფერს ვითხოვ: თქვენ რომ წითელთვლიანი ბეჭედი გაქვთ, ის მომეცით.

გველებმა ცივი უარი უთხრეს: ეს ბეჭედი მთელ ხმელეთად გვიღირს, იმას ვერ დაეთმობთ!

— რახან ის უბრალო ბექედი ჩემ თავს გირჩევნიათ, დაე, ისეც ის ბექედი იყოს თქვენთან, მე კი ხელს ვიღებ თქვენს შვილობაზე და ამ კაცს მივდე! — წყრომით უთხრა გველის წიწილამ თავის მშობლებს.

დედაგველს შეეშინდა: მართლა ამ კაცს არ გაჰყვესო. გამოიტანა ბექედი, მისცა ბიჭს და თანაც დაარიგა, თუ როგორ უნდა მოეხმარა. ბიჭი დაემშვიდობა გველებს და წავიდა სახლისაკენ.

ბევრი იარა თუ ცოტა იარა, მოვიდა შინ. ამ ხნის განმავლობაში მისი მშობლები ისე გასაწყლებულიყვნენ, რომ ოჯახში მუქაზე დაყრა ფქვილიც აღარა ჰქონდათ, რომ პური გამოეცხოთ.

— დედი, პური მშია, მაჭამე რამე! — უთხრა ბიჭმა.

— ეხ, შვილო, პური ვინ მოგვაშავეკვა. ლამის არის სულები ამოგვძვრეს შიმშილისაგან! — წუწუნით უპასუხა დედამ.

— მიდი, ნახე კიღობანში, პურის ნამცეცები მაინც იქნება, ის მომიტანე!

— რაც არა ჩამიდვია რა, შიგ რა იქნება!

ბიჭმა ამოიღო ნატვრისთვალი, შეაგდო მალლა და უთხრა: ჩემო ნატვრისთვალო, ნატვრით გინატრებ და ნატვრა შემისრულე: ეს კიღობანი გამტკიცული პურით გაავსე! — მერე მიუბრუნდა ისევ დედას და უთხრა: დედი, მიდი, ახადე, იქნება იყოს შიგ რამე!

დედა მივიდა, ახადა კიღობანი და რასა ხედავს! თეთრი გამტკიცული პურებით არის სავსე. ჯერ თვალებს არ უჯერებდა, მაგრამ როცა საბოლოოდ დარწმუნდა, გახარებულმა ამოიღო რამდენიმე პური, ივანშმეს და დაიძინეს.

მეორე დღეს ბიჭმა დედას უთხრა: ჩვენს ხელმწიფესთან წადი და მოახსენე: თქვენ რომ მზეთუნახავი ქალიშვილი გყავთ, ჩემს შვილს მიათხოვე-თქო!

— რას ამბობ, შვილო, ხელმწიფე გლახსა და ისიც საწყალ კაცს: შვილს მიათხოვებს? — უპასუხა დედამ.

— შენ მიდი, უთხარ, ნებით მომცემს, ხომ კარგი, არადა — ძალით წამოვიყვან.

— კარგი, შვილო, წასვლით წავალ, მაგრამ ამ დაკონკილი ტანისამოსით როგორ წავიდე?

ბიჭმა შეაგდო მალლა ნატვრისთვალი და უთხრა: ნატვრისთვალო, ნატვრით გინატრებ და ნატვრა ამისრულე! დედაჩემის სკივრი ძვირფასი ტანისამოსით გაავსე! — მერე მიუბრუნდა დედას და უთხრა: დედი, აბა, მოდი, ახადე შენი მზითვეის სკივრს, იქნება გაქვს უკეთესი კაბა და აღარ გახსოვს. აბა, მიდი, ხახეო.

დედა მივიდა, ახადა სკივრს და რას ხედავს! ხავერდისა და ფარ-
ჩის ტანისამოსით ისეა სავსე, რომ ხელი არ დაეჭირება. ძალიან გა-
უხარდა, აარჩია, რომელიც უფრო ძვირფასი იყო, ჩაიცვა და წა-
ვიდა. მივიდა ხელმწიფესთან, თავი დაუკრა და მოახსენა:

— დიდებულო ხელმწიფევე, ნუ გამირისხდებით და ერთი სათხო-
ვარი მაქვს.

— თქვი, რა გინდა, გისმენ! — მიუგო ხელმწიფემ.

— ჩემი შვილი თქვენს ქალს ნდომობს და უნდა მიათხოვოთ.
აჩასაც მოგახსენებთ, რომ თუ ნებით მისცემთ, ხომ კარგი, არა-
და — მაინც წაიყვანს.

ხელმწიფე ჯერ გაბრაზდა, მერე კი იფიქრა: იმ კაცს იმედი რომ
არა ჰქონდეს თავის თავისა, არც ასე შემომითვლიდა. მოდი, ისეთ
რამეს დავავალებ, რომ მისი შესრულება ადამიანის შვილს არ შე-
ეძლოს. თუ შეასრულა, ხომ მართლა ღირსი იქნება ჩემი სიძეობი-
სა, თუ ვერა და სახრჩობელაზე უნდა ჩამოვკიდოო. უთხრა: შენს
შვილს ორ რამეს დავავალებ, თუ შეასრულა, ჩემი ქალი მისი იყო,ს,
თუ ვერ შეასრულა, კატასავით ჩამოვკიდებ ბოძზე.

— ბრძანეთ, დიდებულო ხელმწიფევე, და გადავცემ ჩემს შვილს.

— ჩემი სასახლიდან თქვენს სახლამდე ისეთი ხეხილი გააშენოს,
რომ რიგისა ყვაოდეს, რიგისა მწიფდეს, რიგისა იკრიფებოდეს.

დედაკაცი დაემშვიდობა ხელმწიფეს და წამოვიდა. შინ რომ მი-
ვიდა, შვილს უთხრა: რაც დამავალე, ხელმწიფეს მოვახსენე. მიბრძა-
ნა: შენ ვაჟს ორ რამეს დავავალებ, თუ შეასრულა, სიძედ გავიხ-
ლო, თუ ვერ შეასრულა, კატასავით ჩამოვკიდებ და ისე დავახრჩობო.
შემოგიტვალა: გათენებამდე ჩემი სასახლიდან შენ სახლამდე ისეთი
ხეხილის ბაღი გააშენეო, რომ რიგისა ყვაოდეს, რიგისა მწიფდეს, რი-
გისა იკრიფებოდესო. აბა, შვილო, ისეთი საცოლე რად გინდა, თუ
შენს თავს მოინელებ? ჯადოქარი ხომ არა ხარ, რომ ერთ ღამეში ბა-
ღი გააშენო?

— ნუ გეშინია, დედი, ეგ ადვილია! — ანუგეშა ბიჭმა. მერე შე-
აგდო ნატვრისთვალე და უთხრა: ჩემო ნატვრისთვალე, ნატვრით
გინატვრებ და ნატვრა შემისრულე! აქედან ხელმწიფის სასახლემდე
ისეთი ხეხილი გააშენე, რომ რიგისა ყვაოდეს, რიგისა მწიფდეს, რი-
გისა იკრიფებოდეს.

ბიჭს ნატვრა შეუსრულდა. მეორე დღეს გაგზავნა თავისი დედა
ხელმწიფესთან და დააბარა: კიდევ რას დამავალებო? დედაკაცი
მივიდა ხელმწიფესთან და შვილის დანაბარები მოახსენა. ხელმწიფემ
ახლა ამგვარი რამ უბრძანა:

— ისეთი ხალიჩა მოქსოვოს, რომ ჩემი სასახლიდან მის სახლამდე გზაზე გაიფინოს და ერთი იმდენი კიდეც დარჩეს.

დედაკაცი დაემშვიდობა და წამოვიდა. შინ რომ მივიდა, შვილს უთხრა: ხელმწიფემ დამაბარა, ისეთი ხალიჩა მოქსოვოს, რომ ჩემი სასახლიდან მის სახლამდე მთელ გზაზე გაიფინოს და ერთი იმდენი კიდეც დარჩესო.

— ეგეც აღვილია! — უთხრა ბიჭმა. ამოიღო თავისი ნატვრისთვალი, შეაგდო მალლა და უთხრა: ჩემო ნატვრისთვალო, ნატვრით გინატრებ და ნატვრა შემისრულე! ჩემი სახლიდან ხელმწიფის სასახლემდე ოქროს ბაწრით ნაქსოვი ხალიჩა დაფინე! ის ხალიჩა ისეთი გრძელი უნდა იყოს. რომ მთელი გზაც დაფაროს და ერთი იმდენი დარჩესო.

ბიჭს ნატვრა შეუსრულდა. მეორე დღეს კიდეც გაგზავნა ხელმწიფესთან დედა, მიეადა და მოახსენა: დიდებულო ხელმწიფევე, კიდეც რას დაავალებთ ჩემს შვილს?

— სიტყვა მოგეცით და უნდა შეევასრულო: მოვიდეს და წაიყვანოს ჩემი ქალი.

დედამ შვილს მოუტანა ამბავი და თანაც დაუმატა: შვილო, ხელმწიფის ხალხს კარგი დახვედრაც უნდა და კარგი სასახლეც.

— ნუ გეშინია, დედი, ეგეც აღვილია! — ამოიღო თავისი ნატვრისთვალი, შეაგდო მალლა და შესძახა: ჩემო ძვირფასო ნატვრისთვალო, ნატვრით გინატრებ და ნატვრა შემისრულე! ისეთი სასახლე დამიდგი ბალითა და გალავნით, რომ ხელმწიფესაც კი შეშურდეს მისი დანახვა! — თქვა თუ არა, ისეთი სასახლე გადაიჭიმა, რომ მზის სხივებზე ათასფრად ელავდა მისი კედლების ქვები და სახურავი. ბიჭმა კვლავ შეაგდო ნატვრისთვალი: — ჩემო ნატვრისთვალო, ნატვრით გინატრებ და ნატვრა შემისრულე! საქორწილოდ ისეთი სუფრა გამიშალე, რომ ხელმწიფეს შეშურდეს მისი დანახვა! — გაიშალა ოქროს სუფრა ოქროს ჯამ-თეფშითა და კოვზებით. რა საკმელებს ინატრებდა ადამიანი, რომ იქ არ იყო! ჩიტის რძეც კი ოქროს თასებით იღვა.

ბიჭმა წამოიყვანა ხელმწიფრს ქალი, გადაიხადა დიდი ქორწილი და დაიწყეს ბედნიერი ცხოვრება.

ერთ დღეს ბიჭი მახლობელ ქალაქში წავიდა. ამ დროს ჩამოიარა ერთმა მეწვრილმანემ და დაიძახა: ალმასის ბუკდები და საყურეები გასაყიდიო! ხელმწიფის ქალმა აიყვანა მეწვრილმანე სასახლეში და საყურეების არჩევა დაიწყო. მეწვრილმანემ მოჰკრა თვალი ნატვრისთვალს, რომელიც სარკის წინ იდო; მაშინვე მიხვდა, რაც იყო, და

თავის გუნებაში გადაწყვიტა: რაღაც უნდა დამიჯდეს, ხელში უნდა ჩავიგდო. ხელმწიფის ქალმა შეარჩია ალისფერთვლიანი საყურეები და გაპყიდველს ჰკითხა:

— ამათ რა ფასი აქვთ?

— მაგ საყურეებს ვერ გავყიდი, აი, იმ ბეჭედზე კი შემძლია გაგიცვალოთ. ისიც თქვენი ხათრის გულისთვის, — უპასუხა მეწვრილმანემ.

ხელმწიფის ქალმა არ იცოდა იმ ბეჭედის ძალა, აილო და გადაცვალა საყურეებზე.

მეწვრილმანემ მაშინვე ინატრა: ნატვრისთვალო, მე და ეს ქალი სასახლიდან აგვაფრინე ცისიერად და ერთ შუა ზღვაში, კუნძულზე დაგვაფრინეო. მეწვრილმანეს შეუსრულდა ნატვრა: აფრინდა სასახლე და ერთ უკაცურ კუნძულზე დაეშვა.

ბიჭი დაბრუნდა ქალაქიდან და, რაკი აღარც სასახლე დახვდა თავის ადგილას და აღარც ხელმწიფის ქალი, მაშინვე ნეკზე იკბინა: მიხვდა, რომ ნატვრისთვალი ვიღაცამ ჩაიგდო ხელში და ცოლი და სასახლეც იმან გაიტაცა. მწარედ დაღონდა, მაგრამ რაღას უშველიდა! წავიდა მათ საძებრად.

ბევრი იარა თუ ცოტა იარა, შემოხვდა გზაზე ძაღლი.

— გამარჯობა, ბიჭო, რად დაღონებულხარ? — ჰკითხა ძაღლმა.

— ცოლი, სასახლე და ნატვრისთვალი ვიღაცამ მომტაცა, იმათ საძებრად მივდივარ, — უპასუხა ბიჭმა.

— მეც დაგეხმარები. განა დამავიწყდა ის სიკეთე? შენ რომ არ გადაგერჩინე, ახლა ჩემი ძვლებიც აღარ იქნებოდა.

ბიჭმა გაიყოლა ძაღლი და გაუდგნენ გზას.

იარეს, იარეს და შემოხვდათ ახლა კატა.

— გამარჯობა, ძმობილო, რად დაღონებულხარ? — ჰკითხა მან. ბიჭმა იმასაც უამბო თავისი ამბავი.

— მეც დაგეხმარები. განა აღარ მახსოვს, შენ რომ სიკეთე გამიწიე და მიხსენ სიკვდილისაგან? — უთხრა კატამ. ბიჭმა ისიც თან გაიყოლა და გაუდგნენ გზას. გაბრაზებული კატა გზა-გზა სულ მუსრს ავლებდა თავებს — არც დიდს ინდობდა, არც პატარას. თავგები შიშის ზარმა აიტანა, ლამის შიმშილისაგან ამოწყდეს მთელი სათავეთი, სოროს გარეთ ცხვირი ველარავინ გამოჰყო. თავგებმა კრება გამართეს, მოილაპარაკეს, მოითათბირეს და გადაწყვიტეს, რომ თავისი ხელმწიფისათვის შეეჩვილათ და რაიმე დახმარება გამოეთხოვათ. ასეც მოიქცნენ.

სათაგვეთის ხელმწიფემ დაიბარა კატა და ჰკითხა:

— რა დაგიშავეს თავებმა, რომ ასე პირაღებით ხოცავ ყველას?

— მაგათ იციან და არ მეუბნებიან, სად არის ჩემი ძმობილის სასახლე, მისი ცოლი და ნატვრისთვალი, — უპასუხა კატამ.

სათაგვეთის ხელმწიფემ დაიბარა მთელი თავგები და გამოუცხადა:

— ბატონი კატა ძალიან გაჯავრებული ყოფილა იმაზე, რომ გცოდნიათ და არ ეუბნებით თურმე, სად არის მისი ძმობილის სასახლე, ცოლი და ნატვრისთვალი. გიბრძანებთ: ვინც იცის, დაუყოვნებლივ თქვით, თორემ მთელ სათაგვეთს ამოწყვეტა მოელის!

— ჩვენი მტერი უნდა იყოს, ვინც იცის და არ მოახსენებს ბატონ კატას! — ერთხმად შესწრუწუნეს თავებმა. ჯერ ყველა ჩუმად იყო, მერე კი გამოვიდა ერთი კოჭლი თავგი და ხელმწიფეს მოახსენა:

— მოვახსენებ სიბართლეს: ერთ დღეს დავინახე ჰაერში მოფრინავდა ერთი ძვირფასი სასახლე და ზღვაში კუნძულზე დაეშვა.

— დღეიდან ჩემი შიში ნულარ გექნებათ, შეგიძლიათ თავისუფლად იაროთ ყველგან, მხოლოდ ეს თავგი უნდა გამოაყვეს იმ კუნძულის საპოვნელად! — სთხოვა კატამ სათაგვეთის ხელმწიფეს.

— შენ, ეი, კოჭლო თავგო! ახლავე გაჰყევი ქვეყნის მბრძანებელს — კატას და ვიდრე იმ კუნძულს არ იპოვი, სათაგვეთისაკენ პირი არ იბრუნო! — უბრძანა თავგების ხელმწიფემ.

კატამ მიიყვანა ბიჭთან კოჭლი თავგი და უთხრა: აი, ამას დაუნახავს ჰაერში აფრენილი თქვენი სასახლე და ისიც სცოდნია, თუ სად დაშვებულა.

ბიჭს ძალიან გაუხარდა ეს ამბავი. გაუდგნენ გზას. ბევრი იარეს თუ ცოტა იარეს, მივიდნენ ერთი ზღვის ნაპირზე. თავგმა უთხრა: ის კუნძული, აი, ამ ზღვის შუაგულში იმყოფება, იქამდე კი წყალი უნდა გავცუროთ.

— ძმობილო, შენ აქ დაიცადე, ჩვენ კი შევცუროდებით და, სადაც იქნება, თუ არ იქნება, ვიპოვიოთ იმ კუნძულს, — უთხრა კატამ ბიჭს.

— რაკი ჩემი გულისთვის თავს იწუხებთ, ეს სიკეთეც მიყავით: ეცადეთ როგორმე, ის ნატვრისთვალი წაშოშილოთ, — სთხოვა ბიჭმა.

კატა ძალღს შეაჯდა, კატას — თავგი და შეცურეს ზღვაში.

ბევრი იცურეს, ბევრი ზღვის დელვა და ქარიშხალი გამოიარეს, ბოლოს გავიდნენ იმ კუნძულზე, სადაც ის სასახლე იდგა. ძალღი ზღვის ნაპირას დარჩა, კატა და კოჭლი თავგი კი წავიდნენ სასახლისკენ. როცა მიუახლოვდნენ, კატამ თავგს უთხრა: შენ შეძვერ შავ-

ნით და პირველ რიგში ის გაიგე, სადა აქვთ შენახული ის ნატვრის-
თვალი.

თავი შეძვრა სასახლეში, მიიარ-მოიარა მთელი ოთახები, მაგრამ
ნატვრისთვალი ვერსად ნახა. გამოვიდა და კატას მოახსენა: ბატონო
კატავ, მთელი ოთახები შემოვიარე, პატარა ხვრელიც კი არ დავტოვე
გაუსინჯავი, მაგრამ ნატვრისთვალს ვერსად წავაწყდი. სასახლეში
ერთი მზეთუნახავი ქალია და ერთი კაცი.

— მაშინ უსათუოდ კაცს ექნება. შეძვერ ისევ და კარგად უთ-
ვალთვალე, გაიგე, საიდან გამოიღებს და სად შეინახავს! — უბრძანა
კატამ. თავი შეძვრა ისევ სასახლეში და კაცს თვალს არ აშორებდა.
როცა ქალი და კაცი პურის საჭმელად სუფრას შემოუხსდნენ, თავ-
მა შენიშნა, რომ კაცმა პირიდან გამოიღო ნატვრისთვალი, გამოძვრა
მაშინვე და კატას მოახსენა: ბატონო კატავ, ნატვრისთვალი კაცს
პირში აქვს დამალულიო.

კატა სიხარულით ცას ეწია. ჭერ გაიქცა და გამოიქცა, გადახტა
და გადმოხტა. მერე კი შეხტა მალლა და ბასრი ბრჭყალებით ჰაერს
მოეპოტინა. თავი შიშისაგან ილეოდა, ფიქრობდა: სურვილმა არ
მოუაროს და თათი არ დამკრასო.

— რაკ ვიპოვნეთ, რაც გვინდოდა, გამოტანა ადვილია. შედი,
კული ჭერ ცეცხლზე მოატრუსე, მერე ძმარში ამოივლე და, როცა
იმ კაცს ეძინოს, ცხვირშიც შეუყავ და ტუჩებზეც მოუსვი. იმას
შეეზიზღება, გადმოაფურთხებს და თან გადმოაყოლებს ნატვრის-
თვალსაც. შენ კი მზად იყავ. დასტაცე პირი და გამოაქციე.

თავი შეძვრა ისევ სასახლეში და, როგორც უბრძანა კატამ,
ისიც ისე მოიქცა. როცა კაცს ტკბილად ეძინა, თავგმა თავისი გა-
ტრუსული კული ჭერ ტუჩებზე მოუსვა, მერე კი ღრმად ცხვირში
შეუყო. კაცს ეგონა, გველი შემიდვრავო, წამოვარდა გიჟივით, ხვე-
ლება და ცემინება აუვარდა. დაავიწყდა თავისი ნატვრისთვალი და
პირიდან გამოუვარდა. თავგმა დაავლო მაშინვე პირი და გამოიქცა.
მიურბენინა კატას და მოახსენა:

— აი, ბატონო კატავ, მოვიტანე, — და ნატვრისთვალი დაუგდო
წინ. კატას ახლა უფრო ძალიან გაუხარდა: ჭერ გაგორდა და გამ-
გორდა. იქ ახტა და ჩამოხტა, აქ მალალ ჩირგვებს გადაევიდა და.
თავგთახ ერთად. ზღვის სანაპიროსკენ მოკურცხლა.

— ძმობილო, ვიპოვეთ ნატვრისთვალი! — ახარა კატამ ძალს.
ახლა ძალღმა დაიწყო ნაწარლობა: გაიქცა და გამოიქცა. აქ ჩირ-
გვებს შემოურბინა, იქ თავის ამხანაგებს გაეთამაშ-გამოეთამაშა.
საწყალა კატა ინახებოდა, შიშისაგან ფერწასული, და თავისთვის

ფიქრობდა: ჩვენი ძველი მტრობა არ მოაგონდეს და კბილი არ გამკრასო.

როცა ძაღლმა მოიმხიარულა, ამხანაგებს უთხრა: აბა, ახლა გავუდგეთ გზას, მხოლოდ ნატვრისთვის მე მომეცითო.

კატა ცივ უარზე იყო, ეუბნებოდა: მე შენი ამბავი ვიცი, გზაში თევზებს რომ დანახავ, დაჰყეფ და ნატვრისთვის პირიდან წამოგვარდებაო. დიდი დავიდარაბის შემდეგ ძაღლმა მაინც თავისი გაიყვანა. ჩაიღო ნატვრისთვის პირში, შეისვა ზურგზე კატა, კატას თავი შეახტა და შეტურდნენ ზღვაში. ის იყო უახლოვდებოდნენ ნაპირს, რომ ძაღლს წინ ერთი ჭრელი თევზი გადაეღობა და გზას არ აძლევდა. ძაღლმა ითმინა, ითმინა, ბოლოს კელარ მოითმინა, შეჰყეფა და ნატვრისთვის პირიდან გადმოუყარდა. თევზი გამოეკიდა ბეჭედს, დაეწია და გადაყლაპა.

დაღონდნენ მგზავრები. კატამ უსაყვედურა ძაღლს, ჩემი სიტყვა რად არ გაიგონეო, მაგრამ საყვედურით რაღას უშველიდა. იფიქრა. იფიქრა და ბოლოს ეს მოიფიქრა: მოდი, იმ ბეჭდის დაკარგვას მე დავიბრალებ, დავბრუნდები უკანვე, იქნებ ვიპოვო. ამით ძაღლის გულსაც მოვიგებ და ბიჭისასაცო. ასეც მოიქცა. როცა ბიჭთან მივიდნენ, კატამ უთხრა:

— ძმობილო, შენი დავალება შეეასრულეთ, ნატვრისთვის წამოვიღეთ, მაგრამ ზღვაში გამოსვლის დროს დიდმა თევზმა შემაშინა, დავიკნავლე და წყალში ჩაჰვიარდა. იმედი კი არ დაკარგო, მე ისევ დავბრუნდები უკან და შევეცდები, ის ნატვრისთვის კვლავ ხელში ჩავიგდო.

— ჯანდაბას, — თქვა ბიჭმა, — ის ბეჭედი იმას ხომ მაინც აღარ ექნება, ვინც ცოლი, სასახლე და ნატვრისთვის მომტაცა. სხვა რომ არა იყოს რა, პური შემოაკლდებათ და შიშხილით დაიხოცებიან.

ბიჭი, ძაღლი და თავი გაუდგნენ ისევ გზას. კატამ კი ისევ ზღვას მიაშურა. ერთ ადგილას მეთევზეებს ქოხი ჰქონდათ გაკეთებული და თევზს იჭერდნენ. კატა შევიდა ქოხში. მეთევზეებს ძალიან გაუკვირდათ: ეს კატა მიწიდან ამოძვრა თუ ზღვამ გამოაგდო ნაპირზეო! მოეფერნენ: ფისო! ფისო! კატაც მიუახლოვდა და კრუტუნი დაიწყო.

როცა მეთევზეები საკმელად თევზებს გამოწეწავდნენ, კატა მივიდოდა და წელებს სინჯავდა ხოლმე.

— ჩვენი კატა ხორცზე არ გვეცილება და წელეებზე ირობს თავს, — ამბობდნენ მეთევზეები.

ერთ დღეს მეთევზეებმა ჰრელი თევზი დაიჭირეს, გამოწელეს და მოსახარშად ქვაბში ჩადეს. კატამ იცნო თევზი და გადაყრილ წელებს გულდასმით დაუწყო სინჯვა. სინჯვის დროს კბილი რაღაცას გამოსდო. ბრკყალეებით გასწი-გამოსწია და რას ხედავს! შიგ ნატვრისთვალია. გახარებულმა დაავლო პირი მაშინვე და გამოიქცა. მეთევზეები მისძახოდნენ: ფისო! ფისოო! მაგრამ კატას უკანაც აღარ მოუხედავს. ბევრი ირბინა თუ ცოტა, წამოეწია თავის ამხანაგებს. ბიქს წინ დაუდო წითელთვლიანი ბეჭედი და უთხრა:

— აი, ძმობილო, მოგიტანე ნატვრისთვალი!

ბიქმა სიხარულისაგან აღარ იცოდა, რა ექნა. კატას ხან ერთ თვალში კოცნიდა, ხან მეორეში. მერე აიღო თავისი ნატვრისთვალი, შეაგდო მალლა და უთხრა: ჩემო ნატვრისთვალო, ნატვრით გინატრებ და ნატვრა შემდისრულე! ის ჩემი სასახლე ისევ ძველ ადგილას დამიდგი!

ბიქს ნატვრა შეუსრულდა. შინ რომ მივიდა, სასახლე კვლავინდებურად იქ დახვდა. მეწვრილმანე მაშინვე გაქცეულიყო. მზეთუნახავი ცოლი კი ეზოშივე გამოეგება და გადაეხვივნენ ერთმანეთს.

ბიქმა თავისთან დატოვა ძაღლი, კატა, კოჭლი თავვი და დღესაც ბედნიერად ცხოვრობენ.

თვალჩიტა

იყო ერთი უშვილო სოვდაგარი, მდიდარი კაცი. ერთ დღეს ამ სოვდაგარმა თავის ცოლს უთხრა: მე სხვა სახელმწიფოში მივდივარ, დავრჩები სრულ ათ წელიწადს, თუ ამ ხანს გადასცდა და არ მოვედი, მაშინ მკვდარი ვიქნები, მიტირე და მიგლოვეო.

რა წელიწადსაც ეს მდიდარი კაცი წავიდა, იმ წელიწადს დედაკაცს გაუჩნდა ვაჟი.

სოვდაგარი სხვა სახელმწიფოში დარჩა თხუთმეტი წელიწადი. შვილიც გაუხდა თხუთმეტი წლისა. ცოლი მიცემული ვადის გასვლის შემდეგ ყოველდღე მოელოდა თავის ქმარს, მაგრამ რაჟი მოლოდინი გაუტრუვდა, მკვდრად ჩათვალა, ჩაიცვა შავები და როგორც შეჭფეროდა, იტირა და იგლოვა.

დაიწყო მეთექვსმეტე წელიწადი. სოვდაგარმა გადაწყვიტა, დაბრუნებულიყო თავის ქვეყანაში, შეკრა, რაც კი რამ წამოსალები

ჰქონდა, დაიწერა პირვეარი, ახსენა ღმერთი და გაუდგა გზას. ხმელეთზე ეტლით იარა, ზღვას რომ მიადგა, ჩაჯდა გეშში და წამოვიდა. შუა გზა არც კი ექნებოდა გამოვლილი, რომ ზღვის ქაჯმა დააჭირა გეში და აღარსაით უშვებდა.

— შე დალოცვილო ღმერთო, რა დაგიშავე ისეთი, რომ თხუთმეტი წელიწადია სახლში არა ვყოფილვარ და ახლაც შუა წყალში გამაჩერე! — საყვედურით ამბობდა სოვდაგარი.

— შენი უცოდინარი მე მომეცი და ახლავე გავუშვებ გემს, — ამოსძახა დევქაჯმა.

„ცოლი მყავს — ვიცი, სახლები მაქვს — ვიცი, აბა, სხვა რაღა უნდა იყოს ჩემი უცოდინარი?“ — ფიქრობდა დაღონებული სოვდაგარი. ბოლოს ჩასძახა:

— შენი იყოს, ოღონდ გამიშვი, რომ ჩემს ოჯახში მშვიდობით მივიდე.

— გაგიშვებ, მხოლოდ განსოვდეს: წლის თავზე თვითონ უნდა მოვიდეს ჩემთან, პირობა არ გატეხო, თორემ მთელს შენს ქვეყანას ზღვას წავაღებინებ! — მუქარით ამოსძახა ქაჯმა.

გეში დაიძრა და წამოვიდა. ხმელეთზე რომ გადმოვიდა; თავის ცოლს აცნობა, მოვდივარო.

ღედაკაცმა დაიჭირა ეტლი, ჩაისვა თავისი შვილი და შუაგზაში მიეგებნენ. ცოლი მოეხვია დიდი ხნის უნახავ ქმარს და გადაკოცნეს ერთმანეთი.

— ეს შენი შვილია, უკვე თხუთმეტი წლისაა; შენ რომ წახვედი, იმ წელიწადს მეყოლა, — უთბრა ცოლმა.

სოვდაგარს გაახსენდა ქაჯისათვის მიცემული პირობა და ძალიან დაღონდა: შვილი მყოლია და სხვას მივეციო.

მოვიდნენ სახლში. ეს კაცი აღარც პურსა ქამს, აღარც ხმას იღებს.

— კაცო, რა მოგივიდა, რამ დაგაღონა? შვილის გაჩენა ხომ არ გეწყინა? — ჰკითხა ცოლმა.

— ნუ მკითხავ! — უპასუხა ქმარმა.

— მაინც მინდა გავიგო: შვილის ყოლა გაგიხარდა თუ გეწყინა?

— ჩემი უცოდინარობით შვილი სხვას მივეცი და იმაზე ვარ დაღონებული, — უპასუხა სოვდაგარმა და ყველაფერი დაწვრილებით უამბო ცოლს.

— მამა, ვადა არაფერი მოგცა? — ჰკითხა შვილმა.

— მხოლოდ ერთი წელიწადი, ჩემო ბიჭიკო, მერე კი იმასთან უნდა გაგგზავნო.

— ნუ დარდობ. მამაჩემო, ერთ წელიწადს ვიხაროთ, მერე კი წავალ და ისე იფიქრე, ვითომ შვილი არა გყოლია.

სიტყვა შობის აღარ მიდის და ეს წელიწადიც მალე გავიდა.

— მამავ. აბა, ახლა მასწავლე, სად და ვისთან უნდა მივიდე. — უთხრა შვილმა.

მამას არ ემეტებოდა შვილი, მაგრამ შექარის აცხადებისა ეშინოდა და უთხრა: აი, იმ მხარეს წახვალ, რამდენიმე დღეს შემდეგ მიაღვები ერთ ზღვას. შენ იქ ნაპირზე დაჯექი და დაიძახე: ზღვის ქაჯო, მამაჩემმა პირობა რომ მოგცა, მოვედი—თქო! ის გაიგებს ამ ხმას, გამოვა და წაგიყვანს.

ბიჭი გაემხადა წასასვლელად. ჩაადო ჩანთაში რამდენიმე პური. ცოტა ყველი, გადაკოცნა თავისი მშობლები და გაუდგა გზას. მიდის ეს ბიჭი, თვითონაც არ იცის, საით მიდის. ბოლოს, როგორც იყო, მიაღდა ერთ ზღვას. ნატარ-ნამგზავრს წყალი მოსწყურდა. მიიხედ-მოიხედა და იქვე წყარო დაინახა, მივიდა, ცივი წყლით გაიგრილა გახურებული გული, პურიც ჰამა და ცოტა ხნით იქვე წამოწვა. დადლილს მალე ძილიც მოეპარა. სიზმარში ანგელოზი გამოეცხადა და უთხრა:

— აქ რას უწევხარ, ადექი! აქვე ახლოს გამოქვაბულია, შედი იმ გამოქვაბულში და დაიძალე. შუადღისას სამი ქალი მოფრინდება აქ, იმ ზღვის ხელმწიფისა, რომელთანაც შენ უნდა მიხვიდე. ისინი დაიხდიან ტანისამოსს, ცალ-ცალკე დააწყობენ, შევლენ ზღვაში და იბანავენ; შენ თვალი დაიჭირე, სულ პატარას ტანისამოსი აიღე და დამალე, ვიდრე ცოლ-ქმრობის პირობა არ მოგცეს, არ გამოუჩინო. ქალები რომ გამოვლენ წყლიდან, ერთს ისეთს დაიწვილებენ, რომ ხე ხეს ეცემა, ქვა—ქვას, მთა—მთას, შენ გამოქვაბული დაგიფარავს, არაფერი დაგიშავდება.

ბიჭს გამოეღვიძა, ადგა მაშინვე და დაიწყო გამოქვაბულის ძებნა. იქით მიდგა, აქეთ მოდგა და ბოლოს შავად გამოთხრილი გვირაბი დაინახა. მივიდა, შევიდა შიგ და დაიძალა. კარგა რომ ჩამოცხა, მოფრინდა სამი ქალი, დაიხადეს ტანისამოსი და შეცვივდნენ საბანაოდ ზღვაში. ბიჭმა როცა დრო შეუჩრჩია, ჩავიდა, აიღო პატარადის ტანისამოსი და ისევ გამოქვაბულში დაიძალა.

უფროსმა დებმა როცა ცურვით გული იჭერეს, გამოვიდნენ და თანაც ისეთი დაიწვილეს, რომ ხე ხეს ეცა, ქვა—ქვას და მთა—მთას. მერე ჩაიცივეს ტანისამოსი და გაფრინდნენ.

პატარა და კი დიდხანს ეთამაშებოდა ზღვას ტალღებს. ბოლოს,

იმეაც მოეწყინა, გამოვიდა, ბევრი ეძება ტანისამოსი, მაგრამ რაკი ვეღარსად იპოვა, მიხვდა, ვილაცამ დამიშალაო და დაიძახა:

— ძმაღ მეკუთვნი — ძმა იყავი, მამაღ მეკუთვნი — მამა იყავი, ოღონდ ტანისამოსი გამომიჩინე!

ბიჭმა არც ხმა გასცა და არც გამოჩნდა. შეწებდა ქალი და დაიძახა:

— შენ ქმარი და მე ცოლი, ოღონდ გამომიჩინე ტანისამოსი!

ბიჭი მაშინ კი გამოვიდა გამოქვამულიდან და მიუტანა ტანსაცმელი. ქალმა ჩაიცვა საჩქაროდ და უთხრა:

— მე ჩემს პირობას ვერ გადავუხვევ, დღეიდან შენ ქმარი და მე ცოლი... წავიდეთ სახლში.

ქალი გამოუძღვა წინ და გაუდგნენ გზას.

ბევრი იარეს თუ ცოტა იარეს, მიადგნენ ერთ მარმარილოს სასახლეს. ქალმა შეიყვანა ბიჭი ერთ ოთახში, მოუმზადა კარგი ვახშაში, აჭეიფა და მერე ჰკითხა:

— ვინა ხარ, ან სადაური ხარ?

ბიჭმაც ყველაფერი უამბო. ქალმა უთხრა: ვისთანაც შენ მიღიხარ, ის მამაჩემია — ზღვის ხელმწიფე; ის ქალები, ჩემთან რომ ბანაობდნენ, ჩემი დები არიან. ჩვენ კიდევ ცალკე ვცხოვრობთ. ავმა დედინაცვალმა გამოგვრეკა. მამაჩემთან რომ მიხვალ, ოთხ რამეს დაგავალეზ, მაგრამ არ შეშინდე, მე დაგეხმარები.

მეორე დილას ადგნენ ორივენი. ქალმა დაანახვა მამის სახლი და გაისტუმრა. გასწია სოვდაგრის ბიჭმა, მივიდა დეეკაჯთან და უთხრა:

— მოვედი შენი ტყვე, აბა, რას დამავალეზ?

ზღვის ხელმწიფემ საღამომდის ბიჭს არა უთხრა რა, შებინდებისას კი დაიბარა და გამოუცხადა:

— აი, იმ მინდორზე, ამ ადგილიდან იმ ადგილამდე, — თანაც შორიდან შემოუხანა, — გათენებამდე ისეთი გალავანი უნდა შემოავლო, რომ სამი მხარი სიმაღლე ჰქონდეს და ერთი მხარი სიგანე, თუ ვერ შეასრულებ ამ დავალებას, ცეცხლზე შეგწვავ და ისე შეგტყამ!

დაბრუნდა ბიჭი ჩაფიქრებული.

— რამ დავალონა? — ჰკითხა ქალმა.

— მამაშენმა დამავალა: აი, იმ მინდორს გათენებამდე ისეთი გალავანი უნდა შემოარტყა, რომ სამი მხარი სიმაღლე ჰქონდეს, მხარი კი — სიგანეო. ჯაღოქარი ხომ არა ვარ, რომ შევეუბერო, ვუთხრა, აშენდი-მეთქი, და აშენდეს.

— ნუ გეშინია, ეგ ადვილია, სხვა ძნელია, — ანუგეშა ქალმა.

მოუტანა კვლავ პური, ღვინო, თვითონაც გვერდით მოუჭდა, კარგად ავახშმა და დააძინა, თვითონ კი ამოიღო წითელი ვაშლი და თქვა: ჩემო წითელო არაბებო, გაჭირვებისათვის გახსენებთ, ახლავე ჩემთან დაიბადეთ!

თქმა და ცხრა არაბის შემოსვლა ერთი იყო. ქალმა უბრძანა:

— ამა და ამ მინდორს გათენებამდე ისეთი გალავანი უნდა შემოარტყათ, რომ სამი მხარი სიმაღლე ჰქონდეს, მხარი კი — სიგანე. არაბები მაშინვე გაქრნენ.

გათენდა. ქალმა გაადვიდა ბიჭი, ააფარა ფეშტამალი, მისცა ჩელში ქაფჩა და უთხრა:

— გალავანი მზად არის. შენ წადი ახლა და კედლებს აქა-იქ ქაფჩა უსვი.

ბიჭიც წავიდა და, როგორც ცოლმა დაარიგა, ისე მოიქცა.

ღილით გამოიხედა ზღვის ხელმწიფემ და, გალავანი რომ დაინახა, თავის ავ ცოლს უთხრა:

— ღედაკაცო, დაინახე, ჩვენს ტყვეს როგორი გალავანი შემოურტყამს!

— დაგიდგეს თვალი! შენმა ტყვემ კი არ შემოარტყა, შენმა პატარა ქალმა შემოარტყმევინა არაბებს, — უთხრა ცოლმა და თანაც ქოქოლა მიაყარა.

ზღვის ხელმწიფე გაბრაზდა, ერთი მაგრად სცემა და უთხრა: სახლიდან გამიძევე შვილები და იქაც აღარ ეხსნებიო!

სოვდაგრის ბიჭი სალამომდის იქ დარჩა, შებინდებისას კვლავ დაიბარა ხელმწიფემ და უთხრა: ამ გალავანში ისეთი ბალი უნდა გააშენო, რომ რიგისა ყვაოდეს, რიგისა მწიფდეს, რიგისა იკრიფებოდესო.

ბიჭი წამოვიდა შინ დაღონებული.

— რამ დაგაღონა? — ჰკითხა ცოლმა.

— აგრე მითხრა: ისეთი ბალი უნდა გააშენო, რომ რიგისა ყვაოდეს, რიგისა მწიფდეს, რიგისა იკრიფებოდესო.

— ნუ გეშინია, ეგ ადვილია, სხვა ძნელია, — ანუგეშა ქალმა, — წადი და თესლები გამოართვი.

წავიდა ბიჭი, გამოართვა თესლები და წამოვიდა. ცოლმა ავახშმა კარგად და დააძინა. თვითონ კი ამოიღო წითელი ვაშლი და თქვა: ჩემო წითელო არაბებო, გაჭირვებისათვის გახსენებთ, ახლავე ჩემთან დაიბადეთ!

სიტყვა შორს მიდის და შემოვიდა ცხრა არაბი. ქალმა მისცა თესლები და უბრძანა: წადით და იმ გალავანში გათენებამდის ისეთი

ბალი გააშენეთ, რომ რიგისა ყვაოდეს, რიგისა მწიფდეს, რიგისა
ეკრიფებოდესო.

არაბები უცებ გაქრნენ.

გათენდა. გალავანში მართლა ისეთი ბალია გაშენებული, რომ,
რა ხილი გინდა, იქ არ არის: რიგისა ყვავის, რიგისა მწიფს.

ქალმა გააღვიძა ბიჭი, ააფარა ფეშტამალი და უთხრა: წადი, შე-
დი ბაღში და სადაც მწიფე იყოს, ხელს შეაწვდიდეო.

ბიჭი წავიდა. დადის ბაღში და აქა-იქ მწიფე ხილს კრეფს.

გამოიხედა ხელმწიფემ, გაშენებული ხეხილის ტყე რომ დაინახა,
დაუძახა თავის ცოლს და უთხრა: გამოიხედე, დედაკაცო, ჩვენს
ტყვეს როგორი ბალი გაუშენებიაო!

— დაგიდგეს თვალი, ტყვემ კი არა, შენმა პატარა ქალმა გააშე-
ნაო, — უპასუხა ცოლმა.

ზღვის ხელმწიფემ ახლა კი ჯოხით სცემა და თან დაპყვიროდა:
დაეხსენ იმ საწყალ გოგოს! თავი დაანებე!

სალამოდის ის ბიჭი იქ იყო, შებინდებისას კვლავ დაიბარა ხელ-
მწიფემ და უთხრა: — აი, ამ ზღვას ხომ ხედავ? ამაღამ ზედ ისეთი
სპილოს ძვლის ხიდი უნდა ააგო, რომ ცხრა ხელმწიფის ჯარმა ზედ
თამამად გაიაროსო!

წამოვიდა ბიჭი დაღონებული.

— რამ დაგაღონა? — ჰკითხა ხელმწიფის ქალმა.

— ასე მითხრა: ამ ზღვაზე ისეთი სპილოს ძვლის ხიდი უნდა
გასდო, რომ ზედ ცხრა ხელმწიფის ჯარმა გაიაროს. თანაც ერთ
ლამეში უნდა გააკეთოო.

— ეგ ადვილია, სხვა ძნელია! — ანუგეშა ქალმა.

მოუტანა პური, ღვინო, თვითონაც გვერდით მოუჯდა, აჭამა, და-
ათრო და დააძინა. თვითონ კი ამოიღო უბიდან წითელი ვაშლი და
უთხრა: ჩემო წითელო არაბებო, გაჭირვებისათვის გახსენებთ, ახ-
ლავე ჩემთან დაიბადეთო!

ამის თქმა და არაბების იქ გაჩენა ერთი იყო.

— წადით ახლავე და გათენებამდე აი. იმ ზღვაზე ისეთი სპი-
ლოს ძვლის ხიდი გადეთ, რომ ზედ ცხრა ხელმწიფის ჯარმა გაი-
აროს!

არაბები მაშინვე გაქრნენ. ქალმა დილაბნელზე გააღვიძა ბიჭი,
ააფარა ფეშტამალი, მისცა ხელში ჩაქუჩი და უთხრა:

— ხიდი მზადაა. წადი და ამ ჩაქუჩით აქა-იქა ჩაუკაკუნე ხოლმეო.

წავიდა სოვდაგარის ბიჭიც, ხელში უჭირავს ჩაქუჩი და აქა-იქ
უკაკუნებს.

გამოიხედა ზღვის ხელმწიფემ და, ხიდი რომ დაინახა, ცოლს დაუძახა:

— ერთი დაინახე, ჩვენს ტყვეს როგორი ხიდი გაუდვია ზღვაზე!

— დაგიდგეს თვალი, ემაგრე გატყუებენ! ტყვემ კი არა, ეგ ხიდი შენმა პატარა ქალმა გააკეთაო!

ზღვის ხელმწიფემ ახლა კი კეტითა სცემა თავის ცოლს.

ის ბიჭი საღამომდის იქ იყო.

ხელმწიფეს ორი რაში ჰყავდა: ნიავექარი თვალთულა და გულთმისანი თვალჩიტა. თვალთულა სახლში ჰყავდა საჭდრმად, თვალჩიტა კი ჯოგში იყო გაშვებული. შებინდებისას ზღვის ხელმწიფემ დაიბარა თავისი ტყვე და უთხრა:

— წადი ჯოგში, დაიჭირე ჩემი თვალჩიტა და მომგვარე.

ბიჭი გახარებული წამოვიდა სახლში. გზაში ფიქრობს: რა ცხენი უნდა იყოს ისეთი, რომ ვერ დაეიჭიროო.

ცოლმა მხიარული რომ დაინახა თავისი ქმარი, ჰკითხა:

— დღეს რაღაც გახარებული დაბრუნდი, რა დაგავალა?

— ეს დავალება კი აღვიღია. მითხრა: ჩემი თვალჩიტა დაიჭირე და მომგვარეო.

— ეგ ყველაზე ძნელია, მაგრამ ჩვენ მაინც ვეცადოთ. წადი მამაჩემთან და გამოართვი ცხრა ლაგამი, ცხრა ალმასის აღვირი, ალმასის ბორკილი და უნაგირი.

ბიჭი გაბრუნდა უკან და გამოართვა, რაც კი ცოლმა დააბარა.

ქალმა მოუტანა კარგი ვახშამი, კარგი ღვინო, დაათრო და დააძინა. გათენებამ რომ მოატანა, ამოიღო წითელი ვაშლი და თქვა: ჩემო წითელო არაბებო, გაჭირვებისათვის გახსენებთ, ახლავე ჩემთან მოფრინდითო. ქალს სიტყვა ჯერ არც კი დაემთავრებინა, რომ გაჩნდა ცხრა არაბი, ქალმა გააღვიძა თავისი ქმარი, შეასხდნენ ორივენი არაბებს და წავიდნენ რაშის დასაჭერად.

მზე ახლად იყო ამოსული, რომ იალალზე გასულ ჯოგს მიუახლოვდნენ. თვალჩიტა გამოსულიყო განზე და აქეთ-იქით იყურებოდა: მტერი ხომ არაგინ მოდისო.

ქალმა მისცა არაბებს თოკები და უბრძანა: აი, ის რაში უნდა დაიჭიროთო.

რომელი არაბიც კი მიუახლოვდებოდა თვალჩიტას, ის გამოუქანდებოდა, დაჰკრავდა წინა ფეხებს და იქვე კლავდა. რაშმა ცხრავე დახოცა. ჯერი ახლა სოვდაგრის ვაჟზე მიდგა: ქალმა მისცა თოკი; თვითონ კი დაიჭირა ხელში ბასრი დანა და უთხრა: მე შენ

მკვდარს ვერ გიხილავ თვალით. რაში გამოქანდება თუ არა შენსკენ, დანას დავიცემ გულშიო.

ქალი და ვაჟი გადაეხვივნენ ერთმანეთს და გამოემშვიდობნენ. ბიჭმა აიღო თოკი, ახსენა ღმერთი და გაემართა დასაქერად. თვალჩიტამ შორიდანვე დაუძახა: მებრალეებით დასახოცად, მოდიო, დამიჭირეთ და შემასხედითო!

ბიჭი და ქალი მივიარდნენ რაშს, ჯერ ყელზე მოეხვივნენ, მერე კი შეასხდნენ ზედ და ზღვის გაღმა ქვეყნისაკენ გააქროლეს.

ზღვის ხელმწიფე მოუთმენლად მოელოდა თავის ტყვეს, მაგრამ რომ აღარ დაბრუნდა. ცოლს უთხრა: რაკი აღარ დაბრუნდა ჩვენი ტყვე, ეტყობა, რაშმა მოინელაო.

— შენ კი დაგიდგეს ეგ თვალები! შენი პატარა ქალი და ის ტყვე თვითონ თვალჩიტაზე სხედან ახლა და სხვა ქვეყნისკენ მიქრიან.

ზღვის ხელმწიფემ ამჯერად კი დაიჯერა ცოლის სიტყვები, შეჭდა მაშინვე თვალთულაზე და გამოუდგა უკან.

ნახევარი გზა რომ გაიარეს, თვალჩიტამ უთხრა ბიჭს: აბა, მიიხედე უკან, ხომ არაფერი მოჩანსო.

ბიჭმა მიიხედა და უთხრა: შორს რაღაცა ბუზისოდენა მოჩანსო.

— ის უსათუოდ ჩემი პატრონია. მე ვიქცევი ვაზებად, ქალს ვაქცევ ყურძნად, შენ კი — მეზვრედ, ხელმწიფე ვერ გვიცნობს და გადავრჩებითო. თქმა და ასრულება ერთი იყო. ბიჭი უვლის გარშემო ვენახს და თან ვაზებს ეალერსება.

ზღვის ხელმწიფე მიუახლოვდა ბიჭს და ჰკითხა: აქეთ ცხენიან ბიჭს და ქალს ხომ არ გაუვლიათ?

— მთელი წელიწადი აქა ვმუშაობ და არა კაცი არ დამინახავს, — უპასუხა ბიჭმა.

დაბრუნდა უკან განაწყენებული ზღვათა ხელმწიფე.

ვაზები იქცა ისევ რაშად, მტევნები — ქალად, შესხდნენ კვლავ თვალჩიტაზე და გაუდგნენ გზას.

ზღვათა ხელმწიფე სახლში რომ მივიდა, ცოლმა ჰკითხა:

— რა ჰქენ, ვერ დაეწიე?

— ვერა.

— არც გზაში შეგხვედრია ვინმე?

— მხოლოდ ერთი მეზვრე ვნახე, ვაზებს ათვალეიერებდა.

— დაგიდგეს ეგ თვალი! ის ვენახი შენი რაში იყო, ყურძენი — შენი ქალი, მევენახე კი — შენი ტყვე. რატომ არ მოკალ ის მევენახე და რატომ სულ არ გადაქერი ის ვაზები?

ზღვის ხელმწიფე შეჯდა ისევ თავის თვალთულაზე და გამოუდგა უკან.

მირბის თვალჩიტა, მაგრამ იცის, რომ თუ პატრონი თვალთულათი გამოეკიდა, ვერსად წაუვება.

— აბა, მიიხედე უკან, ხომ არაფერი მოჩანს? — უთხრა რაშმა ბიქს.

— რაღაცა მოჩანს ძალიან შორს.

— ეგ უსათუოდ ჩემი პატრონია. მე ვიქცევი საყდრად, ქალს ვაქცევ ხატად, შენ კი ვაქცევ მღვდლად.

სიტყვის თქმა და შესრულება ერთი იყო. ბიჭი მღვდლის ტანი-სამოსში გამოწყობილი დგას საყდარში და რაღაცას დუღუნებს. გამოიარა ზღვის ხელმწიფემ და ჰკითხა:

— აქეთ ცხენიან კაცსა და ქალს ხომ არ გაუვლია?

— წელიწადზე მეტია, ამ საყდარში ვარ და ფრინველიც არ დამინახავს მალა გადაფრენილი, არათუ ადამიანი.

ზღვის ხელმწიფე გამობრუნდა უკან. საყდარი ისევ ცხენად იქცა, ხატი — ქალად, მღვდელი — ბიჭად და კვლავ გაუდგნენ გზას. ზღვის ხელმწიფე სახლში რომ მივიდა, ცოლმა ჰკითხა: — ახლაც ვერ დაეწიე?

— ვერა.

— არც არავინ შეგხვედრია გზაში?

— ერთ საყდარში მღვდელი ვნახე და რაღაცას ბუტბუტებდა.

— დაგიდგეს ორივე თვალი, ის საყდარი შენი რაში იყო, ხატი — შენი ქალი, მღვდელი კი — შენი ტყვე. შე უბედურო, ის საყდარი უნდა დაგენგრია, ხატი დაგემტერია. მღვდელი კი მოგეკლა.

ცოლმა ჩამოიყვანა ქმარი რაშიდან, თვითონ შეჯდა ზედ და გამოუდგა.

მირბის თვალჩიტა, მაგრამ სად გაექცევა თვალთულას?

— აბა, მიიხედე უკან, ხომ არაფერი მოჩანს? — უთხრა რაშმა ბიქს.

— ვიღაცა ნიავქარივით მოაქროლებს ცხენს, — უპასუხა სოვდაგრის შვილმა.

თვალჩიტა იქცა დიდ ტბად, ქალი და ბიჭი — იხვებად, სხედან წყალში და ლივლივებენ.

ზღვის ხელმწიფის ქაჯი ცოლი მოვიდა თუ არა ტბასთან, გადმოხტა მაშინვე, დაეწაფა წყალს და დაუწყო წრუტვა.

წყალი ნელ-ნელა კლებულობდა, იხვებიც თან მისდევდნენ

წყალს. ის იყო, უნდა დაღუპულიყვნენ იხვები, რომ დედაკაცი წყლით გაიბერა, გადაბრუნდა და მოკვდა.

ტბა ისევ იქცა რაშად, იხვები კი — ქალ-ვაჟად.

— სულ ლუკმა-ლუკმად აქციე ეგ წყეული, თორემ კიდევ არ მოგვასვენებს, — უთხრა ქალმა ბიჭს.

ბიჭმა იშიშვლა ხმალი და ქაჯი დედაკაცი სულ აკუწა. შემდეგ ერთი შეჯდა თვალთულაზე, მეორე — თვალჩიტაზე და გაუდგნენ გზას.

ბევრი იარეს თუ ცოტა იარეს, მივიდნენ ბიჭის მშობლებთან. დედ-მამას ძალიან გაუხარდა და კარგი ქორწილიც გადაუხადეს.

გავიდა ხანი, პატარძალი დაორსულდა და ქალი გაუჩნდა. მშობლებმა გადაწყვიტეს, ბავშვისათვის ისეთი სახელი მიეცათ, რომელიც მხოლოდ მშობლებს უნდა სცოდნოდა და სხვას — არავის. ბევრი ფიქრის შემდეგ ქალს დაჯექალა დაუძახეს.

გაიზარდა ეს ქალი, უკვე გასათხოვარი გახდა. დედ-მამამ გადაწყვიტა, შვილი იმისათვის მიეთხოვებინა, ვინც მის სახელს გამოიცნობდა. მოდიან მდიდრის შვილები, მაგრამ მისი სახელი ვერავის ვერ გამოუცვნიან. გამოიარა ამ დროს ერთმა არაბმა, თავმოყრილი ახალგაზრდები რომ დაინახა, ერთ ბებერს ჰკითხა:

— დედი, რა ამბავია, რისთვის დგას ეს ხალხი?

— მანდ, შვილო, ქალაა გასათხოვარი, ვინც იმის სახელს გამოიცნობს, მშობლებიც იმას მიათხოვებენ, მაგ ახალგაზრდებსაც იმისათვის შოუყრიათ თავი.

— მერე რომ გამოვიცნო, მომათხოვებენ? — იკითხა არაბმა.

— შენ რაღა ხარ!.. აღთქმა ისეთი აქვთ.

არაბი შევიდა ეზოში და დაიძახა: მაგ ქალს დაჯექალა ჰქვია!

რაკი არაბმა ქალის სახელი გამოიცნო, მშობლებმა, აღთქმის თანახმად, მას მიათხოვეს.

დაჯექალა მწარედ ტიროდა და წყევლიდა თავის ბედს: ეს როგორ მეწერა, რომ არაბი უნდა შემხვედროდა ქმრადო.

ბევრი ინაღვლა დაჯექალამ, ბევრი ცრემლიც ღვარა, მაგრამ რას გააწყობდა: მშობლების სიტყვას წინ როგორ აღუდგებოდა.

— აბა, ახლა ჩემს სახლში უნდა წავიდეთ! — უთხრა არაბმა თავის ცოლს.

მწარედ დაღონდა დაჯექალა.

— ჩემო საყვარელო მშობლებო, მე ხომ უბედურ ვარსკვლავზე ეყოფილვარ დაბადებული, ეს ნატვრა მაინც შემისრულეთ, ჩვენი თვალჩიტა გამაყოლეთ მზითევში.

მშობლები როგორ ეტყოდნენ უარს ბედისაგან დაჩაგრულ შვილს.

შუუკაზმეს თვალჩიტა, შესვეს ზედ დაჯექალა, წინ არაბი გაუმძღვარეს და გაისტუმრეს. თვალჩიტას თან გააყოლეს თავისივე ლაგამი და ბორკილებიც.

ბევრი იარეს თუ ცოტა იარეს, გავიდნენ ერთ გაშლილ მინდორზე. არაბმა ჩამოიყვანა დაჯექალა რაშიდან და უთხრა: ცოტა ხანს აქ დავისვენოთ, ცხენსაც ეშვიებო.

ქალმა ბალახზე მოიკეცა, არაბმა კი თავი მიღო მის მუხლებზე და მალე ხვრინვა ამოუშვა. არაბს ერთი ზნე სჭირდა: თუ დაიძინებდა. ერთ კვირამდე აღარ გამოეღვიძებოდა. დაჯექალა დაჰყურებს არაბის შავ პირისახეს და თვალები ცრემლებით ევსება. თვალჩიტაც იქვე დგას და დაღონებული უყურებს ქალს:

— ადე, დაჯექალა, შემაჯექი და სხვა სახელმწიფოში გაგიყვან, — უთხრა რაშმა.

— ვაითუ გაიგოს?

— თავი ნელა გადაუწიე, თუ გაიღვიძოს, უთხარი, მუხლი დამეღალა-თქო. ერთი შემეჯექი და მერე გინდა მთელი არაბეთი დაგვედევნოს, შენ ნურათრისა გეშინია.

ქალმა არაბს მძიმედ გადაუცურა თავი, ადგა და შეჯდა რაშზე. თვალჩიტა ნიაჟარივით გაფრანდა. ბევრი იარეს თუ ცოტა იარეს. გავიდნენ ერთ ქვეყანაში. რაშმა უთხრა: ვაჟკაცის ტანისამოსი იყიდე და ის ჩაიცვიო.

დაჯექალამ იყიდა ვაჟკაცის ტანისამოსი და იმაში გამოეწყო. ვაჟი გამოჩნდა ისეთი, რომ ადამიანს თვალი ზედ დარჩებოდა.

ერთ დღეს ქალმა თავისი რაშით ხელმწიფის სასახლის წინ ჩაიარა, დაინახა რკინის კარებთან შეიარაღებული ჯარისკაცები, მივიდა და უთხრა: სათხოვარი მაქვს ხელმწიფესთან, ან გამიშვით, ან თქვენ მიმიყვანეთ იმასთანაო.

ჯარისკაცებმა ვეზირს მოახსენეს, ვეზირმა კი — ხელმწიფეს. ხელმწიფემ ბრძანა, შემოეყვანათ სტუმარი. ვაჟურად ჩაცმული დაჯექალა იქეთი ლამაზი იყო, რომ ხელმწიფე კინალამ გადაირია.

— რას ითხოვ, ახლგაზრდავ? — ჰკითხა ხელმწიფემ.

— მცირე სათხოვარი მაქვს, დიდებულო ხელმწიფევე, შორეული ქვეყნიდან ვარ წამოსული, არც ბინა მაქვს, არც საქმელი, გთხოვთ, ცოტა ხნით მიმსახუროთ და თავშესაფარიც მომცეთ.

— ახლავე გამოუნახეთ ბინა ამ ვაჟს და მის ცხენსაც, სასმელ-საქმელი არ მოაკლოთ! — უბრძანა ხელმწიფემ თავის ვეზირს.

დაჯექალას მისცეს პატარა ოთახი, თვალჩიტა კი თბილ თავლაში დააბინავეს. გავიდა ერთი კვირა, გავიდა მეორე, მესამე... აღარ უშვებენ სასახლიდან. ხელმწიფეს მისი ტოლი ბიჭი ჰყავდა და ისე შეეჩვია დაჯექალას, რომ უიმისოდ პურსაც აღარ ჭამდა.

დაჯექალას ვაჟობაზე ეპვი აიღო დედოფალმა და ერთ დღეს გამოუტყდა თავის შვილს:

— შვილო, ჩვენი სტუმარი ბიჭი კი არა, ქალი უნდა იყოს.

— რას ამბობ, დედავ, ქალი რომ იყოს, ვაჟკაცურად ეცემებოდა?!

— თუ არ გჯერა, აბა, ღვინოში გამოსცადე!

ხელმწიფის ვაჟი მართლა დააეჭვინა ამ სიტყვებმა და ერთ დღეს, როცა ამხანაგები ბაღში ისხდნენ, ხელმწიფის ვაჟმა უთხრა დაჯექალას: ერთხელ მე და შენ ღვინის სმავში უნდა შევეჩვიბროთ ერთმანეთსო.

ქალი მეტად ჩააფიქრა ამ სიტყვებმა და დაღონებული თავის რაშთან შევიდა.

— რადა ხარ დარდიანი, ჩემო საყვარელო პატრონო? — ჰკითხა თვალჩიტამ.

— ეჰ, ჩემო ერთგულო მეგობარო, როგორ არ ვიყო დაღონებული: მეფის შვილმა მითხრა, ღვინოში შევეჩვიბროთო. ვიცი, დავითვრები და ჩემს ქალობას შეიტყობენ.

— ნუ გეშინია, ჩემო საყვარელო, როგორც დაგარიგო, ისე მოჩქეცი: სადღეგრძელო რომ დალიო, გუნებაში თქვი: მე ღვინოს დავლევე, თვალჩიტა კი დათვრეს-თქო. ღვინო მე მომეკიდება, შენ კი ფხიზელი დარჩები. მხოლოდ პურის ჭამა რომ მოათავო, მალე მომხედე, მთვრალი არ წავიქცე.

დაჯექალა გახარებული გამოვიდა და ხელმწიფის შვილს ღვინოში შეჩვიბრებაზე თანხმობა გამოუცხადა.

შემოუსხდნენ მაგიდას. ბიჭმა ექვსი ხელადა ღვინო თვითონ დაიდგა, ექვსი კი ამხანაგს დაუდგა. დაიწყეს სმა. დაჯექალა სვამს სადღეგრძელოს, გუნებაში კი ამბობს: მე ღვინოს დავლევე, ჩემი თვალჩიტა კი დათვრესო. დალიეს ექვს-ექვსი. ბიჭმა კიდევ მოიტანა: სამი ხელადა თვითონ დაიდგა, სამი მას დაუდგა. თითო ხელადაც რომ დალიეს, ხელმწიფის ვაჟი დათვრა და იქვე მიეძინა. დაჯექალა კი ადგა მაშინვე, თან წაიღო სველი ტილო და თავლაში შევიდა. თვალჩიტა მართლა ისე დამთვრალიყო, რომ ფეხზე ძლივსლა იდგა. ქალმა მოუსვა თვალეებზე სველი ტილო და მოაბრუნა.

ხელმწიფის შვილი ისე იყო გაღაბული ღვინისაგან, რომ ორ-სამ დღეს ლოგინიდან ვეღარ ადგა.

— დედავ, რად მოაკვლევინე ჩემი თავი, არ გეუბნებოდი, რომ ბიჭი არის-მეთქი!

— არა, შვილო, ახლაც გეუბნები, რომ ეგ ქალია და ვაჟის ტანისამოსშია გადაცმული. თუ არა გჯერა, მე თვითონ გამოვტეხ.

ხელმწიფის ცოლს ძალიან მოსწონდა დაჯექალა და გუნებაში გადაწყვეტილი ჰქონდა, ჩემ შვილს შევრთავო.

— შვილო, ვიცი, რომ ქალი ხარ, გამიგონე: გაიხადე ეგ ვაჟური ტანისამოსი და ჩემს შვილს მისთხოვი. ამაზე კარგ ადგილას სხვაგან სად წახვალ?

რა ჰქონდა საუარო? გაიხადა დაჯექალამ ტანისამოსი და ხელმწიფის შვილმა ჯვარი დაიწერა მასზე. ცხოვრობდნენ ბედნიერად და საამურად.

გავიდა შვიდი თვე და სხვა სახელმწიფომ ომი გამოუცხადა ამ სახელმწიფოს. დაიწყო სამზადისი. ხელმწიფემ ბრძანა, ქუდზე კაცი გამოსულიყო.

დალონდა დაჯექალა. ის არა მარტო ქმარზე წუხდა, არამედ ერთგულ ცხენზეც.

ერთ დღეს, როცა დაჯექალა გვერდით უდგა და ეალერსებოდა, თვალჩიტამ უთხრა: მე ვიცი, რომ ხელმწიფის შვილი ომში თან წამიყვანს. ჩემი მოკაზმულობიდან ან ალმასის ლაგამი დაიტოვე, ან ალმასის ბორკილი. თუ რამ გავიჭირდეს, აიღე ის ჩემი სახსოვარი, მახსენე და იმწამსვე შენთან გავჩნდებიო.

ხელმწიფის ვაჟი გაემზადა ომში წასასვლელად, შეკაზმა თვალჩიტა.

ცოლი დიდხანს ეხვეწა, რომ დაეტოვებია ან ალმასის ბორკილი, ან ალმასის ლაგამი, მაგრამ ქმარმა არ გაუგონა და ორივე თან წაიღო.

გავიდა ორი თვე, დაჯექალას ოქროსთმიანი ქალ-ვაჟი გაუჩნდა. გახარებულმა ხელმწიფემ და დედოფალმა მაშინვე წერილი მისწერეს ომში წასულ შვილს: ოქროსთმიანი ქალ-ვაჟი გეყოლა, გეამება თუ გეწყინება, პასუხი შეგვატყობინეო. მისცეს ეს ბარათი ფენმარდ შიკრიკს და გაგზავნეს.

შიკრიკმა ჩაიღო წერილი ქუდის ყალამაში და გაუდგა გზას.

ბევრი იარა თუ ცოტა იარა, მიადგა ერთ წყაროს; ნატარ-ნამგზავრს წყურვილისაგან პირი უშრებოდა, მივიდა, გულაიანად დაეწაფა, დალია წყალი, მერე კი წამოწვა და მალე ძილიც მოერია.

სწორედ ამ დროს გამოიარა იმ არაბმა, რომელმაც ცოლად შეირთო დაჯექალა. არაბმა დაუნახა შიკრიკს ქუდის ყალამაში წერილი, ამოაცალა, გაშალა და წაიკითხა: ოქროსთმიანი ქალ-ვაჟი გე-

ყოლა, გეწყინა თუ გეამა, მოგვწერეო. არაბმა დახია ეს წერილი და თვითონ სხვა დაწერა: ძაღლის ლეკვები გეყოლა, გეწყინა თუ გეამა, მოგვწერეო. ჩაუღო ისევ ქუდის ყალამაში და თვითონ კი იქვე ერთ ჩირგვს მოეფარა.

შიკრიკს გამოელვია, პირი ცივი წყლით დაიბანა, მერე ცოტა წაისაუზმა და გაუდგა გზას. ბევრი იარა თუ ცოტა იარა, მივიდა ბრძოლის ველზე, მონახა ხელმწიფის შვილი და წერილი მიართვა. ვაჟს გაუხარდა, გახსნა მაშინვე და წაიკითხა: შენს ცოლს ძაღლის ლეკვები ეყოლა, გეწყინა თუ გეამა, პასუხი მოგვწერეო.

— შე დალოცვილო ღმერთო, უბედურება არ მეყოფა, რომ ახალგაზრდა კაცი ყოველ წუთს სიკვდილს თვალეში შევყურებ? ის ძაღლის ლეკვები რაღაა ჩემ შესარცხვენად! — ჩაილაპარაკა ხელმწიფის შვილმა და მწარე ფიქრებს მიეცა. ბოლოს, ჩაიქნია ხელი და ასეთი წერილი მისწერა თავის დედ-მამას: ძაღლის ლეკვები კი არა. გინდა კატის კნუტები იყვნენ, ვიღრე მე არ დავბრუნდე, ცივი ნიავეც არ მიაკაროთო.

შიკრიკმა გამოართვა წერილი, ჩაიღო ქუდის ყალამაში და წამოვიდა. წყაროსთან რომ მოვიდა, დაისვენა და დაღლილ-დაქანცულს კვლავ ტკბილად ჩაეძინა. საღ იყო, საღ არა, გაჩნდა ისევ ის არაბი, ამოაცალა წერილი, წაიკითხა, დახია და გადაყარა. ამოიღო ქალაღი და ასეთი წერილი დაწერა: ჩემი შეილები გინდა ოქროსთმიანები იყვნენ, სამი დღე და ღამე საკირე ახურეთ და შიგ დაწვით, თორემ თუ ცოცხალი დავბრუნდი, ყველას საბრძოლელაზე ჩამოგკიდებთო. ჩაუღო წერილი ქუდის ყალამაში და ისევ მიიმაღა.

შიკრიკს გამოელვია, დაიბანა პირი, ცოტა წაისაუზმა კიდევ და წამოვიდა. ბევრი იარა თუ ცოტა იარა, მივიდა ხელმწიფესთან და მიართვა შვილის გამოგზავნილი წერილი. ოჯახში სათითაოდ წაიკითხეს და გაუკვირდათ: დასაწვავად როგორ იმეტებს ოქროსთმიან შეილებსაო. ძალაან დაღონდნენ, ბევრიც იფიქრეს, მაგრამ რას იზამდნენ. დღეს ხელმწიფე ის ვაჟი იყო და აქ მის ბრძანებას ვინ გადაუხვევდა! შეუკეთეს საკირეს, ახურეს სამი დღე და ღამე. მაგრამ ვერ იპოვეს ისეთი კაცი, რომ ეს ლამაზი ბავშვები ცეცხლში ჩაეყარა. სიბრალულის გამო არაფერს ეკარებოდა. დაჭეკალას ცოდვით მალა ცა იწვოდა და დაბლა დედამიწა. სწორედ ამ დროს გამოიარა იშავე ბოროტმა არაბმა, ხალხი რომ დაინახა, დაინტერესდა და ერთ ბებერს ჰკითხა:

— მითხარ, დედაშვილობას, ამ ხალხს რისთვის მოუყრია აქ თავი, ან იმ საკირეს რისთვის ახურებთ?

— ხელმწიფის ოქროსთმიანი ქალ-ვაჟი უნდა დაწვან, მაგრამ ზავშეებს ცოდვით არავინა ჰკიდებს ხელს.

— მე ჩავეყრი! — დაიყვირა არაბმა და გაეშურა სასახლისაკენ. გულთმისანმა თვალჩიტამ უმაღლესი შეიტყო თავისი პატრონის გასაქირი. წუხს, ჭიხვინით იკლებს ბრძოლის ველს, მაგრამ რა ქნას: თავი აღნასის ლაგმითა აქვს მიბმული წიფლის ხეზე, ფეხებში კი აღმასის ბორკილები აქვს გაყრილი. მოიკრაფა მთელი ძალ-ღონე, გასწია, დაწვეცა ბორკილები, წიფელი ძირიანად მოგლიჯა და მოკურცხლა. მორბის თვალჩიტა და თან მოაქვს მთელი არემარე.

არაბმა, ის იყო აიყვანა ბავშვები და საყირეს უახლოვდებოდა, რომ მოვარდა თვალჩიტა და გამწარებულმა დაიჭიხვინა: რას შვრები, შე სულწაწყმედილო, შენაო.

შეშინებულმა არაბმა დაყარა მაშინვე ბავშვები და გაქცევა დააპირა, მაგრამ თვალჩიტამ სტაცა კბილები და გავარჯარებულ საყირეში გადააგდო.

დაჯექალამ ეს ამბავი რომ შეიტყო, გამოიქცა მაშინვე, მოეხვია თვალჩიტას ყელზე და ხან ერთ თვალს უკოცნიდა, ხან — მეორეს.

— აიყვანე ეს ბავშვები და შემაჯექი ზედ, — უთხრა რაშმა თავის საყვარელ პატრონს.

უარს როგორ ეტყოდა დაჯექალა თავის მხსნელს!

შეჯდა. შემოისხა წინ თავისი შვილებიც, აუკრა ცხენს ლაგამ და გაათრინა.

თვალჩიტა ნიავექარით მიქროდა. ბევრი იარა, ათასი მთა გადაიარა, ბოლოს გავიდა ერთ ტრიალ მინდორზე და დადგა.

— ჩამოდიო! — უთხრა რაშმა თავის პატრონს.

დაჯექალაც ჩამოვიდა თავისი ოქროსთმიანი შვილებით.

— მე სიკვდილი მიახლოვდება, — დაიწყო თვალჩიტამ. — ცხოვრებისა არ შეგეშინოს, არ იღარდო, არ მიტირო, მომისმინე და რაც გითხრა, ის შეასრულე: რომ მოგვკვდები გამატყავე, ხორცი დაჭერი, ძვალი ცალკე დააწყვე, რბილი — ცალკე, მერე აიღე ძვლები და მინდორში შორი-შორს დაყარე, იქ მაღალი გალაყანი შემოევლება; ჩემი ორი ფეხი, აი, იმ ალაგას, ერთმანეთის პირდაპირ. დადე; იქ შესასვლელი კარები შეეებება; მერე აიღე ხორცი, ჩაიწყვე კალთაში, ჩაიარე შუა მინდორში და რიგზე ერთი იქით გადააგდე, მეორე — აქეთ. ახლა იქიდან ამოიარე და რიგზე ერთი იქით გადააგდე, მეორე — აქეთ. იმ ადგილებში ქალაქი გაშენდება ფართო და კრძელი ქუჩებით, მღალაზებით და სასადილოებით; ჩემი თავი თავით დაიდეთ, ძუა — ფერხით, ტყაეი ზედ დაიხურეთ, ორი ფეხი აქეთ-

იქიდან დაიდეთ. იმ ადგილას კი აშენდება მარმარილოს სასახლე. რომელშიაც თქვენ იცხოვრებთ. შენ იქნები ამ ქალაქის მბრძანებელი დედოფალიო.

თვალჩიტამ დაამთავრა თუ არა თავისი ანდერძი, წაიქცა და მოკვდა. დაჯექალამ ბევრი იტირა, ბევრა მწარე ცრემლი დააფრქვია თავის ერთგულ მეგობარს, მაგრამ რაღას უშველიდა!

როცა ტირილით გული იჯერა, მერე ადგა, რაში გაატყავა, დაქრა, ძვალი ცალკე, რბილი ცალკე და შემდეგ, როგორც უთხრა, მინდორში ისე დაალაგა. ამასობაში დაბინდდა კიდევ; თვალჩიტას თავი თავით დაიდეს, ძუა — ფერხთით, ფეხები აქეთ-იქით დაილაგეს. ტყავი ზედ დაიხურეს, დაწვენენ და დაიძინეს.

გათენდა. გამოიღვიძა დაჯექალამ და რასა ხედავს! თავისი ბავშვებით მდიდრულად მორთულ ოთახში იწვა. დაჯექალა არ უჯერებდა თვალებს და ყველაფერი ეს სიზმარი ეგონა. თავს ადგხენ ძვირფასად ჩაცმული მოსამსახურე ქალები და ეკითხებოდნენ: რას გვაბრძანებთ, დედოფალო!

დაჯექალა ადგა, გააღვიძა ბავშვებიც. მსახურებმა გაშალეს სუფრა და რას ინატრებდა ადამიანი, რომ იქ არ იყო! დედოფალმა ისაუზმა და ახლა გარეთ გავიდა. გადაიხედა და რას ხედავს! სასახლე, რომელშიაც თვითონ ცხოვრობდა, აშენებული იყო შუა ბაღში; ბაღში ათასგვარი ხეხილი და ყვავილი ყვაოდა, გალობდნენ სხვადასხვა ფრინველები; მოჩუხჩუხებდნენ ანკარა და ცივი წყაროები. სასახლის წინ იდგა დიდი ვაშლის ხე, რომლის კენწერო მესამე სართულს სწვდებოდა. იქ, სადაც ძვლები დაყარა, შემოვლებული იყო მაღალი გალავანი; სადაც ფეხები დაყარა, იქ დიდი კარები იყო შებმული; სადაც ხორცი დაყარა — ფართო ქუჩები გაკიმულიყო, ქუჩების ორივე მხარეს კი დუქნები და სასაბალოები იყო ჩამწყკრივებული.

იმ ქალაქს ქალთა ქალაქი დაარქვა ხალხმა, რადგან ხელმწიფედ ქალი ჰყავდა. ხმა გავარდა მთელ სახელმწიფოში, რომ ამა და ამ ადგილას ქალთა ქალაქი გაჩნდაო. ყოველდღე ათასი მნახველი მიდიოდა მის სანახავად.

დაჯექალას ქმარი ბრძოლის ველიდან სახლში რომ დაბრუნდა და ცოლ-შვილი აღარ დახვდა, ძალიან დანალღლიანდა, აღარც იცინოდა, აღარც ლაპარაკობდა. ყოველდღე მოდიოდნენ მისი სწორ-ამხანაგები; ცდილობდნენ, რომ გაერთოთ და დარდი გადაეყარათ გულიდან, მაგრამ არ იქნა და არა, ახალგაზრდა ხელმწიფეს შუბლი აღარ გაეხსნა.

ასე მიდიოდა დრო და ხანი.

ერთ დღეს, როცა ხელმწიფის ვაჟის გასართობად თავი მოეყარა მის ამხანაგებს, შევიდა დედოფალი და შეეხვეწა: ქვეყანა რომ მი-
დის იმ ახალი ქალაქის სანახავად, გაატარეთ ჩემი შვილი, იქნება
ჯაერთოს და ცოლ-შვილის დარდი გადაეყაროს გულიდანო.

სტუმრებს მოეწონათ დედოფლის აზრი, შეაბმევენეს ეტლი,
ჩასხდნენ შაგ, ჩაისვეს ხელმწიფის შვილიც და წავიდნენ.

ბევრი იარეს თუ ცოტა იარეს, შევიდნენ ქალთა ქალაქში. დაჯე-
ქალამ შეიტყო თუ არა მათი მისვლა, თავის ოქროსთმიან ბიჭიკოს
უთხრა: შვილო, აგერ იმ ეტლით მამაშენი მოვიდა, ჩაირბინე და სა-
სახლეში მოიპატიე. ვინაობას კი ნუ ეტყვი.

ბავშვი გაიქცა გახარებული. თავი აბრეშუმის თავსახვევით
ჰქონდა შეხვეული, რომ ოქროს თმები არ გამოსჩენოდა. მიირბინა
მომავალ ეტლთან, გააჩერა და შიგ მსხდომთ უთხრა: დედოფალი
გთხოვთ, რომ მასთან აბრძანდეთ სასახლეშიო.

სტუმრებმა უარი უთხრეს. ბიჭი არ მოეშვა მაინც: უნდა წამოხ-
ვიდეთ, აქ ასეთი წესია: ვინც ახლად შემოდის ამ ქალაქში, დედო-
ფალთან უნდა გამოცხადდესო.

სტუმრებმა ველარ გაბედეს უარის თქმა და გაჰყვნენ ბიჭუნას.
ავიდნენ მესამე სართულზე. ხელმწიფის შვილმა შეხედა თუ არა
დაჯექალას, თითქოს იცნო, მაგრამ არა სჯერა, ფიქრობს: ჩემი ცოლი
რომ იყოს, ესეც ხომ მაცნობდა?.. არა, ჩემს თვალებს მუდამ მისი
სახე უდგას წინ და ახლა ასე ეჩვენებათო.

დაჯექალამ მსახურებს უბრძანა: კარგი სადილი მოუმზადეთ სა-
პატიო სტუმრებსო. სადილს ვახშამიც მოჰყვა.

— ამაღამ აქ მოისვენეთ, ხვალ კი ქალაქს დაგათვალიერებ-
ნებთ! — უთხრა დაჯექალამ.

სტუმრებმა კარგი დრო ატარეს დიდხანს, მერე კი აიშალნენ
სუფრიდან.

— ახლა სუფთა ჰაერზე გაბრძანდით, — უთხრა დაჯექალამ, —
მხოლოდ ერთსა გთხოვთ: სასახლის წინ რომ ვაშლის ხე დგას, მას
ათი ნაყოფი აბია. გასვლის დროს ვაშლმა არ მიგიტყუოთ და არ
მოწყვიტოთ.

— რასა ბრძანებთ, დედოფალო, თქვენი ნებართვის გარეშე
როგორ ვიკადრებთ, ხელი შევახოთ რაიმეს! — ერთხმად უპასუხეს
სტუმრებმა და მოკრძალებით გავიდნენ გარეთ.

— აი, ის კაცი მამაშენია, მოწყვიტე ერთი ვაშლი და დაწოლის
დროს ჭიბეში ისე ჩაუდე, რომ არ დაგინახოს, — უთხრა დაჯექალამ
თავის ვაჟს და თანაც თითით ანიშნა.

ოქროსთმიანმა ბიჭმა მოწყვიტა ვაშლი და, როცა სტუმრები დასაძინებლად ემზადებოდნენ, ისე ჩუმად ჩაუღო მამას შარვლის ჯიბეში, რომ მან ვერაფერი შეამჩნა.

გათენდა დილა. სტუმრები აიშალნენ. დაჯექალამ ახლაც ძვირფასი საუზმე მიართვა. როცა პურის ქამა მოათავეს, დედოფალმა გამოაცხადა:

— ვაშლი ხომ არავინ მოწყვიტეთ?

— რას ბრძანებთ, დედოფალო, მაგას როგორ გავებდავდით! — უპასუხეს სტუმრებმა.

დაჯექალა გამოვიდა, ტყუილად დაიწყო ვაშლების თვლა და ისევ შევიდა:

— ჩემს ხეს ათი ვაშლი ება, ერთი ვილაცას მოუწყვეტია!

შეწუხებულმა სტუმრებმა ერთმანეთს გადახედეს.

— ახლავე ვიპოვით ვაშლის მომწყვეტს, — თქვა დაჯექალამ და სათითაოდ ყველა გაჩხრიკა. ამოაცალა თავის ქმარს ჯიბიდან ვაშლი და უთხრა: ვაშლის მოწყვეტისათვის სახალხოდ დაისჯებითო.

შერცხვენილ ხელმწიფის შვილს დიდხანს ხმა ვერ ამოედო, დანარჩენ სტუმრებსაც ენა დაებათ. აქ კი ველარ მოითმინა დაჯექალამ და უთხრა:

— დამშვიდდი, ხელმწიფის შვილო, შენც ისევე ცამდე მართალი ხარ, როგორც ჩემი შვილები, რომელნიც საკირეში უნდა დაეწვათ.

თქვა თუ არა ეს, დაუძახა მაშინვე თავის გოგონას და ბიჭუნას, მოხსნა აბრეშუმის თავსახვევები და ალერსიანად გადაუსვა ორივეს ოქროს თმებზე ხელი.

— ესენი შენი შვილები არიან. ამისთანა ბავშვებს მამა სასიკვდილოდ გაიმეტებს?!

აქ კი ველარ შეიმაგრა თავი ხელმწიფის შვილმა, გული ამოუჭდა და ცრემლები წასკდა თვალებიდან.

— ჩემო საყვარელო შვილებო! — ქვითინით ამოიძახა მამამ და ხელებგაშლილმა გულში ჩაიკრა ორივე ბავშვი. მერე კი ცოლქმარი გადაეხვივნენ და დიდხანს კოცნიდნენ ერთმანეთს.

სტუმრები ახლა კი მიხვდნენ, რაც მოხდა და განარბებულნი სათითაოდ ულოცავდნენ ორივეს, ხელმწიფესთან კი კაცი აფრინეს მახარობლად.

სასიხარულო ხმამ მთელი ქალაქი ფეხზე დააყენა: დიდი თუ პატარა, ქალი თუ კაცი ჯარივით მოაწყდა დაჯექალას სასახლეს და ყიჟინით ულოცავდნენ ბედნიერ დღეს.

ამასობაში მობრძანდნენ კიდევ ხელმწიფე და დედოფალი. მთელი სასახლე ვეზირებითა და დიდებულებით გაივსო. გაიმართა სიმღერა და თამაში.

დაჯექალამ ამჯერად კი თვითონ გადაიხადა ხელმეორედ ქორწილი. სასახლეში ცხრა დღე და ღამე განუწყვეტელი სიმღერისა და საკრავების ხმა გაისმოდა. ქალაქის მთელ ქუჩებში აუღებელი სუფრა იყო გაშლილი და გამვლელ-გამომვლელი — ყველა დაჯექალას და მისი მეუღლის სადღეგრძელოს სევამდა. იმ ქორწილში მეც გახლდით და მეფე-პატარძლის სადღეგრძელოდ ცხრა ყანწი ღვინო დაგვლიე.

პირი იქ დავადე,
ლხინი აქ მოვიტანე,
ქათო იქ დავუარე,
ფქვილი აქ მოვიტანე.

გლეხი, მოლა და ეშმაკი

ერთი საწყალი გლეხი წერაქვით ხუნჩებს თხრიდა. ის იყო, უკანასკნელი ხუნჩი უნდა ამოეგდო, რომ ამოთხრილი ორპოდან ეშმაკი ამოხტა და წივილ-კვილით ღელისაკენ დაეშვა. სად იყო და სად არა, ძეძვიანი ღობიდან ამოძვრა ერთი მურა მგელი და ეშმაკს დასაჭერად გაეკიდა.

გლეხს შეებრაღა ეშმაკი, წამოავლო ცულს ხელი და ჰაე, ჰაეს ძახილით უკან გამოუდგა.

მგელმა სდია, სდია და, რაკი კაციც არ დაეხსნა, თავის საკბილოს თავი დაანება.

ეშმაკი შედგა, მიუბრუნდა გლეხს და უთხრა:

— რადგან სიკვდილს გადამარჩინე, მეც სიკეთით უნდა გადაგიხადო, ოღონდ როგორც დაგარიგო, ისე მოიქეცი: მე გადავიქცევი სახედრად, შენ ბაზარზე გასაყიდად გამიყვანე. მყიდველი ბევრი გამოგიჩნდება, მაგრამ ას თუმანს ფეხი არ მოუცვალო.

ეშმაკი იქცა მართლა კარგ, თეთრ სახედრად. გლეხმა შეაბა თოკი და გაუძღვა წინ. შევიდა თუ არა ბაზარში, ვირმა ისეთი კუნტრუში დაიწყო, რომ გლეხი ხელში ველარ იოკებდა. გამვლელი და გამომვლელი ყველა მას უყურებდა და ქებით გაიძახოდა: „აი, ვირი!

ამისთანა საქონელში მიცემული ფული ალალია, ჩემო ძმაო, ალალი!“

მყიდველები ერთამეორეს ეცილებოდნენ, კინაღამ ჩხუბიც კი მოუვიდათ, მაგრამ, რაკი პატრონი ას თუმანს ფებს არ უცვლიდა, თვითონაც შენაძლევი ფასის მომატებას ვერა ბედავდნენ.

სად იყო და სად არა, მოვიდა ერთი მდიდარი მოლა. დაინახა თუ არა თეთრი ვირი, ძალიან მოეწონა და გადაწყვიტა: თავის წონა ფულიც რომ დამიფასოს, უნდა ვიყიდო.

— რას აფასებ შენს ვირს? — ჰკითხა მოლამ.

— ას თუმანს, — უპასუხა გლეხმა.

— მოლავე, ფულიანი კაცი ხარ, მიეცი! მაგისთანა საქონელში ფულის მიცემა არაა დასაანანი! — უძახოდა აქეთ-იქიდან მაყურებელი ხალხი.

მოლამ დაუთვალა გლეხს ასი თუმანი, გაიგდო წინ სახედარი და გაუდგა თავისი სახლისაკენ მიმავალ გზას.

ვირი ახლა უფრო გახალისდა: ხან კუნტრუშობდა, ხან აიკლირსებოდა, ხან კი ახალ პატრონს მიუტრიალდებოდა და გაეთამაშებოდა.

მოლაც თვალს არ აშორებდა და სიხარულით გული ევსებოდა.

— ამისთანა სახედარი სწორედ ჩემი საკადრისია! — ჩაილაპარაკებდა ხოლმე მოლა და ნასიამოვნები ჩამოისვამდა ხელს ინით შელებილ წვერზე.

მოლამ მოიყვანა ვირი თავის სახლში და თავლაში დააბა. იმ დღიდან ის თვითონ უვლიდა საყვარელ პირუტყვს: ჯერ სველი ტილოთი კარგად გაწმენდა, მერე აუშვებდა ავშარას და ფართო ეზოში სანაგაროდ გაუშვებდა. არც საკმელს აკლებდა, ქერსა და ქიშმიშს თავსაყრელად აძლევდა. ახურს პირამდე გაუვსებდა ხოლმე.

ერთ დღეს მოლას კვლავინდებურად გამოეყვანა თავისი სახედარი და წმენდა. იქვე, ახლოს. პატარა სურა ედგა ტილოს გასარეცხად. ვირმა უცბად შეიკუნტრუშა და სურაში ჩაძვრა. მოლა სახტად დარჩა, თვალეხს არ დაუჭერა.

ცოტა ხნის შემდეგ ვირმა ჯერ თავისი დიდი ყურები ამოყო, მერე ამოძვრა, დაკუნტრუშა და ისევ შიგ ჩაძვრა.

მოლა ახლა კი დარწმუნდა, თვალი არ მატყუებსო და მორთო ყვირილი: ჩემი ვირი სურაში ჩაძვრა!.. ჩემი ვირი სურაში ჩაძვრაო!

ყვირილზე შეშინებული გამოცვივდნენ მისი ცოლ-შვილი და მეზობლები. ჰკითხეს: — მოლავე, რა იყო?! რა დაგემართა?!

— ჩემი ვირი, აი, ამ სურაში ჩაძვრა!

— რას ამბობ, მოლავე, ვირი სურაში როგორ უნდა ჩაძვრეს! — ეკითხებოდა გაკვირებული ხალხი.

მოლა კი ისევ თავისას გაიძახოდა: ჩემი ვირი სურაში ჩაძვრა! ჩემი ვირი სურაში ჩაძვრაო!

ყველანი დაღონდნენ: საწყალი, ჭკუაზე შეიშალაო!

შესვეს მაშინვე მეზობლის ჯორზე და სახელგანთქმულ დალაქთან გააქანეს. მოლას არც იქ ავიწყდებოდა საკვირველი ამბავი და გაიძახოდა: ჩემი ვირი სურაში ჩაძვრა! ჩემი ვირი სურაში ჩაძვრაო!

— ციებ-ცხელება აქვს მორეული, სიცხე თავში ავარდნია! — თქვა დალაქმა. მოლას გახადეს მაშინვე ტანისამოსი, შეუქრეს ხელფეხი, ჩააწვინეს ლოგინში და თავზე ყინული დაადეს.

გავიდა რამდენიმე დღე.

— მოლავე, სად ჩაძვრა შენი ვირი? — ჰკითხა ლოგინთან მჯდომმა დალაქმა.

— ჩემი ვირი სურაში ჩაძვრა სურაში!...

— მაშ, სიცხე ჯერ ისევ თავში აქვს დაბუდებული, — ჩაილაპარაკა დალაქმა და საწყალ მოლას უფრო დიდი ყინულის ნატეხები დაადო.

მოლას სიცივისაგან თავი გაეყინა, სახე გაულურჯდა.

— საწყალო ჩემო თავო! — ჩაილაპარაკა თავისთვის ლოგინში მწოლიარე მოლამ. — სიმართლეს არავინ გიჯერებს, გიჟად გთვლიან და თავზე ყინულებს გადებენ. შენს თავს შენვე თუ არ უშველე, იქნება ამ წამლობით ფეხები გაფშიკო და ლიკვილის შემდეგ მართლა გიყის სახელი შეგრჩეს.

— მოლავე, სად არის შენი კარგი, თეთრი ვირი? — ჰკითხა კვლავ დალაქმა.

— ჩემი ვირი ჩემს თავლაში აბია, — უპასუხა მოლამ.

დალაქს გაუხარდა, ააცალა თავიდან ყინულები, გაუხსნა შეკრული ხელფეხი და ეთხრა:

— ახლა სრულიად მორჩენილი ხარ, ჩაიცვი ტანისამოსი და წადი. ოღონდ, თუ ციებ-ცხელება კვლავ გამოგაჩნდეს, დროით მოდი ჩემთან, — დაარჩია დალაქმა.

მოლა წავიდა სახლში. ეზოში რომ შევიდა, გაახსენდა თავისი ვირი და ჩაილაპარაკა: მოდი, ვნახავ, რა დაემართა, მოკვდა თუ ისევ ცოცხალიაო?

შევიდა ოთახში, მიათვალაიერ-მოათვალაიერა და რას ხედავს!

მის თეთრ ვირს კვლავ ამოეყო სურიდან თავისი დიდი ყურები და აწკაპუნებდა.

მოლამ უყურა, უყურა და ამოოხვრით ჩაილაპარაკა: ეჰ, ჩემო ვირო, ვიცი, რომ მანდა ხარ, მაგრამ ჩემს სიმართლეს ვინლა უჯერებსო.

მენახირა

იყო და არა იყო რა, ღვთის უკეთესი რა იქნებოდა. იყვნენ ორნი ძმანი: ერთი იყო მიწის მუშა, მეორე კი — მენახირე.

გავიდა დრო. უფროსმა ძმამ ცოლი შეირთო. პატარძალმა პირველი დღიდანვე ჩხუბი და ალიაქოთი შეიტანა ოჯახში. ძმები ველარ შეთვისდნენ და გაიყარნენ.

პატარა ძმამ ისევ მენახირეობას მოჰკიდა ხელი. სოფელში ბევრი დასცინოდა და პირში ეუბნებოდა: ბიჭო, რას გამოები მაგ ძროხების კუდს, უკეთესი ხელობა ველარა ნახეო!

— შეჩვეული ჰქირი მირჩევენია შეუჩვეველ ლხინსა, — უპასუხებდა ხოლმე მენახირე.

გავიდა რამდენიმე წელიწადი, მენახირე დაეჟეკადა, მოუვიდა ცოლის შერთვის დრო. მოუხშირეს მაჰანკლებმა სიარული, ბევრი გაუთხოვარი ქალი უქეს და უდიდეს, მაგრამ არც ერთზე არ მიუვიდა გული.

— შეილო, რაკი საცოლედ არავინ მოგწონს, გაისროლე ისარი და სადაც დაეცემა, შენი ბედიც იქ იქნება, — ურჩია ერთმა დედაბერმა.

— მოდი და ერთი ცვდი ჩემს ბელსა, — თქვა მენახირემ. გაისროლა ისარი და გაჰყვა თან. ისარი ერთ ხავსმოკიდებულ ჭაობში ჩაერჭო. მენახირემ ამოსწია და რას ხედავს! ისრის წვერს მოჰკიდებია ერთი მწვანე ბაყაყი.

— წამიყვანე, შენი ბედი ვარ! წამიყვანე, შენი ბედი ვარ! — ეუბნებოდა ბაყაყი. მენახირემ ყურიც არ ათხოვა მის სიტყვებს და წამოვიდა შინისაკენ. მოდიოდა, უკან კი სკუპ-სკუპით მოსდევდა ბაყაყი. შევიდა მენახირე სახლში და ისიც შეუმჩნევლად შეჰყვა თან.

მეორე საღამოს, როცა მენახირე დაბრუნდა და შინ შევიდა, სახლი დასუფთავებული და დალაგებული დახვდა. გაუკვირდა:

— იქნებ ავ რძალს ახლა დაეუტკები და ის დიასახლისობს ჩემს ოჯახში, — ჩაილაპარაკა თავისთვის მენახირემ და საკითხავად წავიდა.

— მომწყდი თავიდან! მე შენს დაკეტილ სახლთან რა მესაქმება! — ყვავივით დასჩხავლა რძალმა.

მენახირემ გადაწყვიტა, თვითონ ეთვალთვალა. მეორე დღილას ძროხები სხვას გაატანა, თვითონ კი კარებს უკან მიიმალა და სული განაბა.

არ გასულა დიდი ხანი, გამოხტა ბაყაყი, გაიძრო მწვანე ტყავი და ისეთი ლამაზი ქალი გამოჩნდა, რომ ბნელი ოთახი მზესავით გაანათა.

ქალმა, ის იყო, ანთო ბუხარი და ოთახის დალაგებას უნდა შესდგომოდა, რომ გამოხტა მენახირე, დაეცა ტყავს და ცეცხლში შეგდება დაუპირა. ქალი ხელებში მივარდა და შეეხვეწა:

— არ დაწვა, თორემ სანანებლად გაგისდება! მე ხომ ისედაც შენი ცოლი ვარ, ეგ ტყავი კი ბევრ რამეში გამოგვადგება!

მენახირეს შეეშინდა: ვაითუ მომატყუოს, ისევ ბაყაყად გადაიქცეს და ასეთი ლამაზი ქალი ხელიდან წაჰვიდესო. ამიტომ ბევრი აღარ იფიქრა და ტყავი ცეცხლში შეაგდო.

იმ დღიდან ქალმა და მენახირემ დაიწყეს ერთად ცხოვრება.

მალე გავარდა მზეთუნახავი ქალის სილამაზის ხმა, მისმა ქებამ ხელმწიფის სასახლემდეც მიალწია.

ერთ დღეს ხელმწიფემ დაიბარა თავისი ვეზირები და უბრძანა: წადით და სინამდვილით შემიტყვეთ იმ მენახირის ცოლის ამბავი: მართლა ისეთი ლამაზია, როგორც ხმები დადის, თუ ამ უბრალო ხალხს ვიდაც გლების გოგო ქალთამზედ მოსჩვენებიაო.

ვეზირები წავიდნენ. მიდიოდნენ და ვინც კი შემოხვდებოდათ გზაზე, ყველას ეკითხებოდნენ მზეთუნახავი ქალის ამბავს. მგზავრებიც—დიდი თუ პატარა, ქალი თუ კაცი—ერთხმად ეუბნებოდნენ: ის ქალი კი არ არის, ამომავალი მზეაო!

ვეზირებმა, როგორც იყო, იპოვეს მენახირის სახლი. არც კი დაუძახეს ოჯახის პატრონს, პირდაპირ შინ შევიდნენ. მზეთუნახავ ქალს ის იყო, თავი დაებანა და ხშირი, კუპრივით შავი თმა გასაშრობად მხრებზე ჩამოეშალა. იმ წუთში კაცის თვალი იმაზე უკეთესს სხვას ვერაფერს ნახავდა. ვეზირებმა რომ დაინახეს, ჯერ არ დაიჯერეს და თვალების სრესა დაიწყეს — გვეჩვენება თუ სინამდვილეაო! როცა შეიტყვეს, რომ ის მართლა მენახირის ცოლი იყო, გამობრუნდნენ უკან და ხელმწიფეს მოახსენეს: დიდებულო

ხელმწიფევ, შევასრულეთ თქვენი ბრძანება: მენახირის ცოლი მართლაც საქები ყოფილა! მას სილამაზეში მზეც ვერ შეეტოლება! ის მხოლოდ თქვენი საკადრისია!

— ჩემი საკადრისია და მალე ჩემიც იქნება, — უპასუხა ხელმწიფემ.

— მთელი ძალა და უფლება თქვენს ხელშია, დიდებულო ხელმწიფევ, გვიბრძანე და იმ ქალს ახლავე აქ მოგიყვანთ.

— არა, ძალით წართმევა არ მინდა, ამით ხალხის სალანძღავი გავხდები და კარგად იცით, ყბადაღებული წყალწაღებულთა; ისევ ისეთ რაშეს დავავალებ, რომ მისი შესრულება ქაჯმაც კი ვერ შეძლოს.

ხელმწიფემ დაიბარა მეორე დღეს მენახირე და უბრძანა: ხვალ უნდა წახვიდე და ასი დღიური მიწა კიდევ უნდა მოხნა, კიდევ დათესო და კიდევ დაფარცხო! თუ ვერ შეასრულებ ამ დავალებას, შენს ცოლზე ხელი უნდა აიღოო.

დაღონდა მენახირე. მოდის, მაგრამ მისი გული და ფიქრი ზღვას ერევა. არც კი გაუგია, როგორ მიუახლოვდა თავის სახლს, ან როდის შევიდა შინ.

— რამ დავაღონა? განა ასეთი რა გითხრა ხელმწიფემ?! — კეითხა ცოლმა.

— ხვალ ასი დღიური მიწა უნდა მოხნა, კიდევ დათესო და კიდევ დაფარცხო. თუ ჩემს ბრძანებას არ შეასრულებ, ცოლს წაგართმევენ! — უპასუხა მენახირემ.

— ახაა შენზე! — უთხრა ცოლმა, — ხომ გეხვეწებოდი, რომ ტყავს ნუ დაწვავ-მეთქი! მაგრამ არა უშავს რა. წადი ახლა იქ, საიდანაც მე წამოგყევი და ჩასძახე შენს სიდედრ-სიშამრს: თქვენმა ქალმა დამაბარა, რომ გუთანი და ნიშა ხარები გამომიგზავნეთ-თქო.

მენახირე წავიდა, მივიდა ჭაობთან და თავის სიდედრ-სიშამრს ჩასძახა: ჩემო სიდედრო და სიშამრო! ჩემმა ცოლმა დამაბარა, თქვენი გუთანი და ნიშა ხარები გამომიგზავნეთო.

არ გაუვლია ხანს, რომ ჭაობის ნაპირზე გაჩნდა გაწყობილი გუთანი შიგ შებმული ნიშა ხარებით. მენახირემ წამოიღო გუთანი და წამოვიდა. სახლში რომ მივიდა, ცოლმა უთხრა: წადი ახლა ხელმწიფესთან და შოახსენე, რომ კაცები გამოგაყოლოს, მოხნული აზოპონ და თვალის დაიჭირონ.

მენახირე წავიდა ხელმწიფესთან და, როგორც თავისმა მზეთუნახავმა დაარჩია, ისე მოიქცა. ხელმწიფემ გამოაყოლა ვეზირები.

მეორე დღეს ჭერ კიდევ დილაბნელი იყო, რომ მენახირემ გა-

აღვიძა ვეზირები. გაიტანა გუთანი ერთ ტრიალ მინდორზე, ახსენა ღმერთი და შეუდგა ხენას.

— შენ უღელზე დაჯექი, თორემ ვერ გამოგვეყვები, — უთხრეს ხარებმა მენახირეს. მენახირე დაჯდა უღელზე. ხარებმა გაიწიეს და ნიავქარივით მოიტაცეს გუთანი. ჯერ ისევ დილა იყო, რომ მინდორი მთლად გადააშავეს. სამხრობამდე დათესილიც იყო და დაფარცხულიც.

ვეზირებმა საღამომდე აღარც მოიცადეს, შესხდნენ ცხენებზე და წავიდნენ. სასახლეში რომ მივიდნენ, მოახსენეს: დიდებულო ხელმწიფე, იმ კაცს ისეთი ხარები ჰყოლია, რომ ასი დღიური კი არა, მთელი მინდორი გადააშავესო.

ხელმწიფეს არ ესიაშოვნა ეს ამბავი, მაგრამ რას იზამდა. გავიდა ხანი და ხელმწიფემ მეორედ დაიბარა მენახირე, უბრძანა: ყანები მოსამკელი გამხდარა. ის მთელი მოსავალი ისე უნდა აიღო, რომ ერთი მარცვალეც არსად დაგრჩეს, თორემ კატასავით თოკზე ჩამოგკიდებ, შენს ცოლს კი მე დავისვამ დედოფლადო.

წამოვიდა მენახირე. სახლში რომ მივიდა, ცოლმა დარდიანი დაინახა და ჰკითხა: რამ დაგაღონა, კიდეც დაგავალა რამე?

— დავალეხაც დავალეხაც ჰქვია! ის ასი დღიური ყანა ისე უნდა აიღო, რომ ერთი მარცვალეც არსად დაგრჩეს, თორემ სახრჩობელაზე ჩამოგკიდებ და შენს მზეთუნახავ ცოლს კი მე წამოვიყვანო!

ქალმა კიდეც უსაყვედურა: ის ტყავი რომ არ დაგეწვა, ასეთ წვალებამი არ ჩავარდებოდი, მაგრამ არც ახლა უშავს რა. წადი შენს სიდედრ-სიძამართან და ჩასძახე: თქვენმა ქალმა შემოგითვალათ, რომ შავი ყუთები მომეცით-თქო.

მენახირე წავიდა და, როგორც ცოლმა დაარიგა, ისე მოიქცა. სიდედრ-სიძამარმა მისცა ორი შავი ყუთი და წამოვიდა. სახლში რომ მივიდა, ცოლმა უთხრა: ამ შავ ყუთებში შავი ჭიანჭველები არიან. ესენი გაუშვი ყანაში და უბრძანე, რაც უნდა გააკეთონ. ესენი ისე აიღებენ მთელ მოსავალს, რომ მარცვალსაც კი არ დაკარგავენ. ახლა კი წადი ხელმწიფესთან, გამოგაყოლოს კაცები და ადგილიც გიჩვენოს, სადაც ხორბალი უნდა მიზიდონ.

მეორე დღეს, დღით ადრე, ადგა მენახირე, დაიჭირა ილიაში ყუთები და წავიდა ხელმწიფესთან. ხელმწიფემ გააყოლა თავისი ვეზირები და წავიდნენ. როცა მივიდნენ ყანასთან, მენახირემ ვეზირებს ჰკითხა: რა ადგილას დავყარო ხორბალიო? ვეზირებმაც მოუხაზეს კალოსავით სწორი ადგილი.

მენახირემ ახადა სახურავეები შავ ყუთებს, გამოუშვა შავი ქიანჭველები და უთხრა: აი, ამ გაქიმულ ყანას ხომ ხედავთ! მთელი ეს მოსავალი ისე უნდა აიღოთ, რომ ერთი მარცვალიც არსად დაგრჩეთო.

ქიანჭველები შეესივნენ ყანას და ჯერ მზე არც კი იყო გადახრილი, რომ ხორბლის მთელი ზვინები დააყენეს. ერთი მარცვალი დააკლდათ და იმის ძებნაშილა იყვნენ. თურმე, ნუ იტყვი, ის მარცვალი ერთ კოჭლ ქიანჭველას წამოეღო, გზაში ნატკენ ფეხს შეეწუხებინა და ცოტა ხანს გამხმარი ბალახის ქვეშ შემძვრალიყო. როცა ეს მარცვალის ხორბლის ხეავს ზედ მოაგორეს, მენახირეს მოახსენეს: ჩვენო ბატონო და პატრონო, თქვენი დავალება შევასრულეთ, მთელი ხორბალი უკლებლივ მოზიდულიაო.

— ვეზირებო, ჩემმა მუმებმა სამუშაო შეასრულეს, გნებავთ, ყველა თავთავი სათითაოდ გადასინჯეთ და, თუ სადმე ერთ მარცვალს იპოვით, დაე. შესრულდეს ხელმწიფის ბრძანება. — უთხრა მენახირემ.

ვეზირებმა ხელი ჩაიქნიეს და უთხრეს: — ეხ, რაღა უნდა ვნახოთ. ისე ჯერა ვხედავთ, ასი დღიური ყანა ორ საათში აიღეს და ამით აქ რამე დარჩებოდათ?

ვეზირები შესხდნენ ცხენებზე და წავიდნენ. მენახირემ კი შავი ქიანჭველები ჩასვა ისევ შავ ყუთებში, დახურა სახურავეები, ამოიღო ილიებში და იპიც შინისკენ გაემურა.

როცა ხელმწიფემ შეიტყო მენახირის გამარჯვების ამბავი, ძალიან ეწყინა, მაგრამ რას იზამდა!

გავიდა კიდეც რამდენიმე ხანი, ხელმწიფემ მესამედ დაიბარა მენახირე და უბრძანა: წადი საიქიოს და მამაჩემს უთხარი: ოქროს ქამარ-ხანჯალი რომ გაგყვა თან, გამომიგზავნე-თქო!

დაბრუნდა მენახირე დაღონებული. სახლში რომ შევიდა, ცოლმა კვლავ სახემოღრუბლული დაინახა და ჰკითხა: რამ დაგაღონა, კიდეც დაგავალა რამე?

ბიჭმაც უთხრა, რაც დაავალეს. მზეთუნახავმა კვლავ უსაყვედურა, ბაყაყის ტყავი რატომ დაწვიო, მაგრამ თანაც ანუგეშა და უთხრა: ნუ გეშინია, მაგის შესრულებაც აღვიღო. წადი ისევ იქ, საიდანაც მე გამოგყევი, და შენს სიდედრ-სიმამრს ჩასძახე: თქვენმა ქალმა დამაბარა, ჩემი ნართის გორგალი გამომიგზავნეთო.

მეორე დღეს წავადა მენახირე, მივიდა იმავე ქაობთან და თავის სიდედრ-სიმამრს ჩასძახა: თქვენმა ქალმა დამაბარა, ჩემი ნართის გორგალი გამომიგზავნეთო!

იმთაც მისცეს და გამოისტუმრეს. მენახირე დაბრუნდა სახლში. ცოლმა დაარია: გორგლის ერთი წვერი ხელში დაიჭირე, გააგორე და საითაც წავიდეს, მიჰყევი.

მენახირე დაემშვიდობა თავის მზეთუნახავს, გააგორა გორგალი და გაჰყვა უკან.

ბევრი იარა, ცხრა მთა გადაიარა, ბოლოს, როგორც იყო, მიაღვა საიქიოს ქვეყანას. მიგორავს ნართის გორგალი და მისდევს უკან ჩვენი მენახირეც. იარა, იარა და დაინახა ერთი ცოლ-ქმარი. ისინი იწვნენ ერთ კალოსოდენა ტახტზე და ერთმანეთს ეჩხუბებოდნენ: აღეკ, სხვა ტახტზე დაწეკ, ვერა მხედავ. მეც ძლივს ვეტყვიო!

მენახირეს გაუკვირდა მათი ჩხუბი, მივიდა ახლოს და ჰკითხა: მიკვირს თქვენი ამბავი: შირაქისოდენა ტახტზე წევხართ და მაინც ვერ დატეულხართ?

— ავლილი ბევრი გვინახავს, დაბრუნებული კი — არავინ; თუ ჩამოვილი, მაშინ გეტყვით ჩვენს ამბავს.

გორგალი გაგორდა ისევ მძიმედ და გაჰყვა ბიჭიც უკან. ცოტა მანძილი რომ გაიარა, მენახირემ ახლა სხვა ცოლ-ქმარი დაინახა, ისინი ცულის ტარზე იწვნენ და თანაც ერთმანეთს ეუბნებოდნენ: ზემსკენ მოიწი, აქეთ კიდევ დიდი ადგილიაო!

მენახირეს გაუკვირდა მათი ამბავი და ჰკითხა: ცოტა მოშორებით ერთ ცოლ-ქმარს შევეყარე, შირაქისოდენა ტახტზე იწვნენ და ერთმანეთს მაინც ეჩხუბებოდნენ: მიიწი იქით, არ გადამაგდოო! თქვენ კი ამ ცულის ტარზე როგორ ეტყვით?

— ავლილი ბევრი გვინახავს, ჩამოვლილი კი — არავინ. თუ შენც ბედმა არ გიღალატა და მშვიდობით დაბრუნდები, მაშინ გეტყვით, — უპასუხა ცოლ-ქმარმა.

მენახირე კვლავ გაუდგა გზას. მიგორავს გორგალი და მისდევს ბიჭი. იარა, იარა და მიაღვა ერთ დედაბერს. მას კალთა ხახვითა ჰქონდა სავსე და მათი სიმწვავისაგან თვალებიდან ცრემლები სდიოდა. მენახირეს გაუკვირდა და ჰკითხა: მითხარ, დედაშვილობას, რად გინდა, რომ კალთაში ხახვი ჩაგიყრია და თვალებს ძალით ითხრი?

— ეკ, შვილო, ამ გზაზე ავლით ბევრს აუვლია, მაგრამ ჩამოვლით აღარავის. თუ მშვიდობით დაბრუნება გელირსა, მაშინ გეტყვი, — უპასუხა ბებერმა.

მიგორავს გორგალი და მისდევს უკან მენახირე. ბევრი იარა თუ ცოტა იარა, მიაღვა ერთ დედაკაცს, რომელსაც ორივე ხელში მახათი ეჭირა და ხან ერთ თვალში იტაკებდა, ხან — მეორეში. მენა-

ხირეს გაუქვირდა და ჰკითხა: დედაშვილობას, მითხარი, ძალით რად ითხრი თვალებს?

— თუ ძალიან გინდა გაფგო, იქიდან რომ ჩამოივლი, მაშინ გეტყვი, — უპასუხა დედაკაცმა.

გაგორდა გორგალი და გაპყვა მენახირე. ბევრი იარა თუ ცოტა იარა, ახლა მიადგა ერთ თმაგაწეწილ დედაბერს. მას საკუთარი ენისთვის დიდი გაზი მოეპირა და, რაც ძალი და ღონე ჰქონდა, გარეთ ეწეოდა.

— მითხარ, დედაშვილობას, რადა სჩადი მაგრე, ენას ძალით რად იგლეჯ? — ჰკითხა გაკვირვებულმა მენახირემ.

— ავლილი ბევრი მინახავს, დაბრუნებული კი — არავენ. თუ ჩამოივლი, მაშინ გეტყვი, — უპასუხა დედაბერმა.

გაგორდა კვლავ გორგალი და გაპყვა უკან მენახირეც. ცოტა მანძილი რომ გაიარა, შევიდა შუასაიქიოში და კითხვა-კითხვით მივიდა ხელმწიფის დედ-მამასთან.

— რა გინდა, რისთვის დამეძებ? — ჰკითხა ხელმწიფის მამამ.

— თქვენმა შეილმა გამომგზავნა და შემოგიტვალათ: ოქროს ქამარ-ხანჯალი რომ გაგყვათ, გამომიგზავნეთო.

— ამ უბრალო საქმისათვის აქ გამოგზავნა იმ უღმერთომ. იმან?

ხელმწიფის მამამ მისცა ოქროს ქამარ-ხანჯალი და თან დააბარა: წაიღე ეს ნივთები და, როცა ჩემს შვილს მისცე, უთხარი: შენამც ქცეულხარ კურდღლად, შენი ნაზირ-ვეზირები კი — მწვევრებად. გამოგიდგნენ და შეგკამონ-თქო!

გამობრუნდა მენახირე, მოგორავს გორგალი და მოსდევს ისიც უკან. ცოტა რომ გამოიარა, დაინახა ის დედაბერი, შეჩერდა და ჰკითხა: დედაშვილობას, ახლა მაინც მითხარ, გაზით რად იგლეჯ ენას?

— რაკი მშვიდობით დაბრუნდი. გეტყვი: ვიღრე იმქვეყნად ვცხოვრობდი. ჩემი ენით ყველგან შხამს ვანთხევდი: ცოლს ქმარს ვაძულებდი. შეილს — მშობლებს, დას — ძმას, მეზობელს — მეზობელს და მოყვარეს — მოყვარეს. აჰ, ღმერთმაც ასე ამიტომ დამსაჯა, — უპასუხა დედაბერმა.

მენახირემ გამოაგორა გორგალი და გამოპყვა უკან. ახლა მოადგა მეორეს. ბიჭი შეჩერდა და ჰკითხა: დედი, ახლა მაინც მითხარ, რად იყრი თვალებში მახათებს?

იმანაც ისე უთხრა, რაკი მშვიდობით დაბრუნდი, გეტყვი: ვიღრე იმქვეყნას ვცხოვრობდი, ამ ჩემს დასამიწებელ თვალებს სხვისა ყველაფერი შურდათ. ცალთვალა მეზობლისა ის ერთი თვალიც

მკლად მხედებოდა, დღედაღამ ღმერთს სანთლებს ეუნთებდი და ეხებეწებოდი: ჩემს მეზობელს ის ერთი თვალაც გამოთხარე-მეთქი. აი. მხედავ, ღმერთმაც ასე ამიტომ დამსაჯა.

გავორდა გორგალი და გამოჰყვა უკან მენახირეც. იარა. იარა და შეხვდა მესამე ბებერს, შეჩერდა და იმასაც ჰკითხა: დედაშვილობას, ახლა მაინც მითხარ, რად გინდა რომ კალთაში ხახვი გიყრიო და მაგის სიმწვავისაგან თვალებიდან ცრემლს იდენ?

— რაკი მშვიდობით დაბრუნდი და ჩემი ამბავი გინდა გაიგო, გეტყვი: ვიდრე იმქვეყანას ვცხოვრობდი, ისეთი გულქვა და ხელდამწვარი ვიყავი, რომ კარზე მომდგარი, ხელგამოწვდილი გლახისათვისაც კი ლუკმაურის მიცემა მენანებოდა და მწარე ხახვს გავუტანდი ხოლმე. აი, ღმერთმაც ამისათვის დამსაჯა ასე, — უპასუხა ბებერმა.

გორგალი ისევ გამოგორდა და მენახირეც გამოჰყვა უკან. ჩამოუარა ცულის ტარზე მწოლიარე ცოლ-ქმარს. ბიჰს არც ამათი ამბავი ღაავიწყდა და ჰკითხა: ახლა მაინც მითხარით, ორნი მაგ ცულის ტარზე როგორ დატეულხართ?

— რაკი მშვიდობით დაბრუნდი და ჩვენი ამბავი გინდა გაიგო, გეტყვი: ვიდრე იმქვეყანაში ვცხოვრობდით, ერთმანეთის სიყვარულში და ალერსში დავიბერეთ თავი. ის სიყვარული არც აქ მოგვიშალა ღმერთმა და აი, ხედავ, ცულის ტარზეც სიამოვნებით ვწევართ, — უპასუხა მოსიყვარულე ცოლ-ქმარმა.

გორგალი გამოგორდა და გამოჰყვა მენახირეც. მოადგა ტახტზე მწოლიარე მოჩხუბარ ცოლ-ქმარს.

— დედაშვილობას, ახლა მაინც მითხარით, რა გაჩხუბებთ? თქვენს მეზობლად ცოლ-ქმარი ცულის ტარზე იწვა და თქვენ ამოდენა ტახტზეც ვერ მოთავსებულხართ?!

— რაკი მშვიდობით დაბრუნდი და ჩვენი ამბავიც გინდა გაიგო, გეტყვი: ვიდრე იმქვეყანას ვცხოვრობდით, ერთმანეთი გვეჩავრებოდა, დღეს ჩხუბში ვალამებდით და ღამესაც თეთრად ვათენებდით. ღმერთმა ის სიავე არც აქ მოგვიშალა და აი, შენ თვითონაც ხომ ხედავ, რა დღეში ვართ, — უპასუხა მოჩხუბარმა ცოლ-ქმარმა.

გორგალი გამოგორდა და თან გამოჰყვა მენახირეც. ბევრი იარა თუ ცოტა იარა, ბოლოს, როგორც იყო, მოვიდა ხელმწიფესთან, მოუტანა მამის გამოგზავნილი ოქროს ქამარ-ხანჯალი და უთხრა: შენამც ქვეულებარ კურდღლად, შენი ნაზირ-ვეზირები კი — მწევრებად, გამოგიდგენ და შეგკამონ! მართლაც, ხელმწიფე იქცა კურდღლად, ნაზირ-ვეზირები — მწევრებად. ძაღლები გამოუდგნენ კურდღელს და შეკამეს.

მეფის სიკვდილით გახარებულმა ხალხმა აღარ გაუშვა მენახირე და სთხოვა: რაკი ავი ხელმწიფე თავიდან მოგვაშორე, მისი ტახტი შენ უნდა დაიკავო!

დათანხმდა მენახირე. გადაიყვანა სასახლეში თავისი მზეთუნახავი ცოლიც და დღესაც კეთილად ცხოვრობენ.

მზეთუნახავის ცხვირსახოცი

იყო ერთი ხელმწიფე, ჰყავდა ერთი ვაჟიშვილი. ოცი წლისა რომ შესრულდა, მამამ შეიღს ბლომად ფული მისცა და უთხრა: წადი. შვილო, ქვეყნები შემოიარე, დრო გაატარე და, რაც მოგეწონოს, იყიდეო.

წავიდა ხელმწიფის ვაჟიშვილი და ქვეყნები შემოიარა. მაგრამ არსად არაფერი არ მოსწონებია. ბოლოს გადაწყვიტა სახლში დაბრუნება. თავის ქალაქში რომ მივიდა, ქუჩაზე დაინახა ერთი კაცი, რომელსაც ხელში აბრეშუმის ცხვირსახოცი ეჭირა და ყიღდა.

ხელმწიფის ვაჟიშვილს ცხვირსახოცი ძალიან მოეწონა და კაცსა ჰკითხა:

— რა ღირს ეგ ცხვირსახოცი?

— ასი თუმანი ღირსო, — უპასუხა კაცმა.

რაკი ხელმწიფის ვაჟიშვილს ცხვირსახოცი ძალიან მოეწონა, აიღო და ასი თუმანს მაგივრად ორასი თუმანი მისცა, გამოართვა ცხვირსახოცი და სასახლეში მივიდა.

ხელმწიფე შეიღს შეეკითხა: აბა. შვილო, რა მოგეწონა და რა იყიდეო? შეიღმა ცხვირსახოცი აჩვენა და თან დაუმატა: — მთელი ქვეყანა შემოვიარე, არსად არაფერი არ მომწონებია, ჩვენს ქალაქში რომ დავბრუნდი, გზაში ერთი კაცი შემხვდა, რომელსაც ეს ცხვირსახოცი ჰქონდა, მომეწონა და ვიყიდეო.

— რად გინდა ეგ ცხვირსახოცი? — შეეკითხა ხელმწიფე შეიღს.

— ვინც ეს ცხვირსახოცი მოქსოვა, ის ქალი ცოლად უნდა შევირთოო, — უპასუხა შეიღმა.

— მერედა, იცი კი, ვინ მოქსოვა ეგ ცხვირსახოციო?

— არაო, — მიუგო შეიღმა.

— მაშ, როგორ გავიგოთ, ვინ მოქსოვა ეგ ცხვირსახოციო?

შვილმა ამაზე უპასუხა: მამა, მე უნდა წავიდე, მთელი ქვეყნები კიდევე შემოვიარო. სანამ იმ ქალს არ ვიპოვო. სახლში არ დავბრუნდებო.

ხელმწიფემ შვილს ოცი აქლემი ოქრო-ვერცხლით დაუტვირთა, მხლებლები და აქლემების მომვლელებიც გააყოლა და გაისტუმრა. ხელმწიფის შვილი ცხენზე შეჯდა, ზედაც ერთი ხურჯინი ოქრო-ვერცხლით გატენილი გადაჰკიდა, ქარავანს წინ გაუძღვა და ქალაქიდან გავიდა. ცხრა დღედაღამე შეუსვენებლად იარეს და მხოლოდ მეთაე დღეს, საღამოს, დაისვენეს ერთ მინდორზე.

მხლებლებმა არაფერი იცოდნენ და ჰკითხეს, სად მივდივართ?

ხელმწიფის შვილმა ჯიბიდან ცხვირსახოცი ამოიღო და თავისი გადაწყვეტილება უთხრა.

მხლებლებმა და აქლემების მომვლელებმა იმ ღამეს მოითათბირეს: ასე როდემდის უნდა ვიაროთ, როცა თვითონაც კი არ იცის, სად მიდისო? გადაწყვიტეს, გაპარულიყვნენ. იმავე ღამეს დრო იხელთეს და ყველანი გაიპარნენ, ხელმწიფის შვილი მარტო დატოვეს.

დილა რომ გათენდა, ხელმწიფის შვილს გაეღვიძა და ხედავს, მის გარშემო აღარავინ არის. ძალიან დაღონდა, მაგრამ რაღას იზამდა. აქლემები ერთიმეორეზე გადააბა, წინა აქლემი ცხენს გამოაბა და გზა განაგრძო.

ერთ ადგილას მდინარეს მიადგა და დაინახა, რომ მდინარეში სისხლივით წითელი წყალი მოდის. ხელმწიფის შვილს ეს ძალიან გაუკვირდა და გადაწყვიტა, წყალს სათავისაკენ აჰყოლოდა და გაეგო მიზეზი. წყალი გზის ნაპირ-ნაპირ მიდიოდა და ისიც ამ გზას აჰყვა.

დიდხანს იარა და, ბოლოს, ერთი სოფლის ბოლოს დაინახა, რომ სოფლელებს დევი დაუჭერიათ, ჯაჭვებით შეუკრავთ, მთელი სოფელი დახვევია და უროებით და ჯოხებით სცემენ. დევს სისხლი თქრიალით სდის, მდინარეს ერთვის და წყალს წითელ ფერს აძლევს. ერთი რიგი სოფლელებისა დევს რომ სცემს, მეორე რიგი ისვენებს. დევი საშინლად იტანჯება, მაგრამ ვერაფერს გამხდარა.

ხელმწიფის შვილს შეეცოდა დევი და ხალხსა ჰკითხა: ნეტა რა დააშავა ამ დევმა, რომ აგრე უმოწყალოდ სცემთო? სოფლელებმა უპასუხეს: ხელმწიფის შვილი არ იყო, ჩვენ ვიცით, რასაც გიზამდით მაგ შეკითხვაზეო!

ხელმწიფის შვილი მაინც არ მოეშვა: არა, უნდა მიიხრათ, რა დანაშაული აქვს დევსაო.

— ის დანაშაული აქვს, რომ ეს დევი ყოველ წელიწადს მოდის,

სოფლის მთელ ნახირს ერთიანად შექამს და სოფელს ცარიელზე ტოვებს. ძლივს მოვახერხებთ მაგის დაქერა, გვინდა ჯავრი ამოვიყაროთ, ორ კვირაზე მეტია ვცემთ და ვერაფერი დაგვიკლია, გვინდა მოვკლათო.

ხელმწიფის შვილი სოფლელებს მოელაპარაკა: მოდი, ეგ დევი მე მაჩუქებთ, თქვენ ბევრ ფულს მოგცემთ, ნახირი იყიდეთ და გაიყავითო. სოფლელები დათანხმდნენ და დევს თავი გაანებეს.

მისცა ხელმწიფის შვილმა სოფლელებს ათი ოქრო-ვერცხლით დასაპალნებული აქლემი და დევი გაათავისუფლა. სოფლელებს ძალიან გაუხარდათ ამდენი ოქრო-ვერცხლის შოვნა, დევს კი ძალიან გაუყვირდა ხელმწიფის შვილის ასეთი სულგრძელობა. ხელმწიფის შვილმა დევს ჭრილობები შეუხვია და თან წაიყვანა.

კარგა ხანს იარეს, იარეს და დევმა ერთ ადგილას საქონლის ნახირს მოჰკრა თვალი და მშიაო. უთხრა ხელმწიფის შვილს. იმან მენახირებებს დაუძახა, მისცა ათი დასაპალნებული აქლემი, ნახირი შეისყიდა და დევს აჭამა. დარჩა ხელმწიფის შვილი ერთი ცხენით, წაიყვანა გამამძღარი დევი და გზა განაგრძო.

მეორე დღეს დევმა კიდევ უთხრა, მშიაო. ხელმწიფის შვილმა გაიხედა და დაინახა, რომ ერთი კაცი მიწასა ხნავდა. გუთნისდღვას დაუძახა და მოელაპარაკა, ოქრო-ვერცხლით გატენილი ხურჯინი მისცა. საქონელი შეისყიდა და დევს აჭამა. მესამე დღეს დევმა კიდევ უთხრა, მშიაო.

— ახლა რაღა გაჭამო? — შეეკითხა ხელმწიფის შვილი. — ცხენიო, — უპასუხა დევმა. შეაჭამა დევს თავისი ცხენი და ახლა ფეხით განაგრძო გზა.

დევს ძალიან უკვირდა ხელმწიფის შვილის ასეთი გულკეთილობა და ბოლოს ჰკითხა: ასეთი სიკეთე მიქენი და ერთი ისიც მითხარ. სად მივდივართო? ხელმწიფის შვილმა ცხვირსახოცი აჩვენა და უკვლავფერი უამბო.

დევმა უთხრა: რატომ აჭამდის არ მითხარი, შენ მე ტანჯვასა და სიკვდილს გადამარჩინე, ამოდენა ქონება შემაჭამე და ამაზე არ დაგეხმარებოდი? მაგის მომქსოვი აქედან ისე შორს ცხოვრობს, რომ ასე ნელა თუ ვიარებთ, ოც წელიწადს მოვუნდებით იქამდე მისვლას. მზეთუნახავის ცოლად შერთვა სხვა დევებსაც უნდათ და ვერ მოუხერხებიათ. შემაჯექი ზურგზე და სასწრაფოდ მიგიყვანო.

შეაჯდა ხელმწიფის შვილი დევს ზურგზე, დევი გაფრინდა და ცხრა მთა გადაიარა.

ერთ ადგილას დევმა უთხრა: ახლა მალე მივალთ იმ ადგილას. იქ

ტრალი მინდორია. ერთი დიდი მუხა დგას, შენ იმ მუხაზე შეგსვამ
ლაშე იმ ხესთან დევები მოვლენ და ცეკვა-თამაშს გამართავენ, მათი
ცეკვა-თამაშით საშინელი ქარი ამოვარდება და მუხა აქეთ-იქით
გადაიზნიქება. შენ რომ არ ჩამოვარდე, მუხაზე თოკებით მაგრად მი-
კაბამ. ის ქალი ცხოვრობს კლდეში გამოკვეთილ სასახლეში, რო-
მელსაც ქვის ვეება კარი აქვს. მე წავალ სახლში, ვისადილებ, მჭე-
დელს ასფუთიან ლომს გავაკეთებანებ, ხვალ დილით მოვალ, ლომს
მოვიტან, კარებს ავწევ და შენ შიგნით შეგიშვებო.

მიფრინდა დევი მუხასთან და ყმაწვილი კაცი ზედ მაგრად მიაბა.
დევი რომ წავიდა, ლაშე სხვა დევები მოვიდნენ და ცეკვა-თამაშში
გამართეს. ისეთი ქარი ამოვარდა, რომ მუხა აქეთ-იქით იზნიქებოდა,
ჰაგრამ ხელმწიფის შვილს არაფერი დაშავებია. გათენებისას დევები
თავიანთ სახლებში წავიდნენ. რამდენიმე ხანში ის დევიც მოვიდა.
მოიტანა ასფუთიანი ლომი, ხელმწიფის შვილი მუხიდან ჩამოხსნა
და იმ კლდისაკენ წავიდნენ. დევმა ასფუთიანი ლომი კლდის კარებს
შეუყარა, მაგრამ კარები ისეთი მძიმე გამოდგა, რომ ლომი გაიღუნა.
მაშინ დევი წავიდა მჭედელთან და ორასფუთიანი ლომი გააკეთე-
ზინა. მივიდა კლდესთან, ასწია კლდის კარები და ხელმწიფის შვილი
შიგნით შეუშვა. — მე კი აქ დაგიცდიო, — უთხრა დევმა.

ხელმწიფის შვილი შიგ რომ შევიდა, გაშტერდა და განძრევაც
ვერ მოახერხა: იმ მზეთუნახავის სილამაზემ, სასახლის ღამაზმა
მორთულობამ განაცვიფრა. მზეთუნახავი ქალის მარმარილოს
მსგავსმა სახემ, ელვარე თვალებმა და მშვენიერმა ტანადობამ
ისე მოაჯადოვა, რომ გაშეშდა და ადგილიდან ველარ ინძრეოდა. მა-
შინ ქალი მივიდა მასთან, ხელი მოჰკიდა და დარბაზში შეიყვანა,
ტანტზე ჩამოსვა და ჰკითხა: ვინა ხარ, როგორ მოახერხე ჩემს სასახ-
ლეში შემოსვლა? მრავალი ვაქყაცი ცდილობდა და ახლაც ცდილობს
აქ მოსვლას, მაგრამ ვერავინ ვერ მოახერხაო.

ხელმწიფის შვილმა ცხვირსახოცი ამოიღო და აჩვენა, მერე თავი-
სი თავგადასავალი უამბო და უთხრა, რომ გადაწყვეტილი მქონდა,
ამ ცხვირსახოცის მომქსოვი ქალი ცოლად შემერთო. აი. ახლა გი-
აოვე, ძალიან მომწონხარ, და თუ ჩემი სიცოცხლე გინდა, ცოლად
უნდა წამომყვეო. მზეთუნახავსაც მოეწონა ვაჟი და უთხრა: ასეთ
ცხვირსახოცს მე შვიდ წელიწადში ერთსა ვქსივ, შვიდ წელიწადში
ერთხელ კლდის პირას დავდივარ. როცა კარები იღება, ნაქსოვ
ცხვირსახოცს დაბლა ვაგდებ და ქარს ფრიალ-ფრიალით მიაქვს,
აქეთ-იქით. მეც გადაწყვეტილი მქონდა იმას გავყოლოდი ცოლად,
ვინც პირველად ჩემთან მოვიდოდა. აი, შენ ყველა სიძნელე დაგი-

ძლევისა და ჩემთან მოსულხარ, მეც ძალიან მომწონხარ და თანახმა ვარ. ცოლად გამოგყვეო; მხოლოდ მითხარი, როგორ გინდა, აი. ხომ ხედავ, აუარებელი სიმდიდრე მაქვს. გინდა აქ დავრჩეთ და გინდა თან წამოგყვებიო.

ხელმწიფის შვილმა უთხრა: ხომ იცი, წესია, ქალი ვაყის სახლში უნდა მივიდეს რძლად და მეც მამაჩემის სასახლეში მიგიყვანო.

ქალი დაეთანხმა. მაშინ ხელმწიფის შვილმა დევს დაუძახა და სასახლეში მოიყვანა, ოქროს სკამზე დასვა და უთხრა: ჩვენ შევეთანხმდით ყველაფერში და შენ ჩემი ნათლია უნდა იყო. დევსაც ძალიან გაუხარდა მათი შეუღლება და თანხმობა უთხრა. პატარა ქორწილი გადაიხადეს და წასასვლელად მოემზადნენ.

მზეთუნახავმა დევს ოქროულობითა და სამკაულებით სავსე კილობანი გადასცა და უთხრა, ეს შენ წამოგვიღეო. გარეთ რომ გამოვიდნენ, კარები დაკეტეს და გზას გაუდგნენ. ერთ ადგილას დევს მოაგონდა, რომ მათთვის გამზადებული საჩუქარი — სარკე და ხელსახოცი სახლში დარჩა და თქვა: აი, ამ გზით სულ პირდაპირ იარეთ. არც აქეთ გადაუხვიოთ და არც იქით, მე სახლში გავიქცევი, სარკესა და ხელსახოცს წამოვიღებ და დაგეწევიო. ამ სიტყვებით მიბრუნდა.

ხელმწიფის შვილი და მზეთუნახავი, ხელიხელჩაკიდებულნი გაუდგნენ გზას ერთმანეთს ესიყვარულებოდნენ და ველარაფერს ამჩნევდნენ. დაავიწყდათ ნათლია დევის დარიგება და გზას გადაუხვიეს. ცოტა ხნის სიარულის შემდეგ დევების კალოზე აღმოჩნდნენ. სამი დევი-ძმა კალოზე პურსა ლეწავდა. ვაყი და ქალი რომ დაინახეს, ძალიან გაუყვირდათ და ლეწვა შეაჩერეს. უფროსმა ძმამ. მზეთუნახავი რომ დაინახა, შესძახა: ეს ხომ ის ქალია, რომლის კარებზედაც ღამეებს ვათენებდით, ახლა კი თავისი ფეხით მოვიდაო!

დევმა ხელმწიფის შვილს ხელი სტაცა, კისერი მოუვრინა, სახლის ჭერზე შეაგდო, მზეთუნახავი სახლში შეიყვანა და გადაწყვიტა საჩქაროდ ქორწილი გადაეხადა. უმცროსი ძმა ღვინოზე გაგზავნა და წვეულების სამზადისს შეუდგა.

ნათლია დევმა სარკე და ხელსახოცი წამოიღო და ქალ-ვაყის დასაწევად გამოეშურა. სწორ გზაზე რომ ისინი ვერა ნახა, გადასახვევში ფეხის ნაკვალევი შეამჩნია და ნაკვალევს მიჰყვა, თან შეწუხებულმა დაიძახა: ვაიმე, ნამდვილად ამ გზით წავიდნენ. სამი დევი-ძმის კალოზე მივიდნენ და დევები უსათუოდ შექამდნენო. თუბან აუჩქარა. გზაში უმცროს დევს შეხვდა და ჰკითხა, სად მიდიხარო?

— ამაღამ ჩემს უფროს ძმას ქორწილი აქვს, მზეთუნახავს ირთავს

და ღვინის მოსატანად მივდივარო, — უპასუხა მან. ნათლია დევმა მას ერთი სილა შემოარტყა და ადგილზე გადააყირავა. ღოქები დაუმტვრია და გზა განაგრძო.

უფროსმა ძმამ რომ დაინახა, უმცროსი აგვიანებდა, საშუალო ძმა გაგზავნა ღვინოზე. გზაში ნათლია დევი მასაც შემოხვდა, მასაც ისეთივე დღე დააყენა, რაც უმცროს ძმას და მათი ბინისაკენ გაეწურა. საშუალო ძმამაც რომ დაიგვიანა, უფროსი ახლა თვითონ წავიდა ღვინის მოსატანად და ძმების მოსაყვანად.

მზეთუნახავი დარჩა მარტო და გადაწყვიტა, ოთახები დაეთვალიერებინა. მეოცე ოთახში რომ შევიდა, დაინახა, რომ შიგ ერთი უზარმაზარი დევია დაბმული. ქალს ძალიან შეეშინდა და უკან დაიხია. დაბმული დევი ქალს გამოელაპარაკა. ნუ გეშინია, ღმერთმა გიშველოს, რომ კარები გამიღე, თორემ აი, ასი წელიწადია, აქა ვარ დამწყვდეული და სინათლე არ მინახავსო. მერე სთხოვა: წყალი მწყურია, აი, იმ ღოქში, მგონი, წყალი უნდა იყოს, როგორმე ჩემამდე მოაჩოჩე და მე თვითონ დავლეგო.

ქალმა ღოქი მიუჩოჩა, დევმა ასწია და სულ დალია. თურმე იმ ღოქში ყოფილა ძმარი, რომელმაც დევს ღონე მოუმატა, გასწიგამოსწია, ჭაბუკები დაწყვიტა და თავი გაითავისუფლა. ბევრი აღარც დაუყოვნებია, მზეთუნახავი მოიტაცა და თავის სახლში წაიყვანა. ეს დევი ნათლია დევის ძმა იყო, მაგრამ აბა, რა იცოდა, რა ჩაიღინა!

რამდენიმე ხნის შემდეგ ნათლია დევი დევების ბინაში მივიდა, ქალი იქ რომ აღარ დახვდა, ძალიან დაღონდა, ხელმწიფის შვილს ძებნა დაუწყო და კისერმოგრეხილი რომ ნახა, ჭკრიდან ჩამოიყვანა, კისერი გაუსწორა და ფეხზე დააყენა. ამასობაში დევებიც მოვიდნენ სახლში და, რომ გაიგეს ტყვე დევის გაქცევა და მზეთუნახავის მოტაცება, ისინიც ძალიან შეწუხდნენ.

ნათლია დევმა ამ სამ ძმას ერთი ამბავი დააყენა და უთხრა: დასახოცები ხართ, მაგრამ მაგის დრო არა მაქვს, ახლა იმ ქალის დასაბრუნებლად მივდივარ, ხელმწიფის შვილს თქვენ გაბარებთ, არაფერი ავნოთ, თვალის ჩინივით მოუარეთ ჩემ მოსვლამდეო.

ნათლია დევი წამოვიდა და თავის ძმის სახლში ჩუმად შეიპარა ისე, რომ არავის დაუნახავს.

მისი ძმა დევი ღღისით სანადიროდ დადიოდა, საღამოთი კი ნადირევი მოჰქონდა და სახლში იყო. ეს იცოდა ძმამ და ამიტომ ქალს ღღისით ეჩვენა. მზეთუნახავს უსაყვედურა, რატომ ჩემი და-

რიგება არ შეასრულეთ და თავი ხიფათში რად ჩაიგდეთო! ახლა ვიცი, რომ ჩემი ძმა შენს თავს ისე არ გამატანს, მას რალაცაში აქვს ძალა, ეს გამიგე და მე გავუსწორდებიო!

სალამოთი ისევ დაიმალა. დევი რომ დაბრუნდა, ქალი მხიარულად დაუხვდა და ჰკითხა: რაშია შენი სული და ძალო? დევმა ხან რა მოატყუა. ხან რა და ბოლოს უთხრა: ცხრა მთას იქით ერთი ირემია, მის გულში ერთი კოლოფია, შიგ სამი ჩიტის ზის, ისინი არიან ჩემი თვალის ჩინი, ძალა და სულიო. იმ ირემს ასი კაცი თავას უთიბავს და აკმევსო. ირემს ვერაფერი მოკლავს, თუ ისარი ჩემს შარდში არ იქნება ამოვლებულიო. დევი მთვრალი იყო და მალე ჩაეძინა. ღამე მოშარდვა მოუნდა. ქალი წამოხტა და კარში არ გაუშვა, გაცივდებო. შემოურბენინა თიხის ქურქელი.

რომ გათენდა, დევი სანადიროდ წავიდა, ქალმა ნათლია დევს ყველაფერი უთხრა. მან ისარი შარდში დაასველა, ქალს გამოეთხოვა და წავიდა ირმის მოსაკლავად. ცხრა მთას გადაუარა და მინდორზე გაჩნდა. სადაც ასი კაცი ირმისათვის ბალახს თიბავდა. დევმა მათ უთხრა: ეყოფა რაც გათიბულია, ახლა სახლებში წადითო! მათ უარი უთხრეს. მაშინ დევმა ცელები წაართვა, იქით გადაუყარა და ცემა-ტყეპით იქიდან გარეკა. თვითონ ბალახში დაიმალა და ირემს ლოდინი დაუწყო.

შუადღე გადასული იყო, ირემი მოვიდა და ბალახს ჰამა დაუწყო. დევმა იღრიალა. ირემს ისარი ესროლა და მოკლა. მაშინვე შუაზე გაჭრა, გულიდან კოლოფი ამოუღო, ძალის ჩიტს თავი წააგლიჯა და ძმის სახლისაკენ წამოვიდა. დევის ძმამ მაშინვე ღონის დაკარგვა იგრძნო და წამოიძახა: უჰ, ირემს ვინმე მომიკლავდა, ეს სულ იმ ქალის ბრალი იქნებაო და წამოვიდა სახლისაკენ მზეთუნახავის მოსაკლავად. სახლში რომ მივიდა, ძმა იქ დაუხვდა.

ნათლია დევმა უთხრა: ეს ქალი რად მოიტაცე, ეს ჩემი მეგობრისა და მხსნელის, ხელმწიფის შვილის ცოლი არისო! მომცემ თუ არა. რომ წავიყვანო.

— მე არაფერი ვიცოდი, მაგრამ მაინც არ მოგცემო.

მაშინ ნათლია დევმა ჩინის ჩიტსაც წააგლიჯა თავი და დევს მხედველობა დაეკარგა.

— მომცემ თუ არა, რომ ეს ქალი ხელმწიფის შვილს წავუყვანო?

ძმამ უარი უთხრა. მაშინ ნათლია დევმა სულის ჩიტსაც წააგლიჯა თავი და მოკლა, წამოიყვანა მზეთუნახავი და სამი ძმა დევის ბინას

მიუახლოვდა. დევმა რომ დაიგვიანა, ძმებმა გადაწყვიტეს ხელმწიფის შვილის შექმა და სწორედ იმ დროს მოუსწრო იმანაც.

ნათლია დევმა წამოიყვანა ორივენი და მათ სახელმწიფოში წამოვიდნენ.

სასახლეში რომ მივიდნენ, დედ-მამას ძალიან გაუხარდა შვილის და რძლის დაბრუნება. სახელმწიფოში ძაძები მოხსნეს და ქორწილი გამართეს. ორი კვირა სულ ნადიმობდნენ. ხელმწიფემ დიდძალი საჩუქარი დაარიგა.

ნათლია დევმა ქალ-ვაჟს სარკე და ხელსახოცი მიულოცა და გამოეთხოვა, თან უთხრა: როცა რაზე გაგიჭირდეთ, ამ სარკეში ჩაიხედეთ. მე დამინახავთ, ეს ხელსახოცი დამიქნიეთ და მაშინვე თქვენთან გავჩნდებიო. — უთხრა ეს და წავიდა.

ხელმწიფის შვილი თავის მზეთუნახავ ცოლთან ბედნიერად ცხოვრობდა.

ერთი თვე რომ გავიდა, მეზობელმა ხელმწიფემ შეიტყო, ხელმწიფის შვილს მზეთუნახავი ქალი ჰყავს ცოლადო. შურით აივსო, კაცი გამოუგზავნა და დააბარა: ან ეგ მზეთუნახავი ქალი ნებით მომეცი. ან არადა ძალით წაგართმევო. ხელმწიფის შვილმა უარი შეუთვალა და თან უთხრა: მოდი და ძალით წაიყვანეო! ჰამინ იმ ხელმწიფემ შეკრიბა აუარებელი ჯარი და გამოილაშქრა.

ხელმწიფის შვილმა სარკეში ჩაიხედა, დევი დაინახა და ხელსახოცი დაუქნია. ნათლია დევი თავის მეგობრებში ქეიფობდა, მაგრამ ხელმწიფის შვილისა ისეთი სიყვარული ჰქონდა, რომ ერთი წუთიც არ დაუყოვნებია და მასთან გაჩნდა. ამბავი რომ გაიგო. ხელმწიფის შვილს უთხრა: თქვენ აქ იყავით, იმათ მე გავუსწორდებო.

წამოვიდა ნათლია დევი და დაერია მომხდური ხელმწიფის ჯარს. ნახევარი დახოცა, ნახევარი სახლში გარეკა, თვითონ ხელმწიფე დაატყვევა და ხელმწიფის შვილს მიჰგვარა.

ხელმწიფე შეეხვეწა, ოღონდ ნუ მომკლავთ და თქვენი მონა-მორჩილი ვიქნებიო.

მისი სახელმწიფო თავიანთ სახელმწიფოს შეუერთეს. ის ხელმწიფე სასახლეში დატოვეს და, რასაც უბრძანებდნენ, იმას აკეთებინებდნენ.

ამის შემდეგ გამარჯვება ილღესასწაულეს და ხალხი დიდად დასაჩუქრეს. ნათლია დევი ხალხს დაემშვიდობა: ნურაფრისა გეშინიათ, მე თქვენი განუყრელი მეგობარი ვარ და როცა გაგიჭირდეთ, თქვენთან გავჩნდებიო, უთხრა ეს და წავიდა.

დედინაცვალი და გერი

იყო და არა იყო რა, იყო ერთი ქალი. მომაკვდავმა დედამ ერთი ფინია და ერთი ძროხა დაუტოვა. თან ანდერძად დაუბარა: ვინიცობაა, შვილო, მამაშენმა მეორე ცოლი შეირთოს და ძროხა დაკლას, შენ ამ ძროხის ხორცი არ ჭამო და ძვლებს კი თავი მოუყარე და ორმოში ჩაყარეო...

მამამისმა მართლა მეორე ცოლი შეირთო. დედინაცვალი გერს გადაეკიდა, სულ იმის ფიქრში იყო, რა ხერხი ეხმარა, რომ დაეჩაგრა. ადგა და ავადმყოფობა მოიგონა, ლავაშები დააცხობინა, ზედ ლოგინი გაიშალა და დაწვა. გადაბრუნდ-გადმობრუნდებოდა და ლავაშებს მტვრევა გაჰქონდა. ქმარმა რომ ნახა, ჰკითხა: ქალო, ავად რითი ხარო?

— გვერდები მტკივა და მემტვრევაო, — მიუგო ცოლმა.

— მერე რა უნდა იწამლოო? — ჰკითხა ქმარმა.

— ასე მითხრეს, სანამ თქვენი ძროხის ნაღველას არ დაღვევ, არა გეშველება რაო, — უთხრა ცოლმა.

კაცმა იწყინა: დედამ ერთი ძროხა დაუტოვა თავის ქალს და როგორ დაეუკლაო.

რაკი აღარაფერი გაეწყობოდა, ძროხა დაკლეს. მაშინ იდგა გერი, ერთ დედაბერთან წავიდა და შესჩივლა: დედაჩემის დატოვებული ძროხა დამიკლესო.

— დედაშენმა რა გითხრაო? — ჰკითხა დედაბერმა.

ქალმა მიუგო: ასე მითხრა, ძროხის ხორცს ნუ ჭამ და ძვლებს კი თავი მოუყარეო. დედაბერმა დაარიგა: წადი, შვილო, ბაგის ქვეშ ორმო გათხარე და ის ძვლები შიგ ჩაყარეო.

გერი დაბრუნდა, ბაგის ქვეშ ორმო გათხარა, ძროხის ძვლები, ტყავი და თავ-ფეხი შიგ ჩაყარა და ზედ ფიცრები დაახურა.

დედინაცვალმა ნაღველა დალია და მორჩა. ადგა და გერი სამწყემსურში გაგზავნა. ერთი პური გაატანა და უთხრა: ეს პური გამვლელსაც აქამე, გამომვლელსაც, შენცა ჭამე და შინაც ბევრი მოიტანეო.

გერი წავიდა. ტყეში რომ შევიდა, მალლობზე შედგა, ტირილი დაიწყო და აბრეშუმის რთვას მოჰყვა. მალლობიდან გადმოიხედა და ერთი სახლ-კარი დაინახა, შიგ დედაბერი იყო. მივიდა სახლის ბანზე, ჩამოჯდა და აბრეშუმის რთვა დაიწყო. გერს კვირისტავი ჩაუვარდა და ჩასძახა: დედაშვილობას, ეგ კვირისტავი მომაწოდეო.

დედაბერმა ასძახა: აჰა, შვილო, კვირისტავიო; მერე უთხრა: ჩამოდი ძირს, ერთი სახლი დამიგავეო.

გერი ჩავიდა, სახლი დაუგავა, დაუწმინდა.

— ერთი ჭურჭელი დამირეცხეო, — უთხრა დედაბერმა.

დაურეცხა, დაუსუფთავა და დაულაგა.

— ერთი ქვევრებსაც დამიხედეო.

წავიდა, დახედა და მოახსენა: უჰ, რა კარგი და სუფთა ქვევრები გქონიაო.

ბოლოს უთხრა: შვილო, რათა ტიროდიო?

— დედინაცვალმა ეს აბრეშუმი და ეს პური გამომატანა. პური გამვლულსაც აჭამე, გამომვლულსაც, შენცა ჰამე და შინაც ბევრი მოიტანეო; აბრეშუმიც დამირთუო.

დედაბერმა თავისი პური აჭამა, მისი კი უქანვე მისცა, აბრეშუმის დართვაშიც მოეხმარა. დადამებისას კი შინ დაბრუნდა. გერი დედაბერს მიეჩვია და ყოველთვის, როცა სამწყემსურში წავიდოდა, იმას ესტუმრებოდა.

ერთხელ, გერი რომ მორჩა სახლ-კარის დაგვა-დალაგებას, დედაბერმა, თითქო მადლის გადასახდელად, უთხრა:

— წადი, შვილო, აგერ მდინარე წყალი მოდის, ნაპირას დაჯექ. თეთრმა წყალმა რომ ჩამოიაროს, არ იბანაო, არც შავში, არც ვირის ფერში; ოქროსფერმა რომ ჩამოიაროს, იმაში კი თავი დაისველე და ჩემთან მოდიო.

გერმა ოქროსფერ მდინარეში თავი დაისველა და დედაბერთან მოვიდა. ოქროს თმა ამოსვლოდა. თავი მაგრად შეუხვია და სადამოს შინ გაისტუმრა. გერი დედინაცვალს ემალებოდა, ვაითუ თმა დამინახოს და მომკლასო.

მაგრამ მისი თმის ბრწყინვას დედინაცვალმა თვალი მოჰკრა, მივარდა, თავს გადახადა, დახედა, გაოცდა და შურით გლეჯა დაუწყო.

მერე დაწვრილებით გამოჰკითხა და როცა გერის თავგადასავალი შეიტყო, იმის მაგივრად ახლა თავისი საკუთარი ქალი გაგზავნა სამწყემსურში, თანაც დაარიგა, როგორც უნდა მოქცეულიყო. პური და აბრეშუმ-თითისტარი გაატანა და რაც თავის გერს, იმასაც ისე დააბარა.

წავიდა ქალი, ტყეში შევიდა, შედგა დედაბრის სახლის ბანზე და ხელი მიჰყო აბრეშუმის რთვას, კვირისტავი ჩაუვარდა და გადასძახა: შე ქოფაკო დედაბერო, ეგ კვირისტავი მომაწოდეო.

— ჩამოდი და აიდეო, — უთხრა დედაბერმა.

ქალი ჩავიდა.

— აბა. ერთი სახლი დამიგავეო, — უთხრა დედაბერმა.

შევიდა სახლში და ყველაფერი მიუმტვრ-მოუმტვრია.

— ერთი ჭურჭელი დამირეცხეო.

ჭურჭელი სულ დაუმტვრია.

— ერთი ქვევრებს დამიხედეო.

— ფუჰ! ფუჰ! რა მყრალი ქვევრები გქონია, უწმინდურობით არის სავსეო.

— აბა, შეილო. წადი, — უთხრა დედაბერმა. — და ამა და ამ ადგილას დაჭექი; რამდენიმე წყალი ჩამოივლის, მაგრამ თავი არ დაისველო, სანამ ვირისფერმა წყალმა არ ჩამოიაროსო.

ქალი წავიდა, ვირისფერ წყალში დაისველა თავი და ვირის ყუ-რები გამოება. ადგა და დედასთან გაეშურა ტირილით და თავისი ამბავი შესჩივლა.

დედამ რომ ნახა, თავში ხელი იცა და ბევრი იღარდა, მაგრამ რაღას გააწყობდა.

ხანი გავიდა. დღესასწაულმა მოატანა. დედინაცვალი თავისი ქალით თემობაზე წავიდა და გერი კი შინ დატოვა, ერთი კოდი ფეტ-ვი დაუყარა და საცეხველი დაუდგა: ეს ფეტვი ცრემლით ისე აკრიფე, ერთი მარცვალიც არ დარჩესო.

გერმა ტირილი მორთო, წავიდა და დედაბერს შესჩივლა: ასეა ჩემი საქმე და რა ვქნაო?

— ნუ გეშინია, შეილო, წამოვალ და მაგ საქმისა მე ვიციო.

წამოჰყვა, დაუძახა. რაც ქვეყანაზე ფრინველი იყო, და უთხრა: ეს მარცვლები აკრიფეთო.

ფრინველებმა აკრიფეს და საბათმანოში ჩაყარეს; მერე დედა-ბერმა საცეხველში წყალი ჩაასხა, მარილი ჩაყარა და უთხრა გერს: — ადე, შეილო, ხელ-პირი დაიბანე, წადი და საცა ძროხის ძვლები ჩაყარე, იმ ორმოს ახადე და ასე თქვი: რაშო, ყველაფრით გაწყობილო, ამოდი და ჩემი ტანისამოსიც ამომიტანე-თქო.

გერი წავიდა, ორმოს თავს დადგა, ყველაფერი უთხრა, როგორც დედაბერმა დაარჩია. რაში შეკაზმული ამოვიდა და გერის ტანისა-მოსიც ამოიტანა. ჩაიცვა გერმა და რაშზე შეჭდა, დედაბერმა უთხრა: წადი ახლა დღეობაში, ცალ ხელში თვალ-მარგალიტი დაიჭირე, ცალ ხელში ნაცარიო.

გერი წავიდა. რაშიანი ქალი რომ ნახეს, გაუყვირდათ. თვალ-მარ-გალიტი მამისკენ გადაყარა, ნაცარი — დედინაცვლისკენ და საჩქა-როდ გამობრუნდა, რომ შინაურებისათვის შინ მიესწრო, მაგრამ მდინარე წყალში გასვლის დროს ცალი ქოში ჩაუყარდა. შინ რომ

შეიქცა. ტანთ გაიხადა, ტანისამოსი შეახვია და რაშს დააკრა, ბაგაზე შეიყვანა და უთხრა: რაშო, ჩაბრძანდი შენ ადგილასო.

რაში ჩავიდა, გერმა ორმოს თავი დახურა, შემობრუნდა შინ, ძველებურადვე მობუდნული დაჯდა კერასთან და დაიწყო ტირილი.

დედინაცვალი რომ დაბრუნდა, გერს თავში ჩაჰკრა და უთხრა: შენმა სიცოცხლემ, სწორედ შენა გავადა, დღეობაში რომ ქალი ვნახეო!

იმ მდინარე წყალზე, სადაც გერს ქოშო ჩაუვარდა, ხელმწიფის მეჭინბეებმა ცხენები ჩაიყვანეს წყლის დასალევიანებლად. ცხენები დაფრთხნენ და წყალი აღარ დალიეს, რაკი შიგ ოქროს ქოში ბრწყინავდა.

ხელმწიფეს ამბავი მიუვიდა: მდინარეში რაღაცა გდია, ცხენები დაფრთხნენ და წყალი არ დალიესო.

ხელმწიფემ მაშინვე მცურავეები გაგზავნა. მცურავეებმა ქოში ამოიღეს და ხელმწიფეს მიაართვეს.

ხელმწიფემ ქოში იასაულებს მისცა და უბრძანა: რკინის ქალამნები ჩაიცივოთ, რკინის ჯოხები დაიჭირეთ, წადით, ცისქვეშეთი დაიარეთ. სადაც ქალამანი გაგიცვდეთ და ჯოხი გაგიტყდეთ, იქ იქნება ამის ჩამტეხი ქალი და ის ქალი წამოიყვანეთო.

ქვეყანა მოვლეს, მივიდნენ იმ გლეხისას, სადაც ის ქალი იყო. ჯოხიც იქ გატყდა და ქალამნებიც იქ გაცვდა.

— სახლში შეგვიშვით, უნდა შევამოწმოთო, — უთხრეს იასაულებმა.

დედინაცვალმა არ შეუშვა, ხელი ჰკრეს, შეცვივდნენ და ძებნა დაუწყეს. დედინაცვალმა გერი საჩქაროდ თონეში ჩააგდო, ქილოები გადაათარა, ზედ სიმიინდი დაყარა და კრუჩ-წიწილს დაუძახა. მივარდა თავის ქალს, ქოშის ცმა დაუწყყო, მაგრამ არ მოერგო. იასაულები გავიდნენ ეზოში, ნახეს, ფინია თონეს გარშემო ურბენდა და იძახდა: თეთრი ქალია თონეში, თეთრი ქალია თონეშიო!

მივიდნენ, თონეს ახადეს და მშვენიერი ქალი კი ამოიყვანეს. ქოში რომ ნახა, თქვა ჩემიაო, ჩაიცივა და მოერგო. წაყვანა დააპირეს, მაგრამ გერმა მოახსენა: აქ მომიცადეთ და ახლავ გიანლებითო.

წავიდა, ორმოს თავს დადგა, ახადა და უთხრა: რაშო, ყველაფრით გაწყობილო, ამოდი და ჩემი ტანისამოსიც ამომიტანეო. რაში მაშინვე ამოვიდა. ქალმა ტანთ ჩაიცივა, მზეს დაემსგავსა, შეჯდა რაშზე და იასაულებს წაჰყვა. დედინაცვალი მოახლედ წაიყვანეს და მასთან მისი ქალიც.

გზაში მდინარე წყალი დახედათ გასაეღელი. დედინაცვალს თურ-

მე კალთაში კატა გაეხვია. წყალს რომ მიუახლოვდნენ, კატა გაუშვა და დაიყვირა: არიქა, კურღლელო, კურღლელო!

იასაულები გამოუდგნენ. დედინაცვალი მაშინვე გერსა სწვდა, ტანსაცმელი გახადა, თავის ქალს ჩააცვა და რაშზე შესვა, გერს კი ზელი ჰკრა და წყალში ჩააგდო. გერი თევზმა ჩაყლაპა. დედინაცვლის ქალი ხელმწიფეს მიჰგვარეს. იქორწილა. ვირის ყურები რომ უნახა ქალს, არ იამა, მაგრამ რას იზამდა.

ერთი მებადური თურმე იმ მდინარეზე თევზაობდა; ბადე ისროლა, ანახა, რომ დიდი თევზი მოედო, გამოიტანა, თევზი გამოფატრა და ცოცხალი ქალი გამოიყვანა.

მებადური თვითონ უშვილო იყო და თქვა: ღმერთმა შვილი მომცაო.

ქალმა უთხრა: რადგან წყლიდან გამოიყვანე და ქვეყნიერება და-შანახე, წამიყვანე და ბედსა გწევო.

მებადურმა ცოლს მიჰგვარა: შვილი მაინც არა გვეყავდა და ახლა ღმერთმა ეს ქალი მოგვცა შვილადო.

კარგად მოუარეს, ჩააცვეს და დაახურეს. გერი თუ უწინ კარგი იყო, ახლა ერთიორად უკეთესი გახდა. კარგა ხანმა რომ გაიარა, მებადურს უთხრა:

— მაძავ, ესა და ეს ხელმწიფე დამიპატიეო.

— შვილო, ჩვენ რა გვაქვს მისი საკადრისი, ან რა ღირსი ვარს ხელმწიფე დავპატიეთო.

შვილობილმა დაამშვიდა: ნუ გენალვლება, მხალს გავაკეთებ და იმაზე მოვიწვევო.

ხელმწიფე სანადიროდ დადიოდა. მებადური შემოეყარა და მოახსენა: ხელმწიფევ, გთხოვთ, ღარიბის ოჯახში მობრძანდეთო.

ხელმწიფემ თქვა: რა საქმე უნდა ჰქონდეს ჩემთან, რომ მპატიეებსო, და ეწვია. სახლში რომ შევიდა, სკამი მიართვეს. ხელმწიფე დაბრძანდა. ქალმა მხალი, პური და ღვინო მიართვა. ქალს პირბადე ჰქონდა ჩამოფარებული.

— ჩემო ხელმწიფევ, მე ამის მეტი შეძლება არა მქონდა, რომ გაემასპინძლებოდიო.

ხელმწიფეს გაუკვირდა: პირახვეული რად არისო?

— სიტყვა მაქვს მოსახსენებელი, იმიტომ გავბედე და გავკადნიერდი, შენ დაპატიეებას მამაჩემი ვერ ბედავდა, მაგრამ ძალა დავატახეთო.

— აბა, პირს აიხადე და მითხარი, რა გექვს სათქმელიო.

ქალმა პირბადე აიხადა. ხელმწიფემ რომ შეხედა, მისი მშვენიერებით გაოცდა და ოქროს თმამ გააკვირვა.

ქალმა უამბო თავისი თავგადასავალი.

ხელმწიფემ მაშინ გაგზავნა იასაულები, ორივე დედა-შვილი მოაყვანინა, ცხენის კუდზე გამოაბმევინა და ისე ათრევინა.

ქალი წაიყვანა, მეთევზე და მისი ცოლი თან გაიყოლა.

შინ რომ მივიდა, იქორწილა და იწყეს ბედნიერი ცხოვრება. მათა ნახვა მტერსაც კი უხაროდა.

ელასა, მელასა,

ძილი გაამოთ ყველასა.

არჰიტია

იყო ერთი ხელმწიფე. ჰყავდა მოჩამაგირე, რომელიც მონადირე გახლდათ. დადიოდა იგი სანადიროდ და ნანადირევი ხელმწიფესთან მიჰქონდა.

ერთ დღეს მონადირემ არაჩვეულებრივი ჩიტი დაინახა. იფიქრა, ცოცხლად დავიჭერო, მივიდა, სტაცა ხელი, ჩაისვა უბეში და გასწია შინისაკენ. მიიყვანა ჩიტი შინ და ჩაკეტა.

მეორე დღეს მოჩამაგირე ისევ სანადიროდ წავიდა. როცა შინ დაბრუნდა, ნახა, რომ ჩიტი მზეთუნახავ ქალად ქცეულიყო.

მონადირე მთელ დღეებს ქალთან ატარებდა; ხელმწიფემ იფიქრა, რაღაც ცუდი ამბავია ჩემი მონადირის თავსაო და გაგზავნა ორი ვეზირი. ვეზირები მივიდნენ მონადირესთან, დაინახეს მზეთუნახავი ქალი, თვალი ველარ მოაშორეს და იქ დარჩნენ.

გაუკვირდა ხელმწიფეს, რომ აღარც ვეზირები გამოჩნდნენ და კიდევ გაგზავნა ორი ვეზირი, იმათაც ისე მოუვიდათ, მზეთუნახავს თვალი ვერ მოაშორეს და იქ დარჩნეს.

შეწუხდა ხელმწიფე, რაღაც კარგი ამბავი არ არისო, და ახლა უფროსი, გამოცდილი ვეზირი გაგზავნა და უთხრა: წადი და გაიგე. რა ამბავია, რა მოუვიდათ მონადირესა და ვეზირებსაო.

ვეზირი წავიდა, ნახა ყველაფერი, დაბრუნდა მეფესთან და უთხრა: რა მოგახსენო, ბატონო, მონადირეს ისეთი მზეთუნახავი ქალი ჰყავს, რომ შენ არც დაგსიზმრებიაო.

ხელმწიფეს ეუცხოვა ეს ამბავი და თქვა: მონადირეს უნდა მოეუხერხო რაიმე და მზეთუნახავი წავართვაო.

რჩევა-დარიგებისათვის დაიბარა ვეზირები. ერთმა ურჩია, დაავალე: მთა, რომელიც დილის მზეს გიფარავს, ხვალ დილამდის აწმინდოსო. ხელმწიფემ დაიბარა მონადირე და უთხრა: აი, ეს მთა ხვალ დილამდის უნდა აწმინდო. თუ არადა შენი მზეთუნახავი უნდა მომცეო.

შეწუხდა მონადირე, დაბრუნდა შინ და უამბო ქალს, რაც ხელმწიფემ დაავალა.

— ეს არაფერიაო, — უთხრა ქალმა, მისცა ერთი ვაშლი და დარიგა: ამ ვაშლს გაჰყევი; სადაც ვაშლი გაჩერდეს, იმ ეზოში ჩადი, სატეხი და ეჩო ითხოვე და მოგცემენო.

ვაშლი გაგორდა და ერთ ეზოში გაჩერდა. ეს თურმე მზეთუნახავის მშობლების სახლი იყო. დედ-მამამ მაშინვე იცნო ვაშლი და მონადირე კარგად მიიღეს. მონადირემ სატეხი და ეჩო მოითხოვა, ამათაც მისცეს და გამოისტუმრეს.

მოვიდა ვაეი შინ და მოიტანა სატეხი და ეჩო. ცოლმა უთხრა: ამ საღამოთი დაიძინე, ხვალ ადრე ადექი, დაიჭირე ეჩო და სატეხი და იმუშავეო.

მონადირე დაწვა და დაიძინა. მეორე დილით წავიდა და ნახა, მთა აწმენდილი იყო. მოვიდა, დაუწყო მიწას სწორება.

ხელმწიფეს გამოედვიდა და ძალიან გაუკვირდა. დაიბარა ისევ ვეზირები და ჰკითხა: როგორ მოვიშორე ეს ჩემი მონადირე თავიდანაო?

ახლა მეორე ვეზირმა ურჩია: უბრძანე, ზღვის გაღმა ქალაქი რომ არის, ის ხვალ დილამდის გამოღმა გამოიტანოსო.

ხელმწიფემ დაიბარა მონადირე და ის დაავალა, რაც ვეზირმა ურჩია.

მონადირე დაღონდა და ისევ ცოლს დაეკითხა: რა მეშველება, როგორ მოვიქცეო?

ქალმა ისევ ვაშლი მისცა და უთხრა: გაჰყევი ამ ვაშლს, სადაც გაჩერდება, იქ მოითხოვე საყვირი. მინდორში როცა გამოხვალ, დაყვირე და რაც ქვეყანაზე ნადირია, ყველა მოგროვდება და უთხარი შენი გაჭირვებაო.

მონადირე ასეც მოიქცა. საყვირის ხმაზე მოცვივდნენ ნადირები და უთხრეს: რაზე დაგჭირდით, ბატონოო?

მონადირემ უთხრა ნადირებს: ასე და ასე არის ჩემი საქმე, ეს ქალაქი, წყლის გაღმა რომ არის, ხვალ დილამდის გამოღმა გააშენეთო.

ნადირებმა მოისმინეს მონადირის სიტყვა და წავიდნენ. მონადირე დაბრუნდა შინ. მეორე დღეს გაიხედა და დაინახა წყლის გამოღმა გაშენებული ისეთი მშვენიერი ქალაქი, რომ უკეთესს კაცის თვალი ვერ ნახავდა. ხელმწიფეს ეწყინა ეს, მაგრამ რას იზამდა. ბოლოს ერთმა ვეზირმა ურჩია: უბრძანე „არვიცია“ მოგიტანოსო.

ხელმწიფემ მოიხმო მონადირე და უთხრა: გაძღვე სამი დღის ვადას, თუ მოგიტანია „არვიცია“, ხომ მოგიტანია, თუ არადა მოგკლავ და შენს მზეთუნახავს მე წავიყვანო.

წავიდა მონადირე „არვიციას“ საშოვნელად. იარა, იარა, ბევრი იარა თუ ცოტა იარა, მივიდა ერთ უდაბურ ტყეში. იქ ერთი ქოხი ნახა. ქოხში ერთი ბებერი იჯდა და იჩახდა: პილტონ, აბა, სადილი მომიტანეო!

მაშინვე სადილი გაჩნდა.

— აბა, პილტონ, ღვინო დამისხიო, — თქვა ბებერმა.

ღვინოც დაუსხა ვილაკამ თუ რალაკამ. მონადირე გოაცებულო იდგა და ფიქრობდა: ნამდვილად ეს უნდა იყოს „არვიციაო“. ბებერი გარეთ გამოვიდა. მონადირე ჩუმად შევიდა ქოხში, ისადილა და ბოლოს დაიძახა: პილტონ, მოდი, ღვინო დალიეო.

მონადირეს მოესმა ხმა: არა, ბატონო, მადლობას გწირავ, მე ღვინოს არა ვსვამ; რამდენი ხანია ბებერს ვემსახურები, იმას ჩემთვის ერთი წვეთი ღვინო არ მოუწოდებია და შენ კი მოსვლისთანავე მომაწოდეო.

მონადირეს უკვირდა: რა სულდგმულია, რომ ლაპარაკობსო. ბოლოს დაიძახა: პილტონ, წამოხვალ ჩემთან თუ არაო?

— კი, ბატონო, — მოესმა ხმა.

წამოვიდა შინ და გზაზე მალიძალ გაიჩახოდა: პილტონ!

— რაა, ბატონო? — ესმოდა პასუხი.

გზაზე ერთი კაცი შეხვდა, რომელსაც ყუთი მიჰქონდა. ახადა აწი კაცმა ყუთს თავი და უტბად ჯარი ამოცვივდა. კაცმა ისევ ჩარეკა ჯარი ყუთში, დახურა, მოიკიდა ზურგზე და წასვლა დააპირა.

მონადირემ უთხრა: მოდი, კაცო, დავჯდეთ, პური ვჭამოთო.

მგზავრმა უპასუხა: არც შენა გაქვს რაიმე, არც მე. რა უნდა ვჭამოთო.

მონადირემ დაიძახა:

— პილტონ, სუფრა გაშალეო!

გაიშალა სუფრა ნაირ-ნაირი საჭმელებით. დასხდნენ და ისაუბმეს.

— პილტონ, აალაგე სუფრაო, — დაიძახა მონადირემ და სუფრა გაქრა.

მეზავრს გაუკვირდა ყველაფერი ეს და სთხოვა მონადირეს: გამიცვალე შენი პილტონი ჩემს ყუთშიო.

მონადირეს ჩასჩურჩულა ხმამ: გაატანე ჩემი თავი, ცოტაზე გავყვები და ისევ შენთან დავბრუნდებიო.

მართლა გაცვალეს. ცოტა მანძილი გაიარა მონადირემ და მოესმა ხმა: დავბრუნდიო.

მონადირე მივიდა ხელმწიფესთან. ხელმწიფემ ჰკითხა: რა ჰქენი, მომიყვანე „არვიციაო“?

ამ დროს ხელმწიფეს სტიკია ვილაცამ სილა და ჰკითხა:

— აბა, თქვი, ვინ შემოგკრა სილაო?

გაოცებულმა ხელმწიფემ უპასუხა: — არ ვიცით.

— მე გახლავარ „არვიციაო“, — მიუგო ხმამ.

ხელმწიფე საშინლად გაბრაზდა, უნდოდა მოეკლა მონადირე; მაგრამ მონადირემ ახადა ყუთს თავი, ამოცვივდა ჯარი და დახოცა ხელმწიფე და მისი ვეზირები.

მონადირე დაჯდა ხელმწიფედ, მზეთუნახავი -- დედოფლად და „არვიცია“ — უფროს ვეზირად.

გუშინ იქ ვიყავი,

დღეს აქ მოვედი.

უმცროსი ვაჟი და მგელი

იყო ერთი ხელმწიფე და ჰყავდა სამი შვილი. ხელმწიფეს მთაშობალი ჰქონდა, ბალში იდგა ერთი შესანიშნავი ხე და ოქროს ნაყოფს იხამდა. ერთი ფრინველი შეეჩვია ბალს, ყოველთვის მიდიოდა და მიჰქონდა ხილი. ხელმწიფე დიდად წუხდა და უბრძანა თავის შვილებს: უდარაჯეთ ამ ხეს და ქურდი დამიჭირეთო.

პირველად სადარაჯოდ წავიდა ორი უფროსი შვილი, მაგრამ ვერ დაიჭირეს ქურდი. მეორე წავიდა უმცროსი, ავიდა ხეზე და დაუდარაჯდა ქურდს. ამ დროს მოფრინდა ერთი უზარმაზარი ფრინველი, მოგლიჯა ნაყოფი და უნდოდა წაეღო. ყმაწვილმა ხელი სტაცა; მაგრამ ვერ შეიმაგრა, მხოლოდ ერთი ფრთა გამოავლიჯა. მიუტანა მამას და მოახსენა: ჩვენი ქურდი უზარმაზარი ფრინველი ყოფილა. თვითონ ვერ დავიმორჩილე, ფრთა გამოვვლიჯე და მოგიტანეო.

ხელმწიფემ მოიხმო თავისი შვილები და უთხრა: ჩემი შვილი ის იქნება, ვინც ამ ფრინველს მომგვრისო.

პირველად ორი უფროსი ძმა წავიდა. დიდი დრო გადავიდა და აღარ დაბრუნდნენ. ადგა და უმცროსი ძმაც წავიდა. იარა, იარა და მივიდა ერთი ხის ძირას. ხის ქვეშ ერთი ქვა იდო და ზედ ეწერა: მარჯვნივ წახვალ, წყალში ჩაეარდები; მარცხნივ — ცეცხლში ჩაეარდები, შუა გზაზე — მგელი შეეჭამსო. ყმაწვილმა მგლისაკენ წასვლა ირჩია. კარგა ხანს იარა და გავიდა ერთ მინდორში. იქ ჩამოხტა ცხენიდან და დაისვენა. ამ დროს გამოვარდა მგელი, მივარდა ცხენს და შეჭამა. ყმაწვილმა ტირილი დაიწყო. მგელმა გამოჰკითხა: ვინ ხარ, საიდან მოდიხარ და სად მიხვალო?

ყმაწვილმა ყველაფერი უამბო. მგელმა უთხრა: შემაჯექ ზურგზე და მე დაგეხმარებიო.

შეაჯდა ზურგზე ყმაწვილი, მგელმა სასახლეში მიიყვანა და უთხრა: აგერ იმ ფრინველის გალია, მიდი ჩუმად, გალიას ხელი არ ახლო, ფრინველი კი გამოიყვანეო.

ყმაწვილმა არ გაუგონა, გალიას ხელი ახლო, შეიქნა საშინელი ზარის რეკა. გამოცვივდნენ მოსამსახურენი, დაიჭირეს ყმაწვილი და მიჰგვარეს ხელმწიფეს.

ხელმწიფემ ჰკითხა: ვინა ხარ, რომ აქ შემოსვლა გაბედე ფრინველის მოსაპარადო?

ყმაწვილმა თავისი ამბავი უამბო. ხელმწიფეს უნდოდა მოეკლა, მაგრამ ყმაწვილი შეევედრა. ხელმწიფემაც აპატია, მხოლოდ უბრაქანა: ერთს მეფეს რომ ოქროსფაფრიანი ცხენი ჰყავს, წადი და ის მომგვარე, თორემ ჩაგიგდებ ხელშიო.

გამოვიდა დაღონებული ყმაწვილი და უამბო თავის მგელს ეს ამბავი.

— შენ ნუ გეშინია, შემაჯექ და ახლა იქ წავიყვანო, — უთხრა მგელმა.

შეაჯდა ზურგზე და წავიდა. იარა, იარა და მივიდა იმ მეფისას. მგელმა უთხრა: აგერ ცხენი, მაგრამ ოქროს უნაგირს ხელს ნუ მოჰკიდებ, მხოლოდ ცხენი წამოიყვანეო.

ყმაწვილმა არც აქ დაუჯერა, მოჰკიდა უნაგირს ხელი, საშინელი ზარის რეკვა ატყდა. გამოცვივდნენ, დაიჭირეს ყმაწვილი და მიუყვანეს მეფეს.

აქაც გაურისხდა მეფე: როგორ გამიბედე ცხენის მოპარვო! იმ პირობით მოგიტევებ, თუ წახვალ ერთ სახელმწიფოში, სადაც ერთი მზეთუნახავი ქალი ჰყავთ, და იმ ქალს აქ მომგვრიო.

ეს ამბავიც უამბო თავის მგელს. მგელმა ზურგზე შეისვა და წაიყვანა. იარა, იარა და მივიდა იმ სასახლეში. აქ მგელმა უთხრა: ახლავი დამიჭერე, რაც გითხრა. თორემ ვეღარას გიშველიო. კარს ხელი არ ახლო, მხოლოდ ქალი წამოიყვანეო. ყმაწვილი სწორედ ისე მოიქცა და გამოიყვანა მზეთუნახავი ქალი. მაშინ მგელმა უთხრა: ამ მზეთუნახავ ქალს ნუ დავკარგავთ, მე გადავიქცევი-მავ ქალად და მიმიყვანე იმ ხელმწიფესთანაო.

გადაიქცა ქალად მგელი. ყმაწვილმა მიჰგვარა ხელმწიფეს დამიილო ოქროსფაფრიანი ცხენი. ყმაწვილი წამოვიდა. მგელიც გამოექცა იმ ხელმწიფეს და დაუხვდა წინ ყმაწვილს. ახლა ოქროსფაფრიან ცხენად გადაიქცა. ყმაწვილმა ცხენის მაგიერ მგელი მიჰგვარა ხელმწიფეს და ფრინველი მიიღო. მგელი იქიდანაც გამოიქცა და ყმაწვილს უთხრა: ახლა სამივე შენია, წადი და წაიყვანე, ნულარაფრისა გეშინიაო.

ყმაწვილმა მადლობა გადაუხადა, გახარებულმა სამივე წაიყვანა და მშვიდობით მივიდა თავის მამასთან.

მუხაკლეგია სიღვრიისა და სიმაჰრისა

იყო და არა იყო რა, იყო ერთი გლეხკაცი. ჰყავდა ერთი ვაჟი-შვილი. როცა ეს ვაჟიშვილი მოიზარდა, მამამ მოინდომა იმისი დაქორწინება, მოღალა მაჭანკლები, შემოიარა ქვეყანა, მაგრამ ტყუილად, არ იქნა იმისი ბედი არ გაიხსნა.

ადგა ბოლოს ეს ბიჭი და წავიდა მრჩეველთან. მრჩეველმა უთხრა: წადი, ამა და ამ ადგილას რომ ერთი მუხა დგას და იმ მუხის ძირში წყარო გამოდის, იქ მიდი, იმ წყაროზე პირი დაიბანე, აიხედე მალა, იქ ერთ ქალსა ნახავ, წაიყვანე და ის იქნება შენი ბედიო.

წამოვიდა ბიჭი; როგორც მრჩეველმა უთხრა, ისე მოიქცა. იპოვა მუხა, მივიდა იმის ქვეშ და დაიბანა პირი, მერე აიხედა და ხეზე ერთი ქალი დაინახა; ჩამოიყვანა და წაიყვანა ცოლად.

ის დალოცვილის გაზრდილი საკვირველი სულიერი გამოდგა: თითო ჯერზე სამ თონე პურსა ჰამდა. ცოტა არ იყოს, შეწუხდა ამ ქალის ქმარი, სადა ჰქონდა იმდენი, რომ ის გამოეკვება.

— ვისი ქალი ხარ, სადაური ხარ, ვინ არის შენი დედ-მამაო, — ჰკითხავს ქმარი, — უნდა წავიდე, შენი დედ-მამა ვნახო, თან მოსაკითხი წავეულოო.

ცოლმა ასწავლა, სადაც უნდა წასულიყო, რა მხარეზე ეძებნა სიმამრი; კაცმა გამოაცხო ექვსი თონე პური, დაკლა საკლავი, ქათამ-ონდაურები, ჩაალაგა ხურჭინში, შეჯდა ცხენზე და წავიდა.

ბევრი იარა თუ ცოტა იარა, მივიდა თავის სიმამრთან. სიმამრი უნას რწყავდა, ხნულში წყალი უდიოდა. სიძეს უნდოდა იმ წყალში გასვლა, მაგრამ მოიტაცა წყალმა თავის ცხენიანად და ჩაიტანა ბოლოში. ფართხალებს ეს კაცი, ცდილობს გამოვიდეს, მაგრამ ლამის დაიხრჩოს. შეეცოდა სიმამრს. მოსდო ბარი და გადმოავლო თავის ცხენ-ხურჭინიანად მშრალზე. წამოდგა სიძეკაცი, მიესალმა თავის სიმამრს, გამოეცნაურა.

— კაცო, რაზე დაიხრჩობოდი, ჩემი სიძე ყოფილხარ, წამო და დავისვენოთ; შენი სიდედრიც მოვა, სადილს მოიტანს, პატარა კიდევ შევქამოთ რამე.

დასხდნენ, ამოილო სიძემ რაც რამ ნამცხვარი ჰქონდა და ქათამ-ონდაურები, მოსაკითხად წამოღებული. დაუსხდნენ, დაუწყეს ჭამა. სიმამრმა მიუსვ-მოუსვა, მიჭამ-მოჭამა ყველაფერი, ლუკმა აღარა-ფრისა გადარჩა, მერე ულვაშებზე გადისო ხელი, შესცქერის სიძე კაცი, შიშით სული სცევია: მეც არ ჩამყლაპოსო.

ამხანად სიდედრიც მოვიდა, არც ის იყო პატარა ტანისა. თავზე ერთი ხახალი ედგა, ზედ ექვსი თონის ნამცხვარი ეწყო, ხელში ერთი ქილა შექამანდი ეჭირა, იქნებოდა ესე სამი კოკისტოლა.

— მოიტანე, ადამიანო? ძლივ არ მოხველ, რა დაგემართა, აქამდე ლამის შიმშილით მოვკვდეო, — უთხრა ქმარმა ცოლსა.

მოიხადა ხახალი დედაკაცმა, ჩამოდგა ძირს, დაუდგა ის შექამანდიანი ქილაც.

— ცოტა დამიგვიანდა, შექამანდი არ იყო მოხარშული, — უთხრა ცოლმა, — აი, ახლა მიირთვითო.

თვითონაც გვერდით მოუჯდა.

— ჭამე, კაცო, მე შინა ვჭამე, აქ განა იმიტომ დავეჭე, რომ ვჭამო რამე, შენა ჭამე, დაღალული ხარო.

დაუჯდა ეს სიმამრი, დაუწყო ჭამა. თითო პურს თითო ლუკმად აღებდა.

— რატომ არა ჭამ, სიძე კაცო, — ეუბნება სიძეს სიმამრი.

რასა ჭამს, შიშით მუშტისტოლა გამხდარა, მეც არ შემაყოლო-სო. სიმამრმა ეს ექვსი თონე პური და ეს იმოდენა შექამანდი სულ ერთიანად შეჭამა. ულვაშები გადიწმინდა.

საოამო ხანზე სახლში წავიდნენ. სიძეც გაიპატიჟეს. მოდიან ვზაზე. სიდედრი და სიმამრი ფეხით არიან, სიძე ცხენით მობრძან-

ღება, მაგრამ ვერ ეწევა, მიაჭენებს ცხენს, მაგრამ მაინც ვერ ეწევა-
შეეცოდა სიღედრს თავისი სიძე.

— აქ მოდი, სიძე, მოდი, ხახალზე დაჯექ, ცხენიც აქ დასვი, ხომ
ჰხედავ დავარდი.

მოუცაღა სიღედრმა, ჩამოდგა მიწაზე ცარიელი ხახალი, თავის
ცხენიანად სიძე აიყვანა და ზედ დასვა. მერე ისევ შეიღგა თავზე და
მიაქვს.

გზაზე ერთ მუხას გაუარეს. სიძე კაცი მუხაზე წკებლას მიეწვადა-
მოსატეხად. ხელი წაავლო, მაგრამ რაკი სიღედრი მიდიოდა, ველარ-
მოსაწრო ხელის გაშვება და ზედ შერჩა. რაკი სიძე კაცი ხახალში
ველარ დაინახა, სიღედრი მობრუნდა: რა მექნა, სად წავიდაო. დაი-
ნახა, რომ სიძე მუხის ტოტზე აკონწიალია.

— რას აკეთებ მანდ, სიძე ბატონო, — ჰკითხა სიღედრმა.

სიძე კი ვერ ჩამოსულა მუხიდან და გაჭირვებული ძლივს ქში-
ტინებს.

— არაფერს, ჩემო სიღედრო, ცხენისთვის წკებლა მინდოდა მო-
მეტეხნა და ამ მუხაზე გაველო.

მოგლიჯა მუხა ძირიანად სიღედრმა და დაიდვა ისიც ხახალზე.
აქლა კი, ცოტა არ იყოს, შიში მიეცა სიძე კაცსა. აქ ხეირი არ არის,
თუ თავს არ ვუშველეო. იფიქრა გულში.

— სიღედრო, წყალი მინდა დავალევიხო ცხენს. ჩამოგვსვი და
მალე მოგეწევით ისევა, თქვენ წადით, ნუ მომიცდითო.

ჩამოსვა სიღედრმა ხახალიდან თავის ცხენიანად.

ცოტა დაიცადა სიძე კაცმა და: როცა სიმამრ-სიღედრი კარგა-
მანძილს გააძღნენ, მოახტა თავის ცხენს და მოძუძგა სახლისაკენ
გულგახეთქილმა.

ლორისთავიანი ბიჭი

იყო და არა იყო რა, ღვთის უკეთესი რა იქნებოდა. იყო შაშვი
მგალობელი, ღმერთი ჩვენი მწყალობელი. იყო ერთი ცოლ-ქმარი.
შვილი არ ჰყავდათ და ღმერთს შესთხოვეს: ოღონდ ერთი შვილი
მოგვეცი და გინდ ძაღლი იყოს, გინდ ღორი, მაინც გავზრდითო.
ცოლ-ქმარს ნატვრა შეუსრულდა და ვაჟი შეეძინა. ბიჭს ღორის
თავი დაჰყვა, მაგრამ დედ-მამას მაინც უყვარდა და ისე უფრთხილ-
დებოდა, როგორც თვალის ჩინს.

ბიჭი უკვე საქორწილო გახდა. დედ-მამა დარღობდა, ღორის-
თავიან ვაჟს ვინ გამოყვებო!

ერთ დღეს ბიჭი მამასთან მივიდა და უთხრა:

— ჩვენი ხელმწიფის ქალი უნდა შევირთო.

— შენ ხელმწიფის ქალს ვინ მოგცემს, ღარიბ-ღატაკი ხარო, —
უთხრა მამამ.

— არა, უნდა წახვიდე და სთხოვო, — აჩემა ბიჭმა.

რალას იზამდა მამა. წავიდა და ხელმწიფეს მოახსენა:

— ჩემ შვილს თქვენი ქალი უყვარს და ცოლად უნდა გამოაყო-
ლო.

ხელმწიფეს გამოცხადებული ჰქონდა, რომ ვინც ერთი დღე-
ღამის განმავლობაში მის ეზოში ოქროს კოშკს დადგამდა და თავის
კარიდან ხელმწიფის სახლამდე მარმარილოს დააგებდა, ქალს იმას
მიათხოვებდა. ბიჭის მამასაც ასე უთხრა:

— შენმა შვილმა ხვალ დილამდე ოქროს კოშკი ამიგოს და ქალს
მაშინ მივათხოვებ, თუ არა და თავს მოვკრიო.

ბიჭის მამა დაღონდა, გამობრუნდა და ყველაფერი შვილს უამბო.

— ჯავრი ნუ გექნებაო, — უთხრა ვაჟმა და არხეინად დაიძინა.

მამას დილით ადრე გაეღვიძა და შვილი სახლში ველარ ნახა.
გარეთ გაიხედა და რას ხედავს! ხელმწიფის ეზოში ოქროს კოშკია
აგებული და ისე ბღღვრიალებს, რომ თვალებსა სჭრის! შვილიც
მოვიდა და მამას უთხრა:

— წადი ხელმწიფესთან და ჰკითხე, რას იტყვისო.

კაცი წავიდა და ხელმწიფეს ჰკითხა:

— ახლა რას იტყვი, დიდო ხელმწიფე, პირობა ხომ შესრულე-
ბულიაო!

— თუ შენი შვილი ხვალამდე თქვენი კარიდან ჩემ სასახლემდე
მარმარილოს დააგებს, ქალიშვილს მივათხოვებ, თუ ვერა და, მოვ-
კლავო.

მამა რალას იზამდა, შინ წამოვიდა და ხელმწიფის სიტყვები
შვილს გადასცა.

— ჯავრი ნუ გექნება, — ახლა მე ვიციო, — უთხრა ვაჟმა და
წავიდა.

მეორე დღეს ბიჭის მამა ადრე ადგა, დაინახა, თავისი ეზოდან
ხელმწიფის სასახლემდე ისეთი მარმარილოა დაფენილი, რომ თვა-
ლებს სჭრის.

ბიჭმა ისევ გაგზავნა მამა: გამიგე, ხელმწიფე კიდევ რას მიბრძა-
ნებსო. კაცი წავიდა და ხელმწიფეს უთხრა:

— დიდებულ ხელმწიფე, ჩემმა ვაჟმა ახლა ხომ ყველაფერი შეგისრულა, კიდევ რას უბრძანებო?

— ახლა წადი, შენ შვილს უთხარი, ქორწილისათვის მოემზადოსო, — ბრძანა ხელმწიფემ.

ბიჭის მამა გამოიქცა შინ და შვილს გამარჯვება ახარა. ქორწილისათვის მოემზადნენ. სტუმრები მოიწვიეს, ბიჭი ჩაჯდა ეტლში, თან წაიყვანა მყარები და ხელმწიფის სასახლისაკენ გასწია.

ხელმწიფემ ღორისთავიანი ბიჭი რომ დაინახა, გული შეუღონდა, მაშინვე ნაზირ-ვეზირებს უბრძანა, დაიჭირეთ და მოკალითო!

ბიჭმა ხელმწიფეს უთხრა:

— თუ შენი სიტყვა დაარღვიე და ქალი არ გამატანე, ამ მარმარილოს გზას ახლავე მტერად ვაქცევ და შენ სახლ-კარსა და ჯარსაც ზედ მივაყოლებო.

ხელმწიფე შეშინდა, რაღას იზამდა, ადგა და სასიძო მიიპატრია. ქალმა რომ ღორისთავიანი ბიჭი დაინახა, ტირილი დაიწყო, მამანძალით მოუსვა გვერდით სასიძოს. ბიჭმა ხელმწიფის სახლში დაიწყო ცხოვრება.

ქალი მთელი დღე სახლში იჯდა და ტიროდა, გარეთ აღარ იხედებოდა.

ერთხელ ვაჟმაც მიუსწრო, ქალი პირს იხოკდა და მოთქვამდა. შეებრაღა. ღორის ტყავი გადაიძრო და იმისთანა ლამაზი ბიჭი გადმოხდა, რომ თქვენი მოწონებული! ახლა კი შეუყვარდა ქალს ქმარი. სთხოვა, ნულარ გადაიცმევ მაგ ღორის ტყავსაო, მაგრამ ბიჭმა არ დაუჯერა და ისევ ღორის ტყავით დადიოდა. ერთ დღეს ქალმა ტყავი ჩუმად თონეში ჩააგდო და დაწვა.

ბიჭს გაეღვიძა და ტყავი მოიკითხა. ქალმა უთხრა, დავწვიო. ამ სიტყვების თქმა და ბიჭის მტრედად ქცევა ერთი იყო. მტრედი საცოდავად აჰყვილდა და გაფრინდა. ქალმა ბევრი იტირა და იღარდა, მაგრამ რაღას უშველიდა! მას შემდეგ, ქალის თვალზე ცრემლი აღარ შემშრალა, აღარც ჭამდა, არც სვამდა, იჯდა — ტიროდა, იწვა — ტიროდა და ველარაფრით აჩერებდნენ.

ხელმწიფე ძლიერ შეწუხდა და გამოაცხადა: ვინც ჩემს შვილს გაამხიარულებს, დავასაჩუქრებო.

ვინ არ სცადა ქალის გამხიარულება, მაგრამ გაგიგონიათ? წარბიც ვერ გააშლევინეს. ბოლოს, ქალმა მამას უთხრა:

— მომეცი რკინის ტანსაცმელი, სახლიდან უნდა წავიდეთ!

ხელმწიფე რაღას იზამდა, მისცა ტანსაცმელი შვილსა და გზა.

ღაულოცა. ქალმა რკინის ტანსაცმელი ჩაიცვა და მტრედის საძებრად გაეშურა.

ბევრი იარა თუ ცოტა იარა, ერთი ირემი შეხვდა. ირემს ცალი რქა ცაზე ჰქონდა მიბჯენილი, ცალი კი — დედამიწაზე. ქალმა ირემს ჰკითხა:

— კეთილო ირემო, აქეთ მტრედი ხომ არ გამოფრენილაო?

— მე მხოლოდ ერთ მხარეს ვიყურები და არ დამინახავს; იქნებ ამორე მხარეს გაფრინდაო.

ქალმა ტირილი დაიწყო. იმისი ცრემლები ზღვას ერთოდა. შეებრალა საცოდავი ქალი ირემს და უთხრა:

— მოდი, ჩემ რქებს ზევით აპყე და ცაში ავიყვანს. იქ მზისა და მთვარის დედას ჰკითხე, იმათ ეცოდინებათ, საით გაფრინდა მტრედიო. იპასუც გათხოვ, გამიგო, როგორ შეიძლება ჩემი რქებისაგან გათავისუფლებაო.

ქალი ირმის რქებს აპყვა და ზეცაში ავიდა. ერთი დიდი კოშკი დაინახა და იქით გასწია. კოშკში მზისა და მთვარის დედა ცხოვრობდა. უცხო ქალი რომ დაინახა, გაკვირვებით უთხრა:

— უიშე, შვილო, როგორ გაბედე აქ მოსვლა, მზე მოვა და დაგწვევსო!

ქალმა მზისა და მთვარის დედას ყველაფერი უამბო, მზისა და მთვარის დედას შეებრალა და ოთახში დამალა.

სალამოს მზე მოვიდა და დედას უთხრა:

— ადამიანის სუნი მომდის, ხომ არავინ მოსულა აქაო?

— ვინ უნდა იყოს, შვილო, ჩვენთან მოსვლას, აბა, ვინ გაბედავდაო! — უპასუხა დედამ. მერე მზეს ტაშტი მიუტანა და ხელები დააბანინა. პურის საჭმელად დასხდნენ. დედამ შვილს ჰკითხა:

— მთელ ქვეყანას გარშემო უვლი და საკვირველი არაფერი გინახავსო?

— საკვირველი ბევრი შემხვდა, დედი, მაგრამ იმაზე საცოდავი არაფერი მინახავს, ვიდრე მტრედად ქცეული ვაჟიო, მთელი დღე ზის საწყალი და ტირისო.

— როგორ უნდა იცნონ იმდენ მტრედებში ის ბიჭიო? — ჰკითხა დედამ.

— იმ მტრედს შავი ნიშანი აქვს, განაპირა მინდორში ზის სამ მტრედს შორისო, — უპასუხა მზემ.

— მერე, შვილო, არ შეიძლება იმის ადამიანად ქცევაო?

— როგორ არა, თუ იმ მტრედს ჩემი და ჩემი ძმის ხელისნაბან წყალს გადაავლებენ, ისევე ბიჭად იქცევაო.

დედამ მზის ხელისნაბანი წყალი ქილაში ჩაასხა და შეინახა.

მხე რომ წავიდა, მთვარე მოვიდა. დედამ იმასაც დააბანიდა ხელები და წყალი ჩუმად შეინახა. პურის საკმელად რომ დასხდნენ, დედამ ჰკითხა:

— შეილო, მთელ ქვეყანას დაჰყურებ და საკვირველი არა გინახავს რაო?

— როგორ არა, იმაზე საკვირველსა და საცოდაობას რას ვნახავდი, ქალაქში ხელმწიფის ქალი რომ იტანჯებო, — უთხრა მთვარემ.

— რად იტანჯება ხელმწიფის ქალიო?

— იმისი ქმარი მტრედად გადაიქცა და საბრალო ქალი მთელი დღე და ღამე ტირის, იმისი საცოდაობით მთელი ქვეყანა იწვისო.

— მერე, შეილო, მტრედს აღარაფერი ეშველებო?

— როგორ არა, იმ ქალმა მტრედს ხელი უნდა სტაცოს და უბეში ჩაისვას ისე, რომ მტრედმა დღის სინათლე ვეღარ დაინახოსო.

— მერე— იმის აღამიანად ქცევა როგორ შეიძლება? — ჰკითხა ისევ დედამ.

— ჩემი და ჩემი დის ხელისნაბან წყალს თუ ვინმე გადაავლებს, ისევ ბიჭად იქცევაო. — უთხრა მთვარემ და წავიდა.

მზისა და მთვარის დედამ ქალი გამოიყვანა, შვილების ხელისნაბანი წყალი გამოუტანა და გამოგზავნა. ხელმწიფის ქალმა ჰკითხა:

— იმ ირემს რაღა ეშველებო?

— რას გაჩერებულა ერთ ადგილას. რაც ძალი და ღონე აქვს, ვააქნიოს თავი და რქები დასცვივაო.

ქალი წამოვიდა და ირემს მზის და მთვარის დედის რჩევა გადასცა. ირემმა თავი გააქნია და რქები სულ დასცვივდა. გახარებულმა ქალს მადლობა გადაუხადა და მოკურცხლა.

ქალმა გზა განაგრძო. ერთ მინდორში სამი მტრედი დაინახა, შუალას მიეპარა, ხელი სტაცა და უბეში ჩაისვა. მტრედმა ბევრი იქყვილა, მაგრამ ქალმა ყური არ უგდო. მიიყვანა სახლში, მზისა და მთვარის ხელისნაბანი წყალი გადაავლო და მტრედი ისევ ბიჭად გადაიქცა.

ქალმა და ვაჟმა კვლავ იქორწინეს და ბედნიერად იცხოვრეს.

ასლანის გაზრდილი

იყო და არა იყო რა. ერთ ხელმწიფეს ორი შვილი ჰყავდა. უმცროსი ავად გაუხდა. ერთმა მოხუცმა უთხრა: ეს პატარა ისეთი გამოვა, რომ ხელს აბანინებდეთ.

ხელმწიფე გაბრაზდა: ისეთი შვილი რად მინდა, ჩემი უფროსი

გახდესო. წააყვანიან და უდაბურ ტყეში გადააგდებინა. ბიჭი ტყეში შეეჩვივა ასლანს და ამანაც გაზარდა. უფროსი შვილი დარჩა შინ. ერთ დღეს სანადიროდ წავიდა იმ ტყეში, სადაც ასლანი ზრდიდა უმცროს ძმას. უფროსმა შვილმა დაინახა ასლანის გაზრდილი ბიჭი, მაგრამ რას იცნობდა.

— არ მომკლა, შენი ძმა ვარ, — უთხრა ასლანის გაზრდილმა.

წამოიყვანა უფროსმა ძმამ იგი და ჰყავდა შინ. ასლანის გაზრდილი ისეთი ღონიერი იყო, რომ უფროსს ბევრად სჯობნიდა.

უფროსმა ძმამ გადაწყვიტა, შვიდი დღეის დას ცოლად შევიერთავო. ასლანის გაზრდილმა წაიყვანა შვიდ დღეთან, დაუძახა დევებს და უთხრა: სამოყვროდ მოვედით და თუ შეგიძლიათ, გაგვიმასპინძლითო. დევებს შეეშინდათ ასლანის გაზრდილისა და ქალი მისცეს. შვიდ დღეს ცხრა ოთახი ჰქონდა, გასაღებს ქალი ინახავდა.

ერთ დღეს ასლანის გაზრდილმა დევები სანადიროდ წაიყვანა. ხოლო ხელმწიფის შვილი და ქალი შინ დატოვა.

ხელმწიფის შვილმა ქალს გამოართვა გასაღები და ყველა კარი გააღო. მეცხრე კარზე ქალმა უთხრა: ამას ნუ გააღებ, თორემ ინანებო.

ხელმწიფის შვილმა არ დაიშალა. იმ ოთახში თურმე სამარშინწვერიანი დევი იყო დაბმული. იგი ამ ქალის წასაყვანად მოსულიყო, დევებს დაეჭირათ და ჯაჭვით დაებათ. ერთი დიდი ჯამით საჭმელი დაედოთ, მაგრამ შორიდან აცქერინებდნენ, არ აკმევდნენ.

ბიჭმა რომ ოთახი გააღო, წვერიანმა დევმა უთხრა: ეს ჯამი ახლოს მომიწიეო. ბიჭმა მიუწია. დევმა ჩაისხა მუცელში საჭმელი თუ არა, გაგლიჯა ჯაჭვი, ერთი სილა გაართვა ბიჭს, ქალი მოიტაცა და გაფრინდა. დარჩა ხელმწიფის შვილი ცარიელი.

სადამოს ასლანის გაზრდილი და დევები დაბრუნდნენ. ბიჭი გდია უგონოდ. ღია ოთახები რომ დაინახეს, დევები მიხვდნენ, რაც მომხდარიყო. ბევრი იღარდეს, მაგრამ რაღას იზამდნენ.

ასლანის გაზრდილმა უთხრა დევებს: ჩემი ძმა ჩემს მოსვლამდის აქ იყოს, მე ქალს მოვძებნი და ვიპოვი. ერთ წელიწადში დავბრუნდებიო. ასლანის გაზრდილმა ისინი აქ დატოვა და მარტო წავიდა ქალის საძებრად. ერთხელ ზღვის პირას გაიარა, ზღვიდან უღელი კამეჩი გამოვიდა და ჰიდაობა დაიწყეს. ამ დროს ზღვის კაცი გამოვიდა, ჩაავლო კამეჩებს ხელი, ერთი ცხრა მთას იქით გატყორცნა, მეორე — რვა მთას იქით. ასლანის გაზრდილს ეს გაუკვირდა და უთხრა:

— რა მკლავში გაქვს ამდენი ძალაო?

— მე რაო, კაცი ის არის, ვინც შვიდი დევი მოყვრად გაიხადაო.

— ეს ხომ მე ვარო, — უთხრა ასლანის გაზრდილმა.

— აბა, ვიძმოდ, — და დაძმობილდნენ.

წავიდნენ ორივენი. ერთი წყალი ჩამოდის. ზედ კაცი გადაბჯენი-
ლა ხილად, ურემი გადის-გამოდის, მაგრამ დრეკა არა აქვს. რომ გა-
დავიდნენ, ასლანის გაზრდილმა ჰკითხა:

— კაცო, რა წელი გიძლებს. ამოდენა ტვირთს როგორ იტანო?

— მე რაო, კაცი ის არის, ვინც შვიდი დევი მოყვრად გაიხადაო.

— ეს ხომ მე ვარო, — უთხრა ასლანის გაზრდილმა. დაძმობი-
ლეს ეს კაციც და გახდნენ სამნი. წავიდნენ. კითხულობენ იმ წვერიან-
ხი დევის კვალს.

ერთ ალაგას დადგნენ. გაუვალი ტყეა. ღამეც იქ არიან და დღეცა.
ცოტა მოშორებით წყალი ჩამოდის. ინადირეს, ზღვის კაცს ნანადი-
რევის მოხარშვა დაავალეს, ბოგირის კაცი და ასლანის გაზრდილი
სანადიროდ წავიდნენ.

ზღვის კაცი კერძს ხარშავს. თვალი მოჰკრა სამარშინწვერიან
დევს. დევმა წყალი დალია და მივიდა ზღვის კაცთან.

— რასა ხარშავო? — ჰკითხა.

— ხორცსაო! — უპასუხა მან.

დევმა აიღო ეს ხორციანი ქვაბი და სულ ჩაისხა მუცელში.

— ეგ რა მიყავი, ძმობილებს როგორ უნდა დაეხვდეთ! — გაჭავ-
რდა ზღვის კაცი.

დევი მოუბრუნდა, ერთი სილაც გააწნა და წააქცია. მეგობრები
რომ დაბრუნდნენ. ჰკითხეს ზღვის კაცსა:

— რა მოგივიდაო?

— ავად გავხდი და არ ვიცი, ვინ შეჰკამა კერძიო.

ნამდვილი ამბავი არ გაამხილა.

ახლა ბოგირის კაცი დარჩა კერძის გამკეთებლად, ზღვის კაცი და
ასლანის გაზრდილი სანადიროდ წავიდნენ. ხარშავს ხორცს. სად იყო.
სად არა, კიდევ მოვიდა სამარშინწვერიანი დევი, წყალი დალია, მთე-
ლი ქვაბი კერძი მუცელში ჩაისხა, ბოგირის კაცს ერთი სილა გააწნა,
მიწაზე დასცა და წავიდა.

მონადირეები დაბრუნდნენ. კერძი არ დახვდათ. არც ამან გაამხი-
ლა, თუ ვინ გააწნა სილა. ახლა ასლანის გაზრდილი ხარშავს კერძს,
ორი ძმობილი კი სანადიროდ წავიდა. ასლანის გაზრდილმა დაინახა
წვერიანი დევი.

— რასა ხარშავო? — შეეკითხა დევი.

— ხორცსაო! — უპასუხა ასლანის გაზრდილმა.

დევმა აიღო ქვაბი და კერძი რომ უნდა ჩაეხსა მუცელში, ეცა
შაშინვე ასლანის გაზრდილი, მიათრია წყაროსთან და დიდ ხეზე თა-
ვისივე წვერით მიაბა. ხორცი მოხარშა. ძმობილებიც დაბრუნდნენ,

გაშალეს სუფრა და პურსა ჭამენ. წყალი მოსწყურდათ. წავიდა ზღვისკაცი. დაინახა წვერიანი დევი, შეშინდა და უკან დაბრუნდა ხელცარიელი, ვერც ბოგირის კაცმა მოიტანა წყალი. ბოლოს ასლანის გაზრდილმა მოიტანა წყალი. სადილის შემდეგ ასლანის გაზრდილს დაეძინა. წვერიანმა დევმა იმდენი იწია, რომ ძირიანად მოგლიჯა ხე და წათრია. ბოგირისა და ზღვის კაცები შეშინდნენ. გააღვიძეს ასლანის გაზრდილი. ამასობაში დევმა წვერი გაგლიჯა და თავს უშველა. ძმობილები გამოუდგნენ და დაინახეს, რომ დევო ერთ ალაგას ორმოში ჩახტა. სამივე იმ ორმოს მიადგა.

წვერიან დევს ერთი უბრალო სახლი ჰქონდა. ასლანის გაზრდილი ბანზე ავიდა და სახლში თავისი რძალი დაინახა. დევიც იქვე იყო, დაღლილი დაწოლილიყო და ეძინა. ასლანის გაზრდილმა ქალს ჩასძახა: გამიგე, მაგის სული რაშიაო.

წვერიანს რომ გამოეღვიძა, ქალმა ჰკითხა: მითხარი, შენი სული რაშია, შენ რომ აქ არ იქნები, იმაზე ვილოცებო.

— ჩემი სული ფილთაქვაშიაო.

ქალმა ეს ფილთაქვა ააყვავა, სულ ეალერსება. წვერიანმა თქვა: ვყვარებივარო.

— ჩემი სული მაგაში როდია, ცოცხშიაო.

ახლა ცოცხი მორთო ქალმა.

როცა დარწმუნდა ქალის ერთგულებაში, დევმა უთხრა: ჩემი სული ნამდვილად სხვაგან არის. ამ ბანიდან ერთი მთა ჩანს, იქ წყარო ჩამოდის, იმ წყაროში ერთი კოლოფი დევს. კოლოფში სამი ჩიტო ზის და მათ აქვთ ჩემი სულიო; ერთი რომ მოკვდეს — გამაიციებს, მეორე — გამაცხელებს და მესამე რომ დაიღუპოს, მეც თან გადავყვებიო.

ეს გაიგონა ასლანის გაზრდილმა და მაშინვე წავიდა. ის მთა გადაიარა, წყარო იპოვა, კოლოფი ამოიღო, ნახა სამი ჩიტო, სამივეს მაშინვე წააგლიჯა თავი და წვერიანი დევიც მოკვდა.

წვერიან დევს ბევრი სიმდიდრე ჰქონდა. ეს ასლანის გაზრდილმა ქვევიდან მოაწოდა ამხანაგებს. ქალმა უთხრა:

— მოდი, ჯერ შენ ადი და მერე მე ამიყვანეო.

— არა, როგორ იქნება, ჯერ შენ ადიო.

— ამხანაგები გიღალატებენ, ჯერ შენ ადიო, — კვლავ უთხრა ქალმა.

არ დაიშალა ასლანის გაზრდილმა და სიმდიდრე რომ მიაწოდა, მერე ქალიც აუშვა. ქალმა უთხრა: თუ ამხანაგებმა გიღალატეს და არ აგიყვანეს, აქ გამოივლას ორი ერკემალი, ერთი შავი, მეორე თეთრი

და დაიწყებენ თამაშს, თუ თეთრზე შეახტები, მაღლა ამოგაგდებს, თუ შავზე — ქვესკნელში ჩაგაგდებსო. იმდენი ეცადე, თეთრს შეახტო.

ამხანაგებმა მართლა უღალატეს, აღარ ამოიყვანეს. წაიღეს ეს ქონება და წაიყვანეს ქალიც. დარჩა ასლანის გაზრდილი ორმოში. სად იყო, სად არა, გამოჩნდა ორი ერკემალი. თამაშობენ. ეწველა, მაგრამ ვერ შეახტა თეთრს. შეახტა შავს და ჩავარდა ქვესკნელში. ასლანის გაზრდილი მივიდა ერთ სახელმწიფოში. ნახა ერთი ბებერი დედაკაცი.

— წყალი დამალევინეო! — სთხოვა ბებერს.

— სად არის, შვილო, წყალი, წყალი გველვეშაპს უჭირავს, სახელმწიფო კი უწყლოდ იხრჩობა. ახლა ხელმწიფემ გასათხოვარი ქალი მისცა. გველვეშაპი ჭერ მას შეჭამს და ცოტა წყალს დაგვითმობსო.

ასლანის გაზრდილმა უთხრა: მომეცი ქურჭელი, წყალს მე მოვიტანო!

აიღო კოკა და წავიდა. ნახა, ხელმწიფის ქალი ზის და ტირის.

— რად ტირიო? — ჰკითხა ასლანის გაზრდილმა.

— გველვეშაპმა უნდა შემჭამოს და განა სატირალი არა მაქვსო! ასლანის გაზრდილმა თავი კალთაში ჩაუდო და დაიძინა: როცა გველვეშაპი მოვიდეს, გამაღვიძეო.

მოდის გველვეშაპი. ქალი ვერ აღვიძებს. ცრემლი ჩამოსდის, აეწვა თვალები. ასლანის გაზრდილს გაეღვიძა, ესროლა და გველვეშაპი იქვე მოკლა. ქალმა სისხლში ხელი ჩაყო და ზურგზე დაადო ასლანის გაზრდილს, თვითონ კი მამასთან გაიქცა. ასლანის გაზრდილმა მიუტანა ბებერს წყალი.

ხელმწიფე ქალს გაუჭავრდა: გველვეშაპი ხომ ყველას დახოცავს. რად გამოიქეცი, ახლავე გაბრუნდიო!

— გველვეშაპი მოკლესო! — უთხრა ქალმა. ხელმწიფეს გაუხარდა და გამოაცხადა:

— ვინც ის გველვეშაპი მოკლა, ჩემი ქალი იმას უნდა მივათხოვო.

შეყარა მთელი სახელმწიფო. დაიბარა ასლანის გაზრდილი და თავისი მზეთუნახავი შესთავაზა.

— არა, აქ ვერ დავრჩები, ზეციდან ვარ ჩამოსული და იქ ამიყვანეო, — სთხოვა ასლანის გაზრდილმა.

— მე ზეცაში ვერ ავიყვან, მაგრამ გზას კი გასწავლიო: ერთ ფასკუნჯს შვილებს უჭამს გველვეშაპი, თუ იმ გველვეშაპსაც მოკლავ. ფასკუნჯი ავიყვანსო.

ასლანის გაზრდილი წავიდა. მივიდა იმ ხის ძირში, სადაც ფასკუნჯს ბუდე ჰქონდა. მოკლა გველვეშაპი და ბარტყევი გადაარჩინა. ფასკუნჯმა უთხრა:

— შვილების გადარჩენისათვის რას მთხოვო?

— ზეცაში უნდა ამიყვანო!

— მოპიტანე შვიდი ხარი, შვიდი რუმბი წყალი, დამიწყვე ჭრთებზე, შემაჯექ ზედა და აგიყვანო.

კამოართვა ხელმწიფეს შვიდი ხარი და შვიდი რუმბი წყალი. დააწყო ფრთებზე ფასკუნჯს და ვაფრინდნენ. ფასკუნჯმა უთხრა:

— რამდენიც ფრთა ავიქნით, იმდენი ხარი და რუმბი წყალი ზომეციო.

ასეც მოიქცა. ზესკნელამდე ცოტა იყო დარჩენილი, როცა გამოელა ხორცი. ასლანის გაზრდილს შეეშინდა, ისევ ქვევით არ წაპიყვანოსო. კუნთი გამოიჭრა და ჩაუდო პირში. ავიდნენ ზესკნელში. ასლანის გაზრდილმა კოჭლობა დაიწყო.

— ეს ტკბილი ხორცი რისა იყო? — ჰკითხა ფასკუნჯმა.

— მე გამოვიჭერიო.

— რომ მცოდნოდა, ასეთი ტკბილი ხორცი გქონდა, იქვე შეგკამდიო.

გამოიძრო ფრთა, მიუსვ-მოუსვა და მოარჩინა.

წამოვიდა და თავისი ამხანაგები დაინახა, ქალი შორიახლო ზინ, ისინი ერთად სხედან. ესროლა ასლანის გაზრდილმა და ორივე დახოცა. წამოიყვანა ქალი და მოვიდა დევებთან. დევებს და ძმას დიდად გაეხარდათ. გადაიხადეს დიდი ქორწილი და მეორე დღეს წამოვიდნენ დედ-მამასთან. გახარებულმა ხელმწიფემ ასლანის გაზრდილს ხელები დააბანინა. ახლა კი გაიგო, რომ მისი შვილი იყო და მოხუცის სიტყვებიც ასე ასრულდა. შემდეგ ცხოვრობდნენ ბედნიერად.

ქირი იქა, ლხინი აქა.

ნაცარი იქა, ფქვილი აქა.

გოლოლა

იყო ერთი ხელმწიფე. ცოლი ჰყავდა და შვილი კი არა.

მეფე საგონებელს ჩავარდა. ერთ დღეს გამოვიდა სასახლის აივანზე, სავარძელში ჩაჯდა და მიეცა ფიქრს.

ამ დროს გამოიარა ერთმა ქაჯმა და მოახსენა: დიდებულო ხელმწიფე, რას დაფიქრებულხარო? ხელმწიფემ უპასუხა: რას დავფიქ-

რებულე:რ და აგერ ოთხმოცი წლისა ვარ და შვილი არა მყავს; კვიქრობ, ეს ჩემი სახელმწიფო ვის ჩავაბარო.

— კარგი, დიდებულო ხელმწიფევე. მე ისეთს წამალს მოგცემთ. რომ სამ წელიწადში სამი შვილი გეყოლოთ, ერთი მე და ორი თქვენათ.

ხელმწიფემ უბრძანა: ოღონდ შვილი მეყოლოს და ორი შენ და ერთი მეო.

— არა, ბატონო, ერთი მე და ორი თქვენათ, — მოახსენა ქაჯმა.

მისცა წამალი და დედოფალს მართლა სამ წელიწადში სამი შვილი ეყოლა. თუ სხვანი წლითა და თვით იზრდებოდნენ, ისინი კვირითა და დღითა.

შვიდი წელიწადი რომ გავიდა, მოვიდა ქაჯი და მოახსენა ხელმწიფეს: აბა, პირობაზე როგორ ხარო?

— მე ძალიან კარგად ვარ და არც ჩემს პირს გადავალ, რომელიც გინდა, წაიყვანეო.

დაიბარა უფროსი შვილი და უთხრა: აი, შვილო, მე ოთხმოცი წლისა ვიყავ და შვილი არა მყავდა, მერე ამ კაცმა ისეთი წამალი მომცა, რომ სამ წელიწადში სამი შვილი მომეცა და პირობა კი ისე გვქონდა, რომ ამ სამ შვილში ერთი ამისათვის უნდა მიმეცა და უნდა შენ გაჰყეო.

ვაჟმა უთხრა: აქედან გამეცალოს, თორემ ასეთ წამალს მივცემ. გზა ველარ გაიგნოსო! მეორემაც ასე უთხრა.

ბოლოს დაიბარა უმცროსი შვილი. უმცროსმა შვილმა მოახსენა: რა უშავს, მამა, ეგეტ ადამიანია და თქვენცა, გავყვებიო.

დაემშვიდობა დედ-მამას და გაჰყვა.

ქაჯი შეჰდა ცხენზე, ყმაწვილი უკან შემოისვია და უცებ გაქრა. მეფემ და დედოფალმა ტარილი დააწყეს. ნეტავი ან გვარი გვეკითხა ან სახელი, თუ ცოცხალს ველარ ვნახავდით ჩვენ შვილს, მკვლარი მაინც გვეპოვნათ.

ამასობაში ქაჯმა იარა. იარა და მივიდა ბინაზე. მეფის შვილი ცხრაკლიტულში შეიყვანა და უთხრა: დაჯე, შვილო, სადილს მოვიტან და ერთად გქაჯითო.

ქაჯი გამოვიდა, ცხრა კარი დაკეტა, გასაღები და ერთი დანა თავის დედას გადასცა და უთხრა: ცხრაკლიტულში ერთი ცხვარი დავამწყვდიე, ეგ დანა სამი დღე და ღამე ლესე, ის ცხვარი დაკალ და მუჟუჟად ჩადეო.

დედაბერმა სამი დღე და ღამე ლესა ის დანა, მეოთხე დღია რომ გათენდა. ადგა. ცხრაკლიტული კარები გააღო და თქვა: სად ხარ,

ჩემი შვილის მოყვანილო ბატკანო, უნდა დაგკლავო. მეფის შვილი გამოვიდა და ჰკითხა: რა იყო, დედო?

დედაბერმა უპასუხა: დედა არ გეთქვა, ეს დანა შენთვის მომქონდა. ყელი უნდა გამომეჭრაო.

მოჰკიდა ხელი და გამოიყვანა. აჭამა პური, მასუქან ბოსელში შეგზავნა და უთხრა: რომელი რაშიც მოგეწონოს, გამოიყვანე, შეჯექ და წადიო. მისცა სამი ნივთი: სავარცხელი, ერთი შუშა ზეთი და სალესავი ქვა.

მეფის შვილი წავიდა, გზაში რაშია უთხრა: ქაჯი რომ ახლა რაშხე ზის, ის რაში დედაჩემია. ვიცი, გამოგვიდგება, ეტყვის ქაჯს: შენი მოყვანილი მეფის შვილი წავიდა, ჩემს შვილზე ზის და ისე მიდისო. მალ-მალ მიიხედე უკან, თორემ დაგვეწევა და დაგვიჭერს, შენც მოგკლავს და მეცაო. დედაჩემი რომ გამოჩნდეს, სავარცხელი გადააგდე და ატყდება ტყეო. სანამ იმას გაკაფავს, ჩვენ კარგა გზას გავივლითო. მერე თუ კიდევ დაგვეწიოს, გადააგდე სალესავი, ამოსდება კლდე. სანამ ამ კლდეს გატეხს, კიდევ კარგა გზას გავივლით და, თუ კიდევ დაგვეწიოს, უკან გადაღვარე ზეთი, ერთი წვეთი წინ არ გადაგელვაროს, თორემ გაჩნდება ზღვა და ზღვასა და ზღვას შუა მოვემწყვედევითო.

მიიხედა უკან მეფის შვილმა და უთხრა თავის რაშს: ბუზის ტოლა მოჩანსო.

— მაშ, ჯერ კარგა გზას გავივლიო.

— აბა, კიდევ მიიხედეო.

მიიხედა და უთხრა:

— არიქა, ხელი მტაცაო!

— გადააგდე სავარცხელიო.

გადააგდო სავარცხელი და გაჩნდა ტყე.

კარგა გზა რომ გაიარეს, რაშია უთხრა:

— აბა, მიიხედეო.

მიიხედა და უთხრა:

— ბუზის ტოლა მოჩანსო.

— მაშ, ჯერ კიდევ კარგა გზას გავივლიო.

მიდის ყმაწვილი. რაშია უთხრა:

— აბა, კიდევ მიიხედეო.

მიიხედა და უთხრა:

— არიქა, ხელი მტაცაო!

— გადააგდე სალესავიო.

გადააგდო და გაჩნდა კლდე.

გაიარეს დიდი გზა და რაშმა უთხრა:

— მიიხედო.

— ბუზის ტოლა მოჩანსო.

გაიარეს კიდევ კარგა გზა.

— აბა, მიიხედო, — უთხრა რაშმა.

მიიხედა და უთხრა:

— არიქა, ხელი მტაცაო!

— უკან გადაღვარე ზეთიო.

ერთბაშად აიქნია შუშა და ერთი წვეთი კი წინ გადაედვარა.

ღარჩნენ ზღვასა და ზღვას შუა. რაშმა უთხრა: ჩამოხტი, ახლა დავისვენოთო. ყმაწვილმა რაში გაუშვა და თვითონ წამოწვა. ქაჯი კი სცემდა რაშსა: ზღვაში გადი, უნდა დავიჭირო მეფის შვილიო!

— ვერ გავალ, შენც დაიხრჩობი და მეცაო, — უთხრა რაშმა.

ქაჯი მაინც სცემდა: უნდა გახვიდე, არ შეიძლებაო.

მეფის შვილის რაშმა დედას დაუთხრა: კარგი, აღარა გრცხვენია. რომ მეც მომკალი და შენი თავიც მოიკალი. ახლა გატრიალდი უკანვე, თორემ თქვენი გამოსვლა და დახოცვა ერთი იქნებაო. რაშმა უთხრა ქაჯს: გესმის, რას მიქადის ჩემი შვილიო. ადგა ქაჯი და უკან გამობრუნდა. მაშინ რაშმა უთხრა მეფის შვილსა: ადე, შემეკაზმე და ისე მომჩივრე მოსართავეები, რომ ხელი შემომხვიო ზედაო. ყმაწვილმა შეკაზმა, შეჭდა. რაში შეცურდა ზღვაში და გავიდა მეორე ნაპირს.

მიდიან გზა-გზა და დაულამდათ. რაშმა უთხრა ყმაწვილს: ხედავ სინათლეს, ნემსის ყუწწის ოღნად რომ მოჩანს? იმდენი უნდა ვიაროთ, რომ იმ სინათლესთან მივიდეთო.

იარეს ბევრი და მივიდნენ. იქ დახვდათ რვა ძმაკაცი, დიდი ცეცხლი ენთოთ, ზედ ედგათ საარაყე ქვაბი, ხორციტ სავსე. გადმოხტა მეფის შვილი. მიიხედ-მოიხედა, დაინახა, რვა ძმაკაცი ნაბაღში გახვეულა, გვერდით კი ცხენები უბიათ. მისწი-მოსწია და თავისი რაში შუაში ჩააბა, დაუყარა თივა-ქერი, თვითონ მივიდა ცეცხლთან, საარაყე ქვაბი ნეკით გადმოდგა, ამოიღო ხორცი, შექამა რამდენიც უნდოდა, მერე თვითონაც შუაში ჩაუწვა რვა ძმაკაცს. დილა რომ გათენდა, აიშალნენ, თავ-თავიანთ ცხენებს მისცივდნენ. ნახეს, ერთი ცხენი მეტი იყო და გაუკვირდათ: ეს ვილასიაო. მერე ნაბღები დასინჯეს და ნახეს, კაცი იწვა.

— მოკვლათო, — უთხრეს ერთმანეთს.

უფროსმა თქვა:

-- გაიღვიძოს და ვნახოთ, რას იტყვისო.

შუალღე გადავიდა და კიდევ ეძინა.

ბოლოს წამოდვა, მიიფშენიტ-მოიფშენიტა თვალეზი და უთხრა ყველას: გამარჯობათ, ძმებო. სალამი მისცეს და უთხრეს: გამარჯობა კი, მაგრამ აი, იმ ბაირალს ხედავ, იქ რომ არჰვია და ცისთვის წვერი მიუბჯენია? კაი ბიჭი იქნები, თუ იქ ახვალ, ზევით რომ ბაღდადია, მოხსნი და ჩამოიტან. თუ ვერ ჩამოვიტანია, თავს მოგპკითო.

— მეტს ნურაფერს მიბრძანებთ და მაგას ახლავე შევასრულებო,—უთხრა მეფის შვილმა. გაიხადა ფეხთ, ავიდა და მოხსნა ბაღდადი. ძმებს გაუკვირდათ: თხუთმეტი წელიწადია ვერ მოგვიხსნია და ამან როგორ მოახერხაო.

მეფის შვილმა დაკეცა ბაღდადი, ჩაიდო ჯიბეში და ჩამოსვლა დააპირა. ამ დროს წივილ-კივილით წამოვიდა ზემოდან ქალი, დააფრინდა და მალლა აიტაცა.

ვაჟმა იმდენი იღონა, რომ ქალს თმაში წაავლო ხელი. გაჩაღდა საშინელი ბრძოლა. ბოლოს ვაჟმა აჯობა. ქალს მარჯვენა ოქროს ქოშიც წაართვა და მერე ძირს დაეშვა გამარჯვებული.

— წავილოთ და ქოში გავყვიდოთო, — უთხრეს ძმაკაცებმა.

წაიღეს გასაყიდად ეს ქოში. შეხვდათ ვაჭარი, გამოართვა ქოში, სინჯვა დაუწყყო და თქვა: ეს ხომ ჩემი ცოლის ქოშიაო. წაიყვანა ძმები და დააჭერინა.

— მაშ კარგიო, — უთხრა მეფის შვილმა, — მე წავალ და ვადად დამიღე სამი წელიწადი, სამი თვე, სამი კვირა, სამი დღე, სამი საათი, სამი წამი. თუ ამ დროზე მოვედი და ამ ქოშის ცალიც მოვიტანე, ხომ კარგი, თუ არადა, ეგენი დაახრჩეო.

მეფის შვილი წავიდა. დაინახა, ერთ ადგილას ჯარი რაღაცას დახვევია. მივიდა და იკითხა: რა ამბავიაო?

— ეს ერთი მეფის შვილია, თხუთმეტი წელიწადია ერთი ჯადოქალი მოდის, დღისით ქვად გადააქცევს და ღამით აცოცხლებს, გათენებისას კი ხელახლა აქვავებსო.

მეფის შვილმა კვლავ იკითხა: ცოცხალი რომ გაჩვენოთ. რას მომცემთო?

ეს რომ გაიგონეს, გაიქცნენ მეფესთან და მოახსენეს: კაცი გამოჩნდა, რომელიც თქვენი გაქვავებული შვილის გაცოცხლებას ღამობსო.

დაიბარეს მეფის შვილი. ადგა და მოვიდა. მეფემ ჰკითხა: თქვენ გამიცოცხლებთ ჩემს შვილსა, თვალთ მაჩვენებთო?

მეფის შვილმა მოახსენა: დღესვე ერთი ოთახი დამიდგით, ორი სარკმელი და ორი კარი დაატანეთ, შიგ ტახტი დადგით და ზედ ის გაქვავებული ვაჟი დაასვენეთო.

გაუკეთეს ისე. როგორცა თქვა. ბოლოლამ, ეს სახელი ერქვა

მეფის შვილს, კარი ცოტა ღია დატოვა, თვითონ ტანტქვეშ შეძვრა. მოვიდა ქალი, გამოაღო კარი და შევიდა, მიიწედა-მოიხედა, არავინ დახვდა. ამოიღო ჯიბიდან სამი წკეპლა, დაარტყა ერთი, შეინძრა, დაარტყა მეორე, შეინძრა, მესამე რომ დაარტყა, ყმაწვილი გაცოცხლდა. გათენებისას ისევ გააქვავა. ბოლოლა გამოაჭრა ტახტის ქვეშიდან.

მეორე ღამეს კიდევ უღარაჯა. ქალი მოვიდა, წკეპლები რომ ხელში აიღო, ბოლოლა მივარდა და წაართვა.

ქალ-ვაჟმა იმდენი იომა, რომ ვაჟს კაბის ნაჭერი ხელში შერჩა.

ბოლოლამ დედ-მამასთან კაცი გაგზავნა და შეუთვალა: მოდი, თქვენი შვილი ნახეთო. ამოიღო წკეპლები ერთი დაარტყა და შეინძრა, მეორე დაარტყა და შეინძრა, მესამე რომ დაარტყა, ყმაწვილი წამოვარდა და ბოლოლას გადაეხვია, დაუწყო კოცნა.

ბოლოლამ ჰკითხა: რამდენი წელიწადია, რაც ეგრე ხარო?

— თხუთმეტი წელიწადია, რაც ამ ყოფაში ვარო.

— დედ-მამა არ გინახავსო?

— არაო.

— გინდა გიხვენო?

— როგორ არ მინდაო.

დედ-მამა შემოცვივდა, მოეხვიენენ ბოლოლას და კოცნა დაუწყეს: მეფედ შენ უნდა დაგსვათ და შვილიც შენ იქნები ჩვენიო.

— მე მეფობა არ მინდა, — უთხრა ბოლოლამ, — მომეცით ექვსი გემი პური, სამი დაფქული და სამიც დასაფქვევიო.

ყმაწვილის დედ-მამა დიდ უარზე იყო, მეტის ღირსი ხარო, მაგრამ ბოლოლა თავისას არ იშლიდა. აიღეს და მისცეს ექვსი დატვირთული გემი. თვითონ უკანა გემში ჩაჯდა და გაუდგა გზას. ზღვის ნაპირას ის ქვეყანა იყო, სადაც ერთ დროს ცხოვრობდა ქაჯი. შუა ზღვაში რომ შევიდა, შეატყო, გემი იღუპება, იძირება. ბოლოლა გადახტა წინა გემზე, ჩაიხედა ზღვაში და დაინახა, რომ ქალმა შუბი ატაკა გემს. ბოლოლა სწვდა მაჯაში, შუბიც წაართვა და სამაჯურიც წააძრო მაჯიდან. გემი გადაარჩინა და გავიდა ნაპირს. პური ზოგი გაყიდა და ზოგი ხალხს დაურიგა.

ბოლოლამ თქვა: წავალ, ერთი ვნახავ. ქაჯი ცოცხალია. თუ არაო. მივიდა ქაჯის სახლში, შევიდა ცხრაკლიტულში, მიიხედ-მოიხედა, არავინ დახვდა. კარში გამოვიდა და ნახა, რომ ერთი ბებერი კაცი მოდის.

— შენ ის შეჩვენებული ქაჯი იქნებიო, — უთხრა ბოლოლამ. შემოჰკრა და იქვე მიწაზე გაამტვერა. შევიდა ისევ იმ

სახლში, ნახა ვაშლილი სუფრა და ზედ სამი კერძი და სამი ხელადა ღვინო, თითო-თითო ჭიქაც უდგა თითო კერძს. სამივედან თითო ლუკმა შეჭამა, სამი ჭიქა ღვინოც დალია და მერე ტახტქვეშ შედგრა.

სამი ქალი გამოვიდა ოთახიდან და საქმელად დასხდნენ. უფროსმა თქვა: ჩემ კერძს აკლიაო. დანარჩენებმაც იგივე თქვეს. დაიწყეს ჭამა. დაასხა უფროსმა ქალმა ერთი ჭიქა ღვინო და თქვა: ღმერთმა აცოცხლოს ის ყმაწვილი, ბაღდადი რომ ჩამოხსნა, მე ფეხიდან ქოში წამაძრო და წაიღოო.

— ამინო! — გაიმეორეს და დალიეს.

დაისხა შუათანამ: ღმერთმა აცოცხლოს ის ვაჟი, თხუთმეტი წელიწადი ერთს ყმაწვილს რომ ღამე ვაცოცხლებდი და დღე ვკლავდი და იმან გაათავისუფლაო.

— ამინო! — თქვეს.

ახლა მესამე ქალმა დაიძახა: თხუთმეტი წელიწადი ერთი მხარე მშვიერი მყავდა და მეორე მძღარი, ზღვაში გემებს ვლუპავდი და ერთმა ყმაწვილმა კი შუბიცი მომტაცა და სამაჯურიც წამაძრო მაჯიდან. ღმერთმა აცოცხლოს ის ყმაწვილიო. — ამინო! — და დალიეს ეს მესამეჯერაც. ბოლოლა გამოძვრა ტახტის ქვეშიდან, მივიდა სუფრასთან, ერთი ჭიქა ღვინო დაისხა და მადლობა გადაუხადა სადღეგრძელოსათვის. უფროს ქალს ქოში და ბაღდადი მიართვა, შუათანას — წყებლები და კალთის ნახევი, უმცროსს — შუბი და სამაჯური. მისცვივდა სამივე: არა მე უნდა შემირთო, არა მეო.

— მომეცით ამ ქოშის ცალი და მე თქვენ პატრონს გაგიჩენთო.

გააღეს ოთახი და მისცეს ერთი ცალი ქოში.

ბოლოლამ ქოში წაიღო, მივიდა რვა ძმასთან სწორედ იმ დროს, როდესაც კიდევ უნდა დაეხრჩოთ. ბოლოლამ უთხრა: აი, მოვიტანე ცალი ქოშიც და ამ ჩემს ძმებს ნულარ დასჯითო.

მერე ბოლოლა ქალებთან დაბრუნდა, გამოიყოლა სამივე, მივიდა შინ და უფროსი ქალი უფროს ძმას მიათხოვა, შუათანა— შუათანას და უმცროსი კი თვითონ შეირთო.

სამი ძმა და მათი და

იყო სამი ძმა. ჰყავდათ ერთი და. დედ-მამის სიკვდილის შემდეგ ძმებს ურიცხვი ხარი და ძროხა დარჩათ. ის და გამხეცებული ვინმე იყო, მუდამ ტყეში ცხოვრობდა. მიეჩვია თავისი ძმების ჯოგს. ყოველ ღამე ჯოგში საუკეთესოს ირჩევდა, ტანს ჭამდა, თავს კი სად-

ლაც შორს გადაადგებდა ხოლმე. შეწუხდნენ ძმები, არ იცოდნენ, როგორ დაეცვათ ჯოგი დის ღორმუცელობისაგან. ივეზირეს და ისე გადაწყვიტეს: თითო ძმას ყოველდღე მორიგეობით უნდა ედარაჯნა პირუტყვისათვის.

პირველ ღამეს უფროს ძმას შეხვდა ჯოგის დარაჯობა. დარაჯობს უფროსი ძმა შუალამემდე, შუალამის მერე ძილი მოერია და დაიძინა. გათენებისას მოვიდა და, ხარი აირჩია ჯოგში, ტანი შექამა, თავი იქვე დაავდო. ნახა ეს მეორე დღეს უფროსმა ძმამ, ძლიერ ეწყინა. მაგრამ რას უშველიდა. შინ წამოვიდა.

მეორე ღამეს საშუალო ძმა წავიდა სადარაჯოდ. შუალამემდე ამა-ნაც უყარაულა ჯოგს, შუალამის მერე დაეძინა. გათენებისას ისევ მოვიდა და, საუკეთესო ძროხა ამოირჩია, სტაცა ხელი, ტანი შექამა, თავი იქვე დაავდო. საშუალო ძმაც შეწუხებული დაბრუნდა შინ.

მესამე ღამეს უმცროსი ძმა წავიდა ჯოგის სადარაჯოდ. შუალამემდის იძინა, ნაშუალამევს გამოიღვიძა, გათენებისას მოვიდა კიდეც ის ალქაჯი, დაერია ჯოგს, ყველას მოერია, მხოლოდ ერთი ურქო ხარი — ბაბუ ვერ დაიმორჩილა. ამ ღამეს ჯოგში ვერც ერთი სული ვერ დააშავა. მეორე დღეს უმცროსი ძმა შინ მოვიდა. უთხრა თავის ძმებს, გავიყაროთო. ჩემ წილად არაფერი მინდა სხვა, მხოლოდ ურქო ხარი მომეცითო.

— თუ არ გეცოტავენა წილად, ბაბუს როგორ არ მოგცემთო, — უთხრეს ძმებმა.

მიიღო წილად უმცროსმა ძმამ ბაბუ, ჩააბა ბაწარი და გასწია თავის გზაზე. იარა, იარა, ორ ზღვას შუა მივიდა. აქ ერთი დევი ცხოვრობდა. მიადგა დევის კარს და დაუძახა:

— დედავ, კარი გამიღეო!

— ჰე, ისემც აშენებულხარ, ვილაც ხარ, მე დედის დამძახებელი ვინმე მყავდეს! ერთი შვილი მყავდა და ისიც შარშან ლაშქარს მომიკლესო!

— არა, არ მოუკლავთ, მე ვარ შენი შვილიო!

ქალმა ვერაფერი თქვა, ჩაჯდა, ხელები დაიბანა, გობი გამორეცხა და ფქვილი მოცომა.

— დედა, რას შერები მაგასაო, — უთხრა ამ კაცმა.

— აბა, რა უნდა ვქნა, მკავეწყალი აქვე გამოდის, მაგრამ სამი დევი დაეპატრონა და მე არ მანებებენო.

წავიდა ეს კაცი, მკავეწყალი ნახა, დალია, ისეთია, რომ მისთანა თავის დღეში არა უნახავს რა: შუშხუნა, საამო, ოქროს ღარი უდგას, ოქროს ქვიშა გარს არტყია. დაბრუნდა დევთან, წყლის ჭურჭე-

ლი აილო, წავიდა მკავეწყალზე, ქურქელი აავსო. დევს მოუტანა, მერე ბაბუ წაიყვანა წყლის დასაღვეად. ბაბუ რომ მკავეწყალზე მიიყვანა, დაინახა ისეთი დიდი შავი დევი მოდის მისკენ, რომ მიწას აზნაზარებს: იმდენი ხარისა და ცხენის ჯოგი მოყავს, რომ იქაურობა აავსო. დაინახა ეს კაცი დევმა და დაუძახა:

— ვილაც კაცუნა ჩემს მკავეწყალზე ხარ, თუ მანდ დამხვდი, შენს რბილს შევჯამ და ძვალს დავნაყავო!

— ჰა, შე ბილწო, შენმა სიცოცხლემ, გამოვლევ შენს მკავეწყალს განა!

არ მოერიდა დევს და აქვე დაუცადა. მოვიდა დევი. ჯერ ხარის ჯოგი მიუშვა წყალზე, მერმე ძროხისა. როცა ამათ წყალი დააღვეინა, უთხრა ამ კაცს:

— მოდი, ერთი შენი ხარი და ჩემი ჯოგი დავაჯახოთო.

— ჩემმა ხარმა როგორ უნდა გაუძლოს მთელ ჯოგს, მაგრამ შენი ნება იყოს, რაც იქნება, იქნება, — უთხრა კაცმა.

მიუშვეს ერთმანეთთან ბაბუ და დევის ჯოგი. მაშინვე ეძგერა ბაბუ ჯოგს, ისე დაიმორჩილა, რომ კლდის ძირში მიიმწყვდია მთელი ჯოგი. დევი ცუდ გუნებაზე დადგა. რას იფიქრებდა, თუ ერთი ბაბუ მოერეოდა მის ურიცხვ ჯოგს. უთხრა კაცს დევმა: ვხედავ, რომ შენმა ბაბუმ აჯობა ჩემს ჯოგს, მოდი ახლა მე და შენ ვიჭიდაოთო.

მოჰკიდა ხელი დევმა და როგორც უნდა, ისე აბურთავებს კაცსა. ის-ის არის, მიწას უნდა დაახეთქოს და ამ დროს კაცმა დაიძახა:

— აბა, ჩემო ბაბუ, ხომ ხედავ, გასაჭირში ვარ, მიშველე რამეო. გამოვარდა ბაბუ, ამოჰკრა თავი, დევს გული შეუღონდა და იქვე დაეცა მიწაზე. კაცი ზედ დააჯდა დევს, მოკვლას უპირებს. დევმა უთხრა: ნუ მომკლავ და ჩემი ჯოგის ნახევარს შენ მოგცემო.

კაცი ბაბუს დაეკითხა: ავუშვა თუ არა დევიო?

— აუშვი და სიკეთესაც დაგაყრის: ჩემს თავს წაგართმევს და შენც მოგკლავსო.

ბოუქნია დაშნა და კისერი გაავღებინა დევს. მკვდარი იქ დატოვა, მოსდგა ხელი მის ჯოგს და ნაცნობი დევისას მირეკა. მეორე დღეს დაბრუნდა მკავეწყალზე. ბაბუც თან წაიყვანა. გაიხედა, მოდის წითელი დევი, სიმძიმით დედამიწას აზნაზარებს. დევი თან მოერეკება ცხვრისა და თხის ფარას. დაინახა ეს კაცი მკავეწყალზე და დაუძახა:

— ვილაც ხარ მანდ, ნუ დამხვდები, თორემ უბედურ დღეს დაგაყენებო.

— შე ბილწო, შენმა სიცოცხლემ, ამოწურავს მკავეწყალს ჩემი ხარიო.

მოვიდა დევი, ჯერ ცხვრის ფარას დააღვეინა წყალი, მერმე თხისას. შემდეგ უთხრა ამ კაცს:

— მოდი, ბაბუ და ჩემი ფარა შევაჯახოთ ერთმანეთსო.

— კარგიო.

მიუშვეს ერთმანეთზე ბაბუ და დევის ფარა. ბაბუმ დაიმორჩილა ფარა. ძლიერ ეწყინა ეს დევს, მაგრამ რას იზამდა.

— აბა, ახლა მე და შენ ვიჭიდაოთო.

არ უნდა ამ კაცს, მაგრამ უარის თქმა ვეღარ გაბედა. ეცა დევი, ბურთივით აათამაშა ხელში. ეს-ესაა, უნდა დაახეთქოს მიწას, ამ დროს კაცმა დაუძახა თავის ბაბუს: აბა, ჩემო ბაბუ, მიშველე რამეო!

ბაბუ ეძგერა დევს, თავბრუდასხმული გაშხლართა მიწაზე. კაცმა ამ დევსაც თავი გააგდებინა. ფარასაც თვითონ დაეპატრონა და გამორეკა ნაცნობი დევისას.

მესამე დღესაც გაეშურა მყავეწყალზე. გაიხედა, მოდის თეთრი დევი, ისეთი ხმაურითა და ზრიალით, გეგონება, დევთან ერთად მთა და ბარი მოდისო. დევს ურიცხვი ცხენის ჯოგი მოჰყავს. დაუძახა ამ კაცს:

— ვილაცა ხარ, ჩემს მყავეწყალზე დამდგარხარ. გირჩეენია თავს უშველო, თორემ შავ დღეს დაგაყენებო!

— შე ბილწო! რას გიშავებ აქ, იქნება გგონია, ჩემმა ბაბუმ ამხელა წყალი ამოწრუპოსო!

მოვიდა დევი, ცხენის ჯოგს დააღვეინა და მერე ამანაც ისე უთხრა, როგორც წინა დევებმა უთხრეს. ბაბუმ მის ჯოგსაც აჯობა. დევს ეწყინა და აღარც კი უკითხავს, ისე ეცა კაცსა. ეს-ესაა, უნდა გაათავოს კაცი, მაგრამ ისევ ერთგულმა ბაბუმ უშველა პატრონს.

მოუქნია კაცმა დაშნა, შემოჰკრა კისერზე, მაგრამ ტყავიც ვერ გაუჭრა. ამ დროს დევის პირიდან თავი ამოძვრა.

— ჰე, შე საწყალო კაცო! აჰას, შენ რომ გგონია, ისე ვერ მოკლავ, მაგრამ მე გასწავლი ხერხს. ამ დევს საკუთარი ხმალი აქვს. ამოიღე როგორმე, დაადევი კისერზე. შენ უსვი ხმალი და მე წყალს გისხამ. მხოლოდ ასე შეიძლება, თავი გააგდებინო:

ამ კაცმა ასე ქნა: თვითონ ხმალს უსვამს, თავი წყალს უსხამს. ცოტა უკლია კაცს, რომ კისერი გააგდებინოს დევს და ამ დროს თავგმა ურჩია: ასე უთხარი დევს, რაც შენს სიცოცხლეში ადამიანი და პირუტყვი გადაგიყლაპავს, ყველა ფეხზე დამიყენე და არ მოგკლავ-თქო. კაცმა აგრე უთხრა დევს. დევმა მიუგო: ფერდის ძვალი

გამომიღე და, რაც ადამიანი და პირუტყვი ჩამიყლაპავს, ყველანი ცოცხლად გამოვლენო.

კაცმა ერთის მაგიერ ორი გამოიღო. იმდენი კაცი და საქონელი გამოვიდა ფერდიდან, რომ აავსო მინდორი. ყველაზე ბოლოს წმიდა გიორგის მწვერები გამოვიდნენ, მაგრამ ისინი ბრმები იყვნენ.

— ჰა, შე ბილწო, ბრმა მწვერები რად მინდა! ახლავე აუხილე თვალები, თორემ ეს-ესაა, ვაგათავეო!

— ოჰ, დაგწყველა ეშმაკმა, — თქვა დევმა, — ცოტა ღვიძლი მომჭერი, ცოტა ფილტვები, წაუსვი მწვერებს თვალებზე და აეხილებათო!

კაცმა ბლომად მოსჭრა გულს. ღვიძლს, ფილტვებს, წაუსვა მწვერებს, იმათ თვალები აეხილათ. ბოლოს მაინც ვააგდებინა დევს კისერი. თეთრი დევის ჯოგი ნაცნობი დევისას მირეკა და უთხრა: შინ ორი ძმა დამრჩა, იმათი უნახაობა არ მარგია. სანამ დავბრუნდებოდე. წმიდა გიორგის მწვერები კარგად შემინახეო.

შეჯდა თეთრ ცხენზე და გასწია. თავი თან წამოიყვანა. მოვიდა შინ და ნახა, რომ მის მხეც დას ჯერ ჯოგი შეუქამია და მერმე ძმები. ძმების თავები ხელში აქვს სათამაშოდ. ამას რომ შეხედა, გული მოუკვდა. და მიეგება ძმას და უთხრა: მშვიდობით შენი მოსვლა, ჩემო ჯუმდა-ბუმდაო! მოჰკიდა ხელი, სახლში შეიყვანა, თვითონ გამოვიდა და ამის ცხენს დაუწყო კამა. უცებ გამოგლიჯა ერთი ბარძაყი, მერმე ძმასთან შემოვიდა და უთხრა: ჩემო ძამია, შენი ცხენი სამფეხიანიაო. და კიდევ გავიდა კარში და მეორე ბარძაყი მოგლიჯა ცხენს. მერე შებრუნდა შინ ისევ და უთხრა ძმას: შენი ცხენი ორფეხიანიაო. გამოვარდა ამ ღროს თავი და უთხრა ამ კაცს: შენ რაღა უბედურებას უცდი აქ? ჯერ ცხენი არ მოუთავებია შენს დას, თორემ რა გგონია, დაგზოგავსო?!

— მაშ, რა ვქნა? — უთხრა კაცმა.

— სამი გულა ნაცარი სხვენზე შედგი და როგორმე დარბაზის კარში გაიპარე.

კაცმა დაიჯერა თავის რჩევა. ამ ღროს და გარეთ იყო, იმის ცხენს შეექცეოდა. შემობრუნდა შინ, მარტო თავი დახვდა.

— თავუნია, სად არის ჩემი ძამია? მითხარი. თორემ ურტყულ-ბურტყულ!

— შე ბილწო, მე რა ვიცი, სად არის!

ქალმა თავს გადაყლაპვა მოუნდომა, მაგრამ გაექცა. ისევ რომ დასტაცა ხელი, თავი შეშინდა: შე მხეცო, დამაცა, გეტყვი, სადაც არის შენი ძმა. ის ახლა სხვენზეა. იშოვე საჩეჩლები, ერთიმეორეზე დაადგი, აპყევი და სხვენზე ახვალო.

ქალმა ცხრა საჩეჩელი იშოვა, ერთი მეორეზე დაადგა. საცა-
 მიაღწევს სხვენს, თავმა ძირა საჩეჩელი გამოაცალა, გადმოვარდა
 ქალი, გადმოჰყვა ნაცრიანი გულა და თვალეში ჩაეყარა. ქალს
 თვალეში მოეწვა და ფშენეტა დაუწყო. თავმა დრო იხელთა
 და გამოძვრა კარში; მოეწია ამ კაცს და უთხრა: შენი მხეცი და-
 უკან გამოგეკიდება, მაგრამ როგორც გითხრა, ისე მოიქეცი და ეგებ
 თავს უშველოო. მისცა ერთი სალესი და სამი თითისტარი. როდეს-
 საც შენი და მოგიახლოვდეს, ეს სალესი მიწას დაარტყი და უშვე-
 ლებელი კლდე გაჩნდება. მართალია, შენს დას ვერაფერი უძლებს.
 კლდეს გახვრეტს, მაგრამ ამასობაში შენც ცოტა მანძილს როდი
 გაივლი. როდესაც კლდე გახვრიტოს და ეს-ესაა, გეწოდეს, ერთი
 თითისტარი მიწას დაარტყე. თითისტარი ალვის ხედ გადაიქცევა,
 შენ იმაზე აღი. შენი და ხეს მივარდება დასახრავად. როცა ხე წაქცე-
 ვაზე მიაყენოს, მაშინ მეორე თითისტარი ჩამოაგდე. ისიც ალვის ხედ
 გადაიქცევა. ამასაც დახრავს, მაშინ მესამე ჩამოაგდე და იმაზე
 ვადადი, მანამდის ეგებ შენც რაზე მოიგონოო.

კაცმა ყველაფერი ასე ქნა. მიაღდა მხეცი და კლდეს, ხვრიტა-
 ხვრიტა და საურამე გზა გააკეთა კლდეში. ძმამ თითისტარი ჩაარტო-
 მიწაში, თითისტარი ალვის ხედ გადაიქცა. ამ ხეზე ავიდა ძმა. დამ
 ეს ხეც წაქცევაზე რომ მიიყვანა, ჩამოაგდო ძმამ მეორე თითისტარი.
 მერმე მესამე და ეს-ესაა, მესამე ხეც წაქცევაზეა, ამ დროს კაცმა
 დაიძახა:

— აბა, მწევრებო, თუ ერთგულნი ბართ, ახლა მიშველეთ!

გაიგონეს მწევრებმა და უმაღლე გაჩნდნენ ამ კაცთან. გაიდვეს
 მხრებზე ალვის ხე და ნაცნობი დევისას მიიტანეს. მხეცი და მაინც
 გაეკიდა ძმას, რომელიც იმ ალვის ხეზე იჯდა. მაშინ ეცნენ მწევრები
 მხეც ქალს. იმდენი სისხლი დაიღვარა მისი გვამისაგან, რომ იქაურო-
 ბა აავსო. მწევრებს მადლობა გადაუხადა კაცმა და ყველა გაუშვა.
 თვითონ კი იქ დასახლდა.

სანამ მართალი არ გამოდგეს, მანამ არაფერი გეტყინოთ!

უღუნო და ხელმწიფის შვილი

იყო და არა იყო რა, იყო ერთი ხელმწიფე. ჰყავდა სამი ქალი-
 შვილი და სამიც ვაჟიშვილი. ხელმწიფემ ერთ დღეს დაუძახა თავ-
 ვის ვაჟიშვილებს და უთხრა: მე მოვხუციდი და ჩქარა მოვკვდები;
 ჩემი ტახტი ერთი დღითაც ცარიელი არ დატოვოთ, თორემ შავი

ვეზირი გამეფდება და თქვენ კი სასახლიდან გაგრეკავთო. მუდამ სწორ გზაზე იარეთ, შეიყვარეთ სიმართლე და ხალხს კარგად უპატრონეთო. ჩემი ქალიშვილები პირველსავე მოხონებლებს მიეცით, პირველი ბელი არ გაუქციოთო.

გავიდა ხანი. ხელმწიფე გარდაიცვალა. უმცროსმა ძმამ უთხრა უფროსს: ახლავე ადი ტახტზე და იმეფე, მამის ანდერძი არ ღვევიწყოთო. ამ ძმამ არ დაუჯერა: სანამ მამაჩემის გვამს მიწას არ მივაბარებთ, მანამ ჩემი მეფობა არ შეიძლებაო. პატარა ძმამ ახლა შუათანას სთხოვა: აბა, შენ ადი ტახტზეო. არც ამან დაუჯერა.

— აბა, მე ავალო, — თქვა პატარამ, მაგრამ არც იგი აუშვეს. დაასაფლავეს დიდი ზარით მამა. როცა დაბრუნდნენ, ნახეს, შავი ვეზირი ასულიყო ტახტზე. ძმები მათრახის ცემით გარეკო. უმცროსმა ძმამ უფროსებს უთხრა: მე რომ არ დაჰიჯერეთ, იმიტომ მოხდა ასეო. ძმებმა გაუგზავნეს კაცი შავ ვეზირს და შეუთვალეს: მოგვეცი ექვსი ცხენი, ექვსი ხურჯინი საგზალი და წავალთო.

შავმა ვეზირმა სიხარულით გამოუყვანა ექვსი ცხენი და გაატანა ექვსი ხურჯინი ოქრო. უფროსობა პატარა ძმამ იკისრა.

სადამო რომ მოახლოვდა, პატარა ძმამ უთხრა უფროსს: ისარი გაისროლე და სადაც დავარდება, ეს ღამე იქ გავათენოთო. უფროსმა ძმამ გაისროლა ისარი და დავარდა ერთ პატარა ტყეში. ანთეს იქ ცეცხლი და გაამზადეს ვახშამი. როცა პურს ჭამდნენ, მოვიდა ერთი არწივი და ითხოვა: თუ შეიძლება, თქვენი და მომეცით ცოლადაო.

წამოუხტა ორი ძმა: როგორ შეიძლება, ამას ჩვენი და მივცეთო! უმცროსმა ძმამ მისცა უფროსი და. ფრინველმა წაიყვანა ქალი და წავიდა. დარჩნენ ორი და და სამი ძმა.

დილაზე ადგნენ, გაუდგნენ გზას. მოახლოვდა სადამო. უმცროსმა უთხრა შუათანა ძმას: გაისროლე ისარი, სადაც დავარდება, ღამე იქ გავათენოთო. გაისროლა ამანაც ისარი და დავარდა შიშველ მთაზე. მოკრიფა კაჭაქი, აანთო ცეცხლი. მოამზადა ვახშამი, შეუდგნენ პურის ჭამას. აი, ამ დროს მოვიდა დათვი და სთხოვა ძმებს: თუ შეიძლება, თქვენი შუათანა და მომეცით ცოლადაო! წამოვარდა მაშინვე ორი ძმა, იშვილეს ხმლები და იყვირეს: როგორ თუ ჩვენი და მივცეთ დათვსაო! პატარა ძმამ შოაგონა მათ მამის ანდერძი, აიყვანა ქალი და მისცა დათვს. დარჩნენ ერთი და და სამი ძმა.

გათენდა დილა. გაუდგნენ გზას. როცა მოსალამოვდა, გაისრო-
ლა ისარი პატარა ძმამ. ისარი უღრან ტყეში ჩავარდა. აანთო
ცეცხლი, გააკეთა საქმელი და დაიწყეს ქაჰა. მოვიდა მგელი,
სთხოვა ამ ძმებს მესამე და: თუ შეიძლება, მომეცი თქვენი პა-
ტარა და ცოლადაო! წამოვარდა ისევ ორი ძმა, იშიშვლეს ხმლები:
როგორ შეიძლება, ჩვენი და მივცეთ მგელსაო! პატარა ძმამ არც აქ
ულალატა მამის ანდერძს, და მისცა მგელს.

დარჩნენ სამი ძმა და ექვსი ცხენი. აანთეს ცეცხლი. ძმებს
ჩაეძინათ. პატარა ძმას ადრე გამოეღვიძა, დაინახა, რომ ცეცხლი
ჩამქრალა. აღარ ჰქონდა აბელი ცეცხლის ასანთებად. შემოიკრა
თავში ხელი, ეს რა უბედურება დაგვემართათ; ჩემმა ძმამ ცეცხლი
შიშველ მთაზე არ ჩააქრო და მე კი ტყეში გამიქრაო. ავიდა მალალ
ხეზე, გაიხედა და დაინახა, რომ ერთ ადგილას ცეცხლი ენთო.
დაჰკრა ფესი და გაუდგა გზას. მივიდა ერთ ბებერთან. ხედავს.
ბებერი თეთრ გორგალს შლის და შავ გორგალს ახვევს.

— გამარჯობა, ბებეროო!

— გაგიმარჯოსო!

— რა ამბავია, რომ თეთრ ძაფსა შლი და შავს ახვევო.

— შუალამემ გადაიარა, ახლა შავი უნდა დავახვიო და თეთრი
გავშალო, მალე გათენდებაო.

ამ ბიჭმა ბებერს შეუტკრა ხელები, დაუშალა შავი ძაფი და
წავიდა. მივიდა ცეცხლთან. ზედ იდგა ქვაბი, რომელსაც ცხრა
ყულფი ჰქონდა. ცალი ხელით ასწია ეს ქვაბი და ძირს გადმოდგა.
აილო ნაკვერცხალი და ქვაბი ისევ შედგა.

იქ დევები იყვნენ და ამას კარგად ხედავდნენ. გაუკვირდათ.
თქვეს: ამ ქვაბს ჩვენ, ცხრა ძმანი, ძლივს ვწევთ და ვდგამთ.
ცეცხლზე. ამან კი ცალი ხელით გადმოიღო და შედგაო; ბიჭი ასე
ღონიერი ყოფილა და თუ მზეთუნახავ ქალს ვინმე ჰოიყვანს, სწო-
რედ ეს მოიყვანს, სხვა ვერავინო. უთხრეს ბიჭს: ამა და ამ
ადგილს არის მზეთუნახავი, წამოდი, განახოთო. მაგრამ წინ ისეთი
კლდე შეგვხვდება, რომ შესვლა გაგვიკირდება, კარიდან ვერ
შევალოთ, კედელზე უნდა ავიდეთო; დაგვიკირდება ორმოცი ლურ-
სმანი, რომ მივაქედოთ კედლებზე და ავიდეთო.

ბიჭი დათანხმდა. მოემზადნენ. დევებმა წაიღეს ორმოცი
ლურსმანი, ბიჭიც შეისვეს ზურგზე და წაიყვანეს. კლდესთან რომ
მივიდნენ, აიღეს ქვა ლურსმნის მისაჭედებლად, მაგრამ ქვით ვერ
მიაჭედეს, ბიჭმა აილო და მუშტით მიაჭედა. პირველად თვითონ
გადავიდა კედელზე.

— აბა, — უთხრა დევებს, — თქვენც გადმოდით თითო-თითოდ.

კედელზე გადასვლისას ყველა დევი დახოცა. მერე ერთი კარი კაალო, დაინახა მზეთუნახავი. თავბოლოს თავლის სანთლები ენთო, გვერდზე შარბათით სავსე კასრი ედგა. შარბათი დალია. სანთლები შეუცვალა, ბეჭედი გამოაძრო და თქვა გულში: ეს ჩემს უფროს ძმასო.

გავიდა მეორე ოთახში. კარი რომ გააღო, დაინახა მეორე მზეთუნახავი, ოთახში ხუთი ფარდა იყო ჩამოხურული. მზეთუნახავს თავბოლოს თავლის სანთლები ენთო, გვერდით შარბათი ედგა. შარბათი დალია. სანთლები გამოუცვალა. ბეჭედი გამოაძრო, თითზე წამოაცვა და თქვა: ეს ჩემს შუათანა ძმასო.

შემდეგ მესამე კარაც გააღო, ნახა, შვიდი ფარდა იყო ჩამოხურული, ოთახში კი მზეთუნახავი იწვა, თავბოლოს თავლის სანთლები ენთო, გვერდით შარბათი ედგა. შარბათი დალია, სანთლები შეუცვალა, ბეჭედი გამოაძრო, თითზე წამოაცვა და თქვა: ვინ იცის, იქნებ ჩემი ბედი ეს იყოსო.

გააღო მეოთხე კარიც, ხედავს, ერთი ისეთი ვაჟკაცი წევს ლოგინში, რომ მასზე ნაკლები არ არის. დაინახა, მძინარეს გველეჯარება, უნდა უკბინოს. იძრო ხმალი, შემოუქნია და დაუვარდა. დარჩა უხმლოდ. აიღო, ჩააგო ქარქაშში და წამოვიდა. მოვიდა ცეცხლთან, ბებერს ხელები გაუხსნა, ცეცხლი წაიღო და ძმებს ისევ დაუწყო.

დილას ძმებმა გამოიღვიძეს, დაიწყეს ლაპარაკი, წუხელ ცუდო სიზმარი ვნახეთო. პატარა ძმამაც თქვა: მეც ვნახე სიზმარიო. თითქოს დევები დამეხოცა და თქვენთვის საცოლეები მეშოვნაო.

პატარამ უთხრა: ახლა მე გავხდები თქვენი მოჯამაგირე და თქვენ ჩემი უფროსიო.

ადგნენ, იარეს და ერთ ქალაქში შევიდნენ. იქაურ ხელმწიფეს ებრძანებინა: ვინც ერთ ფუთ ოქროს დათვლის, ჩემს ქალიშვილს იმას მივათხოვებო. მოვიდა ხალხი, დაუწყეს თვლა. არავინ გამოვიდა სწორი. მაშინ მეფემ იკითხა: კიდევ დარჩა ვინმე, რომ ბედი სცადოსო? უთხრეს: ახლა შემოვიდა ქალაქში ორი დიდი ვინმე და ერთი მოჯამაგირეო. წავიდნენ და დაუძახეს ამ ორ კაცსაც. დაიწყო უფროსმა ძმამ ოქროს თვლა, მაგრამ ვერც იმან დაითვალა სწორად და ისიც გააგდეს. შუათანა ძმამ იფიქრა: უფროსმა ძმამ ცოტა ჩქარა დათვალა, მე ნულა დავთვლი. იქნებ

სწორად გამოვიანგარიშო. ნელ-ნელა თვალა, მაგრამ არც ამას გამოუვიდა რაჲე. ესეც გააგდეს.

— აბა, კიდევ არის ვინმეო? — იკითხა ხელმწიფემ.

უთხრეს: მოჯამაგირელა დარჩაო.

დაუძახეს. მოვიდა პატარა ძმა და დაიწყო თვლა. აილო პირველი ოქრო და თქვა: იყო ერთი ხელმწიფე, ჰყავდა სამი ვაჟი-შვილი და სამი ქალიშვილი. მამამ ანდერძი დაუტოვა შვილებს: როცა მოკვდები, რომელიმე თქვენთაგანი ტახტზე ავიდეს, თორემ შავი ვეზირი მოგასწრებთ და გაგადებთ. ტყუილი არ ილაპარაკოთო, სულ სწორ გზაზე იარეთო. ხელმწიფე მოკვდა და, მართლაც, ტახტზე შავი ვეზირი ავიდა, ხელმწიფის შვილები კი იქიდან გარეკა. ესეც პირველიო, — თქვა მოჯამაგირემ და გვერდზე გადადო ერთი ოქრო. აილო ხელში მეორე ოქრო და განაგრძო: ხელმწიფის შვილებმა სთხოვეს შავ ვეზირს ექვსი ცხენი, ექვსი ზურჯინი ოქრო და ვეზირმაც მისცაო, და გადადო გვერდზე მეორე ოქროც. აილო კიდევ ოქრო ხელში და დაუმატა: უფროსობა ჩაიბარა პატარა ძმამ. უთხრა უფროსს: გაისროლე ისარი და სადაც დავარდება, იქვე უნდა დავბინავდეთო. გაისროლა ისარი უფროსმა ძმამ. დავარდა პატარა ტყეში. მოვიდა არწივი და ითხოვა უფროსი და. ძმებმა მისცესო.

თქვა და გადადო გვერდზე ის ოქროც. აილო შემდეგი ოქრო და განაგრძო: მოახლოვდა სალამო. გაისროლა შუათანა ძმამ ისარი და დავარდა მთაზე. გააკეთეს საკმელი და დაიწყეს პურის ჭამა. მოვიდა დათვი და მოითხოვა შუათანა და. ძმებმაც მისცესო. გათენდა დილა. ისევ გაუდგნენ გზას. როცა მოახლოვდა სალამო, პატარა ძმამ გაისროლა ისარი, რომელიც ღრმა ტყეში ჩავარდა. ანთო ცეცხლი და დაიწყეს პურის ჭამა. მოვიდა მგელი და ითხოვა მესამე და. ძმებმა მესამე და გაატანეს მგელსაო. — თქვა ეს და კიდევ გადადო გვერდზე ოქრო.

აილო სხვა ოქრო და დაუმატა: ძმებმა დაიძინეს. ღამით პატარა ძმას გამოედვიძა, დაინახა, რომ ცეცხლი გაჰქრალიყო, ავიდა მალ-ლა ხეზე, გაიხედა, ცეცხლი მოჩანს. წავიდა, შეხვდა ერთ ბებერს, რომელაც შავ გორგალს აწვევდა. თეთრ გორგალს კი შლიდა. ბებერს ხელები გაუკრა. ნახა, რომ ცხრა ყულფიანი ქვაბი ცეცხლზე დგას, ცალი ხელით გადმოიღო იქიდან ეს ქვაბი და ისევ ცალი ხელით შედგა, დევები კი ამას განცვიფრებულნი უყურებდნენ. დევებმა ბიჰს უთხრეს: ამა და ამ ადგილას არის მზეთუნახავი, მას თუ წამოიყვან მხოლოდ შენ, სხვა იქ ვერაფერს მიბედავსო.

ამ ლაპარაკში ბიჭი თვლის და თვლის ოქროს. კიდევ აიღო ხელში ოქრო და განაგრძო: დევები ქვით აჭედდნენ ლურსინებს, ბიჭმა კი მუშტით მიაქვდა. კლდეზე ასვლის დროს სუყველას თავები და-აქრაო.

ასე ამბობდა თავანთ თავგადასავალს და თვლიდა ოქროს. ბოლოს, უკანასკნელი ოქრო აიღო ხელში და ხელმწიფეს გაუწოდა თავისი ხმალი. ნახეს, ზედ ეწერა ამ ბიჭის სახელი და გვარი. ხელმწიფეს მოეწონა ეს ვაჟი და თავისი ქალი მიათხოვა.

ორმოც დღესა და ორმოც ღამეს გაგრძელდა ქორწილი. ბიჭები ხელმწიფემ ვეზირებად დაიყენა.

უპყროსი ძმა სანადიროდ დადიოდა. მზეთუნახავი ხვევნა-კოცნით გააცილებდა ხოლმე და ალერსით ხვდებოდა.

ერთ დღეს ქალაქში სამფეხა ცხენით შემოვიდა ერთი ულუნო. ნახა ეს ბიჭი და უთხრა: შემიწყალე, ალაგი მომეცი, გემსახურებო.

ბიჭს უთხრეს: ეს ცუდი კაცია, კარგ რამეს არ შეგამთხვევს, ნუ აიყვანო, მაგრამ არ დააჯერა, დაიყენა მეჩინიბედ. ულუნო უვლიდა ცხენებს. ერთ დღეს ნახა კუდიანის ბებერი და უთხრა: რა იქნება, მზეთუნახავი აბანოში წაიყვანო!

ბებერი ჭერ გაინაზა, როცა ულუნომ ოქრო ძისცა, მაშინ დაპაირდა, მზეთუნახავს აბანოში წაიყვანო.

მეორე დღეს ბიჭი სანადიროდ გაემგზავრა. ბებერი კი წავიდა მზეთუნახავთან და უთხრა: ოჰ, ამდენი ხანია ვერ გნახე, თუშცა შვილივით გამიზრდინარ. ახლა კი შინდა ჩემი ხელით გაბანაო აბანოშიო.

მზეთუნახავმა უთხრა: კარგი იქნება, მაგრამ მოვიდეს ჩემი ქმარი. დავეკითხებო.

სალამოს მზეთუნახავი ბიჭს კარებში დაუხვდა. ხვევნა-კოცნით ავიდნენ ოთახში. ცოლმა ბანაობის ნებართვა სთხოვა, ბიჭი დაეთანხმა.

მეორე დღეს ბიჭი სანადიროდ წავიდა, მზეთუნახავი კი — აბანოში. დაინახა ულუნომ, შეჯდა თავის სამფეხა ცხენზე და გაიტაცა მზეთუნახავი. ხელმწიფემ გაიგო მზეთუნახავის გატაცება თუ არა, მთული ჯარით გამოედევნა. მაგრამ ამაოდ.

სალამოს დაბრუნდა ბიჭი, გაიგო ცოლის დაკარგვა და ძალიან შეწუხდა. შეჯდა თავის ცხენზე და წავიდა მზეთუნახავის საძებრად. სამი დღე და სამი ღამე მშიერმა იარა, ჯავრით ვერც ჭამდა და ვერც სვამდა.

მივიდა ერთ ტყეში. დაინახა დიდი სასახლე, რომლის ახლოს წყარო იყო. ჩამოხტა წყაროსთან, ცხენი გაუშვა საბალახოდ. თვითონ პური შექამა და დაეძინა.

ამ დროს ერთი კოკლი ქალი ორი კასრით წყალზე ჩამოვიდა. ერთი კასრი აავსო, მეორეც რომ უნდა აევსო, წყაროსთან ვაჟი დაინახა, მოეწონა და ინატრა: ოჰ, ნეტავი ეს ვაჟი მითხოვდეს, თავს ვანაცვალებდიო! გულში ჩაუვარდა ვაჟის სიყვარული. დარჩა ერთი კასრი ავსებული, მეორე — ცარიელი, აღარ იცოდა, რა ექნა. გაიქცა შინ. ქალბატონი გაუჭავრდა: ქალო, ეგ რა დაგმართია, ერთი კასრი სავსე მოგიტანია, მეორე — ცარიელიო!

— მე კი არა, ის ვაჟი თქვენც რომ ნახოთ, უარესი დაგემართებათო, — უთხრა კოკლმა ქალმა თავის ქალბატონს. გაიქცა ეს ქალბატონი, ნახა, მის ძმას სძინავს, გააღვიძა, ორივემ გაიხარა. ჰკითხა: ძმაო, აქ რა გინდა, რა გაგვირეგებია?!

— ეჰ, დაო, ნურას მკითხავ, უღუნომ მზეთუნახავი მომტაცაო.

— წაზოდი, სახლში დაგმალავ, ხანდახან თქვენი სიძე გაჭავრებული შოდის, არ შეგამთხვიოს რამეო.

სალამოზე მოვიდა მგელი გაჭავრებული. ქალმა ჰკითხა:

— ჩემი უფროსი ძმა რომ გესტუმროს, რას უზამო?

— ლუკმა-ლუკმად ვაქცევ, ძვლებიანად შევქამო.

— შეუათანა რომ გესტუმროსო?

— იმასაც ისე ვუზამო!

— პატარა რომ გესტუმროს, რას უზამო?

— ხვევნა-კოცნით დავახრჩობ, ზურგზე შევისვამ, ქვეყანას შემოვატარებო.

ამ დროს გაიღო კარი და გამოვიდა ბიჭი, მისი პატარა ცოლისძმა. მივარდა მგელი და დაუწყო ხვევნა-კოცნა. როცა სუფრა გააწყეს, ბიჭმა ამოიოხრა, მგელმაც დაიკვნესა და ვაჟს ჰკითხა:

— რა დაგემართა, რაზე სწუხარო?

— მე მზეთუნახავი მომტაცეს, მაგრამ შენ კი რაღა დაგემართაო?

— დღეს უღუნოს მზეთუნახავი მიჰყავდა, დავედევნე, რაც ჯარი მიყავდა, სულ გავწყვიტე, მაგრამ მაინც ვერას გავხდი. მაგას თავი დაანებე, უკეთეს მზეთუნახავს შეგერთავო.

— არ შემეძლია, თავს ვერ დავანებებ, ან ვიპოვი, ან მოვკვლებიო.

მაშინ მგელმა მისცა ერთი ბეჭედი და უთხრა: თუ გაგიჭირდეს, წაუსვი და ჩემი ჯარით იქვე გავინდებო.

სვეს. ჭამებს იმ ღამეს, დაწვინ და დაიძინეს.

დილაზე ადგა ბიჭი და გზას გაუდგა.

ბევრი იარა თუ ცოტა იარა, მივიდა ერთ ტყეში. დაინახა ჩინებული სასახლე და მშვენიერი წყარო. ცხენი გაუშვა საბალახოდ. თვითონ პური ჭამა და ჩაეძინა. ამ წყაროსთანაც ერთი მოსამსახურე ქალი ჩამოვიდა. ნახა ვაჟი, უკანვე გაიქცა და თავის ქალბატონს შეატყობინა. ქალბატონი მაშინვე გამოიქცა წყაროსთან. იცნო მძინარე ძმა და გადაეხვია. ბიჭმა ნახა თავისი შუათანა და.

— აქ რამ მოგიყვანა, კიდევ კარგი, რომ ამ ტყეში არაფერმა შეგქაპაო, — უთხრა დამ.

— უარესი რა უნდა დამემართოს, უღუნომ მზეთუნახავი მომტაცაო.

— წამოდი შინ, ჩქარა შენი სიძე დაბრუნდება, იქნებ გიშველოსო, — უთხრა დამ.

სალამოს მოვიდა დათვი, გზაში სულ გლეჯდა ყველაფერს, გაჯავრებული მოდიოდა და მობუტბუტებდა. ქალმა გაუღიმა და ჰკითხა:

— ჩემი უფროსი ძმა რომ გესტუმროს, რას უზამო?

— ნაკუწ-ნაკუწად დაეფლეთ და ისე შეეკაპაო!

— შუათანა ძმა რომ გესტუმროსო?

— იმასაც ისე ვუზამო.

— პატარა ძმა რომ გესტუმროსო?

— ხვევნა-კოცნით დავახჩობ, ზურგზე შევისვამ, მთელ ქვეყანას შემოვატარებო.

ამ დროს გაიღო კარი და შემოვიდა პატარა ძმა. დაუწყო სიძემ ხვევნა-კოცნა, იმოდენა დორბლი შეაყარა, რომ ორი კასრი წყალი დასჭირდა მის დაბანას.

გაშალეს სუფრა. ბიჭმა ამოიოხრა. დათვამაც იმისთანა ამოიოხრა, რომ მუშტისოდენა ფურთხი შეაყარა სახეში.

— რა დაგმართნია, რატომ ოხრავო? — ჰკითხა დათვმა.

— მე მზეთუნახავი წამართვა უღუნომ, მაგრამ შენ რაღას ოხრავო? — უთხრა ბიჭმა.

— ოჰ, რა გითხრა, ჩემო ცოლისძმავ, რაც ჯარი მყავდა, დღეს ყველა გავწყვიტე, მაგრამ უღუნოსთან მაინც ვერას გავხდი. შენ მაგას თავი გაანებე, უკეთეს მზეთუნახავს მოგიყვანო.

— არა, მე იმას თავს ვერ დავანებებ, თუ ცოცხალი ვარ, უნდა ვიპოვო, — უთხრა ბიჭმა.

დათვი თან არ წაჰყვია. მისცა ერთი ბეჭედი და დაარიგა: როცა გაგიჰირდეს, ენა მოუსვი და იქვე დავიბადებო. თანაც ასწავლა. აქ ახლოს ჩემი ქვისლი ცხოვრობს, თუ ენსმე რამე შეუძლია, იმას შეუძლია, მოინახულო. სვეს, ჭაშვს, დაწვინ და დაიძინეს.

გათენდა დილა. გაიყოლა ბიჭმა სიძის ჯარისკაცი და პირდაპირ მივიდა თავის დასთან.

— ოჰ, ძმაო, შენ საიდან გაჩნდი, აქ რამ მოგიყვანა?

ბევრი ისაუბრეს. ბოლოს, ძმამ უთხრა, უღუნომ მზეთუნახავი მომტაცა და იმის საძებრად მივდივარო.

— ჯერ განჩინაში დავმალავ, საღამოს მოვა შენი სიძე და ვნახოთ. ხანდახან ისეთი გაჯავრებული მოდის, რომ იმის ფრთის შემოკვრა ქალაქს დაანგრევსო.

მართლაც, საღამოს არწივი შინ გაჯავრებული დაბრუნდა. ქალმა აქედან გაუღიმა, იქიდან გაუღიტინა და გაამზიარულა. ჰკითხა:

— ჩემი უფროსი ძმა რომ გესტუმროს, რას უზამო?

— ცალ ფრთაზე დავისვამ, მაღლა ჰაერში ავიყვან და იქიდან ძირს გადმოვუშვებო.

— შუათანა ძმა რომ მოვიდესო?

— იმასაც ისე ვუზამო!

— პატარა ძმა რომ გესტუმროსო?

— ავიყვან ფრთებით, მთელ ქვეყანას შემოვატარებ და ისევ მოვიყვან ხვეენა-კოცნითო.

ამ დროს გაიღო განჩინა და გამოვიდა უმცროსი ცოლისძმა. დაუწყო არწივმა კოცნა.

გაიწყო ვახშაში და სუფრას მიუსხდნენ. ბიჭმა ამოიოხრა, არწივმაც ისე ამოიოხრა, რომ კინაღამ ბიჭი აქედან გადავარდა. უთხრა ბიჭმა:

—სიძევ, რა დაგემართა, მე მზეთუნახავი მომტაცეს, შენ კი რაღას ოხრავო.

— ოჰ, რას მეუბნები, ჩემო ცოლისძმავ, რაც ჯარი მყავდა, სულ უღუნოს შევაწყვიტე, მაინც ვერას გავხდა. შენ ოღონდაც იმას თავი დაანებე და უკეთეს მზეთუნახავს გააოვინებო.

ვაჟმა უარი უთხრა, სანამ ცოცხალი ვარ, ჩემი მზეთუნახავი უნდა ვეძიო. მაშინ არწივმა მისცა ერთი ფრინველი. ცხენიც ზედ დააკრეს, ბიჭიც ზედ დაჯდა და გადაფრინდნენ საზღვარზე. ბიჭმა ბევრი იარა თუ ცოტა, მივიდა უღუნოს სახლში, დაინახა, თავი მზეთუნახავის კალთაში ჩაედო. ვაჟმა უთხრა მზეთუნახავს: დატო-

ვე ეკ ურჯულო და ჩემთან წამოდის. ქალი ჩუმად ადგა, უღუნოს თავქვეშ მუთაქა დაუდო და თვითონ წამოვიდა.

ამ დროს სამფენა ცხენმა დაიკიხვინა, უღუნო გააღვიძა: მზეთუნახავი წაგართვესო.

— დიდა, ვერსად ვერ წავაო. — ჩილაპარაკა უღუნომ. გამოედევნა. საზღვარზე მიუსწრო, დაიჭირა ბიჭი, დაჭრა ასო-ასოდ და გადაყარა.

ეს გაიგო არწივმა, აკრიფა ცოლისძმის ნაფლეთები, ასო-ასოზე მიაწყო, უკვდავების წყალი მოიტანა, დაასხა და გააცოცხლა. არწივმა თქვა: უკვე სამასი წლისა ვარ და ქვეყანაზე სიკეთე არ მიქნია, მოდი, ერთ რამეს მაინც გავაკეთებო. მისცა ბიჭს ერთი ქული. დაიხურა ბიჭმა და მივიდა მზეთუნახავთან. უღუნოს მზეთუნახავის მუხლზე თავი დაუდვია და სძინავს. ბიჭმა უთხრა ქალს: ჰკითხე მაგას, ძალა შენშია თუ ცხენში-თქო. ქალმა ჰკითხა უღუნოს: ის ვაჟი ხომ მოკალი, დავრჩით მე და შენ, ახლა მაინც მითხარი, შენი ძალა ცხენშია, თუ შენშიაო?

— რა მაქვს დასამალავი: ჩემი ძალა სხვა ცხენებშია, რომლებიც ზღვაში ცხოვრობენ და ზღვის პირას ჭაში სვამენ წყალს. იმათ თუ ვინმე დაიმორჩილებს, მეც მომერევა. საჭიროა თორმეტი საპალნე ბამბა. რომ ის წყალი აპოსრუტო ბამბით და თორმეტი საპალნე ღვინო, რომ შიგ ჩაასხა. ჰას იცავენ ჰიანჭველები, რომელთაც სჭირდება ორმოცი ცხვარი საჭმელად. ერთიც ცხენის მჭედელი უნდა გყავდეს, რომ დაჭედონ ცხენიო.

გაიგო ეს ბიჭმა, წამოვიდა არწივთან და ყველაფერი უამბო. არწივმა შეისვა ფრთებზე და წამოიყვანა. მოვიდნენ ფრინველთა ხელმწიფესთან, აუსვა ბიჭმა ენა ბეჭედს, იქვე გაჩნდა დათვების ხელმწიფე თავის ჯარით, აუსვა მეორე ბეჭედს ენა და იქვე მოვარდა მგლების ხელმწიფე თავისი ჯარითა.

მგლებს მოთხოვეს ორმოცი ცხვრის მოყვანა, დათვს — ბამბის მოტანა, ღვინის შოვნა ითავა არწივმა. წავიდა მგლების ხელმწიფე და მოიყვანა ცხვარი, დათვმა კი იმოღენა ბამბა მოიტანა, რომ ლოგინადაც ეყოფოდათ.

თორმეტი საპალნე ღვინო, თორმეტი საპალნე ბამბა, ორმოცი ცხვარი, ერთი ნალბანდი. სულ ერთ ფრინველს აჰკიდეს. აფრინდა ფრინველი, მივიდა ზღვის პირას. დათვებმა ის ბამბა ჭაში ჩაკიდეს და აპოიწურა წყალი, შიგ ღვინო ჩაასხეს და ტყეში დაიმაღლნენ. გამოვიდნენ ზღვიდან ცხენები, დასუნეს, არ დალიეს. გამოვიდა ერთი ჰაკი ცხენი, დაეყუდა, დალია და იქვე დათვრა. ორმოც

კიანჭველას ორმოცი ცხვარი გადაუგდეს. ნალბანდმა ცხენი დაჭედა. შეჯდა ბიჭი ცხენზე და მოვიდა ულუნოსთან. აიღო ხმალი, ულუნო ლუკმა-ლუკმად აქცია, გამოიყვანა მზეთუნახავი, შესხდნენ ცხენებზე და მოვიდნენ ფრინველთა ხელმწიფესთან.

დაინახეს, რომ მზეთუნახავი მოჰყავთ და ჩიტებმა დაიწყეს ჭიკჭიკი, დათვებმა — სინარულით ბუტბუტი, მგლებმა — ყმუილი. გაიშართა დიდი ქორწილი, სამი დღე და სამი ღამე იქეიფეს, სულ თქვენს სადღეგრძელოებს სვამდნენ, მაგრამ არც ის მზეთუნახავები დავიწყებიან, ცეცხლის მაძიებელმა უმცროსმა ძმამ კლდესთან რომ იპოვა და ძმებისათვის დანიშნა. მათი სადღეგრძელოებიც ბევრჯერ ითქვა.

ჭირი იქ გავუშვი.
ლხინი აქ მოვიტანე.

კ მ ი ს ა რ ი

არის ერთი კეისარი. ჰყავს სამი შვილი. მამა უკვდებათ.

— ჩემო შვილებო, ვკვდები. სამი ოქროს ქათამი მყავს, მომიყვანეთ ისინი და ერთი დამიკალითო, — უთხრა მამამ.

მოიყვანეს ოქროს ქათამი და დაკლეს. ხორცი შვილებს აჭამა. ქათმის კუჭი ყოფილა ნატვრის ბეჭედი. ქათმის თავი — ხელმწიფობა, ტანი კი — ოჯახის ცხოვრება.

კუჭის შემკმელს უთხრეს: შორს, მინდორში მზეთუნახავია, კარგი იქნება, ცოლად მოიყვანო, მაშინ შენისთანა არავინ იქნებაო.

იფიქრა ამ ვაჟმა: ამას ვიზამ და შევდეგ თუ მოვკვდები, აღარ ვიდარდებო. წავიდა ვაჟი. განვლო გრძელი გზა. მივიდა იმ მინდორში. იქ კოშკი იდგა და მზეთუნახავი იყურებოდა. მზეთუნახავი გაიქცა თავის მამასთან და შეეხვეწა:

— მამაჩემო, თუ მათხოვებ. ასლა გამათხოვე, საქმრო კარგი მომივიდაო.

მამამ უთხრა: ვერ გაგათხოვებ. ცოდვას ვერ ჩავიდენ, შენ ისედაც ბევრი ცოდვა ჩაგიდენიაო.

მზეთუნახავი ჩამოვიდა მინდორში, შემოეხვია ყელზე ვაჟს და უთხრა: შენ ქმარი და მე ცოლიო! აიყვანა თავის ოთანში.

— ჯერ სუფრას დავდგამ. დაენაყრდეთ, ქორწილზე მერე ვილაპარაკოთო.

მზეთუნახავმა კომბოსტოს წნილი და ღვინო მოიტანა, ვაჟმა

ღვინო დალია, კომბოსტო შეჭაპა. აერია გული, აღებინა და ნატვრის ბეჭედი ამოჰყვა კომბოსტოს. გადაყლაპა ცოლმა მისი ნატვრის ბეჭედი, ვაჟს კი პანლური ჰკრა და გაავდო. დარჩა ვაჟი საცოდავად.

რა უნდა იღონოს? წავიდა ისევ მინდორში. დაინახა, სამი დევი ჩხუბობს, მათი ჩხუბი დედამიწას არყევს. კეისრის ვაჟი მივიდა და ჰკითხა:

— დევებო, რატომ ჩხუბობთო?

— როგორ არ ვიჩხუბოთ, გასაყოფი გვაქვს და ვერ ვიყოფთო!

— ამისათვის ნუ ხოცავთ ერთმანეთს, გასაყოფი ქონება მიიზენეთ, მე გაგიყოფთო.

— გასაყოფი გვაქვს მფრინავი ოქროს ზარფაშა და ოქროს ჭუნირ-ფანდური. ჩვენი ოქროს ზარფაშა საღამოს ცარიელია, დილით სავსეა ოქრო-ვერცხლით. ამას ვერ ვიყოფთო.

— აბა, თქვენ წადით ტყეში, ტყის ტყეში. მინდვრის მინდორში, კლდის კლდეზე, მე მანამდე მოვიფიქრებ და გაგიყოფთ ამ ნივთებსო.

დევები წავიდნენ ტყის ტყეში, მინდვრის მინდორში, კლდის კლდეზე. ვაჟმა დევებს არ დაუცადა, ჩაჯდა ზარფაშაში და გაფრინდა, მოვიდა და გაისეირნა ცოლის ბაღში. ქალმა ვერ იცნო. ვითომ შეუყვარდა, ისევ უთხრა მამას:

— მამაჩემო, თუ მათხოვებ, ახლა გამათხოვე, თორემ გადახტები კოშკიდან და მტვრად ვიქცევითო.

— მე ვერ გაგათხოვებ, არა ვარ შეჩვეული ადამიანის ცოდვას შენ უჩემოდ გათხოვილხარ ხოლმე, ადამიანის თავებით მინდორი ვაქვს სავსეო.

გამოვიდა ეს ქალი მინდორში და ავ ვაჟს შეეხვეწა: შენ ქმარი და მე ცოლიო! ცოლ-ქმრობა დაასკვნეს, სუფრა გაშალეს. ვაჟმა კომბოსტო, ბოლოკი და ღვინო მოატანინა. ღვინო გულს აურევს, კომბოსტოსა და ბოლოკს ნატვრის ბეჭედს ამოაყოლებინებსო. ისაღილეს და, მართლაც, ქალს გული აერია და ნატვრის ბეჭედიც ამოაყოლა.

ვაჟი შეეკითხა ოქროს ზარფაშასა და ოქროს ჭუნირ-ფანდურს:

— ჩემო ოქროს ზარფაშა, დილით სავსე ხარ ვერცხლითა და ოქროთი, საღამოს ცარიელი ხარ, ჩემო ოქროს ჭუნირ-ფანდურო. სულ მღერი, ახლა მჭირდებით, რაში დამეხმარებით?

— ჩვენ წასვლა-წამოსვლაში მოგეხმარებით, ზღვასთან მი-

გიყვანთ, როცა მოგპოვდება, გაკჷვეთ, როცა დაიღლები. დაგასვენებთ, ოქროსა და ვერცხლს განახებთ, გულს მოგეშვებაო.

წავიდნენ და შუა ზღვაში დასახლდნენ.

— ჰა, ჩემო ცოლო, როგორ გამაწვალე, ახლა ნახე, რას გიზამ? ზღვაში ჩაგაგდებ, დევ-მხეცებს შევაქმევე შენს თავს!

— არა, ჩემო ქმარო, ოღონდ ზღვაში არ ჩამაგდო და რაც შენ გინდა, იმას ვიზამ!

ჩავიდნენ ზღვაში. ყურყუმელაობენ. ქალმა ნატვრის ბეჭედნი წამოაგდებინა ვაჟს, ზღვაში დატოვა და თვითონ სახლში დაბრუნდა. ვაჟს მშველელი არავინა ჰყავს.

წყლის ნათლობა მოახლოვებული იყო, როცა მოვიდა წმინდა გიორგი.

— დიდება შენდა, დიდო წმინდა გიორგი! გევედრები, მიშველო!

— მე შენ აქედან ვერ გაგიყვან, წყლის ნათლობის დღეს დაუცადე; იმ დღეს ნაძვი და ალვის ხე ერთმანეთს მიესიყვარულებიან, იმათ შეეხვეწე, ან ერთი გიშველის, ან მეორე, მე ვერ გიშველი!

მოვიდა წყლის ნათლობის დღე. ალვის ხე მოეხვია ნაძვს. შეეხვეწა ვაჟი: მადლი ჰქენი, ნაძვო, მიშველე, გაჭირვებული ვარ, დიდი ხანია აქ შიმშილით ვკვდები, გადამიყვანე მეორე ნაპირასო!

— თუნდაც მომკვდარხარ. ვერ დაგეხმარებიო!

— რატომაო?

— ადამიანს ვეჯავრები. სადაც ცუდი აღგილია, იქ მაშენებენ. ქვებისა და მეწყრისაგან ვიტანჯებიო.

— ალვის ხეო, შენ მაინც მიშველე. თორემ ვკვდები, სიკვდილამდე რაღა მიკლიაო!

— არ მოგკლავ, დარდი ნუ გაქვს! მე ადამიანი ძალიან მიყვარს, რადგან მეწყრიდან გადამარჩენს ხოლმე და მინდორში ჩამრგავს. ძალიან მაღალი ვაზრდები, ცაძდე ავდივარ. ჩემზე მაღალი ხე არსად არის. დღეს მე გიშველი, ნუ დარდობ, მაგრად ჩამქიდე ხელები, ნუ გეშინია, არ გატყუებო.

გამოიყვანა ვაჟი ალვისხემ ზღვის აქეთ. ვაჟმა ჩირგვს კეტი და-არტყა და იქვე გაჩნდა კარგი ფერის აღვირი, კარგად შეჭედილი ოქროს უნაგირი, ოქროსფერი ცხენი. ვაჟმა ცხენს უნაგირი შეადგა, აღვირი ამოსდო და ზედ შეაჯდა.

— ნურაფრის გეშინია, მე გიშველი! — ეუბნება ცხენი.

დაბრუნდა ვაჟი იმავე ბაღში. ქალმა ვერ იცნო, ძალიან მოეწონა

და ისევ მამას უთხრა: მამაჩემო, თუ მათხოვებ. ახლა გამათხოვე, თორემ გადავხტები ამ კოშკიდან და მტვრად ვიქცევიო.

— მანამდე მამას ნუ ეყოლები, ვიდრე მე არ გაგათხოვო! ადამიანის ცოდვა გადევს, აბა, რად ღირს შენი სიცოცხლეო!

ჩამოვიდა ქალი, მივარდა ვაჟს, ჰკოცნის. ცხენმა წიხლი ჰკრა და მზეთუნახავი ვირად აქცია. მისმა ქმარმა ტირილი დაიწყო.

— ვაი, რა დამემართა მე საბრალოს! ამისათვის ბევრი გასაჭირი ამიტანიაო!

— გაჩუმდი. შენ რა გეღარდება, მე რას ვშვრები, შენ რა იციო.— უთხრა ცხენმა, — შენ რომ ჩემოდენი გცოდნოდა, მაშინ ამდენი უბედურება არ შეგემთხვეოდა. ახლა ამას მაგარი კეხი დაადგი, რამდენიც შენ გაგაწვალა, იმდენი შენ გააწვალე, ისე გააშწარე. ქოჩრიდან კულამდე ტყავი ასძვრეს. ამის შემდეგ წავალთ ხელმწიფესთან და სამართალს მოვითხოვთო.

მართლაც, ვაჟმა ვირს დიდი კეხი დაადგა და ტყავიც გააძრო. წავიდა ხელმწიფესთან და ვირიც თან წაიყვანა. ვირი მიაბა ხელმწიფის ჰიშკარს, თვითონ კი ხელმწიფეს ეახლა. ვირმა ყურები შეიბერტყა, ვირის ყური ზარს მოხვდა და დარეკა. ხელმწიფემ თქვა: ჩემო ვეზირებო, ვილაც რეკავს, ალბათ, მომჩივარია, მომიყვანეთო! გავიდნენ, კარებთან არავინაა, მხოლოდ ვირია. ხელმწიფეს ვირის სახელი ვერ აკადრეს, უკანვე შემობრუნდნენ და უთხრეს: არავინააო.

კიდევ შეიბერტყა ყურები ვირმა, ისევ მოხვდა ზარს.

— ჰოი, ვეზირებო, ნუ მატყუებთ, მომჩივანია კარებთანო!

წავიდნენ ვეზირები, არავინ დახვდათ ვირის გარდა. ვირის სახელი ვერც ახლა შეჰკადრეს ხელმწიფეს. მესამედ შეიბერტყა ყურები.

— ჰა, ვეზირებო, შემოიყვანეთ, ვინც არის, ძალღია იქ, თუ კაცი, სულ ერთია. მანახეთ, მორიდება არ იქნებაო! — ბრძანა ხელმწიფემ.

შეიყვანეს ვეზირებმა ვირი. ყურს აპარტყუნებს, ვერაფერს ლაპარაკობს.

— ვინც ამისხნის ამის საჩივარს, ჩემს საბრძანებელს დავუთმობო, — თქვა ხელმწიფემ.

— ამის ლაპარაკს მე აგონსნო, — უთხრა ვაჟმა.

— ჩემ ხელმწიფობას შენ მოგცემ, თუ ამის გასაჭირს გაიგებო! — უთხრა ხელმწიფემ.

— მე ვიცი და გეტყვი: ეს ვირი მზეთუნახავი გახლავთ. მე

ცოლად მინდოდა, მაგრამ ძალიან გამაწვალა. დღეს რაშმა მიშვე-
ლა და ეს მზეთუნახავი ვირად ვაქციე. ახლა საჩივარი აქვს, გუშინ
მზეთუნახავი ვიყავ, დღეს ვირად მაქციესო.

— ეს რატომ დაემართა? — იკითხა ხელმწიფემ.

— აღამიანის ცოდვით სავსეა. ამის ბაღში რომ შეიხედო, კაცის
თავებით არის მოფენილი. ვინც შევიდა, ცოცხალი არავინ დაბრუ-
ნებულა. მეც მივედი, კომბოსტოსა და ბოლოკს მაქმევდა და ნატვ-
რის ბეჭედს ამომადებინებდა ხოლმე. ამ მზეთუნახავს მხოლოდ
ერთ წამს ვუყვარდი. ბოლოს ზღვაში დამტოვა, სამი წელიწადი
ზღვაში ვიტანჯებოდი. იქიდან ძლივს გამოვედი და, როგორც მო-
გახსენე, ვირად ვაქციე. ახლა ამას ჩივის: მზეთუნახავი ვიყავი, დღეს
ვირი ვარო.

— აბა, თუ შეგიძლია, ეგ ვირი ისევ მზეთუნახავად აქციე, მაშინ
ჩემს სახელმწიფოს ნამდვილად შენ დაგილოცავო, — უთხრა ხელ-
მწიფემ.

— ამას ახლავე გაუაკეთებ, მაგრამ ის კიდევ ბევრ ცოდვას ჩა-
დენსო.

ვირი ისევ მზეთუნახავად აიქციეს და მამის სახლში გაგზავნეს.

— ახლა მე შენ გეტყვი: შენ ჩემი ძმა ყოფილხარ კუქის შემქმე-
ლი; შუათანა ძმა მე ვარ — თავის შემქმელი; ტანის მქამელი, დიდი
ძმა, შინ გველოდება, ჩვენ აქ ვართო. — უთხრა ვაჟმა ხელ-
მწიფეს.

ვიდრე იქ არ ვიყოთ, მანამდე დაუმარცხებლად ვიყოთ, დღეგრ-
ძელი ვიყოთ.

სიკვდილი და ყაჩაღი

იყო სახელგანთქმული ყაჩაღი. არავითარ ბოროტებას არ ერი-
დებოდა: კაცის კვლას, ქურდობას, ავაზაკობას. ერთ გლეხს კაი
დევებული ჰყავდა. უკანასკნელად ყაჩაღმა მისი მოპარვა განიზრახა.
წავიდა. გზაში ერთი ოჯახიდან საშინელი კივილი მოესმა. გაუკვირდა
და იქით გაეშურა. ჰიშკართან რომ მივიდა, დაინახა, ცხენზე ზის
თეთრწვერა კაცი, უკან კი უზის თექვსმეტი წლის ახალგაზრდა ქა-
ლი. ყაჩაღმა იფიქრა, ნამდვილად ამ კაცს ქალიშვილი მოუტაცნიაო.

კრეშკარზე რომ გადმოვიდა, ყაჩალი ცხენიანს სწვდა აღვირში და გააჩერა. უბრძანა:

— ჩქარა ჩამოსვი ძირს ეს ქალი, თორემ სულს გაგაფრთხობინებო!

თეთრწვერა კაცს გაეცინა და ჰკითხა:

— შენ ვინ ხარ, ასე რიხით რომ მიბრძანებო!

— მე ესა და ეს ყაჩალი ვარო!

— აბა, მიცნობდე, მე სიკვდილს მეძახიან. ამაღამ ეს ქალი მიმყავს, ღლეის სწორს შენი სტუმარი ვიქნები, თუ ვეჟაკი ხარ, დამსვდიო, — უთხრა თეთრწვერა კაცმა და უცებ გაქრა.

ყაჩალი გაფითრდა, ძალიან შეშინდა. სახლში რომ მივიდა, ძმებს უთხრა:

— აჰა, ოქრო და ვერცხლი, რამდენიც გინდათ დახარჯეთ და ერთ კვირაში ისეთი სასახლე ამიგეთ, ერთი კარი ჰქონდეს და იყოს ისეთი სიმაგრე, რომლის აღება არავითარ ძალას არ შეეძლოსო.

დაფატურდნენ ძმები. იშოვნეს მასალა, მშენებლები და აუღეს ქვიტკირის შენობა.

ღრო რომ მოვიდა, ყაჩალი ჩაიკეტა ოთახში, დაიწყო ახლოს ყველა იარაღი, რაც კი ჰქონდა, და დაუწყო ლოდინი სიკვდილს. კარები კარგად ჰქონდა გადარაზული, რომ ვერავის გაეღო, და უცდიდა: აბა, საიდან შემოვა სიკვდილიო. მაგრამ სიკვდილი არსად ჩანდა, იგვიანებდა. ყაჩალიც არ იძინებდა. იარაღს ხელში ათამამებდა, ტყვიას მალიმალ გამოუტყვლიდა, მაგრამ სიკვდილი მაინც არსად ჩანდა. ბოლოს იფიქრა: მოდი, მივწვები, ცოტას დავისვენებო! მიწვა და კიდევ ჩაეძინა. გავიდა ცოტა ხანი და ვილაც აღვიძებს. გაიღვიძა. შეხედა — სიკვდილია. შეშინდა, მაგრამ რაღას იზამდა.

— აბა, მოემზადე, უნდა წაგიყვანო!

— დიდი სიამოვნებით წამოვალ, სხვა რა გზა მაქვს, მაგრამ მე, შენც იცი, დიდი ხნის ყაჩალი ვარ, ჩემს სიცოცხლეში ბევრი ცოდვა ჩამიდენია, ქრისტიანი კაცი ვარ და მანამდის ნუ მომკლავ, სანამ „მამაო ჩვენოს“ არ ვიტყვიო!

— თქვი, აბა ჩქარაო! — უბრძანა სიკვდილმა.

— არა, ასე ვერ ვიზამ, მომეცი პირობა, რომ სანამდის არ დავამთავრებ „მამაო ჩვენოს“ თქმას, მანამდის არ მომკლავო!

— მომიცია პირობა, თქვიო! — ეუბნება სიკვდილი.

— მარტო პირობას ვერ ვენდობი, მომეცი ღმერთი თავდებად. დაიფიცე ღმერთი, მანამდის არ მომკლავ, სანამ „მამაო ჩვენოს“ არ დავამთავრებო!

მისცა თავდებად ღმერთი და ყაჩაღმაც დაიწყო: „მამაო ჩვენო, რომელი ხარ ცათა შინა“... ნახევარი თქვა და მერე გაჩერდა.

— თქვი ჩქარა, დაამთავრე, რაღას უცდიო! — უთხრა სიკვდილმა.

— შენ ხომ ღმერთი მომეცი თავდებად, სანამდი არ დავამთავრებ, ვერ მომკლავ, ახლა მეტის თქმა არ მსურსო!

სიკვდილმა იგრძნო, რომ მოტყუვდა და ყაჩაღს უთხრა:

— რადგან შენ ასეთი ჭკვიანი ყოფილხარ, მოდი, შევავზანავდეთ და მე სიკეთეს მოგანიჭებო!

შეამზანავდნენ. სიკვდილმა ურჩია: ყაჩაღობას თავი დაანებე და ექიმობა დაიწყო. მე ყველა ავადმყოფთან ვიქნები, შენს მეტი ვერავინ დამინახავს, ავადმყოფს ან თავთან ვეყოლები დამჯდარი, ან ზუგთან, თუ თავთან დამინახო, ავადმყოფი არ მორჩება და შენც უარი თქვი მის მკურნალობაზე, თუ ფეხებთან — მაშინ ავადმყოფი მოსარჩენია, შენ უბრალო წყალი გამოუწერე და მაინც მორჩებაო!

ყაჩაღმა თავის ძველ ხელობას თავი დაანება და ექიმობა დაიწყო. ყოველგვარ ავადმყოფს მკურნალობდა. სადაც მივიდა და თქვა: ეს ავადმყოფი მორჩებაო, მართლაც, ყველა მორჩა; ვისზედაც თქვა — მოკვდებაო, მართლაც მოკვდა. გაუვარდა დიდი სახელი. გამდიდრდა.

გავიდა რამდენიმე წელიწადი. ერთხელ ეს კაცი ავადმყოფთან მიდიოდა ცხენით. წყლის ნაპირზე დამხრჩვეალი ბავშვი ნახა. გადააბრუნ-გადმოაბრუნა, გაცოცხლება აღარ შეიძლებოდა და იქვე გაუთხარა საფლავი. ბავშვს ყელზე ჯვარი ეკიდა. რადგან ქრისტიანი ყოფილა, მოდი, ამას „მამაო ჩვენოს“ ვეტყვი და ისე დავასაფლავებო, — იფიქრა. მართლაც, დაიწყო და თავიდან ბოლომდის დაამთავრა „მამაო ჩვენო“. უცებ ეს ბავშვი გაცოცხლდა და ექიმმა იცნო სიკვდილი, რომელიც მას დასდევდა.

— ხომ თქვი „მამაო ჩვენო“ ბოლომდის, აბა, ახლა ჩაბრძანდი ამ საფლავშიო, — უთხრა სიკვდილმა. ყაჩაღი მიხვდა, საქმე ცუდად წაუვიდა და სთხოვა: რადგან ამდენი სიკეთე მიქენი, ერთი სათხოვარი კიდევ მაქვს: შინ ძალზე მოხუცი მამა მყავს, მომეცი ნება, რომ მას სიკვდილის წინ გამოვემშვიდობო!

სიკვდილი დათანხმდა და ორავე წავიდა. შვილმა მამას ყველაფერი უამბო და დაუწყო გამომშვიდობება.

— აბა, ჩქარა მოემზადე, ხომ შევისრულე თხოვნაო! — უთხრა სიკვდილმა.

— კეთილი, მაგრამ ერთი ჭიქა ჩვენი ჰის წყალი დამალევინე და ერთი ამ ჩვენს მსხალზე მოკრეფილი ნაყოფი მაჭამეო!

— ჭამე, დალიე, ნუ გადამაყოლე, მალე ჰქენიო! — უთხრა სიკვდილმა.

წყალი მიუტანეს და დაალევინეს, მაგრამ მსხლის მომკრეფი არავინ აღმოჩნდა.

— მე მოხუცებული ვარ და ხეზე ასვლა არ შემიძლია, თუ მსხალს მოუკრეფ და აჭმევ, შენ იცი! — სთხოვა მამამ სიკვდილს.

სიკვდილი ავიდა მსხალზე, მოკრიფა, მაგრამ ძირს ველარ ჩამოვიდა. წვალობს, წრიალებს, ვერ ჩამოღის.

თურმე, ქრისტე რომ ქვეყანაზე დადიოდა გლახაკის ტანისამოსით, ამ ყაჩაღს მამასაც სტუმრებია. სტუმარი მას კარგად მიუღია. პატივი უცა და ღამეც გაუთევინებია. დილით უთქვამს:

— რადგან შენ ასე კარგად მიმიღე, მთხოვე რამე და ავისრულებო.

მოხუცს უთქვამს: მე სათხოვარი ბევრი არაფერი მაქვს, ყველაფერი მომეპოვება. ოღონდ ერთია, რომ მსხლის გადარჩენას ვერ ვახერხებ. როცა დაწიფდება, მეზობლის ბავშვები დღედაღამ ზედ არიან და მე ველარ ვსარგებლობო.

— კარგო, — დაუბარებია ქრისტეს, — შენც დამილოცნიხარ და ვინც მაგ მსხალზე უშენოდ ავიდეს, ძირს ველარ ჩამოვიდეს ისე. თუ შენ არ უშველეო!

ასლაც ქრისტეს ძალამ გააწეო სიკვდილი მსხალზე.

ტრიალებს სიკვდილი ხეზე, ხან ზევით, ხან ქვევით, მაგრამ ჩამოსვლას ვერ ახერხებს. ყაჩაღი უძახის: რას შერები, კაცო, ჩამოდი. მსხალი მაქამე და წავიდეთო!

სიკვდილმა მთელი დღე იხეტილა ხეზე და ძირს რომ ველარ ჩამოვიდა, თქვა: ოღონდ აქედან ჩამომიყვანეთ და რასაც მთხოვთ. ავისრულებთო. მაშინ მოხუცმა უთხრა: მომეცი პირობა, ამ ჩემ. შვილს მანამღის არ მოკლავ, სანამ თვითონ არ გეტყვის, და ჩამოგიყვანო!

სიკვდილმა მისცა კიდევ ღმერთი თავდებად, მოხუცმაც უთხრა — ჩამოდიო და ჩამოვიდა კიდევ. ამგვარად, ყაჩაღი კიდევ გადარჩა სიკვდილს.

გავიდა რამდენიმე წელიწადი. ნაყაჩაღარი ძალიან მოხუცდა. უკვე სიარული აღარ შეუძლია, დავრდომილია. ერთხელაც წაპოიძახა: — ჰეი, სიკვდილო, სადა ხარო? მაშინვე გაჩნდა სიკვდილი, სელში ცელი უჭირავს.

— აბა, რა გინდა, მოდიხარო?

— არა. წამოდგომაში მომეხმარეო.

გავიდა დრო, ნაყაჩაღარი დაგლახაკდა, დაბრმავდა, დაყრუვდა. ხშირად ნატრობს სიკვდილს, მაგრამ როცა სიკვდილი გამოეცხადება.

კიდევ სთხოვს, ცოტა მაღროვეო. ბოლოს, იაჟლებული გახდა შე-
ვედრებოდა, მომკალიო.

ამგვარად, სიკვდილმა მაინც ჩაიგდო ხელში ეს სახელგანთქმული
ლა უკვიანი ყაჩაღი, რომელმაც ორჯერ მოატყუა იგი.

ქურდი და ხელმწიფის შვილი

ერთ ქვეყანაში ერთი ხელმწიფე იყო. შეეჩვია ერთი ქურდი და
სულ გაუჩანაგა ყველაფერი. ვერა და ვერ დაიჭირა.

ერთხელაც ხელმწიფემ ქუჩაში ფული გაფინა და მცველები და-
აყენა. ქურდმა ვერ მოითმინა, წაისვა ფეხსაცმელებზე ცხელი ფისი,
გაიარა და გამოიარა. ფისმა აიკრა ფული. დაიჭირეს ეს ქურდი.
ჩააგდეს საბნელოში.

გახარებულმა ხელმწიფემ დაპატრეა ორი მეზობელი ხელმწიფე:
ერთი კაი მეჭლისი უნდა გადაეხადო, რახან ქურდი დავიჭირეო.

ამ ხელმწიფეს ერთი პატარა ბიჭი ჰყავდა, იმათაც თითო ბიჭი
ჰყოლიათ. შეიყარა სამი ბიჭი და ჩილიკა ჯოხის თამაში დაიწყეს.

ამ ხელმწიფის შვილმა უთხრა სტუმარ ბავშვებს: აბა, აქედან
იმ ქურდის საბნელოში ვინ ჩააგდებს ჩილიკსო. გატყორცნა ერთმა
და გადააცილა, მეორემ აქეთ დააგდო, ამ პატარამ კი შიგ საბნე-
ლოში ჩააგდო. მივიდა და ქურდს უთხრა: შენი ჭირიმე, მომაწოდე
ეს ჯოხიო! ქურდმა უთხრა:

— წალი, დედაშენს თმაში გაააღები აქვს, მოიტანე, გააღე კა-
რები, გამომიშვი, ჯოხსაც მოგცემ და პატივსაცა გცემო.

მივიდა, მართლაც, ბიჭი დედასთან, გამოაცალა თმიდან გასაღე-
ბი და გაუღო კარები. ქურდმა მისცა ეს ჯოხი და უთხრა: იცოდე,
ბოლოს მე გამოგადგები, ჩემს მეტი არავინ გიშველისო. ადგა და
წავიდა.

ბიჭი მოვიდა სახლში დაღონებული. ხელმწიფეები რომ წავიდ-
ნენ, ბიჭმა მამას უთხრა: ერთი დანაშაული ჩავედინე და თუ მაპა-
ტიებო?

— გაპატიებ, შვილო, ისეთი რა უნდა ჩაგედინა, რომ ვერ გაპა-
ტიოო?!

— ვიცი, არ მაპატიებო!

— არა, გაპატიებო!

— მაშ, თუ ასეა, სიტყვა მომეცი ხალხთან, რომ ნამდვილად მაპატიებო.

ხელმწიფემ მოიწვია ხალხი მოწმედ. რომ დასდნენ, ბიჭმა კიდევ კითხა მამას: ხომ ნამდვილად მაპატიებო?

— გაპატიებ, შვილო!

— ხალხო, მაპატიებს მამაჩემი დანაშაულს თუ არაო? — ეკითხა ბიჭმა.

— გაპატიებს, რახან პირობა მოგცაო! — უპასუხეს.

— ჩვენი ქურდი გავუშვიო! — უთხრა ბიჭმა. ეს რომ ხელმწიფემ კაიგონა, წამოავლო ხმალს ხელი. ხალხმა დაიჭირა: პირობა პირობაა. უნდა აპატიო!

— დღეიდან ჩემმა თვალებმა აღარ დაგინახოსო! — უთხრა გამწარებულმა ხელმწიფემ.

ბიჭს სხვა რაღა უნდა ექნა, ადგა და წავიდა. შემოხვდა გზაში ერთი უფროსი ბიჭი. დამშობილდნენ და ერთად წავიდნენ. ერთ ლაგას ფლატეზე მიდიან. ხელმწიფის შვილს წყალი მოსწყურდა.

— ჩადი დაბლა და დალიეო, — უთხრა მეგობარმა. ჩავიდა ხელმწიფის შვილი, წყალი კი დალია, მაგრამ ზევით ველარ ამოვიდა.

— ამომიყვანე, განა ძმები არა ვართო, — ამოსძახა ხელმწიფის შვილმა.

— იმ პირობით ამოგიყვან, შენს ტანსაცმელს თუ მე ჩამაცმევ. შენ გვარს მე დამაწერ და ჩემსას შენ დაიწერო!

ხელმწიფის შვილი დაეთანხმა, სხვა რა გზა ჰქონდა.

ჩავიდა მაშინვე ეს ბიჭი ამოსაყვანად. ჩააცვა ხელმწიფის შვილმა თავისი ტანისამოსი, სახელი და გვარიც გადაუწერა და აპოიყვანა.

ბევრი იარეს თუ ცოტა იარეს, მივიდნენ ერთ ხელმწიფესთან. ხელმწიფემ შეხედა და უფროსი ბიჭი მეგობარი ხელმწიფის შვილად მიიჩნია, რადგან მისი ტანისამოსი და გვარი ჰქონდა. ამ ბიჭს უთხრა: ეგ მეორე ვილა არისო?

— ჩემი ამხანაგიაო.

ხელმწიფეს ერთი ქალი ჰყავდა და ის დანიშნა ამ ბიჭზე. ხელმწიფის შვილი კი მზარეულად დაიყენა. ქალმა შეხედა თუ არა, ხელმწიფის შვილი მოეწონა.

ქალი ხელმწიფის შვილს ეხვეწება: ხმა გამეციო, მაგრამ ბიჭი გაჩუმებულია. ქალს ისე შეუყვარდა ბიჭი, ისე, რომ ლამის გაგიჟდეს. მიღის და ჰკოცნის. დანიშნულმა ბიჭმა ქალს უთხრა: ქალო, ნუ ჰკოცნი მაგ ბიჭსა, თორემ ვეტყვი მამაშენსაო!

ქალმა უპასუხა: მეხი შენც დაგაყარე და მაპაჩემსაცო!

წამოვიდა დანიშნული ბიჭი და ხელმწიფეს უთხრა: ჩემო სიმამრო, შენი ქალი მე ყურს არ მიგდებსო.

ხელმწიფე ადგა და ეს მზარეული მელორედ დააყენა. მაგრამ საღამოთი რომ ბრუნდება. ქალი მაინც იმასთან მიდის. კიდევ უთხრა დანიშნულს სიმამრს. მაშინ ხელმწიფემ ბიჭი ცხენის ჯოჯში გაგზავნა. ქალი ძალიან შეწუხდა. ერთი კვირა ძლივს გასძლო. მეორე კვირას მამას უთხრა:

— ხელმწიფე კი ხარ, მაგრამ სწავლა გაკლიათ: ჯარისკაცი რომ შემოგხედეს გზაში, როგორ უნდა იცნო?

— აბა, რა ვიცი, შეილო, როგორ!

— უნდა დაიბარო და ყველას შენი ნიშანი დაადლო.

მოეწონა ეს აზრი ხელმწიფეს და დაიბარა თავისი ჯარი. ჯარი რომ მოვიდა, ცხენები სულ ამ ბიჭს ჩააბარეს. ქალი კი სახურავზე ავიდა, რომ დაენახა, მოდის ჩემი ბიჭი, თუ არაო.

ხელმწიფის შვილმა ცხენის ჯოგი გამორეკა და დაფიქრებულს ჩაეძინა. როცა გამოეღვიძა, ნახა, ერთი ცხენიც აღარ არის. ტირის, ტირის, რა ქნას, აღარ იცის, ამ ტირილში სად იყო, სად არა, იმ ქურდმა ჩამოიარა. შეხედა თუ არა, ბიჭი იცნო.

— რაღა ტირიო? — ჰკითხა.

— ასეა, ჩემი საქმე, ამოდენა ცხენის ჯოგი დავკარგეო.

ქურდმა წაიყვანა სახლში და დაუდგა ათი ჯამი საქმელი: ეს უნდა შექამოო. როგორც იყო, შექამა.

— როგორა მხედავო? — ჰკითხა ქურდმა.

— ისე ჩანხარ, როგორც ბუზიო, — უთხრა ხელმწიფის შვილმა.

ქურდს ერთი საღამური ჰქონდა, დაუკრა და ის ცხენები სულ მოაგროვა. მისცა ხელმწიფის შვილს ეს საღამური და დააბარა: თუ კიდევ დაგეკარგოს ცხენები, დაუკარი და მოგროვდებიანო. გათენდა დილა, გამორეკა ბიჭმა ცხენები, მაგრამ კიდევ დაეძინა. გამოეღვიძა და ნახა, ცხენები ისევ დაჰკარგვია. დაიწყო ტირილი. კიდევ ჩამოიარა იმ ქურდმა.

— რაღა ტირიო? — ჰკითხა ხელმწიფის შვილს.

— კიდევ დავკარგე ცხენებიო.

ისევ ისე წაიყვანა სახლში და დაუდგა თხუთმეტი ჯამი საქმელი, როგორც იყო, შექამა ბიჭმა ეს საქმელი.

— ახლა როგორ მხედავო? — ჰკითხა ქურდმა.

— ისე ჩანხარ, როგორც კოლო! — უთხრა ხელმწიფის შვილმა.

— მაშ წადი, საღამური დაუკარი და ცხენები მოგროვდებიანო. დაუკრა საღამური, მოაგროვა ცხენები და ბაჭში შერეკა.

გათენდა დილა. კიდევ გამოორეკა ცხენები და კიდევ დაეძინა. გაიღვიძა, მაგრამ ცხენები ვერც ახლა დაინახა. დაიწყო ისევ ისე ტირილი. სად იყო, სად არა, კიდევ ჩამოიარა ქურდმა: რად ტირიო? — ჰკითხა.

— ისევ დავკარგე ცხენები და ვტირიო.

წაიყვანა ქურდმა კიდევ ხელმწიფის შვილი და ახლა დაუდგა ოცი ჯამი საკმელი. დაადგა და როგორც იყო, შექამა ეს საკმელი.

— როგორ მხედავო? — ჰკითხა ქურდმა.

— ისე ჩანხარ, როგორც ქინქალო! — უთხრა ხელმწიფის შვილმა. ქურდმა ახლა მისცა ბლდადი, შიგ გამოუკრა სამი ბეწვი რაშისა: რომ გაგიჭირდება, ამ ბლდადს გაიჭნევ და სამი კაცი მოგვარდება, სადაც უნდა იყო, გიშველიან, ხოლო რაშის ბეწვს თუ მოტრუსავ, მაშინვე რაში გაჩნდებაო. მისცა სალამურიც.

წამოვიდა ბიჭი, დაუკრა სალამური, მოაგროვა ცხენები და შერეკა ბაკში. ამ დროს კიდეც მოვიდა ჯარი, რომელიც ხელმწიფეს ჰყავდა დაბარებული ნიშნის დასადებად.

ერთი კვირა რომ გავიდა, ქალს კიდევ მოუნდა ბიჭის ნახვა. მივიდა ხელმწიფესთან და უთხრა: შენი ცხენები როგორ უნდა იცნო?

— რა ვიციო, — უპასუხა ხელმწიფემ.

— სულ ყველა უნდა დადალო.

მოეწონა ეს აზრი ხელმწიფეს და მეორე დღეს მოარეკინა თავისი ცხენები: ხელმწიფის შვილმა თითო ხელზე ათ-ათი ცხენი აიჩინჩხლა და ისე წამოიყვანა. ქალი სახლის სახურავზე: ეგებ დავინახო ჩემი ბიჭიო. დაინახა თუ არა ხელმწიფის შვილი, მივარდა და გადაკოცნა, მაგრამ ბიჭმა ხმა არ გასცა.

ხელმწიფემ ყველა ცხენი დადალა და უკან გაისტუმრა. ქალმა მამას უთხრა: განა ცოდვა არ არი, ეს ბიჭი ცხენებში გყავს, მოდი, ისევ მზარეულად დავაყენოთო.

დაუჯერა ხელმწიფემ ქალს და ეს ბიჭი ისევ მზარეულად დაიყენა. ქალმა ახლო არ გაიკარა თავისი დანიშნული, სულ ამ ხელმწიფის შვილთან დადის, ეხვევა და ესურვილება. დანიშნულმა უთხრა: ქალო, მაგას ნუ ჰკოცნი, თორემ მამაშენს ვეტყვიო.

ქალმა უპასუხა: მეხი შენც დავაყარე და მამაჩემსაცაო!

წამოვიდა დანიშნული და სიმამრთან დააბეზლა: შენი ქალი მე ყურს ისევ ისე არ მიგდებს, მზარეულს ესურვილებაო.

გაბრაზდა ხელმწიფე და ეს ბიჭი საბნელოში ჩააგდო.

შეწუხდა ქალი. დაიბარა ჩუმად ვეზირები და უთხრა: ერთი ისე-

თი მენაღმე მომიყვანეთ, ჩემი სახლიდან საბნელომდის გვირაბი გაიყვანოსო. მოიყვანეს მენაღმე და მაშინვე გაქრეს გვირაბი. ქალმა უხვად დაასაჩუქრა იგი და თვითონ შევიდა საბნელოში. ხშირად ჩადის ხელმწიფის შვილთან, ეხვევა, ჰკოცნის, მაგრამ ბიჭი კიდეც ხმას არა სცემს.

სად არის, სად არა, ერთხელაც ერთი სამთავიანი დევი მოვიდა და ხელმწიფეს უთხრა: ან ჩემთან მეომარი გამოიყვანე, ან ეს ქალი მომეციო!

— აბა, ჩემო სიძე, ეომეო! — უბრძანა ხელმწიფემ თავის სიძეს.

— წაიყვანოს, შუაგზიდან მოვაბრუნებო! — უპასუხა დანიშნულმა. წაიყვანა დევმა ქალი. ეს საბნელოში გაიგო ხელმწიფის შვილმა. გაიქნია ბაღდადი, მოვარდა სამი კაცი, აყარეს ქერი და ბიჭი ამოიყვანეს. მოტრუსა წითელი რაშის ბეწვი, მოვარდა რაში იარაღითა და ტანისამოსით. აისხა ხელმწიფის შვილმა იარაღი, ჩაიცვა ახალი ტანსაცმელი და მოახტა რაშსა. გამოედევნა დევს უკან. რომ წამოეწია, დევს უთხრა: ეგ ქალი იქით დავსვათ, არა ვაწყინოთ რა, და მე და შენ ვიომოთო! მოაჭრა სამივე თავი დევს და ქალი უკან წამოიყვანა. გზაში შეხვდა დანიშნული. მოჰკიდა ქალს ხელი და წაიყვანა. ხელმწიფის შვილი კი ისევ ისე საბნელოში ჩავიდა ჩუმად. დანიშნულმა ხელმწიფეს უთხრა: — არ გითხარი, ჩემო სიმამრო, შუაგზიდან დავაბრუნებ-მეთქი, ხომ შევასრულე სიტყვა.

ქალი კიდეც იძახის: არა, მამა, ამას არ დავუხსნივარ, სხვამ დამიხსნაო! მაგრამ მამამ არ დაუჯერა. ქალმა მაშინვე ჩაირბინა გვირაბში და ხელმწიფის შვილს უთხრა: შენს იღბალზე ვილაცამ გადამარჩინაო.

მეორე დღეს მოვიდა ექვსთავიანი დევი და ხელმწიფეს უთხრა: ან მეომარი გამოუშვი, ან შენი ქალი მომეციო! გაქანდა ეს ქალი და ხელმწიფის შვილს უთხრა: შენი ჰირიმე, ხმა გამეცი, ახლა ექვსთავიან დევს მივყავარ და ვილა მაჩვენებს შენს თავსაო.

ხელმწიფის შვილი ისევ ისე არაფერს ეუბნებდა. გუნებაში იძახის: წაგიყვანოს, თავებს დავაცლო იმ დევსაცაო.

სიძემ კიდეც უთხრა ხელმწიფეს: წაიყვანოს, შუაგზიდან დავიბრუნებ ქალსაო.

წაიყვანა დევმა ქალი. ხელმწიფის შვილმა კიდეც გაიქნია ბაღდადი, მოვიდა სამი კაცი, აჰყარეს ქერი და ამოიყვანეს. ბიჭმა მოტრუსა მაშინვე ლურჯი რაშის ბეწვი, მოვარდა ლურჯი რაში, მოაჯდა ზურგზე და გამოედევნა დევს. როცა წამოეწია, უთხრა: ქალი გვერდზე გადავსვათ, არა ვავნოთ რა, ჩვენ კი ვიომოთო! შემოჰჭრა ხმალი

და ექვსივე თავი წააცალა. შემოისვა რაშზე ქალი და წამოიყვანა. შემოხვდა კიდევ გზაში დანიშნული, მოჰკიდა კვლავ ქალს ხელი და წაიყვანა. ხელმწიფის შვილი კი ისევ ისე შევიდა საბნელოში.

ქალი რომ მოიყვანა, დანიშნულმა ტრაბახი დაიწყო: იომ კაქვი, შუა გზიდან დაეაბრუნებ-მეთქი.

ქალი კიდევ იძახის: არა, მამა, ეს არა ყოფილა, სხვამ დამიხსნაო! მაგრამ არც ახლა დაუჯერეს.

ისევ ჩავიდა ქალი საბნელოში. მოეხვია ხელმწიფის შვილს და უთხრა: შენ გენაცვალე, ხმა გამეცი, შენ იღბალზე კიდევ უკან დააბრუნესო, მაგრამ ბიჭი ხმას მაინც არ იღებს.

მესამე დღეს ცხრათავიანი დევი მოვიდა და ხელმწიფეს უთხრა: ან ჩემთან მეომარი მომიყვანე, ან შენი ქალი მომეციო!

— აბა, ჩემო სიძევ, მიშველეო, — დაუძახა ხელმწიფემ.

— წაიყვანოს, შუა გზიდან მოვატრიალებო, — მიუტოო სასიძოპ.

ქალი მაშინვე ჩავიდა ხელმწიფის შვილთან:

— ახლა ვინ მიშველის, ხმა მაინც გამეცი ამ დაკარგვის ხანსაო. არც ახლა უპასუხა ბიჭმა.

ქალი ცხრათავიან დევს შეევედრა: ერთი კვირა მომიცადე და შემდეგ წამიყვანეო.

დაეთანხმა დევიც. ამ ერთ კვირაში ქალმა თავის ბაღდაღზე ამოქარგა ხელმწიფის შვილის სახე, რომ თან წაიღოს სახსოვრად. ერთი კვირის შემდეგ ცხრათავიანი დევიც მოვიდა. კიდევ ჩავიდა ქალი ხელმწიფის შვილთან და უთხრა: შენი ჰირიმე, ხმა გამეცი, ცხრათავიან დევს მიყვარ და კვლავ ვინ მაჩვენებს შენ თავსაო.

ბიჭი ახლაც დუმს, არას ეუბნება.

წაიყვანა დევმა ქალი. ცოტა ხანი რომ გავიდა, ხელმწიფის შვილმა გაიქვია ბაღდადი, მოვიდა სამი კაცი, აჰყარეს ჰერი, ამოვიდა ბიჭი, მოტრუსა შავი რაშის ბეწვი, მოვარდა რაში, მოაჯდა ზურგზე და გამოუდგა დევს. რომ წამოეწია, ამასაც უთხრა: ქალი იქით დავსვით და ჩვენ ვიომოთო!

დაიწყეს ომი, რვა თავი მოსჭრა ხელმწიფის შვილმა და მეცხრე თავს რომ დაჰკრა, მკლავი დაიზიანა. დაღონდა ბიჭი, წამოწვა ქალის მუხლზე და დაეძინა. მაჯიდან წურწურით გამოუვიდა სისხლი. ქალმა თქვა: სამჯერ ამ ვაჟმა გადამარჩინა, რალად მინდა ის ბიჭი, ამდენი ხანია მიყვარს და ხმას არა მცემსო! აიღო თავისი ბაღდადი, რომელზედაც იმ ბიჭის სახე იყო ამოქარგული, და შეუხვია მკლავი. გამოელვინა ბიჭს, არც იცის, თუ დაჭრილი, შეჯდა რაშზე, შემოისვა უკან ქალი და წამოვიდა.

გზაში კვლავ შეხვდა დანიშნული. მოჰკიდა ამ ქალს ხელი და წაიყვანა, ხელმწიფის შვილი კი ისევ ისე ჩავიდა საბნელოში.

— არ გითხარი, ჩემო სიმამრო, შუა გზიდან მოვაბრუნებ-მეთქი! — ისევ დაიტრაბახა დანიშნულმა. ქალმა კიდევ იყვირა: ეგ არ იყო, მამა, სხვა ვინმემ დამიხსნაო, მაგრამ არც ახლა დაუჯერეს.

მაინც ჩავიდა ეს ქალი საბნელოში. ბიჰს ეძინა და მაჯიდან ბაღდადი უჩანდა. ქალმა რომ დახედა, კინალამ გაგიჟდა: თურმე ეგ ყოფილა ჩემი მშველელიო. გაიქცა მაშინვე მამასთან: აი, გაჩვენებ, ვინც გადამარჩინაო. ხელმწიფემ ნახა გვირაბი, ბიჰი, ბაღდადი. ამოიღო ზმალი და უნდა მოეკლა თავისი ქალიცა და ხელმწიფის შვილიც: როგორ გაბედეთ ამისთანა რამეო. უცებ გამოელვოდა ბიჰს, სწვდა ხელმწიფეს და აპყარა იარაღი.

ხელმწიფემ უთხრა: ოღონდ ნუ მომკლავ და ქალიც შენი იყოს და სახელმწიფოცაო.

დარჩა ამ ბიჰს სახელმწიფოცა და ქალიც.

ჰირი ი.ა. ლხინი ა.ა.

ხაკარი ი.ა. ფქვილი ა.ა.

ორი ძმისა

იყო და არა იყო რა, ღვთის უკეთესი რა იქნებოდა. იყო ერთი ღარიბი კაცი. წვრილ-შვილით დადიოდა ტყეში, ჩიტებს იჭერდა და ჰყიდდა.

ერთხელ მშვენიერი ჩიტი დაიჭირა. წაიყვანა ქალაქში გასაყიდად. ზოგმა აბაზი შეაძლია, ზოგმა — ხუთი შაური, ზოგმა — ორი აბაზი. ერთმა სოვდაგარმა რაღაც შენიშნა ამ ჩიტსა და უთხრა: ორმოცდაათ თუმანს გაძლევ და მომეციო.

— შე კაი კაცო, რას დამცინიო!

რომ არ გაანება თავი, აღგა და მიჰყიდა; აიღო ორმოცდაათი თუმანი.

ამ ჩიტს მარჯვენა ფრთაზე ეწერა: „ვინც შეჰკამს ამ ფრთას, ხელმწიფედ უნდა დაჯდესო“; მარცხენა მხარეს ეწერა: „ვინც შეჰკამს ამ ფრთას, ჯიბე თავისთავად აეცხება ფულითაო“.

სოვდაგარმა ეს არაღვის არ გააგებინა. წავიდა. სავაჭროდ და

მსახურს დაუბარა: სანამ დავბრუნდებოდე, ჩემი ცოლი, ეს ორი ბიჭი და ეს ჩიტი ვინძლო კარგად შემინახო!

გაუწყრა ღმერთი ამ სოვდაგრის ცოლსა და შეიყვარა ერთი ვაჰარი. იგი ხშირად მოდიოდა ამ ქალთან.

ერთ დღეს ვაჰარმა წაიკითხა ამ ჩიტის ფრთაზე დაწერილი და საჩქაროდ წავიდა სახლში. საყვარელს კაცი მოუვიდა: ვაჰარი კვდება და ჩქარა წამოდის. მაშინვე გაიქცა ქალი. ვაჰარმა უთხრა: თუ დაკლავ შენს ჩიტს და შემაკმევ, მოვრჩები, თუ არა მოგკვდებიო.

ქალმა მსახურს ძალად დააკვლევინა ჩიტი. როცა ხრაკავდა, ბავშვები გარშემო ეხვეოდნენ. მზარეულმა გაგლიჯა და ნახევარი ერთს შეაჭამა და ნახევარი მეორეს. დალა კარგი ვარია და ვაჰარს ის გაუგზავნა.

ვაჰარმა შეჭამა ვარია და თითქოს კარგად გახდა, მაგრამ არც ფული და არც ხელმწიფობა! მივიდა ვაჰარი საყვარელთან, შეხედა უმცროს ვაჟს, ფული აქვს ჯიბეში და უფროსს კი ხელმწიფის ნიშნები ემჩნევა. უმცროსმა ბიჭმა უთხრა დედას: დედა, დამიცალე ჯიბე, ფულით მეგსებაო.

ვაჰარი დაბრუნდა შინ და კიდევ გახდა ავად. დაიბარა მოსამსახურე და უთხრა: წადი, სოვდაგრის ბავშვები ტყეში წაიყვანე, დაკალი; გულ-ღვიძლი ამოაცალე და მომიტანეო.

მოსამსახურე ძალიან შეწუხდა, მაგრამ უარს ხომ ვერ ეტყოდა. გაიტყუა სოვდაგრის ბავშვები და წაიყვანა ტყეში. მიდის და ტირის. ბავშვებმა ჰკითხეს: რა მოგივიდა, რატომ ტირი, განა ჩვენ რა გაწყენინეთო?

მაგრამ მათ ხმა არ გასცა, წინ გაუშეა. მიდიან და მოსამსახურე კიდევ ცრემლებს აფრქვევს. შემოხვდა ერთი მეცხვარე. გამოეპასუხა:

— კაცო, რა გატირებს, რა გავკირვებიაო?

— ჩემმა ბატონმა მიბრძანა, აი, ეს ბავშვები დაკალი, გულ-ღვიძლი ამოაცალე და მომიტანეო. ამაზე ვტირი, როგორ უნდა გავიმეტო ეს ანგელოზივით ბავშვები დასაკლავადო.

— შე კაი კაცო, მაგისტვის რა გატირებს, ციკნისა და ბავშვების გულ-ღვიძლი არ გაირჩევა; ეგ ბავშვები მე მომეცი და ორ ციკანს დაგიკლავო.

ასეც მოიქცნენ. დაკლეს ორი ციკანი, ამოაცალეს გულ-ღვიძლი, ბავშვებს გახადეს ტანსაცმელი, მოსვარეს სისხლში. და გახარებულმა მოსამსახურემ წამოუღო ვაჰარს. ბავშვები კი მეცხვარესთან დატოვა.

მოუტანა გულ-ღვიძლი, შექამა ვაჭარმა და თითქოს მორჩა, მაგრამ არც ხელმწიფე გახდა და არც ფულიანი.

ბავშვები იყვნენ მეცხვარესთან ერთ წელიწადს, დაიზარდნენ და ერთმანეთს უთხრეს: ჩვენ აქ ყოფნა არ გამოგვადგება, გავიპაროთ ჩუმად, რომ მეცხვარემ არ გაგვიგოსო.

ერთ დღეს ბიჭები, მართლაც, გაიპარნენ. იარეს, იარეს კარგა ხანი და მიადგნენ ერთ ჯვარედინ გზას. იმ გზასთან ერთი დიდი ქვა იდო, ზედ ეწერა: „მარჯვენა მხარეს ნათელი გზა არის, მარცხენა მხარეს ბნელეთისაო“. უმცროსმა ძმამ უთხრა:

— მე ბევრი ფული მაქვს და ბნელეთის გზაზე წავალ, შენ ნათელ გზაზე წადიო. მამისეული ერთნაირი ქამრები ერტყათ, ზედ თავიანთი გვარი და სახელი ეწერათ. უმცროსმა უთხრა: შენ ხელმწიფობის ნიშანი გაქვს და ეს ქამარი წელიდან არ შემოიხსნა, შეიძლება, შევხვდეთ ერთმანეთს და ამით ვიცნობთო.

გაიყარნენ. წავიდა თუ არა უფროსი ძმა ნათელ გზაზე, მივიდა ერთ სახელმწიფოში. იქ ხელმწიფეს ირჩევდნენ. ააფრინეს მტრედი და ახალ მოსულ ბიჭს დააფრინდა მხრებზე. ბიჭი წაიყვანეს და ძველ ბოსელში დაამწყვდიეს, მაგრამ მტრედი სანათურიდან ჩაძვრა და ისევ ამ ბიჭს დააჯდა მხარზე. გამოიყვანეს და დასვეს ხელმწიფედ.

უმცროსი ძმა წავიდა ბნელეთის გზაზე. იარა, იარა, დიდი გაკირვება გადაიტანა და გავიდა შუქზე. მივიდა ერთ ბებერთან.

— შეილო, სტუმარი კი არ მეჯავრება, მაგრამ კი არაფერი მაქვს რა, რითი დაგხედო!

ბიჭმა უთხრა: საკმელზე ნუ შეწუხდები, ფული ბევრი მაქვს, საკმელი ვიყიდოთ და ვკამოთო.

დარჩა ბიჭი ერთ კვირას ამ ბებერთან, იმდენი ფული დაუტოვა, რომ სიკვდილამდის ეყოფოდა. ბიჭმა ჰკითხა ბებერს: რა ამბავია ამ თქვენ სახელმწიფოშიო?

ბებერმა უთხრა: ჩვენი ხელმწიფის ქალისათვის ეძებენ ისეთ საქმროს, რომელიც ხელმწიფის ჯარს შეინახავს და ხელმწიფეს არაფერი დაეხარჯებაო.

— ეს სწორედ ჩემი საქმე არისო, — თქვა ბიჭმა და მეორე დღეს გამოცხადდა ხელმწიფესთან.

— რისთვის მოსულხარო? — ჰკითხა ხელმწიფემ.

— თქვენი ქალის სათხოვნელადაო!

— ერთ წელიწადს ისე უნდა შეინახო ჩემი ჯარი, რომ კაპიკი არ დამეხარჯოსო.

— სამ წელიწადს შევინახავო.

გაუხარდა ხელმწიფეს და დადეს პირობა. მეორე დღესვე დაიწყო ბიჭმა ჯარის რჩენა, ფული ბევრი აქვს. გავიდა სამი წელიწადი. მოატანა დრომ, ხელმწიფის ქალი უნდა დანიშნოს ამ ბიჭმა. ქალს არ უნდა ეს ვაჟი. დაიბარა და უთხრა: კაი დრო გავატაროთო. ეს ბიჭიც, რა თქმა უნდა, ესტუმრა ხელმწიფის ქალს. პურის საკმელად რომ დასხდნენ, ბიჭს ისეთი საწამლავი დააღვინეს, რომ მთელი ჯიგარი ამოუღო. ქალმა შეკამა ჯიგარი და ბიჭი აივნინდან გადმოაგდო.

აღვა სანსალით ეს ბიჭი. წავიდა, შორი გზა გაიარა, დაინახა, ორი კაცი ჩხუბობდა.

— რა გაქვთ საჩხუბარი, რაზე ჩხუბობთო?

— გასაყოფი გვაქვს ერთი სკივრი, ერთი სუფრა და ერთი ხალიჩაო. ხალიჩაზე რომ დაჯდები, სადაც ეტყვი, იქ წავიყვანს; სუფრას რომ გაშლი, რა კერძაც უბრძანებ, თავისთავად გაჩნდება; სკივრს კი წკებლას რომ დაარტყამ, იმდენი ჯარი ამოვა, რამდენიც ერთ ხელმწიფეს არა ჰყავსო, თუ მეორედ დაარტყამ წკებლას, ისევ ისე ჩავა შიგაო.

ბიჭმა უთხრა: აი, ეს ჯოხი ერთ-ერთმა გაისროლეთ, გაიქეცით. ვინც ადრე მომიტანს, სუფრა მას ეკუთვნისო.

გაისროლეს ჯოხი და ორივე გაიქცა.

ბიჭმა კი ეს სკივრი და სუფრა დააწყო ხალიჩაზე და უბრძანა: იმ ბებერთან წამიყვანე, საიდანაც წამოვედიო.

ეს ბიჭი მივიდა ბებერთან. გათენდა დილა, დაჰკრა წკებლა სკივრსა, იმდენი ჯარი ამოვიდა, რომ ეს სახელმწიფო სულ ჯარმა დაიჭირა. იმ ჯარში გამოვიდა ერთი გულთმისანი კაცი და ბიჭს უთხრა: ის ქალი, შენ რომ ჯიგარი ამოგაცალა, იქცევა მტრედად და თვალეზის დათხრას მოგინდომებს, რომ ეს ჯარი დაიმორჩილოსო, აასხი: სიმინდის მარცვალი კანაფზე, შედი და ბებრის სახლში გულადმა დაწეჟი, ის კანაფზე ასხმული სიმინდი კბილით დაიჭირეო; რომ მოფრინდება ქალი მტრედის სახით, ღულუნს დაიწყებს, შენც დაუყვავე, დოი დოი-თქო, რომ მოატანს ახლოს, სტაცე ხელი და დაიჭირეო. სიმინდის მარცვალი ამოსწიე, ჯიგარი ამოჰყვება, ჩაყლაპე და რაც კაცი იყავი, ისევ ისეთი გახდებიო.

ეს ბიჭი მართლაც ასე მოიქცა. დაჰკრა წკებლა და ჯარი ჩალაგდა სკივრში. მოფრინდა მტრედი, დაიჭირა, ამოატალა ჯიგარი, ჩაყლაპა და ისევ ისეთი გახდა, როგორიც იყო — ფულიანი კაცი.

ამ მტრედს კი გადაჰკრა წკებლა და აქცია ჯორ-ცხენად. შეება საბარგულში და დაუღო ზედ თავისი სკივრი, ხალიჩა და სუფრა, გასწია და წავიდა. უნდა იპოვოს თავისი ძმა.

შევიდა ერთ ქალაქში. უდროოდ დადიოდა ეს კაცი და დაიჭირეს თავისი ნივთებით. მეორე დღეს უნდა ჩამოახრჩონ. გათენდა დილა და ეს კაცი წარუდგინეს ხელმწიფეს. ბიჭს რომ ჯიბიდან ფული ეპანეოდა, ხელმწიფე ეკვებში შევიდა.

— ვინა ხარ, რა კაცი ხარ, საიდან მოხვედიო? — ჰკითხა ხელმწიფემ. ბიჭმაც, რალა თავი შეგაწყინოთ, უამბო თავისი თავგადასავალი. ხელმწიფემ უთხრა: განა ნიშანი გაქვს რამეო?

— ქამარი მაქვს, ამ ქამრით უნდა ვიპოვო ჩემი ძმაო.

— იცნობ, რომ ნახოო?

— როგორ არაო.

ამოიღეს ქამრები და ძმებმა ერთმანეთი იცნეს. ძალიან გაიზარეს.

გავიდა ხანი. ძმებმა თქვეს: მოდი, წავიდეთ და მამაჩვენი ვნახოთ. უმცროსმა დაისვა ხელმწიფე თავის საბარგულზე და წავიდნენ. მივიდნენ თავიანთ ქვეყანაში.

იმათ მამას შვილების ხარჯი აქვს. სადილზე უთხრეს სოვდაგარს: უცხოეთის ხელმწიფე მობრძანდა და დავიპატიოთო.

ბიჭებმა იცნეს მამა, დაღონებული სოვდაგარი კი ვერ მიხვდა, რომ ეს სტუმრები მისი შვილები არიან. დედა მზიარულად დადის, ვაჭარიც აქ არის.

შუა პურის ჭამაში იყო ხალხი, როცა ხელმწიფემ ბრძანა: სახლიდან გარეთ არავინ გაუშვათო!

ადგა ეს ხელმწიფე და დაიწყო თავისი და ძმის თავგადასავალი.

სოვდაგარმა თქვა: ვაი, თქვენს მამასა, რა ჩემსავით გაუბედურებული ყოფილა ისიცო. ბიჭები ახლა კი მივარდნენ მამას და გადავხვივნენ, ჩვენ შენი შვილები ვართო. ყველამ გაიხარა. ვაჭარი ცხენის ძუაზე მოაბეს და დაათლეთინეს.

ელასა, მელასა,

კიქა მევიდა ყელასა,

მთქმელსა და გამგონებელსა,

ძილი გაამოთ ყველასა.

სოვდაგარის შვილი და მტროს ირემი

იყო და არა იყო რა, ღყპის უკეთესი რა იქნებოდა. ერთ ხელმწიფეს ერთი შვილი ჰყავდა. ხელმწიფემ დაიძმობილა ერთი სოვდაგარი. მასაც ბიჭი ჰყავდა. ერთდმანეთს არ შორდებოდნენ და ბიჭებიც ერთად დაზარდეს.

ერთ მშვენიერ დღეს. ბიჭები სანადიროდ წავიდნენ. ტყეში გზა აერიათ და ერთმანეთი ვეღარ იპოვეს. ხელმწიფის შვილმა ტყეში ეკლესია ნახა და იქ დაისვენა. ეკლესიის კედელზე ქალის სურათი დაინახა და საღამომდის იმას ეკენჭავა. საღამოს ეკლესიიდან ერთი კაცი გამოვიდა.

— რას ეკენჭავები, რას უყურებ, ეგ ქალი მეც მინდოდა, მაგრამ ხელში ვერ ჩავიგდე, ხელმწიფის ქალია. თვალთ ვერ ვნახე, იმის სურათი დავახატე მგ ეკლესიის კედელზეო, — უთხრა კაცმა.

ხელმწიფის შვილი სახლში დაბრუნდა, სოვდაგრის შვილიც შინ დახვდა.

ხელმწიფის შვილი იმ ქალის სიყვარულით ავად გახდა. სოვდაგრის შვილს უთხრა ხელმწიფემ: შენ ერთი დღით წაიყვანე ჩემი შვილი და ავად გამიხადე, რამე რომ მოუვიდეს, თავს მოგჭრიო.

— რახან ეგრეა, ცალკე ოთახში დააწვინე, თუ მოვარჩინე, მოვარჩინე, თუ ვერა, რაც გინდა, ის მიყავიო. — უპასუხა სოვდაგრის შვილმა.

დააწვინეს ცალკე ოთახში ავადმყოფი და თავს დაადგა სოვდაგრის შვილი.

— რისგან ხარ ავად, მითხარი, თორემ მოგკლავ, მაინც მკლავს მამაშენიო.

— ტყეში, ეკლესიის კედელზე ქალის სურათი ვნახე და იმის სიყვარულით ვარ ავადო.

სოვდაგრის შვილმა უთხრა: მალე მტერი მოგიკვდეს, თუ მალე ის მზეთუნახავი ქალი არ შეგერთო, ოღონდ მორჩიო.

წავიდნენ იმ ქალაქში, სადაც ის მზეთუნახავი ქალი იყო. მივიდნენ ერთ ოქრომჭედელთან, მას ცხრა შეგირდი ჰყავდა. სოვდაგრის შვილმა სთხოვა:

— ისეთი ოქროს ირემი გამოიკეთე, შიგ რომ კაცი ჩასვა, ყველადერს ხედავდეს, გარედან კი არაფერი ჩანდესო.

— სანამდის ამ ქალაქში მიივლ-მოივლი, მანამდის გაკეთებული დაგხვდებაო, — უთხრა ოქრომჭედელმა.

მიიარ-მოიარეს და როცა დაბრუნდნენ, ირემი გაკეთებული დახვდათ. ჩასვა ხელმწიფის შვილი ამ ირემში და გაატარ-გამოატარა ქალაქში. მთელი ქალაქი სულ თან დასდევს.

ხელმწიფეს ქალიშვილის მთხოვნელები მოსვლია და საქმეც გადაწყვეტილა: იმ დღეს უნდა წაიყვანონ ეს ქალი. ქალს წონით აჭმევენ საქმელს და დილა-საღამოთი წონიან ხოლმე.

ხელმწიფემ მზარეული გაგზავნა, სადილი მოამზადე სტუმრებისთვისაო. მზარეულმა ირემი დაინახა, სადილი დაავიწყდა და მას დაუწყაო ცქერა. ხელმწიფემ ახლა მეორე მზარეული გაგზავნა. ისიც ირმის ყურებამ გაიტაცა: ველარ გააკეთეს სადილი. ხელმწიფე სასტიკად გაჭავრდა.

— ერთ კაცს ოქროს ირემი დაყავს, ის რომ დავინახეთ, ყველაფერი დაგვავიწყდა, გინდა დაგვხოცე, გინდა რაც გსურს, გვიყავიო.

ხელმწიფემ გაგზავნა კაცი ოქროს ირმის მოსაყვანად. მოუყვანეს ირემი, ეზოში დააყენეს. ჭამა აღარ აგონდებოდათ და სმა, ამ ირემს შესცქერიან. საღამოს მზეთუნახავმა გაიგო ირმის ქება და მოინდომა მისი ნახვა: შემოიყვანეთ ჩემთანაო.

შეუყვანეს. ქალმა უყურა, უყურა და თქვა: ამდამ ირემი მე დამიტოვეთო.

სოვდაგრის შვილს სხვაგან მისცეს ბინა, ირემი ქალმა დაიჭირა. იმ დამეს ქალს ვახშამი შემოუტანეს, ქალიც აწონეს და საკმელიც. საკმელი აღარ აგონდება, სულ ირემს შესცქერის. ხელმწიფის შვილი შიგნიდან ხედავს ამ ქალს. როცა დაეძინა, ხელმწიფის შვილი გამოვიდა ირმიდან. ქალს თავთანაც და ფეხთანაც სანთელი ენთო. ბიჭმა თავის სანთელი ფეხთით დაუნთო, ფეხთითა—თავით, გადაეხვია და სამჯერ აკოცა. ქალმა ვერ გაიგო. ბიჭი კი ისევ ჩაჯდა ირემში. დილით სანამ ქალი გამოიღვიძებდა, სოვდაგრის შვილმა ირემი მოიკითხა.

გამოიყვანა, წაიყვანა და ისევ ქალაქში ატარებს. ქალს რომ გამოეღვიძა, ასწონეს და სამი გირვანქით მომატებულებო.

ქალმა კიდევ მოიკითხა ოქროს ირემი და ისევ მოუყვანეს. სოვდაგრის შვილმა უთხრა ხელმწიფის შვილს, ღამით ქალი დაგიჭერს, მცველებს დაუძახებს, შენ კი პირზე ხელი მიაფარე და უთხარი: შენი სირცხვილია, იტყვიან, ირემში ეჯდა საყვარელიო, და ნუ იყვირებ-თქო.

ქალმა დაიდგა ოთახში ოქროს ირემი, უცქირა, უცქირა და ჩაეძინა. ბიჭი ამოვიდა, უნდა ეკოცნა და ქალმა დაიჭირა, დაყვირება ველარ შეძლო, ბიჭმა პირზე ხელი დააფარა: შენი სირცხვილია, იტყვიან, საყვარელი ჰყავდა ირემშიო!

ქალმა ჰკითხა: მაშ, რა ვქნაო?

— ცოლად უნდა წამომყვეო.

— აქ რომ საქმრო მყავს, იმას რაღა ვუყო?

— არა უშავს რა, შენ ეკლესიასთან ჩამოდი, პირჯვარი დაიწერე და მერე მე ვიციო. — ქალი ასეც მოიქცა. მეორე დილით ეკლესიას-

თან ჩავიდა. იქ დახვდნენ ხელმწიფის შვილი და სოვდაგრის შვილი. ჩაისვეს ქალი ირემში, გაიტაცეს და წავიდნენ. ერთ დაბურულ ტყეში დაუღამდათ. დაისვენეს, კარავი დადგეს ღამის გასათევად.

ხეზე სამი მტრედი შემოჭდა. ერთმა მტრედმა სოვდაგრის შვილს უთხრა: ერთი დარახტული რაში მოვა, შენც მოგკლავს და მაგ ქალსაც წაიყვანსო. მეორემ უთხრა: მზად იყავი და რაში მოკალიო. მესამემ თქვა: ვინც გაგვეს, ქვად იქცესო.

როცა გაიღვიძეს, ქალი შესვეს ოქროს ირემში და გზა განაგრძეს. სოვდაგრის შვილმა დაიხსომა მტრედების სიტყვები.

პური მოშივდათ. ერთი ხის ძირში დასხდნენ და ისადილეს. ხელმწიფის შვილმა და მზეთუნახავმა დაიძინეს. სოვდაგრის შვილს რა დააძინებდა, მცველად იღვა. იმ ხეზეც სამი მტრედი შემოჭდა. ერთმა თქვა: ზეციდან ექვნიანი ქორი ჩამოვა, მაგ ქალს კლანჭებით წაიყვანს და შენც დაგვლეჯს, სოვდაგრის შვილოო; მეორემ თქვა: მზად იყოს, მოკლას და ეგვეც გადარჩება და ისიცო; მესამემ დაუმატა: ვინც გაგვეს, ქვად იქცესო.

წავიდნენ კიდეც და ერთ ხის ძირში ქამეს პური. კიდეც დაეძინათ ხელმწიფის შვილსა და მზეთუნახავ ქალს. იმ ხეზედაც შემოჭდა სამი მტრედი. ერთმა თქვა: სადაც მზეთუნახავი და ხელმწიფის შვილი დაწვებიან, კედლიდან გამოვა ერთი წყეული და ორივეს დახოცავსო. მეორემა თქვა: იქ მცველად უნდა დაუდგეს სოვდაგრის შვილი, ის წყეული მოკლას, თვითონაც გადარჩება და ისიცაო. მესამემ მტრედმა კიდეც დაუმატა: ვინც გაგვეს, ქვად იქცესო.

წავიდნენ მგზავრები. მივიდნენ მამასთან. ხელმწიფემ დასწერა ჯვარი და დააბინავა. სადაც ისინი დაწვნენ, კარის მცველად სოვდაგრის შვილი დადგა. დაიძინეს. ყური დაუგდო, დაინახა, კედლიდან გამოძვრა წყეული. შემოჰკრა ხმალი, ნახევარი შიგ დარჩა და ნახევარი აქეთ გადმოვარდა. ხელმწიფის შვილს გამოელვოდა, სოვდაგრის შვილს ამოღებული ხმალი რომ დაუნახა, უთხრა:

— შენ ჩემი მოკვლა და ამ ქალის გატაცება გინდოდაო?

რა იცოდა, რომ სოვდაგრის შვილმა გადაარჩინა.

— რახან ეგრე იფიქრე, სამი სიტყვა მათქმევიინე და მერე თუ გინდა, მომკალიო.

ადგა და უთხრა: პირველ ხის ძირში რომ დაგეძინათ, მე გიცავდით. იქ სამი მტრედი მოფრინდა, ერთმა თქვა: ამ ქალს დარახტული რაში მოიტაცებსო, მეორემა — სოვდაგრის შვილმა უნდა მოკლას, ის რაშიო, მესამემ კი — ვინც გაგვეს, ქვად იქცესო. თქვა ესა და მუხლებამდის გაქვავდა. როცა კიდეც წამოვედით და ხის ძირში და-

ვისვენეთ, იქაც სამი მტრედი მოფრინდაო და უამბო, რაც იმ მტრე-
დობმა თქვეს. სოვდაგრის შვილი ახლა წელამდის გაქვავდა. მესამე
ხის ძირში რომ დავისვენეთ, იქაც სამი მტრედი შემოჯდა ხეზე. ერთ-
მა თქვა: სადაც ხელმწიფის შვილი და მზეთუნახავი დაწვებიან, კედ-
ლიდან გადმოვა ერთი წყეული, მეორემ თქვა: სოვდაგრის შვილი
მცველად უნდა დაუდგეს და ის წყეული მოკლასო, მესამემ კი დაუ-
მატა: ვინც გაგვეს, ქვად ჩქესო. ეს რომ თქვა სოვდაგრის შვილ-
მა, აჩვენა კედელში გაკვეთილი წყეული და სულ გაქვავდა.

ბევრი ირტყა თავში ხელმწიფის შვილმა, მაგრამ რალას უშვე-
ლიდა

კარების წინ ხელმწიფეს ბალი ჰქონდა, ეს გაქვავებული სოვდაგ-
რის შვილი იქ ჩაიტანეს და ხეზე მიაყუდეს. ყოველ დილა-საღამოთი
მიდიან და ქვას ცრემლით ბანენ.

მათ გაუჩნდათ ოქროსქოჩრიანი ვაჟი.

ერთ დღეს ცოლ-ქმარი ქვასთან იდგა და ტიროდა. ამ ქვაზე ორი
მტრედი შემოჯდა. ერთმა თქვა:

— ამ საწყლებს რა ატირებთ, თავიანთი ოქროსქოჩრიანი ვაჟი
დაკლან, მაგის სისხლი ქვას გადაასხან და გაცოცხლდებაო. მეორემ
დაუმატა: სოვდაგრის შვილმა, როცა გაცოცხლდება, ნეკა თითიდან
სისხლი გამოუშვას, ვაჟს წაუსვას და მორჩებაო.

ეს გაიგონეს ხელმწიფის შვილმა და მისმა ცოლმა. ასეც მო-
იქცნენ.

გადაასხეს ვაჟის სისხლი ქვას და სოვდაგრის შვილი გაცოცხლდა.
სოვდაგრის შვილმა მაშინვე ნეკა თითიდან გამოუშვა სისხლი, იმ
ბავშვს წაუსვა და ისიც გააცოცხლა.

ამის შემდეგ ბედნიერად ცხოვრობდნენ.

კირი იქა, ლზინი აქა.

მეფე და სკვინჩა

იყო და არა იყო რა, იყო ერთი ძლიერი, მაგრამ მეტად ხარბი და
შეუბრალებელი მეფე. რასაც კი თვალსაჩინოსა და ჰოსაწონს
ნახავდა თავის საბრძანებელში, ყველაფერი თავისთვის უნდოდა.
მხოლოდ თავის შინაობას, ნაზირ-ვეზირებს და დიდ კაცებს ამდილ-
რებდა და ალაღებდა...

მეფის სახელით ასეთ ძარცვა-გლეჯაში გაწვრთნილი და წათამა-

მეგობრივი მოხელეები ხალხს აწვალდნენ და აღატაკებდნენ მთელს სახელმწიფოს. ხალხის ნაძარცვისაგან ხელმწიფესთან ნახევარიც არ მიჰქონდათ, მაგრამ ვინ იყო მთქმელი? ვინ გაბედავდა: „ჰეი, რას შვრებითო“, რომ ეთქვა მოხელეებისათვის? ან ხელმწიფისათვის გაეხედნა რამე? ამისთანებს მაშინვე თავს გააგდებინებდნენ, ანდა ხუნდებშეყრილებს სამუდამოდ ჩააგდებდნენ ბნელეთში.

ხალხი ძლიერ შეწუხებული იყო, მხსნელი კი არსაიდან ჩანდა.

საიდან იყო და საიდან არა, ამ დროს გამოჩნდა ერთი მოლაპარაკე ჩიტი, სკვინჩა. ეს ჩიტი ხანდახან მოფრინდებოდა მეფის ბაღში და მოსეირნე მეფეს რომ დაინახავდა, ჭიკჭიკით დასძახებდა:

მეფე ძარცვავს ღარიბებს,
მისიანებს ამღიდრებს.
მეფე ძარცვავს ღარიბებს,
მისიანებს ამღიდრებს.

ხან კიდევ სხვა ჰანგზე შემოსძახებდა:

მეფე ხოცავს მართალ ხალხს,
არც კაცს ზოგავს, აღარც ქალს.
მეფე ხოცავს მართალ ხალხს,
არც კაცს ზოგავს, აღარც ქალს.

მეფე ხშირად განრისხდებოდა ხოლმე ამ ჩიტზე და მის ასეთ თავხედობაზე, მაგრამ დაჰქერა გაძნელდა. ბოლოს კი ბრძანა: უსათუოდ დაიჭირეთ ის სკვინჩაო!

მეფის სურვილი შეასრულეს, როგორც იყო ჩიტი დაიჭირეს და მიუყვანეს მბრძანებელს. სკვინჩამ რომ მეფე ახლოს ნახა, უფრო უარესი სიტყვები მიახალა პირში. მაშინ განრისხებულმა მეფემ ბრძანა:

— წაიყვანეთ ეს სკვინჩა სამზარეულოში, დაკალით, გაპუტეთ, გააკეთეთ, შეწვით და სუფრაზე მომართვითო!

მეფის ბრძანება მაშინვე შეასრულეს. დაკლეს ჩიტი, გამოკუჭეს, გარეცხეს, წამოაგეს შამფურზე, შეწვეს და მიართვეს მეფეს სუფრაზე, მაგრამ ერთი გასაოცარი ამბავი მოხდა ამ დროს, შემწვარმა ჩიტმა ჩვეულებრივად დაიწყო ძახილი:

მეფეს სუფრას დავუმშვენებ,
მაგრამ კი არ მოვასვენებ.
მეფეს სუფრას დავუმშვენებ,
მაგრამ კი არ მოვასვენებ.

გამწყურალმა მეფემ დაგლიჯა ჩიტი და შეჭამა.
სადილის შემდეგ მეფემ ჩვეულებრივად გაისეირნ-გამოისეირნა,
მცირეოდენი სეირნობის შემდეგ მუცლიდან მოესმა მეფეს ჩიტის
ძახილი:

ღირსი იყო, გავლანძღე,
შიოდა და გავაძღე.
ღირსი იყო, გავლანძღე,
შიოდა და გავაძღე.

მეფე ძლიერ შეშინდა: ვაითუ მუცელში რაიმე მიყოსო. მოიხშო
ექიმები და წამლები დალია. ჩიტის უსიკვდილოდ გაშვება არავითარ
შემთხვევაში არ უნდოდა. მეფემ მაშინვე დაიბარა ვეზირები და კა-
რისკაცები და უბრძანა:

— შემომიდექით აქეთ-იქით შიშველი ხმლებით და თუ ვინ-
ცობაა, ჩიტი გამოხტეს, უთუოდ და უთუოდ მოკალით, თუ არა, ცო-
ცხალი ვერ გადამიჩნებითო!

ნაზირ-ვეზირები და კარისკაცები შიშმა აიტანა და ააკანკალა.
ამოიღეს ხმლები და შემოუდგნენ მეფეს. ამ მიხლა-მოხლასა და
ფაცა-ფუცში უცებ გამოვარდა სკვინჩა, ვეზირებმა სწრაფად მო-
უქნიეს ხმლები, მოახვედრეს მეფეს და მთელი უკანა ტანი ჩამო-
აჭრეს.

ჩიტმა ფრთები გაიბერტყა, პაერში ჭიკჭიკით გაინავარდა, მერე
ისევ შემოჯდა ბაღში ხეზე და დასძახა მომაკვდავ მეფეს:

უსამართლო მეფესა,
ასეთი რამ შეხვდესა!
უსამართლო მეფესა,
ასეთი რამ შეხვდესა!

საყოფაცხოვრებო გლახეია, ხოველი

ნ ა ც ა რ ქ ე ქ ი ა

იყო და არა იყო რა, იყო ერთი რძალ-მაზლი. მაზლი საშინელი ზარმაცი და ზორბა ტანისა იყო; არაფრის გაკეთება არ შეეძლო. სულ ბუხართან იჯდა, ხელში ჩხირი ეჭირა და ნაცარს ქექავდა, ამისთვის ნაცარქექია დაარქვეს. რძალი ეუბნებოდა:

— კაცო, აქეთ მოდექ, იქით მიდექ, იმუშავე და ოჯახში რამე შემოიტანე, თორემ მე შენი რჩენის თავი არა მაქვსო!

რძალმა მაინც ვერაფერი ვერ გააწყო. მაზლი სულ ბუხართან იჯდა და კარში ვერასგზით ვერ გაიტყუა.

აღღგომა დღეს ნაცარქექია ძლივს წავიდა წირვაზე და წირვის შემდეგ რომ დაბრუნდა, რძალმა კარი მაგრად ჩაუკეტა და შინ აღარ შეუშვა.

ნაცარქექიამ რძალს საგზაოდ ერთი გუდა ნაცარი, საოჯისი და ახალი ყველი სთხოვა და ვჯას გაუდგა.

ბევრი იარა თუ ცოტა იარა, ერთ დიდ წყალს მიადგა. მეორე ნაპირზე უშველებელი დევი დაინახა. დევი წყალს დასწაფებოდა და სვამდა. ნაცარქექია ძალიან შეშინდა, მაგრამ რა ექნა, ერთი გზის მეტი არ იცოდა. იმ გზით ისევ შინ, რძალთან უნდა დაბრუნებულიყო, თუ არა და დევის საუზმე გამხდარიყო.

იფიქრა, იფიქრა და, ბოლოს, ეს მოიგონა, აბა, გავივლი და მტვერს დავაყენებო.

ნაცარქექიამ გუდას სადგისი უჩხვლიტა, გახვრიტა და რომ გაი-
არ-გამოიარა, საშინელი მტვერი დადგა.

ღევი გაოცდა, შეშინდა კიდეც: ქვა ახოლო და გამოსძახა: აბა, ამ ქვას წყალი გამოადინეო!

ნაცარქექიამ უტბად ახალი ყველი ამოიღო, თან დაიხარა, ვითომ ქვა ავიღეო, მაგრად მოუქირა ხელი, წყალი თქრიალით გამოადინა და ღევს შესძახა: აბა, აქეთ გამოდი, მხარზე შემისვი და წყალს გამოიყვანე, ფეხის დასველება არ მინდაო.

ღევი მაშინვე გამოვიდა. ნაცარქექია მხარზე შეისვა და უთხრა: ოჰ, რა ძალიან მსუბუქი ყოფილხარო!

— ეს იმიტომ, რომ ერთი ხელი ცაზე მაქვს მოკიდებული და, თუ ხელი გავუშვი, მაშინ ვეღარც კი დამძრავო.

— რაკი ეგრეა, აბა, გაუშვი ხელიო, — უთხრა ღევმა.

ნაცარქექიამ სადგისი ამოიღო, ღევს კისერში ჩაურჭო. ღევმა საშინელი ყვირილი მორთო და სთხოვა, ხელი ისევ ცისათვის მოეკიდა.

როდესაც წყალს გავიდნენ, ღევმა უთხრა: წამოდი, დღეს სადილად მეწვიეო.

ნაცარქექია შეშინდა, მაგრამ რას იზამდა, უთუოდ უნდა წაჰყოლოდა.

ღევსას რომ მივიდა, ნაცარქექიას ღევს სახლი ძალიან მოეწონა. დაინახა, ვეება კეცი ბუხარში იყო შედგმული.

ღევი სადილის მოსამზადებლად წავიდა და ნაცარქექიას დაუბარა, ხშიადისთვის ყური ეგდო, არ დამწვარიყო. ნაცარქექიას უნდოდა კეცი მოებრუნებინა, რადგან დაინახა, ერთი გვერდი ძალიან შეწითლებულიყო. როგორც კი კეცს ხელი ახლო, მაშინვე გადმობრუნდა და ნაცარქექია ქვეშ მოჰყვა. ბევრი ეწვალა, მაგრამ კეცის ქვემოდან ვერ გამოძვრა. ღევები შემოვიდნენ ოთახში და სტუმარი კეცქვეშ მოყოლილი ნახეს. გაჰკვირდნენ.

— კაცო, ეგ რა გიქნიაო, — შეეკითხა ერთი ღევი.

— მუცელი ამტკივდა ძალიან და თბილი კეცი მუცელზე დავიდე, ეგება როგორმე ტკივილმა გამიაროს-მეთქი. ახლა კარგადა ვარ და აიღე კეციო, — უთხრა ნაცარქექიამ.

სუფრას რომ მიუსხდნენ, ღევებს ღვინო შემოელიათ. აიღეს დიდი კოკა და ნაცარქექიას უთხრეს: თუ ძმა ხარ, გადი, ეზოში ქვევერიპ, ამ ხელადით ღვინო ამოიღე და მოგვიტანეო.

ნაცარქექიას შეეშინდა, უშველებელი დიდი კოკა რომ დაინახა, მაგრამ მაინც გავიდა ეზოში და დიდხანს აღარ დაბრუნდა. დევებს ლოდინი მოსწყინდათ, გავიდნენ და ნახეს, ნაცარქექიას ბარი აეღო. ხელში და ქვევრის გარშემო მიწას თხრიდა.

— შავას რას შვრები? — ჰკითხეს დევებმა.

— სჯობია, მთლად ამოვიღო ქვევრი და ისე დავლიოთ, თორემ პაწაწინა ხელადით მოტანა ადამიანს მოსწყინდება.

დევებმა იფიქრეს: ჩვენ, ცხრა ძმათ, ძლივს ჩავსვით ცარიელი ქვევრი და ეს კი მარტო აპირებს სავსე ქვევრის ამოღებასაო.

თვითონ დევებმა აავსეს ხელადა ღვინით და შეუღდნენ სადილს.

ამ დროს ერთმა დევმა დაახველა და ნაცარქექია ჰერს მიეკრა. დევებმა მალა აიხედეს და ნახეს, ნაცარქექია ჰერის კოჭს ეჭიდება.

— კაცო, მანდ რამ აგიყვანა, რას აკეთებო?! —

— როგორ გაბედეთ ჩემ წინ დახველება, — უთხრა ნაცარქექიამ, — ეს წკებლა უნდა ჩამოვიღო და სულ გვერდები აგიწვათო!

დევები ძალიან შეშინდნენ: ჩვენ, ცხრა ძმათ, ძლივს მოვიტანეთ თითო ხე და ეს კი წკებლას ეძახისო!

შეშინებული დევები სახლიდან გაცვივდნენ და გაიფანტნენ. ნაცარქექია, როგორც იყო, ჩამოძვრა და დევების ოჯახს დაეპატრონა.

ერთ დევს გზაზე მელა შეხვდა და ჰკითხა: დევო, სად მივრბიხარ, რა დაგმართნიაო?

— რაღა სად მივრბივარ, ჩვენთან ერთი კაცი მოვიდა, კინალამ დაგვხოცაო, — და უამბო დევმა ყველაფერი.

მელიას გაცინა: ის ხომ ნაცარქექიაა, საცოდავი კაცი, რადგან არას აკეთებდა, რძალმა სახლიდან გამოაგდო. მე იმათ კარგად ვიცნობ: რაც ქათმები ჰყავდათ, სულ მე გავუჩანაგე. წამოდი, როგორ შეგაშინა მაგ ლაჩარმაო.

— ვერ გენდობიო, — უთხრა დევმა.

მელია ბერს ეხვეწა.

— მაშ, რომ არ მიღალატო, მოდი, ამ თოკით წელზე გამომები.

მელიამ თვითონ მოიბა თოკი, მეორე ბოლო დევს გამოაბა და ასე გასწიეს დევის სახლისაკენ.

ნაცარქექიამ დაინახა მელია და დევი, ძალიან შეშინდა, მაგრამ რაღას იზამდა. მაშინვე კარში გამოეგება და მელიას დაუძახა: აჰ, შე საძაგელო! ჩემი თორმეტი დევი გემართა და ბედ მარტო ერთი მოგყავსო!

დევს ისე შეეშინდა, რომ თოკი დაგლიჯა, მელია სულ მთლად დაფლითა და თვითონ ცხრა მთას იქით გადიქარგა.

ნაცარქეჭიამ ღვევების სარჩო და სიმდიდრე, რაც რამ ჰქონდათ, სულ მთლად აქლემებს აჰკიდა და თავის რძალთან წაიღო. რძალი გაამდიდრა და ისევ დაიწყეს ტკბილი ცხოვრება.

კირი იქა, ლხინი აქა,
ქატო იქა, ფქვილი აქა.

ერთი მანეთის შოვნა

ერთ კაცს ჰყავდა ზარმაცი შვილი, რომელიც ოჯახში არაფრის გამკეთებელი არ იყო. არ შეეძლო არც ერთი შურის შოვნა. მამამისი, სანამდისაც ძალა ჰქონდა, არჩენდა, მაგრამ მოხუცდა და ველარ შეძლო ოჯახის შენახვა. მამა დაავადმყოფდა, ჩაწვა ლოგინში. დაუძახა ცოლს და უთხრა: ჩემი ქონება სხვა ვინმეს უნდა გადავცე, რადგან ჩემი შვილი უქნარაა, ერთი მანეთის შოვნაც არ შეუძლიაო!

ცოლი ამაზე ძლიერ შეწუხდა:

— როგორ არ შეეძლება ერთი მანეთის შოვნაო?

ქმარმაც თავისი დაიჩემა: აბა, თუ შეუძლია, წავიდეს, მისი ნაშოვარი ერთი მანეთი მომიტანოს და დავუტოვებ ჩემს ქონებასაო!

— კარგი, ვეტყვიო! — უთხრა ცოლმა.

მივიდა შვილთან, მისცა ერთი მანეთი და დაარია: წადი, შვილო, სალამომდის სადმე, შინ ნუ გამოჩნდები, სალამოს მოუტანე ეს მანეთი მამაშენს, მე ვიშოვე-თქო!

ბიჭი ასეც მოიქცა. დაბრუნდა სალამოს, მოუტანა ეს მანეთი მამას და უთხრა: გადავყევი მაგ მანეთის შოვნასო!

მამამ უსუნა მანეთს, გადააბრუნ-გადმოაბრუნა, აიღო და შეაგდო ბუხარში: ეს არაა შენი ნაშოვნო! ბიჭმა გაიცინა და ღედასთან წავიდა. ღედას ეს ამბავი ძალიან ეწყინა. მეორე ღდეს ხელახლა მისცა მეორე მანეთი და დააბარა: წადი, სალამომდის ტყუილად იყავი, სალამოს ერთი ორი ვერსი გამოიქეცი, გაოფლიანდი და მამაშენს უთხარი: ოფლით ვიშოვე ეს ფული-თქო!

ბიჭი ასეც მოიქცა. სალამოს გაოფლიანებული შევარდა მამის ოთახში და უთხრა: ხომ ხედავ, მამაჩემო, როგორ გადატყლეცილი მაქვს ოფლი უშბლზე, ძლივს ვიშოვნი ეს მანეთიო!

მამამ ახლაც უსუნა ამ მანეთს. გადააბრუნ-გადმოაბრუნა, აიღო და კიდევ ბუხარში შეაგდო: მატყულივებ, შვილო, მაგი შენი ნაშოვნო არააო! შვილს გაეცინა და ესეც არაფრად ჩააგდო. ღედას გული მო-

უკვდა, მიხვდა, რომ საქმე წახდა და ბიჭს უთხრა: შვილო, ხომ ხე-
დავ, მამაშენს ჩვენ ველარ მოვატყუილებთ, ის ჭკვიანი კაცია, წადი
სადმე, თუნდაც ერთი კვირა დაგჭირდეს, იმუშავე, ორი შაურიც რომ
აილო ღლეში, ერთ მანეთს მოუყარე თავი და შენი ოფლით ნაშოვნნი
ფული მოუტანე მამაშენსო!

ბიჭმა დაუჯერა დედას. წავიდა და, მართლაც, მთელი კვირა მო-
უნდა მანეთის შოვნას. ზოგს რა გადაუტანა, ზოგს რა გაუკეთა, მო-
აგროვა გაჭირვებით ერთი მანეთი და მიუტანა მამას. მამამ უსუნა ამ
ფულს, გადააბრუნ-გადმოაბრუნა და კიდევ ბუხარში შეყარა: არა,
შვილო, ეს შენი ნაშოვნნი არააო!

ბიჭმა ახლა კი ველარ მოითმინა, ორივე ხელებით გამოხვეტა ბუ-
ხარში შეყრილი ფული და ყვირილი დაიწყო: მამაჩემო, შენ გასუ-
ლელებულხარ, მე ამ მანეთის შოვნას ერთი კვირა ზედ გადავყევი და
შენ ცეცხლში მიწვავო!

მამინ მამამ უთხრა: ახლა კი მჯერა, შვილო, გული ისე დაგეწვა
შაგ მანეთზე, რომ ის ნამდვილად შენი ნაშოვნია! ასე ძნელია ფულის
შოვნა, იმუშავე და გექნება, არ იმუშავებ და შიმშილით მოკვდებიო!

შვილს დაუტოვა თავისი ქონება და თვითონ გაემგზავრა იქ, სა-
იდანაც უკან აღარ ბრუნდებინა...

ვინც საქმე გააკეთა, კურიც იმანა ჭამოს

იყო და არა იყო რა, ღვთის უკეთესი რა იქნებოდა. იყო ერთი ბი-
ჭი, ჰყავდა დედა და ერთი ხარი. ხვნის ან ლეწვის დროს ხართან
უღელში ხან შვილი, ხან დედა შეებმებოდნენ ხოლმე. ერთხელ ხარ-
თან უღელში დედა იყო შებმული, შვილი კვერზე იდგა და ასე ლე-
წავდნენ ძნას. ამ დროს ხელმწიფემ გამოიარა.

— ბიჭო, რას შვრები მაგას, რა გიქნია საცოდავი დედაკაცისა-
თვის?!

— რა ვქნა, შენი ჭირიმე, ერთი ხარის მეტი არა გვყავს და მეტო
ღონე არა გვაქვს, ასე ვშველით ხარს უღლის გაწევაში!

— მაშ, თუ ეგრეა, წამოდი ჩემთან და მე მოგცემ ერთ ხარს,—
უთხრა ხელმწიფემ.

ბიჭს გაუხარდა და გაჰყვა.

თურმე ხელმწიფეს ჰყავდა ერთი ისეთი გიყი ხარი, რომ ახლოს

არავის იკარებდა. დაახვია ხელმწიფემ ამ ხარს თავისი ჯარი და რის ვაი-ვაგლახით შეაგდეს ბაკში. ბიჭმა უთხრა: რამდენიმე დღეს ნურაფერს აკმევთო. კარგა ხნის შემდეგ ბიჭი მიუახლოვდა ხარს და ცოტა თივა შეაქამა, ბიჭმა დაიჭირა ხარი, ილღიაში თივა ამოიღო და გამოუძღვა. ხარი უკან გაჰყვა, მიიყვანა შინ, შეაგდო ბოსელში და ოთხი დღე არაფერი აქამა. მეხუთე დღეს გამოიყვანა, შეაბა კევრში თავის ხართან, თავისი დედა კევრზე დაუსვა, თვითონ თივა აიკიდა და გაუძღვა წინ. გაჰყვა მშიერი ხარი უკან. ბოლოს ისე მოარჯულა ეს ხარი, რომ დაუფასებელი გახდა.

ერთხელ ეს ბიჭი თავის ხარებს კალოზე დააქროლებდა, თვითონ კევრზე იდგა და ოროველას დასძახოდა. ამ დროს ხელმწიფემ გამოიარა და ბიჭს ჰკითხა:

— ვისია ეგ ხარი?

— ჩემია, შენი ჰირომე, თქვენ რომ მაჩუქეთ, ის ხარია, — მიუგო ბიჭმა. მეფეს გაუკვირდა და ბიჭს უთხრა:

— წამოდი ჩემთან, ერთი ქალი მყავს და შენ უნდა მოგათხოვო.

— რასა ბრძანებ, შენი ჰირომე, მე რა თქვენი ქალის ღირსი ვარ!

— მე შენ გიბრძანებ, უნდა წამოხვიდე და ჩემი ქალიშვილი შეერთო! — უთხრა ხელმწიფემ.

ბიჭი კიდეც შეეხვეწა, თავი გაენებებინა, მაგრამ მეტი ღონე არაჰქონდა, ადგა და გაჰყვა ხელმწიფეს.

თურმე ამ ხელმწიფეს ერთი ისეთი ზარმაცი ქალი ჰყოლია, რომ რაც დაბადებულა, ლოგინიდან არ ამდგარა, ლოგინში ჩააცმევდნენ, იქვე ჰამდა და სვამდა. მივიდნენ სასახლეში. ეს ბიჭი კიდეც შეემუდარა ხელმწიფეს: გამათავისუფლე, შენი ჰირომე, რა ჩემი საქმეა ეს ქალიო! ხელმწიფემ თავისი არ დაიშალა. ბიჭმა უთხრა ხელმწიფეს: კარგი, შენი ჰირომე, რაკი აღარ მეშვებით, მამ ერთი უანგიანი ხმალი მომეცით, ერთი ქეციანი ძაღლი და ერთი ც გადამკვდარი ცხენი!

ამაზე უარს ვინ ეტყოდა, მისცეს, რაც ითხოვა. ჩამოიკიდა და უანგული ხმალი, წამოიყვანა ხელმწიფის ქალი, ქეციანი ძაღლი და გაძვალტყავებული ცხენი. მოდის ბიჭი და ზარმაცად, ზღაზვნით მისდევენ ყველანი უკან. მიუბრუნდა ბიჭი ძაღლს და ეუბნება: ძაღლო, ჩემს ნაფეხურზე დაადგი ფეხი, თორემ ამ ხმალს ხომ ხედავ, თავს მოგაგდებინებ!

რასაკვირველია, ძაღლი ვერ აუსრულებდა ბრძანებას. მოუბრუნდა ბიჭი ძაღლს, დაჰკრა ხმალი და თავი გააგდებინა. ახლა ცხენს უთხრა: ცხენო, ჩქარა იარე, ფეხი ჩემს ნაფეხურზე დაადგი; აქეთიქით ნუ გადაუხვევ, თორემ ამ ხმალს ხომ ხედავ, თავს წაგაგდები-

ხებ! ცხენს რა გაეგებოდა ბიჭის ლაპარაკი, როგორ აასრულებდა მის ბრძანებას! მიუბრუნდა ბიჭი, დაჰკრა ხმალი და თავი წააგდებინა.

მერე ქალს უთხრა: ქალო, ხომ ხედავ ამ ხმალს, ჩქარა იარე, ფეხი ჩემ ნაფეხურზე დაადვი, თორემ შენც ისე გაგაგდებინებ თავს, როგორც სხვებსა!

მიდის ბიჭი, მისდევს ქალი, ეშინია, არ ჩამორჩეს. როგორც იყო და არ იყო, მივიდნენ სახლში. გაუშალეს ლოგინი, ჩაწვა შიგ ეს ქალი და არც იქით იძვრის და არც აქეთ.

მეორე დღეს დედა და შვილი სამუშაოდ წავიდნენ კალოზე. მთელი დღე იმუშავეს, გაღეწეს, გაანიავეს და საღამოთი შინ დაბრუნდნენ. დედამ დაუძახა შვილს:

— შვილო!

— რა გინდა, დედა?

— საქმე ვინ გააკეთა?

— მე და შენა, — მიუგო შვილმა.

— პური ვინა ჭამოს?

— მე და შენა.

ჭამეს დედა-შვილმა პური, ქალი კი შორიდან უყურებს მშიერ-მწყურვალს. დაწვინ და დაიძინეს. მეორე დღეს ისევ სამუშაოდ წავიდნენ. ასე გაატარეს ოთხი დღე, ქალს მეხუთე დღეს ისე მოშივდა, რომ სულ კუჭი ეწვოდა შიმშილით. თუ არა გავაკეთე რა, ეს ხალხი მშიერს მომკლავსო, — თქვა ქალმა, მისწვდა ლოგინიდან ცოცხს და რასაც ლოგინიდან მისწვდებოდა, შემოიგავა გარშემო. დედა და შვილი საღამოს დაბრუნდნენ.

— შვილო!

— რა გინდა, დედა?

— საქმე ვინ გააკეთა?

— მე და შენა! — უთხრა შვილმა.

— პური ვინა ჭამოს?

— მე და შენა.

დასხდნენ დედა-შვილი და ჭამეს პური.

დედამ შვილს უთხრა: ცოტა პური ამასაც მოვუტეხთო, თავის გარშემო შემოუგვიო. მოუტეხეს ერთი ხელისგულის ოდენა პური. ცოტა პურმა ქალს უფრო მადა გაუღვიძა. მეორე დღით დედა და შვილი სამუშაოზე რომ წავიდნენ, შიმშილმა ისე შეაწუხა ეს ქალი, რომ ადგა, აიღო ცოცხი და ნახევარი კერა შემოგავა, მივიდა და ისევ ლოგინში ჩაწვა. მოვიდნენ დედა-შვილი, ჭამეს პური და ნახევარი პური ქალსაც მოუტეხეს.

დილით ისევ სამუშაოზე წავიდნენ. ქალი ადგა, მთელი სახლი დაგავა, ლოგინი დაიბერტყა, დააგო და ისევ შიგ ჩაწვა. ჭამეს პური და ქალსაც ერთი მთელი პური მიუტანეს. მეორე დილით ჩვეულებრივ დედა-შვილი სამუშაოზე წავიდნენ. ქალმა იფიქრა: ეს კარგი, ერთი პური დღესა და ხვალ მეყოს, მერე? თუ არა გავაკეთე რა, ეს ხალხი შიმშილით მომკლავსო. ადგა, აილაგა ლოგინი, დაიბანა პირი, დაგავა, დაასუფთავა სახლი, ჯამ-ჭურჭელი დარეცხა, დააკრიალა, კერაში შემოდგა შექამადი, მოირთო და ისე დახვდა დედამთილსა და ქმარს. დედა-შვილს გაუხარდათ, გადაეხვივნენ და გადაკოცნეს. ამის შემდეგ ისე მორჯულდა ეს ქალი, რომ ბადალი არა ჰყავდა.

ერთხელ ხელმწიფემ თქვა: მოდი, წავალ, გავიგებ, როგორაა ჩემი ქალი, ცოცხალია თუ მკვდარიო! დედამთილი და ქმარი სამუშაოდ იყვნენ წასული, თვითონ დერეფანში იჯდა და ლობიოს არჩევდა. დაინახა თავისი მამა, გაექანა და გადაეხვია, მეფეს ძალიან გაუხარდა, რომ თავისი ქალი ასე ნახა. ქალმა უთხრა მამას:

— ჩემი ქმარი, ვინც საქმეს არ გააკეთებს, პურს არ აჭმევს, აბრძანდით ბანზე ვეზირებთან ერთად და ბანი დატკეპნეთო.

ამ ქალის ქმარს ის-ის იყო ახალი ქვეტკირის სახლი გაეკეთებინა და ბანზე მიწა იყო დაყრილი. გახარებული მეფე ვეზირებთან ერთად ავიდა ბანზე და კარგად დაუტკეპნა ბანი. ამ დროს დედა და შვილიც მოვიდა, გამართეს ლხინი და მეჭლისი. მეფემ დაასაჩუქრა თავისი სიძე და ქალი და დაიწყეს ტკბილი ცხოვრება.

უფროსი ძმა

იყო და არა იყო რა, იყო ერთი ღარიბი გლეხი. ჰყავდა ორი ვაჟი-შვილი. უფროსი — მშრომელი, უმცროსი — უქნარა, მუქთამჭამელი. რასაც მამა და უფროსი ძმა შოულობდნენ, უმცროსი ძმა ანიავებდა. ბევრი ურჩია მამამ, პატროსან შრომას მოჰკიდე ხელიო, მაგრამ ამოღო. უმცროსი ძმა თავისას არ იზლიდა, მთელი დღე-ღამე დასეირნობდა, ქეიფობდა, ამხანაგებიც თავისი ჭკუისა ჰყავდა.

უფროსი ძმა დაქორწინდა. დაქორწინდა უმცროსიც. უფროსი რძალი ჭკვიანი გამოდგა, უმცროსი — აბდალი. „ფერი ფერსაო, მადლი ღმერთსაო“, ამბობდნენ მეზობლები მათზე, როგორი ქმარიც იყო, ისეთი ცოლიც შეხვდაო.

ერთ დღეს მამამ დაიბარა ძმები და უთხრა:

— მე, შვილებო, მოკბუციდი, სიკვდილი მომიახლოვდა, ჩემი წუთისოფელი შრომა-ვარჯაში გამიტარებია, ჩემი ოფლი მიწას ერთოდა და ისე გზრდილით. ახლა ოჯახს ბარაქა აკლია. ორივე ხმაშეწყობილად არა ხართ. ჩემს მამულს იმას დავუტოვებ, ვინც იმდენ ღომსა და სიმინდს მოიყვანს, ოჯახსაც ეყოს, სტუმარსაც და მასპინძელსაც!

უფროსმა ძმამ ადრე გაზაფხულზე შეაბა უღელში ხარები და მიწა მოხნა. სიმინდი და ღომი ნაადრევად დათესა. უმცროსი ძმა კი არ ჩქარობდა: რა დროს თესვას, ყანა სად გამეჭკევა, ჭერ კიდევ ადრეაო. ოცა უფროსი ძმა სიმინდის მარგველას შეუდგა, უმცროსმა თესვაც ძლივს მოათავა.

შემოდგომაზე მამამ ისევ დაიბარა შვილები და მოსავლის ამბავი გამოჰკითხა.

— დიდი მოსავალი მივიღე, ოჯახსაც ეყოფა, სტუმარსაც და მასპინძელსაც, მტერსაც და მოყვარესაცო! — იცრუა უმცროსმა.

უფროსმა დაიმორცხვა და მამას მართალი უთხრა: ცოტა მოსავალი მოვიდა, გვალვამ ყანები გააფუჭა, გასამხელადაც არ ღირს ჩვენი მოსავალი. ღომი ღომად ავიღე, სიმინდი სიმინდად, მაგრამ ცოტაა. თუ ახლა რამე არ ვიღონეთ, ოჯახი მშვიერი დაგვრჩებაო.

ეს მამამ იწყინა. მუშაობა დაუწუნა. მამული ჩამოართვა და უმცროსი შეიღს გადასცა. უმცროსმა გაიხარა. თავი მალა აიღო და ყოყმანობა დაიწყო. მაგრამ მამა ჩქარა დარწმუნდა მის მკვეხარობაში. ღომსა და სიმინდს ვიღა ჩიოდა, ჩალაც ვერ მიიღო. ოჯახი გაღარიბდა. გამათხოვრდნენ. მოწყალეობას ეძებდნენ.

მამამ დაიბარა უმცროსი შვილი და უთხრა: წადი, ვინმეს მოჯამაგირედ დაუდექი, ცოტა ღომი და სიმინდი იშოვნე, თორემ მშვიკრები დავიხოცებითო!

უმცროსი ძმა წავიდა და მოჯამაგირედ დაუდგა ერთ მღვდელს. ძროხა უნდა ემწყემსა, თვეში კი სამი მანეთი მიეღო. წაიყვანა ერთ დღეს ძროხა საძოვრად. გამოვარდა მგელი, ეცა ძროხას, გამოლადრა კისერი და დაუწყო ჰამა. უმცროსი ძმა გულგახეთქილი გამოიქცა შინ. შემდეგ მღვდლისაკენ გახედვითაც აღარ გაუხედავს.

— ასე და ასე იყო ჩემი საქმეო, — შესჩვილა მამას.

მამამ ახლა უფროსი შვილი დაიბარა: წადი, შვილო, ვინმეს მოჯამაგირედ დაუდექი, ცოტა ღომი და სიმინდი იშოვნე, თორემ შიმშილით დავიხოცებითო!

ადგა უფროსი ძმა და გაუდგა გზას. ბევრი იარა თუ ცოტა იარა, შეხვდა ერთ მეცხვარეს. დაუდგა მოჯამაგირედ, თვეში უნდა მიეღო თითო ცხვარი. სამი თვის შემდეგ მეცხვარემ მისცა სამი ცხვარი, პატიოსანი მუშაობისათვის ფულითაც დაასაჩუქრა და შინ გაისტუმრა.

ამ სამ თვეში ოჯახი სულ უკან წასულიყო. მამა დაავადებული და ლოგინად ჩავარდნილი დახვდა, უმცროსი ძმა კი—გამათხოვრებული. ყველას შიმშილით კუჭი ეწვოდა. უმცროს ძმას მამულები დაეყიდა, მაგრამ ოჯახისათვის მაინც ვერაფერი ეშველა.

უფროსმა ძმამ ცხვარი სახლში შეიყვანა. ცხვარმა ერთ კუთხეში დადო რძე და კარაქი, მეორე კუთხეში — ყველი, მესამე კუთხეში — ხორცი, მეოთხე კუთხეში—მატყლი, შუა ოთახში თვითონ დადგა და სიღარიბეს დასკყვილა: გამეცალეო!

ოჯახი ჩქარა ფეხზე წამოდგა. სახლში ბარაქა დატრიალდა. უფროსი ძმა ერთგულად უვლიდა ცხვარს. მოხუცმა მამამ გადმოიხედა ლოგინიდან, დალოცა უფროსი შვილი და უთხრა:

— ასეა, შვილო, თუ მარჯვენას მოიხმარ, ბარაქა გექნება, უქნარას უქნარობაში ამოხდება სული. ოჯახის უფროსობა შენთვის დამილოციო!..

უმცროსი ძმა კი იდგა მამის ლოგინთან ყურებჩამოყრილი...

ამბავი ხელმწიფის შვილისა, ქალი რომ არ მისთხოვდა, სანამ ხელობას არ ისწავლიო

იყო ერთი ხელმწიფე. ჰყავდა ერთი შვილი. ხელმწიფე დაბერდა და შვილის დაქორწინება მოინდომა. ხელმწიფის შვილმა უთხრა თავის მამას: სოფლები დამატარეთ და ვინც მომეწონება, იმას შევირთავო.

წაიყვანეს, მოატარეს, მაგრამ არავინ მოეწონა.

ბოლოს, ერთი საწყალი კაცის ქონის წინ ერთი ქალი ნახა. ხელმწიფის შვილს ის ქალი ძალიან მოეწონა. ქალს უთხრა: უნდა ცოლად გამომყვეო!

— ჩემი მამა და დედა აქ არ არიან, სადამოზე მოვლენ და თვითონ იციანო, — უთხრა ქალმა.

მოუტადა ხელმწიფის შვილმა. მოვიდნენ გლეხი და იმისი ცოლი.

— უნდა თქვენი ქალი მე მომათხოვოთო, — უთხრა ხელმწიფის ვაჟმა.

— აბა, ჩვენ რა შენი საკადრისები ვართ, თუ გნებავთ, მოსამსახურედ გამოგყვებითო.

— ხელობა იცი რამეო? — ჰკითხა ქალმა ხელმწიფის შვილს.

— არაფერი! არაფერი! და ხელმწიფობა ხელობა არ არისო? — უპასუხა ვაჟმა.

— დღეს შეიძლება ხელმწიფედ იყო, ხვალ აღარა, მერე რიდათი გნებავს იცხოვრო? წადი, ერთი რამე ხელობა ისწავლე და მერე გამოგყვებით!

დაღონდა ხელმწიფის შვილი: ასე უცებ ხელობა როგორ ვისწავლოო?

წავიდა მამასთან: ესეა, ესე ჩემი საქმე და როგორ მოვიქცეო?

დაიბარა ხელმწიფემ ყველა ხელოსანი. დურგალსა ჰკითხა:

— რამდენ წელიწადში ასწავლი შენს ხელობასო?

— ხუთშიო.

— უჰ, ხუთ წელიწადში ის ქალი კიდევაც გათხოვდება და მერე რაღად მინდაო, — თქვა ვაჟმა.

ზოგმა ოთხი უთხრა, ზოგმა სამი, ზოგმა ორი, ზოგმა მეტი. ბოლოს ერთი მენაბღე წამოდგა:

— მეც ხელოსნებში ვიხსენები, მე მომბარეთ, ერთ დღესა და ღამეში ვასწავლიო.

მართლაც, გაჰყვა ხელმწიფის შვილი და ისწავლა ნაბდების თელვა, შეირთო ის ქალი და დაიწყეს ტკბილი ცხოვრება. ხელმწიფე რომ მოკვდა, ის დაჯდა ტახტზე.

ერთხელ თქვა: მოდი, წავალ, დავივლი ჩემს ქვეყანას, იქნება რა უჭირს ხალხს, ან რა ულხინს, რას ამბობს ჩემზე ხალხიო.

ჩაიცვა უბრალოდ და წავიდა. ერთ ქალაქში ჩამოიარა: ისეთი ჯაჭმლის სუნი მოუვიდა, რომ მეტი აღარ შეიძლება. თქვა: მე ამდენსა ვხარჯავ მზარეულებზე, ასეთ საქმელს ვერ მიმზადებენ, აბა, ჩავალ, ვნახავ, როგორ აკეთებენო.

ჩავიდა ერთ სარდაფში, კაცის ხორცს აბუუუუებდნენ. ხელმწიფემ უთხრა: მოიტათ, ერთი კერძი დამისხითო.

დაუხსეს. რომ შეჰკამა, ამ ურჯულოებს ჰკითხა: ამ სარდაფში რა არისო?

ახადეს და ჩააგდეს შიგა. სამი სხვა კაცი იყო იქ დამწყვდეული.

— მე ხვალ დამკლავენო! — უთხრა ერთმა.

— მე ზეგაო! — თქვა მეორემ.

— მე მაზეგ! — თქვა მესამემ, — შენ რაკი მსუქანი ხარ, კვირას დაგკლავენო.

შეწუხდა ძალიან ეს ხელმწიფის შვილი. როცა ისინი დაკლეს და ჯერი იმაზე მიდგა, ხელმწიფის შვილმა უთხრა: მე ისეთ ნაბადს მოვთელავ, რომ ორას თუმნად გაყიდით. იმის ყიდვას ვერავინ შესძლებს, თუ არა ამა და ამ ხელმწიფის ცოლიო.

მოუტანეს მატყლი. ისეთი მშვენიერი, აყვავებული ქეჩა მოთელა, რომ თვალს მოსტაცებს კაცს. ყვავილსა და ყვავილს შუა დააწერა: ამა და ამ ქალაქში, ამა და ამ ქუჩაზე ვარ ასეთ გაჭირვებაში, ამ ორ დღეში თუ არ მიშველეთ, მერე გვიანდა იქნებაო.

დაიდო ურჯულომ ეს ქეჩა თავზე და მიიტანა ხელმწიფის ცოლთან. გამოართვა ქეჩა, წაიკითხა ზედ, რომ ამისთანა და ამისთანა გაჭირვებაში ვარ და თუ ორ დღეში არ მომეშველებით, მომკლავენო, მისცა ორასი თუმანი ხელმწიფის ცოლმა და წავიდა ურჯულო.

ის რომ წავიდა, თვითონაც დაუძახა ჯარისკაცებს და შორიანხლოს გაპყვა ურჯულოსა. ხელმწიფის ცოლმა შემოართყა ჯარი ამ დუქანს და დაარიგა: მე შიგ ჩავალ და ჯამს გავტეხ, როცა ხმა გაიგონოთ, მაშინვე შემოდითო.

ჩავიდა ხელმწიფის ცოლი. დაასხმევინა ერთი კერძი, დაახეთქა ძირს ჯამი, გატეხა, მაშინვე ჩაიჭრნენ სარდაფში ჯარისკაცები, დაიჭირეს ურჯულოები და სულ დახოცეს. ხელმწიფე გაათავისუფლეს და წამოიყვანეს.

ცოლმა უთხრა: — აბა, ახლა შენ რომ ხელობა არა გკოდნოდა, შენი ხელმწიფობა რას გიშველიდა, დაგკლავდნენ და შეგჭამდნენო.

წამოვიდნენ და იცხოვრეს ბედნიერად.

ამის შემდეგ ძალიან ხელს უწყობდნენ ხელოსნობის გავრცელებას ხალხში.

ქირი იქა, ლხინი აქა,
ქატო იქა, ფქვილი აქა.

ზნიანი ქალი

ერთ ხელმწიფეს მშვენიერი ქალი ჰყავდა. მთხოვნელებს ეუბნებოდა: ავი ზნე მაქვსო!

ზნიანი ქალი აბა ვის რად უნდოდა და ყველა უკან მიდიოდა.

ამ ქალის ამბავი ერთმა ყმაწვილმა გაიგო და სათხოვრად მივიდა. ქალმა უთხრა:

— მოგთხოვდები, მაგრამ ერთი ავი ზნე მაქვს!

— რა ზნე? — ჰკითხა ყმაწვილმა.

— ქალბატონობა მომივლის ხოლმე!

ყმაწვილმა უთხრა:

— მეც მაქვს ერთი ზნე, ვაჟბატონობა მომივლის!

— მაშ, ჩვენი საქმე კარგად ყოფილა, შენც ზნე გაქვს და მეც, მოგთხოვდები! — მიუგო ქალმა.

ითხოვა ყმაწვილმა ეს ქალი და შინ წაიყვანა.

ერთხელ გახურებული მკაა. ყმაწვილმა სამკალში მამითადი წაასხა, გოჭი დაკლა და ცოლს დაუბარა: სადილი წამოგვიღეო. ქალმა ქმარი გაისტუმრა თუ არა, რაც კარგი ტანისამოსი ჰქონდა, ჩაიცვა, დაიხურა, გამოეწყო, დაჯდა და ფერ-უმარილს ისვამს. შემოვარდა ძალლი და მაგიდიდან მოიტაცა გოჭი.

სადილობა უკვე გადავიდა. მამითადს მოშივდა. სადილი არა ჩანს. ყმაწვილს უთხრეს: არ გვინდა გოჭი, ცარიელა პური მაინც გვაქამეო.

წამოვიდა ყმაწვილი სახლში. ნახა, რომ ქალი ფერ-უმარილს ისვამს.

— რა დროს ეგ არის, დედაკაცო, მამითადი დამემშა!

— შენი მამითადი რაში მეკითხება, დღეს ქალბატონობამ მომიარა! — უპასუხა ქალმა.

— ჰო, რახან ქალბატონობა მოგსვლია, კარგი, გოჭი რაღა იქნა?

— შემოვიდა ცუგუა და გაიტაცა ქუცუა!

— აბა, ნუ გეწყინება, მეც ვაჟბატონობა თუ მომივლის, — უთხრა ქმარმა. წამოავლო სახრეს ხელი და ისე მაგრად ურტყა, სულ ჯარასავით ატრიალა.

— შენი კირიმე, ოღონდ ახლა დამეხსენ და ჩემს დღეში აღარ მომივლის ქალბატონობა! — ევედრებოდა ქალი.

ამის შემდეგ აღარც ქალს მოსვლია ქალბატონობა და არც ქმარს ვაჟბატონობა.

ღარიბი ბიჭი

იყო ერთი ღარიბი ბიჭი. ცხრა შვილში მხოლოდ ის დარჩა საწყალ დედას, ბიჭი შრომისმოყვარე იყო. დღედაღამე ტყეში შეშას კრიდა, სახედრით ქალაქში ეზიდებოდა, ყიდდა და აღებული ფულით დედას არჩენდა. თავისი ბედით კმაყოფილი იყო.

ერთმა კაცმა თქვა: უნდა შევამოწმო, ეს ბიჭი მართლა თავისი პატიოსანი შრომით ირჩენს თავს, თუ ეშმაკობსო. ტყიდან შეშა რომ შოკქონდა, წინ ცული დაუგდო, ვნახოთ, რას იზამსო. ბიჭმა ცული დაინახა, აიღო და თან წამოიღო. გზაზე ეს კაცი შეხვდა.

— საღდაც ცული დავკარგე, იქნებ იპოვე? — ჰკითხა ბიჭს.

— აგერ მაქვს, თუ თქვენია, წაიღეთ, სხვისი იარაღი მე რად მინდა, — უთხრა ბიჭმა და ცული მიაწოდა.

წამოვიდა ქალაქში, შეშა გაყიდა, სასმელ-საქმელი იყიდა და შინ დაბრუნდა. ყველაფერი დედას უამბო. დედამ ქცევა მოუწონა. მეორე დღეს შეება სახედარი და ისევ წავიდა ტყეში. საღამოს შინ რომ ბრუნდებოდა, იმ კაცმა წინ წალდი დაუგდო. ბიჭმა წალდი იპოვა, აიღო და თან მოაქვს. გზაზე კვლავ შემოხვდა ეს კაცი.

— ძმობილო, წალდი დავკარგე, იქნებ იპოვე? — ჰკითხა მას.

— აგერ მაქვს, თუ თქვენია, ინებეთ, სხვისი იარაღის წაღება რა საკადრისია! — უთხრა ბიჭმა და წალდი მიაწოდა.

კაცმა მადლობა მოახსენა და თქვა: მართლა პატიოსანი ყმაწვილი ყოფილა, ღირსია კარგი ბედისაო.

მესამე დღეს ბიჭმა დატვირთა სახედარი შეშით და წაიღო ვასაყიდად. გზაზე ისევ ისე შეხვდა ეს კაცი და უთხრა:

— საცოლო ყმაწვილი ხარ, ბედი უნდა გწიო, შენი გუნების ქალი უნდა გავირიგო, რას იტყვი?

ბიჭს შერცხვა და არაფერი არ უპასუხა. საღამოზე შინ რომ მივიდა, ეს ამბავი დედას უამბო. დედამ ცოლ-შვილიან კაცებში გაგზავნა, მათ ჰკითხე რჩევაო. ბიჭი ასეც მოიქცა. გამოელაპარაკა ცოლ-შვილიან კაცებს. მათ მოუწონეს: შენი გუნების ქალს თუ გირიგებენ, მაგას რა სჯობიაო.

ამ ბიჭს ამ მისვლა-მოსვლაში სამი დღე შეაგვიანდა. მესამე დღეს შეხვდა ის კაცი და ჰკითხა:

— რა ჰქენი, გადაწყვიტე თუ არა?

— თუ ჩემი გუნების ქალს გამირიგებ, ძალიან გამიხარდება, სწორედ მასეთ საცოლეს ვეძებ, — უპასუხა ბიჭმა.

— სამი დღე დააგვიანე, ის ქალი სხვაზე დაინიშნა, დღეს ქორწილი ექნება, თუ მიუსწრებ, იქნებ წამოგყვეს, — უთხრა კაცმა. თან ერთი ვაზის ლერწი გაატანა, ეს გიშველისო.

ბიჭი მაშინვე გაიქცა იმ სოფელში, სადაც მისი გუნების ქალი ცხოვრობდა. გამართული იყო ქორწილი. სიძეს ელოდნენ. მასაც

ცოტა შეგვიანებოდა, მაგრამ უკვე გამოჩნდა. ბიჭმა მექორწილეებს უთხრა: ეგ ქალი ჩემია, თქვენ სხვაზე რად ათხოვებთ, დიდი ხანია, დანიშნული მყავსო.

მექორწილეებმა შემოუტიეს, შეიქმნა ჩოჩქოლი და აყალ-მაყალი. ერთმა ჰკითხა: რით შეგიძლია დაგვიმტკიცოთ, რომ ქალი შენი დანიშნულიაო.

— ამ ვაზის ლერწს ცხელ ნაცარში გადავაგდებ და, სიმართლით თუ გამოცოცხლდეს, საცოლე დამიბრუნეთ, თუ არა — მაგას გაატანეთო, — თქვა ბიჭმა.

აიღო და ვაზის ლერწი ცხელ ნაცარში გადააგდო. ლერწი მაშინვე გამოცოცხლდა. ფოთლებმა თავი წამოყო.

მექორწილეებს რაღა ეთქმოდათ. სიძე დარჩა ხელცარიელი. ქალი კი ამ ბიჭმა წამოიყვანა შინ და ღარიბული ქორწილი გადაიხადა. რაც პური ჰქონდა, შემოელია. ტყეში შეშის მოსაჭრელად ველარ წავიდა. გაუჭირდათ ცხოვრება. გასაყიდი შინ არა ებოდათ რა. ქალს ერთი კაი შალი ჰქონდა. ქმარს უთხრა: წაიღე ეს შალი ქალაქში, გაყიდე, აღებული ფულით პური იყიდე და მოიტანეო.

ბიჭმა წაიღო შალი და წავიდა. ბაზარში ერთი ვაჭარი შეხვდა, ხელში მამალი ეჭირა.

— ყმაწვილო, ეგ შალი მომყიდე და მამალს მოგცემ, — უთხრა ბიჭს.

ბიჭმა იფიქრა: ეს მამალიც კარგია, დაიყივლებს, დილით ადრე გამაღვიძებს და სამუშაოზეც ადრე წავალო. გამოართვა მამალი და შალი მისცა. ახლა მეორე ვაჭარი შეხვდა.

— ყმაწვილო, ეგ მამალი მომეცი და ამ ნემსს მოგცემ, — უთხრა ბიჭს.

ბიჭმა თქვა: მამალი კარგია, მაგრამ არც ნემსია ნაკლები, ოჯახში ისიც საჭიროაო. მისცა მამალი, გამოართვა ნემსი და წამოვიდა შინ.

ერთი წყალი ჰქონდა გამოსაველელი, ზედ მოკლე ხიდი იყო გადებული. ბიჭი შედგა ხიდზე თუ არა, ფეხი გადაუბრუნდა და ნემსი წყალში ჩაუვარდა. ფეხთ გაიხადა, შეტოპა წყალში და ნემსს ეძებს.

ამ გზაზე ერთმა სოფდაგარმა გამოიარა, ოქრო-ვერცხლით დატვირთული ვირი მოჰყავდა.

— ბიჭო, წყალში რას ეძებ? — ჰკითხა.

— ნემსი ჩამივარდა წყალში და უნდა მოვძებნო, — უთხრა ჰიკმა.

— ნემსი ვინ მოგცა?

— მამლის ფასად ვიყიდე.

— მამალი ვინ მოგცა?

— ცოლმა ძვირფასი შალი გამომატანა გასასყიდად და იმით ვიყიდე.

— ვაი, უბედურო, ეგ რა გიქნია, სახლში არ მიხვიდე, თორემ ცოლი მოგკლავს!

— ნუ დარდობ, ჩემი ცოლი ცუდ სიტყვას არ მკადრებს, ის ჩემი გუნების ქალია.

— სანაძლეოს მოგცემ, თუ სასიკვდილოდ არა გცემოს, — უთხრა სოვდაგარმა.

— დავნაძლევედეთ, თუ ჩემმა ცოლმა ერთი მწარე სიტყვაც არ შემომკადროს, შენი ოქრო-ვერცხლი მე დამრჩეს, თუ კი — სამ წელიწადს უფასო მოჯამაგირედ წამოგყვებითო.

სოვდაგარმა ხელი მისცა, უფასო მოჯამაგირე ვიშოვნეო. წავიდნენ ბიჭისას. ცოლი გაღიმებული შემოეგება კარებში და ჰკითხა:

— რა ჰქენი, კაცო, შალი გაყიდე?

— გავყიდე!

— რაზე გაყიდე?

— მამალზე!

— შენ კი გენაცვალე, მამალი რა უყავი?

— ნემსზე გადავცვალე, ხომ არ გამიჯავრდები?..

— რა გასაჯავრებელია, ნემსი ოჯახში საჭიროა, მაგრამ ნემსი რა უყავი?

— წყალში ჩამივარდა, ვძებნე და ვერ ვიპოვე.

— გენაცვალოს ჩემი თავი, რაღას წვალობდი, ნემსი იყო, სხვა ზომ არაფერი!..

სოვდაგარმა წააგო სანაძლეო. ჩამოხსნა ვირს საპალნე ოქრო-ვერცხლი და ამ ბიჭს დაუტოვა. ბიჭმა სიმდიდრე კი შეიძინა, მაგრამ ტყეში შეშის მოსაჭრელად მაინც დადიოდა. ყოველ კვირა დღეს ჩაიტანდა ხოლმე ბაზარში შეშას, გაყიდა, სამაგიეროდ სანოვაგეს იყიდა და შინ მიჰქონდა.

ერთ დღეს მისი ნაცნობი კაცი ესტუმრა. დიდი სიყვარულით მიიღო, ცხრა დღე-ღამე აქეიფა, კარგად დაასაჩუქრა და ისე გაუშვა.

ამ კაცმა ბედნიერი ღარიბი ბიჭი ტკბილად დალოცა, გამოემშვიდობა და წავიდა.

ასეა, თუ შენი გუნების ცოლი გეყოლება, ბედნიერად იცხოვრებ!..

ქირი იქა, ლხინი აქა,
ნაცარი იქა, ფქვილი აქა.

ზარმაცი კაცი

ერთ საწყალ დედაბერს ზარმაცი შვილი ჰყავდა. ბავშვობიდან შეიძულა შრომა და არ იქნა, ხელი ვერ გაანძრევინეს. „ნენავ, შვილო, რაღა ღროის შენი ბაღობაა, აგერ შეიჯოშე ვაჟკაცი, დაფაცურდი, ხელი გაანძრე, ხომ ხედავ, დავბერდი, მე მეტი აღარ შემძლიაო“, — ეუბნებოდა დედამისი. ბიჭი კი არხეინად გაიწოდინებდა და, თუ მძღარი იყო, მეზობლებში საღლაბუცოდ წავიდოდა. „მე მიწადსაქმელმა, ერთი შვილის პატრონი ვარ და ბაღობას წელს როგორ მოვსწყვეტ-მეთქი, ვიფიქრე, შევაჩვიე ალამცარიობას და ახლა ისე გაზარმაცდა, რომ სული რომ გერჯებოდეს, ერთ მუგუხალს არ წავიწევს. ჩემი შვილის საყვედურს კი არ უნდა ვჩიოდე, ჩემი დღე მას შეემატა, მაგრამ ასე რომ წახდა, იმას ვჩივიო“, — ეუბნებოდა მეზობლებს საწყალი დედაბერი.

— შვილი მტრულად გაზარდე და მოყვარე იქნება შენო! — პასუხობდნენ მეზობლები.

ბოლოს, ვერაფერს რომ ვერ გახდნენ, ურჩიეს დედას: მოჰგვარე ქალი, ეგება ცოლ-შვილმა ჰკუაზე მოიყვანოს, თორემ მაგას მეტი არაფერი უშველისო.

გავიდა ხანი. ზარმაცი ბიჭი დააცოლშვილეს, მაგრამ ძილისა და ჭამის მეტს ახლაც არაფერს აკეთებდა. საწყალი ცოლი დღე და ღამე მუშაობდა. ზარმაცი მხოლოდ ჭამდა და სვამდა. ქალმა ველარ აიტანა ამდენი გაჭირვება და ერთ დღეს თქვენი ჭირი წაიღო. მეორე ცოლი მოიყვანა. ამასობაში გაჭირვებული დედამისიც მოკვდა. ახალი ცოლი ეხვეწება ბიჭს: ხელი გააქანე, რამე წამეხმარე, შენი ღვთის გულისთვის, რაზე არ გეცოდება ბაღლები მაინც. ქალი ჩქარა შეატყობდა, რომ ასეთი ლაპარაკით ვერაფერს ასმენდა და ისევე ჩაილაპარაკებდა: რაზე ვიტყვივებ ტყუილად თავს, მაგის ჩიჩინს ჯობია, საქმეს მივხედო.

ერთ დღეს ზარმაცი წირვაზე წავიდა. წირვის შემდეგ კარგ გუნებაზე დაბრუნდა. ცოლმა ჰკითხა:

— რა შეიტყვე ისეთი, ასე კარგ ხასიათზე რომ ხარო?

— დღეს მღვდელმა ისეთი რამეები იქადაგა, მეც ისე უნდა მოვიქცეო!

— მაინც რა თქვა ისეთი, ჩვენც გავვაგებინეო!

— რაო და ეს ქვეყანა ერთი წუთის საცხოვრებელიაო, ხვალისათვის ნუ ზრუნავთ, საუკუნო სასუფეველი საიქიოაო. იქ არც მღიდრები და არც ღარიბები არიან, თუ ამ ქვეყანას ცუდი რამ არ გაგიკეთებია, ქრისტე სამოთხეში დაგაბრძანებს, მუშაობა აღარაა საჭირო, გადაიდევინ ფეხი ფეხზე და იყავი ისეო. ეს მთლად ჩემი საქმეა. ამიტომ მოვიფიქრე, საიქიოს წავიდე და თქვენც თან წავიყვანოთო!

ქალი მაშინვე მიხვდა, რა ჭკუის კოლოფიცა ჰყავდა, გულში ჩაიციინა და არაფერი გაიკვირვა. ბოლოს უთხრა: ყველას ერთად წასვლა არ ივარგებს, ეგების იქ ადგილი ვერ ვიშოვოთ, თუ მაინცა და მაინც არ მოიშლი, ჯერ შენ წადი და შენგან ამბავს რომ გავიგებთ სიზმარში, მეც წამოვალ და ბავშვებსაც წამოვიყვანო.

ზარმაცმა ეს აზრი მოიწონა, მაგრამ ახლა ის აბრკოლებდა, თუ როგორ წასულიყო საიქიოს, იქ ხომ მარტო მკვდრები მიდიან.

— პოდა, მეც მოკვდები, არ ვჭამ, არ ვსვამ, თვალებს დავხუჭავ, ფეხებს გავწვართავ, ხელებს გულზე დავიკრეფ და ასე წავალო, — უთხრა ცოლს. ისიც დაემოწმა, საუცხოო აზრიაო.

ამგვარად მოკვდა ზარმაცი კაცი. ცოლმა იყიდა კუბო და ჩაასვენა შიგ, კუბოს ჭუჭრუტანები მაინც დაუტოვა, რომ სუნთქვა შეძლებოდა. ცოტა საკმელიც ჩაულაგა და ტირილ-ყვირილით გაასვენეს ეკლესიაში. იქიდან ანგელოზებს უნდა წაეყვანათ საიქიოს, სადაც უმუშევრად ცხოვრობენ. ქალი მღვდელს წინასწარ მოელაპარაკა და კუბო იმ დამეს ეკლესიაში დაასვენეს.

ზარმაცს ყველაფერი ესმის. ისიც გაიგონა, თუ მისმა ცოლმა და ბავშვებმა როგორი კურცხლითა და კივილ-ჩხვილით გამოასვენეს. მკვდარი იყო, თორემ უნდოდა ენუგეშებინა, ორიოდე ტკბილი სიტყვა ეთქვა მათთვის: ნუ ტირით, გენაცვალეთ, სიკვდილი არც ისეთი ცუდი ყოფილა, როგორც ამბობდნენ, არაფერი მტკივა, კიდევ ვსუნთქავ, ხელს არ ვაქანებ, მაგრამ პირს ვამუშავებ, საკმელს გვახლებით და შიმშილით თავს არ ვიკლავ, არაფერია, თქვენც მალე წავიყვანთო, მაგრამ მკვდარი კაცი ასეთ სანუგეშო სიტყვებს ხომ ვერ იტყოდა! საკმელი ამ ეკლესიაში მჭირდება, თორემ საიქიოში ჰამარაღა საჭირო იქნებოდაო, — გაიფიქრა. ბევრი რამ მოაგონდა, ბავშვო-

ბა, ახალგაზრდობა, დედამისი, პირველი ცოლი და უცებ ყველა მათგანი დაივიწყა. პირაღმა წოლამ დაღალა კაცი.

ამასობაში ეკლესიასთან მივიდნენ. მღვდელმა გააღო ეკლესიის კარები და კუბო შუა ადგილას დაასვენეს. დაკეტეს კარები და წავიდ-წამოვიდნენ. ზარმაცი დარჩა მარტოღმარტო კუბოში პირაღმა დაწოლილი. კიდევ დაღამდა. შუალამეც გახდა, მაგრამ, შენც არ მომიკვდე, ანგელოზები არ ჩანან, რომ ეს კაცი სამოთხეში წაიყვანონ.

თურმე, ჩუპალ ზარმაცის ცოლისძმას ეკლესიის სახურავზე კიბე მიუყუდებია და ზედ მიდის. ზარმაცს კუბოში ხმაურობა შემოესმა. იფიქრა, ანგელოზები მოდიანო. ყურები ცქვიტა. უცებ გაიგონა ამ ანგელოზის ხმა:

— სმენა იყოს და გაგონება, მე, გაბრიელ მთავარანგელოზი, ღმერთის ბრძანებას ვკითხულობ. ხვალიდან ზეცაში ღიდი ეკლესიის აშენებას ვიწყებთ, ახალი მკვდრები სამუშაოზე ადრე უნდა გამოხვიდეთ, ვისაც ხარ-ურემი არ მოგიყვანიათ, ქვა და ხრეში გოდრით უნდა ზიდოთ ზღვიდან, ექვს თვეს თქვენი მოტანილი ხარჯით უნდა იცხოვროთ, საკმელი არ მოგეცემათ. ვინც წინააღმდეგობას დაიწყებს, ვაი მისი ბრალი, გადაეცემა ჯოჯოხეთის კუპრში ჩასაგდებად რეჯებ ეშმაკსო...

ზარმაცს შიშით გული კინაღამ გაუსკდა. მისი ყურით გაიგონა, გოდრებით ქვები უნდა ზიდოთო. ატეხა ყვირილი. ამ შუაგულ ეკლესიაში: მიშველეთ, მუშაობას გამოვექეცი, აქ უარესი ყოფილა, აქ ყოფნა არ მინდა, ისევ სააქაოს დავრჩები, გოდრით ქვას მაინც არ მაზიდვინებენო. ყვირილზე მონაზვნებს გამოეღვიძათ. გააღეს ეკლესია, ნახეს, მკვდარი გაცოცხლებულიყო. აკანკალებულგებმა ახადეს თავი კუბოს და ლოცვა დაიწყეს. აფრინეს კაცი ზარმაცის ცოლთან. ქალი მაშინვე მოვიდა და დაყვავებით წაიყვანა შინ ქმარი.

— თუ იქაც სამუშაო ყოფილა, საშველი არა გქონია და ის არის. გოდრით ქვის ზიდვას, ჯობს ადვილ სამუშაოს მოჰკიდო ხელიო, — ეუბნებოდა გზაში ცოლი.

ქმარი ახლა ყურადღებით უსმენდა ცოლს. დაიწყა ისევ მუშაობა, აბა, მეტი რაღა გზა ჰქონდა! მღვდელთან გზადაც აღარ გაუფლია.

ამ ამბავს დაძველება, მომსმენს დღეგრძელობა

ოქროსტარიანი ცული

იყო და არა იყო რა. სამი ძმა ცხოვრობდა. მშობლები რომ დაე-
ხოცათ, გაიყარნენ. უფროსმა ძმამ სახლ-კარი დაისაკუთრა, შუათა-
ნამ ბოსელი, ბოლოლას აღარაფერი ერგო. დაუდგა ძმებს მოჯამა-
გირედ. ამუშავებდნენ დღედაღამ, თითო ლუკმის ჭკვევაც კი ეხარე-
ბოდათ.

ერთ დღეს ბოლოლა ძმას უფროსმა ძმებმა ტყეში შეშის მოჭრა
დაავალეს. გაიმზადა სამი დღის საგზალი, აიღო ხელში მამა-პაპის
დატოვებული ცული და გზას გაუდგა. ბევრი შეშა მოჭრა. დაიღალა
და პურის საჭმელად მდინარეზე ჩავიდა. ძალიან სწყუროდა. წყალს
რომ დაეწათა, თავი ველარ შეიმაგრა და შიგ გადაეარდა. თვითონ
გადარჩა, მამაპაპური ცული კი წყალში ჩაუვარდა. ბევრი
ეძება, ბევრი იწვალა, მაგრამ ამოდენა ძდინარეში ცულს აბა რას
იპოვიდა.

რალა უნდა ექნა საწყალ კაცს. ჩამოჯდა ქვაზე და წყალს ჩასძახა:
ჩემი ცული გამომიჩინე. ღძერითი არა გწამს! შინ უცულოდ ვერ წა-
ვალ, ძმები მომკლავნებო.

ამ დროს საღ იყო, საღ არა, მდინარის ნაპირას ერთი წვერიანი
კაცი გამოჩნდა. ბოლოლა ძმას რომ მიუახლოვდა, გამარჯობა უთხ-
რა.

— კეთილო კაცო, რას დაღონებულხარ, რა გაგჭირვებიაო? —
ჰკითხა კახ.

— მდინარეში ცული ჩამივარდა და ვერ მიპოვია, დასაღონებე-
ლი როგორ არა მაქვსო, — უპასუხა ბოლოლა ძმამ.

წვერიანი კაცი გადაეშვა მდინარეში, ამოიღო ოქროსტარიანი
ცული და გაუწოდა ბოლოლა ძმას.

— აი, შენი ცული აქ ყოფილაო.

ბოლოლა ძმამ უპასუხა: არა, ეგ ჩემი არაა, სხვის ცულს მე ხომ
ვერ წავიდებო. წვერიანმა კაცმა ეს ოქროსტარიანი ცული ნაპირზე
გადმოისროლა და კვლავ ჩაყო ხელი წყალში. ამოიღო ახლა ვერ-
ცხლისტარიანი ცული.

— აი, შენი ცული აგერ ყოფილაო.

— არა, არც ესაა ჩემი ცული, სხვისას ხომ ვერ წავიდებო, —
უთხრა ბოლოლა ძმამ.

წვერიანმა კაცმა ვერცხლისტარიანი ცულიც ნაპირზე გადმოის-
როლა და ისევ ისე ჩაყო წყალში ხელი. ამოიღო ახლა სპილენძისტა-
რიანი ცული და გაუწოდა ბოლოლა ძმას.

— არა, არც ესაა ჩემი ცული, სხვისას კი ხელს ვერ მოვკიდებო. წვერიანმა კაცმა სპილენძისტარიანი ცულიც გადმოისროლა ნაპირზე და წყლიდან ამოიღო ამ კაცის ცული.

ბოლოლა ძმამ ახლა კი გახარებულმა დაიძახა: აი, ჩემი ცული, ეს ჩამივარდა წყალშიო!

წვერიანმა კაცმა სამივე ცული აჩუქა ამ ბიჭს და გზას გაუდგა. ბოლოლა ძმამ კიდევ იმუშავა ორ დღეს და შინ დაბრუნდა. ძმებს ყველაფერი უამბო და თან მიუტანა ოქროსტარიანი, ვერცხლისტარიანი და სპილენძისტარიანი ცულები.

უფროსი ძმა შურიანი და ხარბი იყო. იფიქრა: მოდი, მეც წავალ ტყეში შეშის საჭრელად და ოქროსტარიან ცულს ვიპოვიო. ადგა, ცოლს სამი დღის საგზალი გააკეთებინა, აიღო ხელში მამა-პაპისეული ცული და გზას გაუდგა. მდინარესთან რომ მივიდა, თავისი ცული შიგ ჯადაუძახა. დაიწყო ყვირილი: მიშველეთ, ხალხო, დამეხმარეთ, წყალში ცული გადამივარდაო.

სად იყო და სად არა, აქ გაჩნდა ის წვერიანი კაცი.

— ძმობილო, რა მოგივიდა ასე რატომ ყვირიო? — ჰკითხა უფროს ძმას.

— მდინარეში ცული გადამივარდა, თუ შეგიძლია, დამეხმარე მის ამოღებაშიო.

წვერიანმა კაცმა ფეხთ გაიხადა და მდინარეში გადაეშვა. ამოიღო კიდევ ოქროსტარიანი ცული და უფროს ძმას უთხრა: აი, შენი ცული, შეხედე სად ყოფილაო!

შურიანმა და ხარბმა ძმამ ველარ მოითმინა და ყვირილი მორთო: ჩქარა გამომიტანე, ეგაა ჩემი ცულიო.

წვერიანი კაცი გაბრაზდა. გამოვიდა ნაპირზე, ერთი მაგარი სილა გააწნა და უთხრა: ტყუილის მთქმელს არც თავისი ცული ერგებაო. ეს ოქროსტარიანი ცული ისევ ისევ მდინარეში გადაუძახა და თვითონ გზას გაუდგა.

ხარბი ძმა უკან გამოუდგა: კაცო, რას მიშვრები, ჩემი ცული მაინც ამომიღე წყლიდანო! მაგრამ წვერიან კაცს უკან აღარ მოუხედავს და თვალს მიეფარა.

ასეა, ხარბი კაცი სხვის ქონებას ეტანება, მაგრამ არა თუ სხვისას, თავისასაც დაკარგავს.

სამი ტყუილი

ერთ ქვეყანაში იყო ახირებული ხელმწიფე. ჰყავდა ერთი ქალიშვილი. ახირა: ვინც სამ ტყუილს მეტყვის, ჩემ ქალიშვილს მას მივათხოვებ, ვინც სამ ტყუილს ვერ მეტყვის, თავს მოვჭრიო.

ოთხმოცდაცხრამეტ ვაჟაკს მოსჭრა თავი, რადგან ტყუილი ვერა თქვეს. იმ სახელმწიფოში ერთი კარგი მენახირე ბიჭი იყო. სოფლის საქონელს მწყემსავდა. ერთ დღეს თქვა: მოდი, სამ ტყუილს მოვიგონებ, თუ გავიდა, გავიდა, თუ არა, ასად შევასრულებ თავმოჭრილებსო. დედამ ბევრი უშალა ბიჭს, ნუ წახვალ, შენ ასეთ ტყუილებს როგორ იტყვიო, მაგრამ ბიჭმა არ დააშალა. მივიდა ხელმწიფის კარზე და კარისკაცებს ხელმწიფის ნახვა სთხოვა. მიიყვანეს ხელმწიფესთან.

— რისთვის მოსულხარ, ბიჭო?

— სამი ტყუილის სათქმელადო!

— მერე შენ საიდან გეცოდნება სამი ტყუილი, რატომ იღუპავ თავს, თუ ტყუილს ვერ იტყვი, კისერს წაგაცლიო!

— ოთხმოცდაცხრამეტი გყოლია თავმოჭრილი. ასად მინდა შევასრულოო.

ბიჭმა რადგან თავისი არ დაიშალა, ხელმწიფემ უბრძანა: აბა, თქვი ტყუილიო.

— გუშინ ნახირიდან რომ მოვედი, — დაიწყო ბიჭმა, — დედაჩემს სადილი არ ჰქონდა გაკეთებული, მე კი პური მშობდა. ჩვენს ბაღში ერთი გოგრა მეგულეობდა, ავდექი და მის მოსატანად წავედი. მივედი, ვნახე, სადაც მეგულეობდა, იქ აღარ იყო. გავყვევ გოგრის კავს. ოკეანის გაღმა გასულიყო და იქ იღო გოგრა. გავიარე ამ კავზე, გავედი გაღმა, მოვგლიჯე გოგრა, საქამადი გავაკეთეთ და მე და დედაჩემმა კაი ვახშამი გიახელითო.

— ეგ ხომ ტყუილია! — თქვა ხელმწიფემ.

— მეც იმისათვის ვარ მოსული, ტყუილი ვთქვაო!

გამტყუნებულმა ხელმწიფემ უბრძანა: წადი და ორი დღის შემდეგ მოდიო! გავიდა ორი დღე და ისევ მოვიდა მენახირე.

— აბა, დაიწყე ტყუილი! — უბრძანა ხელმწიფემ.

— გუშინ საღამოს ნახირიდან რომ მოვედი, დედაჩემს საქამადი შეენელებინა და მარილი ვერ ეშოვნა. მეზობლებშიც გავიკითხეთ, მაგრამ არავის ჰქონდა. მე ვუთხარი დედაჩემს, მარილს ახლავე მოგიტან-მეთქი. ავდექი და გავიქეცი გუმარში, საიდანაც მარილი მოაქვთ. ვნახე აქ, სიპი კლდის მეტა არაფერია, მე არც ჩაქუჩი

მქონდა. არც არაფერი, რომ კლდე დამენგრია და მარილი წამომე-
ლო. ხან აქეთ მივარტყი თავი ამ კლდეს, ხან იქით და ერთი კაი მო-
ზრდილი ლოდი მოვავლებინე. გავიგდე მხარზე და შინისაკენ გამო-
ვიქეცი. შევანელეთ საქამადი და იმ ღამეს კაი ვახშამი ვიახელითო!

— ეგ ხომ ტყუილია! — თქვა ხელმწიფემ.

— მეც იმისათვის ვარ მოსული, ტყუილი ვთქვაო!

გამტყუნებულმა ხელმწიფემ უბრძანა: წადი და ზეგ მოდიო.
ბიჭმა თქვა: მესამე ტყუილი რაღა ვთქვა, აღარაფერი ვიციო. იფიქ-
რა, იფაქრა, მთელი დღე-ღამე იფიქრა. ერთი ასკოკიანი ქვევრი
ჰქონდათ. დაიჭირავა მუშები და მიწიდან ამოაღებინა. აგორავა,
აგორავა ეს უზარმაზარი ქვევრი და ხელმწიფესთან მიაგორა.

— მოხვედი? — ჰკითხა ხელმწიფემ.

— დიახ, ვიახელი, — ყოჩაღად უთხრა მენახირემ.

— აბა, თქვი ტყუილი!

— მამაშენს მამიჩემის ეს ერთი დიდი ქვევრი ოქრო ემართა-
და უნდა გადამიხადო!

— ტყუილია! — წამოიძახა ხელმწიფემ.

— მეც ეგ მინდოდა, სამი ტყუილი ხომ შესრულდა და ეგ არაა!
დაამტკიცეს, რომ მენახირემ მართლა თქვა სამი ტყუილი. შეი-
ტო ხელმწიფის ქალი ცოლად. დიდი ქორწილი გადაიხადეს. დარჩა
ტახტიც და იმ ქვეყანაში დღესაც ეს მენახირეა ხელმწიფედ.

ჭირი იქა, ლხინი აქა.

ნაცარი იქა, ფქვილი აქა.

მთას ურემი ავიტანე,

აქ ჩამოვა გორებიტა,

აქ სიცოცხლით გამოიძებით,

საიქიოს ცხონებითა.

ეგ არის და გორის ციხე!

ნამდვილი ტყუილი

ცხოვრობდა ერთი ხელმწიფე. ჰყავდა ერთადერთი ქალი. მზეც
მასზე ამოსდიოდა და მთვარეც. ხელმწიფემ დაიბარა ვეზირები და
უთხრა: ჩემი ქალიშვილი ისეთ ვინმეს უნდა მივათხოვო, ვინც ნამ-
დვილ ტყუილს იტყვისო.

დაიწყეს ასეთი კაცის ძებნა. მთელი სახელმწიფო შეიძრა, ვინ არ ნახეს და ვის არ გამოჰკითხეს, მაგრამ ნამდვილი ტყუილი ვერა-
ვინ თქვა. ტყუილს ყველა ამბობდა, მაგრამ ხელმწიფეს ისინი არ
მოსწონდა: ნამდვილი ტყუილი არააო.

ერთმა გლახამ თქვა: მოდი, სხვა სახელმწიფოში წავალ, იქნებ
იქ ვისწავლო ნამდვილი ტყუილი და ხელმწიფის ქალი ხელში ჩა-
ვიგდოო. აიკიდა გულა-ნაბადი და წავიდა სხვა სახელმწიფოში.

დაინახა, ერთი კაცი ზის შუა შარაგზაზე, კალათში უყრია და-
მარცვლული ნიორი და მუხუდო, ხელში კვერი და გამოთლილი ჯო-
ხი უჭირავს. დაარქობს ხოლმე ამ კვერით ჯოხს შარაგზაზე, ზედ
მოაყრის თითო-თითო ნივრის კენცსა და მუხუდოს. შემდეგ ამო-
იღებს ჯოხს და მეორე ადგილას დაარქობს და ასე თესავს ნიორსა
და მუხუდოს.

გაუარა გლახამ და ჰკითხა: რას შერები, კაცო, შარაგზაზე თესვა
ვის გაუგონიაო!

— შენი გზა ნახე, მე როდის გეკითხები, სად მიდიხარ. ჩაიარეო!
— უპასუხა კაცმა.

არ მოეშვა გლახა: მითხარი, რას აკეთებო!

ბოლოს კაცმა უთხრა: აჰ დილით რამდენიმე ურემმა აღმა
აიარა და რამდენიმემ დაღმა ჩაიარა, სანამ ურემები ამოივლ-ჩამო-
ივლის, ნიორი და მუხუდო მოვა. გაეპართავ ვაჭრობას და თავს ვი-
რჩენო. გლახამ თავისთვის თქვა: რაზან ამან ესეთი ტყუილი მითხრა,
უფრო მეტიც ეცოდინებაო და თავის ხელმწიფესთან წამოიყვანა.

ცხრა თვე და ცხრა დღე იარეს. მივიდნენ ამ სახელმწიფოში.
მოაკითხა ვეზირებს: კაცი მოგიყვანე ნამდვილი ტყუილის სათქმე-
ლადო.

ვეზირებმა დასვეს სკამზე ეს კაცი და უბრძანეს ნამდვილი
ტყუილის თქმა.

კაცმა დაიწყო: მე და მამაჩემი გუშინწინ საქონელში ვიყავით,
საქმელი არ გვექონდა და სასმელი. დედაჩემმა ჩაყარა კვახის გული
კალათში და წაიღო ბაღში დასათესად. შუადღემდის კვახი იმოდენა
გაზრდილიყო, გაეგლიჯა ღობეები და მტკვარში გადავარდილიყო.
ძოვედით მე და მამაჩემი შინ და არც იქ დაგვხვდა საქმელი. დედა-
ჩემმა ბაღში გამგზავნა: კვახი მოგლიჯეო. ჩავედი ბაღში, მაგრამ კვა-
ხი იქ არ დამხვდა. მივყევ ნაკვალევსა და მტკვარში ვნახე გაჩერე-
ბულიო. სიმძიმით ორმოცი ფუთი გამხდარიყო. მოვიკიდე ზურგზე
და ამოვიტანე, გავკერი შუაზე და ორივე ნაქერი ღუმელში შევდე

შესაწევადო. ჩქარა შეიწვა და მე და მამაჩემმა ეს ორმოცფუთიანი კვახი შევკამეთო. აბა, თუ ურევია ამაში მართალიო?

ვეზირები ჩაუკვირდნენ და ტყუილში მართალი არაფერი არ აღმოჩნდა. კაცს მანც შარი მოსდეს: ერთი ნამდვილი ტყუილი კიდევ თუ არ გითქვამს. თავს მოგპყროთო.

ეს კაცი წამოვიდა გლახასთან. იმ დღეს დაწნა დიდი გოდორი, დადო ურემზე და მეორე დღეს მიაღდა ხელმწიფეს კარზე. ხელმწიფემ და მისმა ვეზირებმა გამოიხედეს.

— ეგ რა მოგიტანიაო? — ჰკითხეს.

— დიდებულს ხელმწიფევ, შარშან ამ დროს მამაჩემმა ამ გოდორით ოქრო რომ გასესხა, რატომ უკან არ აძლევ, არა გრცხვენია, მოხუცი დაგიბრძვივითაო!

ხელმწიფე მიხვდა, რომ ამ კაცმა ასე ოსტატურად მოატყუა. ჩაფიქრდა: უთხრას, ეგ ტყუილია, არავითარი ოქრო მამიშენისაგან არ მისესხებიაო, ქალი ამ კაცს დარჩება, არადა ამოდენა ოქროს დაჯარგვაც ენანება. ბევრი იფიქრა, თუ ცოტა იფიქრა, ისევ ოქროს მიცემა არჩია. მაშინვე მისცა ერთი ურემი ოქრო და თვითონ შინ დაბრუნდა.

ამ კაცმა მოგებული ოქრო გლახასაც გაუნაწილა და შემდეგ ბედნიერად იცხოვრეს. ხელმწიფის ქალი კი დღესაც გაუთხოვარია და ბედს ელის...

კირი იქა, ლხინი აქა,
ნაცარი იქა, ფქვილი აქა.

ცრუ და მართალი

ერთ სოფელში უსაქმო ცრუ კაცი ცხოვრობდა. მთელი თავისი წუთისოფელი უსაქმურობაში, სხვის მოტყუებაში, ქურდობასა და ავკაცობაში გაეტარებინა. სოფელში ყველას სძულდა, ერიდებოდნენ მის სტუმრობას, მასთან შეხვედრასა და გამოლაპარაკებას. ცრუ კაციც მიხვდა, ამ სოფელში აღარ დამედგომებო. აიკიდა გუდა-ნაბადი და გზას გაუდგა. ცხრა დღე და ღამე იარა, ცხრა მთა გადაიარა. ერთ სოფელთან დაუღამდა. წამოვიდა კოკისპირული წვიმა და სულ დასველდა.

მოიგონა ბრძობა და ერთ გლეხს მიაღდა კარებზე: ამ თავსხმა წვიმაში ბრმა კაცი შეიფარეო.

ეს გლეხი ყოფილიყო კეთილი, შრომისმოყვარე და მართალი კაცი. ტყუილი მას თავის დღეში არ ეთქვა. შრომობდა პატიოსნად და სარჩოდ მუდამ საკმარისი ჰქონდა. ცოლიც გამრჩე და მშრომელი ჰყავდა. გლეხმა ბრმა რომ დაინახა, შეებრალა და შინ შეიყვანა. გლეხის ცოლმა ბრმას სველი ტანსაცმელი გახადა და ქმრის ახალი ტანსაცმელი ჩააცვა. სველი ტანსაცმელი გაუშრო, გაუწმინდა და მოუმზადა.

იმ ღამით სტუმარი არ გაუშვეს: ასეთ წვიმაში ბრმა კაცი სადმე გადაიჩეხებო. კარგად გაუმასპინძლდნენ და აბრეშუმის ლოგინში ჩააწვინეს.

ცრუ კაცს გუნებაში ბოროტი განზრახვა ჰქონდა. მთელი ღამე სახლს ათვალეირებდა, მაგრამ მოსაპარავი ვერა იპოვა რა. ლოგინს ხომ ვერ გაიტაცებდა. ისევ თვალი დაადგა ახალ ტანსაცმელს. დილით ადრე წამოიხტა: ახალი შარვლის ჯიბეში სამი თეთრი ფული ჩადო და ტომარაში გაახვია. თვითონ თავისი დაგლეჯილი ტანსაცმელი ჩაიცვა და გზას გაუდგა.

გლეხს რომ გაეღვიძა, ყველაფერს მიხვდა. იფიქრა: ქურდი ჯერ კიდევ ასე შორს ვერ წავიდოდაო და გამოედევნა. მეზობელ სოფლამდის, მართლაც, დაეწია ბრმა კაცს, გააჩერა და ჩუმად უთხრა: კაცო, არა გრცხვენია, შე სტუმრად მიგიღე: პატივი გეცი, შენ კი ტანსაცმელი მომპარეო?!

ცრუ კაცმა ღრიალი მორთო: ქურდი მე კი არა, შენა ხარ, ბრმა კაცი გზაზე მივდივარ და ცილსა მწამებ; შენთან არასოდეს ვყოფილვარ და არც გიცნობ, ეგ ტანსაცმელი ჩემიაო.

მართალი კაცი შეწუხდა, ველარ მოითმინა და ხელიდან გამოგლიჯა ტომარა.

ამ ყვირილსა და ღრიალზე ხალხი შეგროვდა. ბრმა კაცმა თავი მოიკატუნა და ხალხს შესჩივლა: ეგ ყაჩაღი თავს დამესხა და ჩემი გაქურდვა სურს, ერთადერთი ტანსაცმელი წამართვაო.

ხალხს ბრმა შეებრალა. ეცნენ მართალ კაცს, ხელიდან გამოგლიჯეს ტომარა და ცრუს დაუბრუნეს: შე ყაჩაღო, ბრმა კაცი გაგიქურდავს, არა გრცხვენიაო!

მართალი კაცი ყველას ეუბნებოდა: რას ჩადიხართ, ეს ტანსაცმელი ჩემია, ამ ბრმას ღამე გავათევენი და მომპარაო. მაგრამ, ამას, აბა, ვინ დაიჯერებდა!

ახლა ცრუ კაცმა გამოიღო თავი. მართალი ადამიანივით წინ წამოიწია და ხალხს ჰკითხა: ეგ ტანსაცმელი თუ მაგ კაცისაა, აბა, მიტხრას. შარვლის ჯიბეში რა უდევსო?

მართალმა კაცმა უთხრა: ტანსაცმელი ჩემია, შარვლის ჯიბეში რა უნდა იყოს, არაფერიო.

— ტყუისო, — დაიყვირა ბრმა კაცმა, — შარვლის ჯიბეში სამი თეთრი ფული მაქვს შენახული, თუ ტანსაცმელი მაგისია, ჩემი ფული ჯიბეში საიდან გაჩნდაო...

გასინჯეს შარვალი და ჯიბეში მართლა იპოვნეს თეთრი ფული. ახლა კი ყველა დარწმუნდა, ტანსაცმელი ნამდვილად ბრმისა ყოფილაო. შეარცხვინეს მართალი კაცი, სცემეს, მეორედ ბრმის გაქურდვა არ განიზრახოსო.

— მე გამქურდეს და მევე მცემთ, სამართალი სადა გაქვთო! — ამბობდა მართალი კაცი.

ამ დროს ხალხიდან ერთი ჰალარა კაცი გამოვიდა, მიიხედ-მოიხედა, დინჯი ნაბიჯით ბრმასთან მივიდა, მხარზე ხელი დაადო და უთხრა: ეგ ტანსაცმელი ბალდადს შეუკერავთ, ზედ წითელ-წითელი ზოლებიც დაუყოლებიათ, შენ მაგას ვინ მოგცემდაო! ცრუ კაცს ახლა დაავიწყდა, რომ თავი ბრმად გაასალა და მოხუცს პირში მიახალა: რას მიედ-მოედები, ბრმა ხომ არა ხარ, ჩემი ტანსაცმელი შავი ფერისაა და არავითარი ზოლები არა აქვსო!

მოხუცმა ცრუ კაცს ჩამოართვა ტანსაცმელი და მართალს გადასცა: შენ ტყუი, ბრმა არა ხარ, ეს ტანსაცმელიც ამ გლეხისააო! ცრუ კაცი შერცხვენილი გაეცალა იქაურობას.

გურჯისტანის ხატო

ერთ სოფელში გაბედული ვაჟკაცი ცხოვრობდა. კარგი სახელი ჰქონდა გავარდნილი. ედგა პატარა ქოხი, თავს ბედნიერად გრძნობდა, მაგრამ უშვილობას ძალიან დარდობდა. ისა და მისი ცოლი სულ შვილზე ოცნებობდნენ. ხანი გადიოდა და შვილი არ ეძლეოდათ. ამიტომ ეს კაცი მთელ თავის დროს ნადირობაში ატარებდა. იქ ერთობოდა.

ერთ დღეს ის ჩვეულებრივ წავიდა სანადიროდ. ცოლმა სამი თვის საგზალი მოუშადა. ხანი გამოხდა. ამ სახელმწიფოს თავს დაესხა აღმოსავლეთის ხელმწიფე. მთელი ქვეყანა ააოხრა და მოსპო-არც ერთი ვაჟკაცი არ დარჩენილა ცოცხალი. თუ კი ვინმე გადარ-

ჩა. წყეულმა ხელმწიფემ წინ გაირეკა და თავის მონებად დაიყენა. ტყვეებს საშინლად აწამებდა.

მონადირე შინ რომ დაბრუნდა, ველარავინ იპოვნა. ქვეყანა აოხრებული დახვდა, სახლ-კარი—დამწვარ-დაბუგული, ცოლი ტყვედ წაეყვანათ. „რადაც არ უნდა დამიჯღეს, მტერს. სამაგიერო უნდა გადავუხადო“, თქვა მონადირემ, აიღო ხელში მშვილდისაარი და გამოუდგა მის კვალს.

ბევრი იარა, თუ ცოტა იარა, მიადგა ერთ გზაჯვარედინს. აქ ლოდზე ეწერა: „ვინც დასავლეთით წავიდეს, მთელი ცხოვრება იაროს და მშვიდობით დაბრუნდეს; ვინც სამხრეთით წავიდეს, გაქირავებით დაბრუნდეს; ვინც აღმოსავლეთით წავიდეს, ველარ დაბრუნდეს“.

მონადირე ჯერ სამხრეთისაკენ წავიდა. კარგა გზა რომ გაიარა, ისევე უკან დაბრუნდა და აღმოსავლეთის გზას გაუდგა. ცხრა თვე და ცხრა დღე იარა, ძალიან დაიღალა, უღაბური მინდვრები გადაიარა. ტრიალ მინდორში ხე დაინახა და მის ჩეროში დასასვენებლად წაშოჯდა. სად იყო, სადა არა, იქ ერთი მგზავრი გამოჩნდა. ხელში გრძელი ჩომბახი ეჭირა და ძლივს მიდიოდა.

— ხუთი დღის მშვიერ-მწყურვალნი ვარ, ქენი კაცობა, პური მაქამო, — სთხოვა მონადირეს.

მონადირეს ნამცეცებიდა მორჩენოდა და მიაწოდა მგზავრს. ის მადიანად შეექცა ხმელ პურს. ბოლოს მგზავრმა ჰკითხა: საით გიმგზავრია, ყმაწვილო, ამ უღაბურ ქვეყანაში რამ მოგიყვანა. აღმოსავლეთის ხელმწიფის შიშით აქ თავისუფალ ადამიანს ფეხი ვერ დაუდგამს, ხალხი წელშია გაწყვეტილი, დედამიწასაც პირი შეუკრავს და ნაყოფს არ იძლევა, ქალი და საქონელი გაბერწებულა და უნაყოფოდ იღუპება ყოველი სულდგმული. შენ აქ რამ მოგიყვანაო!

მონადირემ თავისი თავგადასავალი უამბო. მგზავრს ძალიან შეებრალა მონადირე და უთხრა:

— შური უნდა იძიო, ყმაწვილო, შური, შენი ქვეყნისა და ოჯახის დამქცევი აღმოსავლეთის ხელმწიფეაო!

— კი, მაგრამ როგორ ვიპოვო ის წყეული, მე მასთან ვინ მიმიწევსო?

— ნუ დარდობ, გზას მე გასწავლი, შენ ყოჩაღად მოიქეცი, გული არ გაიტეხო. აქ რომ დედამიწას პირი შეუკრავს და ნაყოფს არ იძლევა, ეს გურჯისტანის ხატის ძალითაა. აღმოსავლეთის ხელმწიფეს გურჯისტანი დაუქცევია, კაცი და ქალი გაუწყვეტია, ვინც

ცოცხალი გადარჩენილა, ამ უდაბნოში გამოურეკია. ხატი მოუტაცნია, გაუძარცვავს და ის არის განრისხებული მასზე. აღმოსავლეთის ხელმწიფე ხატს თუ თაყვანს სცემს, დედამიწა პირს გაიხსნისო.

მგზავრებმა დიდხანს ილაპარაკეს და იმ ღამით იქ დარჩნენ. დილით მონადირემ რომ გაიღვიძა, მგზავრი ველარსად იპოვა: ადრე წასულიყო. ადგა და გაუდგა აღმოსავლეთის ხელმწიფის გზას.

გაიარა და ხედავს: უწყლობით ადამიანები სულს დაფავენ, საქონელი ბლავის. მდინარეში წყალი დამშრალა. ცოტა კიდევ გაიარა და ხედავს, ხალხი შიმშილით დახოცილა. მინდვრები გადამწვარა, ნამი არ ჩამოვარდნილა. აღმოსავლეთის ხელმწიფეც დაგლახაკებულა და პირიდან დორბლსა ჰყრის.

მონადირემ სტყორცნა ისარი და ზედ ხელმწიფის სახლის კარზე დაარტო. ხელმწიფემ ბრძანება ვასცა: ახლავე მომგვარეთ ის თავხედი, ვინც ეს გაბედაო.

დაიჭირეს მონადირე და ხელმწიფეს მიუყვანეს.

— როგორ გაბედე ჩემს საბრძანებლოში შემოსვლა და ასეთი თავხედობა? — დასკვივლა ბოროტმა ხელმწიფემ.

— გურჯისტანის ხატი უარეს დღესაც დაგათენებს, გიჯობს, ახლავე გაათავისუფლო დატყვევებული ხატი და ხალხი, თორემ შენი აღსასრული მოახლოვდა! — უთხრა მონადირემ.

— დაიჭირეთ ეს თავხედი, წაიღეთ გურჯისტანის ხატიც და ანთებულ საკირეში ჩააგდეთ! — ბრძანა განრისხებულმა ხელმწიფემ.

ეცნენ მონადირეს, ხელ-ფეხი შეუკრეს, წაიღეს გურჯისტანის ხატიც და ერთად ჩააგდეს ანთებულ საკირეში. უცებ აგიზგიზებული ცეცხლი ჩაქრა. საკირე გაიღო და მონადირემ გამოასვენა ხატი. შეშინებული მცველები ხელმწიფესთან გაიქცნენ. მონადირემ ხელმწიფის სასახლეს ცეცხლი წაუკიდა და ხელმწიფე და მისი სახლობა ძირიანად ამოზუგა. ტყვეები გაათავისუფლა და სამშობლოში დააბრუნა. წამოასვენა გურჯისტანის ხატი და ლომისაში დაასვენა.

მონადირე შემდეგაც კიდევ დიდხანს ეძებდა თავის საყვარელ მეუღლეს, მაგრამ ვერ იპოვა. აღმოსავლეთის წყეულ მეფეს ის თავისი ხელით დაეხრჩო...

ხარბი ოქრომკედელი

იყო და არა იყო რა, იყო ერთი ღარიბი კაცი. დღე და ღამე შრომობდა, ხნავდა და თესავდა, მარგლიდა და თოხნიდა, მაგრამ სიღარიბიდან თავი მაინც ვერ დაეხსნა. მემამულის მიწას ამუშავებდა და მის შემოსავალს ბარაქა არა ჰქონდა: მოსავლის ნახევარი მოწის მეპატრონეს მიჰქონდა.

ერთ გაზაფხულზე ამ კაცმა შეაბა კავში ხარები და შეუდგა ხენას. შუადღე გადასულიყო, მაგრამ დასვენებას არ ფექრობდა. იმ დღეს საშინლად ცხელოდა, მინდორში ბული იდგა, ნიავიც არ იძროდა, კაცს სულის მოთქმაც კი უჭირდა. უცებ სახნისი რაღაცას მოედო და მიწიდან დიდი ლოდი ამოაგორა. ლოდი ორად გატყდა და მზეზე ბრწყინვა დაიწყო. ღარიბი კაცი შეშინდა: ფარცაკი რამე არ იყოსო!

ამოათრია მიწიდან ლოდი, მიწა შემოაცალა და რას ხედავს, ნამდვილი ოქროს ზოდი, ორად გატეხილი! შეახვია პერანგში, გაიღო მხარზე და შინ წაიღო.

მეორე დღეს ერთი ნატეხი ბაზარში წაიღო და ოქრომკედელს მიუტანა. ოქრომკედელმა თვალეხი წამოკარკლა, საწყალი კაცის მოტყუილება მოინდომა. ნატეხი აწონა, გამოვიდა სამი ოყა, ღარიბ კაცს კი უთხრა: ნახევარ ოყას იწონის, უვარგისი ნატეხია, ასი თუმანი ღირსო. ღარიბი კაციც არ იყო ისე აბღალი, რომ ოქრომკედლის ეშმაკობას ვერ მიმხვდარიყო. ნატეხი უკანვე გამოართვა და წამოსელა დააპირა. ოქრომკედელი არ მოეშვა: მომყიდე და მომყიდეო! მაგრამ ფულის გადახდა არ უნდოდა.

ბოლოს ღარიბმა კაცმა ხერხი იხმარა. ოქრომკედელს უთხრა: მომეცი ხელწერილი, რომ ჩემგან იყიდე ნახევარი ოყა ოქროს ნატეხი, ორმოცდაათი თუმანი დღეს მომეცი და დანარჩენი ორმოცდაათი თუმანი შემდეგო. ოქრომკედელს სახე გაუნათლდა. ორმოცდაათი თუმანი იქვე დაუთვალა და ხელწერილიც მაშინვე დაუწერა.

ღარიბმა კაცმა, ხელწერილი და ფული რომ მიიღო, ბევრი აღარ დააყოვნა, დაავლო ხელი ოქროს ნატეხსაც და მოკურცხლა. ოქრომკედელმა ჯერ იფიქრა, ხუმრობსო, მაგრამ როცა შეატყო, საქმე წახდაო, ყვირილი მოართო, ხალხი დაედევნა და ღარიბი კაცი შეიპყრეს.

ადგილზე ბოქაულიც მობრძანდა. მან გამოიძია ყვირილის მიზეზები. ოქრომკედელმა თავისი საჩივარი მოახსენა: ამ კაცმა ოქროს ნატეხი მომყიდა, ფული მ-ვეცი, მაგრამ ოქროს ნატეხი უკანვე გაოტაცა და მიმალვას აპირებდაო.

— არა, ოქრომჭედელი მართალს არ ამბობს, — უთხრა ბოქა-
ულს ღარიბმა კაცმა, — მე მაგას ოქროს ნატეხი ხელში მივეციო.

— მე როგორ მომცემდა. აგერ უჭირავს ხელშიო, — თქვა ოქრო-
მჭედელმა.

— არა, ოქრომჭედელი ახლაც არ ამბობს მართალს, ეს ოქროს
ნატეხი სულ სხვაა, მიწის პატრონს უნდა მივართვაო. თუ არ გჯე-
რათ, ნახეთ ხელწერილი, მე მაგას მივეცი ნახევარი ოყის წონის
ნატეხი, ეს კი სამ ოყას იწონისო. ბოქაულმა შეამოწმა ოქროს ნა-
ტეხი და, მართლაც სამ ოყას იწონიდა, ხელწერილში კი ნახევარი
ოყა ეწერა.

ხარბი ოქრომჭედელი გამტყუნდა: ოქროც დაკარგა და ფულიც.
მეორე დღეს ღარიბმა კაცმა ოქრომჭედელს თავისი ორმოცდა-
ათი თუმანი უკანვე გაუგზავნა, ხოლო ოქროს ზოდის ნატეხი საკად-
რის ფასში გაყიდა.

ღარიბი კაცი

იყო და არა იყო რა, იყო ერთი ხელმწიფე, ავი და მავნე. სულ
ომობდა. ხალხს ელეტდა და ხოცავდა. ყველას სძულდა.

ერთ დღეს ამ ხელმწიფეს ომი გამოუცხადა მეზობელმა ხელმ-
წიფემ. მტერი ძალიან სასტიკად იქცეოდა, ყველაფერს ცეცხლს უკი-
დებდა, კაცებს თავს სჭრიდა, ქალებს იტაცებდა, მოხუცებს და
ბავშვებს წვავდა. გავერანდა მთელი სახელმწიფო. ხელმწიფე იძუ-
ლებული შეიქმნა თავი შეეფარებინა ერთი ციხისათვის. ჩაიკეტა
შიგ თავისი ჯარით. მტერი გარს შემოერტყა და ციხეს დანგრევას
უქადდა.

ამ ხელმწიფემ დაიბარა თავისი ნაზირ-ვეზირები და უთხრა: თუ
სამ დღეში მტერს უკან ვერ განდევნით, სულ ყველას თავებს დაგა-
კრითო.

ნაზირ-ვეზირებმა სიტყვის შებრუნება ვერ გაუბედეს, თავი
დაუკრეს და უკან გამობრუნდნენ. დასხდნენ, ბევრი იფიქრეს, თავი
იმტერიეს, მაგრამ ვერაფერი მოიფიქრეს.

ნაზირ-ვეზირებთან ერთი ღარიბი კაცი მივიდა. ჯერ თავმდაბლად
მოესალმა და შემდეგ დალონების მიზეზი ჰკითხა.

ნაზირ-ვეზირებმა ერთმანეთს გადახედეს, ერთს მისი გაგდება

უნდოდა, მაგრამ მეორემ გააჩერა: მოდი, ჩვენი გაჭირვება ვუამბოთ, იქნებ დაგვეხმაროსო!

— ჩვენ ვერა მოგვიფიქრებია რა, ეგ გლახი აბა რას მოიფიქრებსო, — უთხრა მეორემ და, — გამეცალეო! — დაუყვირა გლახს.

საწყალი კაციც უკან გაბრუნდა. გული კი ძალიან დასწყდა: კაცადაც არ ჩამაგდეს, არ გამომელაპარაკნენო.

ბოლოს ერთმა ვეზირმა დაუძახა ამ კაცს: აქ მო, გლახო, თუ ხვალამდის არ მოგიფიქრებია მტრის დამარცხებისათვის რაიმე, თავს მოგჭრითო.

— ძალა სადაა, თორემ ძავას რა მოფიქრება უნდა, დიდი ხანია მოფიქრებული მაქვსო.

— მერე და რა ძალა გჭირდება, ძალა ჩვენა გვაქვსო, — უთხრეს ნაზირ-ვეზირებმა.

— მომეცით ასი მუშაკაცი, ასი ბარი და ასი წერაქვი და მე ვიციო, — უთხრა გლახმა.

ნაზირ-ვეზირებმა მაშინვე გამოიყვანეს ასი კაცი. ამ გლახმა ციხის მთავარ კარს მეორე კარი გაუკეთა, აქედან გვირავით ციხის ეზოში სამი გასავალი გააკეთა. თუ მტერი მთავარ კარს გახსნიდა, ციხის ეზოში სამი გვირავით უნდა შესულიყო. მაგრამ გვირავები ისე იყო გაკეთებული, რომ იქიდან ვერც ერთი კაცი ცოცხალი ვერ მიაღწევდა ციხის ეზომდის. გლახმა რომ ეს გააკეთა, ნაზირ-ვეზირებს უთხრა: ახლა მე ციხიდან გადამაგდეთ, თან ციხის გასაღებიც გამატანეთ. მე მტერს კარებს გავუღებ, ისინი შემოცვივიან გვირავებში, თქვენ კი ნაწილ-ნაწილად დახოცეთო.

ეს აზრი ნაზირ-ვეზირებს მოეწონათ. შეუკრეს ხელ-ფეხი ამ გლახს, აიყვანეს ციხის მაღალ კედელზე და გადაუშვეს თოკით.

მტერმა რომ ეს დაინახა, გაუკვირდა. აიყვანეს ხელფეხშეკრული გლახი და თავიანთ ხელმწიფეს მიგვარეს.

— ვინა ხარ, რა კაცი ხარ, რა დაგიშავებია, რომ ასე გადმოგაგდეს ციხიდანაო, — ჰკითხა ხელმწიფემ.

— თქვენი ერთგული ვარ, ციხის კარის ვაღება მინდოდა, მაგრამ მომისწრეს, მცემეს, მაწამეს. ხელ-ფეხი შემიკრეს და მოსაკლავად გამაშვადესო. ის კი არ დაუნახავთ, რომ ციხის მთავარი კარების გასაღები მოვიპარე და უბეში დავიმალეო. თუ არ მომკლავთ, გასაღებს გადმოგცემთ და ციხეს ახლავე გავტეხთო.

ხარბი ხელმწიფე ამ ამბავმა შეაცდინა. მაშინვე ხელიდან გამოგლიჯა გლახს გასაღები, ეცა კარებს, უცებ გააღო და თავისი ჯარი მიუღისა ამ კარებს. კარები რომ გაიღო, მას ეგონა ციხის ეზოში შე-

ვიდოდა, მაგრამ მწარედ მოტყუვდა, ბნელ გვირაბში ამოყვეს თავი. ველარაფერს არჩევდნენ, გვირაბის გასასვლელთან ხმალამოწვდილი მეციხოვნენი იდგნენ და მუსრს ავლებდნენ მტერს. სულ მოკლე ხანში ეს ხელმწიფე და მისი საუკეთესო ჯარი განადგურდა. ვინც ღარჩა, პირი იბრუნა და უკან გაიქცა. გამარჯვებულები დაედევნენ მტერს და ყველას კუდით ქვა ასროლინეს.

ხელმწიფე გამარჯვებას დღესასწაულობდა. დაიბარა თავისი ნაზირ-ვეზირები და ოქრო-ვერცხლით დააჯილდოვა. მთავარ ვეზირს სამი ჯორ-აქლევი თვალ-მარგალიტით დატვირთული მიუძღვნა.

ყველაფერი რომ დაწყნარდა, ხელმწიფესთან მივიდა ეს გლეხი და დახმარება სთხოვა. მთავარმა ვეზირმა გამოაგდო, როგორ ბედავ ხელმწიფესთან მისვლასო. უბრძანა თავის კაცებს და ეს გლეხი გააბაწრინა. ცემით რომ გული იჯერეს, გლეხი წაიყვანეს და ორმოში გადააგდეს.

სამი წელიწადი და სამი თვე იტანჯებოდა ეს გლეხი. ძლივს გადაურჩა სიკვდილს. შემდეგ ხალხში ლაპარაკობდა: მტერი მე განადგურე, მე გადავარჩინე ჩვენი ციხეო.

მეზობლები კი საწყალ კაცს დასცინოდნენ: საბრალო, ჭკუაზე შეცდა, შეხედეთ, რაებს რომავსო!

ძ მ ე ბ ი

იყო და არა იყო რა, იყო ერთი ღარიბი ცოლ-ქმარი. ჰყავდათ ორი ვაჟიშვილი. ცხოვრობდნენ გაჭირვებით, პურიც აკლდათ და ფულიც.

ვაჟიშვილები წამოიჩრჩხვნენ. უფროსმა ძმამ ცოლი შეირთო და მშობლებთან ერთად დასახლდა. უმცროსი ძმა კი იქ ვეღარ მოთავსდებოდა. ადგა და სოფლის ბოლოს დასახლდა. უნდოდა ხარურმის შეძენა. ჯერ მიწის პატრონს დაუდგა მოჯამაგირედ, შემდეგ საჭირაოდ იმუშავა და რის ვაივაგლახით იყიდა ერთი უღელი ხარი. გაჭირვებით ხნავდა და თესავდა; წლის სარჩო პურს ძლივს იწევდა. როცა დაცოლშვილდა, კიდევ უფრო გაუძნელდა ცხოვრება, მაგრამ გულს არ იტეხდა, ერთგულად მუშაობდა და მომავლის იმედი ჰქონდა.

არც უფროსი ძმა ცხოვრობდა უკეთესად. მას ცოლშვილთან

ერთად დედ-მამაც ჰყავდა სარჩენი. მაგრამ გულს არც ეს იტეხდა, პატიოსნად შრომობდა და მომავლის იმედი ჰქონდა.

გავიდა ხანი, ერთ წელიწადს ცული მოსავალი იყო. გვალვამ ყანები გააოხრა. უმცროსმა ძმამ რაღაც ოციოდე ძნა მომკო. ასევე ცოტა მოუვიდა პური უფროს ძმასაც. მისი მომკილი ოცდახუთი-ოდე ძნა ძლივს იქნებოდა. უმცროსმა ძმამ იფიქრა, ჩემს ძმას წელს ძალიან გაუჭირდება, ღარიბად ცხოვრობს, ცოლ-შვილთან ერთად დედ-მამაც მის კისერზეა, მოდი, ჩუმიად რამდენიმე ძნას წაუვლებ და მის ძნებში შეეუტრევეო. როცა დაღამდა, აიკიდა ზურგზე ორი ძნა და წაიღო. მთვარე ჯერ არ ამოსულიყო, მაგრამ ვიღაც კაცი კი დაინახა გზაზე, მასაც ძნები მოქონდა. მიიტანა ჩუმიად თავისი ძნები და ძმის ძნებს მიუმატა.

შინ რომ დაბრუნდა, ისევ ისე ოცი ძნა დაუხვდა. ახლა უფრო გაუჭირდა, ნეტავ რა მემართებაო, — იფიქრა.

ძლივს ვაი-ვავლახით აიკიდა ოთხი ძნა და ძმას წაუღო. შუა გზაზე კვლავ შეეჩეხა ვიღაც ძნებაკიდებული კაცი. ერთმანეთს დაეჯახნენ. გამოისაუბრეს და ერთიმეორე იცნეს. თურმე ეს უფროსი ძმა ყოფილიყო.

უფროს ძმას ეფიქრა: წელს ცული მოსავალი იყო, უმცროსი ძმა ღარიბად ცხოვრობს, მოდი, რამდენიმე ძნას ჩუმიად მივუტან, ძმა არის, ბედნიერად იცხოვროსო. ძმებმა თავიანთი თავგადასავალი უამბეს ერთმანეთს. ორივეს ცრემლები მოადგათ თვალებზე. ერთმანეთს გადაეხვივნენ და დიდხანს საუბრობდნენ ამ შუალამით.

ასეთია ნამდვილი ძმობა!

ს ა მ ი ლ ა

ერთ ღარიბ კაცს სამი ქალი ჰყავდა. სამივე ლამაზი და კარგი. ხანი გამოხდა და ქალები გათხოვდნენ. უფროსი და წაჰყვა აზნაურს, შუათანა — მდიდარ სოვდაგარს, ბოლოლა კი — მწყემსს. უფროსი დები სასაცილოდ იგდებდნენ უმცროს დასა და მის ქმარს. მაგრამ ისინი თავისი ბედით კმაყოფილი იყვნენ, პატიოსანი შრომით ცხოვრობდნენ.

ერთ დღეს ღარიბი კაცი ავად გახდა და სიძე-ქალიშვილები მოიწვია. მობრძანდა უფროსი ქალი და მისი აზნაური ქმარი. ცხენები

ეზოში გაუშვეს და ავადმყოფი მოიკითხეს. ცოტა ხნის შემდეგ შუათანა ქალიშვილი და მისი სოვდაგარი ქმარი მობრძანდნენ ეტლით. მათაც მოიკითხეს ავადმყოფი. სიძეები საუბრობდნენ, დები ისევ ბოლოლას დასცინოდნენ.

შუადღე გადასული იყო, როცა გამოჩნდნენ ბოლოლა და მისი ქმარი — მწყემსი. ქალს ხელში ფუთა ეჭირა, ქმარს მხარზე ხურჯინი გადაეკიდა. მოვიდნენ, მოიკითხეს ავადმყოფი მამა, მას ბოლოლა ქალმა საჩუქრები მიართვა: კარგად შეკერილი პერანგი და ჩოხა; სიძემ — მთელი ხურჯინი ქადა-ნაზუქები, შემწვარი ქათმები, ხაჭაპურები და დოქით შავი ღვინო.

მშობლებს ძალიან გაუხარდათ სიძე-ქალიშვილების სტუმრობა. ავადმყოფმა მამამ თვალები გამოახილა, ახალი პერანგი ჩაიცვა, ჩოხა მოიხურა და ზეზე წამოდგა. დედა კი ვახშმის სამზადისს შეუდგა. უფროსი დები და სიძეები განაგრძობდნენ ბოლოლა დისა და სიძის დაცინვას. ბოლოლა და კი დედას ეხმარებოდა ვახშმის მომზადებაში. მოხუც მშობლებს სახლში არაფერი არ ჰქონდათ, რაც ბოლოლა ქალმა და მისმა ქმარმა მოიტანეს, იმით გაუმასპინძლდნენ საპატიო სტუმრებს. აზნაურმა და სოვდაგარმა ზედიზედ გადაკრეს. შავი ღვინო, ერთხელაც არ უხსენებიათ მისი მომტანი. კარგად გამოთვრნენ და იმ ღამეს არხეინად დაიძინეს.

ხანი გამოხდა. მცონარა აზნაური გადარიბდა. სახლკარი გაუვერანდა, მიწა-მამული გაყიდ-გამოყიდა, ფული შემოაკლდა, ვალები დაედო და ცხოვრება გაუჭირდა. სოვდაგარიც შორს ქვეყანაში სავაჭროდ წავიდა, მისი საქონლით დატვირთული გემი ზღვაში ჩაიღუპა და თვითონ ძლივს გადარჩა. სახლკარი გაყიდა და ლუკმაპურის შოვნაც უჭირდა.

მწყემსი და მისი ცოლი კი პატიოსნად შრომობდნენ. მწყემსობაში ალებული ფულით სახლკარი გამართეს, ცხვარი და ძროხა შეიძინეს, ერთგულად შრომობდნენ და ტკბილ ლუკმას ჰკამდნენ. შვილებიც წამოეზარდათ და მათაც პატიოსან შრომას ასწავლიდნენ. მათ ბედნიერებას მეზობლები შენატროდნენ.

ერთ დღეს კარებზე მოადგათ უფროსი და; ის სულ გამზდარიყო, ტანსაცმელი ზედ შემოგლეჯოდა და შიმშილს ძლიერ გაეტანჯა.

— შენი უფროსი და ვარ, შემითარე, ცოტა რამე დამეხმარე, თორემ შიმშილით სული გვხდებოა, — შეაბრალა თავი ბოლოლა დას.

ბოლოლა დამ რომ უფროსი და ასეთ გაჭირვებაში ნახა, გული აუჩუყდა, ბევრი იტირა, და სიყვარულით მიიღო, კარგადაც გაუმასპინძლდა. მეორე დღეს მთელი ურემი დაუტვირთა ხორბლით

და თან გაატანა. უფროს დას მადლობაც კი არ უთქვამს. გამორეკა ურემში შებმული ხარ-კამეჩი და წამოვიდა.

გავიდა რამდენიმე დღე და ახლა ბოლოლა დას კარზე მიადგა შუათანა და. სილამაზე სულ დაჰკარგოდა, გაძვალტყავებულყო, ტანს ძონძები ეცვა, ცნობაც კი გაუჭირდებოდა კაცს.

— შენი შუათანა და ვარ, გამიჭირდა, დამეხმარე, შიმშილით სულს ნუ ამომხდით! — უთხრა ბოლოლა დას.

ბოლოლა დამ ძლივს იცნო შუათანა და. ტირილით გული ამოუქდა. ცრემლებით ჰკოცნიდა და ეალერსებოდა. ძონძები გახადა, თავისი კარგი კაბები ჩააცვა და მეორე დღეს საჩუქრებით გაისტუმრა. მასაც გაატანა ერთი ურემი ხორბალი. მადლობა არც შუათანა დას უთქვამს.

მწყემსს ძალიან ეწყინა ცოლისდების ასეთი უმადურობა.

— ეგენი ღირსნი არ არიან პატივისცემისა, იშრომონ და ექნებათ, ჩვენ როცა ვშრომობდით, ხომ გახსოვს, როგორ დაგვცინოდნენო, — უთხრა ცოლს.

ბოლოლა დას ისევ ცრემლი მოერია, დები მაინც არ ემეტებოდა გასალანძლავად.

მეორე წელიწადს კიდევ მიადგნენ კარს უფროსი და შუათანა დები. ახლა მათ მწყემსი სიძე შეხვდა.

— თქვენ ღირსნი არა ხართ სტუმრობისა, შრომა არ გიყვართ, მშრომელ კაცს კი დასცინით, თხოვნისა არ გრცხვენიათ, პატიოსნად და მოთმინებით იშრომეთ და ყველაფერი გექნებათ, ჩვენი იმედი ნუ გაქვთო! — უთხრა მათ და კარები გამოიკეტა.

დები კულდამოძუებული გაიქცნენ. მიდიოდნენ და მიბუზლუნებდნენ. მათ გასცქეროდა ბოლოლა და თვალები ცრემლებით ევსებოდა.

— როგორ უღმერთოდ გააგდე, ისინი მაინც ხომ ჩემი დეიბიაო! — უთხრა ქმარს...

გლეხი და ვაჭარი

იყო და არა იყო რა, იყო ერთი მდიდარი ვაჭარი. ჰყავდა ახალგაზრდა ცოლი, დიდი სოვდაგრის ქალიშვილი. ქალს მამა მოუყვდა და ძალიან დამწუხრებული გაზლდათ.

ერთ დღეს ვაჭარი სავაჭროდ წავიდა. ჩამოიარა ღარიბმა გლეხმა და ქალს მოწყალეობა სთხოვა.

— საიდან გივლია, სად ყოფილხარ, ასე რამ დაგაჩაჩანავა? — ჰკითხა ქალმა.

— იმ ქვეყნიდან მოვდივარ, შენი ჰირომე, საიქიოს გახლდი, ვერ გავუძელი გაჭირვებას და ამ ქვეყანას ჩამოვიარე, ხვალ ისევ უკან უნდა დავბრუნდე! — უპასუხა გლეხმა.

ქალი დატრიალდა, სადილი გააკეთა, ორი ქათამი დაკლა. სავსე ქვევრს მოხადა, გლეხს კარგად გაუმასპინძლდა. სამი ოქროს თუმნანიც აჩუქა.

— კეთილო კაცო, საიქიოს მამაჩემი არ გინახავსო? დიდი სოფ-დაგარია, შავი და გრძელი წვერნი აქვს, ჩოხა-ახალუხი აცვია, აი ეს ერთი თვეა, რაც ამ ქვეყანას გამოეთხოვა და ობლად დაგვტოვა! — ჰკითხა ქალმა.

— როგორ არა, შენი ჰირომე, მამათქვენს ძალიან კარგად ვიცნობ, ერთ სახლში ვცხოვრობთ, საწყაღს ძალიან უჭირს, არც პური აქვს და არც პურის ფქვილი, ის კარგი შავი წვერი გაუთეთრდა, ის შავი ჩოხა-ახალუხი ტანზე შემოაცვდა, — უთხრა ეშმაკმა გლეხმა.

ქალი საშინლად შეწუხდა. ტირილი წასკდა. დასტირის მამას. სთხოვა გლეხს: კეთილო კაცო, ცოტა რამეს გაგატან მამაჩემთან, ნუ დაიზარებ წაღებას, იქნებ უშველო საწყაღს, თორემ შიმშილი და სიცივე შეაწუხებს.

— მთელი ურემი დამიტვირთე, შენი ჰირომე, ყველაფერს უკლებლივ მივუტან, მადლია, ნურაფერს დაიზარებ და დაიშურებ! — უპასუხა გლეხმა.

ქალმა მაშინვე გამოიყვანა უღელი ხარი. შეაბა დიდ ურემში. დატვირთა საკმელ-სასმელებით: ცხრა ტომარა ხორბლით, ცხრა ტომარა ბრინჯით, ცხრა ტომარა ფქვლით, ცხრა ფუთი ერბოთი, ცხრა ფუთი ყველით, ცხრა ფუთი თაფლით, ცხრა კოკა ღვინით, გაატანა თან ცხრა წყვილი ახალი ტანსაცმელი, ერთიც თბილი ქუდი, ცხრაასი თუმანი ოქრო და გაისტუმრა. გლეხმა გარეკა ხარები და სახლისაკენ გასწია. უხაროდა, ბრწყინებდა ქალი ასე ადვილად რომ მოატყუა.

სად იყო, სად არა, ვაჭარიც დაბრუნდა შინ. ცოლმა ყველაფერი უამბო: საიქიოდან კეთილი კაცი მესტუმრა, მამაჩემი გაჭირვებული უნახავს, ცოტა საგზალი გავატანე, აი, ეს-ეს არის გავისტუმრეო.

ვაჭარი მიხვდა ეშმაკი გლეხის ოინებს. საშინლად გაბრაზდა: გაბრიყვებულხარ, გლეხს გაუსულელებიხარ, თორემ სად გაგონილა საიქიოს ურმით საგზლის გაგზავნაო! გამოიყვანა თავისი საუკეთ-

სო ლურჯა ცხენი, შეკაზმა ოქროს უნაგირით, შეჯდა ზედ და გამო-
უდგა გლეხს.

გლეხი არხეინად მირეკავდა ხარებს. უკან მოიხედა და დაინახა
მღევარი. გადაუხვია ტყეში. ურემი დამალა. ხარები საძოვრად გა-
უშვა, თვითონ კი გზაზე დაჯდა, ქუდი წინ დაიღო და ზედ ყუავილები
მიაყარა.

გამოიარა ვაჭარმა. მოაქენებდა გაოფლიანებულ ცხენს. გლეხს
ჰკითხა: კეთილო კაცო, აქ ურმით ხომ არავის გაუვლია, ზედ უწყვია
ფქვილით, ხორბლითა და ბრინჯით სავსე ტომრები, ერბოთი, თაფ-
ლითა და ღვინით სავსე კასრები?

— როგორ არა, შენი ჰირიმე, ახლახან გაიარა, ურემში კარგი
ხარები ება, ზედაც ყოჩალი გლეხი იჯდა, შენისთანა ჩია კაცს ახლო-
საც არ გაიკარებდა. ახლა სამშვიდობოს იქნება!

— ჩქარა დავეწევი?

— არ ვიცი, გაიარე!

— არა, მითხარი, ჩქარა დავეწევი?

— გაიარე, გეუბნები, გაიარე. გავიგო, როგორ მიგყავს ცხენი!

ვაჭარმა ცხენს მათრახი გადაჰკრა და გაქუსლა. გლეხმა დაუძახა:
მოაბრუნე, მოაბრუნე, ცხენოსნობა არ გცოდნია, საღამომდის ვერ
დაეწევი, დრო რომ მქონდეს, გიშველიდი. მაგრამ ახლა არა მცალია!

ვაჭარი ცხენიდან ჩამოხტა. შველა სთხოვა. საჩუქრებს დაჰპირდა.
ოღონდ ის გლეხი დამაჰქერინე და რაც გინდა, მთხოვე, მოგცემო.

— არა, არ შემიძლია, შენი ჰირიმე, — უთხრა გლეხმა, — ამ
ქუდში ბატონის მიმინო მყავს დამწყვედელი და მას ვდარაჯობ, ბა-
ტონი ტყეში ნადირობს, სადაცაა მოვა. მიმინო რომ არ დავახვედ-
რო, თავს მომპრისო.

— მიმინოსთან მე დავრჩები, ხელსაც არავის მივაკარებინებ. აი,
ჩემი ცხენი, ოღონდ ის გლეხი გამათოკინე და რაც გინდა, მთხო-
ვეო! — უთხრა ვაჭარმა.

მისცა წინასწარ ათი თუმანი ოქრო. შესვა ოქროს უნაგირიან
ცხენზე და გაუშვა. გლეხმა ცხენს მათრახი გადაჰკრა და ვაჭარს
დაუძახა: მიმინოს ვინძლო კარგად მოუარო, არ გაგიფრინდესო!

ვაჭარმა დიდხანს უცადა. უკვე დაღამდა, მაგრამ არც გლეხი გა-
მოჩნდა, არც მისი ბატონი. იფიქრა, მიმინოს ხელში დავიჭერო.
ფრთხილად ასწია ქუდი და შეყო შიგ ხელი. სად არის მიმინო! ახლა
კი მიხვდა, ეშმაკმა გლეხმა გამაბრიყვაო.

გამწარებული ვაჭარი შინ დაბრუნდა. ხმა არ ამოუღია. ცოლისათვის არაფერი გაუმხვლია.

ახლა მე თქვენ გეკითხებით. რომელია უფრო დიდი ბრყვი, ვაჭარი, თუ მისი ცოლი?!

ბატონი ბატონი და მოჯამაგირი

ბატონი მხართეძოზე წამოწოლილიყო და გრძელ ყალიონს აბოლებდა. მოჯამაგირე თავს ადგა და ბუზებს უგერიებდა. საწყალ მოჯამაგირეს უსმელ-უტკმელობით ფერი აღარ ჰქონდა, ფეხუცმელობით ფეხის გულები დახეთქოდა. ძლივს იდგა.

ბატონს საუზმე მოართვეს. მაღიანად შეექცა. მთელი დოქი დღინოც დააყოლა, კარგად გამოიბრუჟა და ისევ მხართეძოზე წამოწვა. მოჯამაგირე ნერწყვს ყლაპავდა. შიმშილით თვალები უბნელდებოდა. მოსამსახურემ საკმლის ნარჩენები წაიღო და ღორებს გადაუყარა. მოჯამაგირეს ლუკმაც არ აჭამეს.

სისხლი ყელში მოადგა. რა უნდა ექნა. ბატონს ხომ ვერაფერს შეკადრებდა.

ამ დროს ბატონის ეზოს ორმა ცხენოსანმა ჩაუარა. აქეთკენ არც კი გამოუხედავთ, ისე განაგრძეს გზა. ბატონი გაბრაზდა. მოჯამაგირეს უბრძანა: წადი, გამიგე, ვინ ოხრები არიან, ჩემს ეზოს ჩამოუარეს და ბოდიში არ მოიხადეს!

მოჯამაგირე ცხენოსნებს გამოედევნა. ძლივს მიაწვდინა ხმა. ცხენოსნები შეჩერდნენ. ერთმა მათგანმა მოჯამაგირეს ჰკითხა:

— ვინ ხარ, რას თხოულობ, რა გინდა?

— ჩემმა ბატონმა შემოგითვალა, ვინ ოხრები ხართ, ჩემს ეზოს რომ ჩამოუარეთ და ბოდიში არ მოიხადეთო!

ცხენოსანი მოჯამაგირეს მოუბრუნდა და უთხრა: წადი, შენს ბატონს უთხარი, შენ სულელი და ბრყვი ხარ, შენი მოჯამაგირე — ბრყვის მსახური ბრყვი-თქო!

მოჯამაგირე დაბრუნდა. ბატონმა ჰკითხა:

— ვინ იყვნენ, ჩემი ნაცნობები თუ უცნობები?

— ნაცნობები, შენც კარგად გიცნობენ და მეც!

— როგორ, ჩვენ ისინი საიდან გვიცნობენ?

— არ ვიცი, ასე კი მითხრეს: შენი ბატონი სულელი და ბრიყვია, შენ კი ბრიყვის მოჯამაგირე ბრიყვიო!

— ეგ რა გაუბედავთ იმ თავხედებს, რატომ კარგად არ უთავაზე!

— სიპართლის თქმისთვის განა კაცს სცემენ!

მოჯამაგირის ამ სიტყვებზე ბატონი პირდაღებული დარჩა და ხმა აღარ ამოუღია.

ცოლ-ქმრის ამბავი

იყო და არა იყო რა, იყო ერთი ცოლ-ქმარი, ქმარი ხელმწიფესთან მსახურობდა და ყოველ თვისა და თვის თავს ჯამაგირს აიღებდა თუ არა, გაუგზავნიდა ცოლს.

გავიდა სამი თუ ოთხი თვე, ფული აღარ მოუვიდა ცოლს, ქმარი რაღაც მიზეზით აღარ უგზავნიდა. ცოლი ძალიან შეწუხდა. ადგა და წავიდა მამასახლისთან საჩივლელად: სამი-ოთხი თვეა ქმრისაგან ჯამაგირი აღარ მიმიღია, შიმშილითა ვკვდები, რა მიზეზია, მიშველე რამეო!

მამასახლისმა აათვალიერა-ჩაათვალიერა. თვალში მოუვიდა, უთხრა: მე აჰალამ თქვენთან წამოვალ და ხვალ გავაგებ მაგ საქმესო.

ქალმა უთხრა: მე თქვენს საკადრის ვახშამს როგორ მოვამზადებ, ღარიბი ვარო.

მამასახლისმა ფული მისცა: წადი, კარგი ვახშამი მოამზადეო.

ქალი მამასახლისიდან უფროსთან წავიდა საჩივლელად: შენი პირიმე, ბატონო, სამი-ოთხი თვეა, ქმრისაგან ჯამაგირი აღარ მიმიღია, და რა ვიცი, რა მიზეზია, მიშველე რამეო!

— აჰალამ თქვენთან წამოვალ და ხვალ გავაგებ მაგ საქმესო, — უთხრა უფროსმა.

— მე თქვენს საკადრის ვახშამს ვერ მოვამზადებ, — უთხრა. ქალმა, — ღარიბი ვარო.

უფროსმა ფული მისცა: წადი, ვახშამი მოამზადე, ამა და ამ დროს მოვალო.

ქალი ახლა არქიელთან წავიდა.

— შენი კირიმე, ბატონო, სამი-ოთხი თვეა, კმრისაგან ფული აღარ მიმიღია, არ ვიცი, რა მიზეზიაო!

არქიელმა უთხრა: ამაღამ, შვილო, თქვენთან წამოვალ და ხვალ ყველაფერი გარიგდებაო.

ქალმაც იგივე პასუხი მისცა: თქვენს საკადრის ვახშამს მე როგორ მოვამზადებო?!

მისცა ფული არქიელმა და უთხრა: წაიღე, შვილო, კარგი ვახშამი მოამზადე და ამა და ამ დროს მეც მოვალო.

ქალი წაპოვიდა სახლში. სამი კარადა იყიდა, მოიტანა, დადგა და მოამზადა ვახშამი.

შებინდა თუ არა, მოვიდა მამასახლისი, გაშალეს სუფრა და დასხდნენ. ვახშამს კამენ. ზედ უფროსიც მოვიდა. მამასახლისი ძალიან შეშინდა, გაქცევა დააპირა.

ქალმა უთხრა: საწყენად კი ნუ მიმიღებ, ამ კარადაში შებრძანდი, ვინ არის, ვნახავ, გავისტუმრებ. მერე გამოდი, დავსხდეთ და ქეიფი გავწიოთო!

მამასახლისი შეჯდა კარადაში, ქალმა გარედან დაკეტა და გასაღები ჩიბეში ჩაიდო. მოვიდა უფროსიც. გაუშალა სუფრა, დასხდნენ ვახშამზე. ამ დროს მოვიდა არქიელი, ქალმა უთხრა უფროსს: თუ შეიძლება კარადაში შებრძანდი, გავიგებ, ვინ მოვიდა, გავისტუმრებ, გამობრძანდი მერე, დავსხდეთ და ქეიფი გავწიოთო!

გაულო მეორე კარადა, შეჯდა შიგ უფროსი, ქალმა გარედან დაკეტა და გასაღები ჩიბეში ჩაიდო.

შემობრძანდა არქიელი, გაშალეს სუფრა, დასხდნენ და დააპირეს ვახშამობა. ქალს მეზობლის ბიჭი დარიგებული ჰყავდა, როდესაც არქიელი სუფრაზე დავსვა, მოდი და კარი დააკაკუნეო. მოვიდა მეზობლის ბიჭი და დააკაკუნა კარი.

ქალმა უთხრა არქიელს: საწყენად კი ნუ მიმიღებთ და კარადაში შებრძანდით ცოტა ხანს, გავისტუმრებ, ვინ არის და მერე გამობრძანდითო.

— დიდი სიამოვნებით, — უპასუხა არქიელმა, — ოღონდ კი დამძალე და რატომ არ შევალო!

შეჯდა კარადაში არქიელი. ქალმა გარედან დაკეტა, გასაღები ჩიბეში ჩაიდო. ქალი და მეზობლის ბიჭი დასხდნენ ვახშამზე და კარგად შეექცნენ.

მეორე დღეს ქალმა დაიჭირა სამი მუშა, აჰკიდა ზურგზე სამივე

კარადა და მთავარმმართველს მიართვა. ქალმა სთხოვა: თქვენს მსახურთ უბრძანეთ, კარადები გააღონო.

მთავარმმართველმა ქალს უბრძანა: თქვენ გააღეთო!

გააღო ერთი კარადა ქალმა და გამოძვრა მამასახლისი; გააღო მეორე — გამოვიდა უფროსი; გააღო მესამე — გამობრძანდა არქიელი.

მამასახლისი სამსახურიდან გამოაგდეს, უფროსი დაითხოვეს. არქიელი გაკრიჭეს და ციმბირში გაგზავნეს. უფროსობა ქალის ქმარს მისცეს...

კირი იქა, ლხინი აქა,
ქათო რქა, ფქვილი აქა.

ქვეყნისწილი

იყო ერთი ქვრივი დედაკაცი. ჰყავდა ერთადერთი ვაჟი, მოუსვენარი, ყაჩაღი, მატყუარა. დედამ უთხრა:

— შვილო, ოღონდ ნუ იყაჩაღებ და სულ მე გარჩენ, ხელს ნუ განძრევ!

— არა, დედი, ვანა ჩემი ნებით ვყაჩაღობ? ზევით რომ წმიდა გიორგია, იმის ნებით ვყაჩაღობ, ის მიბრძანებს.

აღდა ეს დედაკაცი, დააცხო ხაჭაპურები, დაკლა ქათმები და ძღვენად წაუღო იმ წმიდა გიორგის. ბიჭმა დედას გაასწრო. შევიდა სალოცავში, ჩამოიფარა ფარდა და ფეხებს აქანავებს. სად იყო, სად არა, მოვიდა დედამისიც. შეეხვეწა წმიდა გიორგის:

— შენი სახელის კირიმე, ჩემ შვილს ყაჩაღობა მოაშლევინე, ერთი შვილი მყავს და ნუ დამიღუპავ.

— შენი შვილი ყაჩაღობაზე ავიგია და ყაჩაღობაზე უნდა გადაეგო! — უპასუხა თითქოს წმიდა გიორგიმ.

დედას რაღა უნდა ექნა, ეს ძღვენი იქვე დატოვა და შინ წამოვიდა გულდაწყვეტილი. ბიჭი გამოხტა, მოუსვა ხელი ამ სასმელ-საკმელს და სულ ერთიანად შეჭამა. შემდეგ შინ გაიქცა და დედას კიდევ მიასწრო. დედა რომ დაბრუნდა, ჰკითხა:

— რა გითხრა იმ წმიდა გიორგიმ?

— შენი სიტყვა მართალი ყოფილა, ეგრე მითხრაო.

ამის შემდეგ ამ ბიჭმა გაიამხანაგა დედაშვილი და ის სა-

ზელმწიფო სულ აიკლეს, სალაროები გაძარცვეს, სავაჭროები გააჩანაგეს. ყაჩაღების გზა-კვალი ვერავინ იპოვნა, ბევრი ეძებეს. მცველებიც მიუჩინეს სალაროებს, მაგრამ ფულები იკარგებოდა. ყაჩაღებს ვერ პოულობდნენ. ერთხელ სახელმწიფო ხაზინასთან კუპრით სავსე კასრი დადგეს, იქნებ ქურდი შიგ ჩავარდესო. ამ დღეს ქვრივიშვილმა ფულის მოსაპარავად დეიდაშვილი გაგზავნა. ის გადავიდა თუ არა, კუპრში ჩავარდა. ქვრივიშვილმა ვერა და ვერ ამოიყვანა. მოაპრა თავი და თან წაშოიღო, იქნებ ვერ იცნონო. მეორე დღეს ნახეს, რომ კაცი კი გდია კუპრში, მაგრამ თავი არა აქვს. მოაბეს ამ კაცს თოკი და ათრევენ ქუჩაში, ვინც ტირილს დაიწყებს, პატრონი ის იქნება და დავიჭიროთო.

ქვრივიშვილმა დეიდაშვილის ცოლს უთხრა: ხმა არ ამოიღო, არ იტირო, თორემ გაგვიგებენ, დაგვიჭერენ და ყველა დავი-
ლუპებითო.

პატრონი რომ ვერ იპოვეს, მკვდარი შარა-გზაზე ერთ ხეზე ჩამოკიდეს, მცველები მიუჩინეს, აქ მთელი ხალხი მიდი-მოდის, პატრონი გამოჩნდება, დაიტირებს და დავიჭერთო.

ამ ბიჭის ცალი ძალიან ტიროდა. უნდოდა მკვდარი ქმრის დატირება, მაგრამ ქვრივიშვილი აო უშვებდა, ბოლოს, ქვრივი-
შვილმა რძალს გაატანა საკმელი და ჯამ-ჭურჭელი: წაიღე, ვითომ მუშებთან მიგაქვს. როცა მკვდართან გაივლი, დალეწე და შემდეგ იტირე რამდენიც გინდა. მცველებს ეგონებათ, ჯამ-ჭურჭელს ტირისო! ქალი ასეც მოიქცა. დაამტვრია ჯამ-ჭურჭელი და დაიწყო ტირილი. მიცვივდნენ მცველები. ნახეს, რომ ქალი ჯამ-ჭურჭელს დასტირის, ვერ დაიჭირეს.

ქალმა ტირილით გული იჭერა და წამოვიდა სახლში. ქვრივი-
შვილმა მკვდარს საფლავი გაუმზადა, ვირს აპკიდა სასამელ-საკმე-
ლი და თითქოს შორეული მგზავრი იყო, საღამო ხანს მცველებ-
თან მივიდა. სთხოვა, ღამე გამათევინეთო. მცველებმა უარი არ
უთხრეს. ბიჭმა ამოალაგა სასამელ-საკმელები და გაუმასპინძლდა.
ბოლოს ზევით აიხედა და მკვდარი დაინახა.

— ეგ რა არი?

— მკვდარია ჩამოკიდებული.

— ეგ ვირს მომპარავს, მიშველეთ!

— არა, კაცო, მკვდარი კაცია, ვირს როგორ მოგპარავს!

— ნამდვილად მომპარავს, აქ ვეღარ დავდგები.

— თუ მოგპარავს, ჩვენ გიზღავთ, — უთხრეს მცველებმა.

ბიჭი ამაზე ვითომ დაშვილდა. მცველებმა ბევრი ჭამეს, სვეს,

დათვრნენ და დაიძინეს. ქვრივიშვილს რა დააძინებდა! წამოდგა. ჩამოიღო ეს მკვდარი, აჰკიდა ვირს და სახლში გაუშვა. თვითონ კი მიუწვა გვერდით მცველებს და დაიძინა.

მეორე დღით პირველად მცველებმა გაიღვიძეს. ნახეს, ვირი არა ჩანს, მალა შეიხედეს, მკვდარი აღარ არის. შექმნეს ერთი უბედურება. გააღვიძეს ქვრივიშვილი.

— მკვდარს შენი ვირი მართლა მოუპარავს და ვაქცეულაო. ქვრივიშვილმა დაიწყო თავში ცემა:

— რატომ დამღუპეთ, განა არ ვიცოდი, მკვდარი ვირს მომპარავდა!

მცველებმა აუნახლაურეს ვირის ფასი და ქვრივიშვილიც შინ დაბრუნდა. დედაშვილი დიდი ამბით დამარხა. დაიწყო ისევ ისე ქურდობა. ძარცვავდა სალაროებს, ვერავინ ვერაფერი გაუგო. ერთხელ სალაროს მცველებმა მინდორზე გაშალეს ფულები და თქვეს: ვინც ფულს დაწვდება, ქურდიც ის იქნება და დაევიკერთო. წამოვიდა ქვრივიშვილი, ფისში ჩადგა ფეხები; გაიარა ფულზე და სულ ფეხებზე აეკრა. არც დახრილა დაბლა. ისე აკრიფა ეს ფული. ყარაულები დარჩნენ პირში ჩალაგამოვლებული.

ამ ხელმწიფის გასაჭირი გაიგო მეზობელმა ხელმწიფემ და ჩიხტიკობი გამოუგზავნა: ყაჩაღები ვერ დაგიჭერია. დედაკაცი ხარ და დაიხურეო.

გაბრაზდა ხელმწიფე და გასცა ბრძანება: ვინც არის ქურდი, მოვიდეს, არას დაეუშავებ და ფულითაც დავასაჩუქრებო.

ეს შეიტყო ქვრივიშვილმა. ადგა და უშიშრად გამოცხადდა ხელმწიფესთან: მე ვარ თქვენი ხაზინიდან ფულის წამლებიო.

ხელმწიფემ უთხრა:

— ოღონდ ჩემს მეზობელ ხელმწიფეს რამე მოჰპარე და ყველაფერს გაპატიებ, ბევრ საჩუქარსაც მოგცემ!

— რა უნდა მოვპარო, თვითონ მას მოვიპარავ და აქ მოგიყვანო! — მიუგო ქვრივიშვილმა.

შეაკერინა ოთხი თხის ტყავის წამოსასხამი, ყველა ბეწვზე ეღარუნები და ექენები შიბაბა, გააკეთებინა ერთი საკაცე ყუთი და წავიდა იმ სახელმწიფოში. დამით შივიდა ხელმწიფის კარებზე. წამოიხურა ეს ტყავი და სულ ეღრიალი გააქვს, დაუძახა ხელმწიფეს:

— მე მიქელ გაბრიელი ვარ, უფალმა გამომგზავნა, ცოცხალი უნდა წაგიყვანო, ჩქარა გამოდი!

ხელმწიფემ სთხოვა:

— ერთი დღის ვადა მომეცი, ჩემი ნათესავეები ვნახო, ყველას გამოვემშვიდობო!..

ქვრივიშვილმა მისცა ერთი დღის ვადა. იმ საღამოს ქალაქში გავიდა და კარგად იქეიფა. მეორე საღამოს ისევ მიადგა კარებზე. ჩასვა ამ ყუთში ხელმწიფე, დაკეტა მაგრად და თავის ხელმწიფეს მიართვა. გახსნეს ყუთი და შეშინებული ხელმწიფე ამოიყვანეს. მიუტანეს ჩიხტიკობი და თავს დახურეს.

— მე თუ ქურდი ფულს მპარავდა, შენ თვითონ მოგიპარა, დედაკაცი შენ ყოფილხარ! — უთხრა ამ ხელმწიფემ.

ის ხელმწიფე ჯავრით მოკვდა. ქვრივიშვილმა დიდი საჩუქარი მიიღო. დაანება ყაჩაღობას თავი, შეირთო ცოლი და ხელმწიფეს კარისკაცად დაუდგა.

ფ ი ნ ა ჩ ი

ერთ ქალაქში ფინაჩი¹ ცხოვრობდა. ძალიან სახელოვანი კაცი იყო, მთელი დღე მუშაობდა, საღამოს კი უეჭველად ქეიფობდა. არავის აწყენინებდა, ცდილობდა, ყველასათვის ხელი გაემართა. ხალხს ამიტომ ძალიან უყვარდა. ეს ამბავი ხელმწიფემდისაც მივიდა. ხელმწიფემ დავრიშის ტანისამოსი ჩაიცვა და წავიდა ფინაჩის ხანახავად. საღამოს მოადგა ფინაჩის კარს, შეიხედა სახლში, ფინაჩი ქეიფობს თავის ცოლ-შვილში, თვითონ მღერის, ბავშვები უზუნდარას თამაშობენ. დავრიში რომ დაინახა ფინაჩმა, სიხარულით მიიპატიჟა. ხელგაშლილი მიეგება:

— მობრძანდი, ძია დავრაშ, მობრძანდი, ერთი კარგი რამე დაუკარი!

დავრიშის ტანისამოსში გადაცმულმა ხელმწიფემაც დაუკრა. იმხიარულეს. ფინაჩმა აიღო და სამი მანეთი მისცა: დღეს ცოტა ქესატად ვიყავი და ნუ დამემდურებო. კარგი დრო გაატარეს, ბევრი სვეს და ჭამეს. ბოლოს ხელმწიფემ უთხრა:

— მეუბნებიან, სულ ქეიფობ და დროს ატარებ. საიდან მოგდის ამდენი ფული?

— ნეტავ შენ, — უპასუხა ფინაჩმა, — საქმე გამოგლეგია, ერთი საწყალი ფინაჩი ვარ, დილიდან საღამომდის ვმუშაობ, რასაც

¹ მეჭლანე.

ვმოულობ, შინ მომაქვს, არა ვქურდობ და არა ვვაჭრობ, სალამო, კი ყოველთვის ვქეიფობ!

ხელმწიფე წამოვიდა და იმ ღამითვე ვეზირებს უბრძანა: ხვალ ქალაქში არც ერთი ფინაჩი არ გაუშვათ სამუშაოდო.

მეორე დღეს ფინაჩი გამოვიდა თუ არა სამუშაოდ, ხელმწიფის ვეზირებმა გააგდეს. თავისი სახარაზო ყუთი დაუმტვრიეს. დალონდა ფინაჩი: სალამოზე ქეიფი მინდა, საქმეზე არ მიშვებენ. რაღა ვქნაო. დაწანწალებს ქალაქში. ცხელა, საშინელი ბული დგას. ვილაც ცივ წყალს ყიდის და ხალხი თავს ეხვევა. ფინაჩმა თქვა: მოდი, მეც გავყიდი ცივ წყალს, იქნებ პურის ფული მაინც ვიშოვნო. გაიქცა შინ, დიდ კასრში ჩაასხა ცივი წყალი, ხელში ტოლჩა დაიჭირა და ყიდის. სალამოდის კაი ფული აიღო. სამი ამხანაგიც დააბატიჯა, სასმელ-საჭმელი იყიდა, ცოლ-შვილს მიუტანა, სუფრა გაშალა და დროს ატარებს.

ხელმწიფემ კიდევ ჩაიცივა დავრიშის ტანისამოსი და ფინაჩის შესაპოწმებლად წამოვიდა: დღეს ხომ სამუშაოზე არ გავეშვი, აბა, ვნახოთ, რითი იქეიფებსო!

იმ დროს მოვიდა ხელმწიფე, როცა ფინაჩის ამხანაგები თამაშობენ და ერთი ამბავი აქვთ. ხელმწიფეს გაუკვირდა. დააკაკუნა. ფინაჩმა გამოიხედა:

— მობრძანდი, დავრიშ, მობრძანდი, აბა, კარგი რამე დაუკარი! — უთხრა. აიღო ხუთი მანეთი და აჩუქა: — ნუ დამემდურები, დავრიშ, ჩვენს ხელმწიფეს ამოუწყდეს სახლ-კარი, დღეს საქმეზე არ გამიშვა, თორემ შეტს მოგცემდიო.

გვიან ღამით ყველა წავიდ-წამოვიდა, დავრიში დარჩა ბოლომდის და ფინაჩს ჰკითხა:

— დღეს ხომ ხელმწიფემ სამუშაოზე არ გაგიშვა, საიდან იშოვნე საქეიფო ფული?

— ნეტავ შენ, — მიუგო ფინაჩმა, — სვი, ჰამე, რა შენი საქმეა. ერთი საწყალი ფინაჩი ვარ, არ ვქურდობ და არ ვვაჭრობ, ჩემი შრომით ლუკმა პურს ვშოულობ და ვქეიფობ, კიდევ დაუკარი რამეო! წყეულმა ხელმწიფემ ფინაჩობა ამიკრძალა, მაგრამ ცივი წყალი გავყიდე, პურის ფული ვიშოვნე, ცოლ-შვილს სასმელ-საჭმელი მოვუტანე, ამხანაგებსაც ვაქეიფებ და შენც ცოტა რამე მოგეცი, ხვალაც ვიშოვნი რამეს, ქვეყანა დიდია!..

ხელმწიფემ იმ ღამით ვეზირებს უბრძანა: ხვალ არც ერთი წყლის გამყიდველი არ გაუშვათ ქალაქშიო.

მეორე დღეს ფინაჩმა დილით ადრე გამოიტანა კასრით წყალი.

მაგრამ მეფის ვეზირებმა წაართვეს და გადაუგდეს. დაღონდა ფინაჩი. არ უშვებენ არც საფინაჩოდ, არც წყლოს გასაყიდად. ტრიალებს ბაზარში. უქმად გაჩერება არ შეუძლია. დაინახა, მორბის ერთი გლეხი. ფინაჩს უთხრა:

— გეტყობა, საქმე არა გაქვს, ორმოცი მუშაკაცი მიშოვნე და კარგად დაგასაჩუქრებ!

დატრიალდა ფინაჩი. იშოვნა ორმოცი მუშაკაცი. წავიდნენ გლეხთან და იმ დღით ერთგულად იმუშავეს. საღამოთი გლეხმა ყველას მისცა ფული. ფინაჩს ორმოცი მანეთი ზედმეტი მისცა, კარგი მუშა ყოფილხარო. ორმოცივე ამხანაგი წამოვიდა ფინაჩთან, კარგი ქეიფი გამართეს.

ხელმწიფემ კიდევ გადაიკვა დავრიშის ტანისამოსი და წამოვიდა ფინაჩის შესაპოწმებლად. შეიხედა სასლში და დაინახა დიდი ქეიფი. ფინაჩმა მხიარულად მიიპატიჟა, აბა, კარგი რაჟე დაუკარი, დავრიშო! დაუკრა დავრიშმა, ფინაჩმა აიღო და თუნინანი აჩუქა, სხვებმა — თითო-ორ-ორი მანეთი. კარგი დრო გაატარეს. ყველა წავიდ-წამოვიდა, დავრიში დარჩა და ფინაჩს უთხრა:

— კი, მაგრამ შენ ხომ ხელმწიფემ საქმეზე არ გაგიშვა, საიდან მოგიყრია ეს ორმოცი კაცი?

— რა შენი საქმეა, სვი, ჭამე, ადქი და წადი, — უთხრა ფინაჩმა, — იმ ხელმწიფეს ამოუწყდეს ცოლ-შვილი, წყლის გაყიდვა რომ ამიკრძალა, განა სხვა საქმეს ვერ ვიშოვიდი?! ერთ გლეხს მოვეხმარეთ, ფულიც კარგი მოგვცა და მე ცალკეც კიდევ დამასაჩუქრა. ცოლ-შვილს სახარჯო დავეტოვე, შენც პურის ფულს მოგეცი, ამხანაგებშიც სირცხვილი არ ვჭამე, ერთად ვიქეიფეთ. ხვალაც გავახერხებ რაჟეს, ქვეყანა დიდია!..

ხელმწიფემ იმ ღამით ვეზირებს უბრძანა, ხვალ ფინაჩი ჩემთან დამიბარეთო. დილაზე მოვიდა ფინაჩი. ჩააცვეს სამხედრო ტანისამოსი, ჩამოკიდეს ხმალი და თოფი და ხელმწიფის კარებზე დარაჯად დააყენეს. ფინაჩმა თქვა: ეს რა წყალში ჩავვარდი, აქ რომ ვიდგე, საღამოზე ვინ მაქეიფებს, ცოლ-შვილს პურის ფულს ვინ მისცემსო. ამოსწია ხმალი და ნახა, ხოროსნის პირი აქვს. რომ დადამდა, შეცვალეს. წამოიღო ხმალი. თხუთმეტ მანეთად გაყიდა. გააკეთებინა ხის პირი. ხუთი მანეთის ღვინო იყიდა, ხუთი მანეთის საქმელი და ხუთიც ჯიბეში ჩაიღო. მოვიდა ცოლ-შვილში და ქეიფობს.

ხელმწიფემ თქვა: დღეს ხომ ვეღარ იქეიფებდა ფინაჩი, მოდი, შევამოწმებ, რას შერებო. გადაიკვა ისევ დავრიშის ტანისამოსი

და კარებზე მიადგა. ნახა, ფინაჩი ქეიფობს, თავის ბავშვებს ათა-
შაშებს. დავრიშის მოსვლა ძალიან გაუხარდა. ერთი კარგი რამე
დააკრეფინა. აიღო და ორი მანეთი აჩუქა: ჩვენს ხელმწიფეს
აპოუნყდეს ცოლ-შვილი, დღეს საგუშაგოზე დამაყენა და მეტი
ვერ ვიშოვნე, თორემ მეტს მოგცემდიო.

— კი მაგრამ, მაინც სად იშოვნე ეს ფული? — ჰკითხა
დავრიშმა.

— შენ, კაცო, ხელმწიფის ჯაშუში ხომ არა ხარ, რაც კი
გითხარი, სულ ამიკრძალეს მეორე დღეს! — უთხრა ფინაჩმა.

— არა, კაცო, მეც შენებურად მინდა დროს გატარება, ჯა-
შუშობა რას მიქვია! — დარცხვენით უპასუხა დავრიშმა.

მაშინ ფინაჩმა უამბო:

— ჩვენს ხელმწიფეს თვალი აეხვა, ხორონის პირიანი ხმალი
მომცა, ის გავციდე. ხის პირი გავუკეთე. თხუთმეტი მანეთი ავიღე.
ხუთი მანეთის ღვინო ვიყიდე, ხუთის — საკმელი, ორი შენ მოგეცი
და სამი ცოლ-შვილს დაუტოვე პურის ფულად, ხვალაც მოვა-
ხერხებ რამეს, ქვეყანა დიდია!..

მეორე დღეს ხელმწიფემ დაიბარა ფინაჩი და უთხრა:

— ერთი კაცი მყავს მოსაკლავი, მთელი საზოგადოება შეიკ-
რიბება მოედანზე, შენ შენი ხმლით მას თავი უნდა წააგდებინო!

— დიდებულო ხელმწიფე, ამოდენა კაცი გავხდი, ჩემს დღე-
ში წიწილა არ დამიკლავს და კაცს თავი როგორ წავეპრა, გთხოვ,
სხვა ვინმეს უბრძანო! — უთხრა ფინაჩმა.

— არა, შენ უნდა მოსკრა თავი. თუ ჩემ ბრძანებას არ შეას-
რულებ, შენ მოგკრი თავსო!

რალას იზაშდა ფინაჩი. მოიწვიეს დიდძალი ხალხი. გამოვიდა
თვით ხელმწიფე და მისი ვეზირები. გამოიყვანეს ფინაჩიც და
მოსაკლავ კაცს გვერდში დაუყენეს. ძალიან შეწუხებული სახე
აქვს. ხელები უკანკალავს. წაიწია წინ და ხალხს გადასძახა:

— ხალხნო და ჯაშათნო, ამოდენა კაცი გავხდი და თავის
დღეში წიწილა არ დამიკლავს, ჩემი შრომით ვცხოვრობდი ამ
ქვეყანაზე, არავის არაფერს ვუშავებდი. ახლა ხელმწიფემ მიბრ-
ძანა, ამ კაცს თავი წააგდებინეო. თუ ეს კაცი ღირსია, თავიც
მოექრას და ფეხებიც, თუ ამის ღირსი არ არის, ამ ჩემ ხმაღს
პირი ხედ გადაექცესო, — თქვა ეს და იძრო ხმალი. გასინჯეს, ხის
პირია. შეიქმნა ერთი ამბავი: ალალ-მართალი კაცი ყოფილა.
ხელმწიფის ხმაღს პირი ხედ ექცაო. გაათავისუფლეს ეს კაცი და
შინ გაუშვეს.

ახლა ხელმწიფემ დაიბარა ფინაჩი და სახლში წაიყვანა. ფინაჩს ჰგონია, ნამდვილად თავს მომჭრისო. აიღო და ხუთასი თუმანი მისცა, მართლა მშრომელი კაცი ყოფილხარ და შნოც გქონიაო.

ფინაჩი ამის შემდეგ ისევ ფინაჩობდა და ყოველ საღამოს ქეიფობდა. სამუშაოცა და ფულიც მუდამ ჰქონდა.

ჰკვიანი და გიჟი ძმა

იყო ორი ძმა: ერთი ჰკვიანი, მეორე გიჟი. ჰყავდათ ერთი ძროხა. გადაწყვიტეს მისი გაყიდვა. ჰკვიანმა ძმამ ძროხის გაყიდვა გიჟს დაავალა. მანაც წაიყვანა ძროხა ბაზარზე. გზაზე ასკილა დაინახა, თავს უქნევდა. გიჟმა იფიქრა: ასკილმა უნდა იყიდოსო. მიიყვანა, მიაბა მის ძირზე და შინ წამოვიდა

— ძროხა რა უყავი, გაყიდე? — ჰკითხა ჰკვიანმა ძმამ.

— ასკილს მიგყიდე, ოღონდ ფული არ მომცაო! — უპასუხა გიჟმა.

გაბრაზდა ჰკვიანი ძმა, ორივე წავიდა ასკილთან. ნახეს, ასკილის ძირზე თოკიდა იყო, ძროხა მგელს შეეჭამა. გახელდა ჰკვიანი ძმა, მაგრამ რალას იზამდნენ. დაბრუნდნენ სახლში. საღამოს გიჟმა აიღო წერაქვი და ბარი და წავიდა ასკილთან. დაუწყო ყვირილი, რა უყავი ჩემი ძროხაო! პასუხი რომ ვერ მიიღო, დაჰკრა ბარი და სულ ძირიანად ამოაგდო. ასკილის ძირს ამოჰყვა ერთი ოქროთი სავსე ქილა. წამოიღო ქილა და წამოვიდა. დაღამდა. მთვარის სინათლეზე მისდევს თავისი ჩრდილი. მას მგელი ეგონა და ოქრო გადაუყარა. სახლში რომ მოვიდა, ძმას უთხრა:

— ასკილმა ოქრო მომცა, გზაში ვილაც გამომეღვენა და მას გადაუყარე, ცოტა კიდევ დარჩა ქილაშიო.

ჰკვიანი ძმა გაიქცა გიჟის ნაკვალევზე. მთვარის შუქზე იპოვა ეს ოქროები და ისევ აავსო ქილა. ფული მოიხმარეს. რაც დარჩათ, თახჩაში შეინახეს. ერთ დღეს ჰკვიანი ძმა შინ არ იყო, მათხოვარი მოვიდა და პური ითხოვა. გიჟმა პური ვერ იპოვა და ქილა გაუტანა. მათხოვარმა დალოცა: დედაც გიცოცხლოს, მამაც, ძმებიც და დებიცაო!

საღამოთი ჰკვიანი ძმა დაბრუნდა და ქილა მოიკითხა.

— მათხოვარი მოვიდა, ძალიან დაგვლოცა და იმას მივეცი, — უთხრა გიჟმა.

ჰკვიანმა თქვა: ახლა კი დავიღუპეთ, უნდა წავიდეთ და ვინმეს მოჯამაგირედ დაუდგეთო. წავიდნენ და ერთ მდიდარ მონადირეს დაუდგნენ მოჯამაგირედ. მონადირემ სანადიროდ ჟერ ჰკვიანი ძმა წაიყვანა. რაც ინადირეს, ამას აჰკიდეს და საღამოთი მოიტანეს ნანადირევი.

მეორე დღეს მონადირემ გიჟი ძმა წაიყვანა. აჰკიდა სანადირო იარაღები. როცა დაიღალა, თავისი წამოსასხამიც ჩააბარა. ნადირი ბლომად დახოცა, ისიც გიჟს აჰკიდა. მონადირემ კურდღელი დაიჭირა და ისიც გიჟს მისცა ხელში, არ გაგეჰქცესო. ბოლოს, მონადირემ ასე დატვირთული გიჟი ძმა შინ გამოისტუმრა. თან მწვეარიც გაჰოაყოლა. თვითონ კი ნადირობა განაგრძო. ძალიან დაიღალა გიჟი ძმა. აიღო მონადირის წამოსასხამი და მწვევარს ჩააცვა, ფეხები საქლავეებში გააყოფინა: მე დავიღალე, შენ ატარეო. ცოტა გზა გამოიარა და გაუშვა კურდღელი: წადი და შინ დაშხვდი, სხვაგან ფეხი არ გადაადგაო, — დაუბარა. კურდღელი ტყისკენ გაიქცა. გამოუდგა მწვეარი და მონადირის წამოსასხამი სულ ნაფლეთებად აქცია. როგორც იყო, მოაღწია შინ გიჟმა ძმამ. შეეგება ჰკვიანი. ჰკითხა:

- კურდღელი რა უყავი?
- სახლში გამოვგზავნე, განა არ მოსულა?
- მონადირის წამოსასხამი სადღაა?
- მწვეარს ჩაეცვი, განა არ მოუტანია?

ჰკვიანი ძმა მიხვდა, საქმე ცუდად წავიდა და იქიდან გაქცევა გადაწყვიტა. გიჟმა უთხრა:

— განა ისე წავიდეთ, არა წავილთ რა?!

აიკიდა ალაყაფის კარები და თან წაიღო. სანამ მონადირე შინ დაბრუნდებოდა. ამით კარგი მანძილი გაიარეს. შორეულ სოფელში ერთ მეცხვარეს დაუდგნენ მოჯამაგირედ. წელიწადში ათ-ათ ცხვრად.

პირველად ჰკვიანმა ძმამ წაასხა ცხვარი. ამოვა და საღამოთი შორეკა. მეორე დღეს გიჟმა ძმამ წაასხა ცხვარი. ერთ მიტოვებულ კალოზე არეკა, არც იქით უშვებდა, არც აქეთ, იქ კი ბალახი არ იყო. ცხვრებმა ამოცოხნა დაიწყეს. გიჟს ეგონა, კევს ლეჰავენო და უთხრა ცხვრებს, მეც მალეჭინეთ კევოო. მაგრამ ცხვრებმა ყურით არ გააქანეს. შემდეგ გიჟმა ცხვრები ერთ მინდორზე გარეკა. აქ დიდი პანტა იდგა, ავიდა ზედ. დაარხია და ცხვრებს დაუძახა.

მეც შემინახეთ ჩემი წილიო. ცხვრებს აბა რა ესმოდათ, მოედგნენ და სულ შეჭამეს. ხუთ თხას წვეტიანი რქები ჰქონდათ და ჩამოცვენილი პანტა ზედ შერჩენოდათ.

გიუი ძირს რომ ჩამოვიდა, გაბრაზდა, პანტა რად არ შემინახეთო, მოუსვა ხელი და იმ ხუთი თხის მეტი სულ დახოცა. ამ თხებმაც დაიწყეს კიკინი. ვიჟმა იფიქრა, მეცხვარესთან მიჩივლებენო, და ისინიც ზედ მიაყოლა. საღამოს დაბრუნდა ცარიელი. ჰკვიანი ძმა გამოეგება და ჰკითხა:

— ცხვრები რა უყავი?

— დავხოცე!

— როგორ თუ დახოცე, მეცხვარე ხომ პასუხს მოგვთხოვს!

— კევი ვთხოვე, არ მალეჭინეს, პანტა არ შემინახეს, დასახოცი იყვნენ, აბა რა! — უთხრა ვიჟმა.

ჰკვიანი ძმა შეშინდა, მაგრამ ხერხი იხმარა. წაიყვანა ეს გიუი და დახოცილი ცხვრები ფარეხში შეზიდეს. ჰკვიანი თუ ერთს იკიდებდა, გიუი ექვსს იკიდებდა. მიაწყვეს ერთმანეთზე. შებინდებისას მეცხვარემ გადახედა ფარეხს და მოჯამაგირეებს მადლობა უთხრა: ცხვარი კარგად გიძოვებიათ, სიმამძღრისაგან დაყრილანო. პურის ჰამაზე რომ დასხდნენ, მეცხვარემ ჰკვიან ძმას ორი ჰიქა ღვინო მიაწოდა, გიუს — ერთი. გიუი გაბრაზდა:

— შენ ერთს იკიდებდი, მე კი — ექვსს; შენ ორი ჰიქა ღვინოს გასმევე, მე — ერთს, ეს საშართალია!

ჰკვიანმა ძმამ შეუტია. მეცხვარემ იკითხა:

— რაო, რას იკიდებდი ექვსსა და შენ ერთს?

— ფიხს ვზიდავდით, მე ერთს ვიკიდებდი, ის — ექვსს და იმას ამბობსო, — იცრუა ჰკვიანმა.

პურის ჰამას რომ მორჩნენ, დაწვნენ და დაიძინეს. შუა ღამით ჰკვიანმა გააღვიძა გიუი და უთხრა:

— აღექი, აქედან გავიქცეთ, თორემ მეცხვარემ თუ ჩვენი ამბავი გაიგო, დაგვხოცავს!..

გიუმა თქვა:

— არა უნდა წავიღოთ რაო? — დაავლო ხელი დიდ საარაყე ქვაბსა და ალაყაფის კარებს და წავიდნენ.

ბევრი იარეს, თუ ცოტა იარეს, ერთი ჰადრის ძირში მივიდნენ. დაინახეს, ყაჩაღები მიდიოდნენ სოფლის ასაკლებად, ასე ოცდაათი კაცი იქნებოდა. ძმები ავიდნენ ჰადრის ხეზე დასამალავად. გიუმა ზედ აიტანა საარაყე ქვაბიც და ალაყაფის კარებიც. ყაჩაღებმა ჰადრის ჩრდილში დაისვენეს. გიუმა ველარ დაიმაგრა

საარაყე ქვაბი და ძირს ჩაუვარდა. ყაჩაღებს ეგონათ, ზეცი-
დან ჩამოვარდაო, ცეცხლი გააჩაღეს და ფაფის გაკეთებას შე-
უდგნენ. ამოდენა ქვაბი ფაფა მოხარშეს და ლოცვა დაიწყეს.
გიყს გაუსხლტა ხელიდან ალაყაფის კარები, ჩამოუვარდა და ოცდა-
ათიდან ოცდაცხრა კაცი დაიტანა. ახლა კი ძმები ჩამოვიდნენ
ძირს. ჭკვიანი დაეჭიდა ცოცხლად გადარჩენილს. გიყი კი მიადგა
ამ ფაფას და სულ შეჭამა.

ყაჩაღებს ნაძარცვი ოქრო-ვერცხლი მოჰქონდათ. ჭკვიანი
ადგა და მას დაუწყოთ თაფმოყრა. გიყმა კი დახოცილებს ფარაჯები
გახადა, მათგან კარავი გააკეთა, შევიდა შიგ, დაწვა და არხეინად
დაიძინა. ჭკვიანი ძმა ოქრო-ვერცხლს ყარაულობდა. ღამით საშინ-
ლად აცივდა, ჭკვიანი სულ გაყინა, დილით სიცოცხლის ნიშან-
წყალი აღარ ეტყობოდა. ამ დროს მზე ამოვიდა და ცოტა დათბა.
გაყინული კაცი გალხვა, შეიშმუშნ-შემოიშმუშნა და წამოდგა.

აიკიდეს ძმებმა ეს სიმდიდრე და შინ წაიღეს. ამის შემდეგ
ჭკვიანი ძმა გიყ ძმას მარტოდ არსად უშვებდა და სულ ერთად
ცხოვრობდნენ ბედნიერად.

გლეხის ცოლი

იყო ერთი ღარიბი გლეხი. ჰყავდა ლამაზი ცოლი. მისი სილა-
მაზე ყველას ხიბლავდა. მაგრამ ქალი თავისი ქმრის ერთგული
იყო, არ ღალატობდა. მთელ დღეებს შრომასა და ფუსფუსში
ატარებდა. ერთ დღეს გამოუარა ამ კაცს ვაჭარმა და უთხრა:
სავაჭროდ მივიღივარ, წამომყევ, კარჯად იმუშავებ, კარგად დაგა-
საჩუქრებო.

გლეხმა იფიქრა: ღარიბი კაცი ვარ, იქნებ ცოტა რამე ვიშოვოო
და წაჰყვა. დაემშვიდობა თავის საყვარელ მეუღლეს და ჩქარა
დაბრუნება აღუთქვა.

შორი გზა აქვთ გასავლელი. ერთ სოფელში დაუღამდათ.
ჩამოხტნენ დასასვენებლად. ზოგმა რა თქვა, ზოგმა რა. ზოგი დე-
დას აქებს, ზოგი — ცოლს, ზოგი — ცოლისდას. ლაპარაკში ეს კაციც
ჩაერია: მე ისეთი ცოლი მყავს, ბრილიანტები რომ დაუწყო, ჩემს
მეტს ხმას არ გასცემსო, — თქვა. ვაჭრებმა სიცილი დაიწყეს. ამ

კაცს ეწყინა: თუ მაგრეა, სანაძლეო დავდოთო. ერთმა ვაჭარმა თქვა: დავნაძლევედეთ, მე უკან დავბრუნდები და ყველა ნიშანს მოგიტან, რომ შენს ცოლთან ვიყავი, თუ ასეთი ნიშანი მოგიტანო, სამი წელიწადი უფასოდ მემსახურე, თუ ვერ მოგიტანო. ჩემი ქონება შენ დაგრჩესო.

დანაძლევედნენ. ვაჭარმა მოაბრუნა ცხენი და უკან გაბრუნდა. მივიდა ამ ქალთან, მაგრამ ახლოსაც ვერ მიეკარა. სახითაც არ ეჩვენა. ბევრი უტრიალა ვაჭარმა, ფულებიც გაუგზავნა, საქონელიც, მაგრამ ამაოდ. ბოლოს მივიდა ერთ დედაბერთან და შველა სთხოვა. დედაბერმა ჩასვა თავის ზანდუქში, გაუკეთა სათვალეები, შეკრა, მიუტანა იმ ქალს და უთხრა: თუ არ დაიზარებ, ეს ზანდუქი შენს ოთახში შემინახე, სხვაგან მივლივარ და შეშინია, არ მომპარონო.

ქალმა, რა თქმა უნდა, დაიტოვა. დაღამდა. ვაჭარი უტკეერის ამ ქალს ზანდუქიდან. ქალმა ტანთ გაიხადა, ტანისამოსი ამ ზანდუქზე დააღაგა, დაწვა და დაიძინა. ვაჭარმა დაინახა, რომ ქალს მარჯვენა ძუძუზე ხალი აქვს. ერთი პერანგიც შეითრია ზანდუქში. ამ პერანგზე კი ქმრის ნაჩუქარი ძვირფასი ქინძისთავიც ებნია. მეორე დღეს დედაბერმა შინ წაიღო თავისი ზანდუქი. ქალმა პერანგი ერთხანს კი ეძება, მაგრამ რომ ვერ იპოვა, თავი დაანება, ალბათ, არ მეცვაო.

მეორე დღეს ვაჭარი დაეწია თავის ამხანაგებს. გლახს მიუტანა მისი ცოლის პერანგი და თანაც უთხრა: წუხელ მასთან ვიყავი, მარჯვენა ძუძუზე ხალი აქვსო.

კაცს ენა ჩაუვარდა. რა უნდა ეთქვა. წააგო სანაძლეო. ცოლი მოღალატე აღმოაჩნდა. შეუთვალა, მოღალატე ყოფილხარ და სახლში აღარ დამხვდეთო.

წავიდა ქალი სახლიდან. ბევრი იარა, თუ ცოტა იარა, მივიდა ერთი ზღვის პირზე. სთხოვა მეთევზეებს: რამდენი გინდათ, მთხოვეთ, ოღონდ თქვენი ტანისამოსი მომეცითო.

გაიხადა ერთმა მეთევზემ თავისი ტანისამოსი და მისცა, მაგაში რა უნდა გამოგართვათ, საჩუქრადო. ქალმა ჩაიცვა ვაყურად და წავიდა. მივიდა ერთი გემის უფროსთან და სთხოვა: მეზღვაურად მიმიღეთო. მიიღეს მეზღვაურად. თავისი ყოჩაღობით ეს ქალი სულ მალე გემის უფროსიც გახდა. შორს გაუვარდა სახელი. ყველა მას აქებდა.

ერთ დღეს ეს ქალი დადის ბაზარში. დაინახა, რომ ვიღაც ვაჭარი ყიდის აბრეშუმის პერანგს, რომელზედაც მისი ძვირფასი

ქინძისთავი აბნევიდა. იცნო თავისი პერანგი და ქინძისთავი.

— ვინ მოგცა ეს პერანგი და ქინძისთავი? — ჰკითხა მრისხანედ. ვაჭარი დაიბნა. ხმას ვერ იღებდა. — ახლავე მითხარი, სად იშოვნე, ან ვინ მოგცა, თორემ აქვე მოგკლავო! — კვლავ დაუყვირა ქალმა.

ვაჭარმა ძლივს აპოიდგა ენა და დაიწყო ლულულუდი: ასე და ასე იყო, ერთ გლუხკაცს პატროსანი ცოლი ჰყავდა, სანადლეო. დავდევი მის ქმართან, ქალმა ახლოს არ მიმიკარა, შემდეგ ერთმა დედაბებრმა თავის ზანდუქში ჩამსვა და იმ ქალის ოთახში დამტოვა, დავინახე ქალის ნიშანი და ეს პერანგიც იქ მოვიპარეო.

ქალს უნდოდა იქვე მოეკლა ვაჭარი, მაგრამ თავი შეიკავა.

— შერე და ის კაცი სად არის, ან ის დედაბერი სადღაა? — კიდევ უფრო მრისხანედ ჰკითხა ქალმა.

— კაცი მოჯამაგირედ მყავს, დედაბერი კი თავის ბინაზე იქნებაო! — უთხრა ვაჭარმა.

ქალი მივიდა მოსამართლესთან, დააბარებინა ეს ვაჭარი, დედაბერი და მისი ქმარი. საწყალი კაცი ამ ორ წელიწადში მოტეხილიყო, დადარდინებულიყო, ჯავრს წაეღო. მოსამართლემ ყველაფერი გამოიძია. ბოლოს, ვაჭარს ჰკითხა:

— რად დასწამე ცილი პატროსან ქალს, რად მიუტანე ბოროტი ენა მის ქმარსო?

ვაჭარი ხმას ვეღარ იღებდა. ახლა ქალმა ჰკითხა თავის ქმარს:

— შენი ცოლი რომ ცოცხალი ნახო, როგორ მოიქცეოდიო?

— მთელ სიცოცხლეს მას შევწირავდი. ის უდანაშაულო ყოფილა. დამნაშავე მე ვარ, რომ მოღალატედ მივიჩნიეო! — თქვა კაცმა და ცრემლები წასკდა.

ამ დროს გემის უფროსმა გადაიძრო ქუდი და გადაეხვია თავის ქმარს. ყველა გაკვირდა. ერთგული ცოლი და მისი ქმარი ცრემლმორეული წავიდნენ შინ.

ს ტ უ მ ა რ ი

ერთი ზარმაცი კაცი ადგა და გზას გაუდგა: შინ მაინც არ მაყენებენ, მასპინძელი ვინმე გამიჩნდება, სტუმარს ხომ გარეთ არ გამომაგდებსო. ბევრი იარა, თუ ცოტა იარა, ერთი სოფლის ბოლოს დაუღამადა. ძალიან შიოდა. ქერის თავთავის მეტი არა ებადა რა.

ერთ სახლს მიაღდა. პატივით მიიღეს და კარგადაც გაუმასპინძლდნენ. დაწოლის წინ სტუმარმა ქერის თავთავი დიასახლისის მიაბარა და უთხრა: ეს თავთავი იქ შემინახეთ. სადაც მამალი ჯდებაო.

დილით სტუმარს საუზმე მოართვეს: წასვლის წინ მან თავისი თავთავი მოითხოვა. ვერსად იპოვეს: მამალს გაეკენკა. შეწუხდნენ მასპინძლები. სტუმარი ახტა და დახტა: ან ჩემი ქერის თავთავი შომეცით, ან ეგ მამალი, თორემ აქაურობას ავიკლებო!

მასპინძლებს შეეშინდათ. გამოუყვანეს მამალი და გამოატანეს. ზარმაცს მოჰყავს მამალი და შოიძღერის. ერთი სოფლის ბოლოს კვლავ დაუღამდა.

— ოჯახის შვილებო, ოჯახის შვილებო, სტუმარი არ გინდათ?!— გადასძახა ერთ კაცს.

— მობრძანდი, შენი ჰირიმე, მობრძანდი, სტუმარი ღვთისაა, თუ გვიკადრებ, ჩვენთან დაისვენეთ!

ზარმაცი არხეინად შებრძანდა ეზოში. თავისი მამალი დიასახლისის მიაბარა და სთხოვა: ეს მამალი იქ შეაგდეთ, სადაც უშობელი გიბიათო. დიასახლისმა მამალი ჩაშოართვა, გომურში შეიყვანა და უშობელთან დააბა.

სტუმარს კარგად გაუმასპინძლდნენ. მთელი ღამე უმღერეს. კარგი ღვინო დაალევინეს, თბილად დააძინეს. დილით კიდევ უფრო ტკბილად მოიკითხეს. საუზმის შემდეგ სტუმარმა თავისი მამალი მოითხოვა. დიასახლისი გომურში შევარდა, მაგრამ რას ხედავს: მამალი უშობელს ფეხით გაეთელა. ძალიან შეწუხდა. სტუმარს პატიება სთხოვა.

ზარმაცი ცეცხლივით აენტო. მორთო ღრიალი: ან ჩემი მამალი დაჰიბრუნეთ, ან ეგ უშობელი მოშეცით, თორემ აქაურობას ავიკლებო!

მასპინძლებს რაღა უნდა ექნათ, გამოუყვანეს უშობელი და ზარმაცი გაისტუმრეს. მოჰყავს უშობელი ზარმაცს და შოიძღერის. ერთი სოფლის ბოლოს ისევ დაუღამდა. სადღაც შუქი დაინახა. ახლოს მივიდა სახლთან და ბანიდან გადასძახა:

— ოჯახის შვილებო, ოჯახის შვილებო, სტუმარი არ გინდათ?!

— მობრძანდი, შენი ჰირიმე, მობრძანდი, სტუმარი ღვთისაა! — გამოსძახეს მასპინძლებმა.

სტუმარი პატივისცემით მიიღეს. უმცროსმა ქალიშვილმა ზარმაცს უშობელი ჩამოართვა, ხეზე მიაბა და თივა დაუყარა. სტუმარი სახლში შეიყვანეს, კარგი ვახშამი აჭამეს და რბილ ლოგინში ჩააწ-

ვინეს. ზარმაცს უმცროს ქალზე თვალი დარჩა, ძალიან მოეწონა. ღამით ჩუმად ადგა, თავის უშობელს ყელი გამოლადრა, სისხლიანი დანა მძინარე ქალს ჭიბეში ჩაუდო, დაწვა და არხენინად დაიძინა.

დილით რომ გაიღვიძეს, საშინელი სურათი გადაეშალათ თვალწინ: უშობელი ყელგამოლადრული ეგდო.

სტუმარმა ხელი წაიშინა თავში, ეს იყო ჩემი ცხოვრება, სიმდიდრე და სიხარული, რაღა მეშველება, ვინღა მანუგეშებსო...

მასპინძელი ბევრს უძია, მაგრამ ვერ გაიგო, ვინ დაკლა უშობელი. ბოლოს, სტუმარმა თქვა: ვისაც ჭიბეში სისხლიანი დანა აღმოაჩნდება, უშობელი მისი დაკლული იქნებაო.

ყველას გაუსინჯეს ჭიბეები და უმცროს დას აღმოაჩნდა სისხლიანი დანა. მამა საშინლად გაბრაზდა. დედა თმებში სწვდა ქალიშვილს, სტუმარი კი ყვიროდა: ან მომეცი თ ჩემი უშობელი, ან ეგ ქალი, თორემ აქაურობას ავიკლებო!

მასპინძელს შეეშინდა, მართლა არ აგვიკლოსო და მისცა ზარმაცს თავისი ქალიშვილი, კარგადაც დაასაჩუქრა და დიდი ამბით გაისტუმრა.

ზარმაცმა ქალი შინ მიიყვანა, ყველას უკვირდა, ვინ მისცა ამას ეს მზეთუნახავიო. ქალმა ურჩია: ვიშრომით და ბედნიერად ვიცხოვრებთო!

ამის შემდეგ ზარმაცი ბეჯითად შრომობდა და ცოლს მუდამ კარგად ეპყრობოდა. ცხრა შვილი გამოზარდეს, ცხრავე ნამდვილი ვაჟაკიო...

სამი სიტყვა

იყო და არა იყო რა, იყო ერთი ღარიბი ცოლ-ქმარი. გაქირვებით ცხოვრობდნენ. ქონმახი თავზე ექცეოდათ, სარჩოს ვერ იწევდნენ. კაცმა იფიქრა: ასეთ სიცოცხლეს სიკვდილი სჯობსო, წაიღო სამი ღლის საგზალი და წავიდა სხვა სოფელში. ერთი მდინარის ნაპირზე მეთევზე დაინახა და ჰკითხა:

— კეთილო კაცო, მოჯამაგირედ დამაყენე, ერთგულად გემსახურები!

— დაგაყენებ, — უპასუხა მეთევზემ, — და წლის თავზე გასამრჯელოდ ისეთ ძროხას მოგცემ, დღეში ხუთჯერ იწველიდეს და ორ კვირაში ორ ხბოს იგებდეს.

კაცი ღაეთანხმა, დადგა მოჯამაგირედ. ერთგულად ჰუშაობს. ხან ბადის გადაგდებაში ეხმარება, ხან საქონელს უმწყემსავს, ხან ვენახს უბარავს, ბაღს ურწყავს. ერთი წელიწადი რომ შესრულდა, მეთევზემ გამოიყვანა ძროხა და უთხრა: აი, ძმობილო, წაიყვანე ეს ძროხა. სამი წლის, სამი თვისა და სამი დღის შემდეგ გამოგივლი, სამ სიტყვას გეტყვი, თუ მიპასუხებ, კარგი, თუ ვერა, ნამატს უკანვე წაიყვანო.

გამოეშვიდობა კაცი, წაიყვანა ძროხა და წაპოვიდა შინ. ცოლი გახარებული შეხვდა. ძროხა მართლაც დღეში ხუთჯერ იწველიდა. ყოველ ორ კვირაში ორ ხბოს იგებდა. წლის ბოლოს მთელი ჯოგი ჰყავდა. ცხოვრობდა ბედნიერად და სიხარულით, მაგრამ გულში მაინც ეშინოდა, ნეტავ რა სიტყვას შეტყვის ის მეთევზეო.

გავიდა სამი წელიწადი და სამი თვე. მეთევზის მოსვლამდის სამი დღედა დარჩა. იმ ღამით ცოლ-ქმარს ერთი მეზობელი ესტუმრა. მოწყენილობა შეამჩნია მასპინძლებს. მანაც მოიწყინა, მაგრამ შინ წასვლას არ ჩქარობდა. ბოლოს მაინც იკითხა: რას ჩამოგიშვიათ ცხვირ-პირი, შეძლება არ გაკლიათ და საქმელ-სასმელი, რას დარღობთო.

კაცმა თავისი ამბავი უამბო: ხვალ მეთევზე გამოივლის. სამ სიტყვას შეტყვის, თუ ვერ ვუპასუხებ, ძროხის ნამატს სულ წაიყვანს და ამას ვდარღობო.

— ფქრი ნუ გაქვთ, მეც თქვენთან ვიქნები, ოღონდ კარები არ გაუღოთ. არც ფარენში შეახედოთ, პასუხს მე გავცემო.

მეორე დღეს ჯერ კიდევ არ იყო კარგად გათენებული. ცოლ-ქმარს კარებზე მოუკაკუნეს. კაცმა გამოსძახა:

— ვინა ხარ, გათენებამდის რომ მალვიძებ?

— მე ვარ, მეთევზე, სამი სიტყვა უნდა გითხრა, კარი გააღე! — მიუგო სტუმარმა.

— რა სიტყვა უნდა მითხრა. მანდედან თქვი, რაღა შინ შემოხვიდე! — გამოსძახა ახლა მეზობელმა.

— გუშინ რომ ჩიტი გამოგიგზავნე, რა უყავი?

— ის ჩიტი კი არა; ბუზი იყო და მამალმა ჩაყლაპა.

— პატარა მამალი ყოფილა.

— პატარა კი არა, აქ რომ დაიყვილებდა, ცხრა მთას იქით დედაბერს აბერწყებდა.

— ის ბერწი დედაბერი იქნებოდა.

— ბერწი კი არა, ცხრა წელიწადში ცხრა შვილი შობა. ყველა დევგმირი გაიზარდა და ჩემს ჯოგს მცველებად აღვანან.

მეთევზეს გული გაუსკდა: თუ ცხრა დევგმირი გამომიდგა, შავ დღეს დამაყენებსო და უპასუხა:

— ღირსი ყოფილხარ მაგ ქონებისა, შეგარგოს!

ახლა კი ცოლ-ქმარმა გაუღეს კარები, შინ შეიპატოიეს მეთევზე: კარგა აქეიფეს და ისე გაისტუმრეს. ამის შემდეგ ერთმანეთში მისვლა-მოსვლა არ შეუწყვეტიათ.

ხელმწიფე და მოჯამაგირე

ერთი ღარიბი გლეხის შვილი მოჯამაგირედ დაუდგა ავ ხელმწიფეს. პატროსნად ემსახურებოდა, მაგრამ ხელმწიფე მაინც უკმაყოფილო იყო. განაზრახა მოჯამაგირის თავიდან მოშორება. ერთ დღეს დაიბარა და უთხრა: სამ დავალებას მოგცემ და თუ სამ დღეში არ შემისრულებ, თავს წაგაცლიო.

მოჯამაგირე შეშინდა, მაგრამ გული გაიმაგრა და — ბრძანეო, — უთხრა. ხელმწიფემ თქვა: გავიგე, რა მანძილია მთვარესა და მზეს შორის, მითხარი ყველაზე დიდი ტყუილი და ამიხსენი, მე რას ვფიქრობ და რაზე ვდარდობო.

მოჯამაგირე წამოვიდა გამწარებულ-დამძარბული. ვინ ასწავლიდა აძლენ რაჲს. წავიდა და თავისი გაჭირვება ერთ მოხუც კაცს შესჩივლა.

— შენ ნუ დარდობ, მაგას მე მოვეუცი, შენ წალი და დაიძინე, — უთხრა მან მოჯამაგირეს.

მესამე დღეს მოხუცმა ჩაიცვა მოჯამაგირის ტანისამოსი, თმები შავად შეიღება, წვერ-ულვაში მოიპარსა, ზურგზე დიდი კოლორი მოიგდო და ხელმწიფეს ეახლა. ხელმწიფე გამოვიდა და მოჯამაგირეს ჰკითხა:

— შეასრულე, რაც დავალებე?

— ყველა უკლებლად შევასრულე!

— აბა, მითხარი, რა მანძილია მთვარესა და მზეს შორის?

— შვიდი ათას ექვსას სამოცდაორი ნაბიჯია, წუხელაც შევამოწმე. ნამდვილად ასეა!

— მერე და ამაას რითი დააპტიციებ?

— თვითონვე გამოვთვალე, თუ არ გჯერათ, შეამოწმეთ!

ხელმწიფე მიხვდა, რომ მოჯამაგირემ აჯობა, მაგრამ თითქოს არაფრად ჩააგდო და ისევ ჰკითხა:

— აბა, მითხარი ყველაზე დიდი ტყუილი?

— მამათქვენს მამიჩემისა ეა გოდორი ოქრო მართებია. ახლავე დამიბრუნე, თორემ მთელ ხალხს ვეტყვიო.

— რას მიედ-მოედები! — გაანჩხლდა ხელმწიფე.

— ტყუილის თქმა მინდოდა! — სიცილით მიუგო მოჯამაგირემ. ხელმწიფე დარწმუნდა, რომ ვახეში გაება, მაგრამ მაინც ჰკითხა:

— აბა, მითხარი, მე რას ვფიქრობ და რაზე ვდარდობ?

— თქვენ ახლა ფიქრობთ. რომ თქვენს წინ მოჯამაგირე დგას, მაგრამ სასტიკად ცდებით, თქვენ ახლა იმას დარდობთ, როგორ გაჯობათ მოჯამაგირემ, მაგრამ რას იზამთ! — უპასუხა მოხუცმა.

ეს თქვა თუ არა, მეორე კარებში მოჯამაგირე გამოჩნდა, ხელმწიფეს მდებლად თავი დაუტკრა და მოახსენა: თქვენი დავალება ხომ უნაკლოდ შევასრულე, პირობას ხომ არ გადავსულვარო.

შერცხვენილი ხელმწიფე დიდხანს იდგა გაშეშებული. მოჯამაგირე და მოხუცი გულიანად ხარხარებდნენ.

ივანიკა და სიმონიკა

ცხოვრობდა ორი ძმა. უფროსს ერქვა ივანიკა, უმცროსს — სიმონიკა. ივანიკა ჰკვიანი იყო, სიმონიკა — სულელი, მაგრამ ტკბილად ცხოვრობდნენ, არც არავის აწუხებდნენ და არც არავინ აწუხებდათ. ცოლებიც კარგები შეხვდათ, ივანიკას ცოლს ერქვა თეკლე, სიმონიკას ცოლს — თინა.

ერთ დღეს თეკლემ უთხრა ივანიკას: მომბეზრდა ამ შენი სულელი ძმის ცქერა. გავეყაროთ, ცალკე მინდა ცხოვრება!

— რა დაგიშავა ჩემმა ძმამ, თავისი სისულულეც ეყოფა, ნუ გავეყრებით, — შეეპასუხა ქმარი.

თეკლემ ღრიანცელი ასტეხა: თუ დღესვე არ გაეყრები შენს სულელ ძმას, თვალებს დავთხრიო.

ივანიკას შეეშინდა. საღამოზე სიმონიკა სამუშაოდან რომ დაბრუნდა, უთხრა: უნდა გავიყაროთ, სულელი ძმის რჩენა მეტი აღარ შემიძლია, შენცა და შენი ცოლიც ზარმაცები და მცონარები ხართ. მუქთად ჰამთ, საქმეს არ აკეთებთო.

— შენ იცი, — უთხრა სიმონიკამ, — ჰკვიანი შენა ხარ და, თუ გაყრა სჯობს, გავიყაროთო.

მეორე დღეს ივანიკამ და თეკლემ მოილაპარაკეს, სიმონიკასა და თინას მხოლოდ ერთი თხა არგუნეს და სახლადან გაისტუმრეს.

სიმონიკა დაყაბულდა: შენ ჭკვიანი ხარ, უკეთ იცი, რა მეკუთვინს
და რა არა, მშვიდობით იყავითო. — ამ სატყუებით გამოემშვიდობა
სიმონიკა ძმასა და რძალს.

სიმონიკამ და თინამ აიკიდეს სამი დღის სავზალი, წამოიყვანეს
თავიანთი თხა და წავიდნენ ბედის საძებრად. ერთი სოფლის ბო-
ლოზე დანგრეული ქოხი ნახეს და იმ ღამეს იქ გაჩერდნენ. დილით
სიმონიკამ ცოლს უთხრა: ამ თხას გავყიდი, ცოტა სანოვაგეს მოვი-
ტან. თორემ ხვალ შიშნით დავიხოცებითო.

ცოლიც დაეთანხმა. წაიყვანა თხა ბაზარში. ბევრი იარა, თუ
ცოტა იარა, დაულამდა. დაინახა დიდი კლდე. მიიყვანა თხა, იქ ერთ
ქვაზე შიაბა და დაუბარა: ამ თხას გიტოვებ, იცოდე, ბაზარში მიმ-
ყავს გასაყიდად, სხვა არაფერი გამაჩნია, კარგად მოუარე, ხვალ
ვამოვივლი და წავიყვანო.

იმ ღამეს სიმონიკა შინ დაბრუნდა. ცოლს ყველაფერი უამბო
და კარგადაც გამოიძინა. მეორე დღეს ისევ ისე შიადგა კლდეს.
დაინახა, მის თხას დახვევიან ტურები და გააქვთ და გამოაქვთ. სიმონ-
იკამ იფიქრა: კლდეს სტუმრები მოუპატიჟია, ჩემი თხა უყიდა
და უმასპინძლდებაო. მიჯდა იქვე ჩირგვებში და მიიძინა.

მზე კარგად გადახრილი იყო დასაღვლეთისაკენ, როცა გამოედ-
ვიდა. კლდესთან თხას რქები და თოკი დარჩენილიყო, სხვა სულ
შეექვამათ ტურებს. სიმონიკა მივიდა კლდესთან და ტკბილად უთხ-
რა: რას ვეპართლები, მომეცი ჩემი თხის ფასი, მთელი ღლეა გელო-
დები, სტუმრებთან არ შეგარცხვინეო.

ერთჯერ თუ ორჯერ გაუმეორა კლდეს ეს თხოვნა, მაგრამ
კლდემ ხმა არ გასცა. სიმონიკამ ახლა ყვირილი დაიწყო: შე ავა-
ზაკო, ფული მომეცი, თორემ ამ ქვებით სულ მტვრად გაქცევო.
მაგრამ კლდემ არც ახლა ამოიღო ხმა. გამწარებული სიმონიკა
დაწვდა დიდ ლოდს და მთელი ძალით სთხლიშა კლდეს. კლდე
ჩამოინგრა და ოქრო-ვერცხლით სავსე ქილა გადმოვარდა. სიმონ-
იკამ დაავლო ხელი ამ ქილას და სახლისაკენ გამოიქცა. იყიდა
კარგი სახლი, შეიძინა სახნავ-სათესი მამულები და ცხოვრობდა
ბედნიერად.

ხანი გამოხდა. თეკლემ გაიგო, სიმონიკა კამდიდრებულაო და
ივანიკას უთხრა: შენი სულელი ძმა კამდიდრებულა, წადი, გაიგე,
როგორ შეიძინა ქონება, იქნებ ჩვენც გავმდიდრდეთო.

ერთ მშვენიერ დღეს ივანიკა ესტუმრა ძმას. სიმონიკამ ჭკვიანი
ძმა კარგად მიიღო. თინა თითის წვერებზე დგებოდა, რას არ
აცხობდა, რა კერძებს არ აკეთებდა საყვარელი მაზლისათვის. ორი

დღე აქეფეს ივანიკა და თეკლესათვისაც საჩუქრები გამოატანეს. წამოსვლისას ივანიკამ ჰკითხა სიმონიკას:

— შენ ხომ სულელი ხარ, ამოდენა ქონება როგორ შეიძინე?

— თბა გავყიდე და აღებული ფულით ყველაფერი ვიყიდე, ოქრო-ვერცხლი ჭერაც არ გამომლევია! — უპასუხა სიმონიკამ.

— ვის მიჰყიდე ასე ძვირად?

— ერთ კლდეს. მას ჭერ არ უნდოდა ფულის გადახდა, მაგრამ როდესაც ლოდი ვუთავაზე, იკადრა ოქრო-ვერცხლით სავსე ქილის ზოცემა! — რიხით უთხრა სიმონიკამ.

ივანიკამ ძმის გამდიდრების აშბავი დაწვრილებით უამბო თეკლეს. მან არც აცია და არც აცხელა, უბრძანა ქმარს:

— სულელ სიმონიკას ქეციან თხაში აუღია ამოდენი ოქრო-ვერცხლი, შენ წადი და მეწველი ძროხა მიჰყიდე იმ კლდეს. ახლავე გაიქეცი, უკან არ მოიხედო!

ივანიკა ფეხს ითრევდა. ენანებოდა მისი ხელით გამოზრდილი ძროხა, მაგრამ თეკლეს ხომ სიტყვას ვერ შეუბრუნებდა! გაიგდო წინ ძროხა და წავიდა. მივიდა იმ დიდ კლდესთან. მიაბა ქვაზე ძროხა და დაუბარა: ფულისათვის ხვალ გამოვივლიო.

მეორე დღეს დილით ადრე გაუარა. ნახა, ძვლებიც ადარ იყო, ლამით მგლებს ძროხა სულ შეეჭამათ. მოსთხოვა კლდეს ფული. ბევრი ეჩიჩინა, მაგრამ რა მიგიცია, რომ მოგცეს, კლდე ხმას არ იღებდა. ქვაც ესროლა, ლოდებიც მიაყარა, კლდე კი იდგა გაშეშებული. ივანიკამ იფიქრა, სულელმა ძმამ მომატყუაო, მიუვარდა ღამით სახლში და მის სახლ-კარს ცეცხლი წაუკიდა. გამოაგულდა შიგ საწყალი თინა. სიმონიკამ კი ძლივს მოასწრო გარეთ გამოსვლა-აიკიდა ზურგზე თავისი დაფუფქული ცოლი და წაიღო დასასაფლავებლად. ერთ მინდორში დიდი ხე იდგა და იქ გაჩერდა. მკვდარი ცოლი ხეზე მიაყუდა, თვითონ წაპოწვა და დაიძინა.

სად იყო, სად არა, ამ ხესთან დასასვენებლად გაჩერდა შორი მგზავრობიდან მომავალი სოვდაგარი. მთელი ქარავანი საქონელი მოჰყავდა გასაყიდად. ცხენებს ხეზე მიყუდებული მკვდარი წაექცათ და ფეხქვეშ გაეთელათ. ხმაურზე გამოეღვიძა სიმონიკა. მკვდარი ველარსად დაინახა. ასტეხა ყვირილი: ჩემი ცოლი ცხენებს გაუთელიაო.

ძალიან შეწუხდა სოვდაგარი.

— ოღონდ შენ დამშვიდდი და ერთი ცხენის საპალნე ოქრო-ვერცხლს მოგცემ!

სიმონიკას სხვა რაღა უნდოდა. წამოიღო ერთი საპალნე ოქრო-

ვერცხლი, ააშენა ახალი სახლი, მოიყვანა ახალი ცოლი და დაიწყო ბედნიერი ცხოვრება.

განობდა ხანი. თეკლემ კიდევ გაიგო, სიმონიკა გამდიდრებულიყო და ივანიკას უთარა: „შენ სულელ ძმას უფრო მეტი ქონება შეუძენია, წადი, გააგე ყველაფერი, იქნებ ჩვენც გავმდიდრდეთო.“

ერთ მშვენიერ დღეს ივანიკა ესტუმრა თავის სულელ ძმას. სიმონიკამ ახლაც სიყვარულით მიიღო ქვიანნი ძმა, მოიკითხარქალი. სამი დღე აქეიფა ივანიკა და საჩუქრებიც გაატანა თეკლესათვის. წამოსვლისას ივანიკამ ჰკითხა სიმონიკას:

— ყველაფერი კარგი. მაგრამ ეგ ქონება და ახალი ცოლი სად შეიძინე, მე ხომ სახლი დაგიწვი?

— წავიღე ჩემი დაფუფქული ცოლი, ცოცხალზე გადავცვალე და თანაც ოქრო-ვერცხლიც ბლომად მომცეს, — უპასუხა სიმონიკამ.

ივანიკა შინ რომ შოვიდა, წაუკიდა ცეცხლი სახლ-კარს, გამობუგა შიგ თქალე. ნახევრად დამწვარი გამოათრია. აიკიდა ზურგზე და წაიღო ქალაქში. ჩამოატარა ქუჩებში და გაიძახოდა: „ვის გინდათ მკვდარი ცოცხალში, მკვდარი ცოცხალში, მკვდარი ცოცხალშიო!“ სალხი მოსდგა ივანიკას და სულ კეტებით დაურბილეს გვერდები: „ვის გაუგონია, მკვდარს ცოცხალზე ცვლიდნენო!“

ახლა კი მიხვდა ივანიკა, იმ ჩემმა ძმამ მომატყუაო, დაადგო მკვდარი ცოლი და გამოიქცა მის მოსაკლავად. მიუვარდა სახლში საწყალ სიმონიკას. გამოათრია გარეთ, შეუკრა ხელ-ფეხი. ჩასვა ტომარაში, აიკიდა ზურგზე და მიაქვს, კლდიდან უნდა გადაადგოს. გზაზე ფეხმოტეხილმა კურდღელმა გადაურბინა. ივანიკამ იფიქრა: მოდი, ამ კურდღელსაც დავიჭერ, დღეს სადილად მიყოფაო. დაადგო ტომარა და გამოუდგა. ამ დროს აქ მეცხვარემ ჩამოიარა, ფარას მირეკავდა საძოვრად. ტომარაში კაცი რომ ნახა, ჰკითხა:

— ვინ ხარ, რა ამბავია შენ თავსაო?

— ეჰ! ჩემი საქმე წასულია, სოვდაგრის ქალზე ჭვარი უნდა დამწერონ და არ მინდა, დამიჭირეს, ხელ-ფეხი შემიკრეს და ძალად მივყავარ. ნეტავ, ვინმე ვნახო, ჩემი საბედო დავუთმო!

— მოდი, მე შევირთავ სოვდაგრის ქალს, ოღონდ შენ ცოტა ხანს ჩემს ფარას მიხედე! — უთხრა მეცხვარემ.

სიმონიკა ამოიყვანა ტომრიდან და თვითონ ჩაძვრა შიგ. სიმონიკამ მაგრად მოუკრა თავი ტომარას, გაირეკა ფარა და წავიდა შინ.

მოვარდა დაღლილ-დაქანცული ივანიკა. ვერც კურდღელი დაეჭირა და ვერც ვერაფერი. წამოავლო ხელი ტომარას, გააქანა და ზედ კლდეზე გადაადგო. მეორე დღეს ჩამოუარა სიმონიკას

ეზოს. დაინახა, მისი სულელი ძმა მხართეძოზე წამოწოლილა და მეცხვარეებს ესაუბრება. ჯერ ვერ დაიჯერა, რომ ეს მისი ძმა იყო.

— ნამდვილად სიმონია ხარ? — ჰკითხა გაკვირვებულმა.

— ნამდვილად სიმონია ვარ! — უპასუხა ძმამ.

— შენ ხომ კლდეზე გადავჩეხე!

— მერე რა, შეხედე, იქიდან რამდენი ცხვარი ამოვრეკე! ნეტავ კიდევ უფრო ღრმა უფსკრულში გადაგვდე. იქ მეტი იყო ცხვარი!

გახარებული ივანია პირდაპირ უფსკრულისაკენ გაიქცა. ისეუპა და შიგ უფსკრულში გადახტა.

ამის შემდეგ დიდი ხანი გავიდა. სულელი ძმა ელოდება ჰკვიანს, მაგრამ ის ჯერ კიდევ არ დაბრუნებულა.

სამი მეცნიერი და გლეხი

სამ მეცნიერს ერთ სოფელში დაუღამდა. მივიდნენ ერთ გლეხთან. დასხდნენ პურის საკმელად. ამათ თავიანთი კარგი საკმელები ამოალაგეს. გლეხმა ლობიო დაისხა. ჯერ ერთი ჰიქა არაყი ჭადაკრა. შემდეგ ერთი დიდი ჯამი ლობიო შექამა და, ბოლოს, ორი ჯამი ღვინოც დააყოლა. მეცნიერებმა უთხრეს:

— ხომ მოგკლავს, ამოდენა საკმლის ჰქამა განა შეიძლება?

— რას დამაკლებს, ხომ ნახეთ, ჯერ ერთი არაყი დავლიე, ბოლოს ღვინო დავატანე, ლობიო შუაში მოვაქციე, აბა, რა უნდა მიქნას.

მოემზადნენ დააწოლად. მეცნიერებმა თქვეს: გარეთ მოვისვენებთო. გლეხმა უპასუხა:

— ვიცი, ამაღამ გაავდრდება, ლოგინის ალაგებ-დალაგება ჩემი საწვალებელი იქნება, სჯობს, შინ დაიძინოთ!

— რა უნდა გაავდრდეს, ცაზე ღრუბელი არა ჩანს, აბა, საიდან უნდა მოვიდეს წვიმა? ჩვენ გარეთ დავიძინებთ!

დაწვნენ და დაიძინეს. ღამით მართლა მოვიდა წვიმა. გლეხმა მეცნიერები შინ შეიყვანა.

— როგორ გაიგე, რომ უნდა გაავდრებულიყო? — ჰკითხეს მეცნიერებმა.

— საღამოს ღორები რომ მოვიდნენ, ვოჭებმა ჰკვიტინი დაი-

წყეს, ეს ავდრის ნიშანი იყო; ფინიაც რომ მოიკუნტა და სათი-
ვის ქვეშ შოიკალათა, ესეც ავდრის ნიშანი იყო.

ღილით მეცნიერებო გლუხს დაემშვიდობნენ და ერთმანეთს
უთხრეს:

— წავიდეთ, ჩქარა წავიდეთ აქედან: გლუხს, ფინიასა და გო-
ქებს ყველაფერი სცოდნიათ, ჩვენ კი ვერა გაგვიგია რა, სჯობს
შინ წავიდეთო.

მეცნიერი და მენავე

ერთი მეცნიერი მენავესთან მივიდა და უთხრა: მოდი, ნავში
ჩამსვი და გამასეირნეო.

ჩასხდნენ ნავში და გაცურეს. გზაში მეცნიერმა ჰკითხა:

— შენ რამე ცოდნა გაქვს, თუ არა?

— არა, არაფერი ცოდნა არ მიმიღია.

— მაშ, ნახევარი სიცოცხლე დაგიკარგავს, განა მენავეობაზე
მეტი არა იცი რა?

— არა, ეს არის ჩემი ხელობა, მეტი არა მისწავლია რა.

— ვერაფერი ბიჭი ყოფილხარ, სირცხვილი!

ამ ლაპარაკში არიან და უცებ მენავემ ნავი შოატრიალა, თუ
ვერაფერი ბიჭი ვყოფილვარ, გაჩვენებო. ნავი გადაიზნიქა, მეც-
ნიერი ზღვაში გადავარდა, მენავე ზევიდან მოექცა. სწვდა მეც-
ნიერს ქოჩორში, ჩააყოფინა თავი წყალში, შემდეგ ამოიყვანა და
ჰკითხა:

— როგორი ბიჭი ვყოფილვარ?

— ერთი შენა ყოფილხარ ქვეყანაზე და მეორე — ღმერთი
ცაში! — უთხრა შეშინებულმა მეცნიერმა.

მენავემ კიდევ ჩააყოფინა წყალში თავი, ბლომად აყლაპვინა
მლაშე წყალი და კიდევ ამოიყვანა. ისევ ისე ჰკითხა:

— აბა, კარგად გასინჯე, როგორი ბიჭი ვყოფილვარ?

— შენისთანა ამ ქვეყანაზე არავინ ყოფილა, შენ ყოფილხარ
ადამიანის მშველელი!

ახლა კი ამოიყვანა მეცნიერი, ჩაისვა ნავში და ნაპირზე
გამოიყვანა. როცა მეცნიერი სამშვიდობოს გავიდა, თქვა: თავის
ღროზე, თურმე, ყველა ხელობა კარგი ყოფილა, ნეტავ, რას ვერ-
ჩოდი იმ კეთილ მენავესო.

ბრმა მეჩონგურე

ერთ ქალაქში ბრმა მეჩონგურე ცხოვრობდა, გულთმისანი და კარგი მომღერალი.

ხელმწიფეს ამბავი მოუვიდა: შენს სახელმწიფოში ასეთი მომღერალიაო. დაიბარა ხელმწიფემ ეს მეჩონგურე.

თავის ეზოში კი დიდი ხარო გაათხრევიანა და ზედ ხალიჩა გადააფარა. დანიშნულ დროს მოვიდა ბრმა მეჩონგურე და გაჩერდა ეზოს კარებში. დაუკრა ჩონგური:

მეფე ღმერთმა აღლეგრძელოს,
ეზო კარვად დაუგვია;
ხალიჩებიც დაუგია,
ქვეშ კი ორმო გაუთხრია!

გამოქანდა ხელმწიფე, უნდოდა ეკოცნა ბრმა მეჩონგური-სათვის. თავის გათხრილ ორმომი თვითონვე ჩავარდა. ძლივს ამოიყვანეს. მეჩონგურეს სთხოვა: ერთი ლექსი კიდეც მიმღერეო. მეჩონგურემ უმღერა:

შენი გულის პასუხს
სხვას ნუ გაუცხადებ,
და საფლავის ორმოს
სხვას ნუ გაუმზადებ!

გლეხი და ბატონი

იყო და არა იყო რა, იყვნენ. ერთი ბატონი და გლეხი. გლეხი მჭედლობდა და ბევრ ფულს იღებდა. ბატონს შურდა: ეს გლეხია, მე ბატონი და ის მჭობნის ფულის აღებაშიო. ადგა და ბატონმაც გახსნა სამჭედლო, დაიწყო მჭედლობა ბატონმა და მისმა მოურავმა. გამოიარა ერთმა გლეხმა. ბატონმა ჰკითხა:

- სად მიდიხარ, გლეხო?
- სამი ცალი ურმის თელის რკინა უნდა ვიყიდო.
- მე იაფად მოგყიდი.
- რას გამომართმევ?

— ათ ოქროს.

— კარგი, ოღონდ ცუდი არ გამოიკეთო, — უთხრა გლეხმა.

ბატონმა დაიწყო რკინის გაკეთება. ჭერ გაახურა რკინის ნაქერი, კვერა, კვერა და უთხრა გლეხს: სამი რკინა კი ვერ გამოვა, იქნებ ორი გამოვიდესო.

გლეხმა უპასუხა: გააკეთე და, რაც გამოვა, იმის ფულს მოგცემო.

ბატონმა კიდევ გააცხელა რკინა, აკაქუნა, აკაქუნა, კვერა, კვერა და უთხრა: ეხ, გლეხო, ამაში ორი კი არა, იქნებ ერთი რკინა გამოვიდეს.

— გააკეთე, რაც გამოვა, გამოვა, ფულს მაინც მოგცემო.

კიდევ გააცხელა ბატონმა რკინა, კიდევ კვერა, კვერა და უთხრა გლეხს: — ეხ, გლეხო, ერთი რკინა კი არა, იქნებ გუთნის სახნისი გამოვიდეს.

— რაც არის, არის. გააკეთე როგორმე!

ბატონმა ისევ აანთო ქურა. გააცხელა რკინა, მთელი ძალით კვერა, კვერა და კვერა, შაგრამ არაფერი გამოუვიდა.

— გუთნის სახნისი კი არა, იქნებ გუთნის საფხეკელა გამოვიდეს. მე სანამ საფხეკელას გავაკეთებდე, შენ წადი და ფული მოიტანე, — უთხრა გლეხს.

გლეხი წავიდა. თან ერთი დიდი სახრე მოიტანა. ბატონმა მოურავი გააფრთხილა: ფული რომ მოიტანოს გლეხმა, დაიძახე, დაუმატე, დაუმატე-თქო.

გლეხმა ფული მიაწოდა მოურავს, თანაც ბატონს სახრე გადასცხო.

— დაუმატე, დაუმატეო! — დაიძახა მოურავმა. როგორც იყო გაფრთხილებული. გლეხმა სახრე მიუმატა. ბატონი გაიპარა, ბევრი ეძება გლეხმა იგი, მაგრამ ვეღარ იპოვა. გულით უნდოდა ეცემა. განა არ იყო საცემი!

პურის მარცვალი

ერთ კაცს გუთანი ება და მიწას ხნავდა. ერთი პურის მარცვალი ამოაყოლა, როგორც თხილის გული, ისეთი კარგი. გაუშვა გუთანი და შინ წამოვიდა: იმ დრომდის არ ვიმუშავებ, სანამ არ ვიპოვი ამ პურის მკამელ ხალხსო.

გააწია და დიდხანს იარა. ერთ ადგილას უთხრეს, რომ ამა და ამ სოფელში ბებერი ცხოვრობს და იმას ეცოდინებაო. მიადგა ბებრის კარებს.

— ოჯახის პატრონო, ოჯახის პატრონო!
გამოეპასუხა ძალიან მოხუცებული ქალი.

— შინ არის თქვენი ქმარი? — ჰკითხა.

— დიახ, შინ არის.

— თუ შეიძლება, დაუძახეთ, ძალიან დიდი საქმე მაქვს!
გამოვიდა ღრმა მონჯეცი და ჰკითხა: რა გინდა, შვილოო?
კაცმა აჩვენა პურის მარცვალი და უთხრა:

— აი, იმ ღროის მომსწრე ხარ თუ არა, როცა ხალხი ასეთ პურს
ჭამდა?

— მე არა, შვილო, მაგრამ ჩემი უფროსი ძმა ცხოვრობს აგერ
იქით და შეიძლება ის იყოს იმ ღროის მომსწრე.

ასე უთხრა შუათანა ძმამაც. მიადგა უფროსი ძმის კარებს და
დაუძახა: ოჯახის პატრონო, სტუმარი არ გინდაო?

გამოვიდა ისეთი ფაშფაშა ქალი, რომ კაცს თვალს მოსტაცებს.

— რა გინდა, ვინა ხარ?

— მე ოჯახის უფროსის ნახვა მინდა.

— ოჯახის უფროსს სძინავს, მეც ამ ოჯახის უფროსი ვარ, რაც
გინდა, თქვი!

— არა, მე თქვენს მეუღლესთან მაქვს საქმე.

— აბა, დაუცადე ცოტა ხანს.

დაუცადა კაცმა. დიდი ხანი ელოდა, მაგრამ მოხუცს არ გა-
მოეღვიძა. ქალს ერიდებოდა ქმრის გაღვიძებისა. კაცი შეწუხდა
და ქალმა იფიქრა, მოდი, გავაღვიძებო. გააღვიძა. წამოდგა. პირი
დაიბანა, სარკეში ჩაიხედა. ერთი ჭალარა გამორეოდა. სტუმარი
მიიპატიჟა. ჯერ პურის ჭამა დაიწყეს. შემდეგ მოსვლის მიზეზი
ჰკითხა. კაცმა პურის მარცვალი აჩვენა და ჰკითხა:

— აი, იმ ღროის მომსწრე ხარ თუ არა, როცა ხალხი ასეთ პურს
ჭამდა?

— ვარ, როგორ არა, ოღონდ ჯერ დაიცადე, პურის ჭამა დავამ-
თავროთ და მერე გეტყვი.

პური რომ ჭამეს, ცოლს უთხრა (ცოლი ორსულად ჰყავს, დღე-
დღეზე ბავშვი უნდა შობოს!):

— აღი ახლა მესამე სართულზე და საზამთრო ჩამოგვიტანეო.
გაიქცა ქალი და ერთი საზამთრო ჩამოიტანა.

— ეს არა, სხვა აარჩიე და ის ჩამოიტანე! — უთხრა ქმარმა.

გაიქცა ქალი, აიტანა მესამე სართულზე ეს საზამთრო და ისევ ჩამოიტანა.

— ამაზე უკეთესი ვერ აარჩიე, სხვა ჩამოიტანე! — კიდეც უთხრა ქმარმა.

ქალი მესამედ გაიქცა და ისევ ის საზამთრო ჩამოიტანა, სხვა არა აქვთ. დაქრეს საზამთრო, ჭამეს.

— ჩემი დრო გავიდა, უნდა წავიდე, მითხარი ამ პურის ამბავი! — სთხოვა სტუმარმა.

— ეგ პური იმ დროინდელია, — უთხრა მასპინძელმა, — როცა ორი ძმა იყრებოდა, ერთი ცოლშვილიანი, მეორე — უცოლშვილო, კალოზე რომ ხეავს ყოფდნენ, უცოლო ეუბნებოდა, წაილე, კაცო, მეტი, შენ ოჯახიანი კაცი ხარ, მეტი გჭირდება; ცოლშვილიანი კიდეც ეუბნებოდა: არა, კაცო, შენ წაილე მეტი, უცოლო ხარ და მეტი ხარჯი გაქვსო. ეს მარცვალი მაშინ დაქარგულა და შენ გიპოვიო.

— კი მაგრამ, შენ თუ უფროსი ხარ, ის შენი ძმები რად არიან ასე ბებრები და შენ ასე ჯეელი?

— ეჰ, ნეტავი შენ! — გაეცინა კაცს. — ჩემს უმცროს ძმასა და შუათანას ცოლები ტანჯავენ და ასე იმიტომაც დაბერდნენ. ჩემი ცოლი კი კეთილი ქალია და რა დაგვაბერებს. დღევანდლამდის ჭალარა არ მერია. ახლა ერთი ჭალარა გაჰომანდა. რადგან ძილი ვერ დავამთავრე და ჩემმა ცოლმა აღრე გამომალეძა. ჩემს ცოლს ხომ უყურებ, როგორაა, დღე-დღეზე დასაწოლია, მაგრამ სამჯერ ავიდა მესამე სართულზე და ჩამოვიდა, მე განა იქ საზამთროს ბალი მქონდა? სულ ერთადერთი საზამთრო გვედო, მაგრამ ხათრი არ გამიტეხა, ავიდა და ჩამოვიდა, იმიტომ არ დაბერდა, ხანი კი დიდი აქვს! ჩემი ძმები როგორ არ იქნებიან დაბერებულები, როცა ასე ავი ცოლები ჰყავთო! წადი ახლა და როგორც გიშრომია, ისე იშრომე. გულკეთილობა, ხათრი და პატიოსანი შრომა არც შენ მოგახუცებსო...

კაცი მასპინძელს გამოემშვიდობა, წამოვიდა შინ და როგორც შრომობდა, განაგრძო ისევ ისე თავისი შრომა.

მძლეტამძლე

იყო სამი ძმა, ორი ყოჩაღი, მესამე ჩოფანო, გლახა. უფროსმა ძმებმა ცოლები რომ შეირთეს, ერთად ვერ მოთავსდნენ და ქონება ზუზუხე გაიყვეს. ჩოფანო ძმა კი უწილოდ დატოვეს. ამ გლახამაც მოითხოვა შამისეული ქონების წილი, მაგრამ ძმებმა უთხრეს: შენ ცოლს არავინ მოგათხოვებს, ქონება რად გინდა, ხან ერთთან იმუშავე, ხან მეორესთან და ჩვენ გიპატრონებთო. ჩოფანომ ეს რომ გაიგონა, ერთი სიკვდილი მოკვდა, მაგრამ კარგად იცოდა. ჩხუბით ძმებთან ვერაფერს გახდებოდა. ბოლოს, წაიღო მამის დატოვებული ლეკური ხმალი და იქაურობას გაშორდა.

გაუღდა გზას. ცოტა იარა, თუ ბევრი იარა, მივიდა ერთ სოფელში. შონახა მდიდარი კაცი და მოჯამაგირედ დაუღდა. სამი თვე ემსახურა. აღებული ჯამაგირით ხმალს ქარქაში გაუყეთა, რკინაზე ოქროს ასოებით წააწერინა „მძლეტამძლე“. გადაიკიდა მხარზე ხმალი და ისევ გაუღდა გზას, საით მიდის, არ იცის.

დადიოდა თემშარაზე სოფელ-სოფელ და უშნოდ მიაკონწიალებდა ლეკურს. გამვლელ-გამომვლელები ექვენეულად ადევნებდნენ თვალს, ბავშვები ყოველთვის დასდევდნენ უკან და დასცინოდნენ. ჩოფანოს მოსწყინდა თემშარაზე ხეტიალი. გზიდან გადაუხვია და ტყის პირად, ხის ძირში მიწვა, ვითომ ცოტას დავისვენებო. ტყიდან ორი შეიარაღებული ვაჟკაცი გამოვიდა და მისკენ წამოვიდა. ჩოფანომ თავი მოიმაძინარა. ვაჟკაცებმა ექვენეულად დაუწყეს ყურება. რაღაც თვალში არ მოუვიდათ. მივიდნენ და სიცილით გვერდში მიუსხდნენ. ერთმა, მასხრობით, მძინარეს ქარქაშიდან ხმალი აშოაძრო. ნახეს, რკინა ლაპლაპებს, ზედ აწერია „მძლეტამძლე“. ახლა კი შეშინდნენ. ეგონათ, არც ისე სახუმარო კაცთან ჰქონდათ საქმე. ხმალი ისევ ჩუმად ჩაუგეს ქარქაშიში: ეს ვიღაცაა, ალბათ. გაპოცდილი ვაჟკაცია და იქნებ ჩვენი ამხანაგობაც ინებოსო. დიდი მორიდებით დაუწყეს გაღვიძება. ჩოფანოს ყველაფერი ესპის, გული გაიმაგრა და, ვითომ მაგრად ეძინაო, თვალები ამოიყლიძა, ადგა და მოსულებს მიესალმა. იმათაც ..ღმერთმა გადღეგრძელოსო!“ — უთხრეს და მუსაიფი გააბეს. ჩოფანოც მოყვა თავისი ვაჟკაცობისა და ლეკურის ამბავს. ახლა მომწყინდა ავღენი ოპი, სისხლის ღვრა და ხელმწიფესთან უნდა გამოვცხადდეო, — გაათავა ტრაბახი ჩოფანომ. კაცებს გაუყვირდათ ჩოფანოს გმირობა და მათაც უამბუს თავანთი თავგადასავალი. — ჩვენო, — უთხრეს, — აქ ორნი ვართ, მაგრამ ექვსი ამხანაგი

კიდევ გვყავს, თუ არ გაგვიბრაზდები, მეცხრე ამხანაგი შენ იყავიო! — ჩოფანოც დაეთანხმა. ესენი თურმე, განთქმული ყაჩაღები არიან და ცხოვრობენ შორს, სადღაც ლურსკუმა ტყეში.

წაიყვანეს ჩოფანო ტყეში ატამანის სანახავად. ჩოფანოს ვაჟ-კაცობის ამბავი ამხანაგებს ერთი ხუთად გადასცეს. ატამანმა მანც არ დაიჭერა და ჩოფანოს გამოცდა განიზრახა. დაავალა ყაჩაღებს:

— ამაღამ ღორის საღარაჯოდ წახვალთ და ამ ახალ ამხანაგსაც თან წაიყვანთო. ჩოფანო შიშმა აიტანა, მაგრამ თითქოს არ შეიშინია. საღამოს გაჰყვა ამხანაგებს ტყეში. თითქოს ძალიან გახარებულია, გულში კი ფაქრობს, იქნებ სადმე გავასწრო და გავიპაროო. ამხანაგებმა თოფი შესთავაზეს. მან კი ისინი სასაცილოდ აიგდო: აბა, ეს ლეკური ტყუილადა მაქვსო! ნამდვილად არც იცოდა, თოფი საიდან ისროდა.

ღორები რკოზე ყოფილიყვნენ მიჩვეული. ჯერ თურმე კარგად გაძლებოდნენ, მერე დრუნჩებით დარწეებს თხრიდნენ. უცებ ერთი ღორის ნაკვალევი შენიშნეს: ნამდვილად ეს არის, კამეჩის ტოლა რომ ამბობენო, — თქვეს ყაჩაღებმა, — თურმე იმ სისქე ტყავი აქვს, ტყვია ვერ ატანს, ერთი ეშვის მოქნევით, კისრის სიმსხოხეებს გლეჯსო. ჩოფანო აქ დატოვეს, ისინიც იქვე ახლოს, ხის ძირში ჩასაფრდნენ. წახდა საწყალი ჩოფანო. აღარც გაპარვას ეწყობა ამ შუაგულა ტყიდან და აღარც არაფერი. მალღობა უფალს, ღორის ბედზე გავჩენილვარ და რა ვქნაო, — გაიფიქრა გუნებაში. მეტი ვერაფერი მოიფიქრა, ავიდა მუხაზე და გადაალაჯა ბოჯახში: თუ მაინცა და მაინც ღორი აქ მომადგა, რაღაცას გადავუგდებ, შეშინდება და გაიქცევა, ბრალს ვერავინ დამდებსო.

უცებ მოისმა შრიალი, ღორმა მუხის ქვეშ თვალები შემოაბრიალა. ზევითაც შეანათა. ჩოფანოს გული შეუწუხდა, მთლად აჯანკალდა, დაუცდა ფეხი ტოტზე, ჩამოვარდა და იმ ღორს დაეცა ზურგზე. ღორმა გაქცევა არ იკადრა და ადგილზე დატრიალდა. ჩოფანომ მაგრად ჩაავლო ხელა ჯაგარში და არ იცის, რა ქნას. ეს დაინახეს ამხანაგებმა, მოვარდნენ ლომებივით, დაუშინეს თოფები და ღორი იქვე წააქციეს. ჩოფანო კი ახლა მოვიდა გონს. ნახა საქმე გათავებულიყო და ეშმაკობა იხმარა, მორთო ყვირილი: თქვე ასეთებო და ისეთებო, მე ღორი დავიჭირე, ცოცხლად მინდოდა წააყვანა და თქვენ ხელში ჩამაკალითო. ყაჩაღებმა ბოდინი მოიხადეს.

წაიღეს ამოდენა ღორი და წავიდნენ ატამანთან. ყველა-

ვაუკვირდა ახალი ამხანაგის გმირობა. ღორს თავი მოსჭრეს, ვაუგზავნეს ხელმწიფეს და შეუთვალეს: ჩვენს დევნას თავი დაანებე, თორემ ინანებ, ახლა ისეთი მეცხრე ამხანაგი შევიძინეთ, რომ ეს ტახტი ცალი ხელით დაიჭიროს.

ღორის დაჭერის ამბავი მთელმა ქვეყანამ შეიტყო და ყველა ბოფანოს აქებდა. ზოგი ამბობდა — დევკაციო, ზოგიც — ტყვიას აელთ იქერსო. ყველას პირზე მძლეთამძლე ეკერა. ხელმწიფე და მისი ვეზირებმა შეშინდნენ და ყაჩაღების დევნას თავი დაანებეს.

გავიდა ხანი. ამ ხელმწიფეს ომი გამოუცხადა მეზობელმა ხელმწიფემ. დადეს პირობა: ყოველ წელიწადს მოვაწყობთ ორთაბრძოლა და ვისი ფალავანიც მოკვდეს, იმან გამარჯვებულს რამდენიმე სოფელი მისცეს თავისი ხალხითა და ქონებითო. ყოველ წელიწადს პარცხდებოდა ეს ხელმწიფე. უკვე ხუთი წელიწადი გავიდა და ერთხელაც ვერ გაიპარჯვა. მოწინააღმდეგე ხელმწიფეს ერთი ისეთი ვმირი ჰყავდა, ვინც კი მიეკარებოდა, ყველას თავს აგდებინებდა. ვან მოსთვლის, რაჟდენ ვაეკაცს წააცალა თავი ამ წყეულმა. ხელმწიფე ძალიან შეშინდა, საუკეთესო ვაეკაცები მტერმა გაუყლიტა. თვითონ მარტო რას იზამდა.

ბევრი იფიქრეს და ითათბირეს. ხელმწიფემ შეყარა ვეზირები და რჩევა სთხოვა. უფროსმა ვეზირმა სიტყვა აიღო და ბრძანა:

— ჩვენც გვყავს ერთი ვაეკაცი, აი, ის მძლეთამძლე, ვეშაპი ტახტი რომ ხელდახელ დაიჭირა, თუ იმას არ ვთხოვეთ, სხვა ვერავინ გვიშველას და მთელ ქვეყანას დავლუპავთო.

ეს აზრი ყველამ მოიწონა. ხელმწიფეც დაითანხმეს. მძლეთამძლეს შუაკაცები ვაუგზავნეს. დაუდეს პირობა: თუ მტრის ფალავანს მოკლავდა, ხელმწიფე მის ამხანაგებს გაათავისუფლებდა. თავის ერთ ქალს ცოლად მიათხოვებდა, კარგად დაასაჩუქრებდა და ტახტსაც დაულოცავდა.

შუაკაცებმაც აღარ დააყოვნეს, წავიდნენ და ინახულეს მძლეთამძლე და მისი ამხანაგები. ყაჩაღები სიხარულით კინაღამ გაფრინდნენ. საქმე მძლეთამძლეზე იყო. ის ღრმად ჩაფიქრდა. „საწყალს გულში ისეთი შიში ჩაუვარდა, ისეთი, რომ დამუნჯდა. „აქამდი ქე ვიყავი ცოცხალი, ავად იყო, თუ კარგად, სულს მაინც ვათრევდი, ახლა კი ბეჯითად ვხედავ, დაალია ჩემი დღე და მოსწრებაო,“ — ფიქრობდა. ბოლოს მაინც დაეთანხმა: უარის თქმა, სულ თავის მოჭრა გამოვა, ისეთი ვაეკაცის ხელით რომ მოვკვდე, სირცხვილი არ იქნება, ამხანაგებს ხომ გავათავისუფლებო. აიღო თავი და შუაკაცებს განუცხადა:

— კარგი, თანახმა ვარ, გაცევები ორთაბრძოლაში, მაგრამ მრცხენია, ერთ კაცს როგორ შევებრძოლო, ნეტავ სამი მაინც გამოუშვანო!

ამის გამგონებმა სიხარულით ტაში შემოკრეს. ხელი მოკიდეს მძლეთამძლეს და ხელმწიფეს წარუდგინეს. ეს ამბავი მთელ ქვეყანას მოედო. ყველა მძლეთამძლეზე ლაპარაკობდა: ერთი კი არა, სამი გამოუწვევიაო; ხმალს არც კი ვიხმარ, ხელით წავაგლეჯ კიბერსო!.. ზოგი ამბობდა: მძლეთამძლე, კაცო, ხეს რომ დაეჭახოს, მოგლეჯს, კაცი რას დაუმაგრდებაო! ამ შითქმა-მოთქმამ იმ ვაჟ-კაცის ყურაპლისაც მიაღწია. საწყალს გული წინდაწინ გაუსკდა: დაიღია ჩემი დღეებო, ფიქრობდა.

მოვიდა უკანასკნელი დღეც. მინდორზე ხალხი ველარ ეტევა. ყველა მძლეთამძლეს შეჰყურებს. რა პატარა ტანის კაცი ყოფილა, მაგრამ ხერხიანი იქნებაო, — ამბობდნენ. ფალავნები გამოვიდნენ. საწყალი ჩოფანო იმ ვაჟკაცთან სვეინჩას ოდენაც არ ჩანდა. მაგრამ გულს მაინც არ იტეხდა. მოვეკდები და ისაა, ანაბრინი ჩემს საქმესო! — ფიქრობდა თავისთვის. ვაჟკაცმა ახედ-დახედა მძლეთამძლეს და ჩაეცინა ულვაშებში: ამას ერთ დარტყმაზე წავაცლი კისერს, მაგრამ, ალბათ, პირშავს, ეშმაკური ხერხები ეცოდინება და სჯობს, ჯერ მას ვაცალო, აბა, რას იზამს, თუ გავუღე ეშმაკობა. მე მკითხოს, რა დღეს დავაყენებო.

ხალხი უცებ გაციმცამდა. ფალავნებს ანიშნეს და ერთმანეთისაკენ წაიწიეს. მძლეთამძლეს გულმა ველარ გაუძლო. თვალით ხედავს სიკვდილს. ხმლის ამოღებაც კი დაავიწყდა. დახუჭა თვალები, დაღუნა თავი და ისე მიდის წინ. ბარემ წამჭრას თავი, ქვ მაინც მოვრჩე ამ უბედურებასო, — იფიქრა.

ჩოფანო რომ ასე კისერწაწეული დაინახა, იმ ვაჟკაცმა იფიქრა: რაღაც ხერხს მიკეთებსო და მანაც წააგრძელა კისერი და დაესო. ერთ ადგილზე. ჩოფანო ყოველ წუთს ელოდა თავის წაჭრას, მაგრამ, როცა დაგვიანდა, ჩუქად გაახილა მარცხენა თვალი. შეხედა. რას ხედავს! მის მოწინააღმდეგეს წაუტრბქლებია კისერი დასაკლავ. ქათამსავით, დაუხუჭავს თვალები და არის ისე გაჩერებული. ახლაც კი ჩოფანომ იფიქრა, დრო ვაშოვნე. ნუ გეშინია, დაჰკარი, შე, გლახანო! თავბრუდასხმულმა აშპუნა ლეკური, აღარც კი ახსოვს. როგორ მოუქნია, ვაჟკაცის თავი აქეთ გაგორდა, ტანი იქით წაიქცა.

შეიქმნა დიდი ამბავი და გაწევ-გამოწევა. მოავლეს ხელი მძლეთამძლეს და ხელმწიფეს მოურბენინეს. გახარებულმა ხელ—

მწიფემ იმავე დღეს დასწერა ჯვარი თავის ქალიშვილზე და ტახტიც დაულოცა. ეს ჩოფანო ხელმწიფე გახდა. მისი ამხანაგები ვეზირე-შად დაიყენა, მოიხშო ძმებიც და დაიწყეს ბედნიერი ცხოვრება. ასე გათავდა ჩოფანოს ამბავი.

ხელმწიფე და მისი შვილი

იყო ერთი ხელმწიფე. მას ჩვეულებად ჰქონდა, ყოველი წლის ნათლილების წინადლით თითო კომლიდან ორ-ორი მანეთი შეეკრიბა. ერთ წელიწადს ყველგან აკრიფეს ფული, მაგრამ ერთმა გლახაკმა ხელად ვერ იშოვნა ორი მანეთი და ვერ გადაიხადა ბეგარა. მოახსენეს ხელმწიფეს: ამა და ამ კაცისაგან ფული ვერ ავიღეთო.

— მომიყვანეთ აქ ურჩი გადამხდელი! — ბრძანა ხელმწიფემ. მიუყვანეს მაშინვე საწყალი კაცი. ხელმწიფემ გააშიშვლა (მინც კი იყო შიშველი), ამ საშინელი იანვრის ღამეში გააჩერა შუა შინდორში, თავზე მცველები დააყენა, ცეცხლი არ დაინთოსო. ვათენდა დილა. ხელმწიფემ იკითხა:

— რა ქნა?

— ცოცხალია, ბატონო! — მოახსენეს ვეზირებმა.

ხელმწიფე გაბრაზდა, მცველებს სცემა: იმ ყიამეთში ცოცხალი როგორ გადარჩებოდა, ცეცხლზე გაგითბიათო! შეშინებულმა მცველებმა ჯერ ხმა ვერ ამოიღეს, ბოლოს ხელმწიფეს მოახსენეს: წუხელ. ღამით ქვევიდან ისეთი ამოწითლებული იყო, რომ ეს კაცი ხან ვეხს და ხან ხელს უშვერდა, ალბათ, ამით თბებოდა, თორემ სხვა სიტბო მას არ მიჰკარებიაო!

— მეც მაგას ვაპბობ, რომ გამთბარა და იმიტომ ვადარჩა ცოცხალიო! — თქვა ხელმწიფემ.

დაიჭირეს საწყალი გლახაკი და ორმოში ჩააგდეს.

ვათენდა ნათლილება დილა. არის მზადება. ხელმწიფე ჯერ წირვაზე უნდა წავიდეს. ხელმწიფის შვილმა მამას უთხრა: სადილის გაკეთება დღეს მე დამევალოს, თქვენ წირვაზე წაბრძანდით, ყველაფერს გამზადებულს დაგახვედრებთო.

შვილის სიტყვები გაუხარდა ხელმწიფეს. წაიყვანა თავისი წამყობები და წავიდა წირვაზე. ხელმწიფის შვილმა გაზომა ერთი ქცევა შინდორი. ოთხივე მუხუროში დააწყობინა თითო საყენი

შეშა და გაუქიდა ცეცხლი. ამ მინდვრის შუაზე დადგა უშველებელი ქვაბი ხორციტ საესე.

ხელმწიფე და მისი მზღებლები დაბრუნდნენ. ხუცესს წირვა გაეგრძელებინა და ყველა გამგებელი იყო შიმშილით. ხელმწიფემ ბრძანა: აბა, ჩქარა სადილი მოგვართვითო! ორი საათიც გავიდა, მაგრამ სადილი არსად ჩანდა. ხელმწიფის შვილი უპასუხებდა: კი, ბატონო, ახლავე, ცოტა აკლია. სადაცაა ხორცი მოიხარშებაო! ხელმწიფეს მოთმინების ფილა აეცსო. გაბრაზდა. გაუწყრა შვილს: როგორ ვერ გააკეთე აქამდის სადილი, ლამის შიმშილით დავიხოცოთო.

ბიჭმა წაიყვანა ხელმწიფე და აჩვენა ეს მინდორი.

— მამაჩემო, ხომ ხედავ, ერთი საყენი შეშა აგერ იწვის, მეორე, ეგერ, მესამე და მეოთხე — იქით. ქვაბი შუაზეა დადგმული. არ იქნა, არ აღუღდა წყალი და არ ვიცი, რა ვქნაო!

ხელმწიფე უფრო გაანჩხლდა: ასე წყალი როგორ აღუღდება... შუაზე ცეცხლი არ ჰქონია შენთებულო!

მამინ შვილმა უპასუხა: ქვევიდან ამოწითლებული რომ იყო, იმანთუ გაათბო კაცი საშინელ ყინვაში, აქ, ერთ ქცევაზე. როგორ ვერ გაათბო ქვაბი ოთხმა საყენმა შეშამაო.

ხელმწიფე განცვიფრდა შვილის ბრძნული სიტყვებით. გლახაკი გაათავისუფლა და შვილს უთხრა: აწ კი რაღად ღირს ჩემო ხელმწიფობა, ვხედავ, მაჯობე და ტახტაც შენთვის დამითმიაო! და... დაულოცა ხელმწიფობა შვილს...

მონადირე და ხელმწიფე

ერთ ხელმწიფეს კარგი მონადირე ჰყავდა. თუ კი დაინახავდა ნადირს, აუცილებლად მოკლავდა.

ერთხელ მონადირე ტყეში წავიდა. დაინახა ირემი, გადმოიღო მშვილდისარი და მიწაზე გააგორა. მივიდა. ნახა და კინაღამ გული წაუვიდა: ხელმწიფის მოშინაურებული ირემი მოეკლა. შეშინდა მონადირე: ხელმწიფე ამისათვის ხომ ჩამომახრჩობსო! წამოვიდა შინ. არის ყურებჩამოფლარტული, დანა პირს არ უხსნის. ქალი შეუჩნდა:

— გინდა თუ არა, მითხარი, რისთვის ხარ დაღონებულიო?

კაცი წუხს. არ უნდა თქვას, მაგრამ ქალი რომ არ მოეშვა, უთხ-

რა: რა ვქნა, შენ რომ გითხრა, ქვეყანას მოსდებ და ამისათვის ვერ გატყვიო.

ქალმა პირობა მისცა, დაუფიცა და დაუნაბდა, არავის არ ვეტყვიო! ქმარმაც იფიქრა, მოდი, ვეტყვი, ცოლია, მტერი ხომ არააო და ყველაფერი უამბო: ამა და ამ დილას ხელმწიფის ირემი შემო-მაკვდაო.

ქალმა ნელ-ნელა ეს ამბავი ყველას უთხრა. მონადირის საქმე ისე გახშიანდა, რომ ხელმწიფის ყურამდისაც მიაღწია. გაცოფდა ხელმწიფე. უბრძანა ვეზირებს: ის მონადირე გაკოჭილი მომგვარეთო! გამოგზავნეს კაცები, დაიჭირეს საწყალი მონადირე, გაუკოჭეს ხელ-ფეხი და მიჰგვარეს ხელმწიფეს. ჭიშკარში რომ გამოვიდნენ, ქალმა დაუძახა: ერთი ხელი აბრეშუმის კაბა თუ არ მომიტანე მისი მოწყობილობით, სახლში არ შემოგიშვებო!

მიუყვანეს შეკოჭილი მონადირე ხელმწიფეს. ხელმწიფემ ბრძანა: ახლავე ჩამოახრჩეთო! გააკეთეს უშველებელი სახრჩობელა, ვაიყვანეს ზედ მონადირე, გააყოფინეს კისერი მარყუჟში. მონადირემ იყვირა: ცოტა მაცალეთ, ორი სიტყვა დამრჩა უთქმელი და შათქმევიანეთო!

ხელმწიფემ ნება დართო და მონადირემაც თქვა: მე ჩვენი ხელმწიფე ჭკვიანი კაცი მეგონა, თურმე მასაც და ჩემ ცოლსაც ერთნაირი ჭკუა ჭქონიათო.

ხელმწიფე გაბრაზდა, მივარდა სახრჩობელასთან და დაუწყო ყვირილი მონადირეს: როგორ გაბედე ამის თქმა, ვის მადარებ, თუ იციო?!

— ბატონო, მაინც მახრჩობთ, ვხედავ, ამის მეტს რაღას მიზამ? ახლაც ვიშეორებ, ჩემს ცოლსაც და შენც ერთნაირი ჭკუა გქონიათ, არც მეტი, არც ნაკლები! — გაიმეორა მონადირემ.

— მერე და როგორ? — ჰკითხა ხელმწიფემ.

— ჭერ ერთი, რაც დაშემართა, ყველაფერი ჩემი ცოლის ენით დაშემართა, მერე, როცა დასახრჩობად წამომიყვანეს, იმან აბრეშუმის კაბა დამაბარა. ჭკვიანი ქალი განა ამას იზამს? — თქვა მონადირემ.

— მე რაღა შუაში ვარ, შენი ცოლი თუ აბდალია? — ჰკითხა ხელმწიფემ.

— შენც აბდალი ხარ, თორემ ცოცხალი თუ ვიქნებოდი, ერთის მაგივრად ცხრა ირემს გადაგიხდიდი, შენ კი აღარც ძველი ნამსახური მოიგონე, აღარც არაფერი და მახრჩობო.

— მართლა აბდალი თუ არა ვარ, რას ვერჩი ამ კაცსო! — თქვა ხელმწიფემ და გაათავისუფლა.

ფულს ყველაფერი შეუძლია

იყო ერთი ხელმწიფე და ჰყავდა ერთადერთი ქალიშვილი. ქალიშვილს ხელმწიფე მზეთუნახავად ზრდიდა, თავისთვის ჰქონდა ყველაფერი და თავს სამი მცველიც ედგა. ერთ დღეს მზეთუნახავმა სააახლის კედელზე წაიკითხა: „ფულს ყველაფერი შეუძლია“. ადგა და ხელმწიფეს მოახსენა. ხელმწიფემ ბრძანა: ჩქარა მონახეთ და მომგვარეთ მაგის დამწერიო!

როგორც იყო იპოვეს მისი დამწერი და ხელმწიფეს მიუყვანეს. აღმოჩნდა ერთი ახალგაზრდა, თვალტანადი და ლამაზი ბიჭი. გამოტყდა, მე დაეწერეო, მაგრამ თავი დამნაშავედ არ ცნო.

— ფულს ყველაფერი შეუძლია, ფული რომ მქონდეს, შენი ქალიშვილიც ჩემი იქნებაო, — გაუმეორა ხელმწიფეს.

ხელმწიფემ გულისწყრომა დაფარა, მიუბრუნდა და უთხრა:

— შენ ტყუილს ამბობ, თორემ, აჰა, ჩემი ხაზინა და, თუ შენს მუქარას ვერ აასრულებ, თავს მოგჭრიო!

— თქვენი ხმალი და ჩემი კისერიო, თუ ჩემ სიტყვას ვერ შევასრულებო! — უბასუხა ბიჭმა.

დადეს პირობა. ვადად ერთი წელიწადი დადეს და ხელმწიფემ თავისი ხაზინა გადასცა. მოიხმო საუკეთესო ღურგალ-კალატოზები, ზღვაში მაგარი ციხე-სიმაგრე ააშენა. შიგ ჩასვა მზეთუნახავი. გარედან კუდიანი დედაბრები და მცველები დააყენა, მაგრად ჩაკეტა კარები და გასაღები ჯიბეში ჩაიღო.

ბიჭი უკანასკნელ მოდაზე გამოეწყო. გაიჩინა ძმა-ბიჭები და ხელი მიჰყო ქეიფობას. ხარჯავდა და ხარჯავდა ფულებს. ნუ გეშინია, ხაზინა კი იყო გამოჭედილი ქალაქის ფულით და ოქროებით. ბიჭს ყველა ამხანაგი დახმარებას ჰპირდებოდა. ზღვაში მიცურავდნენ, ციხეს ირგვლივ უვლიდნენ, მაგრამ ახლოს ვერ ეკარებოდნენ. დრო კი გადიოდა. ბიჭს ქეიფის მადაც ეკარგებოდა და საკუთარი თვალით ხედავდა, სიკვდილის დღეები უახლოვდებოდა. ბოლოს, ვერაფერი რომ ვერ გააწყო, ხაზინიდან ფულები გამოიტანა და ღარიბებსა და ძმა-ბიჭებს დაურიგა, ჩემი სიკვდილის შემდეგ მომიგონეთ და შესანდობარი დალიეთო.

გავიდა ექვსი თვე. ერთი ამდენი ხანი კიდევ დარჩა, მაგრამ რა უნდა მოეგონებინა. ერთ დღეს ბაღში იჭდა დაფიქრებული, იქვე მოშორებით ძმა-ბიჭები ქეიფობდნენ მის ანგარიშზე. თვითონ ქეიფის თავი აღარა ჰქონდა. ამ დროს სხვა სახელმწიფოდან ერთი ვაჟარი ჩამოსულიყო და ამ ქალაქს ათვალეირებდა. გამოიარა ბაღში

და დაიწყო სეირნობა. მოქეიფე ბიჭების ხმაურობა რომ გაიგონა, ეკითხა: ვინ არიან, ან რატომ ხმაურობენო?

მებაღემ აუხსნა: ასე და ასეა საქმე, ერთ ბიჭს ხელმწიფესთან საბაძლო აქვს დადებული და ისინი ქეიფობენო.

— როგორმე ის ბიჭი აქ მომიყვანეო! — უთხრა ვაჭარმა მებაღეს.

გამოიქცა მებაღე, დაინახა ბიჭი, მივარდა და ყველაფერი უთხრა. ამის შემდეგ გავიდა ერთი თვე და ბიჭი უგზო-უკვლოდ დაიკარგა. ამის ვერც ავი გაიგეს და ვერც კარგი. სახელმწიფოდან რომ არ გაპარულიყო, ხელმწიფემ საზღვრებზე მცველები დააყენა. ბევრი ეძებეს, მაგრამ მისი კვალიც კი არსად გამოჩნდა. ხალხი ლაპარაკობდა: ყოჩაღად მოიქცა, ხაზინა გაცალა და გაიქცაო. ნამდვილი ამბავი კი არავინ არ იცოდა. ასე მიდიოდა დღეები.

ერთ დღეს ჩამოსულმა ვაჭარმა განცხადება გამოაკრა: „ვეყიდი ისეთ არღანს, რომელიც ოცდაოთხნაირ სიმღერას უკრავს, საჭიროა მხოლოდ მსურველმა უთხრას, რომელი სიმღერის დაკვრა სურს“. ფასიც ისე ძვირი იყო გამოცხადებული, რომ უბრალო კაცი ვერ იყიდდა.

ერთხელ ეს არღანი ხელმწიფის ცოლმაც დაათვალიერა. არღნის სილამაზითა და სიმღერებით ძალიან გაკვირვებული დარჩა. შინ რომ მივიდა, ქმარს აუხიროდა: ერთი შვილი გვეყავს და ვიღაც ბიჭის აბღღურ სიტყვაზე გავაწვალეთ, იმან ხაზინა გავიცალა და გაიქცა, ჩვენი შვილი კი სადღაც ზღვაში გვეყავს ჩაკეტილი, ბედნიერებას მოკლებული, ან აქეთ გამოვიყვანოთ, ან გასართობად არღანი მაინც ვუყიდოთ და გავუგზავნოთო.

ხელმწიფემ ჯერ უარი თქვა, არამც და არამც არა ქნა არღნის ყიდვა, მაგრამ ცოლი ისე შეუჩნდა, რომ ბოლოს დაიყოლია, ხომ გავიგონიათ: დედაკაცმა თუ გაიწვია, ცხრა უღელი ხარკამეჩი ვერ დაახვეინებს უკანო. ხელმწიფემ იყიდა არღანი და გაუგზავნა მზეთუნახავს ციხეში. ქალიშვილს ძლიერ მოეწონა საჩუქარი.

— აბა, ჩემო არღანო, ესა და ეს სიმღერა დაუკარო, — ეტყოდა და არღანიც ხელად ამღერდებოდა.

ასე გავიდა კარგა ხანი. ხელმწიფისა და ბიჭის მიერ დადებული დროც გავიდა. ხელმწიფე ყოყოჩობდა: ხომ გავიმარჯვეო! ერთი დღე კიდევ უცადა ხელმწიფემ, ეგებ გამოჩნდეს ბიჭიო, მაგრამ რომ აღარ გამოჩნდა, მზეთუნახავის საქმროდ მეზობელი ხელმწიფის შვილი მოიწვია და ქორწილიც დანიშნა. ამ ქორწილში მთელი მისი საბრძანებელი მოიწვია. მექორწილენი თავის ადგილზე დასხდ-

ნენ. ნეფე-დედოფალი. რასაკვირველია. ერთად დასვეს. არღანმაც თავისებურად დააგრილა ახალ-ახალი სიმღერები.

წამოდგა თამადა და დაიწყო სადღეგრძელოები. ჯერ, როგორც წესია, ნეფე-დედოფლის სადღეგრძელო უნდა დაეღიათ. თამადამაც ხმა ამოიწმინდა და ორი საათი ილაპარაკა, აქო და აღიდა ნეფე-დედოფალი. ყველამ მიირთვა სადღეგრძელო, ხელმწიფემ ისეთი სიტყვა თქვა, ცხელცხელი კურცხლები გამმოყარა თვალებიდან. ახლა ის დროა, რომ სიტყვა უნდა თქვას ნეფე-დედოფალმა. უცებ გაიღო არღნის კარები და გამოვიდა მონაძლავე ბიჭი. ყველა განცვიფრდა. ხელმწიფეს მოჩვენება ეგონა, თვალებს არ უჯეროდა. ნეფე-დედოფალს შერჩათ ხელში ყანწები. ყველას ჩაუწყდა ენა. ბიჭმა დაიწყო: ბატონებო, პირველად ბოდის ვიხდი ნეფესთან, მაგრამ ვაცხადებ, პირობის ძალით ეს ქალი ჩემია, ამას მისი მუცელიც ამტკიცებს. მე ერთჯე და გავათავე: ფულს ყველაფერი შეუძლია-მეთქი. ამ ქვეყანაში ფულია ყველაფერი, ფულია ხელმწიფე და არა სხვა ვინმეო, — გაათავა ბიჭმა ლაპარაკი და მიუჯდა გვერდში დედოფალს. ახლა ყველა მისვდა, რაც მოხდა.

ხელმწიფე რაღას იზამდა. სასიძოს მხლებლებმა გაისვეს ხანჯლებზე ხელი. შეიქმნა ერთი ამბავი: მოგვატყუეს, ორსული ქალის მოცემა უნდოდათო, — ყვიროდნენ და ილანძღებოდნენ.

როგორც იყო, ყველა დაშოშმინდა. ხელმწიფე მივიდა ბიჭთან და გამარჯვება მიულოცა. შებრუნდა ქორწილი. წელანდელი სიძე მეჯვარედ გახდა, მომყოლი მაყრები — წვეულებად, თამადა კი თავის ადგილზე დარჩა. მან მოთაფლული ენით დაიწყო ახალი ნეფის სადღეგრძელო. ასე იქეიფეს ცხრა დღე. ქორწილიდან არავინ არ წასულა ფხიზელი, ყველა დაითრო.

იმათ დატრობა, ჩვენ გართობა,

აიანთარი, ბაიანთარი.

წვეული იყოს ფულის ყანთარი.

გამგონებ გასძლოს ასი ზამთარი,

როგორც არ მითქვამს ყველა მართალი!

ეშმაკი ქმარი

ერთმა ღარიბმა კაცმა ცოლი შეირთო. ქალი ძალიან ანჩხლი, ენა-მწარე და უკმაკური ხასიათის გამოდგა. ყოველი დღე-ღამე ქმართან ჩხუბსა და ყაყანს უნდებოდა. ქმარი ბევრს ეწვალა, მაგრამ არ იქნა

და ქალი ვერ მოარჯულა. ბოლოს, გადაწყვიტა ცოლის თავიდან მოშორება. ერთ დღეს ქალს ტკბილად დაუწყო ლაპარაკი, აუხვია თვლები და უთხრა: კუკუმალობია ვითამაშოთო! ქალიც დაეთანხმა. აიყვანა ეს უშველებელი ქალი ხელში და ტყისკენ გააქანა. როცა მიაღწია შუაგულ ტყეს, საიდანაც გამოსვლა გაჭირდებოდა, ქალს თვალები აუხსნა და უთხრა: ახლა დაგემალები და სანამდის „კუკუ“ არ დავიძახო, ადგილიდან არ დაიძრაო. კაცი დასამალავად წავიდა. ქალმა უცადა „კუკუს“ დაძახებას, უცადა, მაგრამ, შენც არ მომიკვდე, კაცმა თავს უშველა, შინისკენ გამოიქცა.

ამ ქალს ცოტა ჭკუაც აკლდა. ერთ ხანს უძახა ქმარს და პასუხი რომ ვერ მიიღო, ადგა და დაიწყო ხეტიალი ტყე-ტყე. ერთ ადგილას შარდზე გასვლა მოუნდა. იქვე ჩაჯდა. მერე ჩხირი აიღო და დაქცეულ წყალს დაუწყო ჯვარედინად გადახაზვა, თანაც უყვიროდა: შენ აქეთ წადი, შენ — იქითო! თურმე იქვე. გვერდით, ქვერში ყაჩაღები სხედან და მოპარულ ოქროს იყოფენ. ქალის ხმა რომ გაიგონეს — შენ აქეთ წადი, შენ — იქითო, — ეგონათ, მღვერებმა მოგვაგნეს და ესაა, ალყას გვარტყამენო. მიატოვეს ნაქურდალი ოქრო-ვერცხლი და თავს უშველეს. ქალმა, როცა თავისი საქმე მოათავა, ისევ ხეტიალი დაიწყო, ეძებს გზას, შინ წასვლა უნდა. უცებ წააწყდა დაყრილ ოქროებს. ახვეტა ხელად, გამოიკრა კალთაში და წამოვიდა. მესამე დღეს ამოდენი ოქროებით დატვირთული მიადგა ქმარს კარზე.

— შენ კი დამტოვე შავ ტყეში, მაგრამ, აი, ხომ ხედავ, ღმერთმა არ წამანდინა და ოქროები მაშოვნინაო.

ქმარს ამოდენი ოქროების მოტანა გაუკვირდა, მაგრამ ცოლის ამბავი იცის და ამიტომ ეშმაკობა ამჯობინა.

— რალად გვინდა ოქრო ან რამე, ნეტავ. რაც გავგაჩნია, იგიც არ გვექონდეს, ხვალ ქვეყანა იქცევასო.

ქალს შეეშინდა. კაცმა დაიწყო ორმოს თხრა. დიდი ორმო რომ ამოთხარა, ქალს უთხრა: შენ შიგ ჩაჯექი, მე ცოტა ხანს ვუღარაჯებ ქვეყნის დაქცევასო.

ქალი ჩაჯდა ორმოში, კაცმა ზევიდან გადააფარა ხარის გამხმარი ტყავი და თვითონ დასაძინებლად წავიდა. დილას ადრე გამოუშვა ქათმები, ინდაურები, გოჭები, ღორები და ყველას საკენკ-საჭმელი ხარის ამ გამხმარ ტყავზე დაუყარა. შეიქმნა ზედ ხრიგინ-ხრიგინი, ქათმების კრიახი, ჭუჭყულების წიაქი, გოჭების ჭყვივლი და ერთი ვიუშველებელი. კაცი უმატებდა და უმატებდა საკენკს. როცა მოსალამოვდა, ქმარმა ორმოდან ამოუშვა ქალი და მიულოცა: მადლობა ღმერთს, გადავრჩით, ქვეყანა ჯერ კიდევ არ დაქცეულაო.

ქალი რომ დაერწმუნებინა, სახლის ნაბურავიდან ცოტა ისლიც ჩამოეგლიჯა და ხეებისათვის ტოტებიც დაემტვრია.

გავიდა სამი დღე. ამ კაცს მოაკითხეს, შენმა ცოლმა ოქროები იპოვა და უნდა ჩაგვაბარო. კაცი უარზე დადგა: მე არაფერი ოქრო არ ვიცი, ჩემს ცოლს სახლში არაფერი არ მოუტანიაო.

დაიჭირეს და წაიყვანეს ქმარი. ბევრი აწვალეს, მაგრამ მაინც არ გამოტყდა. საქმე სასამართლოზე მიდგა. დანიშნეს დიდი სასამართლო. ქალიც გამოიძახეს. მან ყველაფერი კაკლა-კაკლად უამბო მოსამართლეს: ნამდვილად მივუტანე ჩემს ქმარს ოქროებიო. ქმარი გამწარდა, ვეღარ მოითმინა და მოსამართლეს უთხრა: ბატონო მოსამართლე, ჩემი ცოლი აბდალია, რაღაცას ბოდავს და მაგის დაჭერება არ შეიძლებაო.

ქალი მოყვა ფიცს. ფიცავდა და ფიცავდა გამწარებული. მაშინ ქმარმა ერთი სიტყვა კიდევ მოითხოვა.

— ერთი ჩემს ცოლს მაინც ჰკითხეთ, როდის, რა დროს მოიტანა სახლში ოქროებიო?

ახლა ქალი გამოდგა და ქმარს უყვირა: არ გახსოვს, ქვეყანა რომ იქცეოდა, იმის წინა დღითო!

— ა, ჰკითხეთ ამისთანა ქალს ჰკუა, როდის იქცეოდა ქვეყანა, ხომ გითხარით, ბატონებო, ჩემი ცოლი აბდალია-მეთქი!—თქვა კაცმა.

ამ სიტყვაზე ქალი მართლა ყველამ გაამტყუნა და მისი ქმარი გამართლეს.

ოქროები შერჩა ამ კაცს და მთელ სიცოცხლეში მის ოჯახს მეტი არაფერი დასჭირვებია.

ალი ართალი, მალი მართალი,
ასი ტყუილი. ერთი მართალი!

მდიდარი და ღარიბი

ერთი მდიდარი და ღარიბი გზაზე მიდიოდნენ. მდიდარს მიჰქონდა ფული, ღარიბს კი — ერთი პეშვი ფქვილი. დაულამდათ. სადაც უნდა მისულიყვნენ, იმ ღამეს იქამდის ვერ მიაღწიეს. ორივეს ჰშია. ფულის ჰამა არ შეიძლება, ხოლო ღარიბის ფქვილი ორივეს არ ეყოფა. დაანთეს ცეცხლი და გამოაცხვეს პატარა კვერი. ღარიბმა თქვა: რა ვქნათ, ეს კვერი ორივეს არ გვეყოფაო.

მდიდარმა უთხრა: კვერი იმან შექამოს, ვინც მეტი სიცრუე თქვასო.

— კარგი, ასე იყოსო, — დაეთანხმა ლარიბიცი.

ჯერ დაიწყო მდიდარმა: მამაჩემი რომ ცოლის მოსაყვანად წავიდა, მაყრად ვახლდი. აქედან წავიყვანეთ ასი მაყარი, იქედან გამოგვატანეს ხუთასი მაყარა. მივედით შინ, რას შვრები ახლა, ჩვენი ვახში ამით საუბმედაც არ ეყოფათ. ბელელში სამოცი ცალი პურის ძარცვალი გვექონდა შენახული. ავკიდეთ ეს პურის მარცვალი ბატს და წავიღეთ დასაფქვევად. ჩამოვიღეთ და ბატი წყალში გავუშვიეთ. დაიფქვა პური. მოვიკითხეთ ბატი და სადლა გყავს! ენახეთ, აგდია ლელეში, ტურას გამოუხრავს ორივე გვერდი. მამაჩემმა თხალის წნელით ამოუღობა გვერდები. ავკიდეთ სამოცი მარცვლის ფქვილი და წამოვიღეთ შინ. პური გამოვაცხვეთ. ბატი დავკალით და მთელ ქორწილს თავზე საყარად ეყოსო.

ახლა დაიწყო ლარიბმა:

— მამაჩემს ხუთი ათასი ძირი ფუტკარი ჰყავდა. დილით ყველას დაითვლიდა და საბალახოდ გაუშვებდა. საღამოს კიდევ დაითვლიდა და სკაში შედენიდა.

ენახოთ, ერთ საღამოს ერთი დააკლდა. ეძება, ეძება, მაგრამ ვერ იპოვა. სამი დღის შემდეგ მოვიდა, ცოტა კისერზე ჰქონდა ტყავი გადაქლეტილი: ვიდაც კაცს დაეჭირა, შეება უღელში კამეჩთან ერთად და სამი ქცევა მიწა დაეხნა. რალა უნდა ექნა. მონახა წამალი. ასწავლეს, ნიგვზის ტალახი დაადევი ზედ და მოურჩებაო. მამაჩემმა დაადო კისერზე ნიგვზის ტალახი და ამ ფუტკარს კისერზე იმოდენა ნიგოზი გაეზარდა, რომ სამ ქცევა მიწაზე აღარ ეტეოდა. გავიდოლით ზედ და ვებერტყავდით.

ერთ დღეს მამაჩემს ნიგვზის ქვიშ დაეძინა. ყვავმა ერთი კაკალი გადმოაგდო და დაეცა თავზე. მამაჩემი წამოხტა და ყვავს გოროხი მიწა ესროლა. გოროხი შერჩა ნიგვზის ტოტზე და იმისთანა ერთი ქცევა მიწა გაკეთდა, რომ იმის ნახვას არაფერი სჯობდა. ავიდა და იმ მიწაზე მამაჩემმა პური დათესა. ისეთი პური მოვიდა, უკეთესი არ შეიძლებოდა. მოვემზადეთ პურის სამკალად და მალლა ავედით. ენახეთ, ყანაში ერთი კურდღელი ჩასულა და პური გაუნადგურებია. მამაჩემმა კურდღელს ნამგალი ესროლა და ზედ ზურგზე დაასო. ირბინა ამ კურდღელმა ყანაში და ცელა პური. ჩვენ მივადექით და ვკონეთ. იმდენი ცელა კურდღელმა, რომ სამნი ძლივს ავუთავდით კონვაში. როცა მოთავდა პურის ცელვა, მამაჩემი გამოეკიდა კურდღელს

და დაიჭირა. იმდენი სცემა, იმდენი სცემა, სანამ ბოლოდან წერილი არ გააგდებინა...

მდიდარმა თავი ველარ დაიჭირა და შეეკითხა:

— ნეტავ, რა ეწერა იმ წერილში?

— რა ეწერა და ღარიბს კვერი და მდიდარს არაფერიო! — უთხრა ღარიბმა.

ღარიბმა შექამა კვერი და მდიდარი დარჩა ცარიელი...

გლახა შვილი

ერთ მდიდარ კაცს ერთადერთი ვაჟიშვილი ჰყავდა. ეს ბიჭი დღე-ღალამე ქეიფობდა, ფულს ხარჯავდა და ლალად ცხოვრობდა. მამამ მდიდარი იყო და შვილს რისთვის დაენანებოდა ფულების ხარჯვა. სხვებსაც რა ენაღვლებოდათ, ნახეს აბღალი და თლიდნენ სანამდისაც სილბო ჰქონდა. მამამ რამდენჯერმე სთხოვა შვილს, ჩამოშორებოდა ასეთ ამხანაგებს: მე რომ მოვკვდები, მთელ ქონებას გაფლანგავ და აღარაფერი დაგრჩებაო, მაგრამ შვილი მამის რჩევას ყურსაც არ უგდებდა.

— ჩემი ამხანაგები ჩემი გულისთვის თავსაც კი დადებენო, — ამბობდა ის.

ამდენ ხვეწნა-სწავლებაში მამა მოხუცდა. ერთ დღეს ავად გახდა, ხედავს, სიკვდილი მოუახლოვდა. დაიბარა შვილი და უთხრა: შვილო, შენ ჩემ სიცოცხლეში არაფერი არ დამიჭერე. მაგრამ ერთ რამეს დაგიბარებ და სიკვდილის შემდეგ უსათუოდ შემისრულეო...

შვილმა ეს რომ გაიგონა, გული აუჩვილდა, ატირდა და მამას ისე შესცქეროდა.

— როცა მოვკვდები, — განაგრძო მამამისმა, — შენ ჩემს ქონებას შექამ, გაპყიდი და გაანადგურებ. საქმე თავის მოკვლაზე მიგიდგება. მაგრამ გთხოვ, ნურც წყალში დაიხრჩობ თავს, ნურც თოფით და ნურც დამბაჩით მოიკლავ თავს; ჩვენ რომ ყრუ სარდაფი გვაქვს დაბლა, შედი შიგ, დადექი სკამზე, იქვე თოქს დაინახავ. გაუყარე კისერი მარყუჟში, გაჰკარი სკამს ფეხი და ჩამოიხრჩობიო.

შვილს, რასაკვირველია, ასეთი ანდერძი არ ესიამოვნა, მაგრამ სხვა რა გზა ჰქონდა, დაიმხსოვრა.

მეორე დღეს მამა მოკვდა. დარჩა ბიჭი მარტო. ახლა უფრო უმატა ქეიფსა და ფულების ფლანგვას. მამის ქონება თითქმის გაანადგურა.

ფული შემოაკლდა. უფულოდ რომ დაინახეს, ამხანაგებიც ჩამოშორდნენ, დარჩა ცარიელი.

ერთ საღამოს ამ ბიჭის ძველ ნაცნობთან ვახშამი იყო დანიშნული, მიმსვლელებს ხორცი ან პური უნდა მიეტანათ. ამხანაგებმა არც კი შეატყობინეს, რადგან იცოდნენ, ბიჭი გაკოტრებული იყო და ფული არ ჰქონდა. ბიჭმა ეს შეიტყო და ერთი სიკვდილი მოკვდა, ჩავარდა საგონებელში, რა ექნა, არ იცოდა. ბევრი იფიქრა, მერე მივიდა ერთ ნაცნობ უსაბთან.

— შენ მამაჩემს კი იცნობდი, მეც კი ხეირი მომიცია, რამენაირად მიქენი კაცობა, ერთი ბეჭი მანდყო, — უთხრა.

უსაბმა იმავე წუთში დანით გადახსნა ყველაზე საუკეთესო ბეჭი, გაუკეთა ხელის გამოსაყოფი, ბიჭმაც გამოუყარა ხელი და არხეინად გასწია ვახშამზე. მიდის გზაზე და ფიქრობს, თუ რას მეტყვიან ამხანაგები, როგორ შემხვდებიანო. ამ ფიქრში რომ არის, უცებ გამოვარდა უშველებელი ძაღლი, ეცა ბიჭს და წაართვა ძლივს ნაშოვნი ბეჭი. ბევრი სდია, ბევრი ეწვალა, მაგრამ არ იქნა, ძაღლი გაიქცა და ბეჭი ვერ გააგდებინა. ახლა კი მართლა დაღონდა. წავიდეს? როგორ წავიდეს, რცხვენია, არა და გული ერჩის, წასვლა უნდა. ბოლოს, გადაწყვიტა: მივალ, გამოვუტყუდები ამხანაგებს, ასე და ასე დამემართაო.

მივიდა. ყველა დაცინვითა და სიცილ-ხარხარით შეხვდა: დაუპატიუებელ სტუმარს გაუმარჯოს! აბა, ჩამოართვით ძღვენი, დატვირთული მოვიდაო! ზოგი იმასაც ეუბნებოდა: გვიკვირს, როგორ გაიგე დღევანდელი ვახშმის ამბავიო!

ბიჭმა გაჭირვებით უამბო ამხანაგებს თავგადასავალი, თუ როგორ წაართვა წყეულმა ძაღლმა ბეჭი, მაგრამ ამხანაგებს ეს სასაცილოდაც არ ეყოთ, სად ჰქონდა ამ გლახას ბეჭის ფულიო. ზოგმა თქვა: აჭამეთ მაინც და წავაო! თუმცა ჯერ ვახშმის დრო არ იყო, მაგრამ ამ ბიჭს გამოუტანეს საკმელი და უთხრეს: ჰამე და გასწი, შენ ხომ მართო ჰამისათვის მოხვედიო!

ბიჭი დიდად შეურაცხყოფილი დარჩა. არცა ჰამა, არც დალია, ადგა და წავიდა. გზაში ფიქრობს: აი, მოვიდა ის დრო, მამაჩემმა რომ დამიბარა, ამის შემდეგ რაღად ღირს ჩემი ცხოვრება, თავი უნდა მოვიკლაო!..

იმ ღამით წუთიც არ უძინია. გათენებამდის ადგა. გამოვიდა და სახლის წინ დაჯდა. დაინახა, ნაქეიფარი ამხანაგები მოდიან, ეტლებში სხედან, მღერიან. ახლა მთლად დაკარგა გონება: რაღად მინდა ასეთი ცხოვრება, გაჯახირებული და სირცხვილნაჭამი დავრჩიო.

ადგა და გაიქცა სარდაფში თავის ჩამოსახრჩობად. შედგა სკამზე, იქვე მარყუჟად გამოსკვნილი თოკი დაინახა, გაუყარა შიგ თავი, გაჭკრა სკამს ფეხი, მაგრამ ეს თოკი ჩამოვარდა და დაბლა ორი ფიცარი ჩამოჰყვა. ფიცრების ჩამოვარდნა და ბაჭალო ოქროების ჩამოცვენა ერთი იყო! ბიჭს უზომოდ გაუხარდა. მოიშორა კისრიდან თოკი. აკრიფა ოქროს ფული და შეინახა. ნაწილი ჯიბეში ჩაიდო და წავიდა ბაზარში რამე-რუმის საყიდლად. დაიჭირა მზარეულებიც და დაავალა: გამიწყეთ ისეთი მაგიდა, რომ უკეთესი არ იყოს, არ აკლდეს არც ერთი საჭმელიო.

თვითონ დაიჭირა ათი მოკრივე და მოჩხუბარი ბიჭი, მეორე ოთახში დამალა ისინი და უთხრა: თქვენ ამ ოთახში დამიცადეთ, ხელში მათრახები გეჭიროთ, რასაც ხედავთ და კეთდება, ჩვენი შესაჭმელია, ოღონდ მე რომ დაგიძახოთ, აბა, დაჰკარით, ბიჭებო-თქო, გამოცვივდით და ურტყით ცხვირ-პირში ჩემს სტუმრებსო.

წინასწარ მოკრივეები გვარიანად წააქეფა და ჩხუბის ხასიათზე მოიყვანა. თვითონ წავიდა და ამზანაგები დაპატიჟა, ყველას სახლში ეტლი და ძღვენი გაუგზავნა. ქეიფი საღამოსათვის დანიშნა.

საღამოს სტუმრებმა ადრე მოიყარეს თავი. მასპინძელმა ისინი მიიპატიჟა გაწყობილ მაგიდასთან. გაივსო დარბაზი სტუმრებით. ის იყო, ჭამა უნდა დაეწყოთ, მასპინძელმა სიჩუმე მოითხოვა, წამოდგა ზეზე და დაიწყო: მე უნდა შევსვა მამიჩემის შესანდობარი საღლე-გრძელო, იმ მამიჩემისა, რომელმაც დიდძალი ქონება დამიტოვა. მთელი ქონება და ფული მე თქვენთან გავფლანგე, მეგონა, ყველაფერი გამოვლიე, მაგრამ დღეს ჩავედი სარდაფში და მთელი ოთახი სავსე დამხვდა ოქროს ფულითა და რკინითაო. მაგრამ ნახეთ ჩემი უბედურება, ეს რკინები, ყველა რომ გამეყიდა, მთელ ქვეყანას ეყოფოდა, მაგრამ ნახევარზე მეტი თავგებს შეუქამია, ღროზე რომ მენახა, ამოდენა ქონებას გადავარჩინდიო.

ერთმა-ორმა სტუმარმა ეს ამბავი თითქოს გაიკვირვა, დანარჩენები დაეთანხმნენ, თავი უეჭველად შექამდა რკინას, თორემ მასპინძელი ხომ არ მოიტყუილებსო!..

მაშინ ბიჭმა ველარ მოითმინა და იყვირა: თქვე უნამუსოებო, გუშინ რომ გითხარით, ბუჭი ძაღლმა შემიჭამა-მეთქი, დამცინეთ, ახლა როგორ მეთანხმებით, რკინას როგორ შექამდა თავიო? დაუძახა მოკრივეებს: აბა, ბიჭებო, დაჰკარით რამდენიც შეგიძლიათო! ეცნენ მოკრივეები და სულ თავ-პირი დაამტკრიეს სტუმრებს. ყველა კინწისკვრით გააძევეს. თვითონ მიუსხდნენ სუფრას და კარგად იქეიფეს.

შემდეგ ამ ბიჭმა დაფიქრებულად გამოიზოგა მამის მიერ დატოვებული ოქროები და იცხოვრა ბედნიერად.

აქისთანა და აქის უარესი

იყო და არა იყო რა, ღვთის უკეთესი რა იქნებოდა. შაშვი იყო მგალობელი, ღმერთი ჩვენი მწყალობელი. ცხოვრობდა ერთი ჩოფანო კაცი. სახლში არაფერი არ ჰქონდა. ედგა ნახევრად დანგრეული ჯარჯვლა, რომელსაც აქეთ-იქით ბიჯებში ჰქონდა მიყუდებული. ქარს რომ არ წაექცია.

კაცს მუშაობაც ეზარებოდა. ყოველდღე წაღმა-უკუღმა დაეხეტებოდა. ხან ერთ მეზობელთან მიდიოდა, ხან — მეორესთან. შინ წასვლასაც ვერ ახერხებდა. ამიტომ მისი სტუმრობა ყველას სძულდა.

ბოლოს, გადაღმა სოფლიდან მოიყვანა კაი გოგო და ცოლად დაისვა. ეს ქალი, თურმე, შრომას იყო შეჩვეული და როცა დაინახა, ქმარი სახლს არ შორდებოდა, ჩხუბი დაუწყო: კაცო, ხელი გააქანე, საღმე წადი, ფული იშოვნე, თორემ მშვივრები დავიხოცებითო.

კაცს არ უნდოდა სამუშაოდ წასვლა. როგორ ვთქვა, მაგრამ დილას ადგომაც კი ეზარებოდა თბილი ლოგინიდან. ის გაჭირვებული თვითონ ვერაფერს ახერხებდა. სანამ ცოლი ფერდებში მუშტებს არ უთავაზებდა და ლოგინიდან არ გადმოაწიკუნტალებდა, დილაობით არ დგებოდა.

ერთხელ, როცა ნახესხები გავიდა, ნააღდგომეცს, ქალმა უთხრა: კაცო, საღმე ყანა დათესე, შენი თუ არა გაქვს, სახელმწიფო მიწა მაინც მოხანო.

ქალმა გადაირბინა მეზობლისას, ითხოვა ხარები, კავ-სახნისი და მისცა ქმარს: შენ სამუშაოდ წადი, მე სადილს გავაკეთებ და ყანაში მოგიტანო.

წავიდა კაცი. იარა, იარა და მიადგა კოდარას გორას. იქ, დათუნა-შვილების მამულის ახლოს, სახელმწიფო მიწა დაინახა და დაუწყო ხვნა ხნავდა და ხნავდა გამწარებული. ჯერ კიდევ ადრე იყო. ცოლის ჯიბრზე ბევრი უნდოდა ემუშავა. ხნავდა და ხნავდა. მაგრამ უცებ ხარები გაჩერდნენ. კაცმა შოლტი მოუქნია და „აჰიო“ — შეუძახა. ხარებმა ერთი გაიწიეს და ისევ გაჩერდნენ. თურმე სახნისი მიწაში რალაცას მოდებოდა.

ხარებმა ერთი კიდევ გაიწიეს და მიწიდან ამოაგდეს ცისა და ქვეყნისოდენა ზანდუკი. ამ კაცს შეეშინდა. ააკანკალა. იფიქრა: ახლა წამდვილად დავიღუპე, ოჯახი დავღუპე, ამ სახელმწიფო მიწაში რალაც შენახული ყოფილა და ჩვენი ხელმწიფე მომკლავსო, როგორც იყო, შიშით გახსნა ზანდუკი და რას ხედავს მისი თვალები: მთელი ზანდუკი ოქროს ფულით არის გავსებული! ორი-სამი თუ ერაა შიგ

ვერცხლისა და სპილენძის ფული, თორემ ისე სულ ოქროებით იყო სავსე ამხელა ზანდუკი. კაცმა ტირილი დაიწყო: ამ ამბავს ვილატ ხელმწიფეს შეატყობინებს და ჩამომხარხოზებენო.

ტირის საწყალი კაცი. ამასობაში გზაზე ერთი მღვდელი გამოჩნდა. სოფელში წირვა ჩატარებინა, ხურჯინი აეგსო ქათამ-ხაჭაპურებით და ძლივს მიათრევდა ჯორი. მღვდელს ძალიან შეეცოდა ეს კაცი და ჰკითხა:

— შეილო, რა წაგეკიდა, რად ტირიო?

— ასე და ასეა, მამაო, ჩემი საქმე, — უთხრა კაცმა.

მღვდელმა დაანუგეშა: ეს არაფერია, მე გადაგარჩენ, მხოლოდ როგორმე მომეხმარე, ეს ოქროები ამ ჩემ ხურჯინში ჩამაყრევიყო.

საწყალ კაცს გაუხარდა: ეს რა მთავარანგელოზი გამომეცხადაო. მღვდელმა მთლად გაცალა ზანდუკი. დიდ-დიდი ოქროები ხურჯინში ჩაიყარა, ამ კაცს კი მისცა პაწ-პაწა სპილენძის შაურიანები: წაიღე, არაფერია, მე შევეხვეწები უფალს და ხელმწიფე გააბატებსო.

ამასობაში შუადღე გახდა. მღვდელსაც და ამ კაცსაც გვარიანად მოშივდათ. გაიხედა კაცმა და დაინახა მისი ცოლი, მოჰქონდა სადილი და ერთი დოქი ღვინო. გაიქცა და მიახარა ასე ადვილად გადაჩენის ამბავი: ასე და ასე დამემართა და ამ ღვთისნიერმა მღვდელმა დამიხსნა ფათერაკისაგანო. ცოლმა გვარიანად ჩაუსისტიქინა საწყალ კაცს.

რალას იზამდა ქალი. დაბატოდა სადილზე მღვდელი, ქმარს კი ყურში ჩაუჩურჩულა: მღვდელმა ჩემი სახელი თუ გკითხოს, უთხარი, ამისთანა ჰქვია-თქო, შენ კი — ამისუარესი მქვია-თქო.

დაიწყეს სადილობა. ქალმა დაასხა ჯამში ღვინო და დააღვინა მღვდელს. ქმარს კი ერთი წვეთიც არ მიაწოდა.

კაცმა უთხრა: პატარა მეც დამაღვინე ეგ ღვთის მოცემულიო, მაგრამ, შენც არ მომიკვდე, არ გაუგონა და, როცა მეორეჯერაც სთხოვა, ღვინო დამისხიო, ისეთი თვალებით შეხედა, რომ ღვინო კი არა, სადილის ჰამაც კინალამ მიატოვებინა.

ერთი თუ ორი, ერთი თუ ორი, ყლაპა და ყლაპა მღვდელმა ეს ჩხავრის ღვინო!

— რალამც ასეთი პატივი მეცით, თქვენი სახელები მაინც მითხარითო! — უთხრა მღვდელმა მათ.

კაცმა მღვდელს თავი გააცნო ისე, როგორც ცოლმა ასწავლა. ამასობაში მღვდელი ისე დათვრა, რომ მთლად აერია გონება, თავბრუ დაეხვა.

— ჩემო დაო, დამაწვინე სადმეო, — უთხრა ქალს. ქალმაც აიყვანა და იქვე ჭირკზე მიაწვინა.

— ახლა დაფაცურდი, — უთხრა ქალმა ქმარს, — ეს ოქროები ატყიდე ჯორს, შენც ზედ შეაჯექი და სახლში მიაარბენინეო!

კაცი ასეც მოიქცა. გადააკიდა მღვდლის ჯორს ზურგზე ოქროებით გავსებული ხურჯინი, გაირეკა წინ ხარები და დააყარა გზას ძუნძული. მღვდელმა კი ხვრინეა ამოუშვა.

ქალი მაშინვე გაიქცა იქვე ახლო მეზობლისას. ითხოვა მაკრატელი და მიიღებინა მღვდელთან. მღვდელს კი ისე ეძინა, რომ მის ყურებთან ზარბაზნები რომ გაგესროლა, მაინც ვერაფერს გაიგებდა. ქალმა ჩუმად მოაკრიჭა ცალი მხარე წვერი და უღვაში. შემდეგ მაკრატელი პატრონს დაუბრუნა და გამოუდგა უკან ქმარს.

როცა მოსალამოვდა, მღვდელს გამოეღვიძა, გაიხედ-გამოიხედა და ველარავინ დაინახა. ველარც ჯორსა და ხურჯინს მოჰკრა თვალი. რალა უნდა ექნა საწყალ მღვდელს. ადგა და იგიც გამოუდგა უკან გაქცეულ ცოლ-ქმარს.

გზაზე მუშა კაცები შემოხვდნენ.

— გამარჯობა თქვენი! — დაუძახა მღვდელმა.

— გაგიმარჯოს! — უპასუხეს.

— იქნებ ამისთანა დაინახეთ აქ გამოვლილი?

მუშებს გულიანად გაეცინათ და უპასუხეს:

— არა, მაგისთანა არსად არ გვინახავსო.

მირბის მღვდელი. გზაზე კიდევ შეხვდა ხალხი. მათაც მიესალმა.

— გამარჯობა თქვენი!

— გაგიმარჯოს!

— ეგებ ამისუარესი ნახეთ სადმე?

— მაგის უარესს რას ვნახავდით, ცალი მხარე წვერი და უღვაში აღარ გაქვსო! — სიცილით უთხრეს მღვდელს.

მღვდელმა ახლა მოისვა პირზე ხელი და დაინახა, რომ ცალ მხარეს არც წვერი ჰქონდა და არც უღვაში. მაშინ მიხვდა: იმ ეშმაკის გამოგზავნილმა ცოლ-ქმარმა მიქნა ყველაფერი, მომატყუესო. ასე დარჩა საწყალი მღვდელი კუდამოძუებული.

ცოლ-ქმარი კი ამოდენა ოქროებით გამდიდრდა. დაიდგეს ორსართულიანი სახლი, შეეძინათ შვილები და დაიწყეს ბედნიერი ცხოვრება.

ჭირი იქა, ლხინი აქა,
ქართო იქა, ფქვილი აქა.

ქოსატყუილა ღიაკონი

იყო და არა იყო რა, ღვთის უკეთესი რა იქნებოდა. იყო ერთი ქოსატყუილა ღიაკონი. თავის სოფელში ყველა იცნობდა და სიცრუის ლაპარაკის გამო ხალხს სძულდა. მიხვდა, რომ ამ სოფელში აღარ დაედგომებოდა და აქედან აიბარგა. წავიდა ბედის საძებრად.

ბევრი იარა, თუ ცოტა იარა, მივიდა ერთ სოფელში. შეიტყო, აქ ცხოვრობდა მდიდარი ხუცესი, რომელსაც კუდის ძირამდის გაეტყავებინა თავისი მრევლი. ხუცესს ერთი ქალიშვილის მეტი არავინ ჰყავდა. ღიაკონმა გაიგო ისიც, რომ ამ ხუცესის ღიაკონი არმობრუნდის ქვეყანაში წასულიყო და მიადგა კარზე.

— აღგილი თავისუფალი გქონებიან, ბატონო ხუცესო, როგორც შემიტყვია და ამისათვის გიახელი. გამიცანი, ამისთანა-ამისუარესი მქვიაო, — გააცნო თავი მისვლისთანავე ქოსატყუილა ღიაკონმა, — თუ კარგ მდგომარეობაში ჩამაყენებ, ჩემს უკეთეს ღიაკონს ვერც ხასიათით და ვერც საღვთო წიგნის ცოდნით, სანთლით რომ ეძებო, ვერ იშოვნით.

ხუცესიც ასეთ ღიაკონს ეძებდა. პირობაზეც მორიდდნენ. ერთმანეთის მოთხოვნილებები დაწერეს და მამასახლისს დაამტკიცებინეს. პირობის ძალით, ხუცესი ვალდებული იყო ღიაკონისათვის ბინა მიეცა თავის ოჯახში, აგრეთვე მრევლიდან შემოსავლის მესამედი ფულად გაენაწილებინა. საკურთხი და არჩივი საერთოდ უნდა ექამათ. პირობაში ეწერა აგრეთვე, რომ ხუცესი ღიაკონს ვერ დაითხოვდა, თუ თვითონ არ მოისურვებდა წასვლას. პირობის ვადად სამი წელიწადი დააწესეს. თუ სამ წელზე აღრე ხუცესი მოინდომებდა ღიაკონის გაგდებას, მაშინ მისთვის ნახევარი ოჯახი უნდა მიეცა. ღიაკონს საეკლესიო საქმეებს გარდა ხუცესის ოჯახშიაც უნდა ემუშაე, აესრულებინა ყველაფერი, რასაც ხუცესი უბრძანებდა.

პირველ წელიწადს ღიაკონი პირობას ერთგულად ასრულებდა. ხუცესსაც მზე მასზე ამოსდიოდა. მაგრამ ქოსატყუილა ღიაკონი დროსა და შემთხვევას ეძებდა. ხუცესის ქალიშვილზე თვალი ექირა და ღლედაღამე იმას ფიქრობდა, როგორ ჩაეგდო ეს გოგო ხელში. ღიაკონი ამჩნევდა, რომ ქალიშვილი მამის უნებართვოდ არაფერს აკეთებდა და ეშმაკობა იხმარა. ერთ ღღეს ხუცესმა ღიაკონი წაიყვანა გორაკზე და შეშის პობა დაიწყო. ღიაკონმა დაჰკრა უშველებელ მორს ცული და ჩადო შიგ სოლი.

— აბა, გამოიანგარიშე, რამდენი თითის დადებაზეა გაპობი-

ლო! — უთხრა დიაკონმა. ხუცესმა თქვა: ორი თითის დადების მეტი არ იქნებაო.

— რის ორი. ოთხი თითის დადებაზე მეტია, როგორ ვერ ხედავო! — შეუტია დიაკონმა, შექმნეს დავა. საქმე ნაძლევეზე მივიდა. ხუცესმა თქვა: დავზომოთო.

— კი, ბატონო, დავზომოთო.

ხუცესმა გაპობილ ქართუხში ჩაყო ხელი თუ არა, ეშმაკმა დიაკონმა უცებ ამოაძრო სოლი. ხუცესს დარჩა ხელი გაპობილ მორში და მორთო ყვირილი: მიშველეთ, მოვკვდი კაციო!

დიაკონი ვითომ შეშინდა და ფაფხური დაიწყო: სხვა რა გიშველო, გავიქევეი სახლში, თუ შენი ქალიშვილი გამომატანს, სატეხ-კორკოტინას მოვიტან, ამოვჭრი მორს და გაგათავისუფლებო.

უთხრა დიაკონმა და გაიქცა შინისაკენ. მივარდა ქალიშვილთან და უთხრა: მამაშენმა შემოგითვალა, უნდა დამნებდე, თორემ ის ვილაც ტყიურმა კაცმა დაიჭირა და მოკლავსო.

ქალიშვილმა უარი უთხრა: მაგას მამაჩემი არ იტყოდაო! გაბრაზდა დიაკონი, შედგა კარზე და ხუცესს გასძახა: შენი ქალიშვილი არ მიყერებსო.

ხუცესმა იქიდან ყვირილი მორთო: არიქა, შვილო, მიშველე, რაც გითხრას, დაუჯერე დიაკონსა, თორემ მოვკვდი კაციო.

ქალიშვილი მამის ბრძანებას ხომ არ გატეხდა და დიაკონმაც შეისრულა სურვილი. წაიღო სატეხ-კორკოტინა და ნელ-ნელა წავიდა ხუცესისაკენ. ამოტეხა მორი, ხელი გაუთავისუფლა და ცოცხალ-მკვდარი ხუცესი სახლში წამოიყვანა. ცოტა ხანში ხუცესმა ყველაფერი გაიგო, მაგრამ პირობის ძალით დიაკონს ვერ გააგდებდა და ამიტომ ისევ გაჩუმება ამჯობინა.

ამის შემდეგ ხუცესი და დიაკონი ერთმანეთისათვის ის აღარ იყვნენ, რაც უწინ. ხუცესი მიზეზს ეძებდა, მაგრამ არც დიაკონს ჰქონდა თვალეზი დახუჭული.

გავიდა დრო. მოაღწია კალანდობამ. დილით, რასაკვირველია, ხუცესმა და დიაკონმა დიდი წირვა ჩაატარეს. იმ დღეს საშინელი ყინვა და ქარი იყო. რომ გამოწირეს, ხუცესმა დიაკონს უთხრა: წინ-წინ წადი და ისეთი ცეცხლი დამახვედრე, ჭიშკართან მომათბოსო.

— ბატონი ბრძანდები, დავანთებ მასეთ ცეცხლსო. — უთხრა დიაკონმა და სახლში გაიქცა.

ხუცესი რომ ჭიშკართან მივიდა, მართლა მიათბო ცეცხლმა: ქოსატყუილა დიაკონს სამზადი სახლისათვის ცეცხლი წაეკიდებინა და ის იწვოდა. ბევრი იყვირა ხუცესმა, მაგრამ როცა საქმე საქმეზე მი-

ვიდა, თვითონ გამტყუნდა: აბა, სხვა რა მექნა, როგორ დამენთო იმოდენა ცეცხლი, რომ ჭიშკართან მოგებობოდაო! ხუცესი გაგდებით დაემუქრა, მაგრამ დიაკონმა პირობა რომ გაახსენა, ისევ გაჩუმდა.

ბევრი იფიქრეს ხუცესმა და მისმა ცოლმა, თუ როგორ მოეშორებინათ თავიდან დიაკონი, მაგრამ სახირო ვერაფერი მოიფიქრეს.

ერთ დღეს ხუცესმა უთხრა დიაკონს: ვილაცას მარნიდან ღვინო მოუპარავს, ღამლამობით იქ უნდა დაწვე, კიდევ არ მოგვპარონო.

— ბატონი ბრძანდები. დავწვებიო! — უთხრა დიაკონმა და ქვეშაგებლით გადასახლდა მარანში.

შუალამე რომ გახდა, ხუცესი წამოდგა, დაიჭირა ხელში ნაჯახი, შეიპარა მარანში და რაც ძალი და ღონე ჰქონდა, დასცხო მძინარე დიაკონს. დიაკონმა საშინელი ტალახისფერი სისხლი გამოასხა. შეშინებული ხუცესი მივარდა ცოლთან: არიქა, მიშველე, ის ურჯულო მოკვალი, სისხლით დამსვარა, ჩქარა გამიწმინდე, არავინ გაგვიგოსო.

შეშინებული ქალი შეუდგა წმენდას: იმ წაწყმენდილს როგორი სისხლი ჰქონია, ადვილად ირეცხებო. ხუცესმაც გაიკვირვა: როგორ აბღღურს ლაპარაკობ, დედაკაცო, ცოდვილებს რომ ასეთი სისხლი აქვთ, ეს აქამდის არ იცოდით! ბოლოს მოილაპარაკეს: როგორც გათენდება, შენ კვილი დაიწყე, მე კი მაძასახლისთან გავიქცევი და ვეტყვი, დიაკონი მომიკლა ვილაცამ და მიშველე-მეთქი. დაიმედებულმა ხუცესმა და მისმა ცოლმა დაიძინეს.

ჯერ გათენებული არ იყო, რომ ხუცესის ცოლმა კვილი ასტეხა. ხუცესი მაძასახლისთან გაიქცა. ხალხმა თავი მოიყარა. მაგრამ რას ხედავს ხუცესი: ხალხს კი არ მოჰყვა თან მისი დიაკონიც! დიაკონმა ახლა თავი გამოიღო და ტრახახი დაიწყო, რომ თავის საწოლში თხლით სავსე ტიკი დააწვინა, თვითონ კი კუთხეში მიჯდა და თვალყურს ადევნებდა, თუ როგორ შემოიპარა მარანში ვილაც ქურდი, მაგრამ ვერ იცნო, თუმცა წვერი ხუცესს უგავდა, დაჰკრა ტიკს ნაჯახი და გადარეულივით გაიქცა.

ახალი ამბავი მთელ სოფელს მოედო. დაიწყეს სიცილი და ხარხარი.

ხუცესი რაღას იზამდა, ისევ ბოდიში მოუხადა დიაკონსა და დაიწყეს ჩვეულებრივი ცხოვრება. ამასობაში მოვიდა აღდგომა. ხუცესმა მაგრად გადაჰკრა და მკვდარივით დაეძინა. ხუცესის ცოლი და ქალიშვილი მეზობლებში წასულიყვნენ. დიაკონმა დრო იშოვნა. გასაპნა ხუცესი, გამოიტანა სამართებელი და ნახევარი წვერ-ულვაში და თმა მოპარსა. ამას რომ მორჩა, თვითონაც სტუმრად წავიდა.

ხუცესს მოგვიანებით გამოეღვიძა. მაშინვე მიხვდა, რაც მოსვლოდა და ვისი მიზეზით. გამწარდა კაცი. გადმოიღო თოფი და გამოუღდა დიაკონს მოსაკლავად. დიაკონმა ეს რომ დაინახა, გაიქცა. ხუცესი დარბის და კითხულობს: შეილებო, ამისთანა ხომ არსად გინახავთო?!

— სწორედ მაგისთანა არაფერი გვინახავსო! — პასუხობენ.

— აბა, ამისუარესი მაინც არ გინახავთო?

— მაგის უარესი ღმერთმა ნუ გვაჩვენოსო, ხუცესო, ნახევრად გაპარსულხარო! — სიცილ-კისკისით ეუბნებოდნენ.

ხუცესმა მთელი სოფელი შემოირბინა, მაგრამ დიაკვნის კვალს ვერ მიაგნო. გაბრაზებულიყო დიაკონიც და მეორე ღღეს ხუცესს შუაკაცები მიუგზავნა.

— მე წასვლა არ მინდა, შენ თუ ძალით მაგდებ, პირობის თანახმად, შენი ოჯახის ნახევარი კაკლა-კაკლად ჩამაბარე, თორემ ვერ გაპატიებ, თოფით რომ მოსაკლავად მომღვედი. თუ პირობას არ შემისრულებ, იმასაც გაგიხსენებ, მარანში რომ მკლავდი და ციმბირში ამოგაყოფინებ თავსო.

შეშინდა ხუცესი. ამ სიბერისას რაღა დროს ციმბირი იყო. შუაკაცებმაც შერიგება ურჩიეს და ისევ შერიგდნენ. რახან ეს დიაკონი ველარ მოვიშორე, უეჭველად ის ყოფილა ჩემი შემცვლელიო, — იფიქრა ხუცესმა და მეორე ღღეს მის ქალიშვილსა და ქოსატყუილა დიაკონს ჭვარი გადასწერა. დიაკონი, რასაკვირველია, ჩამოისიძა, რადგან ვაჟიშვილი არა ჰყავდა. მთელი ქონება მას დაუმტკიცა და მრევლიც გადაულოცა. გაიმართა დიდი ქეიფი. ყველას უხაროდა, რომ ღმერთმა კარგი ხუცესი გამოუგზავნა ამ მრევლს.

ისინი იყვნენ ჭირში,
ჩვენ ვიყავით ლხინში.
ცხრაი ვაშლი ჩამოვადე,
ცხრაი კიდე ბროწეული,
ღმერთმა ყველას მოგახმაროთ
თქვენც მკლავით მოწეული.

გავუფუჭელი მღვდელი

იყო და არა იყო რა, ღვთის უკეთესი რა იქნებოდა. იყო ერთი მდიდარი სოფდაგარი, საკუთარი ეკლესია ჰქონდა, ჰყავდა საკუთარი მღვდელი, ჰქონდა საკუთარი აბანო, ჰყავდა ცოლი და ქალ-ვაჟი. მოუკვდა ცოლი, იგლოვა როგორც შეეფერებოდა და მოიყვანა მეო-

რე ცოლი; იმას მოჰყვა ერთი ქალი. სოვდაგრის ქალი ლამაზიც იყო, ტანადიც, ხელგამრჯეც. მთელ დღეს სულ საქმეში, წერა-კითხვასა და ლოცვა-ვედრებაში ატარებდა. დედინაცვლის ქალი კი არც ლამაზი იყო, არც ტანადი, არც საქმე უყვარდა, მთელი დღე ზარმაცად ამთქნარებდა და წერა-კითხვა ხომ ჭირივით ეჯავრებოდა. თვითონ სოვდაგარი შორს იყო წასული სეაჭროდ და ვაჟიც თანა ჰყავდა.

დედინაცვალს შური აღეძრა გერზე, რადგანაც თავისი ქალი სათვალო არა ჩანდა და ის კი დღითი დღე ლამაზდებოდა. იფიქრა: „თუ ამას არა მოუფეგონე რა, ჩემი ქალი თავის დღეში ვერ გათხოვდებაო“. ერთ დღით ადგა თუ არა, დაიბარა თავიანთი საკუთარი მღვდელი და უთხრა: შენ თუ ჩემს გერს არ შეარცხვენ, მღვდლობიდან დაგიტხოვო და თუ ამისრულებ, გაგამდიდრებო.

მღვდელმა პირველად თუმცა უარი უთხრა, მაგრამ, თვალი ხარბია, მეტადრე მღვდლისა. ბოლოს ჰკითხა: აბა, როგორ შევარცხვინო, მასწავლეო?

სოვდაგრის ცოლმა უთხრა: აბანოში წადი, დაიმაღლე და იმასაც იქ გამოვგზავნი, იქ შეგიძლიაო.

როცა მღვდელი გაისტუმრა აბანოში, თვითონ მივიდა ქალთან და უწყყო საყვედური: ასე რადა ზიხარ, ადექი, აბანოში წადი, იბანავე, სუფთად ჩაიცივი, მამაშენს მოსვლა უთქვამს, ასე ხომ არ დაუხვდებიო?!

ქალს თუმცა გაუკვირდა თავისი დედინაცვლის ასე მზრუნველობით მოპყრობა, მაგრამ მაინც ადგა და წავიდა აბანოში. შევიდა და მღვდელი რომ იქ ნახა, უარესად გაუკვირდა.

— აქ რად მოსულხარ, გადი აქედანაო!

— შენი სიყვარულით ვგიჟდები და თუ ერთად არ ვიბანავეთ, არ შემიძლიაო, — უპასუხა მღვდელმა.

ქალმა უთხრა: მაგას როგორ მეუბნები, შენს ხელში დავიბადე, შენი ხელით მოვინათლე, მამაჩემის რატომ არა გრცხვენია, ან არ გეშინიაო?

მღვდელი მაინც არ ეშვებოდა. რას გააწყობდა ქალი. ბოლოს უთხრა: კარგი, შენ ხელთა ვარ, სად წავალო, გაიხადე, ჯერ შენ იბანავე, მე დაგბან და ბოლოს მე ვიბანავებო.

მღვდელი დათანხმდა, გაშიშვლდა. ქალმა წაუსვა საპონი და დაუწყყო წყლის დასხმა, თანაც კარებისაკენ დგებოდა. ბოლოს, აიღო და ადუღებული წყალი დაასხა. მღვდელმა ყვირილი მორთო. ქალმა იდროვა, გააღო კარები და გაიქცა, მივიდა სახლში, დაჯდა თავის

ოთახში და ხელსაქმეს შეუდგა. მივიდა დედინაცვალი და ჰკითხა: მალე რად დაბრუნდი, ასე მალე როგორ იბანავეო?

ქალმა ხმა არ გასცა. დედინაცვალი წავიდა მღვდელთან. მღვდელი ლოგინში დაუხვდა მთლად დაფუფქული, სანხე დაიარავებული, თმა- და წვერულვამგაცივებული. გაუკვირდა და ჰკითხა: ეს რა დაგმართია, ან ქალი ისე ჩქარა რატომ დაბრუნდაო?

მღვდელმა უამბო ყოველივე და დაუმატა: ახლა როგორღა გაკიდე ხალხში? თმა და წვერი აღარა მაქვსო.

დედინაცვალი მაშინვე წავიდა, თავიანთი სახლის ექიმი გაუგზავნა და დააწყებინა წამლობა. თუმცა იარები მალე მოურჩა, მაგრამ თმა და წვერი კი აღარ ამოუვიდა.

დედინაცვალი ძალიან დააფიქრა ამ ამბავმა. თუ არ დავლუპე როგორმე ჩემი გერი, მამამისი რომ მოვა, ეტყვის ყველაფერს, გამოჰკითხვენ მღვდელსაც და ჩემი საქმე ცუდად წავაო. ადგა და თავის ქმარს წერილი გაუგზავნა: „ამ შენმა სასიკვდილე ქალმა შეგვარცხვინა, ღამე სხვაგან დადის, თავი მოგვჭრაო“. მამამ რომ წერილი წაიკითხა, უთხრა თავის შვილს: წადი, შენი და მოკალი და იმის გულღვიძლი მომიტანეო, რადგან ასეთი საქმე ჩაიდინა და შეგვარცხვინაო.

ჩაჯდა ვაჟი ეტლში და წამოვიდა დასთან. რომ მოვიდა, დას უთხრა გაჯავრებით: ადგი, ჩაჯეო!

— ძმაო, რამ გაგაჯავრა, მიაბმე, ან მამა როგორა ბრძანდება, ან ზარალი ხომ არა გაქვთ-რაო? — ეკითხება და.

ძმამ მინც ხმამოუღებლივ მოჰკიდა ხელი და ჩაისვა ეტლში. ქალს ერთი პაწია გოშია ჰყავდა და ისიც თან წაიყვანა. წავიდნენ.

ბევრი იარეს თუ ცოტა, ერთ უდაბურ ტყეში შევიდნენ. აქ კიდევ ჰკითხა დამ: ძმაო, მითხარ, აქ რად მომიყვანე, ან რატომ არ მელაპარაკებო?

ამოიღო ძმამ და დედინაცვლის წერილი მისცა: მამაჩემმა ამისათვის გამომგზავნა, უნდა მოგკლა და ვერ გამიმეტებოხარო.

ქალი მიხვდა, რომ აქაც დედინაცვლის ხელი ერია და უთხრა ძმას: არც მინდა უკან დავბრუნდე და არც მინდა მამაჩემი გაჯავრებულ დროს ვნახო, აი, ეს გოშია დაკალ, ამის გულღვიძლი წაუღე მამაჩემს და მე კი ამ უდაბურ ალაგას გამიშვი, ჩემმა სიალალმართლემ თუ მიშველა, კარგია, თუ არა, ან მხეცი შემეჭამს, ან შიმშილით მოკვდებაო.

ძმამაც გაუგონა, გოშია დაკლა, იმის გულღვიძლი მამას წაუღო და ქალი ამ უდაბურ ადგილს დატოვა. ქალმა აიკეცა კაბა მაღლა, ახ-

სენა ღმერთი და წავიდა. ბევრი იარა თუ ცოტა იარა, დაუღამდა. ეშინია. ნადირმა არ შემქამოსო. დაინახა ერთი განმარტოებული სამტოტიანი რცხილა. ავიდა დიდი გაჭირვებით ზედ და იმ სამ ტოტში ჩაჯდა. შემოიხსნა ოქრომკედის სარტყელი და ხეზე მიება: ძილში არ ჩავვარდეთო. ილოცა და დაიძინა.

მეორე დღეს გვიან გამოეღვიძა. დაინახა, რომელ ხეზედაც თვითონ არის, იმის ქვეშ, ჩრდილში, ერთი ყმაწვილი კაცი გულაღმა წევს და იყურება. ქალმაც ამ დროს ჩამოხედა. ვაჟმა დაინახა, გაუკვირდა და დაუძახა:

— ვინა ხარ, რა სულიერი ხარ, მანდ რას აკეთებო?

ქალმა უთხრა: ქრისტიანი ვარო.

— თუ ქრისტიანი ხარ, პირჯვარი დაიწერეო, — უთხრა ვაჟმა.

ქალმა დაიწერა პირჯვარი. ვაჟს ქალი ძლიერ მოეწონა და უთხრა: მე ამ ქვეყნის ხელმწიფის შვილი ვარ, სანადიროდ წამოველ, ჩამოდი, შენ ცოლი და მე ქმარიო.

ქალმა უთხრა: შენ ძმა და მე დამო.

ვაჟი არ დათანხმდა და ცოლქმრობაზე პირობა დადეს. ჩამოიყვანა ქალი, დაუძახა თავის ყმას და დედ-მამასთან გაგზავნა: ქორწილი მოამზადეთ, საცოლვე მომყავს და მოვდივარო. დედ-მამას ეწყინა: ტყის ქალი რა უნდა იყოს, ან ალი იქნება, ან — ქაჯიო.

რას იზამდნენ, შეილს არ აწყენინებს, დასწერეს ჯვარი, გადაიხადეს ქორწილი და ცხოვრობდნენ. ცხრა თვის შემდეგ მიეცათ ვაჟი, მეტად ლამაზი და დიდ სიხარულში იყვნენ.

ერთხელ მოუვიდათ მოპატიჟე, ქორწილში ეპატიჟებოდნენ ამ ხელმწიფეს თავის ოჯახობით. მამამ უთხრა: შვილო, მე მოვხუციდი, რალა დროს ჩემი ქორწილში წასვლა არის, აი, შენი ცოლ-შვილით წადიო.

დაიწყეს მზადება და რა დღეს უნდა წასულიყვნენ, იმ დღით მიიღეს სხვა სახელმწიფოდან წერილი: საომრად მოვდივარ და მოემზადეთო. ხელმწიფის შვილმა თქვა: მამაჩემი მოხუცია, ვაი თუ აჯობონ, მე აღარ წავალ ქორწილში და ვიომებო. ცოლს კი უთხრა: შენ წადი, აი ჩვენი ვეზირი გაგაცილებსო.

ბევრი იუარა ცოლმა, მაგრამ დედამთილ-მამამთილის თხოვნით წავიდა. ზღვა უნდა გაეცლოთ. ავიდნენ გემზე და გასწიეს. შუა ზღვაში რომ შევიდნენ, ვეზირმა უთხრა ქალს: ძლიერ მიყვარხარ, ჩემი უნდა გახდეთო.

ქალმა უთხრა: აბა, გულზე დაიხედე, ეგ ჩინები ჩემი მამამთილისა და ქმრისაგან არა გაქვს მოცემული? როგორ მიბედავ მაგასო?

— არა, აქ ვინ არის ჩვენს მეტი, ვინ რას გაიგებსო? — უთხრა ვეზირმა.

ქალმა რა დაატყო, არაფერი გაუვიდოდა, უთხრა: აი, ეს ყმაწვილი დაიჭირე, მეორე ოთახში გავალ და ახლავე მოვალ, შენს ხელთა ვარო.

გავიდა, ახსენა ღმერთი და გადაეშვა ზღვაში, — ღმერთო და ჩემო სიალაღმართლევ, შენ გამიყვანე ნაპირსაო!

ქალმა რომ დაიგვიანა, ვეზირი გამოვიდა, დაუწყო ძებნა, მაგრამ ქალი აღარსად იყო. მაშინვე შემოაბრუნა გემი და დაბრუნდა შინ. ხელმწიფესა და დედოფალს შესტირა: რაწამს გემში შევედით, ქალი ზღვაში გადაეშვა და გაქრაო.

დაიწყეს ტირილი და გლოვა: აკი ვუთხარით, შვილო, ტყის ქალი რად გინდაო და არ დაგვიჭერაო.

ხელმწიფის შვილმა ომი გამარჯვებით გაათავა და დაბრუნდა შინ. ცოლის დაკარგვა რომ გაიგო, ძალიან დაედარდა, სულ ტიროდა და თავში იცემდა. ამ ყოფით ატარებდა დროს. სადაც დაპატიჟებულნი იყვნენ ქორწილში, მაშინ თურმე მოუცდათ ქორწილი და გადადეს, ხელახლა პატიჟობდნენ. დედ-მამამ უთხრა: შვილო, წადი, გულს გადააყოლებ, გაერთობიო. თუმცა უარობდა, მაგრამ ძალად გაგზავნეს. ვეზირიც თან გაიყოლა, ჩასხდნენ გემში და წავიდნენ.

ქალი რომ წყალში ჩავარდა, ნაპირს მიაღწია იქით, საითაც ქორწილს ამზადებდნენ. ერთ ბებერთან მივიდა და უთხრა: დედაშვილობას, ერთი ძველი, პატარა ბიჭის ტანისამოსი მიშოვნე და აი, ეს ძვირფასი ტანისამოსი და ნივთები სულ შენი იყოსო.

ბებერმაც სიხარულით მოუბრუნინა თავისი შვილის ძველი ტანისამოსი. ჩაიცვა ქალმა, თმა აიკეცა, ქუდი დაიხურა, პირი მოითხუპნა და ნამდვილ ბიჭს დაემსგავსა. ბებერს ჰკითხა: თქვენში ვინ არის დიდი კაცი, ან რა ამბავია იქაო?

ბებერმა უთხრა: ჩვენში ერთი სოვდაგარია განთქმული თავისი სიმდიდრითა და ღიდებით, აბა, რალა გითხრა, ხელმწიფეს არ ჩამოუვარდებო. ახლა ვაჟს აქორწინებს, სულ ხელმწიფეებს ეპატიჟება. ჯერ ერთხელ დაჰპატიჟა და ქორწილი მოუცდა, ახლა ვინც მოვიდა, ხომ მოვიდა, ვინც არ მოვიდა, ხელმეორედ დაჰპატიჟაო.

ადგა ეს ქალი, წავიდა მეძროხეებთან და დაეკითხა: ვისია ძროხანო?

— ამა და ამ სოვდაგარისა არისო, — მიიღო პასუხად.

— მოჯამაგირედ არ გინდათ დაგიდგეთ პურის ჭამაზე? ძროხებს მოგიბრუნებთო.

— იყავიო, — უთხრეს.

ძალიან სიმარლედ გამოიჩინა, ყველას შეაყვარა თავი, პატარა-პატარა

რა ზღაპრად უამბობდა თავის ამბავს და იყო იმათთან. ქორწილიც გადაიხადეს სოვდაგრის შვილისა და მეორე დღეს შინაურები და შორეული სტუმრები დარჩნენ სადილზე. ისურვეს: ნეტავ, ერთი ზღაპარი გვითხრას ვინმემო. დაიბარეს ბიჭები. ყველამ უარი თქვა, არ ვიცითო. ბოლოს ერთმა წამოიძახა: ჩვენს ძროხაში ერთი ბიჭი არის, ის ყოველ ღამე სულ ზღაპრებს ამბობს, ის მოიყვანეთო.

დაიბარეს ეს ქალი. მოვიდა. უთხრეს: ქუდი მოიხადე და ზღაპარი თქვიო.

— ვერც ქუდს მოვიხდი და თუ კარებს არ დაკეტავთ და გასაღებს მე არ მომცემთ, ვერც ზღაპარს ვიტყვიო, — თქვა ქალმა.

დაიწყეს სიცილი, ალბათ, ეშინია ზღაპარი არ გაექცესო. დაკეტეს კარები და გასაღები ამ ბიჭს მისცეს.

დაიწყო ზღაპარი: იყო და არა იყო რა, ღვთის უკეთესი რა იქნებოდა. იყო ერთი მდიდარი სოვდაგარი, საკუთარი ეკლესია ჰქონდა, საკუთარი მღვდელი ჰყავდა. საკუთარი აბანო ჰქონდა. პირველი ცოლიდან ქალ-ვაჟი ჰყავდა, ხოლო მეორე ცოლიდან — გერი. იმ ქალ-ვაჟის დედინაცვალი, ე მანდ რომ დედაკაცია, იმასა ჰგავდა და გერი კიდევ ე მაგ ქალს.

დედინაცვალმა იფიქრა: ეს ჩემი გერი რომ სახლში იყოს, ამ ჩემს ქალს ვინ მოიწონებს და ვინ ითხოვსო. იფიქრა, იფიქრა და ბოლოს გადაწყვიტა თავის გულში. დაიბარა თავიანთი სახლის მღვდელი და უთხრა: შენ ფიცი მომეცი, რაც გითხრა, არ გამამყლავნოო. მღვდელმაც შეჰფიცა, არაო. სოვდაგრის ცოლმა უთხრა: აბანოში წადი, ამ ჩემს გერსაც იქ გამოგვზავნი და შეარცხვინე, ნამუსი აპხადე, ეგებ ჩემი ქალი მაშინ მაინც გავათხოვოო. მღვდელმა დიდი უარი უთხრა: როგორ შემიძლია მაგისთანა საქმე მოვიმოქმედო, ჩემს ხელშია დაბადებული, ჩემს ხელშია მონათლული, მაგის მამის მეოხებით ვცხოვრობო, ეგ როგორ გამიბედო. დედინაცვალმა უთხრა: ისე გაგამდიდრებ, შენისთანა მდიდარი ამ ჩვენ მხარეში არავინ იყოსო, თუ არ გამიგონებ, სიკვდილით დავსჯიო. მღვდელიც დაჰყაბულდა, ადგა და წავიდა აბანოში. დედინაცვალი ახლა თავის გერთან მივიდა და უთხრა: ადგე, რას უზინარ ე მაგისთანა ჭუჭყიანი, მამაშენს მოსვლა უთქვამს, წადი, აბანოში იბანავე და სუფთად დახვდიო.

ქალს გაუკვირდა დედინაცვლის ასეთი მზრუნველობა. თუმცა ქალი არც ჭუჭყიანი იყო და არც უსუფთაო, მაგრამ ადგა და წავიდა აბანოში. შევიდა თუ არა ქალი, მღვდელმა მაშინვე ჩაქეტა კარები და დადგა. ქალი ეუბნება: შენ აქ რა გინდა, გადი აქედანო. მღვდელმა უთხრა: ძლიერ მიყვარხარ და მინდა შენთან ერთად ვიბანავოო. ქა-

ლი ეუბნება: მაგას როგორ მიბედავ, შვილად შეგეფერები, ან მამა-ჩემისა არ გეშინია? რომ გაიგებს, რას გეტყვის? გადი აქედანაო. მღვდელი არ გავიდა. ქალმა უთხრა: კარგი, ხომ შენ ხელთა ვარ, ჯერ შენ გაშიშვლდი, დაგბან და მერე მეო. გაიხადა ტანისამოსი მღვდელ-მა. ქალმა საპონი წაუსვა თავზე ჯერ ერთხელ, ახლა მეორედ უფრო მეტი, თანაც ადუღებული წყალი დაასხა და ეცა კარებს, გაალო და გაიქცა სახლში. დედინაცვალს გულს შემოეყარა, ასე ჩქარა რად დაბრუნდიო და მღვდელთან წავიდა. მღვდელი იწვა ლოგინში, თმა და წვერი სულ გასცვენოდა, სახე დაიარავებოდა.

— რად წევხარ, ქალი რად მოვიდა მალეო?

— იმისათვის ვწევარ, აი, ქალმა რა მიყო, ადუღებული წყალი დამასხა და გაიქცაო. მაშინვე სოვდაგრის ცოლმა თავისი სახლის ექიმი მიიწვია და უბრძანა იმისი მორჩინა- თუმცა კანი მოურჩა, მაგრამ თმა და წვერი კი აღარ ამოუვიდა. ეგ მღვდელი იმასა ჰგავს.

სოვდაგრის ცოლმა იფიქრა, თუ ეს აქედან არ დაეკარგე, თავის მამას ამბავს მიუტანს და ჩემთვის ცუდიაო. წერილი მისწერა თავის ქმარს ქალის შესახებ. მიიღო თუ არა წერილი მამამ, ძლიერ გაჯავრდა და თავის შვილს უთხრა: წადი, შენი და მოკალ, იმისი გულ-ღვიძლი დასარწმუნებლად აქ მომიტანეო. ეს სოვდაგარი ემ მაგ სოვ-დაგარსა ჰგავდა და ის სოვდაგრის შვილიც ეგ მაგ სოვდაგრის შვილ-საო. ეტლში ჩაჯდა და წამოვიდა ვაჟი დასთან. მოვიდა თუ არა, უთხ-რა: ადექი, ეტლში ჩაჯექიო. ქალი ეხვეწება: — ძმაო, რამ გაგაჯავრა, ან მამა როგორა ბრძანდებოა.

ვაჟმა არ მოუსმინა. მოჰკიდა ხელი და ძალად ჩასვა ეტლში. ქალს პაწია გოშია ჰყავდა, ისიც თან წაჰყვა, წავიდნენ, უდაბური მინდორი და ტყე გაიარეს.

დამ უთხრა: ძმაო, რატომ არ მეუბნები, სად მიგყევარ. ან მამა როგორ არის, ან რადა ხარ გაჯავრებულიო. ძმამ ამოიღო ჭიბიდან წე-რილი და მისცა, აი, წაიკითხეო, იმ ქალის დედინაცვლისაგან იყო მიწერილი თავის ქმართან: შენმა სამიწე ქალმა შეგარცხვინაო, ღამე სხვაგან დაიარება და მოეშველე, თორემ მთლად სახლიდან გავარ-დებოა.

ამ ქალმა დაიწყო ტირილი და უთხრა: ძმაო, არ შემეძლია თავი ვიმართლო, რადგან ასე გაჯავრებულს გხედავ, არას დამიჯერებ. აი, ეს გოშია დაკალ, ამისი გულ-ღვიძლი მამას წაუღე, რომ დარწმუნდეს ჩემს სიკვდილში და, აი, ამ უდაბურ ტყეში დამტოვე, თუ ჩემმა სი-მართლემ მიშველა, კარგია, თუ არა, ნადარი მაინც შეგპყამს და შენი ხელი არ შეიმწიკვლება ჩემი სიკვდილითაო. ჩამოსვა ძმამ ეტლი-

დან, დაკლა გოშია, იმისი გულ-ღვიძლი მამის საჩვენებლად წაიღო და წავიდა.

დარჩა უმწეო ქალი იმ უდაბურ ადგილას. დაიწყო ტირილი. იმდენი იტირა, მანამ დაღამდებოდა. იფიქრა: აქ რომ ვიყო, ვაი თუ ნადირმა შემკამოს, წავალ, იქნება სოფელში სადმე მივიღეო.

იარა საღამომდის, საღამოს ტყის განაპირას გავიდა. მშვენიერი მინდორი იყო. მწვანით დაფენილი, კაცის თვალი უკეთესს ვერ ნახავდა. ერთი რცხილა იღვა, სამი ტოტი ჰქონდა. ქალმა იფიქრა, აქ გავატარებ ღამესაო, ავიდა დიდი გაჭირვებით და იმ ტოტებ შუა ჩაჭდა, ოქრომკედის სარტყელი შემოიხსნა და წელი იმით მიიბა ხეზე. გათენდა მეორე დილა, გაეღვიძა ქალს და თქვა: ახლა კი ჩავალ ძირს, დავადგები გზას, იქნებ ხალხს სადმე შევხვდე, გზას მასწავლიან სოფლისასაო. ჩამოიხედა, უნდა ჩამოვიდეს ძირს და დაინახა, რომ ხის ჩეროში ყმაწვილი კაცია წამოწოლილი და იმ ხეს შეჰყურებს. ისე ხშირი ფოთლები ჰქონდა იმ ხეს, რომ აქამდის ქალი ვერ დაენახა. როდესაც ძირს ჩამოიხედა, მამინ კი ვაჟმა თვალი შეასწრო, გაუკვირდა და ჰკითხა: მანდ რას აკეთებ, ვინა ხარ, რა სულიერი ხარო?

ქალმა უთხრა: ქრისტიანი ვარო.

ვაჟმა უთხრა: შენ ცოლი და მე ქმარიო, ხელმწიფის შვილი ვარ, ჩემს პატრონს ჩემს მეტი შვილი არა ჰყავსო.

ქალმა უთხრა: მე რა ღირსი ვარ თქვენი ცოლობისა, ერთი გზადაკარგული ქალი ვარ, თქვენ ძმა და მე დაო. ვაჟი, სანამ ცოლქმრობის პირობა არ ჩამოართვა, არ მოეშვა, ჩამოიყვანა ის ქალი და გვერდს დაისვა.

ის ხელმწიფის ვაჟი სწორედ ე მაგ ყმაწვილსა ჰგავდა.

დაუძახა თავის შინაყმას, აჰკიდა ბარგი, წინ გაგზავნა და შეუთვალა დედ-მამას: საცოლე ვიშოვე და მომყავს, ქორწილი მოამზადეთ, ჯვარი უნდა დავიწეროო.

დედ-მამას ძლიერ ეწყინა, ტყეში ნაპოვნი ქალი რად უნდა, ან ალი იქნება, ან ქაჯიო. ვაჟმა არ დაუჭერა დედ-მამის რჩევას, დაიწერა ჯვარი და ცხოვრობდნენ ბედნიერად. ამ ბედნიერებას კიდევ ის დაემატა, რომ ეყოლათ მშვენიერი ვაჟი, ეგ ბავშვი სულ იმ ბავშვსა ჰგავსო.

გაიარა რამდენიმე ხანმა და მოუვიდათ მოპატიჟე, ერთი მდიდარი სოვდაგარი ეპატიებოდა თავისი შვილის ქორწილში. დედ-მამა ურჩია: წადი, შვილო, შენი ცოლ-შვილით, ეწვიე, თორემ ეწყინებოო.

რა დღითაც უნდა წასულიყვნენ ქორწილში, სწორედ იმ დღეს მოვიდნენ სხვა ხელმწიფის მოციქულები, ომი სურს ჩვენს ხელმწი-

ფესაო. ამ ხელმწიფის შვილმა იფიქრა: მე ქორწილში წავიდე, მამა-
ჩემი მოხუცია, ვაი თუ აჯობონო და ცოლს ურჩია, მე აქ დავრჩები
და შენ წადი, აი, ჩვენი ვეზირი წაგიყვანსო. ზღვით უნდა წასულიყვ-
ნენ. ცოლმა თუმცა უარი თქვა, მაგრამ დედამთილ-მამამთილმაც
ძალა დაატანეს, წადიო და ეს ქალიც წავიდა თავისი ბავშვით და ვე-
ზირით. შუა ზღვაში რომ შევიდნენ, ვეზირმა სხვანაირი ლაპარაკი
დაუწყო: ძალიან მიყვარხარ, შენი გულისათვის თავს მოვიკლავ, უნ-
და ჩემი გახდეო.

ქალმა უთხრა: აბა, გულზე დაიხედე, რა ნიშნები გაქვს, სულ ჩემი
მამამთილისა და ქმრის მოცემული, როგორ მიბედავ მაგასაო?

ის ვეზირი სწორედ ემაგ ვეზირსა ჰგავდა.

ვეზირმა კანკალი დაიწყო. ქალმა განაგრძო: მაინც არ მოეშვა ვე-
ზირი. მაშინ ქალმა თავისი ბავშვი მისცა და უთხრა: აჰა, დაიჭი, მეო-
რე ოთახში გავალ და ახლავ გამოვალ, რას ვიზამ, შენ ხელთა ვარო.
გავიდა თუ არა, გადაეშვა წყალში: ღმერთო და ჩემო სიალალ-
მართლევ, მიშველე და ნაპირს გამიყვანეო.

ამ ქალს უსმინა ღმერთმა და გავიდა ნაპირზე. ერთ ბებერთან მი-
ვიდა და უთხრა: აი, ეს ძვირფასი ტანისამოსი და ნივთი შენი იყოს
ჲა ერთი ძველი ბიჭური ტანისამოსი მიშოვნეო.

ბებერმა სიხარულით გამოურბენინა თავისი შვილის ტანისამოსი.
ქალმა გაიხადა თავისი და ბიჭის ტანისამოსი ჩაიცვა, პირიც მოი-
თხუპნა და ნამდვილ მეძროხე ბიჭს დაემსგავსა. ბებერს ჰკითხა: ვინ
არის ამ ქვეყანას დიდი კაცი, ან ხელმწიფე ვინა გყავთო?

ბებერმა უთხრა: ხელმწიფე ვის ეკადრება, ერთი მდიდარი სოვ-
დაგარი ცხოვრობს, იმისი ცალი სხვა არავინ არის, ახლა ვაჟს აქორ-
წილებს, დიდ მზადებაშია, წინათ აპირებდა, მაგრამ მოუცდა ქორ-
წილი. ეს მეორედ დაჰპატიჟა ხალხი, ხელმწიფეებიცა ჰყავს მოწვეუ-
ლიო.

ადგა ქალი, ბებერს გამოეთხოვა და წავიდა მეძროხეებთან, მოჯა-
მაგირე ბიჭი არ გინდათ, პურის ჭამაზე გემსახურებით, საქონელს
მოგიბრუნებთო.

— კარგო, — უთხრეს და დარჩა იმათთან. ისეთი სიმარჯვე
გამოიჩინა ამ ქალმა, რომ ყველას შეუყვარდა, მუდამ ღამე თავის
თავგადასაგავალს ნაწყვეტ-ნაწყვეტ უამბობდა მეძროხეებს. მოვიდა
ქორწილის დღეც, გადაიხადეს სოვდაგარის შვილის ქორწილი და მე-
ორე დღეს მოესურვათ ზღაპრის გაგონება. დაიბარეს მეძროხე ბიჭე-
ბი, ყველამ უარი თქვა, ჩვენ არ ვიცით, ჩვენთან ერთი ახალმოსული
ბიჭია, იმან იცის, ყოველ ღამე ზღაპრებს ამბობსო. მოიყვანეს ის ქა-

ლი და დაიწყო, რაც გადაჰხდენოდა, სულ ზღაპრად უამბო. მოიხადა ამ ქალმა ქუდი და თმები ჩამოიშალა.

— აი, ის ქალი მე გახლავართ, მოხსენება ჩემი და სამართალი თქვენიო.

წამოდგნენ მაშინვე ქმარი, ძმა, მამა, ერთმანეთს აღარ აცდიდნენ მისალმებას. როდესაც გული იჯერეს ხვევნა-კოცნით, ის დედინაცვალიც, იმისი ქალიც, ის მღვდელიცა და ვეზირიც ცხენებს მოაბეს ძუაზე, ქუჩა-ქუჩა ათრიეს და ისე დაჩქირათეს...

ეს ქალი მაშინვე აბანოში შეგზავნეს, სადედოფლო ტანისამოსით შემოსეს და მიეცნენ დიდ ლხინს. ხელმწიფის შვილმა თავის დედმამას კაცი გაუგზავნა, ჩემი ცოლი ვიპოვე, ღმერთმა გამომიყვანა შეპირვებიდან და ჯერ ვერ მოვალთო. ორი თვე დაყვეს სულ ლხინსა და შექცევაში და შემდეგ დიდი ამბით გაუწყეს მზითვეი მამამა და ძმამ და გამოისტუმრეს შინ.

მივიდნენ ხელმწიფესთან, მიიწვიეს მამა და ძმა და აქაც ქორწილი გადაიხადეს.

ქირი იქა, ლხინი აქა,
ქატო იქა, ფქვილი აქა.

მღვდლის ზღაპარი

იყო და არა იყო რა, ღეთის უკეთესი რა იქნებოდა. იყო ერთი უშვილო მღვდელი თავისი ცოლით. მღვდლებს წინათ კარგი შემოსავალი ჰქონდათ და ამიტომ მისი ცოლიც გასუქდა.

ერთ დღეს ქმარს უთხრა: გინდა თუ არა, ლათინური უნდა მასწავლოო.

მღვდელი დალონდა: ვინ ვიშოვო ისეთი მასწავლებელი, ლათინური იცოდესო. იქაურ ბიჭს (ჩემსავეთ ოხერი ბიჭი იყო) გაუგია, მღვდლის ცოლს ლათინურის სწავლა უნდაო. დილით ჩამოიარა. მღვდელს მიესალმა: დილამწვილობისა, მამაო! მოჯამაგირე ხომ არ გინდაო.

მღვდელმა უთხრა: რატომაც არა, მოდიო!

მღვდელი და მოჯამაგირე დადიოდნენ ვენახში სამუშაოდ. ვენახი კი მოშორებით ჰქონდათ. ერთ დღეს, სადილობის დროს, მღვდელმა მოჯამაგირე გამოგზავნა შინ. მოჯამაგირე მოვიდა სახლში და რასა

ხედავს: მღვდლის ცოლს ვიღაც უცხო ვაჟი ჰყავს სტუმრად, გაუშლია სუფრა, სულო და გულო, რაც გინდა, ზედ ალაგია. ბიჭს ჰკითხა: რისთვის მოხვედიო?

— მღვდელმა სადილისათვის გამომგზავნაო.

ადგა ქალი, ჩაუწყო კუპატები, ყველი და ბიჭს უთხრა: მღვდელს არ უთხრა, თუ სტუმარი მყავსო.

ბიჭი კარში გავიდა და იქვე, უკან დაიმალა. ქალმა უთხრა სტუმარს:

— ბიჭმა არაფერი უთხრას მღვდელს, ამიტომ გავიდეთ. ჩვენს ბაღში მავანი ატმის ძირასაო.

ბიჭმა ეს ამბავი გაიგო თუ არა, გაიქცა, შეხტა ატამზე და დაიმალა. სტუმარ-მასპინძელი თავიანთი საუზმით მივიდა იმ ატმის ქვეშ. ერთმანეთს შეეკითხნენ: ჯერ რა ვნახოთო. ვაჟმა უთხრა, ვისადილოთო. ამ დროს ბიჭმა მაღლიდან დაიყმუვლა, მღვდლის ცოლი და მისი სტუმარი გაიქცნენ: აქ ვიღაც ყოფილაო. ჩამოხტა მოჯამაგირე ბიჭი, ის მომზადებული სანოვაგე ჩააწყო ხურჯინში და წავიდა მღვდელთან. მღვდელმა სამღურავი უთხრა: რატომ დაიგვიანეო.

— ჩვენებისაკენ ჩამოვიარე, იქ ხარჯი ჰქონდათ და წამოვიღე, სახლში აღარ ავსულვარო.

მღვდელმა ნახა საქმელები, გაუკვირდა: მე კი არა, ეს ყოფილა პატრონიო.

სადამოს დაბრუნდნენ სახლში. მღვდელი ნასიამოვნები იყო, ცოლს ჩუმად უთხრა: ეს რა მოჯამაგირე ვიშოვნე, დღეს ისეთი სადილი ჩამომიტანა, რომ ჩვენ მაგისტანას ათ წელიწადს ვერ გავაკეთებთო.

მეორე დილას, მოჯამაგირე ბიჭი რომ ადგა, უთხრა მღვდელს:

— მე ამ ფასად ვერ ვიმუშავებ შენთანაო.

— რატომ?

— იმიტომ, რომ მე მასწავლებელი ვარ ლათინურისაო.

გაუხარდა მღვდელს და უთხრა: ჩემ. ცოლს ასწავლე და რასაც მთხოვ, მოგცემო.

იმ დღეს ჩვეულებრივ წავიდნენ ვენახში. შაბათი იყო. ისევ იმ დროს მღვდელმა სადილისათვის გამოგზავნა შინ მოჯამაგირე. მოვიდა მოჯამაგირე და რას ხედავს: ის სტუმარი ისევ იმ დღეშია. ქალმა ჰკითხა: რად მოხვედიო?

— სადილისათვის გამომგზავნა მღვდელმაო.

ისევ ჩაუწყო კუპატები და ქალმა ბიჭს უთხრა: ღმერთი არ გაგიწყრეს, მღვდელს არ უთხრა, რომ სტუმარი მყავსო.

გამოვიდა მოჯამაგირე, კედელს აეთარა და ყური დაუგდო. ქალმა უთხრა სტუმარს: ამ ბიჭს არათერი წამოსცდეს, თორემ მღვდელი ორივეს დაგვხოცავსო. მოდი, წავიდეთ ჩვენს ძველ ნაწისქვილარშიო.

გაიგო მოჯამაგირემ ეს თუ არა, გაიქცა, შევარდა წისქვილში და დაკეტა კარები. ქალმა სტუმარს ხურჯინი გაუესო და უთხრა: თქვენ წაბრძანდით წისქვილში, მე სახლს მივალაგებ და მოვალო.

ეს კაცი გაჰყვა არხის პირს ნელ-ნელა და მიადგა წისქვილის კარებს. მიაწვა კარებს, მაგრამ დაკეტილი დახვდა. შიგნიდან მოჯამაგირემ გამოსძახა: შენ გენაცვალე, ამ გაჩვრეტილში წვერი შემოყავიო.

შეყო კაცმა წვერი და მოჯამაგირემ ზედ აკოცა. მეორედ უთხრა, კიდევ შემოყავიო. იმანაც შეყო წვერი. ახლა მოჯამაგირემ გახსნა დანა, დაუსვა და მოპარსა. გაიქცა კაცი, ხურჯინი გადაადგო და ყვირილით მირბის. გამოვარდა მოჯამაგირე, დაავლო ხელი ხურჯინს და გაიქცა. მივიდა მღვდელთან და დაასწრო თქმა: ჩვენსას წავედი, თქვენთან ასვლა დამეზარა და იქიდან წამოვიღე ხარჯი, ნასუფრალი ჰქონდათო. მღვდელმა დაინახა და თქვა: ეს ვინ არის, ამისთანა ხარჯს ნასუფრალს ეძახისო. შაბათ საღამოს ცოტა ადრე შეწყვიტეს მუშაობა, კვირაძალი იყო და მისთვის ადრე წამოვიდნენ შინ.

კვირა გათენდა. მოჯამაგირემ ჩუმად უთხრა მღვდლის ცოლს: თქვენი სტუმარი გუშინ ვენახებზე გარბოდა და თუ გნებავს ნახოთ, იმ თქვენ ნაწისქვილარში არის, ჩიხტიკოპი დაიხურეთ, მიბრძანდით, სამჯერ უთხარიოთ, შენ რაც გტკივა, მე მაბიაო, და გამოვაო. მართლაც, მღვდლის ცოლმა გაიკეთა ჩიხტიკოპი და მისვლისთანავე სამჯერ მიადახა ზედიზედ: შენ რაც გტკივა, მე მაბია, შენ რაც გტკივა, მე მაბიაო! ნაწისქვილარიდან ბიჭმა გამოსძახა:

— შენ გენაცვალე, ენა გამოყავი, გაკოცოო.

ქალმა გამოყო ენა და ბიჭმაც აკოცა. ქალმა ჰკითხა:

— რა დაგემართა, რა მოგდისო.

— ერთი კიდევ გამოყავი ენა, უნდა გაკოცოო.

ქალმა გამოყო ენა, დაწედა ეს ბიჭი და მოაგლიჯა ძირში. ქალმა დაიწყო ყმული და ყვირილი. გამოვიდა მოჯამაგირეც. ნახა თუ არა ეს ქალი, რომელიც ქართულს ვერ ლაპარაკობს, გაიქცა და მღვდელს ახარა, შენს ცოლს ლათინური ვასწავლე, ქართულს ვეღარ ლაპარაკობსო. მოვიდა ქალი და მღვდელს შეეხვეწა, წამიყვანე სადმე, მიშველეო, მაგრამ მის ბლუკუნს მღვდელი რას მიხვდებოდა. მღვდელი მოჯამაგირეს შეეკითხა: რას ამბობსო? მოჯამაგირემ უთხრა: იმას ამ-

ბობს, რომ ჩვენი ქონება ამ ბიჭს დავუტოვოთ, ჩვენ წავიდეთ და რაკი ენა ვისწავლე. ისეთ საცხოვრებელს ვიშოვნით, ჩვენს თავს დავნატროდეთო.

მღვდელმა დაუჯერა მოჯამაგირეს. თავის ცოლს ხელი მკლავში გაუყარა და გაუდგნენ გზას. ცოლს ჰგონია, ექიმთან მიჰყავს, მღვდელსა ჰგონია, საცხოვრებლად მიჰყავს. წავიდნენ და გადაიკარგნენ სადღაც. მღვდლის სახლ-კარი იმ ბიჭს დარჩა. გამართა კაი ქეიფი, მიიწვია ყველა მეზობელი, მეც ამოვიარე და ცოტაოდენი ვსვი.

ჭირი იქა, ლხინი აქა,
ქათო იქა, ფქვილი აქა.
მთას ურემი ავიტანე,
წამოვიდა გორებითა,
აქ სიცოცხლით დამიძეხით,
საიქიოს ცხონებითა.

ცერცვი და ცეცხლი

ერთი მღვდელი თავზე წაესწრო ცოლს, კუროს რომ ეტრფიალებოდა. დაავლო კეტს ხელი და შეუტია. კურო საჩქმლიდან გავარდა. მღვდელი გამოუდგა და მორთო ყვირილი: დაიჭირეთ, ნუ გაუშვებთ მაგ ქურდს, მაგ ავაზაკსო!

მოგროვდა ხალხი და შეაკავეს გაქცეული, რომელმაც, ბალში რომ გარბოდა, იმ დროს რამდენიმე ცერცვი მოგლიჯა და მუჭში ეჭირა. ხალხმა ჰკითხა: რა ამბავიაო?

— როგორ რა ამბავია! მღვდლის ბალში ეს ერთი მუჭა ცერცვი მოვგლიჯე და ამისთვის მომდევს მოსაკლავად, აღარ მზოგავს და მიშველეთო.

ხალხს გაუკვირდა, ბიჭი გაუშვა, გადაეღობა წინ მღვდელს და დაუწყო საყვედური: მღვდელო, როგორ გეკადრება უბრალო რამეზე მოთმინების დაკარგვა? ერთი მუჭა ცერცვისათვის კაცი ვის მოუკლავს, რომ შენ მოგაკვლევინოთო!

მღვდელი ოჯახის გაქცხვას მოერიდა, რაც იყო, ველარ გაამხილა, წაიშინა თავში ხელი და აღრიალდა: შვილებო, ვინც არ იცის — ცერცვია, მაგრამ, ვინც იცის, ცეცხლიაო! მეტი რაღა მეტქმისო, — თქვა და გამობრუნდა სახლისაკენ.

თქვა უფალმა

ერთმა მღვდელმა წირვის დაწყებამდე მოძებნა სახარებაში წასაკითხი ადგილი და პრასით დანიშნა.

ღიაკონმა ჩუმად ამოიღო სახარებიდან პრასი და შექამა. მოაღწია წირვის მსვლელობისას სახარების წაკითხვის დრომ. მღვდელმა აიღო სახარება და იძახის: თქვა უფალმააა... თქვა უფალმააა... და ეძებს სახარებაში ჩადებულ პრასს. მღვდელი განაგრძობს ძახილს: თქვა უფალმააა... თქვა უფალმააა... მაგრამ პრასს ვერ პოულობს.

ღიაკონმა გამოსძახა: ამიინ... რა თქვა უფალმააა...

— ღიაკონის სულის ამოხდენაა... — გამოსძახა მღვდელმა.

მღვდელი და ღიაკონი

ერთმა მღვდელმა ღიაკონი თხის მოსაპარავად გაგზავნა. ღიაკონი რომ დაბრუნდა, მღვდელი წირვად იდგა. დაინახა მღვდელმა ღიაკონი და სულწასულმა ლოცვაში გაურია კითხვა:

— დიდება შენდა, უფალო, დიდება შენდა... ღიაკონო, ღიაკონო, ჰე-ჰე-ჰე რა უყავი?..

ღიაკონმა ამგვარადვე უპასუხა:

— ამინ, ალილუია, ალილუიააა... ჰე-ჰე-ჰეს ვინ ჩიოდა, ვი-ჰი-ჰი-ჰიც წამართვეეს... (ვითომ თხის ქურდობაზე ჯორი დავკარგეო).

მღვდელი და ჯვარცმული ქრისტე

ერთ მღვდელს შემოსავალი არა ჰქონდა, მოიგონა სასწაული: სამ თუმნად ერთი მუშა დაიჭირა, მთელი დღე ჯვარზე შიშველი უნდა გაგაკრაო.

მოვიდნენ მლოცველები, ნახეს და გავარდა ხმა ხალხში: ჯვარზე ნამდვილი ხორცშესხმული ქრისტე გამოჩენილაო.

დიდძალი ხალხი მოაწყდა და დიდი შესაწირავი ფული შემოვიდა.

უკვირდით სასწაული, რომ ასე ნამდვილს, ზორცმესხმულ ჯვარცმულსა ხედავდნენ.

ერთი ქვრივობერი დედაკაცი მოვიდა. სამი გასათხოვარი ქალი ჰყავდა. საყდარში დაიმალა, მარტო შევევედრები ქრისტეს, წყალობა მომცესო. ხალხი რომ გამოვიდა და საყდარი დაკეტეს, დედაკაცი მივიდა ჯვარცმულის წინა და ხვეწნა-ვედრება დაუწყო: მომხედე ქვრივობერსა და ობლების პატრონსაო, წყალობა მოიღე და ერთი ოცდაათი თუმანი მიწყალობე ქალების მზითევადაო.

ტყუილმა ქრისტემ ჩამოსძახა: შე ოხერო, დილა ცისკარს აქეთ მთელი დღე სამ თუმნად ასე ვაყუდივარ, ოცდაათი თუმანი საიდან მოგაშავო?!.

ზოგჯერ ეშმაკსაც უნდა დაუჯერო

ერთი კაცი საზიარებლად ემზადებოდა და მღვდელთან მივიდა აღსარებისათვის. მღვდელმა დარიგება მისცა: წირვა-ლოცვაზე, იარეო, შესაწირავი შესწირეო, მღვდელს წირვა აწირვინეო, ლოცვა ათქმევინეო, ცოდვას ნუ იზამ, ეშმაკი გაცდენსო, ეშმაკს არ უნდა დაუჯერო.

ამასობაში კაცმა ცმუკვა და მხრის ქნევა დაიწყო და ამბობს:— დამეხსენ, დამეხსენო!

მღვდელმა ჰკითხა: რას შვრები, რას ბუტბუტებო?

კაცმა უპასუხა: ეშმაკი მეუბნება. აწირვინეო, მღვდელს ფული მიუტანეო!

მღვდელმა უთხრა: ჰო, შვილო, ზოგჯერ ეშმაკსაც უნდა დაუჯერო.

ძუნწი ხუცესი

ერთ სოფელში გაუმადლარი და ძუნწი ხუცესი ცხოვრობდა. სტუმარი სძულდა. მეზობლებს ახლოსაც არ იკარებდა. ერთადერთი თავისი მუცელი ახსოვდა. არც შვილი ჰყავდა და არც ძირი. არა თუ სტუმარ-მეზობლები, ახლო მოკეთე-ნათესავეებიც არ უყვარდა. ცოლიც იძულებული იყო, ქმრის ჭკუაზე ევლო.

ერთ დღეს შორიდან ცოლისძმა ესტუმრა. ქალმა ძალიან გაიხარა უფროსი ძმის სტუმრობა, მშვენიერი სადილი მოამზადა. ღვინოც ამოიღო და სუფრა გაშალა.

მიუსხდნენ სუფრას. რამდენიმე ლუკმა რომ აიღეს, ხუცესმა დაიძახა: მეც გავძეხი და ჩემი სტუმარიც, დედაკაცო, ჩქარა აალაგე ყველაფერიო!

ქალს გული დასწყდა, ძმას ვერ გავუმასპინძლდით, მაგრამ რაღას იზამდა, შეასრულა ქმრის ბრძანება.

დაღამდა. ცოლისძმა მშვიერ-მწყურვალი დაწვა. რა დააძინებდა. ღამით დაინახა, ხუცესი ადგა, მივიდა ოზანდარასთან, გამოალო კარები, გამოიტანა სასმელ-საჭმელი და მადიანად მიაძღა. ღვინოც ბლომად დააყოლა, დაწვა და ხვრინვა ამოუშვა.

მეორე დღით მოშივებული ცოლისძმა გამოეშვიდობა ხუცესს. და შინ წაეიდა. ძლივს მიიტანა მშვიერი კუჭი შინამდის. ყველაფერი ძმებს უამბო. მათ არ დაიჭერეს: ჩვენი სიძე ასეთი ძუნწი ხუცესი როდიაო.

გავიდა ხანი. ახლა შუათანა ძმამ თქვა: მოდი, წავალ, დასა და სიძეს მოვინახულებო. შეკაზმა ცხენი და გაემგზავრა.

ხუცესმა ცოლისძმა კარგად მიიღო. სიხარულით ფეხზე აღარ იდგა. ქათმები დაკლა, ორი ხელადა ღვინო ამოიღო და საღამოს ისეთი სუფრა გაშალა, ხელმწიფესაც ეკადრებოდა. ხუცესმა დალოცა სუფრა და ჭამას შეუდგნენ. ორი სამი ლუკმა რომ შექამეს, ცოლის უბრძანა: მეც გავძეხი და ჩემი სტუმარიც, დედაკაცო, ჩქარა აალაგე ყველაფერიო!

ცოლს რა უნდა ექნა. შეასრულა ქმრის ბრძანება. დარჩა მშვიერ-მწყურვალი შუათანა ძმაც. ძლივს მიაღწია შინამდის. ძმებს მანაც ყველაფერი უამბო. უმცროსმა ძმამ არ დაიჭერა, უფროსი — დაემოწმა.

გავიდა კიდევ რამდენიმე ხანი და უმცროსმა ძმამ თქვა: აბა, ახლა მე ვესტუმრები ჩემს დასა და სიძეს და ვნახოთ, როგორ პატივს მცემენო.

შეკაზმა ცხენი და გზას გაუდგა. ხუცესი უმცროს ცოლისძმას დიდი სიყვარულით მიაფართქალდა და ხელს აღარ უშვებდა. ისე ეხვეოდა. ცოლს ინდაურის საცივი გააკეთებინა, დიდი ღოჭით ჩხავრის ღვინო ამოიღო და სუფრა გაშალა. ხუცესმა ისევ აკურთხა სასმელ-საჭმელი, სტუმარიც მიიპატიჟა და ჭამას შეუდგნენ. ორი-სამი ლუკმაც არ ჰქონდათ შექმული, ხუცესი ადგა და ცოლს უთხრა: მეც

გავძეხი და ჩემი სტუმარიც, დედაკაცო, ჩქარა აალაგე ყველაფერიო!

ქალს კურცხლები გადმოსცვივდა თვალებიდან, ნეტავ ვისთვის გავაკეთე ამდენი რამეო. უმცროსი ძმა არ დაიბნა და თქვა: მე ჯერ ჭამაც არ დამიწყია, ვინც გაძლა, გაძლა, ადგეს და დაიძინოსო.

ხუცესს რალა უნდა ექნა, ადგა სუფრიდან, გაიშალა ლოგინი და დაწვა. უმცროსი ძმა კი მიაღვა ამ საცივს და სულ შექამა. ერთი ლუკმაც არ დატოვა. ღვინოც დააყოლა ზედ, კარგად შექეიფიანდა, დაწვა და დაიძინა.

შუალამეზე მშიერ ხუცესს გამოედვიძა. გააღვიძა ცოლი და უთხრა: დედაკაცო, ძალღვიით მშია, მაჭამე, თუ რამე დარჩა იმ შენ ძმასაო.

— რალა უნდა დარჩენოდა, ყველაფერი შექამაო, — უთხრა ცოლმა.

— აბა, კვერი მაინც ჩამიგდე, თორემ შიმშილით ვკვდებიო.

ქალი ადგა, საფქვილიდან აიღო ნახევარი კოთხო ფქვილი, მოზილა გობზე ცივი წყლით, ლადარი გადასწია და კვერი ჩააგდო.

ყველაფერ ამას ხედავდა ძმა. წამოდგა ზედ, მიუჯდა დას გვერდით კერასთან სკამლოგინზე და მასლაათი გამართა. ქალმა ჰკითხა:

— რაფერ ხართ სოფელში, ძამია, რა ამბავია ახალი, ხომ ყველა მშვიდობით არისო?

ძმამ აიღო დიდი მუგუზალი, მიუსვ-მოუსვა ლადარში, სადაც კვერი იყო ჩაგდებული, და დას უთხრა: რაფერ ვიქნებით, ჩვენს მეზობლებს ერთი დიდი ასვარიე-დასვარიე აქვთო! და კიდევ მიუსვ-მოუსვა ლადარში მუგუზალი. კვერი სულ ნაცარში შესვარა.

დამ ყველაფერი კარგად დაინახა, მაგრამ რალას ეტყოდა. დაწვენენ ისევ და დაიძინეს. ხუცესიც უყურებდა ამ უბედურებას. შიმშილმა სულ აღარ დააძინა. ცოტა ხნის შემდეგ წამოიკუნკლა ლოგინიდან, ლადარი გაშალა, დაუწყო კვერის ნამცეცებს ძებნა. აიღებდა ნამცეცს, სულს შეუბერავდა და ჭამდა.

უმცროსმა ძმამ ეს კარგად დაინახა. უცებ წამოხტა ლოგინიდან, წამოავლო დიდ მუგუზალს ხელი და უდურთა ხუცესს ზურგზე: ძალღვი შემოსულა სახლშიო.

ხუცესს ხმა აღარ ამოუღია. ძლივს მიიტანა წელი ლოგინამდის, დაწვა და მთელი ღამე კნენსოდა.

მღვდელი და ღარიბი გლეხი

იყო ერთი მღვდელი. ახლოს არავის იკარებდა, სტუმარს არ ღებულობდა, ლუკმა პურსაც არავის აჭმევდა. სხვისას კი მუცელგაშლილი იყო. ჭამდა და სვამდა, გაძღომას ვერ ხვდებოდა. ხალხს მოსძულდა ავი მღვდელი: ღვთის კაცი და ასე ხელდამწვარი ვის უნახავსო. ცოლისძმაც კი არ შეუშვა სახლში. უჭმელ-უსმელი გაისტუმრა, მეორეჯერ არ მესტუმროო

ერთმა ღარიბმა გლეხმა თქვა, მაგ მღვდელს ოინი უნდა ვუყო! ჩამოუარა მეზობლებს და უთხრა: მივალ მღვდელთან და კარგ სადილსაც გამიმართავსო.

მეზობლებმა გლეხი სასაცილოდ აიგდეს: შენ კი არა, მღვდელი სადილს დიამბეგსაც არ გაუმართავსო.

— არა, სანაძლეო დავდოთო, — თქვა ღარიბმა გლეხმა.

გამოვიდა შეძლებული გლეხი და უთხრა: შენ თუ მღვდელს მაგიდაზე შემოუჭდები, უღელ ხარს მოგცემ, თუ არა, ერთ წელიწადს უფასოდ მემსახურეო.

ღარიბი გლეხი დაეთანხმა. დადეს პირობა. მოსამართლეები დანიშნეს, მოწმეები გამოიყვანეს და ღარიბი გლეხი წავიდა მღვდელთან. კარები ფოფოდიამ გაუღო. მღვდელი სადილის მოლოდინში ტანტზე იყო გაშოტილი. ღარიბი მიესალმა:

— თქვენი დღეგრძელობა, მამაო, იმაზე გიახელი, მამაჩემს რომ თქვენი ასი ოქრო მართებდა, ახლა როდის შეიძლება მისი მორთმევა, ღმერთმანი, ძალიან ვწუხდი, აქამდის ვერა გითხარი რაო, — დაიწყო მობოდიშება ღარიბმა.

მღვდელი მხიარულად წამოდგა. ღარიბი გლეხი ახლოს მიიწვია. ძალიან ესიამოვნა მისი სიტყვები. ფოფოდიას უბრძანა, კარგი სადილი გაეკეთებია. სუფრას მიუსხდნენ და კაი ქეიფი გასწიეს.

უკვე დაღამდა. მღვდელიცა და გლეხიც შეზარხოშდნენ. სიმღერა დაიწყეს, ფოფოდიას უზუნდარა ათამაშეს. ღარიბი გლეხი სულ ტლინკებს ისვროდა, ისე ცეკვავდა. მოსამართლეები და მოწმეები მღვდლის სახლს აუვლიან და ჩაუვლიან. ხელდავენ, დიდი ქეიფია, ღარიბი გლეხი სულ სადღეგრძელოებს ამბობს.

კარგად რომ შეთვრნენ, მღვდელმა გლეხს უთხრა:

— აბა, შვილო, ხვალ დილით, ის ასი ოქრო ადრე მომიტანე, დავგიანებით ნუ დამიგვიანებო!

— რის ასი ოქრო, რა ასი ოქრო, მღვდელო, გიყი ხომ არა ხარ, რას მიედ-მოედებო! — დასჭყვივლა ღარიბმა გლეხმა.

შეიქმნა შეხლა-შემოხლა. მთვრალი მღვდელი თავისას გაიძახოდა, გლეხი თავისას ამბობდა. ბოლოს, მღვდელი გაბრაზდა, ჰკრა გლეხს ხელი და გარეთ გამოაგდო. გლეხმა ჩაიციხა და მღვდელს მიიძახა:

— ნეტავ შენ, თორემ მე კარგი სადილიც ვჭამე და უღელი ხარიც მოვიგეო!

ასე მოიგო უღელი ხარი ღარიბმა გლეხმა.

ავი მღვდელი და დიაკონი

იყო ერთი ავი მღვდელი და ჰყავდა უფრო ავი დიაკონი, მთელი მრევლი გააჩანაგეს, ხალხს ყველაფერი წაგლიჯეს, ღმერთსაც ატყუებდნენ და კაცსაც.

ერთ დღეს მღვდელმა დაიბარა დიაკონი და უთხრა:

— სამარგლი სიმინდი მაქვს, ორ დღეს მომეხმარე და სააღდგომო საკურთხით გავისწორდებიო.

— ბატონი ბრძანდები, თუ სააღდგომო საკურთხით გამისწორდები, მაგას რაღა სჯობს, სამ დღეს მოგეხმარებო!

ღილით ადრე დიაკონი თოხით მიადგა კარზე მღვდელს. მღვდელი ადგომით კი ამდგარიყო, მაგრამ საუზმე ვერ მოესწრო. დიაკონმა უთხრა: ჭერ კიდევ ადრეა, მოდი, ვისაუზმოთ, ცოტა დავისვენოთ და შევეუდგეთ მარგლასო.

მღვდელს რა უნდა ეთქვა. დაუძახა ცოლს, საუზმე მოგვიტანეო, და მიუსხდნენ მაგიდას. კარგად გამოძლნენ. თითო ჭიქა არაყიც გადაკრეს და ცოტა დაისვენეს. დიაკონს ჩამოეძინა. მღვდელმა გააღვიძა:

— წავიდეთ, ძმობილო, ცოტა გავმარგლოთ სიმინდი და სადილიც მოგვისწრებსო!

— რა გვეჩქარება, ჭერ კიდევ ადრეა, მოდი, ბარემ წავისადილოთ, შემდეგ მივადგეთ და ზარმლობამდის ვმარგლოთ! — უპასუხა დიაკონმა.

მღვდელმა დაუძახა ცოლს, სადილი მოგვიტანეო და მიუსხდნენ მაგიდას. კარგად გამოძლნენ. თითო თასი ღვინოც დააყოლეს და დასასვენებლად მწვანე მოლზე წამოწვნენ. მზე გადახრილი იყო, როცა გამოეღვიძათ.

— ახლა კარგია მარგვლა, წავიდეთო, — უთხრა მღვდელმა.

— მოდი, ბარემ ვიზარმლოთ და შემდეგ ვახშობამდის ვურტყათ თოხიო, — უპასუხა დიაკონმა.

მღვდელმა ცოლს გასძახა, ჩქარა ზარმელი მოგვიზადეო!

კარგად იზარმლეს. თითო დედალი შექამეს, თითო თასი ღვინოც დააყოლეს, ყალიონები გააბოლეს და მწვანეზე დაისვენეს. მღვდელი წამოდგა, ახლა ღროა, მარგვლას შევეუდგეთო.

— მოდი, ბარემ წავივახშმოთ, ცოტა დავისვენოთ და სიმინდი მერე ვმარგლოთო! — უთხრა დიაკონმა.

მღვდელმა ცოლს გასძახა, აბა, ჩქარა ვახშამი მოგვიზადეო. მოუსხდნენ მაგიდას. კარგად ივახშმეს, თითო ჭიქა არაყი დააყოლეს, ღვთისა და კაცის ამბები ილაპარაკეს და დასასვენებლად მწვანეზე წამოჯდნენ.

დიაკონი ჩქარა ადგა, თოხი მხარზე გაიღო და მღვდელს დაეშვიდობა:

— ახლა ძილის ღროა, ღლეს გვარიანად ვიმუშავეთ, ხვალ დილით გამოგივლი, საუზმე კი ახლავე მოამზადეო!..

გამოქმედილი ბერიკაცნი და მღვდელი

ერთ ღარიბ ბერიკაცსა და დედაბერს უღელი ხარი ჰყავდათ. მართალი გითხრათ, კაი ხარები იყო. ძალიან გაუჭირდათ ცხოვრება და ცოლ-ქმარმა გადაწყვიტა: წავიყვანოთ ხარები ბაზარში და გავყიდოთ, ეგების ერთ ხანს თავი შევიინახოთო.

წავიყვანა ბერიკაცმა ხარები გასაყიდად. ბევრი მუშტარი დაეხვია, ყველას მოსწონს საქონელი. ბოლოს, ერთი მღვდელი მივიდა.

— ყიდი ხარებს? — ჰკითხა.

— ვყიდი, მიჭირს და იმიტომ, — უთხრა კაცმა.

— მომყიდე მე!

— ინებეთ, ბატონო!

— რამდენს აფასებ, რა მოგცე?

— მე ერთი საწყალი ღარიბი კაცი ვარ, შენ მღვდელი — ღვთის კაცი, რაც ღირს, ის მომეცი, ჩემი მოტყუილება თუ არ გინდა.

მღვდელმა დაუწყაო ფიცელი:

— მამავ და შეილო, როგორ მინდა შენი მოტყუილება, ჯვარი გეწეროს ქრისტე მაცხოვრისაგან. სამ თუმანს მოგცემ მაგ უღელ ხარში!

— წაიყვანე, ბატონო, ქრისტემ შეგარგოს და მოგახმაროს, —
დაეთანხმა ბერიკაცი.

გახარებულმა ხუცესმა ხელად დაუთვალა სამი თუმანი და წა-
იყვანა ხარები. ბერიკაცი შინ დაბრუნდა. ფული კი ეცოტავებოდა.
მაგრამ რალას იზამდა.

სახლში როგორც მოვიდა, ცოლმა ჰკითხა:

— როგორ გაყიდე?

— სამ თუმნად!

ქალმა კვილი გააბა: — გადაირიე, თუ გადაიშალე, ეს რა გიქ-
ნია, მღვდელს მოუტყუილებიხარ, იმ დაწყევლილს, იმასა, დაუქ-
ცევია ჩვენი ოჯახიო!

ამაზე კაცი გაბრაზდა — ხუცესი ღვთის მაგიერი კაცია, რო-
გორ მომატყუილებდაო. შეწუხდა ქალი ძალიან, მაგრამ რალა უნდა
ექნა. ქმარს ხომ ვერ მოკლავდა. ფული კი არ მიიღო. არიან ცოლ-
ქმარი უთანხმოდ. ქალი გააკეთებს სადილს, დააწყობს ყველაფერს.
მაგიდაზე, თვითონ წავა მეზობლისას, ქმარს არაფერს ეუბნება.
ბერიკაცი მივა, ჰამს საკმელს, გაიდებს თოხს მხარზე და გაუყვება
სამუშაოზე. ასე დამდურებულნი იყვნენ ერთ კვირას.

ერთ დღეს ბერიკაცმა ეს ფული წაიღო და კიდევ წავიდა ბა-
ზარზე. იყიდა ერთი სამაბაზიანი ქუდი, დაიხურა თავზე და დადის,
დანარჩენი ფული ჭიბეში აქვს შენახული. გაიარ-გამოიარა და დაი-
ნახა ის ხუცესი, ვინც მისი ხარები იყიდა. მიაშურა და ხელი
ჩამოართვა.

— როგორ გყავს ჩემი მოცემული ხარებიო? — ჰკითხა ბერი-
კაცმა.

— ღმერთმა კარგად გიკითხოს, კარგადო! — უპასუხა ხუ-
ცესმა.

— მეც იმედი მქონდა, კარგად იქნებოდნენო! — დაუმატა ბერი-
კაცმა.

ბევრი რომ ილაპარაკეს და ახალი ამბებით გაძლნენ, ბერიკაც-
მა ხუცესს უთხრა:

— რადგან ხარები კარგად ყოფილან, მოდი, ერთ რამეს
გთხოვ და, თუ კაცი ხარ, ნუ გამაწბილებ!

— თქვი, რა გინდა? — ჰკითხა ხუცესმა.

— შენგან ღიდად პატივცემული ვარ, მინდა. საღმე დაგპატი-
ეო, თუ ვინმეა ამ ქალაქში შენი ნაცნობი, ბლალოჩინი ან ეპისკო-
პოსი, მოიყვანე ამა და ამ სამიკიტნოში, ერთი კარგად უნდა გა-
ქეიფოო.

ხუცესი ჭამაზე ჭიპმოჭრილი იყო და ეს ამბავი ძალიანაც გაუ-
ხარდა.

— კი, კაცო, მაგი რა საქმეა, გესტუმრებო, — უთხრა ბერი-
კაცს.

ბერიკაცი წავიდა სამიკიტნოში და მიკიტანს შეეხვეწა: აქ
სტუმრები მომყვება, მიქენი კაცობა, გამიკეთე საქმელებო, და
ფული, ოცდახუთი მანეთი, წინდაწინ მისცა. ბერიკაცმა ბოლოს
გააფრთხილა: როცა ანგარიშების გასწორების დრო მოვა, მე ქუდს
მოვიხდი და გეტყვი: ქვით დახლიდარო-თქვა და შენც დაიძახე:
ქვით-თქო.

— კი, ბატონო, ადვილი სამსახურიაო, — უთხრა მიკიტანმა
და ჩაიჯიბა ოცდახუთი მანეთი.

გახარებულმა ხუცესმა თავისი ნაცნობები დაპატიჟა, ბლადო-
ჩინი, ეპისკოპოსი, დიაკონი — სულ იქ იყვნენ. თხუთმეტმა კაც-
მა მოიყარა თავი. სამიკიტნოში მათ დახვდა გამხაარულებული
მასპინძელი.

დასხდნენ. მიირთვეს სადღეგრძელოები. სვეს, ჭამეს, ბოლოს,
კმაყოფილი რომ შეიქმნენ, ადგნენ. როცა ფულის გადახდის დრო
მოვიდა, ბერიკაცმა მოიხადა ქუდი და მიკიტანს დაუძახა:

— ქვით, დახლიდარო!

— ქვით, ბატონო! — მაშინვე უპასუხა იმანაც და წავიდნენ.

ეს ყველას ძალიან გაუკვირდა. სტუმრები გააცილ-გამოაცილეს
და ხუცესი მიუბრუნდა ბერიკაცს: შენთან დიდი მადლობელი
ეარ, ასეთი პატივი მეცი, მაგრამ იმან გამაოცა, რომ იმ დახლი-
დარისთვის ფული არ მიგიცია და არაფერი მოგთხოვაო, თუ კაცი
ხარ, მითხარი, რა უქენი იმისთანა?

ბერიკაცმა ეს თითქოს არ შეიმჩნია და ისე უთხრა: ჰე, ჰე.
ჰე! ამას შენ რას ეძებ, თქვენ ჭამა-სმა ვერ შესძელით, თორემ,
თუ გინდ ხუთასი მანეთი დამეხარჯა, ეს ქუდი იმისთვის მაქვს,
ყველას გადაიხდიდაო!

ახლა შეუჩნდა ხუცესი: რამენაირად ეს ქუდი მომყიდეო!

— არა, — უთხრა ბერიკაცმა, — ხარები რად მინდოდა, მგელი
ეცა, ეს ქუდია ჩემი ცხოვრება, მაგას როგორ გავყიდი, ღმერთი
როგორ გამიწყრება!

ხუცესი დაფიქრდა: ხარებში კი მოვატყუილე და ახლა ეს ქუ-
დიც თუ ხელში ჩავიგდე, მთლად გავკეთდი კაციო. არ ეშვება: ბა-
რემ იმდენი ხათრი დამდე, ქუდიც მომყიდეო! ბოლოს, ხუცესი
რომ არ მოშორდა, ბერიკაცმა უთხრა: რადგან ასე გულით გინდა
ეს ქუდი, მომეცი, ძმაო, ხუთი თუმანი და მეტს არაფერს გთხოვო.

ხუცესმა მაშინვე მისცა ხუთი თუმანი, ქუდი ჯიბეში ჩაიღო და წავიდა. გავიდა ერთი კვირა. წავიდა კიდევ ბაზრობაზე ხუცესი გადაქაჩული. მივიდა ბლადოჩინთან და სადილად დაპატიჟა. მოიწვია კიდევ ბევრი სხვა სტუმარიც. შევიდნენ სამიკიტნოში. მოითხოვეს ნაირ-ნაირი საკმელები. მიკიტანს მოაქვს ყველაფერი, საკმელი და სასმელი. რომ დაკმაყოფილდნენ, ხუცესმა მოიხადა ქუდი და მიკიტანს დაუძახა: ქვით, დახლიდარო! სამჯერ გაუმეორა, მაგრამ, შენც არ მომიკვდე, არავინ ეუბნება „ქვითო“.

ბოლოს, გაცეცხლებულმა დახლიდარმა შეუტია: ხუცესო, ხომ არ გადარეულხარ, რის ქვითაა, ალბათ, დამთვრალხარო! ეცნენ ხუცესს: ფული მოგვეცი, თორემ კისერს წაგაწყვეტო.

ჩამოდგნენ შუაზე ბლადოჩინი და ეპისკოპოსი: ხუცესს ფული არ ჰქონია და ჩვენ გადავიხდითო. გაათავისუფლებინეს ხუცესი და თვითონ გადაიხადეს დანახარჯი. სირცხვილნაქამი ხუცესი წამოვიდა შინ, მაგრამ შენი მტერია, როგორც იგი მოდიოდა. ახლა მიხვდა, რომ ბერიკაცმა ასე ეშმაკურად მოატყუილა. გაბრაზებული ხუცესი გაიქცა ბერიკაცისას: ასეთი მოტყუებისათვის ცოცხალს არ დავტოვებო.

ბერიკაცმა თავდასაცავი ხერხი წინასწარ მოიფიქრა და ელოდებოდა ხუცესს. სწრაფად დაკლა ქათმები და მათი სისხლი სამ გულდაბერაში ჩაასხა. სისხლიანი გულდაბერები შეება კისერზე ცოლსა და ორ ბავშვს, აიღო ერთი ჭაყვა და ელოდებოდა ხუცესს.

სად იყო, სად არა, მოვარდა გაბრაზებული ხუცესი. ყვირის და იგინება, უნდა ეცეს ბერიკაცს და წააგდებინოს თავი. ბერიკაცმა ტკბილად უთხრა: მობრძანდით. ხუცესმა ყვირილი დაუწყო: როგორ მომატყუე, როგორ დამავსე, რა მომეცი ხუთ თუმნადო!

ბერიკაცმა სახე დაიღრიჯა და უთხრა: არა, კაცო, მე შენ როგორ მოგატყუებდი, ცოლმა მიქნა ყველაფერი, თორემ ღვთის მაგიერ კაცს როგორ შეგაცდენდიო!

ამოიღო ჯიბიდან ჭაყვა, ეცა ცოლს და გამოუსვა ყელში, ქალმაც გაასავსავა ფეხი, სისხლი ამ გულდაბერიდან წამოვიდა თქრიალ-თქრიალით. მერე ბერიკაცი ეცა ბავშვებს და ვითომ ორივეს გამოლადრა ყელი. დაიწყო ყვირილი. ხმაურზე მოცვივდნენ მეზობლები, დინახეს, ქალი და ბავშვები სისხლის ტბაში ყრია. დაჰკირეს ხუცესი და დაუწყეს გინება: შენ რა ადამიანი ხარ, ბერიკაცი თუ ქალ-ბაღანას ხოცავდა, ხელი რად არ შეუშალეო!

ხუცესი თავს იპართლებდა: ბერიკაცმა მე. მომატყუა, ახლა

თავისი ქალ-ბაღანა დაკლა, გადარეული ყოფილა, ნეტავ, აქ სულ არ მოვსულიყავიო!

მეზობლები შეწუხდნენ. ხედავენ, რომ დგას სისხლის ტბა. ზოგი აგერ გდია ყელგამოლადრული, ზოგი — ეგერ. ბოლოს ბერიკაცმა თქვა: თქვენ რა გაწუხებთ, მე ჩემი ცოლ-შვილი დავკალი, ოღონდ ეს ხუცესი ჩამომშორდეს და მე მათ ახლავე გავაცოცხლებო...

— ოღონდ ეგენი გააცოცხლე და სხვა შენი არაფერი მინდაო, — უთხრა ხუცესმა.

ბერიკაცმა ქალს რაღაც შეულოცა, შემდეგ ჯაყვის ყუა კისერზე მოუსვა და ქალი წამოვარდა ზეზე. — დედა, ბეჩა, უკაცრავად ვყოფილვარ, სტუმრები მოსულანო! — ყველა გამტერდა ამ სანახაობით, ეს რა სასწაული მოახდინა ბერიკაცმაო. შემდეგ ბავშვებიც გააცოცხლა, დაჯდა და დაისვენა.

მეზობლებს გაუხარდათ. ხუცესი კი წავიდა შინისაკენ. ახლა მოტყუებას რაღას დაეძებს, ის უხარია, რომ ასე იოლად გადარჩა ამ ხათაბალას. მიდის ხუცესი და ფიქრობს, რა კარგია, მასაც ჰქონდეს ასეთი ჯაყვა! მის უამურ ცოლ-შვილს, ყოველდღე რომ საქმეს უჭირვებენ და არ ასვენებენ, ერთს მაინც შეაშინებდა.

გავიდა ხანი. ხუცესი კიდევ წავიდა ბაზარზე რაღაცის საყიდლად. შეხვდა კიდევ ბერიკაცს. მან, რასაკვირველია, ხუცესს პირველად ხარების ამბავი ჰკითხა.

— არიან კარგად, არა უშავსო, — უთხრა ხუცესმა. მოაგონდათ იმდღინდელი ამბავი.

— ყველაფერში მომატყუე, მართალია, მაგრამ იმ ჯაყვამ მთლად გადამრია, კაცო, როგორ ჩემს თვალწინ გააცოცხლე ყელგამოჭრილი ხალხიო, — ეუბნებოდა გაკვირვებული ხუცესი.

— ის დანა რომ არ მქონდეს, ჩემს ცოლ-შვილს ვერ გავუძლებდიო, — დაიწყო ტრაბახი ბერიკაცმა.

— მთლად ჩემი საქმეა მაგფერი ჯაყვა, და თუ კაცის ნამუსი გაქვს, რამდენიც გინდა წაილე, ოღონდ მომყიდეო, — შეეხვეწა ხუცესი.

ბერიკაცმა ფეხი გაიდგა ჯორივით. არ იქნა, ვერ მოიშორა ეს აბეზარი ხუცესი. ბოლოს, დიდი თხოვნა-მუდარის შემდეგ, მიჰყიდა ჯაყვა სამ მანეთად და დაუბარა: ჯაყვა ჰკუთით იხმარე, მე გაჩვეული კი მაქვს, მაგრამ მაინც საფრთხილოა, გლახად რამეზე არ წაგცდესო!..

მივიდა ხუცესი შინ, რაღაც სხვაგვარად იბღინძებდა. სურს რამე მიზეზი უპოვოს ცოლ-შვილს. იშოვნა მიზეზიც. შეიქმნა ჩხუბი და უბედურება. ხუცესმა იძრო ჯაყვა და ჯერ ცოლს ეცა. ეს რომ მისმა

გასათხოვარმა ქალმა დაინახა, კივილით მიაშურა, ხუცესმა იმასაც გამოუსვა დანა კისერში და უყურებს ამ სურათს სახეგაციონებული.

ამ კვილზე მოცივდნენ მეზობლები. საშინელი სანახაობა ნახეს, შენმა მტერმა ნახოს ისეთი სანახავი! გადარეულა ხუცესიო, — იფიქრეს. ხუცესმა იხტიბარი არ შეიტება, კიდეც იცინის. ხალხმა ჩხუბი დაუწყო: კაცო, რამ გადაგრა, როგორ დაგიხოცავს ცოლ-შვილი, ესაა ღვთის კაცი ვარო?!

ხუცესმა მხიარულად ჩაილაპარაკა: აგენი ჩემთვის უამური იყვნენ და შესაშინებლად დავკალი, თორემ ახლავე გავაცოცხლებ ყველასო.

წაუსვა დანის ყუა ქალს კისერზე, კიდევაც შეულოცა რაღაც, მაგრამ შენი მტერი არ გაცოცხლდა იმის მეტი, რაც ისინი არ გაცოცხლებულან. დაკლულ ადამიანებს, აბა, რა გავაცოცხლებდა! ბევრს ეწვალა ხუცესი, ექიმებიც მოიყვანა, მაგრამ არაფერი ეშველა. ახლა კი მიხვდა, რომ კიდეც მოატყუა იმ შეჩვენებულმა ბერიკაცმა. მიატოვა დახოცილები და გაიქცა ბერიკაცისას (ნუ გეშინია, გზა კი იცის, სამჯერაა ნამყოფი!). ეცა ბერიკაცს მგელივით: შენ დამივსე ოჯახი, ცოლ-შვილი დამახოცვინე, ახლა მაინც აგიგებ წესსო. შეუქრა ხელფეხი ძლის ბაწრით და წაიყვანა ზღვაში დასახრჩობად.

ხუცესმა მიიხედ-მოიხედა, მაგრამ ისეთი ვერაფერი დაინახა, რომ გამოდგომოდა ბერიკაცის ზღვაში გადასადგებად. გაიხედა შორს და თვალი მოჰკრა ვიღაც მენავეს, თევზაობდა. ბერიკაცს ფეხებიც შეუქრა და გაიქცა ნავის მოსაყვანად.

მენავეს რომ უთხრას, კაცის დასახრჩობად მათხოვე ნავიო, როგორ ათხოვებს, მაგრამ ხუცესიც ეშმაკია. მოიგონა რაღაც ხრიკი და მენავეც დაითანხმა.

ხუცესმა რომ ზურგით რაღაც მოიტანა ზღვასთან და მიწაზე დააგდო, თურმე დაუნახავს მეცხვარეს, რომელიც იქვე ახლოს იღვა და ცხვარს მწყემსავდა. მეცხვარემ იფიქრა: ხუცესმა რაღაც დატოვა და მოვიპარავო. მივიდა და რას ხედავს, ხელფეხშეკრული კაცია. ჰკითხა: რა დაგემართა, რა მოგსვლიათ?

— ასე და ასეა ჩემი საქმე, — უთხრა ბერიკაცმა, — კაცო, ხუცესი დავპატიე, შენგან ნაყიდი ცხვარი დაუუკალი, ის კი ამბობს, ცხვარი კი არა, ძაღლი იყოო და ამისათვის კი მახრჩობს ზღვაში; თუ ძაღლი იყო, რატომ ამომავდე და მომყიდე! იწამე ღმერთი, შემაჭერი ეს ბაწარი, გავიქევი და იქნებ შენც გადარჩე, თორემ შენს ამბავსაც ვეტყვი და გახელებული ხუცესი დედას გიტირებსო.

მეცხვარეს შეეშინდა და გაათავისუფლა. ბერიკაცმა გაიხადა ტანი-სამოსი და გაიქცა. მირბის თავქუდმოგლეჯილი.

ამასობაში ხუცესს მოყავს ნავი. მივიდა და რას ხედავს, ტანისა-მოსი კი ყრია, მაგრამ ბერიკაცი გაქცეულა! თვალი მოჰკრა მეცხვა-რეს, ბერიკაცი ეგონა და გამორუდგა. მირბის მეცხვარე და ყვირის: კა-ცო, მე ძაღლი არ მიმიყიდა, ნამდვილი ცხვარი მივეციო!

მაგრამ ხუცესს ეს არ ესმის. როგორც იყო დაიჭირა საწყალი მეცხვარე და არ აძლევს საშველს, ჩაისვა ნავში და წაიყვანა დასახ-რჩობად. კაი მანძილით რომ მოშორდნენ ნაპირს, ხუცესი დარწმუნ-და, რომ მეცხვარე ვეღარ გამოვა ნაპირზეო და ჩააგდო ზღვაში. მეცხვარემ ცურვა კი იცოდა, მაგრამ ხელი შეკოჭილი ჰქონდა და დაიხრჩო.

ბერიკაცი ყოველივე ამას შორიდან უთვალთვალებდა. ნახა, მე-ცხვარეს ორმოცა ცხვარი უბატრონოდ დარჩა, გამოირეკა და წამო-ვიდა შინ. ერთ დღეს ოცი სული ცხვარი ბაზარზე გარეკა გასაყიდად. რალაც ეშმაკზე კიდევ შეხვდა ხუცესს. ის ხედავს ბერიკაცს, უცქერის და გაკვირვებულა, თვალებს არ უჭერის. ჰკითხა ბოლოს:

— ზღვაში რომ ჩაგაგდე, შენ ხარ იგი?

— ჰო, მე ვარ, მაგრამ, შე გაკვირვებულო, შორს რატომ არ გად-მაგდე ზღვაში! შენ რომ ჩამაგდე, იქ ზღვა ღრმა არ იყო, ვნახე, ცხვრები ძოვდნენ, გამოვირეკე ორმოცი სული და წამოვედი, ოცს აგერ ვყიდი, და თუ გინდა, უფასოდ წაიყვანე, მაინც მუქთად მყავს ნაშოვნო, ჯაყვა შენ ვერ მოიხმარე, თორემ კარგი ფასი ღირს, თუ გასურს, მომეცი და ორ ცხვარს მოგცემო.

ხუცესი გაკვირდა: დანას მოგცემ, კაცო, ცხვარი არ მინდა, ოღონდ ერთი სიკეთე მიქენი, წამიყვანე და მეც ჩამაგდე იმ ზღვაში, ჩემთვისაც ამოვდენი ცხვარსო!..

ეშმაკმა ბერიკაცმა შურიანად უთხრა ხუცესს: შენ ხელ-ფეხი შეუკოჭავი გექნება და ას სულს მაინც ამოვდენი, მეც არ დაგავიწყ-დე, ბარე ექვის სული ჩემთვისაც წამოიყვანეო.

ბერიკაცმა წაიყვანა ყვეყჩი მღვდელი. ჯერ თავის სახლში გამო-ატარა. აქ დიდი ქეიფი გასწიეს. ცოლმა უთხრა: შენ ვერ მოიხმარე, თორემ ჩემმა ქმარმა ყველაფერი კარგი ნახელავი მოგყიდა, ხარები იყო და მშვენიერი იყო, დანა და — კიდევ უკეთესი! ახლა ცხვრებ-საც ბლომად იშოვნო.

გამოქექილმა ბერიკაცმა წაიყვანა ხუცესი ზღვაზე. ჩაისვა ნავში და მიჰყავს. ხუცესი იძახის: კიდევ იქით გამწი, იქით, უფრო მეტ ცხვარს ამოვიყვან შენს ჯიბრზეო!

ამასობაში ბერიკაცმა ჰკრა ხელი და ხუცესი გადაუძახა ზღვაში. ამის შემდეგ არც ხუცესი ჩანს და არც ცხვარი.

მღვდელი და მისი ლამაზი ცოლი

ერთ სოფელში ბებერ მღვდელს ძალიან ლამაზი ცოლი ჰყავდა. ახალგაზრდა ქალს ცხრაკლიტულში ამყოფებდა, გარეთ არ უშვებდა.

იმ სოფელში ერთიც კაი ბიჭი იყო. ძალიან მოსწონდა მღვდლის ლამაზი ფოფოლია. დაენაძლევა ამხანაგებს, ამ მღვდლის ცოლს ვითხოვ და ჯვარსაც მღვდელთან დავიწერო!

— თუ შენ მაგას იზამ, — ერთმა უთხრა, — ღვინო ჩემზე იყოსო, მეორემ უთხრა, — ცხვარს მე დავკლავო, მესამემ — პურს მე მოვიტანო, მეოთხემ კი — რაც სხვა ხარჯი იქნება, ჩემი საქმე იყოსო.

ბიჭმა დაიბარა მიწის მთხრელები. დაუდო გეგმა, ჩემი სახლიდან იმ მღვდლის სახლამდის ხვრელი უნდა გაქრათო. დაიწყეს ხვრელის გათხრა და მღვდლის განჯინამდე გაიყვანეს.

ერთ მშვენიერ დღეს, როცა მღვდელი შინ არ იყო, ბიჭი შეძვრა ხვრელში, გამალო განჯინის კარები და გადახტა. ქალი ტახტზე იჯდა, ბიჭი რომ დაინახა, შეშინდა.

— ნუ გეშინია, შენს მხსნელად ვარ მოსული, — უთხრა ბიჭმა, — მაგ მღვდელს რომ ცხრაკლიტულში ჰყავხარ დამწყვდევლი, უნდა გაგათავისუფლო, ცოლად წამომყვივიო.

— თანახმა ვარ, მოგთხოვდები, ოღონდ კი ამ ჯოჯოხეთიდან, დამიხსენიო, — მიუგო ქალმა.

ბიჭმა აჩვენა ხვრელი, აქედან ვივლიო, — დაუბარა და წამოვიდა ამხანაგებთან. ამხანაგები პირობის შესრულებას შეუდგნენ: ზოგმა პური მოიტანა, ზოგმა — ღვინო, ზოგმა — ცხვარი. ყველაფერი მოამზადეს. მხოლოდ მღვდლის გაფრთხილებადა იყო საჭირო. საღამოზე მივიდა ბიჭი მღვდელთან და უთხრა: ხვალ ცოლი მომყავს და ჯვარი უნდა დამწეროო.

მეორე დღეს მღვდელი გამოემშვიდობა თავის ახალგაზრდა ცოლს, დატოვა ცხრაკლიტულში და წამოვიდა.

მღვდელი რომ გაისტუმრა, ქალი ხელად ჩახტა ხვრელში და მიუდგა ბიქს გვერდზე. მღვდელმა ქალს შეხედა და პირჯვარი გადაიწერა: ეს ხომ ჩემი ცოლიაო!

— ცოტა დამაცადეთ, საცეცხლური დამავიწყდა, ახლავე მოვალო! — თქვა მღვდელმა და შინ გაიქცა: უნდა ნახოს, ცოლი სახლშია თუ არა.

ქალმა მაშინვე გაირბინა ხვრელი, საშინაო ტანსაცმელი გადაიცვა და ისევ ისე დაჯდა თავის ოთახში. მღვდელი რომ დაინახა, ქალმა ჰკითხა:

— რად მობრუნდი, ხომ არაფერი ამბავია?

— არა, საცეცხლური დამავიწყდა! — იცრუა მღვდელმა და უკანვე გამოიქცა.

ქალმა კიდევ გამოირბინა ხერელი და ისევ მიუდგა ბიჭს გვერდზე. მღვდელმა კიდევ შეხედა და თვალეზი ამოიფშენიდა: ნეტავ რა მემართება, ეს ხომ ნამდვილად ჩემი ცოლიაო! ახლა იცრუა, სახარება დამავიწყდაო და ისევ შინ გაიქცა. ქალმა ხერელიდან მიასწრო და შინ დახვდა.

— მღვდელო, ახლა წახვედი, უკან რისთვის მობრუნდი, რა გემართება, ავად ხომ არა ხარ? — უთხრა ქალმა.

— არა, სახარება დამავიწყდა და იმიტომ მოვედი! — უპასუხა.

ისევ დაკეტა ცხრა კარები და წავიდა. ქალმა უცებ გაირბინა ხერელი და ისევ მიუჯდა ბიჭს გვერდზე. მოვიდა მღვდელი, შეხედა ქალს და თქვა: ეს ნამდვილად ჩემი ცოლია, ნეტავ რა მემართება, ღპერთო, მიშველეო! ოღარები დამავიწყდა, შვილო, და ამ წუთში მოვალო, — უთხრა ბიჭს და შინ გაიქცა. ქალმა უფრო ადრე გაირბინა ხერელი და თავის ოთახში დახვდა.

— მღვდელო, რა მოგივიდა, რა ყოველ წუთს დარბიხარ, რა არის, რომ ვერ დასწერე ჯვარი იმ საწყალ ბიჭსა!

— როგორ უნდა დავწერო ჯვარი, იმ ბიჭის ცოლი სულ შენა გგავს! — უთხრა მღვდელმა.

— მერე რა არის, მღვდელო, ადამიანი ადამიანს ჰგავს, ეგ რა ვასაკვირია! — დააიძედა ცოლმა.

მღვდელი დარწმუნდა, რომ ცოლი ნამდვილად შინ არის, მაგრად გამოიკეტა კარები, კარგად შეამოწმა ცხრაკლიტული და წაპოვიდა.

ქალმა უცებ გაირბინა ხერელი. კიდევ უფრო კოხტად გამოეწყო და მღვდლის მოსვლაძვე მიუჯდა ბიჭს გვერდზე. მღვდელმა დაიწყო კურთხევა, მაგრამ შინც აპბობს: ეგ სულ ჩემს ცოლს ჰგავს, ნეტავ რა მემართებაო.

წავიდნენ საყდარში, დასწერა ჯვარი და წამოვიდნენ ქორწილში. გაიპართა დიდი ქორწილი. მღვდელი თამადად დააყენეს. ბიჭმა მღვინეებს სთხოვა: ისე დაათვრეთ, სულ ყირაზე გადალიოდესო.

მღვდელმა ბევრი ღვინო დალია. ისე დათვრა, რომ იქვე დაეძინა. ყველანი წავიდ-წამოვიდნენ. ბიჭები ადგნენ, ამ მღვდელს წვერი გაკრიჭეს, ტანისამოსი გახადეს, ჯარისკაცის ტანსაცმელი ჩააცვეს, ჯარისკაცის ქუდიც დაახურეს, ერთი ჟანგიანი თოფი ხელში მისცეს, გაიყვანეს და ერთ შარავზაზე დააწვინეს.

გამთენიისას მღვდელს შესცივდა და გამოფხიზლდა. ცოტა შეიშმუშნა, წვერზე ხელი ჩამოისვა, ნახა, წვერი არა აქვს, თავზე ჯარისკაცის ქული ახურავს.

აღგა. უნდოდა ანაფორის მოხვევა, მაგრამ ანაფორის მაგივრად ჯარისკაცის ტანსაცმელი ეცვა. გადაყო გვერდზე ხელი — უანგიანი თოფი უღევს. გაუკვირდა. აზრზე ვერ მოვიდა. თქვა: თუ სალდათა ვარ, ჩემი პოლკი სად არის? თუ მღვდელი ვარ, ან წვერი რა მექნა, ან ანაფორა! მოდი, წავალ მღვდელთან, თუ მღვდელი შინაა, მაშინ მე სალდათი ვიქნები, თუ შინ არ არის — მაშინ მე მღვდელი ვიქნებიო. მოვიდა თავის სახლში და დაიძახა:

— ფოფოღია, ფოფოღია, გამოიხედე!

ამ დროს ფოფოღია და მისი ახალგაზრდა ქმარი მღვდლის სახლში არიან. ფოფოღიამ გამოსძახა:

— ვინა ხარ, ვის ეძებ?

— მღვდელი, სახლშია?

— ეს არის, ამ წუთში ნათლობაში წავიდა!

ახლა მღვდელმა თქვა: მაშ, მე ნამდვილად სალდათი ვყოფილვარო, და ისევ ისე ფოფოღიას დაუძახა:

— უკაცრავად კი ვარ, რომ გაწუხებ, მაგრამ დღეს აქ ჯარის ხალხს ხომ არ გაუვლია?

ფოფოღიამ გადმოსძახა: ამ საღამოზე გამოიარეს, კარგად რომ ირბინო, დაეწევიო!

მოიგლიჯა მღვდელმა ქული, ცალ ხელში თოფი დაიჭირა და გაიქცა: არიქა, ჩემს ნაწილს ჩამოვრჩენილვარ, უნდა დავეწეო! მღვდელი დღესაც გარბის, მაგრამ არ იქნა და ვერ დაეწია თავის ჯარს!..

მღვდლის ცოლი

იყო და არა იყო რა, იყო ერთი მღვდელი, რომელსაც კარგი ცოლი ჰყავდა.

ერთხელ მღვდელი სხვა სოფელში წავიდა. ცოლმა კი საყვარლები გაიჩინა, ისინიც მღვდლები. ერთი დაიბარა საღამოს რვა საათზე, მეორე ცხრაზე და მესამე — ათზე. ქმარი კი თერთმეტ საათზე უნდა მოსულიყო.

მართლაც, რვა საათზე მოვიდა პირველი მღვდელი. მოუტანა

ქალს საუბრე, სასმელ-საქმელი. საუბრესა და ტყბილ მუსაიფში ერთი საათი გავიდა. მოაკაკუნა მეორე მღვდელმაც. ცოლს ვითომ შეეშინდა: ვაიმე, ჩემი ქმარი მოვიდა და სად დაგმალო! ერთი ქვევრი ჰქონდა. ახადა და შიგ ჩასვა.

გაულო კარი მეორე მღვდელს. ისიც სასმელ-საქმლით დატვირთული შემოვიდა. საუბრესა და ტყბილ საუბარში ერთი საათი გავიდა. მოაკაკუნა მესამე მღვდელმაც. ქალი ვითომ კიდევ შეეშინდა: ჩემი ქმარი მოვიდა და სად დაგმალო! ახადა იმავე ქვევრს და მეორე მღვდელიც შიგ ჩასვა.

მესამე მღვდელსაც იგივე დაემართა და ბოლოს თავისი ქმარი მოვიდა. ვერაფერი გაიგო, ლაზათიანად ივახშმა და არბენად დაიძინა.

დილით მღვდელი იმავე სოფელში წავიდა. ცოლმა ქმარი რომ გაისტუმრა, ახადა ქვევრს და ნახა, საპირე მღვდელი დამხრჩვალყო. ცოლმა თქვა: ქმარმა რომ არ გაიგოს, უნდა გადავყარო! ამოათრია ერთი მღვდელი ქვევრიდან და იქვე დააგდო. გაურიგდა ერთ კაცს თუქნად, რომ საღვე შორს გადააგდებო.

— ეს მღვდელი ქვევრში ჩამხრჩვალა და გადააგდებო.

კაცმა აიკიდა ზურგზე მღვდელი, წაიყვანა და სოფლის ბოლოს ხრამში გადააგდო. როცა დაბრუნდა ფულის მისაღებად, ნახა, მღვდელი ქვევრის თავზეა. ესეც აიკიდა და მაღალი მთიდან დააგორა.

კიდევ დაბრუნდა ფულისათვის, მაგრამ ქვევრის თავზე კიდევ დახვდა მღვდელი. ესეც აიკიდა და იმავე ხრამში გადაუძახა. ფულისათვის რომ დაბრუნდა, დაინახა ცხენზე მჯდომი მღვდელი მოდის, ეს იმ ქალის ქმარი იყო. შინ ბრუნდებოდა.

კაცმა თქვა: ეს ცხენით მოდის, მე ფეხით როგორ მოვასწრებდიო, მივარდა, გადმოაგდო ცხენიდან, ჯერ მაგრად სცემა, შემდეგ ქვაზე დაუდო თავი და გაუჭეპყა, წაიღო და იმავე ხრამში გადაუძახა. თვითონ შექდა ამ ცხენზე და წამოვიდა ფულის ასაღებად. მღვდლის ცოლს გულზე შემოეყარა: ამას ჩემი ქმარიც მოუქლავსო! რაღას იზამდა, ადგა და თუმანიც გადაუხადა...

წუწკი მღვდელი

ერთ სოფელში წუწკი მღვდელი იყო. მისი სახლის წინ ერთი გლეხი ცხოვრობდა და კარგი ცოლი ჰყავდა. მღვდელი გამოვიდა დილით და ამ ქალს დაუძახა: ქალო, ყიყლიყო! ყოველ დილით ასე უძახდა, მაგრამ ქალმა ვერაფერი გაიგო.

ერთხელაც ქალმა ქმარს გაუმხილა: მღვდელი ყოველ დილით ასე მიძახისო. ბიჭმა გაამზადა ორი კოდი ნედლი სიმიინდი, ხელსაფქვავეები, დიდი კომბალი და ცოლს უთხრა: ხვალ დილით მღვდელმა რომ დაგიძახოს ყიყლიყო, შენ უპასუხე — მაყვლიყო-თქო. ეს შენთან მოვა, მეც აქ ვიქნები დამალული და სეირს გაჩვენებო.

მეორე დღეს მღვდელმა ჩამოიარა და ქალს დაუძახა:

— ყიყლიყო!

ქალმა უპასუხა:

— მაყვლიყო!

მღვდელმა პირჩვარი გადაიწერა, რახან ველირსე, ქალმა ხმა გამცა, საქმეც გაკეთებულიაო. მივიდა ქალთან გალიმებული. კარო რომ შემოაღო, ქმარი დახვდა.

— მღვდელო, აქ რა გინდაო?

— ისე მოვედი, როგორც მეზობელი, მეტი არაფერიო.

ბიჭმა ცოლს უთხრა: გამოიღე ხელსაფქვავეები და ის ორი კოდი ნედლი სიმიინდიცაო.

ქალმა ესენი მოიტანა. ბიჭმა ახლა ერთი კომბალი გადაჰკრა მღვდელს და უბრძანა: საღამომდე ეს თუ არ დაგიფქვავს, თავ-პირს დაგამტკრევო!

მშიერ-მწყურვალი მღვდელი დაჯდა და საღამომდე ატრიალა საფქვავი. საღამოთი ბიჭი დაადგა კომბლით და კარგა მაგრად სცემა, სულ სისხლი აღინა და დაბარა: წადი, საცა შენი თქვა, იქ ჩემიცა თქვიო!

წავიდა მშიერი და ნაცეპი მღვდელი სახლში. ცოლმა ჰკითხა:

— მღვდელო, ეგ რა მოგსვლია, განა სად ყოფილხარო?

— რაღა რა მომსვლია, დილას აქეთ თორმეტი ნათლობა გამოვიარე, ყველგან თამადად ვიყავი, დავითვერი, გზაში წავიქეცი და თავ-პირი დავიმტკრიეო.

დაიძინა ასე ნაცემმა და დამტკრეულმა. სამ დღეს ზეზე არ ამდგარა. მეოთხე დღეს რომ ჩამოიარა, ქალმა დაუძახა:

— მღვდელო, ყიყლიყო!

— რაო, შენი ჰირიმე, — გასძახა მღვდელმა, — კიდევა გაქვთ სიმიინდი დასაფქვავიო?!

იმ დღიდან მღვდელი სულ აღარ იყურებოდა მეზობლისაკენ.

მეწიქვილის ვაჭიშვილი და სამი ქონა

ერთ მეწიქვილეს მშვენიერი ვაჭიშვილი ჰყავდა. რომ გაიზარდა, თქვა: რაღაც არ უნდა დამიჯდეს, ხელმწიფის ქალი უნდა შევიერთო ცოლადო. მშობლებმა დაუშალეს: რას ამბობ, შვილო, ხელმწიფემ ეს რომ გაიგოს, დაგვხოცავს, სად ჩვენ და სად ხელმწიფის ქალი, საწყალი მეწიქვილის შვილს ხელმწიფე განა ქალს მოგცემსო? ბიჭი ჩაცივებით იძახდა: რაღაც არ უნდა დამიჯდეს, ხელმწიფის ქალი უნდა ვითხოვო.

ხელმწიფემ გაიგო, რომ მეწიქვილის ვაჭიშვილი მისი ქალის თხოვნას აპირებდა. დაიბარა და შეეეთხა: ჩემ ქალს რომ თხოულობ, განა შეგიძლია მისა შენახვა? ერთ დეკეულს მოგცემ, წაიყვანე ქალაქში და, თუ გაყიდი, ჩემს ქალს მოგათხოვებო.

ბიჭი დათანხმდა: ერთ დეკეულს როგორ ვერ გავყიდიო! წაიყვანა დეკეული ქალაქში გასაყიდად.

ამ ქალაქში სამი ვაჭარი ქოსამატყუარა ცხოვრობდა. უფროსი ქალაქის თავში იდგა, შუათანა — შუა ქალაქში, უმცროსი — ბოლოში. ქოსამატყუარები პატიოსან ადამიანებს ძარცვავდნენ და ლუქმაპურს პირიდან აცლიდნენ. ეს ბიჭიც მათ ჩაუვარდა ხელში. ქალაქის თავში მას უფროსი ქოსა შეხვდა. შეევაჭრა: ეგ დეკეული როდია, ბატია, თუ გინდა, ბატის ფასს — ექვს შაურს მოგცემო.

ბიჭი ჩაფიქრდა, მაგრამ უარი უთხრა.

შუა ქალაქში შუათანა ქოსა შეხვდა. ისიც შეევაჭრა. ბიჭმა დეკეულის ფასი უთხრა, ქოსამ ბატის ფასი, ექვსი შაური შეაძლია. ბიჭი ახლა შეეკვდა, იქნებ, მართლა ბატიაო, მაგრამ ამ ფასად შინც არ გაყიდა.

ქალაქის ბოლოს უმცროსი ქოსა შემოეგება. ისიც შეევაჭრა. ბიჭმა დეკეულის ფასი სთხოვა, ქოსამ ექვსი შაური შეაძლია, ამის მეტი ბატი არ ღირსო.

ბიჭმა ახლა კი იფიქრა: ნამდვილად ბატი ყოფილაო და მიჰყიდა დეკეული ბატის ფასად. ქოსამ დეკეული მაშინვე დაკლა, გაატყავა და შესაწვავად მისცა ფურნეში. ბიჭმა კული გამოართვა, იქვე ახლოს ბინა იშოვნა და ქოსას თვალთვალი დაუწყო. დეკეული რომ შეიწვა, ბიჭი მივიდა მეფურნესთან და უთხრა: ქოსამ გამომგზავნა დეკეულისათვის, ეს კული ნიშნად გამომატანა და შემწვარი დეკეული მომეცო.

მეფურნემ მაშინვე მისცა შემწვარი დეკეული. ბიჭმა ის თავის ბინაზე წამოიღო და კარგ დროს ატარებს. ქოსებმა ბევრი ეძებეს დეკეულის წამლები, მაგრამ ვერსად იპოვეს.

ბიჭმა მკითხაობა დაიწყო.

ქოსებმა თავი მოიყარეს და თქვეს: ქალაქში ჯერ არავის მოვუტყუილებივართ, იმ თითის სიგრძე ბიჭმა როგორ გაგვაბრიყვა, ცოცხალი, ან მკვდარი უნდა ვიპოვოთო. მოდი, მკითხავთან წავილდეთ, ის გაიგებს, თუ სად დაიშალა ის ბიჭიო.

მავედნენ მკითხავთან და თავიანთი გაჭირვება შესჩივლეს. ბევრ ფულს შეპირდნენ, ოღონდ იმ ბიჭის კვალი გვიჩვენეო. მკითხავმა უთხრა მათ:

— თქვენ ერთი ბიჭი მოგიტყუილებიათ, დეკეული ბატად გიყიდიათ და კული მიგიციათ. დეკეულოც იმ ბიჭს შეუტყაპია და ამ წუთშიც გატყუილებთო.

ქოსებს ეს ამბავი ენიშნათ და მკითხავს კარგი საჩუქარი მისცეს. ბიჭმა ამ მკითხაობაში აღებული ფულით ქალის ტანისამოსი იყიდა, უკანასკნელ ქალურ მოდაზე გამოეწყო და ქალაქში გაიარ-გამოიარა. უმცროსმა ქოსამ დაინახა და ძალიან მოეწონა. მიუგზავნა კაცები და საქმე გაარიგა. დაინიშნა ქორწილი.

ამ ქოსებს ერთი დიდი სახლი აქვთ მდინარის პირს. სახლს მდინარეზე გადასახედი ფანჯარა აქვს. ქოსები თურმე ამ ფანჯარაში გააყოფინებდნენ თავს ჭტუმარ სოვდაგრებს, ფულს ამოაცლიდნენ და მდინარეში გადაუძახებდნენ. ასე გამდიდრებულან ეს ქოსამატყუარები.

ამ სახლში დაინიშნა ქორწილი. ბიჭს ძალიან მოეწონა ეს ოთახი და მისი ფანჯარა. აცდინა ქოსა და ყველაფერი ათქმევინა. უთხრა:

— აბა, ერთი მასწავლე, როგორ უნდა შეყოს კაცმა ამ ფანჯარაში თავიო?

შეყო ქოსამ ფანჯარაში თავი თუ არა, ბიჭმა დააპირა ხელი კისერზე. ამოიღო დეკეულის კული და აჩვენა:

— რა არის ეს?

— დეკეულის კული!

— აკი ბატის კული იყო! — უთხრა და, აბა, ურტყა და ურტყა ქოსას გამხმარი კული. ქოსა იქვე ჩაკეტა, თვითონ მთელი მისი ქონება აქედან წაიღო და საკუთარ ბინაზე გადაიტანა.

მეორე დღეს უფროსმა ძმებმა ნახეს, თუ რა საშინელ დღეში იყო უმცროსი ქოსა.

ამ ბიჭმა ქალის ტანისამოსი გაიხადა, ცხენები იყიდა, ეტლში შეაბა და მეეტლეობა დაიწყო.

ქოსა ძმებმა განიზრახეს თავიანთი გაჭირვება მოეხსენებინათ ხელმწიფისათვის. მოდი, ეტლი დავიჭირაოთ და იმით წავილდეთო, —

თქვეს. დაუძახეს მეეტლეს. ხელში მოხვდათ მეწისქვილის ვაეიშვილი. ჩასხა სამივე ძმა ეტლში და წაიყვანა ხელმწიფესთან.

ქოსებმა თავიანთი გაჭირვება მოახსენეს ხელმწიფეს. ხელმწიფემ მაშინვე გაიგო ყველაფერი. როცა ქოსებმა თავიანთი საჩივარი დაამთავრეს, წამოდგა მეწისქვილის ბიჭი და მოახსენა: დიდებულო ხელმწიფე, შენი დეკეული გავციდე და მისი მყიდველი ქოსებიც აქ მოგიყვანეთო. თუ არ გჯერათ, აი, დეკეულის კუდიო და აჩვენა.

ხელმწიფემ ქოსებს კუყუ ამოჰკრა. მეწისქვილის შვილს ქალიც მიათხოვა და ხელმწიფობაც დაულოცა.

პირი იქა, ლხინი აქა.
ქატო იქა, ფქვილი აქა.

სამი მოჯამაგირე

ერთ ღარიბ კაცს სამი ვაეი ჰყავდა. გაჭირვებით გამოზარდა შვილები, მოხუცდა და დაავადმყოფდა. სიკვდილის წინ დაიბარა შვილები და უთხრა: ჩემი ცხოვრება შრომა-გარჯაში გავატარე. ყველა კაცს პატივს ვცემდი, მძულდა მხოლოდ ქოსა კაცი. თქვენც პატიოსნად იშრომეთ, შვილებო, თქვენივე მარჯვენის იმედი გქონდეთ, ქოსა კაცს ნუ ენდობითო.

მამა გარდაიცვალა. ობლებს ცხოვრება გაუძნელდათ. გადაწყვიტეს მოჯამაგირედ დადგომა. წავიდნენ მეზობელ სოფელში.

— მოჯამაგირე ხომ არ გინდათო, — კითხულობდნენ.

შეხვდათ ქოსა კაცი.

— მე ვეძებ მოჯამაგირეს, კარგ გასამრჯელოს მოგცემთ, დამიდქით!

— არა, ჩვენ მამის ანდერძს ვერ ვუღალატებთ, ქოსას მოჯამაგირედ არ დავუდგებით, — უპასუხეს ძმებმა და გზა განაგრძეს.

ქოსამ ტანისამოსი გამოიცვალა, თავი და პირი შეიხვია და ისევ წინ დაუდგა ბიჭებს. მათ ქოსა ვერ იცნეს და მოჯამაგირედ დაუდგნენ. დადეს ასეთი პირობა: მოჯამაგირეებს ყოველდღე უნდა ემუშავათ, მაგრამ თუ რომელიმე გაბრაზდებოდა, ბატონს ცემა-ტყეპით უნდა გაეგდო, თუ ბატონი გაბრაზდებოდა, მისი ქონება მოჯამაგირეს უნდა დარჩენოდა.

პირველ დღეს სამუშაოდ წავიდა უფროსი ძმა. მთელი დღე იმუშავა, მაგრამ სადილი არავინ არ გაუგზავნა. საღამოს დაბრუნდა უფროსი ძმა არაქათვამოცლილი და ქოსა გამოლანძღა.

— რა მოხდა, ხომ არ გაბრაზებულხარ? — შეეკითხა ქოსა.

— როგორ არ გავბრაზდები, მთელი დღე ვიმუშავე და ლუკმაპურიც არ მაქამე, — უთხრა უფროსმა ძმამ.

პირობის თანახმად, ქოსამ აიღო სახრე, ჯერ კარგად სცემა ამ ბიქს და შემდეგ სახლიდან გამოავლო.

მეორე დღეს სამუშაოდ შუათანა ძმა წავიდა. ვენახი იყო საბარავი. მთელი დღე დაუსვენებლივ იმუშავა. თითქმის სამი დღის ვენახი დაბარა. მოშივდა, მოსწყურდა, მაგრამ პურიც კი არავინ აქამა. დაბრუნდა შინ გამწარებული.

— რა მოხდა, რად მოგიწყენია, ხომ არ გაბრაზებულხარ? — ჰკითხა ქოსამ.

— როგორ არ გავბრაზდები, მთელი დღე თავაუღებლივ ვიმუშავე და ლუკმაპურიც არ მაქამე, — უთხრა შუათანა ძმამ.

პირობის თანახმად ქოსამ აიღო სახრე, ჯერ კარგად სცემა ამ ბიქსაც და შემდეგ კი ისიც გაავლო სახლიდან.

მესამე დღეს სამუშაოდ წავიდა ბოლოლა ძმა. მას ქოსამ სამწყემსავად გაატანა ძროხები და ცხვრები.

— შენ გარეკე საქონელი. მე სადილს გამოგიგზავნი! — დაუბარა ქოსამ.

ბოლოლა ძმა უსაუზმოდ იყო. ერთ წყარომდის მირეკა საქონელი. აქ ხელი წაავლო კარგ ჰედილას, გამოუსვა დანა კისერში, ცეცხლი აანთო და კარგი მწვადები შეწვა. საქონელი თავის ნებაზე მიუშვა, წამოწვა და დაიძინა. შუადღისას კიდევ შეწვა მწვადები, დანაყრდა და ისევ მხართემოზე წამოწვა. საღამოს ძლივს მოუყარა თავი ძროხებს. სამი ცხვარი დაკარგოდა. ქოსამ, რა თქმა უნდა, სადილი არ მიუტანა.

— ხომ არ გაბრაზდი სადილი რომ არ მოგიტანე? — ჰკითხა საღამოს ქოსამ ბიქს.

— არა, რა საწყენი იყო, მე ერთი კარგი ჰედილა დავკალი და მწვადები გეახელი, — უთხრა ბიქმა და, რომ შეატყო, შეიშმუშნა. ჰკითხა:

— რაღაცას იღუშები, ხომ არაფერი გეწყინა, ხომ არ ვაბრაზდი?

— არა, გასაბრაზებელი რა არის, კარგა გიქნია!

ბოლოლა ბიქმა თქვა: თუ კარგი მიქნია, ხვალ ნახე, რა დღე დაგაყენო.

მეორე დღეს ისევ გაატანა ძროხები და ცხვრები საძოვრად და

დაუბარა, სადილს ადრე მოგიტან, ვინძლო საქონელს კარგად მოუაროო. ბიჭი ჭერ ელოდა, ქოსა რომ არ გამოჩნდა, წამოაქცია მეწველი ძროხა, გამოსქრა ყელი, გაატყავა, ანთო ცეცხლი და მწვადები შეწვა. გამელელსაც ბლომად აჭამა და გააომვლელსაც, სალამოს შინ რომ დაბრუნდა, ქოსამ ჰკითხა:

— ხომ არ გაბრაზდი, სადილი რომ არ მოგიტანე?

— არა, გასაბრაზებელი რა იყო, შენ მეწველ ძროხას ყელი. გამოსქერი, მწვადები შევწვი და მაღიანად მივაძეხი.

ახლა ქოსამ ველარ მოითმინა და უყვირა:

— რა გიქნია, ოჯახი დაგიქცევია, ის ძროხა იყო ჩემი მარჩენალი!

— არა, ხომ არ გაბრაზდი, გემჩნევა ხასიათი შეგეცვალა? — ეშმაკურად შეეკითხა ბოლოლა ძმა.

— როგორ არ გავბრაზდები, საქონელი გამიჩანაგე, თავიდან მომშორდი! — ყვიროდა ქოსა.

ბოლოლა ძმამ, პირობის თანახმად, აიღო დიდი სახრე, გვერდები დაუზილა ქოსას, კინწისკვრით გააგდო სახლიდან და მთელი მისი ქონება დაინარჩუნა, მოიყვანა აქ თავისი ძმებიც და დღესაც ბედნიერად ცხოვრობს.

სოლომონ ბრძენი და ბერიკაცი

სოლომონ ბრძენი თავის ორ კაცთან ერთად სოფელზე მიდიოდა. ერთ ადგილს, სახლის კარებზე ერთი დახავსებული ბერიკაცი იჯდა ჩაფიქრებული. სოლომონ ბრძენი მივიდა და მიესალმა. ბერიკაცი ფეხზე აუდგა სოლომონ ბრძენს და მაღლი მოახსენა. სოლომონმა ჰკითხა:

— სხვა, ბერიკაცო, რასა იქ, როგორა ხარ?

— რა მიჭირს, — უპასუხა ბერიკაცმა, — თორმეტსა და ოცდათორმეტს მაინც ვერაფერი გადავარჩინე.

— ორზე როგორა ხარ? — ჰკითხა ისევ სოლომონმა.

— უკვე დაესამდი, — უპასუხა ბერიკაცმა.

— შორს როგორა ხარ?

— ახლოს მოველ.

— წისქვილები როგორა გაქვს?

— მგელმა დამიქამა, რაც მგელს გადაურჩა, უწყლოდ, უღაროდ დგანან და აღარაფერში მარგიან.

— მთაში თოვლი მოსულა, — უთხრა კიდეც სოლომონმა.

ბერაკაცმა ჩამოისვა თეთრ წვერზე ხელი და უთხრა:

— ბარშიც ჩამოვიდა.

— მაშ კარგი. — უთხრა სოლომონმა, — მე ორ თხას გამოგიგზავნი და ვინძლო კარგად გაკრიჭო.

— ისე გავკრიჭო, — უპასუხა ბერაკაცმა, — რომ ტყავის მეტი ზედ არაფერი შერჩეს.

გამოემშვიდობა სოლომონი ბერაკაცს და გასწია სახლში. შინ რომ მივიდა, თავის მხლებლებს ჰკითხა: გაიგეთ, რამე, რაც მე ვუთხარი ბერაკაცს?

— არა, — უთხრეს მსახურებმა, — თქვენ სულ იგავებით ლაპარაკობდით და, აბა, ჩვენ რას გავიგებდით. ის ბერაკაცი ვერაფერს გერ გიპასუხებდათ, ერთი საწყალი გლეხკაცი იყო.

— სტყუით, — უთხრა სოლომონმა, — ის ბერაკაცი სულ ყელში მიჭირდა სიტყვას: თუ არ წახვალთ და არ გაიგებთ, რას ნიშნავს იმის სიტყვები, ახლავე თავებს დაგჭრით.

მხლებლები მაშინვე წავიდნენ იმ ბერაკაცის საქებნელად. იპოვეს და ჰკითხეს:

— ერთი გვითხარ, ბერაკაცი, რა ილაპარაკეთ შენ და სოლომონმა?

— ჩვენ არაფერი გვილაპარაკნია, — უპასუხა ბერაკაცმა, — თქვენ ტყუილად გარჯილხართ, მე არაფერს გეტყვით.

სოლომონის მხლებლებმა დაუწყეს თხოვნა.

ბერაკაცმა უთხრა, სანამ ოც-ოც თუმანს არ მომცემთ თითო სიტყვაში, არ გასწავლითო.

რას იზამდნენ კარისკაცები: ფულს მაინც სიცოცხლე სჯობიაო, თქვეს იმათ და წავიდნენ, სადაც რამ ეგულებოდათ, წამოიღეს ბერაკატან, ოც-ოცი თუმანი რომ მისცეს, ბერაკაცმა უთხრა: პირველად რომ მითხრა, რასა იქ და როგორა ხარო და მე რომ ვუპასუხე, თორმეტსა და ოცდათორმეტს ვერაფერი გადავარჩინე-მეთქი, ის არის, რომ თორმეტი თვე არის წლისა და ოცდათორმეტი კბილები. კაცმა რაც უნდა იშრომოს, მუცელს ვერაფერს მოაჭარბებს.

როცა მეორე სიტყვაშიც ოც-ოცი თუმანი მისცეს, ბერაკაცმა განაგრძო: მეორედ სოლომონმა მკითხა, ორზე როგორა ხარო და მე ვუპასუხე — დავსამდი-მეთქი, ის არის, რომ სანამ ახალგაზრდა ვიყავ, ორი ფეხით დავდიოდი და ახლა უჯოხოდ ველარ გავივლი.

— მესამე სიტყვაო? — ჰკითხეს კარისკაცებმა.

— ამოიღეთ კიდევ ოც-ოცი, — უთხრა ბერიკაცმა.

იმათაც ამოიღეს ფული მესამედ.

ბერიკაცმა თქვა: მე რომ ვუპასუხე: შორს ვიყავ და ახლოს მოვედი-მეთქი, ის არის, რომ წინათ კარგად ვხედავდი, ახლა კი თვალთ მაკლია და ახლო ძლივსღა ვხედავო.

მეოთხე: წისქვილები კბილებია, მგელი ჰიაა, რაც კბილები ჰიამ დაჭამა, ხომ გამოუსადეგარი არის, და რაც იმას გადარჩა, არც არაფრად ვარგა ის კბილები.

მეხუთე: მთაში თოვლი მოსულაო რომ მითხრა და მე რომ ვუპასუხე, ბარად ჩამოსულა-მეთქი, ხომ ხედავთ, თმაც თეთრი მაქვს და წვერიც — ეს არის. მეექვსედ რომ ამოიღეს კარისკაცებმა, რაც კი რამ ებადათ, ბერიკაცმა უთხრა: ის ორი თხა თქვენ ხართ, ჩაიყავით ჭიბეებში ხელები, გაქვთ კიდევ რამე, თუ არა; წადით და ეგრე მოახსენეთ სოლომონსაო.

სოლომონ ბრძენის რჩევა

ერთ კაცს რვა შვილი ჰყავდა: სამი ბიჭი, ხუთი ქალი. მამას გაუჭირდა შვილების რჩენა. ბიჭები რომ წაჰოიზარდნენ, მამამ უთხრა: მე აღარ შემიძლია თქვენი რჩენა. წადით, ვინც პური გაქამოთ, იმასთან იმუშავეთო!

უმცროსმა უთხრა უფროსებს: წავიდეთ, გავეცალოთ! მამა მართალს გვეუბნება, ვინმე პურს როგორ არ გვაჭმევსო.

უმცროსი წავიდა, უფროსები არ წავიდნენ.

ბევრი იარა, თუ ცოტა იარა, მივიდა ერთ ქალაქში. ერთ ადგილას ბევრი მუშა დაინახა.

— მამუშავეთ და პური მაჭამეთო! — უთხრა მათ.

მუშებმა უპასუხეს: ჩვენც მუშები ვართ და შენ რა გაჭამოთო.

ესენი სოლომონ ბრძენის მუშები იყვნენ. სოლომონ ბრძენმა ბიჭი დაიბარა და უთხრა:

— წელიწადში ათ თუმანს მოგცემ, პურსაც გაჭმევ, ტანზეც ჩაგაცმევ და გამუშავებო.

წელიწადი რომ შეასრულა, სოლომონმა დაიბარა ბიჭი, აიღო ათი თუმანი და უთხრა:

— აი, შვილო, გაგიტავდა წელიწადი, სწავლა გირჩევნია, თუ ეს ათი თუმანი?

— სწავლა მირჩევნია!

სოლომონმა უთხრა: შენს თავს ზევით ნურას წაებოტინები, შენს თავს ქვევით, რასაც შესწვდე, დასჯერდიო! წახვალ თუ კიდევ იმუშავებო? — ჰკითხა სოლომონმა.

— არა, ვიმუშავებ!

— ახლა ოცი თუმანი გექნება წელიწადშიო.

შესრულდა მეორე წელიწადი. დაიბარა სოლომონმა ბიჭი და ჰკითხა:

— სწავლა გირჩევნია, თუ ოცი თუმანი?

— სწავლა!

სოლომონმა უთხრა: სანამ შენი ყურით არ გაიგონო და შენი თვალით არ ნახო, არავისი დაიჯერო.

კიდევ იმუშავა ბიჭმა. ახლა წელიწადში ოცდაათი თუმანი დაენიშნა. რომ შესრულდა მესამე წელიწადი, სოლომონმა დაიბარა ბიჭი და მისცა ოცდაათი თუმანი.

— წახვალ თუ მოიცდი?

— არა, უნდა წავიდეთ.

— აბა, ახლა წადი, ხელმწიფეს ქალი სთხოვეო. ბევრი მათხოვარი ჰყავს, ქალი ბაყაყის ტყავშია გახვეული და ვერავენ ნახულობს. შენ ამოიცნობ ქალს და დიდ მზითევსაც მოგცემენო.

წავიდა ბიჭი და ქალი სთხოვა ხელმწიფეს.

— თუ ამოიცნობ, ჩემი ქალი სად არის, მოგათხოვებო!

ბიჭი შევიდა ოთახში, სადაც ქალი იყო დამალული, და ხელმწიფეს ჰკითხა: რა დანაშაული აქვს შენს ქალს, რომ ბაყაყის ტყავში გყავს დამალულიო?

ხელმწიფეს ეს პასუხი გაუკვირდა. ქალმა გადაიძრო ტყავი, ბიჭს მოეხვია. დიდი ქორწილი გადაუხადეს. ხელმწიფემ დაუტვირთა ორი ურემი მზითევი და სიძე გაისტუმრა თავის სამშობლოში.

ბევრი იარეს, თუ — ცოტა, ერთ ქოხთან დაულამდათ. იმ დამეს იქ დადგნენ. ქოხში ერთი მდიდარი სოვდაგარიც გაჩერებულიყო. დილით ისაუბმეს და წასასვლელად გაემზადნენ.

ხეზე უცხო ფრინველი შემოჯდა. სოვდაგარმა უთხრა: ორასი თუმანი შენი, ორასი ჩემი, ვინც ის ფრინველი ჩამოიყვანოს, ეს ფული მას დარჩესო. დადეს სანაძლეო.

ბიჭმა თქვა: მე ავალ და ჩამოიყვანო. შეხედა ხეს და ეპალა. რომ ჩამოვეარდე, ჩემი ცოლი და მისი მზითევი ვის უნდა დარჩესო!

მოაგონდა სოლომონ ბრძენის სიტყვები და აღარ ავიდა ხეზე. სოვდაგარს უთხრა: „შენ აღი, თუ დაიქერ, ოთხასი თუმანი შენ დაგ-რჩესო!“

სოვდაგარმა გაიხნადა პალტო და ხეს წვერზე მოექცა. ფრინველი სხვა ტოტზე გადაჯდა. მოუტყდა ტოტი და ჩამოვარდა, მიწაზე სულიც არ დაჰყოლია. სოვდაგარის ქონება ამ ბიქს დარჩა. ისევ გზას გაუდგა. ერთი ვაჟი შეხვდა.

— ჩემი დედ-მამა როგორ არიანო? — ჰკითხა.

— იმათი ნაალაგავიც აღარ ეტყობაო!

— თუ კი ჩემი დედ-მამა და ძმები აღარ დამხვდებიან, მე რაღა მინდა იქაო, — გამობრუნდა და ისევ იმ ქობთან მივიდა.

მეორე დღეს მოაგონდა სოლომონ ბრძენის სიტყვები: „სანამ შენი ყურით არ გაიგონო და შენი თვალით არ ნახო, სხვისი არ დაიჭერო“ და გამობრუნდა უკანვე. შინ დედ-მამა ისევ ღარიბად დაუხვდა. ყველას საჩუქრები დაურიგა და დღესაც კარგად ცხოვრობენ.

სოლომონ ბრძენი და ღარიბი გლეხი

იყო შაშვი მგალობელი, ღმერთი თქვენი მწყალობელი. იყვნენ რვა ძმანი. ძმებმა თქვეს: ერთ ოჯახში რვა კაცმა როგორ უნდა ვიცხოვროთ, გაეყაროთო,

ძმები გაიყარნენ და ბედის საქებნელად წავიდ-წამოვიდნენ. უფროსი ძმაც გაუდგა გზას.

ბევრი იარა თუ ცოტა იარა, შეხვდა მეგუთნეებს, უყურებს და თავის თვალებს არ უჭერებს; გუთანში თორმეტი უღელი ხარ-კამეჩი აბია — ექვსი უღელი — ერთ მხარეს, ექვსი უღელი — მეორე მხარეს. შეხრებები დასკვივიან და სახრებებს ზედ ამტვრევენ საწყალ საქონელს; ხარ-კამეჩები ეწევიან, რაც ძალი და ღონე აქვთ, მაგრამ გუთანის ადგილზეა გაჩერებული. როგორ გასწევენ, როცა ერთი ერთ მხარეს ეწევა, მეორე — მეორე მხარეს! ამ კაცს გაუჟვირდა, მივიდა ახლოს და მეგუთნეს უთხრა:

— ძმაო, რას აწვალებთ ამ საქონელს ან თქვენს თავს, აუშვით ერთი მხარის ხარები, მეორე მხარის ხარებმა გასწიონ!

— ჩვენმა პატრონმა ასე გავვიმართა, — უპასუხეს მეგუთნეებმა.

— ვინ არის თქვენი პატრონი?

— სოლომონ ბრძენი.

დაინტერესდა ეს კაცი და წავიდა სოლომონ ბრძენის სანახავად: უნდა ვიკითხო, რად შეუბამს ხარები გუთანში ორივე მხარესო.

იარა, იარა და მიაღმა რვათვლიან წისქვილს, შევიდა შიგ და რას ხედავს! იფქვება დარჩეული ხორბალი, ფქვილი კი ძირს ჩადის. და წყალს მიაქვს. ახლა მეწისქვილეს ჰკითხა:

— რატომ საფქვილეებს არ დაუდგამთ, რომ ფქვილი შიგ ჩავიდეს, წყალს რად ატანთ?

— ამის პატრონმა ასე გამართა, — უპასუხა მეწისქვილემ.

— ვინ არის ამისი პატრონი?

— სოლომონ ბრძენი.

წავიდა ეს კაცი და მივიდა სოლომონ ბრძენთან.

— გამარჯობა!

— გაგიმარჯოს! — სალამი დაუბრუნა სოლომონ ბრძენმა.

— ის გუთანი და წისქვილი თქვენია? — ჰკითხა მან.

— დიახ, ჩემია.

— ისე რად გამართეთ ან ერთი ან მეორე?

— რაღაც გავმართე, შენ უნდა ამიხსნა. თუ ვერ ამიხსნი, სიკვდილით დაგსჯი.

— ერთი კვირის ვადა მომეცით, მერე თუ ავიხსენით, ხომ კარგი, თუ არადა, თქვენი ნება იყოს.

სოლომონმა მისცა ერთი კვირის ვადა.

წავიდა ეს კაცი. მიდის დაღონებული, ვინც კი ხედება გზაში, ხმას არავის არა სცემს, სალამსაც არ აძლევს.

ერთი პატარა ბიჭი გზის სანაპიროს ძროხებს აძოვებდა. მწყემსმა, დაღონებული რომ დაინახა მიმავალი მგზავრი, ჰკითხა: გამარჯობა, ძიავე, რა დაღონებული მოდიხარო?

ამ კაცმა ხმა არ გასცა. ან რა ხმა უნდა გაეცა, როცა მას თავისი დარდი აწუხებდა!

— ძიავე, რადა ხარ დაღონებული? — ჰკითხა ხელმეორედ პატარა მწყემსმა.

კაცმა არც მაშინ გასცა ხმა. ბიჭი არ მოეშვა, ახლა კი წინ გადაუდგა და მესამედ ჰკითხა: ძიავე, მითხარი, რადა ხარ დაღონებულიო?

კაცი შედგა და თავისთვის ჩაილაპარაკა: მოდი, ვეტყვი, იქნება ამ ბიჭმა რაიმე მიშველოსო. უთხრა:

— შვილო, რაკი ძალიან გაინტერესებს ჩემი დარდი, ვეტყვი:

გზაზე ერთი გუთანი ვნახე, თორმეტი უღელი ხარი ება შიგ. ექვსი უღელი — ერთ მხარეს, ექვსი უღელი — მეორე მხარეს. მეხრეები დაპკიოდნენ საწყალ საქონელს, ხარები ეწეოდნენ, რაც ძალი და ღონე ჰქონდათ, მაგრამ გუთანი მიწას არ ედებოდა, ან როგორ მოედებოდა გუთანი, როცა ხარები აქეთ-იქით ეწეოდნენ. მე ხალხიც შემებრალა და საქონელიც, მივედი და გუთნისდელას ვკითხე: ძმაო, ან საქონელს რაზე ტანჯავთ, ან თქვენს თავს! აუშვი ერთ მხარეს ხარები, მეორე მხრისანი გასწევენ, გუთანი მოედება მიწას და მოხნავთ-მეთქი! „ჩვენმა პატრონმა ასე გაგვიმართაო“, — მიპასუხა გუთნისდელამ. იმათი პატრონი სოლომონ ბრძენი ყოფილიყო თურმე.

წავედი სოლომონ ბრძენთან საკითხავად, მივედივარ და ახლა რვათვლიანი წისქვილი ვნახე. წისქვილი ფქვავდა, ფქვილი კი წყალს მიჰქონდა. „რატომ საფქვილეებს არ გაუკეთებთ, რომ ფქვილი შიგ ჩაივიდეს და წყალმა აღარ წაიღოს-მეთქი“, ვკითხე მეწისქვილეს. „ჩემმა ბატონმა ასე გამართაო“, მიპასუხა მეწისქვილემ. იმისი ბატონიც ის სოლომონ ბრძენი ყოფილიყო თურმე.

წავედი, კითხვა-კითხვით მივედი სოლომონ ბრძენთან, შევედი მასთან და ვკითხე: „ის გუთანი და წისქვილი ისე რად გამართმეთქი? „შენ უნდა მითხრა, რად გავმართე ისე ან ის გუთანი, ან ის წისქვილი, თუ ვერ გამოიცნობ, სიკვდილით დაგსჯიო!“ — მიპასუხა სოლომონ ბრძენმა და მოფიქრების ვადად ერთი კვირა მომცა. აჰ, რატომ ვარ დაღონებული.

ბიქმა უთხრა: მე გასწავლი, მაგრამ არ კი გამცე! გუთანში ორივე მხარეს რომ ხარები ებათ, ეს ის არის, როგორც ის ხარები ეწეოდნენ აქეთ-იქით და გუთანი წინ ვერ მიდიოდა, ისე ძმები რომ გაიყრებიან და ცალ-ცალკე გავლენ, არც იმათი საქმე წაგა წინ.

ის წისქვილი კიდევ იმას ნიშნავს, რომ, თუ ოჯახში კარგი შემნახველი დედაკაცი არ არის. იქ გინდა რვა კაცი იღოს კარგი მომნაგრებელი, იმათი ქონებაც სულ წყალწაღებული იქნება.

კაცი განხარებული გამობრუნდა უკან, მივიდა სოლომონ ბრძენთან და ყველაფერი მოახსენა.

— მითხარი, ვინ გასწავლა, თორემ სიკვდილი არ აგცდება! — უთხრა გაბრაზებულმა სოლომონ ბრძენმა.

— თქმით ვერ გეტყვით, წამობრძანდით, შორიდან დაგანახებთ.

სოლომონმა შეაბმევეანა ეტლი, ჩასხდნენ და წავიდნენ.

პატარა ბიქს ძროხები მუხის ჩრდილში შეერეკა და თვითონაც იქვე ბალახზე წამოწოლილიყო. ეტლმა რომ გაიარა, შემთხვევით ერთ ფურს დაეჯახა.

— ეგ ფური არ გამიბერწოთ, პატიოსანი სახარე ხბო ჰყავს, — უთხრა პატარა მწყემსმა.

სოლომონ ბრძენმა გააჩერებინა ეტლი, დააკვირდა მაკე ძროხას და უპასუხა:

— მართალია, სახარე ხბო ჰყავს, მაგრამ ნიშაა.

— არა, ნიშა არ არის, კუღვარდაა, ეს კული შუბლზე უძევს და შენ ნიშა გგონია, — მიუგო მწყემსმა.

გაიმართა ცილობა. დადეს სანაძლო, დაკლეს ფური, ამოაცალეს ხბო და მართლა კუღვარდა გამოვიდა.

— ბრძენი მე კი არ ვყოფილვარ, ეს ყოფილა, — თქვა სოლომონმა. ჩაისვა პატარა მწყემსი ეტლში, წაიყვანა სასახლეში და თავის ვეზირად დააყენა. ეს კაცი კი ოქრო-ვერცხლით დააჯილდოვა და გაისტუმრა.

ა რ ჩ ე ვ ა ნ ი

ერთ კაცს სამი ერთიერთმანეთზე ლამაზი ქალი ეძლეოდა. კაცი არჩევანში შევიდა, არ იცოდა, რომელი შეერთო. ბევრი ფიქრისაგან გახდა, ვერ გადაეწყვიტა. მამა ეკითხებოდა სიგამხდრის მიზეზს, შვილი უძლავდა. როგორც იყო, მამამ ათქმევინა შვილს, რომ სამი ლამაზი ქალი ეძლევა და ვერ გადაუწყვეტია, რომელს მოჰკიდოს ხელი. უთხრა: რას ეწვალეები, შვილო, წადი სოლომონ ბრძენთან და როგორც ის დაგარიგებს, შენც ისე მოიქეციო.

წავიდა. ჭვარედინ გზაზე ხედავს: უზარმაზარ ხის მორისათვის თავსა და ბოლოს ოთხ-ოთხი უღელი კამეჩი მოუბამთ, ოთხ-ოთხი კაცი დგას და სცემენ კამეჩებს. კამეჩები ორივე მხრივ იწევენ და ხე ადგილზე რჩება. გაუკვირდა მგზავრს და ჰკითხა: რად აწვალეებთ საქონელს? ან თავიდან ახსენით კამეჩები ან ბოლოდან, რომ წაიღონო.

კაცებმა უპასუხეს: გასწი შენს გზაზე, ვინა გკითხავს? ხეც, საქონელიც სოლომონ ბრძენისაა, ჩვენც სოლომონ ბრძენის კაცები ვართ და საქმისაც ჩვენ ვიცითო.

კაცმა იფიქრა: სოლომონ ბრძენი თვითონ სულელი ყოფილა და მე რა ჰკუა უნდა მასწავლოსო? გაიარა კიდეც, ხედავს: ტყეში კაცს დიდძალი ლატნები წამოუკიდია ზურგზე. ეწევა და ვერ ერევა, მაინც კიდეც სხვას იმატებს. მგზავრმა ველარ მოითმინა და უთხრა:

— კაცო, მაგ ლატნებსაც ვერ ერევი და სხვას იმატებო?

— მიდიხარ, შენი გზა მონახე, ეს ტყე სოლომონ ბრძენისა არის. ის არ მედავება და შენ ვინა ხარო?

მიდის კაცი, ერთი კაცი კედელს მისდგომია, შეაყრის ცერცვისა და ცვივა ძირს.

მგზავრს გულმა ვერ მოუთმინა და უთხრა: ძმობილო, ტყუილად რაზე ეწვალეები, კედელზე ცერცვის შეჩერება ვის გაუგონიაო?

კაცმა შეუტია: ჰაიდა, მონახე შენი გზა, ეს ადგილი სოლომონ ბრძენისა არის და მეც იმას ვეკუთვნო.

მგზავრმა მიატანა ქალაქს. ქალაქის მისავეალში ოთხი თვალი წისქვილის ქვა ბრუნავს. თითო ხვიპირაში ოთხი კაცი ტომრებით ხორბალს ყრის და ალატში მტვერიც არა ჩანს. მგზავრი განცვიფრდა და ჰკითხა: მაგდენს აყრითო ჭირნახულს და სად ქრებაო?

კაცებმა უთხრეს: ეს წისქვილი სოლომონ ბრძენისა არის და ჩვენც იმას ვეკუთვნიოთ. ჩვენც არ ვიცით, ამოდენა ფქვილი სად მიდისო.

ბოლოს მიაღწია კაცმა სოლომონ ბრძენს, უამბო: სამი ქალი მეძლევა, ერთმანეთზე ულამაზესი: ერთი ქალიშვილია, მეორე — ქმარზე ხელაღებული, მესამე — ქვრივი. არ ვიცი, რომელი შევირთო. ჩემით ვერ გადამიწყვეტია და თქვენთან რჩევისათვის მოვედიო.

სოლომონ ბრძენმა უთხრა: კარებზე ჩემი შვილი თამაშობს, ის მოგცემს პასუხსო.

ყმაწვილი ჯონზე გადალაჯული დახტოდა, თამაშობდა. შეაყენა მგზავრმა და უამბო თავისი გაჭირვება.

ბავშვმა უთხრა: ქალიშვილი ერთია; ქვრივთან სამი იქნებით; ქმრიანთან ცხენი ქერსა ჭამსო, და გაიქცა.

კაცმა სოლომონ ბრძენს გადასცა შვილის სიტყვები და უთხრა: რას ნიშნავს ეს სიტყვები ვერ გავიგეო.

სოლომონ ბრძენმა უთხრა: ქალიშვილ ქალს რა ახსნა უნდა, ცოლ-ქმრობის გამოუცდელია და ერთია. ნაქვრივალს ბევრჯერ მოაგონდება მკვდარი ქმარი, მეტადრე მაშინ, თუ შენზე უკეთესი იყო, და სამი არ იქნებით? ქმარგამვებული ქალი, თუ ძალიან კარგად არ მოექეცი, უსიამოვნებას ვერ აიტანს. როგორც პირველი ქმარი დასთმო, შენც გაგშორდება, გაგექცევაო.

მგზავრმა მადლობა უთხრა და სთხოვა გზაში ნანახის ახსნაც.

სოლომონ ბრძენმა დაუწყო ახსნა: ეს სუყველა ადამიანთა უგუნურების მაგალითებია: ხის თავსა და ბოლოს ოთხ-ოთხი უღელი კამეჩი რომ მოებათ — ეს ადამიანთა ერთმანეთის გაუტანლობას გამოხატავს; ტყეში კაცს შეშა რომ წამოუყიღია — ასეთი კაცი არას-

დროს შეიმატებს ცხოვრებას, სინარბეში გაატარებს სიცოცხლეს და გაკიცხული ჩავა საფლავში; კედელს ცერცვს აყრიდა კაცი, არა რჩებოდა ზედა — ეს ძმები რომ გაიყრებიან და ერთობა დაერღვევათ, როგორც ცერცვი კედელზე არ გაჩერდება, ისედაც გაყრილი ძმები ველარ შეერთდებიან; წისქვილის თითო ხეიმირაში ოთხ-ოთხი კაცი რომ ერთად აყრიდა ხორბალს და ფქვილი კი არ ჩანდა ალატში — გაფუფუნებული ოჯახიც რომ იყოს, თუ ხელმრუდე ადაშიანი ურევია, სარჩოს ბარაქა არ მიეცემა.

კაცი გამოემშვიდობა, მადლობა გადაუხადა სოლომონ ბრძენსა და წავიდა. რომელი ქალი შეირთო, კი არ ვიცი.

საბრალო ფასოს ამბავი

ერთ სოფელში, სოლომონ ბრძენის დროს, ცხოვრობდა ერთი მეტად საწყალი და დავრდომილი კაცი, რომელსაც სახელად ეძახდნენ ფასოს. ამას ჰყავდა: ცოლი, ორი ვაჟი და ერთი ქალი, ნაზიკო. საცოდავს ცოლ-შვილი შიმშილით ეხოცებოდა, ძლივს ვაითა და ვაგლახით შოფლობდა დღიურ ლუკმას. ასეთ მწუხარებაში ატარებდა თავის სიცოცხლეს. სიღარიბემ მეტად რომ შეაწუხა და ველარსით ველარა იშოვა რა, უთხრა ტირილით და თავში ცემით თავის ცოლ-შვილს: ხომ მხედავთ, დღე არა მაქვს მოსვენება და დამესაც დღედ გადავქცევ ხოლმე, ვმუშაობ, ვწვავლობ, მაგრამ მაინც ჩემს ნამუშევარს ბარაქა ვერ დავდე, ერთხელ რიგიანად კუჭი ვერ გაგიძლეთ და ვერცა რა ტანზე ჩაგაცვით. მე ვხედავ, რომ თუ ერთ ან ორ წელიწადს არსაით არ გადავევარდი სარჩოს საშოვნელად, ჩვენ ფიტს ვერ მოვიკრავთ, მაგრამ რა ვქნა, რომ თქვენი ჭავრი თან გამყვება, არც დღე მომასვენებს და არც ღამეო!

— შენ ჩვენი ჭავრი ნუ გექნება, წადი, მხოლოდ ამას კი გეხვეწებით, რომ სამ წელიწადზე მეტი არსად დადგე, თუნდა იშოვო რამე და თუნდა არა, ამ დროის განმავლობაში ჩვენ, როგორც იქნება, ვიცხოვრებთო, — უპასუხა ცოლ-შვილმა.

ეს რომ გაიგონა ფასომ თავისი ცოლ-შვილისაგან, ხმამაღლა დაიწყო ტირილი. ადგა ფეხშიშველი, ტანშიშველი, ტანზე ათასნაირად დაკონკილი ჩოხით და უნდა წავადეს, ვინ იცის, საითკენ! როდესაც გამოვიდა კარში, დაუძახა ცოლსა და შვილებს, დაკონა ქვითი-

ნით და ცრემლების დენით და გაშორდნენ ერთმანეთს. განშორების დროს, ცოლმა თუმცა გული ვეღარ მოიბრუნა ტირილისაგან, მაგრამ როგორც იყო ამოილულულა: კაცო, შენ გენაცვალოს ჩემი თავი, მშვიერი და მწყურვალნი რად მიხვალ? აჰა, ეს ნახევარი მკადი მაინც ჩაიდე ჯიბეშიო.

ქმარმა უპასუხა: ჩემო სიცოცხლე, მაგის მეტი ხომ არა გრჩებათ რა და ეგეც რომ მე წავიღო, თქვენ რაღა გეშველებათო.

ასეთი ტირილით, მწუხარებითა და დამწვარ-დადაგული გულით გაშორდა ცოლ-შვალს.

იარა რამდენიმე დღე და ღამე, შიმშილმა და სიტიტვლემ შეაწუხა. შიმშილს იკლავდა ბალახების ძირით და სიტიტვლეს იფარავდა გზაზე შემთხვევით ნაპოვნი ძონძებით. მიაღწია იმ ქალაქს, სადაც მეფობდა ბრძენი სოლომონი. კარგა ხანი იარა, მაგრამ ალაგი ვერსად იშოვა, რომ მოჯამაგირედ დამდგარიყო. შეხვდა კი ისეთი კეთილი ხალხი, რომელიც შეძლებისდაგვარად აძლევდა მოწყალეზას. ტანზე შეიმოსა ცოტა წესიერად, ორისა და სამი კვირის განმავლობაში მოეცა იერი და საპატიო კაცს დაემსგავსა. შემდგომ მივიდა სოლომონ ბრძენთან და მოახსენა: ბატონო, ერთი საწყალი კაცი გახლავარ, მინდა მოჯამაგირედ დავდგე და ალაგი ვერსად მიშოვია. გთხოვ, შენი ჭირიმე, მიმსახუროთ და რისი ღირსიც აღმოვჩნდე, მიბოძოთ, რომ ჩემ საცოდავ ცოლ-შვილს მივეუტანო რამეო.

ბრძენმა სოლომონმა არც ვინაობა ჰკითხა, არც სადაურობა: წელიწადში როგორ დადგებო?

საბრალო კაცი დაფიქრდა: ბევრი ვთხოვო, ვაითუ არ დამიჭიროს და ცოტა რას მიზამსო! იმ საცოდავმა არ იცოდა, თუ რასაცა სთხოვდა, მისცემდა. კიდევ განუქვორა: რასა თხოულობ წელიწადში?

მოახსენა შიშით და მეტად შეწუხებული ხმით: სამ თუმანსო.

— კარგი, შვილო, სამ თუმანს მოგცემ წლის დასრულებამდეო. დადეს ასეთი პირობა.

ამ საცოდავმა ფასომ დაიწყო სამსახური და მეტად კარგად ემსახურებოდა. ყოველ საქმეში დაუღალავი და დაუზარებელია, სოლომონს მოსწონს. ასე გაატარა ერთი წელიწადი და უხარია: ჩემს სიცოცხლეში ხომ სამი თუმანი ფიქრდაც არ მომხვლია, არაჰე: თუ ხელში მჭეროდეს, ახლა რომ სამი თუმანი ჩემ ცოლ-შვილში მივიტანო, ძლიერ გავახარებო.

როდესაც გავიდა წელიწადი, მოახსენა: ბატონო, ჯამაგირი მიბოძეთ, ჩემ ცოლ-შვილს მივაშველოო.

სოლომონმა ხმის ამოუღებლივ ამოიღო ვერცხლის მანეთები, დაუთვალა სრულად და დაუწყო სუფრაზე, მერე უთხრა:

— აი, შვილო, შენი ჯამაგირი, ძლიერ კარგი ყმაწვილი კაცი ხარ, მომწონს შენი სამსახური, არასოდეს შენგან არა მწყენია რა. თუ გინდა, აიღე ეგ ფული და წადი, როგორც პირობა გვაქვს, თუ გინდა — ერთ სიტყვას გასწავლი და ეგ ფული მე დამრჩესო.

ამ სიტყვაზე ფასო დაფიქრდა: არც ფული ემეტება და სწავლაც უნდა. კარგა ხანი იყოყმანა და მერე მოახსენა: მასწავლეო.

სოლომონმა მოუსვა ხელი და ფული უკან ჩაყარა. მერე უთხრა:

— აი, შვილო, ეს ჩემი სწავლა გახსოვდეს: თუ ვინმემ გკითხოს რამე, უცებ ნუ უპასუხებ, დაფიქრდი კარგად და ისე უთხარიო.

დაღონდა ეს საცოდავი ყმაწვილი კაცი. ფიქრობს: რა ვქნა? წავიდე შინ, ცარიელი როგორ მივიდე? არ წავიდე და ცოლ-შვილის ჯავრი მაწუხებეს! ბევრი იფიქრა და გადაწყვიტა: ერთ წელიწადს კიდევ ვემსახურები, ეგებ გასული წლის ჯამაგირიც და ამ წლისაც მომცესო.

სოლომონ ბრძენმა, რასაკვირველია, შეატყო, რომ მეტად შეწუხდა, მაგრამ სრულებითაც არ შეჰბრალდა! უთუოდ იმისათვის, რომ იცოდა, უნაყოფოდ არ დარჩებოდა, და უბრძანა: წადიო.

საბრალომ მოახსენა: ბატონო, ნათქვამია, ცარიელ კაცს საბაჟოზე მიუხაროდანო; რომ წავიდე, რა მივეუტანო ჩემ საცოდავ ცოლ-შვილს? გთხოვ, შენი ჭირიმე, შენ სადღეგრძელოდ, ერთ წელიწადს კიდევ მიმსახუროო.

— კარგი, შვილო, მაგაზე უარს არ გეტყვი, დარჩი ჩემთან, მხოლოდ ჯამაგირზე მომირიდდი, რასა მთხოვო?

მოახსენა კანკალით და ძლივს გასაგონი ხმით: ათი თუმანი მიბოძე, შენი ჭირიმეო.

— ძლიერ კარგი, შვილო, ათ თუმანს დაგიტვლი, როდესაც ყავლს გაათავებ, თუნდა ფული წაიღე და თუნდა ერთ სიტყვას გასწავლი და ფული მე დამრჩესო.

მორიგდნენ ასეთი პირობით.

დაიწყო სამსახური. ამ მეორე წელიწადს, რაც იყო პირველ წელიწადს, იმაზე ერთი ორად და სამად გადაამეტა. ამ ერთგული და პატიოსანი სამსახურისათვის ძლიერ შეიყვარა სოლომონ ბრძენმა. გავიდა წელიწადი და უხარია ამ საბრალო ფასოს: ათ თუმანს მიუტანს თავის ცოლ-შვილს და გაახარებს, თავს დააღწევენ სიღარიბეს და იცხოვრებენ ბედნიერად.

მოახსენა ფასომ სოლომონს: ბატონო, მიბოძეთ ჩემი ჯამაგირი, რომ მევეშველო ჩემს საცოდავ ცოლ-შვილსაო.

სოლომონმა მის თხოვნაზე ვერცხლის მანეთები დათვალა, დააწყო სუფრაზე და უთხრა: აი, შვილო, შენი ერთი წლის ჯამაგირი — ასი მანეთი. თუ გინდა, აილე და წადი, თუ არადა, ერთ სიტყვას გეტყვი, როგორც პირობა გექონდა, და ეგ ფული მე დამრჩესო.

საცოდავი, სიღარიბისაგან დამწვარ-დადავული კაცი დაჰყურებს მშვენიერ, ახალმოჭრილ მანეთებს... რა ჰქნას? ფულიც უნდა დაკიდევ უნდა, რომ ისწავლოს რაჲე. ფულს ისევ სწავლა არჩია და მოახსენა: მასწავლეო.

სოლომონმა მოუსვა ხელი, უკანვე ჩაყარა ფული და უთხრა: აი, შვილო, ეს იქნება ჩემი სწავლა: რაც შენი საქმე არ იყოს და რასაც ვერ შეწვდებოდე, ნუ შეეწვდებიო.

დაღონდა ეს საცოდავი, გულმა ფრიალი დაუწყო და სიმწრისაგან ველარა გაიგო რა. მოაგონდა ცოლ-შვილი და გადმოყარა ცხარე ცრემლები, რომელთა კვალი დააჩნდა ლოყებზე, თითქო მღულარე წყალი ჩამოუხსნამთო. სოლომონს სრულებითაც არ შეებრალა და უბრძანა, წადიო.

მაგრამ სად წავიდეს, როდესაც საგზაოდ ერთი გროშიც არა აქვს?! ბევრი ფიქრის შემდეგ მოახსენა:

— ბატონო, ერთ წელიწადსაც კიდევ მიმსახურე, შენ სადღეგრძელოდო.

— კარგი, შვილო, შენი კარგი სამსახურისათვის ძლიერ მიყვარხარო, — ამასთანავე ანუგეშა კიდევ, — ჯიბეში ფულის ჩაწყობას, თავში რომ ეწყოს, ისა სჯობია, ჯიბიდან ან დაიკარგება, ან მოიპარავს ვინმე ან ძალით წაგართმევენ, ხოლო თავიდან არაფერი დაიკარგება, სიკვდილამდე დაგრჩება და, როდესაც დაგპირდება, მოიხმარო.

ამ სიტყვების შემდეგ ჰკითხა, — რას ითხოვ ამ მესამე წელიწადსაო?

რაკი ამ საწყალმა კაცმა გაიგონა ტკბილი ლაპარაკი, ქება და სამსახურის მოწონება, იფიქრა, რაც უნდა ვთხოვო, მომცემსო და მოახსენა:

— ოცდაათი თუმანი მიბოძე წელიწადშიო.

— კარგი, შვილო, ოცდაათ თუმანს მოგცემ, წელიწადს რომ გაათავებ, დაგითვლი შენს ჯამაგირს, თუნდა ფული წაილე და თუნდა ერთ სიტყვას გასწავლი და ჩემი ფული მევე დამრჩესო.

შორიგდნენ ასეთი პირობით.

დადგა მესამე წელიწადი და დაიწყო სამსახური. როგორც ჯაჰაგირი მოიმატა, ისე ყოველ საქმეზე ბეჯითია, არც დღე ზოგავს თავს და არც ღამე ისვენებს, მის თვალებს ძილი არ ეკარება. რა საქმესაც ხვალისთვის დაავალებს, ის იმას გათენებამდის დასრულებული და გათავებული აქვს. სოლომონ ბრძენსაც მოსწონს მისი სამსახური და აქებს ყოველთვის.

სრულდება წელიწადი და უხარია ამ საცოდავ ფასოს. ფიქრობს: ოცდაათ თუმანს შვიტან სახლში და გავახარებ ჩემ საცოდავ ცოლ-შვილსო. გავიდა წელიწადი, გამოსთხოვა ფული, სოლომონმაც დაუყოვნებლივ ახადა პატარა ყუთსა, ამოკრიფა ახალ-ახალი ოქროსა და ვერცხლის მანეთები, დაუთვალა სამასი მანეთი, დაუწყო წინ და უბრძანა: აი, შვილო, შენი ჯამაგირი, შენც დათვალე, ხომ არ აკლია რაო, — და იმასაც დაათვლევინა.

სიბარულისაგან ხელები უკანკალებს, გული უფაცვაცეცებს, თვალები უჭრელდება ოქროსა და ვერცხლის ბრჭყვიალა მანეთების ყურებით... დათვლა რომ გაათავა და დააწყო, კიდევ უთხრა: თუნდა აკრიფე და წაიღე, თუნდა ერთ სიტყვასაც გასწავლი და ეგ ფული მე დაპრჩესო.

ამ საწყალ კაცს ცეცხლი წამოსდის თვალებიდან, უნდა აკრიფოს და ვერც გაუბედავს: ფულიც უნდა და სწავლაც... ფიქრობს, ყოყმანობს, არის ერთ გაჭირვებაში... უბრძანა სოლომონმა: რაღას ფიქრობ? თუნდა ფული აკრიფე და წადი, თუნდა ერთ სიტყვას გასწავლიო.

დახედე ამ საწყალ კაცს, ფულს ისევ სწავლა არჩია! მოახსენა: მასწავლეო.

ახადა ყუთსა, გადაუსვა ხელი, ჩაყარა ფულები და უთხრა:

— აი, შვილო, ჩემი სწავლა გახსოვდეს, რასაც ახლა გეტყვი: რაც შენი თვალთ არა ნახო, სხვის ნათქვამს ნუ დაიჭერებო.

მოსწყდა წელი, დაღონდა ეს საცოდავი. ცოლ-შვილისაგან დადებული ვადაც გაუვიდა, მოჯამაგირედ დადგომასაც ვეღარ გაბედავს, რადგანაც მის ცოლ-შვილს მკვდარი ეგონება და შეწუხდებთან ისედაც სიღარიბისაგან შეწუხებულნი. თვალცრემლიანი გამოვიდა და გამოეპგზავრა დიდი მწუხარებით, დარდითა და ბოროტებით სავსე. ამ მეტისმეტად მდიდარმა მეფემ, რომელზე მდიდარი არც ყოფილა, არც არის და არც იქნება, სრულებითაც არ შეიბრალა, ერთი აბაზიცი არ აჩუქა, რომ გზაზე პური ეყიდა! სოლომონ ბრძენმა იცოდა, სწავლა უნაყოფოდ არ დარჩებოდა, რო-

გორც ნათქვამია: სწავლის ძირი მწარე არის, კენწეროში გატკბილ-
დებისო.

ბევრი იარა ამ საწყალმა ნამოჯამაგირალმა ყმაწვილმა კაცმა-
ფასომ, შევიდა ერთ ქალაქში, სადაც ხელმწიფეს ცოლად ჰყავდა-
ბაყაყი: დღისით ბაყაყი იყო, ღამით ქალი. იმისთანა მშვენიერი იყო,
რომ, როდესაც გაიხდიდა და გამოვიდოდა ბაყაყის ტყავიდან, მაშინ
იმისთანა სინათლე და ბრწყინვალება მზესაც არა ჰქონდა. თურმე
იმისთვის ყოფილა დღისით ბაყაყი, რომ თუ ჩაუცმელი დარჩებოდა-
და კარში გამოვიდოდა, — მზე დაბნელდებოდა მისი ბრწყინვალები-
საგან და მისი შემხედველნი დაბრმავდებოდნენ. ასეთი თვისება-
ჰქონდა მინიჭებული მანამდის, ვიდრემდის ბაყაყის ქალობას გაი-
გებდა ვინმე და მის ქებას იტყოდა. ამისათვის ყოველ უცხო კაცს,
როდესაც მოახლებდნენ ქალაქში, დაიჭერდნენ, წაიყვანდნენ,
აჩვენებდნენ ბაყაყს და ჰკითხავდნენ: ეს რა არისო? რასაკვირველია,
მნახველები იტყოდნენ — ბაყაყი არისო. ასეთ პასუხზე მოსჭირდნენ
თავს და კაცის თავებით შემოვლებულ დიდ და მაღალ გალავანს-
მიუმატებდნენ. ფასოც დაიჭირეს, შეიყვანეს დიდ და მშვენივრად
მორთულ დარბაზში, რომელიც სოლომონ ბრძენის დარბაზს ბევრით-
სჯობდა, მიიყვანეს ბაყაყთან და ჰკითხეს: ეს რა არისო?

ყმაწვილი კაცი შეჰყურებს განცვიფრებით, ჰხედავს, გაბერილი
ბაყაყია. ბაყაყიც შეჰყურებს დაღონებული თვალებით. იფიქრა-
კარგა ხანი და, ის არის უნდა წამოიძახოს, რომ ბაყაყიაო, მაგრამ,
დახე ბედს, მოაგონდა სოლომონ ბრძენის ნასწავლი სიტყვა: „კარ-
გად ვიდრე არ დაფიქრდე, ისე არაფერი თქვაო“. იფიქრა, ასე დიდი-
და მშვენიერი ხალიჩებით მორთულ ტახტზე, ორხოებითა და ოქროს-
სტავრა-თვალმარგალიტით შექედილ დიდ ფასდაუდებელ ოქროს-
სინზე ზის ეს ბაყაყი, კარგი რამ რომ არ იყოს, აქ არ დასვამდნენო!
თანაც დაღონებული ბაყაყის მზერა როგორცაა გულს მოხვდა.

ჰკითხეს კიდევ: რატომ არას ამბობო?

ამ კაცმა მოახსენა: მე მინდა სიტყვის თქმა, ვიგონებ, ვფიქრობ,
მაგრამ ვერ მომიგონია იმისთანა სიტყვა რომ მაგისი ქება და დიდე-
ბა გამოვხატო.

ეს რომ თქვა, ჩაფუტქულმა და დაღონებულმა ბაყაყმა ყურები-
ცქვიტა და ზეზე წაიოწია ფასო მიხვდა, რომ ამ სიტყვაზე ბაყაყმა-
მეტად გაიხარა. მერე დაიწყო და მოახსენა იქ მდგომ მრავალ ხალხს,
ნაზირ-ვეზირთა და თვით ხელმწიფესაც, ბაყაყის ქმარს: დიდებუ-
ლო ხელმწიფე! მართალია, დიდი და ძლიერი ხელმწიფე ბრძანდე-
ბით, მაგრამ თქვენ რომ მშვენიერი, სიტყვით გამოუთქმელი, კალ-

მით აღუწერელი, ფასდაუდებელი, ერთი სიტყვით, ხმელეთის ფასი და მზის დარი არსება გყავთ, მით უფრო ბედნიერი ბრძანდებით! ბევრს, დიდებულს ხელმწიფევე, ხელმწიფეებსა და მეფეებს ენატრებათ მაგისტანა მშვენიერი არსება, მაგრამ ღმერთს მხოლოდ მარტო თქვენ უკუთხებიხართ და თქვენზე დაუბერტყნია თავისი უხვი მოწყალეების კალთაო.

ეს სიტყვები რომ გაიგონა ბაყაყმა, დიდად გაიხარა, მეტისმეტი სიხარულისაგან ხან აქეთ გადახტა და ხან იქით, ამ თავის მაქებელ ყმაწვილ კაცს ხან მხარზე შეახტა და ხან გულზე მიეკრა. ხელმწიფემაც მხიარული სახე მიიღო და ყოველმა იქ მყოფმაც დიდად გაიხარა. ერთი სიტყვით, პირველად ამ ყმაწვილი კაცისაგან გაიგონეს მისი ქება. ამ კაცმაც რაჟი შეიტყო, რომ მისი ქებით ძლიერ ისამოვნეს, უფრო მოუმატა (აბა მიბრძანეთ, სამ წელიწადს სოლომონ ბრძენთან ნამყოფი კაცი რას არ მოიგონებდა!), აღარა და აღარ შეწყვიტა მისი ქება, ხოლო ბაყაყმა, ხელმწიფემ და ხალხმა — მხიარულება და სიხარული.

მოატანა საღამომ, ჩავიდა მზე და მოეფინა სიბნელე ქვეყანას. ამ ბაყაყმა გაიხარა ბაყაყის ტყავი და გამოვიდა მშვენიერი, ქვეყნის მანათობელი ქალი, გადაეხვია ამ თავის მაქებელ ყმაწვილ კაცს ფასოს და დაუწყო კოცნა. ეუბნება: შენ კი გენაცვალე, ძმაო, რომ ჩემს სიცოცხლეში მხოლოდ შენგან გავიგონეთ მეცა და ჩემმა ქმარმაც ჩემი ქება! ეტყობა, ღმერთს ჰყვარებიხარ და შენთვის სიკეთე სდომებია, თორემ, აბა, შეხედე ამ უშველებელ გალავანს, ვინ დათვლის, რამდენი კაცის თავი ძევს ამ გალავანზე. შენც რომ ჩემთვის ბაყაყი გეწოდებინა, მოგპრიდნენ თავს და, — მიუთითა, — აგერ აკლია გალავნის დასრულებას ერთი თავიო! მაგრამ შენც გადარჩი სიკვდილს და მეც მოვრჩი ამდენ ჭირსა და მწუხარებასო!

დასხდნენ იმ ღამეს, ჩაისვეს ფასო ხელმწიფემ და მისმა ცოლმა შუაში და მიეცნენ ერთ გამოუთქმელ სიხარულს. ხან ერთი ეხვევა და ჰკოცნის, ხან — მეორე. გათენდა მშვიდობის დილა. სთხოვენ, რომ მათთან დარჩეს და იყოს იმათი შვილი, მემკვიდრე, მაგრამ ფასომ უარი განაცხადა და მოახსენა: მე, ბატონო, ერთი საწყალი კაცი გახლავარ, მყავს საცოდავი, სიღარიბისაგან დამწვარ-დადაგული ცოლ-შვილი, სამი წელიწადი გავიდა, მე იმათი აღარა გამიგია რა, მინდა ჩქარა წავიდე და ვნახო ისინი, მე უიმათოდ ცხოვრება და სიცოცხლე არ შემიძლია, კარგნი არიან თუ არა, რაც ღმერთმა მომცა, უნდა დავჭერდეო.

რადგანაც ფასომ თავისი ღარიბი სახლ-კარი და საცოდავი ცოლ-შვილი არჩია ხელმწიფის შვილობას და მემკვიდრეობას, მათაც მოუწონეს საქციელი და მისთვის მოარეკინეს ასი აქლემი, ასი ცხენი და ასი ჯორი. აუკიდეს ოქრო, ვერცხლი და მრავალი სიმდიდრე და ძვირფასი ნივთეული. მისცეს კაცები, მოსამსახურეები; შემოსეს სამეფო ტანისამოსით, ცოლ-შვილისათვის შეაკერინეს ოქროქსოვილით მორთული ტანსაცმელი. შეიქნა მდიდარი, მრავალი ძვირფასი ნივთისა და სხვა ქონების პატრონი.

იარეს რამდენიმე დღე. საქონელი შეწუხდა, რადგანაც მეტად მძიმე ტვირთი ეკიდა. დაისვენეს ერთ მშვენიერ და სასიამოვნო ტყის პირას, რომელსაც მარჯვენა მხარეს ედო ათასნაირი ყვავილებითა და სურნელოვანი ბალახებით შემკული ტურფა მინდორი: აქ დააწყვეს საპალნეები, საქონელი საძოვარზე გაუშვეს. მოსამსახურეები დარაჯობდნენ საქონელს, ხოლო თვითონ ფასომ, ამ ახალმა მებატონემ, გააშლევინა ოქროს ქსოვილი, დაიდო თავით ძვირფასი მუთაქა და წამოწვა ზედ. შემდგომ მოითხოვა სადილი და რა უნდა სულსა, რომ იმას არ მოართვეს!

როდესაც ისადილა წესიერად, დაინახა, რომ შორი გზიდან მოდის ერთი სოვდაგარი და მოაქვს აუარებელი სიმდიდრე. ეს სოვდაგარიც მას სიახლოვეს გაჩერდა. როდესაც ყველა დააბინავა ამ სოვდაგარმა, შეისვენა და ისადილა, ადგა და დაიწყო სეირნობა. ამ სიარულში მივიდა იმ ყმაწვილ კაცთან, ფასოსთან, დაუკრა თავი, მოიკითხა და დაიწყო საუბარი იმ ხის ქვეშ, სადაც ფასო იყო ჩაპოხბდარი. ხის ტოტზე შემოჯდა ერთი პატარა, მშვენიერი, ათასფერი ბუმბულით დამშვენებული ჩიტი. ეს ფრინველი იქნევს ბოლოს და ჭიკჭიკებს მეტად სასიამოვნოდ. ბევრი ხანი უგდეს ყური და ისიამოვნეს. მოეწონა სოვდაგარს იმ ჩიტის გალობა-ჭიკჭიკი და სიმშვენოერე. უთხრა ფასოს: კარგი იქნება, რომ ეს ჩიტი დავიჭიროთო.

ფასომ უპასუხა: რასაკვირველია, კარგი იქნება, მაგრამ როგორ დავიჭიროთო?

ეს ტურფა და მშვენიერად შემკობილი უცნაური ფრინველიც ზის უძრავად ერთ ალაგას, თითქოს დაბმულიაო, და მღერის თავისთვის უღარდელად. სოვდაგარმა უთხრა ყმაწვილ კაცს: მოდი, ადი ხეზე, თუ დაიჭერ, აი, ხომ ხედავ ამ ჩემს აურაცხელ სიმდიდრეს, ხალხს, ამას ყველას შენ მოგცემ, თუ ვერ დაიჭერ, ეგ შენი ქონება, რომელიც ჩემი ქონების მესამედიც არ არის, მე მომეციო.

დაფიქრდა ფასო და მოაგონდა სოლომონ ბრძენისაგან ნასწავლი

სიტყვა: „შენი ძალა კარგად გაზომე წინასწარ, რასაც ვერ შესწვდები, ნუ შეეწვდებიო“. ამის მოგონება და უარის თქმა ერთი იყო.

რაკი ფასომ უარი გამოაცხადა იმ ჩიტის დაჭერაზე, მერე უთხრა სოვდაგარმა: მაშ, თუ შენ ვერ დაიჭერ, მე დავიჭერ და შენი ქონება მე მომეცი, თუ ვერ დავიჭირო, ჩემი სიმდიდრე შენი იყოსო.

ამ სიტყვაზე კიდეც დაფიქრდა ფასო და გუნებაში თქვა: თუ დაიჭირა და ჩამომართვა სიმდიდრე, გავბრუნდები ჩემ მამობილდედობილთან და იმდენს კიდეც მომცემენ, რომ ჩემი ცოლ-შვილი გაეახარო.

ეს პატარა მშვენიერი ფრინველი იქვე ზის უძრავად და ჭიკჭიკებს. დაუძახა სოვდაგარმა თავის ხალხს და ფასომ — თავისებს. დასხეს და დააწერინეს პირობის წერილი, დაამტკიცეს ხელისმოწერით და ბექდების დასმით.

ადგა სოვდაგარი და მიეპარა ჩიტს. უნდა სტაცოს ხელი და დაიჭიროს, ამ დროს ეს ჩიტი შეხტა და ცოტა ზემოთა ტოტზე შეჭდა. სოვდაგარი ავიდა ცოტა მაღლა და წასწვდა. ჩიტმა შეატყო დაჭერას მიპირებსო, აფრინდა და ზემოთა ტოტზე შემოჯდა. ასე ამ დიდ და უშველებელ ხეზე რამდენჯერმე გამოიცვალა ჩიტმა ადგილი. სოვდაგარიც თან მისდევს. როდესაც ავიდა ხის კენწეროზე და ჩიტს აღარ დარჩა გადასანაცვლებელი ტოტი, შეიფრთხილა და გაფრინდა. სოვდაგარი ჩამოვიდა ხიდან. ფასომ მიუმატა თავის სიმდიდრეს სოვდაგარის სიმდიდრე და გაემგზავრა შინ. ლოცავდა თავის მასწავლებელს.

იმგზავრა ამ ჩვენმა მდიდარმა ყმაწვილმა კაცმა ფასომ რამდენიმე კვირას და მიუახლოვდა თავის სოფელს, თავის მიწა-წყალს. უხარია ჯერ სიმდიდრე და მერე ცოლ-შვილის ნახვა. დარჩა ორი დღის სავალი გზა მას სოფლამდის. შეხვდა ერთი თავისი მახლობელი მეზობელი, რომლისთვისაც ბევრჯერ მჭადის ნატეხები უთხოვია ფასოს, მაგრამ მეზობელს არც კი უსესხებია. ველარ იცნო თავისი ღარიბი მეზობელი. ფასომ კი რა წამს დაინახა, მაშინვე გულმა ფრიალი დაუწყო, გაიხარა და მეტისმეტი სიხარულისაგან თვალებიდან სიხარულის ცრემლებმა დაუწყო დენა და გულამომჭდარმა დაუძახა:

— ტიტე, აბა, აქეთ მობრუნდიო!

ტიტე შეერთა, შეშინდა, იფიქრა: ეს უსათუოდ მეფე იქნება, მაგრამ ჩემი სახელი რა იცის და რად მეძახისო. გულში ელდამ გაუარა და თავში ათასნაირი ფიქრი წარმოუდგა. ხან ფიქრობს: დანაშაული ხომ არა მაქვს რა და იმისთვის მეძახიანო, ხან — ტყუი-

ლად ხომ არაინ მიჩივლა და არ დამაბეზლაო. უნდა მიახლოვება, მაგრამ ვერ გაუბედავს.

რამდენიმე დამახების შემდგომ მიუახლოვდა, მდაბლად თავი დაუქრა და ხმა კი ვერ ამოუღია შიშისაგან, თითქმის ენა ჩაუვარდა. ფასომ, რაკი შეამჩნია ტიტეს ასეთი შეკრთომა, მაშინვე მივიდა, გადაეხვია და დაუწყაო კოცნა. ტიტე სრულებით ვერ მიხვდა, თუ ეს იმისი ღარიბი მეზობელი ფასო არის. მერე ფასომ უთხრა: კაცო, შენ ჩვენი ტიტე არა ხარო?

ტიტე ფიქრობს: მე ვინა და ეს ვინა, მე ჩემ დღეში და ჩემს სიცოცხლეში თვალთ არ მინახავს ამისთანა კაცი და ეს კი თავისას მეძახისო. ფასომ კიდევ ჰკითხა: მართლა ვერ მიცანიო?

ტიტეს ენიშნება თვალეში, ლაპარაკში, მაგრამ რას მოიფიქრებს, თუ ეს ოქროქსოვლით მეფის მსგავსად ჩაცმული და დახურული კაცი მისი ღარიბი და საცოდავი მეზობელი ფასოა! ვერა და ვერ მოიფიქრა და ვერ მოაგონა ტიტემ მისი ვინაობა. მერე კანკალით მოახსენა პირში ნერწყვეამშრალმა: ვერა, ბატონო, ვერ გიცნობ, თუმცა კი გამსგავსებ ვისმე ჩემგან როდისმე ნახულს, მაგრამ ვერ წარმომიდგენია, ვინა ბრძანდებოთო.

— კაცო, — უთხრა ფასომ, — მაშ, ვერ მიცნობ? სამ წელიწადზე მეტი ხომ არ არის, რაც სახლიდან და ჩემი სოფლიდან წამოვედი.

გაიგონა თუ არა ტიტემ, გაკვირდა, განცვიფრდა, სიტყვა ვეღარ მოუხერხებია რა, რომ თქვას რაჲ! მერე როდის ამოილულულა:

— ფასო, შენა ხარ?!

— სწორედ მე ვარ, — უპასუხა ფასომ.

— ვისია ეს ამოდენა სიმდიდრე? — ჰკითხა ტიტემ ფასოს.

— ჩემიაო, — უპასუხა.

— სად და როგორ იშოვე?

ამ კითხვაზე ფასომ პასუხი აღარ მისცა რა. უბრძანა ბიჭებს სადილის მოტანა, დასაზნენ სამი წლის უნახავი მეზობლები და ისეთი დროება გაატარეს, რომ მეტი აღარ შეიძლება. სადილობის დროს ფასომ თავის თავგადასავალსა და სიმდიდრის შოვნაზე უამბო. სადილის შემდგომ ჰკითხა ტიტეს: ჩემი საცოდავი ცოლშვილი როგორღა არისო?

— შენი ცოლშვილი, შენი ჰირიმე, სადღა არის? ყველანი, შენ რომ თავი დაანებე, იმავე წელიწადს დაიხოცნენ; შენი ნაქოხარიც აღარ არის, იმით თუ შეატყობ, რომ აქ როდისმე ქოხი მდგარაო,

რომ წვიმისაგან გუბე დგება და ბაყაყით იესება, რომელთა ყიყინისაგან მოსვენება არა გვაქვს. რამდენჯერმე მოვინდომეთ მისი ქვითა და მიწით ამოვსება, მაგრამ ვერ მოვიცალეთო.

გაიგონა თუ არა ფასომ ეს ამბავი, შემოიკრა და შემოიკრა თავში, თავპირი დაისისხლიანა და მწარედ იტირა. მისმა მოსამსახურეებმა ძლივძლივობით დააშოშმინეს და ნუგეში სცეს. შემდგომ ამისა იფიქრა ფასომ: რაღად მინდა რომ წავიდე ჩემს სოფელში ქვეყნის სამასხარაოდ? ამას არ მეტყვიან: სარჩო და სიმდიდრე რაღა ოხრად გინდაო, ცოლ-შვილი შიმშილით გაწყვიტეო! ამის მოფიქრება და უკან დაბრუნება ერთი იყო.

უკანვე გამობრუნებულმა ფასომ, იმგზავრა რამდენიმე დღე. თვალზე ცრემლი არ შეშრობია, აღარცა ჭამს და აღარცა სვამს, სიცოცხლეში წილი აღარ უძევს! ასეთი მწუხარებით მიაღწია იმ ალაგს, სადაც შეხვდა სოვდაგარი. აქ ჩამოხდა, გააშლევიანა ოქროს ქსოვილი, დაიდო თავისი მუთაქა და წამოწვა მწუხარებით სავსე. ფიქრობს: სად უნდა წავიდე და ამოდენა სიმდიდრე სად და ვის უნდა მივეუტანო? ამ ფიქრში რომ იყო, შეხვდა იმ ხეს, რომელზედაც ჩიტი იჯდა და გუნებაში თქვა: სოლომონ ბრძენს რომ არ ესწავლებინა მისი სიბრძნე, ხომ დავიღუპებოდიო? ამ დროს გაახსენდა მესამე სიტყვა: „რაც შენი თვალით არ ნახო, სხვის ნათქვამს ნუ დააჯერებო“.

ამის მოფიქრება და სახლისაკენ გაბრუნება ერთი იყო. უბრძანა დატვირთვა საქონლისა. მსახურთ აღასრულეს ნაბრძანები და გამოემგზავრნენ. რადგან საქონელი ერთი კვირის შესვენებული იყო, იმგზავრეს ჩქარა. ფასო ხან მწუხარობს, ხან მოილხენს, გუნებაში ფიქრობს: იქნება სოლომონ ბრძენის სიტყვა ამიცხადდეს და იმ კაცის სიტყვა სულ სიცრუე გამოდგესო.

იმგზავრეს ათიოდე დღე და, ბოლოს, მიუახლოვდნენ თავის სოფელს. სოფლის ნაპირიდან გაიყოლა რამდენიმე კარგი, რჩეული კაცი და წავიდა სახლისა და ცოლ-შვილის სანახავად. შორიდანვე დაინახა თავისი საცოდავი ქოხი. მივიდა და ჩამოხტა ქოხის წინ. მისი ცოლი დახეულ კაბის კალთას ხან აქეთ მხარეს მოიფარებდა და ხან იქით. ფასომ დაინახა თუ არა თავისი ცოლი ასეთ ყოფაში, სიხარულისაგან ველარა გაიგო რა, გადმოხტა ცხენიდან, მივარდა ცოლს, გადაეხვია და დაუწყო კოცნა... საბრალო დედაკაცმა, თავზარდაცემულმა, დაიწყო ხმამალალი წივილ-კივილი და უთხრა: ვინა ხარ, შე წყეულო და შეჩვენებულო! სიღარიბე, შიმშილი და სიტიტვლე არ მეყოფა, რომ ახლა შენც გული არ გადმომიბრუნო?

თუმცა მეტად ღარიბი ვარ, მაგრამ ჩემს სინდისს, პატიოსნებას ვერ ვუღალატებ და ქმრის ღალატს არ გავბედავ, თუნდა სულიც ამომდიოდესო!

— აბა, შემომხედე, თუმცა ღარიბული ტანისამოსი გამოვიცვალე და მეფური ჩავიცვი, მაგრამ ნუთუ მართლა ვერა მცნობო?!

ცოლმა ხმაზე მიამსგავსა და თვალეებში რომ შეხედა, იცნო. სიხარულსაგან გული წაუვიდა.

როდესაც ცოლმა იცნო ქმარი და დარწმუნდა, რომ ის არის, გადაეხვივნენ ერთმანეთს. გაკვირდნენ მიყოლილი საპატიო კაცები და ამბობენ გუნებაში: ამას რას ვხედავთ, ნუთუ ეს საცოდავი დედა-კაცი არის ამის ცოლიო?

როდესაც მოიკლეს ერთმანეთის სურვილი, ფასო გამოვიდა კარში და ბრძანა ხურჯინების ჩამოხდა. მაშინვე მშვენიერი და ძვირფასად შემკობილი ტანისამოსი შეუტანა ცოლსა და ჩააცვა. თუმცა ტანაცმელი კარგი და ძვირფასი იყო, მაგრამ სიღარიბისაგან მეტად ფერმიხდილია ზილფა. შავი, მაყვალევით თვალეები და წამწამ-წარბები ამშვენებენ მის მაღალ ტანს და წვრილ წელს. მეტადრე, როდესაც ჩაიცვა ახალი ტანისამოსი, სრულებით გამოიცივალა, ახლა ველარავინ იცნობს, თუ ის ღარიბი ზილფა არის!

ფასომ მოიკითხა თავისი ორი ვაჟი და ერთი ქალი.

— ვაჟები სამუშაოდ არიან, დღეში თითო მჭადზე, და ქალი მეზობელს მატყლს უწეწავსო, — უპასუხა ცოლმა.

— იმას რაღას აძლევენო?

— იმას ფასს არ აძლევენ, — უპასუხა ზილფამ, — მარტო უნდა მჭადი აქამონო. საღამოზე შვილები ორ მჭადს მოიტანენ, დღევანდელს ნამუშევარს, იმათ თვითონ კი აღარა ენდომებათ რა, ერთი მჭადი ამაღამ მე მეყოფა და მეორე მჭადი — ხვალ, მანამდის კიდევ მომიტანენ. ასეთ მწუხარებასა და ვაი-ვაგლახში ვატარებთ ჩვენს სიცოცხლეს, მაგრამ რაკი შენ დაგინახე, ახლა თუნდა ამაზე უარესი ღარიბი ვიყო.

ისაუბრეს კარგა ხანს. ფასომ გაგზავნა რამდენიმე კაცი და მოატანინა სახლთან ყოველი თავისი ნაშოვნი.

მის სახლთან არ იყო იმოდენა ალაგი, რომ მოთავსებულყო იმისი სიმდიდრე, იქირავა სხვისი ეზოები და იქ დააწყო, ვიდრემდის ალაგს უშოვნოდა. საღამოზე მოუვიდნენ შვილები, მაგრამ შიშისაგან ხმა ვერ ამოუღიათ. იმ საცოდავებს ჰგონიათ: მტერი დაგვცემია და ისედაც სიღარიბისაგან შეწუხებულები უნდა

აგვეკლოს და დაგვხოცოსო! გამოვიდა იმათი დედა, მაგრამ რას იცნობენ ოქრო-ქსოვილით მორთულს! ჯერ ჰატარა ქალს ახარა: შვილო, მამაშენი მოვიდა და ეს ამოდენა ქონება მოგვიტანაო. მერე ვაჟებს გადაეხვია და დაუწყო კოცნა: მოდიო, შვილებო. აახუთ მამათქვენო.

საცოდვეებს მაინც არა სჯერათ. გამოვიდა მამა, დაკოცნა ყველანი. შეიკვანა სახლში. გამოუცვალა ტანსაცმელი და მიეცნენ ყველანი გამოუთქმელ სინარულს.

ხელმწიფე და მელორე

დასავლეთში მეფობდა ძლიერი ხელმწიფე, სახელად ალექსანდრე მაკედონელი. მთელი დასავლეთი დაიპყრო. სადაც კი მივიდოდა, ხალხს სპობდა, სისხლის ღვარს აყენებდა და ამიტომ სასტიკი მეფის სახელი ჰქონდა გავარდნილი. მხოლოდ აღმოსავლეთის მეფე არ ემორჩილებოდა. ბევრჯერ განიზრახა მისი დამორჩილება, მაგრამ ვერაფერს გახდა. აღმოსავლეთის ხელმწიფე ალექსანდრე მაკედონელის მუქარას ყურსაც არ უგდებდა.

ერთ დღეს ალექსანდრე მაკედონელმა დაიბარა ნაზირ-ვეზირები და უბრძანა: საჩქაროდ გამიგეთ, დასავლეთიდან აღმოსავლეთამდე რამდენი ხნის სავალია, აღმოსავლეთის ხელმწიფესთან ომი უნდა დავიწყო!

უფროსმა ვეზირმა სასტიკ მეფეს კითხვა გაუბედა: დასავლეთის დიდო ხელმწიფე, შენი საბრძანებელი თვალმიუწვდომელია, დასავლეთის ყველა ქვეყანა შენი მონა-მორჩილია, შენი შიშით იქ მიწაზე ჭიანჭველას ვერ გაუვლია და ჰაერში ფრინველებს ვერ უფრენათ, რად გინდა აღმოსავლეთი, იქ ხომ საშიში ველურები ცხოვრობენო.

ამ სიტყვებმა საშინლად გააბრაზა ისედაც ბრაზიანი ხელმწიფე. უფროსი ვეზირი მაშინვე გარეთ გამოაგდო, ვეზირობა ჩამოართვა და მეჩინიბედ დაიყენა.

უმცროსი ვეზირები შეწუხდნენ. განრისხებულ ხელმწიფესთან მისვლას ვერავინ ბედავდა. დაიბარეს მეცნიერები და რჩევა ჰკითხეს. პასუხი ვერ გაიგეს. ერთი მელორე გამოტყვრა: მიმიყვანეთ ხელმწიფესთან, მე მას ვასწავლი აღმოსავლეთის გზასო!

ვეზირებმა თავხედი მელორე ჯერ ახლოსაც არ მიიკარეს, მაგრამ

არ მოეშვა. ბოლოს ვეზირებმა იფიქრეს: იქნებ რამე იცოდეს და გვიშველოსო, და მიუყვანეს ალექსანდრე მაკედონელს. ხელმწიფემ მელორეს ჰკითხა:

— აბა, მითხარი, დასავლეთიდან აღმოსავლეთამდის რამდენი ხნის სავალაოა?

— დასავლეთის დიდო ხელმწიფევ, ეგ არავინ იცის, მაგრამ აღმოსავლეთიდან დასავლეთამდის კი მანძილი გამოთვლილი მაქვსო, — უპასუხა მელორემ.

— ჩქარა მითხარი, რამდენი ხნის გზააო? — უბრძანა მოუთმენელმა ხელმწიფემ.

— მანძილი ბევრია, იქ არც შენ ყოფილხარ და არც მე, მზე კი აღმოსავლეთიდან დასავლეთამდის მისვლას ოცდაოთხ საათს უხდებო. თუ ლაშქრობას აპირებ, გირჩევ, ხელი აიღო, შენ და შენი ჯარი იჭამდის თქვენს სიცოცხლეში ვერ მიაღწევთო.

ალექსანდრე მაკედონელს მელორის რჩევა ქკუაში დაუჭდა და აღმოსავლეთის ხელმწიფესთან ომზე ხელი აიღო.

ქვრივი ქალი და ვაჟარი

იყო ერთი ქვრივი ქალი. ქმარი ადრე მიუყვდა, მაგრამ ობლებს კარგად ზრდიდა. საქმეში ყოჩაღი იყო, ვერავინ ვერაფერს გამოაპარებდა. მისი ბოროტ კაცსაც ეზინოდა, ეშმაკსაც და ქაჩსაც.

ქალის ქებას ყური მოჰკრა ერთმა ეშმაკმა ვაჟარმა და თქვა: თუ მაგ ქვრივს ვერ ვაჯობე, რაღა ბიჭობა მეთქმისო.

ერთ დღეს მივიდა ქვრივთან, მიესალმა და უთხრა: ძალიან გაქებენ, ვერავინ ვერაფერს გამოგაპარებსო. მოდი, დამენადლევე, თუ მაჯობო.

— მე ერთი საწყალი ქალი ვარ, ჩენთვის ვშრომობ და ობლებსაც ვზრდი, რა სანაძლეო შემიძლია, მაგრამ თუ შენ სურვილი გაქვს, დაენადლევედეთო, — უპასუხა ქვრივმა.

— რაზე დაენადლევედეთო? — ჰკითხა ვაჟარმა.

— ხვალ დილით მზის ამოსვლას ვინც უწინ გაიგებს, მოგებულის იყოს და წამგები ერთ წელიწადს მეგინიბედ ემსახუროსო! — უთხრა ქალმა.

დადეს ეს სანაძლეო. მეზობლები მოწმედ დაისწრეს, ივახშმეს.

დაწვენ და დაიძინეს. ეშმაკი ვაჭარი ღამით ჩუმად ადგა, გარეთ გამოიპარა, გადმოდგა ბანზე და დაიწყო აღმოსავლეთისაკენ ყურება, მზემ ამოსვლა არ მომასწროსო. თვალი არც კი მოუხუჭავს. ქვრივმა კარგად გამოიძინა. მამლებმა უკანასკნელად რომ იყივლეს, წამოდგა, ხელ-პირი დაიბანა, ცოტა ისაუზმა, გარეთ გამოვიდა და კიდევ ირიყ-რაყა. თავს წაადგა ბანზე დაყუნტულ ვაჭარს, ბრაზით შეხედა და უთხრა:

— აბა, წამობრძანდი, მეჭინიბობა უნდა ჩაგაბარო, სანაძლეო ხომ მოვიგე!

— რას ამბობ, ჯერ მზე არსად ჩანს, სანაძლეო საიდან მოიგე?

— შე საბრალოვ, აბა, გახედე ბრუტსაბძელას, ნახე, მის წვერზე როგორ თამაშობს მზის სხივები!

ვაჭარმა ჩრდილოეთისაკენ მიიხედა და, მართლაც, დაინახა, ბრუტსაბძელას მზის სხივები ოქროსავით შეფრქვეოდა.

— ქალი კი არა, მართლა ეშმაკი და ქაჩი ყოფილხარო, — უთხრა შერცხვენილმა ვაჭარმა ქვრივს და თავი ჩაღუნა.

სხვა რაღა გზა ჰქონდა, მთელი წელიწადი მეჭინიბედ ემსახურა.

დაკარგული შარვალი

იყო და არა იყო რა, ცხოვრობდა ერთი ბრიყვი კაცი, რომელსაც სამი გასათხოვარი ბრიყვი ქალი ჰყავდა. კაცს ერთი დახეული შარვლის მეტი არაფერი გააჩნდა, ქალიშვილები კი ნახევრად ტიტვლები დაუდიოდნენ. ბრიყვი კაცის გვერდზე ცხოვრობდა ერთი ვაჟი, რომელსაც შინ არავინ ჰყავდა.

ერთხელ ვაჟმა შარვალი გარეცხა და გასაშრობად გაფინა. ამოვარდა ძლიერი ქარი, გარეცხილი შარვალი გაიტაცა და ბრიყვი კაცის ეზოში გადააგდო. ბრიყვმა გაიხარა. ვაჟმა ბევრი ეძება თავისი შარვალი, მაგრამ ვერსად იპოვა.

ერთ დღეს დაინახა, მისი შარვალი ბრიყვი კაცს ეცვა. ვაჟმა უთხრა: ეგ შარვალი ჩემია, ჩქარა გაიხადე, რად მომპარეო!

— არა, არ მომიპარავს, ვიპოვეო, — უპასუხა ბრიყვმა.

ვაჟი რომ არ მოეშვა, ბრიყვმა კაცმა უთხრა: ოღონდ შარვალს ნუ გამხდი და ერთ ქალს მოგათხოვებო!

ვაჟმა აირჩია უფროსი ქალი და წაიყვანა. მიიყვანა შინ. გააცნო

ოჯახი, აჩვენა სად რას ინახავდა, სად იყო კარაქი, ერბო, ხორცი.

ერთხელ ვაჟი სხვაგან წავიდა. ქალი შინ მარტოდ დარჩა. მოულოდნელად წვიმა წამოვიდა. ნახვრეტებიდან წყალი ჩამოვიდა. ქალმა წაიღო კარაქი და ნახვრეტების გამოლესვა დაიწყო. კარაქი სულ დადნა და დაიღვარა. სალამოს ვაჟიც დაბრუნდა.

— როგორა ხარო, — მოიკითხა ცოლი.

— რაღა როგორა ვარ, ამ დანგრეულ სახლს სულ ვლესავ, მაგრამ გალესვა არ ელირსაო, — უპასუხა ქალმა.

— რითი ლესავო? — ჰკითხა ვაჟმა.

— კარაქითო! — უთხრა ქალმა.

ვაჟი გაბრაზდა და ბრიყვი ქალი სახლიდან გააგდო. მივიდა ბრიყვი კაცთან და თავისი შარვალი მოსთხოვა.

— ოღონდ შარვალს ნუ გამხდი და მეორე ქალს მოგათხოვებო! — უთხრა ბრიყვმა.

წაიყვანა ვაჟმა შუათანა და. რა იცის, რომ ესეც ბრიყვია! დაარიგა, ყველაფერი აუხსნა, ასწავლა.

მეორე დღეს ვაჟი სამუშაოდ წავიდა. ქალმა ნახა, ვირი ტალახში იყო ამოსვრილი. აიყვანა, ვარცლში ჩააწვინა, თბილი წყლით გაბანა, გაამშრალა, სუფთა ლოგინი გაუშალა და შიგ ჩააწვინა.

სალამოს ვაჟიც დაბრუნდა. ეს რომ დაინახა, გაბრაზდა, ბრიყვი ცოლს მაგრად სცემა და სახლიდან გააგდო. მივიდა ისევ ბრიყვი კაცთან და თავისი შარვალი მოსთხოვა.

— ოღონდ შარვალს ნუ გამხდი და უმცროს ქალს მოგათხოვებო. — უთხრა ბრიყვმა.

წამოიყვანა ვაჟმა ახლა უმცროსი და.

ერთხელ სტუმარი მოუვიდა. ქალს უთხრა, კერძი გააკეთეო. ქალი ნაგვის ყუთთან მივიდა, შიგ ბაყაყი დაინახა, ხორცი ჩაუყარა და უთხრა: ბაყაყო, კერძი გააკეთე, ნახევარი შენ და ნახევარი ჩვენო.

ცოტა ხნის შემდეგ ვაჟმა ქალს ჰკითხა: კერძი რა უყავი, რატომ არ მოგაქვსო?

— მზარეულს მივეცი, აკეთებსო. — უპასუხა ქალმა.

გაიხედეს და დაინახეს, რომ ხორცს ძაღლები მიათრევდნენ. ვაჟმა ეს ბრიყვი ქალიც გააგდო სახლიდან, იმ კაცს შარვალი გახადა: ბრიყვი ყოფილხარ და ბრიყვი ქალებიც გაგიზრდიაო.

ქირი იქა, ლხინი აქა,
ქათო იქა, ფქვილი აქა.

იყო ერთი მედაირე.. თუმცა თავისი ხელობა კარგად ჰქონდა შესწავლილი, მაგრამ რადგანაც არავინ იცნობდა, ვერსად მიდიოდა.

ერთხელ ცოლმა უთხრა: რას ჩამოგიკიდია დაირა და შეჰყურებ. წადი, იქნებ იშოვო რამეო.

ქმარმა დაუჯერა და წავიდა.

ერთ ადგილას სასახლე დაინახა და მივიდა. თურმე, იქ ქორწილი ჰქონდათ გამართული. დაჯდა ჩვენი მედაირე და დაუკრა დერეფნის ქვეშ. ხალხს გაუკვირდა: ასე მშვენიერად ვინ უკრავსო? იპოვეს მედაირე და აიყვანეს ქორწილში.

მოაგროვა ოც თუმნამდის ფული და როცა ქორწილი გათავდა. წავიდა სახლისაკენ. შინ რომ მივიდა, ცოლმა ჰკითხა: რა იშოვეო? მედაირემ ჩაიყო ჯიბეში ხელი. უნდოდა ფული ამოეღო, მაგრამ ხახამშრალი კი დარჩა... თურმე ჯიბე დახეული ჰქონებოდა და ის ფულები სულ დაჰკარგოდა. ბევრი იდარდა, მაგრამ რაღას იზამდა. გაჭავრებული დაჯდა და ექვსნაკეცი ტილოს ჯიბე დაიკვრა.

წავიდა მეორე დღეს კიდევ რისამე საშოვნელად. წვიმამ მოასწრო, გზა დაკარგა და ერთ ტყეს მიადგა. იქ ერთი კაჰკაჰი დაიჭირა. ჩაისვა უბეში და გააგრძელა გზა. ამასობაში კიდევ დაღამდა.

ერთს ადგილას სინათლე დაინახა. დააკაკუნა კარები და შეეხვეწა სახლის პატრონს: სახლში შემიშვიო. იქიდან ქალმა უპასუხა: ქმარი შინ არა მყავს და როგორ შემოგიშვაო?.. ბევრი ხვეწნისა და მუდარის შემდეგ, როგორც იყო, შეუშვა, დაუგო კარებს უკან ლოგინი და უთხრა: დაიძინეო. მედაირეს ძილი არ მოუვიდა, მაგრამ ისე აჩვენა თავი, ვითომ ეძინა. ქალიც არ აპირებდა ძილს, ეტყობოდა, ვილაცას უტდიდა.

ცოტა ხნის შემდეგ მოვიდა ვილაც კაცი. ქალი მიეგება და უთხრა: რად დაიგვიანე, ჩემო საყვარელოო. ისიც მიესაყვარლა. მერე გაშალეს სუფრა და დაიწყეს ქეიფი. ქეიფის შემდეგ ქალმა სუფრა ააღავა, ლოგინი გაშალა და დაწვნენ. ყველაფერს ამას მედაირე უცქეროდა.

არ გასულა ბევრი ხანი, რომ კიდევ კარების კაკუნი მოისმა. ქალმა უთხრა თავის საყვარელს: ჩქარა ქვევრში ჩაძვერი, თორემ ჩემი ქმარი მოგკლავსო. ჩასვა ქვევრში და თვითონ კარები გაუღო ქმარს.

— ამდენი ხანი რად მაცდევინე? — ჰკითხა ქმარმა.

— მეძინა და ვერ გავიგეო! — ცბიერად უპასუხა ცოლმა.
ქმარმა ტანისამოსი გაიხადა და მედაირეს თვალი მოჰკრა.

— ეს ვინ არისო?

— ვილაც კაცია და აქ თავი შემოაფარაო.

— მაშ, გააღვიძე და ვახშამიც მოგვიტანე, ერთად ვკამოთო.

ქალმა სუფრა გაშალა, ააყენა მედაირე და დასხდნენ პურის სე-
კმელად, მაგრამ რა გამოვიდა? ძალიც კი არ იკადრებდა იმისთანა
შკადს, როგორც იმათა ჰქონდათ. მედაირემ მოუჭირა ხელი კაჭკაქს,
რომელიც უბეში ჰყავდა, და დააჩხავლა. მასპინძელმა ჰკითხა: ეგ
რას ამბობსო?

მედაირემ უპასუხა: თახჩაში ტიკით ღვინოა, გამოიტანეთ და და-
ლიეთო.

შეგზავნა ცოლი და გამოატანინა. მედაირემ კიდევ დააჩხავლა.
— რას ამბობსო?

იმან უპასუხა: თახჩაში ქაღა-ნახუქებია, გამოიტანეთ და კამეთო.
გამოიტანეს ისიც. მედაირემ დაუკრა თავისი დაირა და დაიწყეს
ქეიფი. ქაღები როცა შემოაკლდათ, სტუმარმა კიდევ მოუჭირა
ხელი და დააჩხავლა. ასე რომ, ამნაირის ეშმაკობით მედაირემ გა-
მოაზიდვინა დედალი, ნახუქები, შემწვარი ინდაური და სხვ. ბოლოს,
მედაირემ კაჭკაჭი კიდევ დააჩხავლა და, როცა მასპინძელმა მიზეზი
ჰკითხა, მან უპასუხა: თქვენ რომ ქვევრი გაქვთ, იმაში მაბანავეო.

გააცხელეს წყალი, ჩასვეს კაჭკაჭი ქვევრში და ზევიდან მღულარე
დაასხეს. კაჭკაჭიც შიგ ამოიფუფქა და იქ მჯდომი კაციც.

მეორე დღეს, როცა მასპინძელი წავიდა, ქალმა უთხრა მედაირეს:
ხომ იცოდი, რომ იმ ქვევრში კაცი იჯდა, რად დამლუპეო. მედაირემ
გადაპფიცა.

— მაშ, წაიღე მაინც და დამარხე, რომ არავინ გაიგოსო.

მედაირემ უთხრა: ერთი კარგი ვირი მომეცი და ასი თუმანი ფუ-
ლი და მაშინ დავმარხავო.

რას იზამდა. როგორც ვიჭირდეს, ისე გიღირდესო, აიღო და
მისცა.

მედაირემ შეკაზმა ვირი, შესვა ზეღ გაფუფქული კაცი, დაამაგრა
და წავიდა. მივიდა ბოლოს ერთ კალოსთან. მუშები პურსა კამდნენ.
მედაირემ მიუშვა ვირი ხეავზე და თვითონ მიეთარა. დაინახეს მუ-
შებმა ვირი და შეუტყვის: კაცო, ხეავს რად აკმევ, ბზე აკამეთ.
მაგრამ მკვდარი კაცი რას გაუგებდა. გაჯავრდნენ მუშები და შე-
მოჰკრეს ჯოხი ვირს, ვირი შეხტა და გადმოავდო მხედარი. გადმოხ-

ტა მაშინ მეღაირე და დაიწყო ყვირილი: რაზე მომიკალით ბებერი მამა, რაზე დაიდეთ ჩემი ცოდო!

გამოვიდნენ თვითონ მებატონეები და ამშვიდებდნენ, მაგრამ მეღაირე არა ცხრებოდა. მაშინ უთხრეს: ორმოც თუმანს მოგცემთ და მკვდარსაც ჩვენ დაემარხავთო, ოღონდ ნურავის გააგებინებო. მაგრამ მეღაირე გაიძახოდა: არ მინდა ფულეზიო.

დაახარბეს. ას თუმანმდის რომ ავიდნენ, მაშინ დათანხმდა მეღაირე. დამარხეს მკვდარი, გადაუხადეს ქელეხი, მისცეს მეღაირეს ასო თუმანი და გაისტუმრეს.

იარა მთელი დღე და დაულამდა ერთ დანგრეულ წისქვილთან. შევიდა შიგ და კუთხეში წაძოწვა. შუალამე რომ გადავიდა, შემოვარდა დათვი, მიათრია წისქვილის დოლაბი და მიაღო კარებს. მეღაირეს შეეშინდა, მაგრამ მერე თქვა: რაც მომივა, მომივა, დაირას მაინც დავუკრაუო. ჩაჭდა ხეიმირაში და დაუკრა. დათვი დაფრთხა, კარებს ველარ მიაგნო, რომ გაქეუულიყო, დაიწყო ტრიალი და ხტუნვა.

ამ დროს მოდიოდა ერთი სოვდაგარი და აუარებელი სიმდიდრე მოჰქონდა თან. დაირის ხმა რომ გაიგონა, თქვა: ამ დანგრეულ წისქვილში რა ამბავი არისო და მიაწვა კარებს. ქვა გადავარდა, გააღო კარები. გამოვარდა დათვი და გაიქცა. მეღაირემ დაიწყო ღრიალი: რაზე დამლუპე! დათვი ხელმწიფისაგან მყავდა მობარებული, თამაშობას ვასწავლიდი და შენ კი გამიქციეო.

სოვდაგარმა დაუწყო ხვეწნა: გაჩუმდი, კაცო, ხელმწიფეს ნუ გააგებინებ, თორემ ორივეს მოგვეკლავს; იქნებ რამე მოვახერხოთო. მეღაირე კი გაიძახოდა: რა უნდა მოვახერხოთ, ახლა რალა პასუხი უნდა გავცე ხელმწიფესო? სოვდაგარმა უთხრა: ერთი საპალნე ოქრო-ვერცხლი წაიღე და მიაართვი, იქნებ დაგჭერდესო, მეღაირე თავისას გაიძახოდა. ბოლოს, ორი საპალნე შეაძლია. მაშინ კი დაშოშმინდა მეღაირე. გამოართვა ორი საპალნე ოქრო-ვერცხლი და წამოვიდა. შოვიდა შინ და დაიწყო ცხოვრება ბედნიერად.

ზ ა რ მ ა ტ ი

იყო და არა იყო რა, იყო ერთი ცოლ-ქმარი. ქმარი მეტისმეტი ზარმაცა გახლდათ. არაფერს აკეთებდა, მხოლოდ იჭდა, ჭამდა და ხან ერთ გვერდზე გადაბრუნდებოდა და ხან — მეორეზე. ცოლი კი, რაც ძალა და ღონე ჰქონდა, შრომობდა, იმასაც კვებავდა, აცმევდა

და თავის თავსაც; მაინც მეტად ღარიბად ცხოვრობდნენ. იმათ ბედობაზე მარტო ერთი მამული იყო სადღაც შორს, რიყეზე და ქვიშაზე, ჭინჭრისა და ღოღოს მეტი არც არაფერი იდგა იმაზე და არც არაფერი მოდიოდა.

ერთ გაზაფხულზე ცოლმა სთხოვა მეზობლებს, მოახვენეინა, მერე თესლი ჩამოითხოვა, დათესეს. ყანა მოვიდა, რა ყანა, სულ ზღვა-სავით ღელავდა! დადგა მკათათვე. შემოვიდა ყანები.

ცოლმა უთხრა ქმარს: კაცო, აღექ, წადი, ნახე, იქნება ი მამულზე არაფერი არ მოვიდა და ჩვენ კი ტყუილად იმედი გვაქვსო.

ადგა, როგორც იყო, ზარმაცი, წავიდა მამულის სანახავად. ნახე-ვარი გზაც არ გაუვლია, დაბრუნდა ისევ უკან და ცოლი მოატყუა: ვიყავი და იქ ღოღოსა და ჭინჭრის მეტი არაფერი მოსულა, თესლი რაზე გადავყარეთ ტყუილადო.

ცოლმა იცოდა, როგორი ყანაც იდგა, მიხვდა, რომ ქმარი ტყუოდა, მაგრამ არაფერი არ უთქვამს. როდესაც სამკალი გახდა ყანა, ცოლმა უთხრა ზარმაცს: კაცო, ან სამკალს წადი, ან სახლში დარჩი, რძე შედღვიბე, კრუხ-წიწილას საყენკი დაუყარე, თვალი დაიჭირე, ფქვილი გაცერ და პური გამოაცხვეო.

ზარმაცმა სახლში დარჩენა არჩია. კრუხ-წიწილა რომ არსად წასულიყო, ზარმაცმა აიღო ცოლის თხორი (გორგალი), გადააბა ერთმანეთს წიწილებიც, კრუხიც და ისე გაუშვა კალოზე. უცებ საიდანღაც გაჩნდა ქორი, დააფრინდა კრუხ-წიწილას და გააქანა ერთბაშად ყველა. ზარმაცმა აიკიდა ზურგზე საცერი და ფქვილიანი გუდა, სარძეული და ისე გამოუდგა ქორს: კრუხ-წიწილასაც დავაგდებინებ ქორს, ფქვილიც დაიცრება, რძეც შეიდღვიბება და ერთბაშად ყველა საქმეს გვაკეთებო. მაგრამ ვერც კრუხ-წიწილა გააგდებინა, ფქვილიც დააბნია. დაბრუნდა ზარმაცი სახლში, ცოტა არ იყოს, შეფიქრიანებულნი.

„რალა ვუთხრა ცოლსა, — იფიქრა ზარმაცმა, — საიდან ვუშოვო ან კრუხ-წიწილა და ან ფქვილიო“. იფიქრა, იფიქრა და მოიგონა: „ჩემ ცოლს ხომ კვერცხები აქვს, ჩავაწყობ იმათ საბუღარში, ზედ მე დავკვდები და, სანამ ჩემი ცოლი სამკლიდან დაბრუნდება, წიწილებს გამოვჩეკავო“. აიღო მართლაც. ჩააწყო კვერცხები ბუდეში, ზედ თავად დააჯდა და მოჰყვა კრუშკრუშს.

სალამოზე ცოლი დაბრუნდა სამკლიდან, ქმარს დაუძახა:

— კარი გამიღე!

— კრუხ, კრუხ, კრუხ! — მოესმა სახლიდან.

— კარი გამიღე! — გაუშეორა ცოლმა.

— კრუი! კრუხ. კრუხ! — ევლავ მოესმა სახლიდან.

მესამედ დაუძახა ქმარს: სადა ხარ, სად დაიქარგე, კარი გამიღეო!
შავრამ იმას ხმა არაეინ გასცა და მარტო კრუშკრუში ესმის. შეამ-
ტვრია ცოლმა კარი და შევიდა სახლში. იმისი ქმარი ჩამჯდარა ქათმის
საბუდარში და კრუშკრუშებს.

— რა არი, კაცო. ეგ რაღა საქნელი იყო, რასა შერები? ამოდი
მავ გოდრიდანაო!

— კრუხ-წიწილა ქორმა წამართვა და კვერცხებს დავაჯექი გა-
მოსაჩეკადაო! — უპასუხა ქმარმა:

— შენი გამოჩეკილი არ მინდა, — უთხრა ცოლმა, — ამოდი
გოდრიდანაო! ამოიყვანა ბუდიდან ცოლმა ზარმაცი ქმარი, დასვა,
კერაზე.

მეორე დღეს ცოლმა ჰკითხა ზარმაცს: აბა, რას იზამ, ისევ სახლს
მოუვლი, თუ სამკალს წახვალო?

— სამკალს წავალ, — უპასუხა ქმარმა. — თუ დღეში სამ ქათამს
დამიკლავ: ერთს სადილად, ერთს სამხრად და ერთს ვახშმად, მარ-
ტოკა მე მოვემკი იმ მამულსაო!

— ოღონდ შენ ის ყანა მომკე და თუნდ ოთხ ქათამს დაგიკლა-
ვო, — უპასუხა ცოლმა.

წავიდა ზარმაცი ყანაში. მთელი დღე ორი-სამი ძნა ვერ გამოჭრა.
სულ ეგდო და ეძინა, სამი ქათამი კი შეჭამა.

ასე გავიდა სამი-ოთხი დღე. ყანა მამულში ჩაიწვა.

ერთ დილას ადგა ზარმაცის ცოლი, ითხოვა ცხენი, კაცის ტანისა-
მოსი ჩაიცვა ტანზე, იარაღიც აისხა, შეჯდა ცხენზე და ქმრისაკენ
გასწია. ზარმაცს რომ მიუახლოვდა, დაუძახა: მომკალო, ერთი ზარმა-
ცი კაცი არ იცი, ხელმწიფეს შვილი ჰყავს ავად, უკვდება და ზარმა-
ცის ღვიძლი გვასწავლეს, ის უშველისო!

ზარმაცი შეშინდა და შეჰფიცა: აი, ეს ერთი საათია, რაც მკა და-
ვიწყე და მეტს როგორ მოვემკიდო.

— თუ სალამომდისინ არ მოვიმკია ეგ ყანა, მოვალ, ვნახავ, თავს
მოგჭრი და ღვიძლს ამოგარიდებო, — უთხრა მგზავრმა, გასცდა და
წავიდა.

ეცა ზარმაცი ყანას და სალამომდის ბოლი აადინა. დაჯდა გადა-
წყვეტილი და დაიწყო ქშენა. სალამოზე ცოლმა საჭმელი მოუტანა.
მაგრამ რაღა საჭმლის თავი ჰქონდა, იჯდა და, რაც ძალა და ღონე
ჰქონდა, კენესოდა. ცოლმა განგებ ჰკითხა: რას დაუღლიხარო?

ზარმაცმა უამბო: ხელმწიფის კაცმა გამოიარა და დამემუქრა:

თუ საღამომდის ამ ყანას არ მომკი. 'საღამოზე მოვალ. თავს მოგჭრი, ღვიძლს ამოგარიდებ და წავიღებო!

ცოლმა გული გაუკეთა: ნუ გეშინია. მოგიმკია, ის შენ აღარაფერს გეტყვისო!

როგორც იყო, მოიტანეს ძნაც, გაღწეეს და ჩაყარეს მარცვალი.

ზარმაცს ერთი ღორი ჰყავდა, რაც რამ ებადა, იმას აჭმევდა. ცოლმა უთხრა: კაცო, ჩვენთვის არაფერი გვაქვს, რომ ვქამოთ, შენ ღორს აჭმევ, მოვიშოროთ, დავკლათო!

— სანამ უკან ქონი არ გამოეჩრება, არ დავკლავო, — უპასუხა ქმარმა.

ცოლი ადგა, გაათბო ერბო, მიასხა ღორს, მოიყვანა ქმართან, აჩვენა და უთხრა: აი, ისე გასუქებულია, რომ ქონი გამოსდისო.

მცონარამ დაკლა თავისი საყვარელი ღორი, რადგანაც თავისი მუცელი უფრო უყვარდა. ღორის ხორცი მალე შეჭამა ზარმაცმა, მხოლოდ იწის ცოლისაგან დამალული ერთი ბარკალიღა დარჩა. ქმარმა შეიტყო, რომ ჩემ ცოლს ღორის ბარკალი დაუმალავსო და გადაეკიდა, მომეციო. ცოლმა უარი მოახსენა.

— მოგკვდები, თუ არ გამომიჩენო. — უთხრა ზარმაცმა ცოლს. ცოლმა კიდეც არ მისცა.

— მოგკვდებიო, — უთხრა კიდეც ზარმაცმა.

— მოკვდი, თუ მოკვდები, ვის დააკლდებიო, — შემადლა ცოლმა.

ადგა მცონარა, წაწვა ტახტზე, დახუჭა თვალები, ვანაბა სული და მოიმკვდარუნა თავი. ცოლმა ყასიდაღ დაიწყო ტირილი ქმარზე. მოაყვანა მღვდელი, გააკეთებინა კუბო, ჩადეს შიგ და წაიღეს საყდარში. ცოლი ერთხელ კიდეც მივიდა ქმართან და წასჩურჩულა: გაცოცხლდი, თორემ დაგმარხავთო!

-- მკვდარი ვარ, როგორ გავცოცხლდეო! — უპასუხა ქმარმა.

— გაცოცხლდიო! — დაუყინა ცოლმა.

— მაშ, თუ ღორის ბარკალს მომცემ, გავცოცხლდებიო. — უთხრა ქმარმა.

— არაო! — უთხრა ცოლმა.

— მაშ, არც მე ავდგებიო!

წაიღეს მცონარა და დაასვენეს ეკლესიაში. რომ დადამდა, ზარმაცის ცოლი ადგა. მივიდა საყდრის კართან და დაიძახა: მკვდარო. ახალნო და ძველნო, გეყურებოდესთ, აუქეოთ. ცაში საყდარო შენდება; ვინც ახალი მკვდრები ხართ, ორას-ორასი აგური უნდა აიტანოთ და. ვინც ძველნი — ას-ასიო!

მცოდნარამ იფიქრა: ვაჟო, მე ხუთ აგურს აქაც ვერ მოვრევივარ და იქ ორასი რა ეშმაკით უნდა ავიტანო!

წამოსტა და გაადინა ფხაქა ეკლესიიდან. ის დღეა და ის დღე. აღარ მომკვდარა, აღარც ღორის ბარკალი მოუკითხავს და აღარც გვერდზე უგორავნია. მუდამ შრომობდა და იყვნენ ტკბილად და მდიდრად.

ჭირი იქა, ლხინი აქა,
ქათო იქა, ფქვილი აქა.
ელასა, მელასა,
ქიქა მკეიდა ყელასა...
მთქმელსა და გამგონებელსა
ჭირი გამორთო ყველასა.

ორი ცრუპენტელა

იყო ორი ცრუპენტელა. ერთს ერქვა დათუა, მეორეს — პეტრიკელა.

ერთხელ დათუა ცრუპენტელამ ერთი დიდი ტომარა მოიტანა ხავსით მაგრად გატენილი, თავზე მატყლი დაატენა და იმერეთში წაიღო გასაყიდად. კორტოხის წვერზე (სურამის მთაზე) რომ ავიდა და ტურთა იმერეთს გადახედა, სწორედ ამ დროს პეტრიკელა ცრუპენტელა შემოხვდა: ნიგვზის ნაქუჭებით სავსე დიდი ტომარა ეკიდა, ხოლო ნაქუჭების ზემოდან ნიგოზი ეყარა.

— გამარჯობა შენი! — შესძახა დათუა ცრუპენტელამ.

— გაგიმარჯოს! — მიუგო პეტრიკელამ.

— საიდან მოხვალ, ან სად მიხვალ?

— იმერეთიდან მოვდივარ ქართლში, გასაყიდად ნიგოზი მიმაქვს. მაგრამ ერთს გეტყვი, თუ დაიჯერებ: ტყუილშებრალოდ იქით-აქით სიარულს რას გამოვრჩებით, ქალამნები დაგვიცვლება, სხვა არა იყოს რა. მოდი, ჩვენ სავაჭრო გავცვალოთ: შენ ეს ნიგოზი წაიღე. ქართლში გაყიდე და მე მატყლი მომეცი, დავბრუნდები და იმერეთშივე გაყვიდი.

— ძალიან კარგია, ძმობამ! გვირჩევნია ჩვენ ჩვენი სახლებისაკენ დავბრუნდეთ, თრევით რას გავხდებით. აჰა, მატყლი და შენც შენი ტომარა ნიგოზი მომეცი.

ამგვარად, ორივე ცრუპენტელამ ტომრები ერთმანეთს გაუცვალეს და თავ-თავიანთი სახლებისაკენ დაბრუნდნენ.

ცოტა გზა გაიარეს და ერთმანეთს რომ ვეღარ ხედავდნენ, სწრაფად გასსნეს ტომრები. ნახეს, რა ნახეს, ერთმანეთი მოეტყუილებინათ.

გავიდა რამდენიმე ხანი. კიდევ შეხვდნენ ერთმანეთს. მიემშვიდობა დათუა და უთხრა პეტრიკელას: მე მეგონა, მარტო მე ვიცოდი ტყუილი, მაგრამ არც შენ ყოფილხარ, ძამიავ, ნაკლები.

— იმე! რა გაცკვირვებია, შე კაცო! თუკი შენ იცოდი რამე. რატომ მეც არ მეცოდინებოდა?!

— მაშ, მოდი, დავძმობილდეთ!

— ძალიან კარგი. იცი რა, მოდი, ერთად დავდგეთ სადმე მოჯამაგირეებად.

— შენი ნება იყოს!

ცრუპენტელები შეუდგნენ მოჯამაგირას ადგილის ძებნას. ბევრი იარეს, თუ ცოტა იარეს, ბოლოს შეიტყვეს, ერთ დედაბერს ორი მოჯამაგირე უნდაო. ადგილი იკითხეს და მივიდნენ იქა.

დედაბერმა უთხრა: ერთი ძროხა მყავს და ეს სახლი მაქვს; ერთმა თქვენთაგანმა ძროხა უნდა ატაროს საბალახოდ და თანაც სალამური, ჩონგური და დაირა უნდა ჰქონდეს, რადგან ჩემმა ძროხამ ცეკვა იცის და უნდა აცეკვოს ხოლმეო. მეორემ კი აქაურობა უნდა დაგავოს, დაასუფთავოს და სხვის ეზოში გადაყაროს ნაგავი. თუ თანახმა ხართ და სამსახურს შესძლებთ, დადექითო.

— თანახმა ვართ, როგორ ვერ შევძლებთო, — უპასუხეს.

მეორე დღეს პეტრიკელა შინ დარჩა სახლ-კარის მოსავლელად, დათუამ კი პური, დაირა, სალამური და ჩონგური აიღო და ძროხას გაჰყვა...

პეტრიკელამ სახლ-კარი დაგავა, დაასუფთავა, ნაგავს თავი მოუყარა და, როცა სხვის ეზოში ჰყრიდა, დაინახეს, მისცვივდნენ და სასტიკად სცემეს: თქვენს ნაგავს ჩვენს ეზოში რატომ ჰყრიითო!

ცემისაგან გვერდებდალურჯებული პეტრიკელა ბოლოს ტახტზე დაეგდო.

არც დათუა ცრუპენტელას დაადგა კაი დღე. გავიდა თუ არა ძროხა საბალახოდ, მაშინვე კუნტრუში დაიწყო და სალამომდე ფეხჩაუღებლად დარბოდა.

სალამოს შინ მობრუნდა, დათუაც თან მოჰყვა. სირბილისაგან და შიმშილისაგან ისე დაქანცულაყო, რომ პურის ჭამაც კი არ შეეძლო. შევიდა თუ არა ბოსელში, პეტრიკელას ჰკითხა: რა დავგმართა, ძამიავ, ავად ხომ არა ხარ?

— ავად კი არა!

— აბა, რატომ წევხარ?

— ბოსელი და ეზო დავგავე, ნაგავი სხვის ეზოში გადავყარე, ღამინახეს თუ არა პატრონებმა, მიმიწვიეს და კარგად გამამასპინძლდნენ, ბევრი კახურის სმით თავი მიბრუსის; შენ როგორილა დრო ვაატარე?

— მეც კარგ ქეიფზე ვიყავი... დავუკარი დაირა, ჩამოვკარ თითები ჩონგურის სიმებს და ჩავაწკრიალე სალამური. ძროხამაც დაუარა მშვენიერი ფეხმარდი ლეკური. კაცი და ქალი აუარებელი მოგვაწყდა, ჩვენთან ისინიც მზიარულობდნენ. წარმოიდგინე, პური ისევ მთელი მოვიტანე: სიხარულით ჭამაც კი არ მომგონებია.

— აბა, რახან ვერეა, ძმაო, ხვალ მე გავყვები ძროხას და შენ კი მეზობელს ეწვიე და ერთი ლაზათიანად გამოთვერი.

— შენი ნება იყოს, არ გაწყენინებ, — უთხრა დათუამ.

მეორე დღეს ისეთივე დღე დაადგა პეტრიკელას, რაც დათუას გადახდა: საღამომდე თავქუდმოგლეჯილი არბენინა ძროხამ; დათუა კი ისე დაამეჯავეს ცემით, ძლიავს მიათრია წელი ბოსლამდე.

იმ ღამეს რჩევა შეექმნათ და თქვეს, თუ აქედან არ გავიპარეთ, ან შიმშილს ვერ გავუძლებთ, ან სირბილს და ცემა ხომ ზედმეტიაო.

გადაწყვიტეს გაპარვა, მაგრამ კარებს საღამომობით დედაბერი თვითონ კეტავდა გარედან.

პეტრიკელამ თქვა: — მოდი, ეს ძროხა დაკვლათ, ტომარაში ჩავდოთ, მერე ერთმა მეორეს უკიბოს, მალა ავიდეს, ჭერინდან აძვრეს და თოკი ჩამოუშვას. მეორემ ტომრით ხორცი მიაწოდოს, შემდეგ თვითონაც მოეჭიდოს და ავიდეს; შემდეგ კი ერთად წავიდეთო.

— ეგ ძალიან კარგი იქნება, — მოუწონა დათუამ, — მე უფრო ღონიერი ვარ, ხორცსაც ავიტან და შენც ადვილად აგიყვანო.

უკება პეტრიკელამ, ტომრის ცალი ყური თოკით მაგრად მოაკრა, შიგ ურიოდ ნაჭერი ხორცი ჩადო, თვითონაც ჩაჭდა და დაუძახა: ხორცი ასწი და ტომარა ისევ ჩამოუშვიო. დათუამ ტომარა მალა ასწია, ზურგზე მოიგდო და მოკურცხლა. კარგა დიდი მანძილი რომ გაიბრინა, დაიღალა და დასვენება მოუნდა. ტომარა ზურგიდან მოიხსნა და ძირს დააგდო.

— ნელა, შე ოჯახქორო, არა მატკინო რა, — შესძახა პეტრიკელამ და ტომრიდან ამოძვრა.

— თვითონ შე ოჯახდაქეულო! წელი რად მომწყვიტე?

— აბა, ჩემი რა ბრალაა: ნუ ვუღალატებთ ერთმანეთს, ნურც

ქირში, ნურც ლხინში და არც წელი მოგვწყდება და არც გული. — უთხრა პეტრიკელამ.

ის იყო და ის, ერთმანეთის მოტყუებას თავი დაანებეს, ძმურად, სიყვარულით იწყეს ცხოვრება და ერთმანეთის გატანას არაფერი ერჩინათ.

მუჰანახევარა

იყო და არა იყო რა, იყო ორი კაცი. ერთი ქოთანი ლობიო ჭქონდათ, მარილი კი აღარ ჭქონდათ, რომ შექამადისათვის დაეყარათ.

ერთმა უთხრა მეორეს: ხომ ხედავ, მარილი არა გვაქვს, წადი ქალაქში და იყიდე მუჰანახევარი მარილი!

— დაჰაღიწყდება, — უპასუხა მეორე კაცმა, — როგორ დაეინსაზო.

— წადი და გზაზე სულ ის იძახე: მუჰანახევარი, მუჰანახევარი-თქო!

წავიდა ეს კაცი მარილის საყიდლად ქალაქში. გზაზე ერთი კაცი დაინახა, მოუხნავს მამული, პურსა თესავს და თან იძახის: ერთი ათასად, ერთი ათასად!

გაიარა კაცმაც და თან ყვირის: მუჰანახევარი, მუჰანახევარიო. მთესველს ბრაზი მოუვიდა: მე, ერთი ათასად მოჰვიდეს, იმას ვითხოვ და შენ მუჰანახევარს ამბობო! დაიჭირა და შავრად სცემა, გული რომ მოიჭერა, თავი დაანება.

კაცმა უთხრა: რაღა მცემე, რა დაგიშავე, კინაღამ მომკალიო!

— იმიტომა გცემე, — უპასუხა მთესველმა, რომ მე ვიძახო-ღა — ერთი ათასად და შენ — მუჰანახევარიო!

— მაშ, როგორ უნდა მეტქეაო? — ჰკითხა კაცმა.

— ერთი ათასად, ერთი ათასად და ბევრსაც დაგიმადლებ-ღიო, — უპასუხა მთესველმა.

წავიდა აქედან მარილის მყიდველი და ერთ სოფელში მივიდა. კაცი ვინმე მომკვდარა და მარხავენ. გაუარა გვერდზე ამ კაცმა და დაუძახა: ერთი ათასად, ერთი ათასად!

გამოუხტნენ ეს მკვდრის პატრონები, მიართყეს და მიართყეს. გულა რომ მოიჭერეს, თავი დაანებეს.

— რაზე მკლავთ, თქვე ურჯულოებო, მაშ, როგორ უნდა მეთქვაო? — ჰკითხა მარილის მყიდველმა.

— როგორ და უნდა მოსულიყავ, ქული მოგეხადა და გეთქვა: ღმერთსა ვთხოვ, რომ ეგ ამბავი პირველი და უკანასკნელი იყოს თქვენს ოჯახში-თქო! პატივსაც ბევრსა გცემდით და გაგისტუმრებდითო!

წამოვიდა იქიდანაც მუქანახევარა და ერთ ადგილას ნეფიონს შემოხვდა. მოიხადა ქული, დადგა და დაუძახა:

— ღმერთსა ვთხოვ, რომ თქვენს ოჯახში ეგ ამბავი პირველი და უკანასკნელი იყოსო!

გადმოუხტნენ მაყრები, შიარტყეს და მჰარტყეს, რაც სიგრძე ჰქონდა. ის სიგანე მისცეს.

მუქანახევარამაც, როგორც იყო, მოიბრუნა სული და უთხრა მაყრებს: რაზე მკლავთ, რა დაგიშავეთ? მე ეგრე მასწავლეს, მაშ, როგორღა უნდა მეთქვაო?

მაყრებმა უთხრეს: უნდა ქული მოგეხადა, მოსულიყავი და სულ „ნეფეს გაუმარჯოს“, „ნეფეს გაუმარჯოს“ — გეყვირაო.

ამათ რომ გადაურჩა მუქანახევარა, ისევ თავის გზას გაუდგა. ცემისაგან გვერდები სტკიოდა. იმასლა თიქრობდა: როგორა ვთქვა, რომ ვინმე შემომხვდესო.

გზაზე ერთი მონადირე დაინახა. შემოუყენებია ჩახმახი და მტრედებს ეპარება. მუქანახევარამ მოიგლიჯა ქული და „ნეფეს გაუმარჯოს“ ძახილით გაიქცა მონადირისაკენ. მტრედები აფრთხი-ალდნენ და გაფრინდნენ.

წამოხტა მონადირე და კბილების კრაჭუნით გაექანა მუქანახევარისაკენ. მოსდო და მოსდო თოფის კონდახი ზურგში, იმდენი სცემა, კინალამ სული ამოჰხადა. ბოლოს, გული რომ მოიჭერა, დაანება თავი.

მუქანახევარამ ჰკითხა: საშართალი აღარა გაქვს, კაცო, რომ მცემ, რადა მცემ, რა დაგიშავე? მაშ როგორ უნდა მოვქცეულიყავ. ან რა ვეთქვა, ან რა მექნაო?

მონადირემ უთხრა: ხმა არ უნდა ამოგელო, უნდა დაკუზულიყავ და რაე გაგველო; მტრედები ვეღარ დაგინახავდნენ და აღარც მოგხვდებოდაო.

მიღის მუქანახევარა და ლობეს მიადგა. დაიკუზა და ისე მიიპარება ლობის ძირზე. ოთხ კაცს ფულიანი ქისა დაუკარგავთ და ეძებენ. მუქანახევარა რომ დაინახეს, როგორ მიიპარება, გამოუდგნენ, სტაცეს ხელი ჩოხის ბოლოში და დაიჭირეს.

— სად მიიპარები, შე ყაჩაღო და არაშადავ, შენა, იპოვე და მაღავო?! — ურტყეს და ურტყეს.

იმღენი სცემეს საწყალ კაცს, რომ შინაშდის ფეხები ძლივს მიათრია...

კირი იქა, ლხინი აქა,
ქათო იქა, ფქვილი აქა.

პური და ხვანა-თმსვა

იყო ერთი ძალიან მდიდარი სოვდაგარი. მდიდს გზაზე და ხე-დავს, რომ ერთი გლეხკაცი ხნავს. სალაში არ მისცა. ისევე გუთნის-დელა მიესალმა.

— კაცო, — უთხრა სოვდაგარმა, — შე საცოდავო, რას ებრძვი. მაგ მიწას და წელს იწყვეტ. ხომ ხედავ, არცა ვხნავ, არც ვთესავ, მაგრამ არც პური მაკლია და სარჩოც უთვალავი შაქქაო!

გუთნისდელამ არაფერი უთხრა. გასცდა სოვდაგარი და წავი-და თავის გზაზე.

გავიდა რამდენიმე წელიწადი, დადგა საშინელი შამშილობა: მოუსავლიანობისაგან: აღარსად იყო პური საყიდელი. სოვდაგარ-საც გაუთავდა პური. ჰშია ცოლ-შვილსაც და თვითონაც. ადგა, წაიღო ბევრი ფული და წავიდა პურის საყიდლად. იარა სოვდა-გარმა, იარა და აკი იმ გუთნისდელას მიაღდა კარზე. სთხოვა: უნდა პური მომიყიდო.

— რამდენიც გნებავს, მიირთვიო, — უთხრა გლეხკაცმა.

— ერთი ოცი კოდი ამიწყე და რასაც მთხოვ, მოგცემო, — შეაძლია ფული. მაგრამ გლეხმა არ მიიღო: მე ფული არ მინდაო.

— მაშ, რა მოგცეო? — ჰკითხა სოვდაგარმა.

— შენ ცოლს თუ შოქცემ, — უთხრა გლეხკაციმა, — მოგცემ პურს, თუ არა და — არაო!

დაფიქრდა სოვდაგარი. იფიქრა, იფიქრა და მერე უთხრა: ცო-ლი კი არა მყავს, მაგრამ მამიდა კი მყავს, თუ გინდა, იმას მოგცე-მო, — იცრუა სოვდაგარმა (ცოლი მამიდად გახადა).

— კარგი, — უთხრა გლეხმა, — ავიყვანო.

აუწყო, რამდენსაც წაიღებდა. სოვდაგარმაც მოუყვანა ცოლი.

ეს გლეხკაცი ისე ინახავს იმ სოვდაგარის ცოლს, როგორც თა-

ერს საკუთარ შვილსა და დას: კარგს აჭმევს. კარგს ასმევს, კარგს აცმევს. ჰყავს ცალკე მოსვენებით, სუფთად.

გავიდა რამდენიმე ხანი, ერთი თუ ორი წელი, არის სოვდაგარი სახლში და კედლებსლა შესცქერის. გრძნობს გულში, რომ ამ მდიდრულად შორთულ სახლში, ამ ოქროთი ჯაგსე სკივრებთან ერთი ვიღაც აკლია. შემოეყარა გულს, დაენანა თავისი ცოლი და შერცხვა: რა ოხრად მიხდა ამოდენა ფული, ან პური რად მიხდა, ვის ვაჭაპო. თუკი ჩემი ცოლი აქ არ იქნებაო.

ადგა მაშინვე, ჩაიცვა, წაიღო უთვალავი ოქრო, ფული და გაა-
წია ცოლის გამოსასყიდლად. მივიდა იმ გლეხთან. გამოეგებნენ,
შეიპატიყეს და გაუმასპინძლდნენ მშვენივრად. გაშლილ სუფრაზე
აიღო სოვდაგარმა ფაფუკი თეთრი პური და თქვა ლექსად:

პურო, ჩემო სულო და გულო,
ცოლი მაშიდად გამიხდა,
ვაჭმე, სულო დატანჯულო!

მისცა გლეხმა სოვდაგარს ცოლი. როგორ გაეხარდა სოვდაგარს.
როცა თავისი ცოლი მშვენივრად შენახული და მოვლილი ნახა.
გლეხს გულითადი მადლობა შესწირა და ამის იქით ხვანა-თესვის
პატივისმცემელი შეიქნა.

სამნი ძმანი

იყო და არა იყო რა, იყო ერთი ხელმწიფე. ჰყავდა სამი ვაჟი.
ხელმწიფე რომ კვდებოდა, შვილებს ერთი ძვირფასი თვალი დაუ-
ტოვა. ერთხელაც დაეკარგათ ეს ძვირფასი თვალი: ერთმა იმათ-
განმა მოიპარა და დამალა, მაგრამ როგორ უნდა აღმოეჩინათ, არ
იცოდნენ.

ბოლოს ძმებმა თქვეს: წავიდეთ ჩვენს მოსაზღვრე ხელმწიფეს-
თან, ისიც ჩვენი ტოლი კაცია, და რასაც ის სამართალს დაგვდებს.
ისე მოვიქცეთო!

ადგნენ ძმები და წავიდნენ იმ ხელმწიფესთან. გზაზე უფროსმა
თქვა: ამ გზაზე აქლემს გაუვლია, ცალ გვერდზე თაფლი ჰკიდებია
და ცალზე ძმარიო!

შუათანამ თქვა: იმ აქლემს ცალი თვალი ბრმა ჰქონია!

უმცროსმა თქვა: იმ აქლემზე ორსული დედაკაცი მჯდარაო!

კარგა გზა რომ გაიარეს, შემოხვდათ ერთი თათარი და იკითხა:

— აქლემი ხომ არ გინახავთ?

— ცალ გვერდზე თათლი ხომ არ ეკიდა და ცალზე ძმარიო? —
ჰკითხა უფროსმა.

— მართალია, ეკიდაო! — უპასუხა თათარმა.

— ცალი თვალით ბრმა ხომ არ იყო? — ჰკითხა შუათანამ.

— კიო! — უპასუხა პატრონმა.

— ზედ ორსული დედაკაცი ხომ არ იჯდა? — ჰკითხა უმცროსმა.

— ეგეც მართალიაო! — უპასუხა თათარმა.

თათარმა გაიფიქრა: მეც არ ვიცი ისე ჩემი აქლემი, როგორც
ამათ სცოდნათ, და თუ არ მოიპარეს, საიდან იცაიანო.

წავიდა თათარი და უჩივლა ხელმწიფესთან. ხელმწიფემ უთბრა
სამ ძმათ: სირცხვილია, აიღეთ, ღირებული ფასი მიეცით და მოი-
წორეთ თავიდან, ნუ აღაპარაკებთო!

ძმებმა უთხრეს: მართალია, ჩვენ არ მოგვიპარავს, მაგრამ ფასს
კი მივცემთო.

ხელმწიფემ ჰკითხა: მამ, საიდან იცით, როგორი იყო ის
აქლემიო?

უფროსმა უპასუხა: გზის ერთ ნაპირზე თათლი იყო ნაწვეთი
და ზედ ბუზები ეხვეოდა, მეორე ნაპირზე ძმარი ღვრილიყო,
რომელ ბალახსაც დასხმოდა, გაეხმო; ამით გავიგე, რომ ერთ მხა-
რეზე თათლი ეკიდა და მეორე მხარეზე ძმარიო.

შუათანამ თქვა: აქლემს რომ გაუვლია გზაზე, რომელი თვალიც
ბრმა ჰქონია, იმ მხარეზე ბალახისათვის ხელი არ უხლია და რომ-
ელი თვალიც სალი ჰქონია, ზოგან ნარი ამოუგლეჯია და ზოგან
ბალახიო!

უმცროსმა თქვა: ერთ წყაროზე გაჩერებულიყო აქლემი, ჩამომ-
ბტარიყო დედაკაცი და წყალი დაეღია: იმ წყაროსთან ლამი ყო-
ფილა, და როდესაც დედაკაცი დასწაფებია წყალს, მუცელი დაუ-
ნაბრებია იმ ლამისათვის და კვალი დარჩენილიყო.

გაუკვირდა ხელმწიფეს იმათი სიბრძნე და ჰკითხა: რად მო-
ხვედით ჩემთან, რამ შეგაწუხათო?

ძმებმა ყველაფერი უთხრეს: მამამ ერთი ძვირფასი თვალი
დაგვიტოვა, როდესაც კვდებოდა. ის თვალი ერთმა ჩვენთაგანმა
დამალა და ვერ აღმოგვიჩენიაო.

ხელწიფემ უთხრა: მოიცადეთ. ამაღამ მოვიფიქრებ და ხვალ ვეტყვითო!

იმ ღამეს ხელწიფე კარგად გაუმასპინძლდა ძმებს. ერთი მოსამსახურე მიუჩინა: დაუღდე ყურა, რას იტყვიან, მერე მოდი და ყველაფერი მიაპბეო.

ძმები ვახშამზე დასხდნენ. უფროსმა ძმამ აიღო დანა, მოსთალა მოხრაკულს და თქვა: კარგი მოხრაკულია, რომ ეს ბატკანი ძაღლის რძით არ იყოს გაზრდილიო!

შუათანამ აიღო პური, გატეხა და თქვა: ეს პური რომ სისხლით არ იყოს მორწყული, კარგი იქნებოდაო!

უმცროსმა თქვა: მაგ ხელწიფემ რა სამართალი უნდა მოგეცეს, როდესაც თვითონაც მეწისქვილის შვილიაო!

ძმებმა ამოიღეს ხურჯინიდან პური, ჭამეს და დალიეს ღვინო. ეს ყველაფერი მოახსენა მოსამსახურემ ხელწიფეს, უმცროსის სიტყვის გარდა. ხელწიფემ ჰკითხა: — მითხარი, უმცროსმა რაღა თქვაო?

მოსამსახურე ჯერ არ ეუბნებოდა, ბოლოს კი უთხრა, რადგანაც ხელწიფემ თქვა: თუ ყველაფერი არ გავიგე, არ იქნებაო!

დაიბარა ხელწიფემ მეცხვარე და ჰკითხა: გუშინ რომ ბატკანი გამაგვიგზავნე, როგორ იყო გაზრდილიო?

— მაგ ბატკანს პატარას მოუკვდა დედა, — უთხრა მეცხვარემ, — და ძაღლს შევაჩვიე, არ მემეტებოდა სასიკვდილოდაო!

ხელწიფემ ახლა პურის მომტანს გამოჰკითხა. იმან უთხრა: შეჰოდგომაზე სარწყავი წყალი ცოტა იყო, ჩვენა და გლეხებს ჩხუბი მოგვდოდა, დავხოცეთ ისინი, სისხლი შეერიო წყალში და იმით მოირწყო ყანებიო.

ამის შემდეგ ხელწიფე წავიდა დედასთან: უნდა მითხრა, ვისი შვილი ვარო?

— შვილო, — უთხრა დედა, — რაღა იქნება, გეტყვი ყველაფერს. მამაშენი კარგი ხელწიფე იყო, ღიდი სახელწიფო ჰქონდა, მაგრამ მემკვიდრე არა ჰყავდა. არ მინდოდა უძეოდ დარჩენილიყო და მისი საბრძანებელი სხვას დარჩენოდა, ამიტომ... მეწისქვილისაგან მეყოლეო.

ხელწიფემ იფიქრა: ეგენი შემარცხვენენ, თუ თავიდან არ მოვიშორებო, მაგრამ ვერ მოეგონა, თუ როგორი სამართალი მიეცა იმათთვის.

ხელწიფეს ერთი მზეთუნახავი ქალი ჰყავდა. ქალმა უთხრა ზამას: მამავ, ნება მომეცი, მე მივალ ამაღამ მაგათთან და გავიგებ, ვინ არის ქურდიო.

ხელწიფეს ძალიან გაუხარდა და გაგზავნა ქალი.

იმ ღამეს ქალმა ითამაშა იმ ვაყებთან; ჰამეს ვახშანი და როდესაც დასაწოლად დაემზადნენ, ქალმა უთხრა: თუ გესიამოვნებთ, ერთ ზღაპარს გეტყვითო.

— დიდი სიამოვნებით მოგისმენთო, — უთხრეს ვაყებმა.

ქალმა დაიწყო: იყო ერთი ხელწიფე. ჰყავდა ერთი მშეთუნახავი ქალი. იმ ქალს და ერთ ვაჟს პირობა ჰქონდათ და ფიცი ნათქვამი, რომ ერთმანეთისათვის არ ელაღატათ. ჰაგრამ მამამ ქალი ძალად გაათხოვა. ქალმა ჯვარი დაიწერა. როდესაც ერთად დასტოვეს ახალი ცოლ-ქმარი, ცოლმა უთხრა ქმარს: ფიცი მაქვს სხვისათვის მიცემული, რომ არ ვუღალატო და ნუ გამატეხინებ ფიცს. ღმერთს ნუ შემაცოდებ. გამიშვი იმასთან ცოტა ხანს და მერე სულ შენი ვიქნებიო!

ქმარი დათანხმდა და გაუშვა ცოლი.

ქალი მივიდა თავისი მიჯნურის სახლში და ნახა, რომ იმისი მიჯნური პირქვე გდია და ტირის. ქალი მივიდა ახლოს და დაუძახა: — განა ეგრე მაფასებ, რომ ფიცის გამტეხი გგონივარ? ადექ. შენი ვარო!

ვაჟი ადგა მაშინვე, გადაეხვია ქალს და უთხრა: რაკი შენი ქმარი ეგეთი სინდისიანია და შენ კიდევ მე არ მიღალატე, შენ — და, და მე — ძმაო!

ქალი დაბრუნდა ქმართან, მაგრამ გზაზე ყაჩაღები დახვდნენ და გაუბედეს ძალდატანება. ქალმა სთხოვა:

— ფიცს ნუ გამატეხინებთ, გამიშვითო.

ავაზაკებშაც არაფერი დაუშავეს და გაუშვეს.

ახლა მე გკითხავთ: ვინ მოქცეულა კარგად და ვინ ავადო? — ჰკითხა ქალმა ვაყებს.

უფროსმა თქვა: ქმარი ყველაზე კარგად მოქცეულაო.

შუათანამ თქვა: საყვარელი და ავაზაკები მოქცეულან კარგადო.

უმცროსმა თქვა: ქმარიც, საყვარელიცა და ყაჩაღებიც საძაგლად და უხეიროდ მოქცეულან. ქმარი იმიტომ, რომ თავისი ცოლი სხვას გაუგზავნა, საყვარელი იმიტომ, რომ საყვარელს დობა უთხრა, და ავაზაკები კიდევ იმიტომ, რომ ახალგაზრდა ქალი ხელიდან გაუშვეს და არც გაძარცვესო.

ქალმა მაშინვე უთხრა ვაყებს: ნახეთ, უმცროს ძმას უძევს ჯიბეში თქვენი დაკარგული თვალიო.

ნახეს და მართლა იმას ედო.

ობოლი და ქოსამატყუარა

იყო და არა იყო რა, იყო ერთი საბრალო ობოლი, უქონელი და უყოლელი.

ერთხელ ობოლმა ერთი გუდა საფეკვაევი იშოვა. წაიღო წისქვილში და დაფეკვა. ამ დროს წისქვილში ქოსამატყუარამაც თავისი ერთი გუდა მარცვალი მოიტანა და დაფეკვა. წასვლის დროს ობოლს უთხრა: ერთად ვიაროთო.

— ძალიან კარგიო, — დათანხმდა ობოლი.

წავიდნენ, მიდიან გზას. ქოსამ უთხრა: — იცი, რა ვქნათო?

— რაო? — ჰკითხა ობოლმა.

— ისა ვქნათ, — უთხრა ქოსამატყუარამ, — რომ ჩემი ფეკვილი მოვზილოთ, შენი მოვუყაროთ საფანლად და შენით მოვზილოთ ჩემიო.

— ძალიან კარგიო, — უპასუხა ობოლმა.

მოზილეს. ჩააკრეს კეცში და წითელ-წითელი შოთები ამოაყენეს.

ეს შოთები რომ ნახა ქოსამატყუარამ, უთხრა: მოდი, ვინც უკეთესი ტყუილი თქვას, შოთები იმას დარჩენო.

— ძალიან კარგიო, — უპასუხა ობოლმა.

ქოსამატყუარამ დაიწყო: ერთი ბატი მყავდა, პაპაჩემის გაზრდილი. ის ოხერი და ტიალი ისეთი კარგი რამ იყო, რომ მთელ ჯალაბობას გვინახავდა: სახნავი იყო, სათიბი იყო, თუ მგზავრობა, სულ ის დაგვყავდა; მე ვკვდებოდი ზედ და ხან მინდვრებზე დავაქენებდი და ხან ვთებზე. ერთხელ, საუბედუროდ, ტყეზე მოვაქენებდი, უცებ ვნახოთ, ერთი მშიერი ტურა გადმომიხტა, ეცა ჩემს ბატს და გამოაგლიჯა გვერდი. წაიქცა ბატი და სულსა დაფავს. მაშინვე აზრზე მოვედი. მოვეკრიბე წნელი, გამოფუწან იმით გვერდი, წამოვახტუნე და გავაქენე სახლში... ახლა შენი ჯერია, ობოლაო!

ობოლმა დაიწყო: მამაჩემს ასი თვალი ფუტკარი ედგა. მუდამ-დღე ჩამოუვლიდა და თვლიდა. ერთხელ, ერთაც ვნახოთ, დათვალა ფუტკრები, ჩამოიკითხა და ერთი არ დააკლდა სათვალავში?! მაშინვე აი იქით, აი აქეთ ვეძებეთ... თურმე ფეხი მოსტეხია და დარჩენილა ზღვის გაღმა; მოუწვრია ვიღაც ავაზაკ ხალხს, დაუქერია. წაუყვანია, შეუბამს გუთანში და ახუნევენებენ.

ნახა მამაჩემმა, ძალიან გაჯავრდა: ვინ მოგცათო? — ჰკითხა უარზე შედგნენ. აი იქით, აი აქეთ, გახდა ერთი ხათაბალა. ბოლოს.

მოკლო მამაჩემმა ყურზე ხელი და დაეხიდა წასაკვანად. ამ დროს, მოსწყდა კისერი ფუტკარს და თავი ხელში კი შერჩა! მაშინვე ამოიღო მამაჩემმა ჩიბიდან ნიგოზი. ნოუსვა კისერზე ფუტკარს და მოება თავი. ნანიგვზარზე აკო სე ამოვიდა! გაიზარდა ერთი უშველბელი, დაისხა კაკალი; მუდამ ვებრტყავთ და ვყიდით კაკალს.

ერთხელ კაკალზე ყვავი შემოეჩვია და სულ გააჩანაგა. ესროლა მამაჩემმა ბელტი და ზედ არ დარჩა! გაიზარდა ის ბელტი, გადიდდა, გაკეთდა სახნავ-სათიბი მიწები. გავაშენეთ ზედ ვენახი, დავრგეთ ვაზი, ისე გავაჩიხრჩხეთ, რომ, ერთი სიტყვით, მტერსაც კი ეამებოდა. დასხა ყურძენი, დამწიფდა მშვენივრად; ვაზებზე მტევნები სულ წითლად ღვიოდა. ჩვენ ველით, რომ ან ასლა მოვკრეფთ ან ასლა.

უსებ ერთი მელა-ტურა არ შემოგვეჩვია? გავიოხრა, გავიტალა ერთიან, სულ ხელი აგვადებინა, ერთი სიტყვით, წყალი გადაგვიწურა, გამოქაჩა ვენახი. ვთქვი: მოდი, ერთი წავალ. დავუჭდები და დშერთს გავუნაწყრომებ. დავიჭერ და სულ კუდით ქვას ვასროლინებ-მეთქი. თქმა და ქნა ერთი იყო; ვიპოვე საიდანაც მელა-ტურა შემოძვრებოდა ხოლმე. დავუჭექ და დავუწყე ლოდინი. ერთიც ვნახოთ, მოდიხ რალაც და მოაფაჩუნებს. მე თან გული მიხკდება შიშით. თან ჯავრით ვსკდები და თან სიხარულით მაკანკალებს: ერთი მელა-ტურა დავიჭირო-მეთქი. მართლაც. მელა-ტურა არ იყო! ვტაცე კუდში ხელი და დავიჭირო, გავუსვი და გამოვუსვი სახრე, გავუსვი და გამოვუსვი: სიკეთე მოგეცეს. მე ის დავიხილე დაქარაანებულ კაცივითა! ვცემე და ის კიდევ სულ ბარათებსა ჰყარის...

— რა ეწერა, მართლა. იმ ბარათებში? — გადაუტრა სიტყვა ქოსამატყუარამ.

— ობოლს კვერი და ქოსამატყუარას მტვერიო!
დარჩა შოთები ობოლს.

პირი იქ დავაგდე.
ლხინი აქ მოვიტანე;
ქათო იქ დავაგდე.
ფქვილი აქ მოვიტანე.

სამი ძმა და ქოსამატყუარა

სუო და არა იყო რა, იყო სამი ძმა. ის ძმები კარგა მდიღრები იყვნენ. ბლომად ჰქონდათ თვალ-მარგალიტი. იმათი მამა რომ კვდებოდა, შვილებს თურჲმ დაუგდო ანდერძად: შვილებო, ყველგან ივაჰრეთ, ყველას ენდეთ და ქოსას კი ნუ ენდობითო.

... გავიდა ხანი. ძმებს არაფრისათვის არ დასჰირებიათ ქალაქს წასვლა. გაუთავდათ მარილი; ადგა უფროსი ძმა, შეკაზმა ჯორი, აჰკიდა თვალ-მარგალიტი და წავიდა ქალაქს, უნდა მარილი მოიტანოს.

უცებ წინ ერთი ქოსამატყუარა შეხვდა:

— გამარჯვება!

— გაგიმარჯოს!

— სად მიდიხარ?

— ქალაქს, თვალ-მარგალიტი მიმაქვს, უნდა გავყიდო, მარილი ვიყიდო და წავიღო შინაო.

— მე მომყიდე, — უთხრა ქოსამ, — მარილსაც მე მოგცემ და ყველაფერსაცო.

— არა, — უთხრა უფროსმა ძმამ, — მამაჩემმა ის დაგვიბარა ანდერძად, რომ ქოსებს ავადაც მოგერიდენით და კარგადაცა; ნურც არას იყიდით იმათგან და ნურც არას მიჰყიდითო.

— კარგი, — უთხრა ქოსამ, — ძალით რა იქნებაო?

გააქცა შაშინვე, აირბინა სხვა გზაზე, გადაუარა წინ და უთხრა ისევ გამარჯვება.

— სად მიდიხარო?

— მიმაქვს თვალ-მარგალიტი, უნდა გავყიდო, მარილი ვიყიდო.

— მე მომყიდეო, — უთხრა ქოსამ.

— ვერა, — იუარა კაცმა, — მე შამის ანდერძს ვერ გავტეხო.

— მაშ, სადღა უნდა გაჰყიდო, — უთხრა ქოსამ, — მთელი ქვეყანა სულ ქოსამატყუარებისაგან არის შემდგარიო!

დაიჯერა კაცმა: კარგი, მოგყიდი, რალა იქნებაო.

ქოსამ უთხრა: ერთს გამოცანას გეტყვი; თუ ის გამოიცანი, ერთი აქლემი მყავს, იმას დაგიტვირთავ თვალ-მარგალიტით, ეგ შენი ჯორიც წაიყვანე, მარილსაც მოგცემ და წადი, თუ ვერა და შენი ჯორი თავის თვალ-მარგალიტით მე დამრჩებაო.

— ძალაან კარგიო. — გაუხარდა ამ ჯორის პატრონს.

ქოსამ უთხრა: ერთ კაცს ერთი ციცირი ჰყავდა, ის ციცირი დი-

ლით წავიდოდა, ტყეში კვერცხს დასდებდა და საღამოზე ციცირიც და კვერცხიც კაკანით მოვიდოდნენ შინ!

„რა უნდა იყოსო“, იფიქრა კაცმა, მაგრამ რას მოიფიქრებდა? წაავო ჯორიც და თვალ-მარგალიტიც.

წავიდა შინ დაღონებული. ქოსამ მარტო ერთ გირვანქამდე მარილი მოუტესა და მისცა. მოვიდა შინ უფროსი ძმა და მოიტანა ერთი გირვანქა მარილი.

აღვა ახლა შუათანა ძმა. აკვიდა ჯორს თვალ-მარგალიტი და წავიდა ქალაქს მარილის მოსატანად. გზაზე იმასაც ისევ ის ქოსა შეხვდა.

— გამარჯვება შენისო! — უთხრა შუათანა ძმას, — სად მიხვალო?

— ქალაქს, მარილი უნდა მოვიტანო.

— მომეც, მე მოჰყიდე, — უთხრა ქოსამ, — მარილსაც მე მოგცემ და ყველაფერსაცო.

— არა, — უთხრა შუათანა ძმამ, — მამის ანდერძს ვერ გავტებ: ქოსას არც არაფერს მივყიდი და მისგან არც არაფერს ვიყიდიო.

ქოსა გასცდებო, აირბენს სოფელზე, გადაუვლის წინ და ეტყვის: მოჰყიდე მე, სად მიგაქვსო.

ჯორის პატრონმა დაიშორა: მე ქოსებს არაფერს არ მივყიდიო.

მაგრამ ქოსამ უთხრა: მაშ, ვიღას უნდა მიჰყიდეო, როდესაც ქვეყანაზე ქოსამატყუარების მეტი არავინ არისო!

დაუჯერა ჯორის პატრონმა და გაურიგდა.

ქოსამ უთხრა: ერთ რამეს გეტყვი, თუ გამოიცან, ეგ ჯორიც შენი იყოს, კიდეც ერთ აქლემსაც აგიკიდებ და მარილს მოგცემ, თუ ვერ გამოიცან, შენი ჯორი თავის ბარგით მე დამრჩებაო.

— ძალიან კარგიო, — დათანხმდა ჯორის პატრონი.

ქოსამ უთხრა: მე ერთი ციცირი მყავდა, დალით წავიდოდა. ტყეში კვერცხს დასდებდა. საღამოზე კვერცხი და ციცირი დაბრუნდებოდა შინ კაკანითო.

ვერ გამოიცნო შუათანა ძმამ. დარჩა ქოსას დატვირთული ჯორი. მოუტება ერთი გირვანქა მარილი და გაისტუმრა. შუათანა ძმა მივიდა შინ და მიიტანა ერთი ბეწო მარილი.

აღვა ახლა უმცროსი ძმა. აკვიდა ჯორს თვალ-მარგალიტი, წაიყვანა და წავიდა ქალაქს. იმ ადგილას რომ ჩაიარა, სადაც იმისი ძმები ქოსამ გაძარცვა, ქოსა გადაუდგა წინ და მიესალმა. ვაჟმაც, რასაკვირველია, უპასუხა. მერე ჰკითხა ქოსამ: სად მიხვალ, სად მიგაქვს ეგ თვალ-მარგალიტიო?

უმცროსმა ძმამ ისე უბასუბა. როგორც სხვა ძმებმა. თან დიდი უარი დაატანა. რომ მე ქოსას არ მივიყიდი და არ მივეყიდიო.

დანება თავი ქოსამ. გაიქცა სოფელ-სოფელ. გადაუარა წინ და დაუხვდა გზაში: მე მომყადე ეგ შენი თვალ-მარგალიტოო.

— არ მოვიყიდი, ქოსა ხარო. — უბასუბა ვაჟმა.

— მაშ. ვისღა მივიყიდი, აქ სულ ქოსებიო! — უთხრა ქოსამ.

— მაშ. კარგი მოვიყიდიო. — უთხრა ვაჟმა.

ქოსამ უთხრა: ერთ რამეს გეტყვა, თუ გამოიცან, შენი ჯორიკ შენ დაგრჩება. შენი თვალ-მარგალიტიც. მარილსაც მოგცემ და ერთ აქლემსაც აგიკიდებო.

— კარგო, — დათანხმდა ვაჟი.

ქოსამ უთხრა: ერთი ციცირა მყავდა. დილით წავიდოდა, ტყეში კვერცხს დადებდა. საღამოზე კვერცხიცა და ციცირიც კაკანით დაბრუნდებოდნენო.

ვაჟმა უბასუბა: ეგ იმას ჰგავს, ჩვენ რომ ერთი თვალი ფუტკარი გვედგა. ყოველდღე ჩამოფუვლიდი და ჩამოვთვლიდი. ერთიც ვნახოთ, ერთხელ დავთვალე, ერთი ფუტკარი აკლდა, მაშინვე წაველ საძებნელად. ვიარე, ვიარე და ზღვას გაღმა ვიპოვე: ფეხი მოსტეხოდა, დარჩენილიყო, მომკვდარიყო და ყვაე-ყორანები წინკინდნენო.

მეტი ღონე აღარ ჰქონდა. უნდა აქლემისათვის თვალ-მარგალიტი აეკიდა და მიეტა. ქოსამ უთხრა აქლემს: შენ რომ წაგიყვანს, ანა და ამ ადგილას რომ ჰაობებია და ლაფები, იქ ჩაუწეკი; რაც უნდა გცემოს, არ ადგე; თუ ღმერთი გაგიწყრეს და ადგე, რომ მიგიყვანს, ბოსელში შეგიყვანს, შენ გაიბერე, კარებში ვერ შეეტევი. თავს დაგანებებს და გამოიქეცი ჩემთანაო.

წაიყვანა უმცროსმა ძმამ აქლემი, წაიყვანა თავისი ჯორიკ. წაიღო თვალ-მარგალიტიცა და მარილიც. შუა გზაზე ერთი დიდი ტალახი ნახეს, მივიდა აქლემი და ჩაეგდო შიგ; უმცროსმა ძმამ ხმაც არ გასცა; დაჯდა ღობეზე, ამოიღო ჩიბუხი და დაუწყო წევა. ერთმა კაცმა გამოიარა.

— გამარჯვება! — უთხრა უმცროსმა ძმამ.

— გაგიმარჯოს! სადაური ხარ, სად მიხვალო? — ჰკითხა მგზავრმა.

— ოსოქოლელი ვარ, ჯანაბას მივალო, — უთხრა ვაჟმა და თანაც დაუმატა: ჩვენ სოფელზე ჩაივლი, ჩემს ცოლს ნახავ, ან ორსული იქნება ან არა, ეტყვი: ან გაგიჩნდება შვილი, ან არა, ან გაგიჩნდება ვაჟი ან არა, ან გაიზრდება ან არა-თქო. თუ გაიზარდოს,

უთხარ, შეაბას ურემი და წამოიღოს: ტალახში აქლემი ღამრჩა და წავილოთ-თქო.

აქლემმა იფიქრა: სანამ ამის ცოლს ვაყი გაუჩნდება და გაიზრდება, ან ჭანაბით აქ მოვა. მე ხომ დავლპი ამ ტალახში და, შიშნით მოვეკვდიო; წამოხტა და გაუდგა გზას.

გაპყცა თან უმცროსი ძმაც. ბოლოს. სასლში მოვიდნენ და მოიტანეს თვალ-მარგალიტი. გზაზე აქლემი აღარსად დააწოლია. ბოსელში რომ უნდა შეეყვანათ, უცებ აქლემი გაიბერა და არ შეეცა კარებში. ახედ-დახედა ვაჟმა აქლემს და დაუძახა ძმებს:

— ბიჭებო, ერთი ცული გამომიტანეთ, აქლემი განიერი მოვიდა, გვერდები უნდა ჩავათალოო!

აქლემმა იფიქრა: ეგ ისეთი გიყი რამ ყოფილა, რომ არც კი გაუკვირდება, შართლა გვერდებს ჩამათლისო. დაიფუჟა და შევიდა ბოსელში.

მოხადეს აქლემს თვალ-მარგალიტი. თუნდა ათი ჯორის საპალნე გამოვიდოდა. თავისი ჯორიც თვითონ დარჩა და მარბილც შოიტანა.

ჭირი იქ დავაგდე,
ლბინი აქ მოვიტანე.
ქათო იქ დავაგდე,
ფქვილი აქ მოვიტანე.

ელასა-მელასა.
ქიქა მეკიდა ყველასა...
მთქმელსაც და ვამკონებელსაც
ძილი გვაამოს ყველასა!

სოვდაგარის შვილი

იყო ერთი სოვდაგარი. პყავდა ცოლი და ერთი ვაჟი. ეს სოვდაგარი წინათ მდიდარი ყოფილიყო და შემდეგ გაღარიბებულა.

ერთხელ ვაჟმა უთხრა დედას: დედი, იქნებ მაშიჩემის სიმდიდრიდან ცოტა ფული გადავიჩინა, მომეცე, ქარავანი მიდის სავაქროდ და მეც გავყვებიო.

— ოცი თუმანი გვაქვს, შვლო. სამკედროდ შენახული. სხვა არაფერი გაგვანინაო, — უპასუხა დედა.

— მომეცი ის ოცი თუმანი, ვაპარგებლებ. იქვლია. მოგებით მოვიტანო, — უთხრა ვაჟმა.

დედამაც აიღო ოცი თუმანი და მისცა შვილს, ქმარს კი არაფერი უთხრა.

წაიღო ფული ვაჟმა და დაფიქრებული მიდის ქუჩებში. ერთი სახლიდან წიგნის კითხვის ხმა მოესმა. ავიდა, ნახა, რომ სასწავლებელია.

— თქვენსავით წიგნის კითხვა და წერა მასწავლეთ და რასაც მთხოვთ, მოგცემთ, — უთხრა ვაჟმა მასწავლებელს.

— ათი თუმანი მომეცი და გასწავლიო, — მიუგო მასწავლებელმა.

— ოც თუმანს მოგცემ, ოღონდ ჩქარა მასწავლეო.

— კარგიო.

მალე ისე კარგად შეისწავლა ვაჟმა წერა-კითხვა, რომ მასწავლებელს სჯობნიდა. მისცა მასწავლებელს ოცი თუმანი, გამოართვა წიგნები, ქალაღი, საწერ-კალამი და წამოვიდა შინ. მივიდა დედასთან და უთხრა:

— კარგი საქონელი ვიყიდეთ და მოგვექონდა, გზაზე მეკობრეები დაგვესხნენ თავს და სულ წაგვართვეს, მე გავეჩეცი და ჩემი ამხანაგები იქვე დახოცესო.

— ნულარ იდარდებ, შვილო, რადგან შენ ცოცხალი გადარჩიო, — უთხრა დედამ.

გავიდა რამდენიმე დღე და კიდევ უთხრა შვილმა დედას:

— დედი, ფული აღარა გაქვს? მომეცი, ახლა სხვა ქარავანი მიდის, გავყვები, ვაჭრობაში გამოცდილი ვარო.

— ოცი თუმანი-და მაქვს, შვილო, რომ მოგცე, ვაი თუ მამაშენმა მოიკითხოს და რა ვუთხრაო? — უპასუხა დედამ.

— არა, დედი, ჯერ არ მოაკითხავს, მომეცი, მოგებას მოვიტანო, — შეეხვეწა შვილი.

მისცა დედამ ის ოცი თუმანიც. წაიღო ვაჟმა ფული და წავიდა. გზაზე ნახა კოჭებს თამაშობდნენ. ყველას ერთი ბიჭი უგებდა. მივიდა ვაჟი მასთან და უთხრა: — მასწავლე კოჭის თამაში, ისე რომ ვერავინ მაჯობოს, და რასაც მთხოვ, მოგცემო.

— ათი თუმანი მომეცი და გასწავლიო, — მიუგო მოთამაშემ.

— ოცი თუმანი წაიღე, მხოლოდ კარგად და ჩქარა მასწავლეო. ასწავლა მოთამაშემ ვაჟს კოჭის თამაში. ორ დღეში ისეთი მოთამაშე შეიქმნა ვაჟი, რომ მასწავლებელს უგებდა. წამოიღო ორი კოჭი და წამოვიდა. მოვიდა შინ და დედას უთხრა:

— კაცი რომ უბედურ დღეს დაიბადება, ის არის; ვივაჭრეთ. გავემგზავრეთ და ღამით კლდის ძირას დავდექით; მოზვავდა კლდე-

ჩემი ამხანაგები და ნავაჭრი საქონელი ქვეშ მოიტანა; მე განზე ვიდექი და გადავჩიო.

— რადგანაც შენ გადარჩი, შვილო. საქონელს აღარ დავეძებო, — უთხრა დედამ.

რამდენიმე დღის შემდეგ ვაჟმა ისევ უთხრა დედას:

— დედი, იქნება კიდევა გქონდეს ფული, ყოველთვის ხომ არ ვიზარალებ, ახლა მოგებას ვნახავო.

— რა ვქნა, შვილო. მამაშენმა სულ სამოცი თუმანი მომაბარა, ოცი თუმანიღა დამრჩა, ისიც რომ მოგცე, მამაშენს რაღა ვუთხრაო?

— დედი, განა კიდევ ვიზარალებ? ეგეცა ვცადოთო.

მისცა დედამ ის ოცი თუმანიც და გაისტუმრა. წავიდა ვაჟი. ბევრი იარა, თუ ცოტა, მივიდა ერთ ბაღთან. იქ ხალხი შეკრებდლიყო. ზოგი დაფა-ზურნას უქრავდა და ზოგიც თამაშობდა. თამაშობდა ხე, ქვა, ფოთოლი, ბალახი, სულაერი და უსულო. ყველაფერი მხიარულობდა.

— რა მოგცე დაფა-ზურნის დაკვრის ასე კარგად შესწავლაში? — ჰკითხა ვაჟმა მედაფაზურნეს.

— ათი თუმანი მოშეცი და ძალიან კარგად გასწავლო.

— ოცი თუმანი იყოსო.

სამ დღეში ისე შეისწავლა ვაჟმა დაკვრა, რომ მედაფაზურნეს სჯობნიდა. წამოიღო დაფა-ზურნა და წამოვიდა შინ. მივიდა დედასთან და უთხრა:

— უბედურ კაცს ქვა აღმართში მიეწევავო რომ იტყვიან, ისეა ჩემი საქმეო. ძალიან კარგად ვივაჭრეთ, დიდი მოგება ვნახეთ და ზღვით ვბრუნდებოდით. ერთ დღეს ძლიერი ქარი ამოვარდა, ხომალდი დაიმსხვრა, ჩემი ამხანაგები ზღვაში დაიღუპნენ, მე ერთ ფიცარზე შევრჩი, ზღვამ ნაპირზე გამოპრიყა და გადავჩიო.

— რადგან შენ გადამირჩი, შვილო, ფულს ვინა ჩივისო, — უთხრა დედამ.

რამდენიმე დღის შემდეგ ვაჟმა მამას უთხრა:

— ჩვენს ქალაქში ერთი მდიდარი სოვლაგარი მოვიდა. ჩამატარე იმის კარზე და დაიძახე: ბიჭი ვის უნდა ერთ ტომარა ოქროზე გასაყიდი-თქო. ის უარის თქმას არ იკადრებს და მიყიდისო.

მამამ აიღო ტომარა, მოჰკიდა ხელი შვილს, წაიყვანა, მდიდარი სოვლაგარის კარზე ჩაატარა და დაიძახა: ვის უნდა ბიჭი, ერთ ტომარა ოქროზე ვყიდო.

მღიღარ სოვდაგარს გაეცინა და ჩაილაპარაკა: ვინ მისცემს ბიჭში ერთ ტომარა ოქროსო?

შვილმა მამას ხმამაღლა უთხრა: აბა, აქ რისთვის მომიყვანე. სადა აქვს მაგას აზღენი ოქრო, რომ გაიმეტოსო?

ითაკილა მღიღარმა ეს, მაშინვე აავსო ტომარა ოქროთი, მისცა მამას და ბიჭი დაიტოვა.

ბიჭმა ჩუმად უთხრა მამას: ეგ ფული დიდხანს გეყოფათ. შემდეგ მე მოგეშველებითო.

წამოაღო კაცმა ფული, მხოუტანა ცოლს და იწყეს ცოტ-ცოტა ხარჯვა.

სოვდაგარი ნანობდა: ასე ძვირად ვიყიდე ბიჭი და რა უნდა გავაკეთებინო ისეთი, რომ ღირდესო. იფიქრა, იფიქრა და ბოლოს გადაწყვიტა, შინ გაეგზავნა და იქ ემუშაებინა. დაწერა წერილი: ეს ბიჭი ძვირად ვიყიდე, აშუშავეთ, სულ ქვა და ქვიშა აზიდვინეთო. წერილი მასვე გაატანა ცოლისათვის გადასაცემად. აპკიდა ჯორ-აქლემს საქონელი. ერთ კაცს გაატანა და ბიჭიც გააყოლა. ზღვა უნდა გაეელოთ. ჩასხდნენ გემში და წავიდნენ. გზაში იმ კაცმა და გემის პატრონმა კოჭი ითამაშეს. ყველაფერი წააგო: თავისიც, სოვდაგარის მიერ გატანებულიც, ბიჭიც და თავისი თავიც.

— რაც შე მაქვს ჯიბეში, ის ჩემია თუ მოგებულაო? — იკითხა ბიჭმა.

— მე შენი თავი მოვიგე, რაც ჯიბეში გაქვს, შენიაო. — უპასუხა გემის პატრონმა.

ბიჭმა ამოიღო ჯიბიდან ორი კოჭი და ორი შაურჩი ფული. ეთამაშა გემის პატრონს და მოუგო. დაიხსნა თავისი თავი; კიდევ ეთამაშა და გამყოლი დაიხსნა; ეთამაშა და დაიხსნა სოვდაგარის მიერ გამოტანებული საქონელი და ბოლოს, გემის პატრონს მოუგო ყველაფერი, გემიცა და თვითონ გემის პატრონიც მოიგო.

როცა ნაპირზე მოვიდნენ, ბიჭმა უთხრა გემის პატრონს: გამითავისუფლებხარ, გემიც შენი იყოს, მხოლოდ თუ ჩემი გვარის კაცმა გამოიაროს, უფასოდ გამოიყვანეო.

— კარგიო, — მიუგო გემის პატრონმა.

ბიჭი და გამყოლი გაუდგნენ გზას. გზაზე ბიჭმა ჰკითხა: ვისთან მივდივართ, შინ ვინა ჰყავს ჩვენს ბატონსაო?

— ცოლი და სამი ქალიშვილი, ერთი გასათხოვარი და ორი პატარაო, — უთხრა სოვდაგარის კაცმა.

ბიჭმა ჩუმად გახსნა სოვდაგარის გამოტანებული წერილი და

წაიკითხა, რაც შავ ეწერა. დახია და ისტივე ხელით სხვა ქაღალდზე დაწერა: ეს ბიჭი რომ მოვიდეს, ჩვენს უფროს ქალზე ჯვარი დასწერეთ.

მოვიდნენ სოვდაგრის სახლში. ბიჭმა გადასცა წერილი სოვდაგრის ცოლს. დასწერეს ჯვარი ბიჭს სოვდაგრის ქალიშვილზე.

მოახლოვდა სოვდაგრის მოსვლის დრო. ბიჭი დაფიქრდა: რა უნდა ვუთხრაო? მთელი დღეები დაღონებული დადიოდა. ერთ დღეს ქალაქგარეთ გაიარა. ნახა, ერთი ყმაწვილი დგას და ერთ შენობას შეპყურებს. ბიჭი მიესალმა, მაგრამ პასუხი ვერ მიიღო. ყმაწვილმა არ მოიხედა. ვაჟი შივიდა ახლოს, მოჰკიდა ხელი და აკითხა: რას შეპყურებ ასე, რატომ არ მოიხედავო?

— იმ შენობაში ერთი ქალი დავინახე. მინდა ერთხელ კიდევ დავინახო, მაგრამ აღარ გამოდის, მამაჩემი ამ ქვეყნის ხელმწიფეა, ჩემს მეტი შვილი არა ჰყავს, ვინც იმ ქალს დამანახვებს, თავის ქონებას გაუყოფსო, — მიუგო ყმაწვილმა.

— იმისი ქონება არ მინდა, ერთი თხოვნა ამასრულოს და მე გაჩვენებ იმ ქალსაო, — მიუგო სოვდაგრის შვილმა.

— ისეთი რა უნდა მოსთხოვო, რომ მამაჩემმა ვერ შეგისრულოსო? — უთხრა ხელმწიფის შვილმა.

სოვდაგრის შვილმა ამოიღო თავისი დაფა-ზურნა, დაუკრა და დაუკრა. ყველამ და ყველაფერმა ცეკვა დაიწყო. თვითონ ხელმწიფის შვილიც ცეკვავდა. ქალი შენობიდან ცუკვით გამოვიდა და მოაჯირზე გადმოდგა. ბიჭმა შეწყვიტა დაკვრა.

ქალმა დაუძახა: კიდევ დაუკარო!

— რა საკადრისია, ჩვენ აქ დავუკრათ და თქვენ მანუ იცეკვოთო!

ქალმა ყმაწვილები სახლში მიიწვია და სოვდაგრის შვილს უთხრა: შენ უნდა იყო ჩემი ქმარიო.

— მე ცოლი მყავს, აი, ეს ჩემი ძმა არის და მას უნდა მისთხოვდეო, — უთხრა ხელმწიფის შვილზე სოვდაგრის შვილმა.

ქალი დაეთანხმა. ხელმწიფის შვილმა მამასთან მახარობელი გაგზავნა და დააბარა: ცოლი შევირთე. ის ქალი, ვისი ნახვაც მენატრებოდაო.

ხელმწიფეს ძალიან გაეხარდა და ბრძანება გასცა:

— ჩემი შვილის გამბედნიერებელი აქ მომიყვანეთო!

წაიყვანეს სოვდაგრის შვილი ხელმწიფესთან.

ხელმწიფემ უთხრა: სავი წელია ჩემი შვილი იქ იდგა და იმ

სახლს შეჰყურებდა, დღეს ის შენ გამიბედნიერე და რას მთხოვ, რომ შეგასრულო?

— სხვა არაფერი მინდა, ესა და ეს სოვდაგარი რომ მოვიდეს ამ ქვეყანაში, თავის სახლში მისვლამდის დააქვრინე და ჩამოხრჩობა გადაუწყვიტე. ბევრი მოვა და გთხოვს მის განთავისუფლებას; ნურვის თხოვნას ნუ შეიწყენარებ, მხოლოდ ჩემი თხოვნა შეიწყენარეო, — მოუგო სოვდაგარის შვილმა.

ხელმწიფე შეჰპირდა: ეგ ადვილი საქმეა და აგისრულებო!

ხელმწიფემ დასწერა ჯვარი შვილსა და რძალს, მოიწვია მრავალი სტუმარი და დიდი ღვინო გადაიხადა.

მოვიდა სოვდაგარის მოსვლის დრო. ყველა გზაზე დარაჯები დააყენეს. შემოვიდა ქალაქში სოვდაგარი თუ არა, დაიჭირეს და ხელმწიფეს წარუდგინეს. ხელმწიფემ ბრძანა: განუკითხავად ჩამოახრჩვეთო!

უკვირს სოვდაგარს: არაფერი დამიშავებია, რას მემართლებითო?

— განუკითხავად ჩამოახრჩვეთ, დიდი დანაშაული აქვსო! — გაიძახის ხელმწიფე.

აღმართეს სახრჩობელა, აიყვანეს ზედ სოვდაგარი, უნდა ჩამოახრჩონ. მიდიან ხელმწიფესთან ვეზირები და სთხოვენ, აპატიეთო.

— არ შეიძლება, ჩამოახრჩვეთო! — ამბობს ხელმწიფე.

ბოლოს, მოვიდა ხელმწიფესთან სოვდაგარის შვილი და სთხოვა: ჩემი ხათრისათვის აპატიეთო.

ხელმწიფემ ბრძანა: ჩამოხსენით ამ ვაჟის ხათრისთვისაო.

გათავისუფლეს სოვდაგარი. გადახედა თავის მხსნელს და შინისაკენ წავიდა. შიშისაგან ავად გახდა და ლოგინში ჩაწვა. ამ დროს თანჯარასთან გაიარა სოვდაგარის შვილმა. დაინახა სოვდაგარმა და თქვა: აი, ის არის ჩემი მხსნელი, მაგან გამათავისუფლაო!

— ეგ ხომ ჩვენი სიძეაო! — მიუგო ცოლმა.

— რა სიძე, რას ამბობო! — გაუკვირდა სოვდაგარს.

— ჩვენი ქალიშვილის ქმარია, შენ ხომ მოიწერე, უფროს ქალზე დასწერე ჯვარიო, და მეც დავეწერეო, — უთხრა ცოლმა.

— მე ეგ არ მომიწერია, მე მოგწერე — ძვირად ვიყიდე და ქვა და ქვიშა აზიდინე-მეთქი, მაგრამ ეს ჩემი მხსნელია და ასე იყოსო.

დაუძახეს ვაჟს. სოვდაგარმა დალოცა სიძე-ქალიშვილი და

უთხრა: გინდ იქ იცხოვრეთ, გინდ წაიღეთ, რაც გინდოდეთ, და წადითო!

ვაჟმა თავის დედ-მამასთან წასვლა ირჩია. სოველაგარმაც აუკი-და ჯორ-აქლეშებს უამრავი სიმდიდრე და გაისტუმრა.

ვაჟი მივიდა მშობლებთან. იმათ ძალიან გაიხარეს შვილის დაბრუნებით და მშვიდობით ცხოვრობდნენ.

ალალი ორი შაური

იყო და არა იყო რა, იყო ღარიბი ცოლ-ქმარი. უჭირდათ ცხოვრება: ექვსი შვილი ჰყავდათ შესანახი. ერთ დღეს მოიფიქრა მამამ: წავალ, მოსამსახურედ დავუდგები ვინმესო.

მართლაც, ადგა და წავიდა სხვა სახელმწიფოში. იარა, იარა და მიაღგა ერთ ღიდ სასახლეს. სასახლიდან გამოვიდა ერთი კარგად ჩასუქებული კაცი. გლეხმა უთხრა: მოსამსახურე ხომ არ გინდაო?

— მინდაო, — უთხრა ამ კაცმა.

ახლა უნდა მორიგებულიყვენენ, თუ წელიწადში რამდენად იმსახურებდა. ჩასუქებულმა კაცმა ჰკითხა გლეხს: ალალი ორი შაური გინდა, თუ არამი ასი თუმანიო?

გლეხი დაფიქრდა და უთხრა: ალალი ორი შაური მირჩევნიაო. ასეც მორიგდნენ. გლეხმა სამი წელიწადი იმსახურა იმ კაცთან.

სამი წელიწადი რომ გავიდა, გლეხს მოუნდა ცოლ-შვილის ნახვა. შეეხვეწა ბატონს: სახლში დაჰითხოვეო. ბატონმა გამოუტანა სამი წლის ჯამაგირი ექვსი შაური, მისცა და უთხრა: წადი, ხეირი ნახეო!

გლეხი წამოვიდა ტირილით. ფიქრობს გუნებაში: სამი წელიწადი ვიმსახურე და ავიღე ექვსი შაური. აბა, რა მივეუტანო ცოლ-შვილს ან რა ვუთხრაო?

ამ წუხილში გადავიდა სხვა სახელმწიფოში. დაინახა, ერთ ადგილას დიდი რიგი დგას. მივიდა გლეხი ხალხთან და დაინახა, არავის არაფერს არ აძლევენ დუქანში. გლეხმა იკითხა: რა იყო დუქანში გასაყიდიო? ხალხმა მიუგო: აქ არის სარკე გასაყიდი, მხოლოდ ალალ ორ შაურზე ჰყიდიანო. გლეხმა დაიძახა: მე მაქვს ალალ ორი შაურიო! შევიდა დუქანში და იყიდა სარკე. ჩააგდო ტომარაში და ისევ წავიდა ტირილით.

იარა, იარა და გადავიდა კიდევ სხვა სახელმწიფოში. აქაც დიდი რიგი იღვა. მივიდა, იკითხა: რა იყო გასაყიდი ხალხმა მიუგო, კატა არის გასაყიდი, მხოლოდ ალალ ორ შაურად ჰყიდიანო. შევიდა ქლები დუქანში და იყიდა კატაც. ჩასვა ტომარაში და ისევ გაუღდა კზას.

ახლა ფიქრობს: ეს სარკე ვიყიდე, ეს კატაც ვიყიდე, დამრჩა ორი შაური. ეს ორი შაური კი ჩემს ცოლ-შვილს რას არგებსო და ისევ ტირილი დაიწყო. ამ ტირილში გადავიდა კიდევ სხვა სახელმწიფოში. აქაც დაინახა დიდი რიგი. გლეხი მივიდა და იკითხა, რა იყო გასაყიდი. ხალხმა მიუგო: აქ ჭკუასა ჰყიდიან ალალ ორ შაურადო. ვლებმა იფიქრა, ბარემ აშაააც ვიყიდო. შევიდა დუქანში და ნოქარს უთხრა: მე მაქვს ალალი ორი შაური და ჭკუა მასწავლეო. ნოქარმა უთხრა: ვინც რა უნდა შეგეკითხოს, შენ უთხარი: ორივე კარგი და ლამაზია-თქო.

ეს არის ჭკუაო. გლებმა მისცა ორი შაური და გამობრუნდა.

ახლა ფიქრობს გლეხი: სამი წლის სამსახურით სარკე და კატა ვიყიდე, ჭკუაც ვიწავლე, მაგრამ ამით ჩემს ცოლ-შვილს რა ვარგო?

გადავიდა სხვა სახელმწიფოში. დაინახა, რომ აქ მთელი ხალხი ტირის. გლებმა იკითხა, თუ რა ატირებდა ხალხს. უპასუხეს: ჩვენს სახელმწიფოს წყალი არა აქვს. ერთი წყალი არის მიწაში კასრით ამოსატანი, ვინც მის ამოსატანად ჩავიდა, უკან ვეღარ ამოვიდაო.

გლებმა იფიქრა: მე ხომ ჭკუა მაქვს, იქნებ ამოვიტანო წყალი და მომცენ რამეო. უთხრა ხალხს: მომიტანეთ ჭურჭელი, მე ამოვიტან წყალსო.

მართლაც, მიუტანეს ჭურჭელი, ჩავიდა გლეხი მიწაში და დაინახა ერთი ბებერი დედაკაცი და ორი ახალგაზრდა ქალი, ერთი ძალიან ლამაზი იყო — მზეთუნახავი, მეორე კი — შავი, როგორც ზანგი. ლამაზი ქალი გერი იყო ბებერი დედაკაცისა, შავი კი — შვილი. ბებერმა დედაკაცმა ჰკითხა გლეხს: შვილო, ა, ამ ორ ქალში რომელი უფრო ლამაზიაო?

გლებმა უთხრა: ორივე კარგია და ლამაზიაო. დედაბერმა აუვსო კასრები და გაატანა.

ხალხმა რომ დაინახა, გლეხი ცოცხალი დაბრუნდა და წყალიც მოიტანაო, ძალიან გაუკვირდათ და გაიქცნენ მეფესთან გასაგებინებლად. მეფემ დიბარა სასასლეში გლეხი და ჰკითხა, თუ როგორ ამოიტანა წყალი. გლებმაც ყველაფერი უამბო. მეფემ იგი დააჯილდოვა ოცდაათი საპალნე ოქრო-ვერცხლით, თავის აქლემე-

ბიანად, თანაც შეიპატიჟა პურის საქმელად, გლებმა რომ კარგბ-
ში თავი შეყო, დაინახა, აქეთ-იქით კაცები იდგნენ და ცოცხები
მალლა ჰქონდათ აწეული. გლებს ეგონა, მე უნდა ჩამარტყანო და
უკან გადმოხტა. მეფემ დაარწმუნა გლები, თავგები გყავს ძალიან
გამრავლებული, ჩვენ რომ პურის საქმელად დავსხდებით, დაგვე-
ხვევიან და პურს მოგვტაცებენო. ესენი იმიტომ დგანან, თავგები
არ მოუშვან ახლოსო.

გლებმა უთხრა: გაუშვით ეგ კაცები, მე მოვუვლი თავგებსაო.
ამოსვა ტოპრიდან კატა. კატა აქეთ ეტაკა, იქით ეტაკა და თავ-
გები სულ დახოცა. დასხდნენ პურის საქმელად თავისუფლად.
კატამ ერთი თავგეც არ მიუშვა ახლოს. მეფეს მოეწონა კატა და
გლებს ვაჭრობა დაუწყო. დიდი ხნის ვაჭრობის შემდეგ გლები
დათანხმდა ოც საპალნე ოქროზე. გლები გულში იმახიან: ჩვენს სო-
ფელში ხელმწიფეც აღარ შემედრებაო, ეს ამოღენა სიმდიდრე
უნდა წავიღოო. ჩემისთანა მდიდარს თმაგაწეწილი სიარული
აღარ შეშვენისო. ამოიღო სარკე, დაიწყო შიგ ცქერა და ქოჩრის
გვერდზე ვარცხნა.

თურმე იმ სახელმწიფოში არც სარკე იყო ცნობილი. მეფის
ქალიშვილმა თვალი მოჰკრა სარკეს, მივიდა, თვითონაც ჩაიხედა:
მიტრიალდა-მოტრიალდა, თავისი ტანი რომ დაინახა, გაუკვირდა.
მივარდა მამას და უთხრა: მამი, სარკე მიყიდეთო მეფემ ისიც იყიდა.
მისცა ათი საპალნე ოქრო. გლებმა ეს სამოცი საპალნე ოქრო წაი-
ღო თავის ცოლ-შვილში. აიშენა დიდებული სასახლეები და იმის
შემდეგ ისე ცხოვრობდა, რომ მეფეებიც კი შენატროდნენ.

კირი იქა, ლხინი აქა,

ქათო იქა, ფქვილი აქა.

მარი ძუნწი

იყო ერთი საოცრად ძუნწი კაცი. ერთხელ უთხრეს: ამა და ამ
ადგილას შენზე უფრო ძუნწი კაცი ცხოვრობსო. ადგა ეს ძუნწი
და სტუმრად ეწვია იმ უცნობს. მასპინძელმა სტუმარი შინ შეიპა-
ტიჟა, ლამა ანთო და ოჯახის წევრები გააცნო. შემდეგ კი, როცა
სასაუბროდ დასხდნენ, ამ ძუნწმა ლამა ჩააქრო: ნავთი რაზე
დავხარჯოთ ტყუილად. ლამარაქა ბნელაშიაც შევძლებთო. მართ-

ლაც, დიდხანს ილაპარაკეს. დაძინების წინ კი ძუნწმა მასპინძელმა ლამპას მოუკიდა, ხედავს, რომ სტუმარი ტანთ იცვამს, გაუკვირდა და ჰკითხა:

— რატომ გაიხადე ტანსაცმელიო?

— ბნელაში ვინ დამინახავდა და ტყუილად რაზე გამეცვი-
თაო. — მშვიდად უპასუხა სტუმარმა ძუნწმა.

მონერხეპული მეგაღე

ერთხელ მეფემ ჩაიცვა გლეხის ტანსაცმელი და სამეფოს და-
თვალეობას შეუღდა: უნდოდა გაეგო, ვინ როგორ ცხოვრობდა.
შევიდა ერთ ბაღში და მებაღეს ჰკითხა:

— რა გაქვს ჯამაგირიო.

— ერთი თუმანიო, — უპასუხა მებაღემ.

— მერე რას უშვრები მაგ თუმანსაო? — ჰკითხა მეფემ.

— ორ მანეთს ვქამ, ორ მანეთს სესხად ვაძლევ, ორ მანეთს
ფანჯრიდან ვაგდებ, ორ მანეთს ვინახავ და ორი მანეთით ვალს
ვისტუმრებო.

მეფემ ვერაფერი გაიგო. მებაღეს უთხრა: მანამ ჩემი სახე არ
დაინახო, არავის არაფერი უთხრაო და წავიდა.

მეფემ დაიბარა ნაზირ-ვეზირები და გადასცა მებაღის მიერ გა-
ნაწილებული თუმნის აშბავი და უბრძანა: ჩქარა გაიგეთ, რას ნიშ-
ნავს ეს სიტყვები, თორემ ყველას დაგხოცავთო.

შეშინებულმა ნაზირ-ვეზირებმა მთელი სამეფო შემოიარეს,
მაგრამ ვერსად ვერაფერი ვერ გაიგეს. ბოლოს, ამ ბაღში შევიდ-
ნენ და თავიანთი გაჭირვება მებაღესაც უამბეს. მებაღეს გაეცინა:
მანეთი ჰომეციით და მე აგიხსნითო. მაშინვე მისცეს. დახედა
ფულზე დახატულ მეფეს, იცნო და მაშინვე მიხედა, თუ ვინ ყო-
ფილა მასთან ადრე. უყურებს ამ მეფის სურათს და თან უხსნის
ნაზირ-ვეზირებს: ორ მანეთს რომ ვქამ, ამით მე ვცხოვრობ, ორი
მანეთით დედ-მამას ვაცხოვრებ, იმათ ვალს ვიხდი. ორი მანეთით
ვაუბებს ვზრდი, რომ გააზრდებიან, მერე მე მაცხოვრებენ, ორ მა-
ნეთს ფანჯრიდან ვყრი, ამით ქალებსა ვზრდი, გათხოვდებიან და
წავლენ, მე რას მარგიან. ორ მანეთს კი შავი ღლისათვის ვინა-
ხავო.

გახარებული ვეზირები მეფესთან მივიდნენ და ყველაფერი სწორად განუმარტეს. გაბრაზებულმა მეფემ მებალე დაიბარა და გაუჭავრდა: მე ხომ გითხარი, სანამ ჩემ სახეს არ ნახავდი, არავისთვის გეთქვაო?!

მებალემ აჰოილო ჯიბიდან მანეთი და უთხრა: აი, მეფევ, შენი სახე აგერ არის დახატული, მე ამას ველაპარაკებოდი, სხვისთვის არაფერი მითქვამსო.

მეფეს მოეწონა მოხერხებული მებალის პასუხი და დიდად დაასაჩუქრა.

თავგაუთხელი კაცი

ერთი მოხუცებული კაცი ვენახს რწყავდა, თან ღვინოს შეექცეოდა. აიღო სავსე ჩარქეა, ცერი ყურში გაუყარა და თავისი თავი ასე დალოცა: ღმერთო, დამასწარ მრავალ ამ დროს. ამ ხნის კაცი ვარ, ჭერ თავი ჩემთვის არავის გაუტეხია და ნურც მივალ იმ ზომამდის, რომ ვინმემ გაჰიტეხოსო.

ერთი ჯეელი ბიჭი ყურს უგდებდა მოხუცის ლოცვას. აიღო თოხი და წყალი თავის ვენახს მიუგდო. რა წყალი შეუწყდა მოხუცს, გაჭავრებული წყლის სათავისაკენ გაეშურა. სათავეში თოხით ხელში ვილაც ყმაწვილი დაინახა, რომელსაც წყალი თავის ვენახში გადაეგდო. მოხუცი შეეკითხა: რატომ გადამიგდე წყალიო?

ახალგაზრდამ უთხრა: ჩემი ჭერიაო.

— რათა, კაცო, ჩემი ჭერი არ იყო?

— შენი ჭერი იყო, მაგრამ მე უნდა მოვრწყა ახლა.

მოხუცმა რა შეატყო ახალგაზრდას — შარზეაო, უთხრა: კარგი და დღეს შენ მორწყე, შვილო, ხვალ კი მე მოვრწყავო.

ახალგაზრდამ უთხრა: ხვალაც მე მინდაო.

— კარგი და რაკი ხვალაც შენ გინდა, მე კიდევ ზეგ მოვრწყავ.

— არა, ზეგაც მე მინდა.

— კარგი და რაკი ზეგაც შენ გინდა, მაზეგ მე მოვრწყავ.

ახალგაზრდამ ვერ იპოვა მიზეზი, შერცხვა და უთხრა:

— ასეთი კაცი რომ ყოფილხარ, იმიტომ არ გაგტეხია თავიო, — და წყალი ისევ მოხუცის ვენახს მიუგდო.

მეფის შვილობილი

ერთმა უშვილო მეფემ გამოუცხადა თავის ნაზირ-ვეზირებს: მოიარეთ ქვეყანა და ნახეთ სადმე ლამაზი, კვიანი ბავშვი, რომ ვიშვილო და შექვიდრედ დავტოვო.

ნაზირ-ვეზირებმა შემოიარეს მთელი ქვეყანა და ერთ სახლში წააწყდნენ ერთ ბავშვს. ჰკითხეს: მამაშენი სად არისო? ბავშვმა პიუგო: ჩხუბს თესავსო.

— დედაშენი სად არისო?

— ცრემლს ავალებსო.

— ღვინო დაგვალევინეო.

— ცხენება ვაზებზე გამოაბით და შემდეგ დაგალევინებთო.

ვეზირებმა იარეს, იარეს. მაგრამ ვაზი ვერ იპოვეს. ბავშვს უთხრეს:

— ვაზი არსადა ჩანსო.

— აბა, ღვინო საიდან გვექნებაო.

— მამაშენი როგორ თესავს ჩხუბსაო? — ჰკითხეს ვეზირებმა.

— ყზნას თესავს და თუ ვინმე გადივლის ზედ, წაეჩხუბებაო.

— დედაშენი როგორ ავალებს ცრემლსაო?

— როგორ და მეზობელი გარდაიცვალა და იმას ტირის, ჩვენც

მოვკვდებით და ისინიც გვიტირებენო.

ვეზირებს მოეწონათ ბავშვის მოსწრებული სიტყვა-პასუხა წაუყვანეს მეფეს. ეს ბავშვი მეფესაც მოეწონა და იშვილა.

ახირებული დედაკაცი

იყო და არა იყო რა, იყო ერთი ცოლ-ქმარი. ერთ დღეს ქმარმა სთხოვა ცოლს, ზამთარი შოდის, წინდები მომიქსოვეო. ქალმა წაიღო მატყლი და, სახლის გვერდზე რომ გუბე იყო, მასში ჩაყარა. გუბეში ბაყაყები ყუა-ყუას გაიძახოდნენ. ქალმა ბაყაყებს დაუბარა: აი, ეს მატყლი დაართეთ და ერთ კვირაში ჩემი ქმარსათვის წინდები მომიქსოვეთო.

გავიდა ერთი კვირა. ქმარმა ჰკითხა ცოლს: დედაკაცო, რა ჰქენი, წინდები მომიქსოვეო?

— ახლავე წავალ და მოვიტანო, — უთხრა ცოლმა.

წავიდა და ნახა, გუბე დამშრალიყო და მატყლი აქეთ-იქით

ეყარა. ქალმა გუბეს უსაყვედურა: მატყლს რად უნდოდა გარეცხვა. გარეცხილი იყო. შემდეგ შინ დაბრუნდა და ქმარს უთხრა: მატყლი გუბეში ჩავყარე. ჭერ გასაშრობადა აქვთ, მერე დაართავენ და მოქსოვენო.

ქმარი გაბრაზდა და გუბის მოთხრა დაიწყო. დაჰკრა ბარი და ორი ოქროს ზოლი ამოაგდო. ზოდები შინ შეიტანა და ქერზე ჩამოკიდა. თვითონ სამუშაოდ წავიდა.

ამ დროს მეწვრილმანევ ჩამოიარა. პატარა დედოფალს ყიდდა. ქალმა ჩამოწყვიტა ერთი ოქროს ზოლი და გავარდა მეწვრილმანესთან, თან ბოდიშიც მოუხადა, თული არა მაქვს, მაგრამ ზოდს მოგცემო. მეწვრილმანეს გაუხარდა და რაც სათამაშო დედოფლები ჰქონდა, ყველა დაუტოვა.

ქალმა ერთი დედოფალა მაგიდასთან დასვა — გადაწმინდეთ, მეორეს უთხრა — ლობიო მოხარშეთ, მესამე სახლის კუთხეში დასვა — დაგავეთ, ერთიც თავთან დასვა — ჩემი ქმარი რომ მოვიდეს, გაჰაღვიძეთ. თვითონ კი დაწვა და დაიძინა.

მოვიდა ქმარი. ეძახის ცოლს, მაგრამ ქალს ვინ გააღვიძებდა! გვიან გამოღვიძა, ნახა — ლობიო სულ ჩახარშულა, მაგიდა გადაუწმინდელია, არც სახლია დაგვილი. დაიწყო წყევლა.

ქმარმა აიხედა ზევით და შენიშნა, ერთი ოქროს ზოლი აკლია. გაბრაზდა და ცოლი სახლიდან გამოაგდო.

წავიდა ქალი. შეხვდა მამალი: ჩემმა ქმარმა გამომაგდო, — უთხრა. მამალმაც უპასუხა: მეც სახლიდან გამოვიქეციო.

წავიდნენ ერთად. შეხვდათ ძალღი. ქალმა უთხრა: მე ქმარმა გამომაგდო, მამალიც სახლიდან გამოქცეულიაო. ძალღმა უთხრა: მეც სახლიდან გამოპარული ვარ, ერთად წავიდეთო.

გზაზე შემოეყარათ ჯორი და იაიცი შეიამხანავეს.

ბევრი იარეს, თუ ცოტა იარეს, შეხვდათ აქლემების ქარავანი. ოქრო-ვერცხლი მოჰქონდათ. მეპატრონეები ჩამორჩენილიყვნენ. ქალმა წაავლო ერთ აქლემს ხელი და მის მეგობრებთან ერთად მიიყვანა სახლში: ნეტავ, არც ახლა შემირიგდება ჩემი ქმარიო?

ქმარს ძალიან გაუხარდა საჩუქრები. აქლემი მაშინვე დაკლა, აუწუა და ხორცი ორმოში ჩაყარა. ოქრო-ვერცხლი დამალა. ამ დროს გამოჩნდა აქლემის პატრონიც.

— აქლემი რა უყავით, აქეთვენ წამოიყვანესო.

— გაუი ხომ არა ხარ, რის აქლემი, რა აქლემიო? — უთხრა ქმარმა.

წავიდნენ მოსამართლესთან. ქმარი ცოლს მიუბრუნდა და უთხრა: სანამ მოვალ, კარებსა და ფანჯრებზე თვალი დაიჭირო. მოსამართლესთან დიდი დავა აქვთ. ქმარი ეუბნება, აქლემი თვალით არ მინახავსო. აქლემის პატრონი ედავება, შენმა ცოლმა წამოიყვანაო.

ცოლმა ჩამოხსნა კარები და ფანჯრები, აიკიდა ზურგზე და მივიდა მოსამართლესთან. ქმარმა გამოსძახა:

— დედაკაცო, ეგ რა არისო?!

— შენ არ მითხარი, თვალი დაიჭირე კარებსა და ფანჯრებზე, იქ ხომ არ დავტოვებდი, თან წამოვიღეო.

მოსამართლემ და აქლემის პატრონმა თქვეს: ეგ ქალი გიყოყოფილა, რა პასუხი უნდა მოვთხოვოთო და თავი გაანებეს.

ოქრო-ვერცხლი ამ კაცს დარჩა.

მდიდარი და საწყალი კაცი

ერთი საწყალი კაცი მივიდა მდიდართან და სთხოვა: ხუთი თუმანი მასესხეო. მდიდარმა უთხრა: ღლეს არა მაქვს და ხვალ მოდიო. მივიდა მეორე ღლეს.

— სხვას ემართა, უნდა მოეცა, იქნებ ხვალ მომცესო და მოდიო.

მივიდა დანიშნულ დროს, ბოლოს, მდიდარმა უთხრა: წადი, ვექსილი დააწერინე, მოიტანე და მოგცემო.

წავიდა ეს კაცი, დააწერინა ვექსილი (დამწერსაც ფული მისცა) და მიუტანა. მდიდარმა უთხრა: რა ვქნა, ძვაო, ველარ გასესხებო.

— რატომაო? — ჰკითხა გლეხმა.

— ანგელოზმა მითხრა: ნუ ასესხებ, აღარ მოგცემსო.

გამოპრუნდა ეს კაცი დაღონებული... გავიდა ერთი წელიწადი. ერთხელ ამ მდიდარს საცალოებით დატვირთული ურემი მიჰყავს, დაღმართში ხარებმა თავი ვერ შეიკავეს, საცალოები უკან გადმოქანდნენ და ხარებს აპეურებმა ისე მოუჭირეს, რომ იხრჩობიან. მდიდარს ის გლეხი შემოხვდა.

— არიქა, დათიკო, მიშველე, ხარები მეხრჩობაო.

საწყალმა კაცმა უთხრა: რა ვქნა, გიშველიდი, მაგრამ ჩემი ანგელოზი მეუბნება, არ უშველოო. გაბრუნდა და თავის გზაზე წავიდა. იმას კი ხარები დაეხრჩო და ბევრიც ინანა.

ჩემი მამალი გზაშიაც იყვლებსო

ერთი მათხოვარი დადიოდა სოფელში. დაუღამდა, თავის ბინას ვეღარ მიაღწია. იფიქრა, შობი, ვითომ ბრმა ვარ, ვინმეს ვთხოვ, შევეხვეწები და ღამეს გამათევინებსო.

შეხვდა ერთი მგზავრი, უაზბო თავისი გაჭირვება, ბრმა ვარ და სახლამდე ვერ მივალწევ, ღამე გამათევინეო.

ეს კაცი ძალიან გულკეთილი ყოფილა.

— წამობრძანდიო, — უთხრა ამ კაცმა.

შინ რომ მივიდნენ, ცოლს არ ეპიტნავა უცხო კაცი. ქმარი დატუქსა: ვინც არ უნდა იყოს, წაავლებ ხელს და მოგყავსო. დედაკაცმა გადაძალა მოხარშული მამალი, მოიტანა ცარიელი პური და მიართვა სტუპარს. ივანშემეს ცარიელი პურით და დაიძინეს.

შუალამისას ადგა გლახა, ახადა ქვაბს და მამალი თავის გუდაში ჩაღო. მთვარე ამოვიდა, გათენებამაც მოატანა. ყველამ გაიღვიძა.

— ძველი კაცი ხარ, ძიავ, თქვი რამეო, — უთხრა ცოლ-ქმარმა.

— რა უნდა ვთქვა, შვილო, მე იმ დროის კაცი ვარ, მამალი ხელმწიფედ რომ იყო სპილენძის ციხეში და იქიდან გუდიციხეს რომ შევიდაო.

ცოლ-ქმარს გაუკვირდა, ეგ როგორ იქნებოდაო?!

— ახლა მე უნდა წავიდე და სხვა დროს გამოვივლო და აგიხსნითო, — უთხრა გლახამ.

— დაიცა, ძია, მამალმა შეორედ მაინც იყევლოსო.

— არა, შვილო, უნდა წავიდე, ჩემი მამალი გზაშიაც იყვლებსო, — და წავიდა.

ძუნწი ვაჟარი

ერთი ძალზე ძუნწი ვაჟარი იყო, რომელსაც ბევრი ფული ჰქონდა. მაგრამ ცოლ-შვილსა და თავის თავს აწვალებდა, ჯიჯარის მეტს არაფერს ყიდულობდა. ერთ დღეს ბაზარში ჯიჯარი ვერ იშოვა. ორ შაურად სხვა რა უნდა ეყიდა, ადგა და სხვა ბაზარში წავიდა.

ბევრი იარა და ერთ ადგილას დაუღამდა. შევიდა ერთ სახლში და სთხოვა, ღამე გამათევინეთო. დააყენეს. ამ სახლში ცოლი და

ქმარი ცხოვრობდა. გაშალეს სუფრა და ქმარმა ცოლს ჰკითხა:

— ჯერ ვცემოთ თუ ვჭამოთ?

— ვცემოთ, ბარემ, მოვიშოროთ და მერე ვიჭეიფოთ, — უთხრა ცოლმა.

გამოიტანეს ქილობში გახვეული მკვდარი კაცი. სცემეს მაგრად, გაახვიეს ისევ ქილობში და მიაგდეს კუთხეში. დასხდნენ და დაიწყეს ქეიფი. ძუნწმა იკითხა: ეგ მკვდარი კაცი ვინ არის ან რადასცემეთო?

ქალმა უთხრა: ეგ კაცი ჩემი ქმარი იყო, დიდი ვაჭარი, იმდენი ფული ჰქონდა, რომ მთელ ქალაქს ეყოფოდა, მაგრამ იგი მხოლოდ ჯიგარს ჰჭადა. ბოლოს, როგორც იყო, მოკვდა და მე კი ამ კაცზე გაეთხოვდი. იმან არ გამახარა, ამასთან ვხარობ და იმას კიდევ ვტანჯავო.

ამ ძუნწმა მოუსმინა, ადგა დილით ადრე, გამოემშვიდობა, წავიდა ბაზარში, იყიდა ინდაური, სამწვადე, თეთრი პური, ღვინო, აჰკიდა მუშას და მიიტანა სახლში. ცოლს გაუკვირდა: ეს ჩემი ქმარი ხომ არ გაგიყდაო. ქმარს უთხრა:

— კაცო, ეგ რაერთი რამე გიყიდა, რა ნახეო?

— შენი მეორე ქმარიც ვნახე და ჩემი მცემელი ცოლიცაო. — უთხრა ქმარმა ცოლს.

ორმოცი კაციც რომ გამოვიგზავნოს...

ერთ ყრუ კაცს შვიდი თხა ჰყავდა, სულ მათ დასდევდა, აძოვებდა, უვლიდა, უყვარდა. ერთ თხას ცალი რქა მოტეხილი ჰქონდა.

ერთხელ ამ ყრუ კაცს დაეძინა. შვიდივე თხა დაიკარგა. ბევრი ეძება, მაგრამ ვერსად ვერ იპოვა. შემდეგ ღმერთს აღთქმა დაუდო: ვინც თხებს მაპოვნიებს, იმას რქამოტეხილ თხას ვაჩუქებო.

ნახა ერთი კაცი, აჩაჩით მიწას ხნავდა, ეს კაცი თხების პატრონზე უფრო ყრუ ყოფილიყო.

თხის პატრონმა ჰკითხა: თხები დაკარგე, ხომ არ გინახავსო?

მხვნელმა ვერ გაიგო, რას ეკითხებოდა და უთხრა: დღეს აქ ვხნავ და ხვალ იქით უნდა ვხნაო. თან ხელით ანიშნა.

თხების პატრონს ეგონა იქით არიანო და გასწია, საითაც მხვნელმა ხელი გაიშვირა. თხები, მართლაც, იქ დაუხვდნენ.

გამორეკა და იქ მიიყვანა, სადაც კაცი ხნავდა. ალექსის შესასრულებლად დაიჭირა რქამოტეხილი თხა და ამ კაცს მიართვა — აჰა, შენთვის მომიცია, რადგან შენ მაპოვნინეო.

მეგუთნე ეფიცება ამ კაცს: მე არ მომიტეხია ეს. რქა, თხები თვალითაც არ მინახავსო. გამოიყვანა გუთანნი და სახლში წავიდა. თხების პატრონი არ მოეშვა, ღმერთთან დადებული ალექსმა არ გამატეხინო, წაიყვანე ეს თხაო.

მივიდნენ სოფელში, ნახეს, რომ მამასახლისი ხის ქვეშ დაძვდარა და ვიღაცაზე ძლიერ გაჯავრებულია. ეს მამასახლისი ამ ორ ყრუზე უფრო მეტი ყრუ ყოფილა. ცოლს გაუჯავრებია და გარეთ ვაპოუგდია.

თხის პატრონმა და მხენელმა თაეიანთი გაქირვება შესჩივლეს. მამასახლისს ცოლის გამოგზავნილი კაცები ეგონა და უთხრა: ორმოცი კაციც რომ გამომიგზავნოს მოციქულად, მაინც არ შევურიგდებიო.

როგორ ანუგეშა მოჯამავირემ ბატონი

— რა ამბავია. ისაკო. სასახლეში? — ჰკითხავს მოჯამავირეს ბატონი, რომელიც ხუთი წელიწადი იყო წასული და სახლის ამბავი არა იცოდა რა.

— მშვიდობა შენი, ბატონო! მადლობა ღმერთს, მხოლოდ შენი გოშია ძალლი მოკვდა.

— უჰ, რას ამბობ, ბიჭო, რა ძალიან მეწყინა? რამ მოკლა მერე?

— რა ვიცი, შენი ჰირიმი, ნამეტანი ხორცის ჭამას ვერ გაუძლო!

— მერე და რატომ აჭამეთ ამდენი ხორცი?

— ვინ აჭამა, ბატონო, შენი ბედღური რომ მოკვდა და გადავათრიეთ, — მიმდგარიყო, იმდენი ეჭამა, რომ ვეღარ მოენელებინა და გაშკადარიყო საწყალი ძალლი.

— რას მეუბნები, ბიჭო, ჩემი ბედღური რამ მოკლა?

— საწყალი შენი ქალიშვილი, ვარდიკო, რომ კვდებოდა, ექიმთან გაქცეულიყო თქვენი მელქირა, იმდენი ეჭენებინა, რომ ტყუილა ვეღარც ვარდიკოს მოუსწრო ცოცხალს და ცხენიც კი გადაჰყვა თან.

— ბიჭო, ხომ არ დამთვრალხარ, რაებს მელაპარაკები, ვარდი-
კო რამ მოკლა?

— რამ, ბატონო, და საწყალი ქალბატონი რომ დაიწვა, იმის
ჯავრს ველარ გაუძლო.

— რა ღმერთი გიწყრება, ბიჭო! ქალბატონი რამ დაიწვა?

— აბა, არ გაგიგია, ბატონო! მთლად რომ გადაიწვა შენი სა-
სახლე, საშხარეულო, სასიბინდე და ყველაფერი, მაშინ დაიწვა
ქალბატონიც.

— როგორ მეუბნები, ბიჭო, ასეთ საშინელ ამბავსო?! — და წაი-
შინა თავ-პირში.

— შენ რა გიჭირს, ბატონო, დასტურ ბედნიერი ბრძანებულ-
ხარ, რომ აქ არ დაესწარი, თეარა თქვენც მოიკლავდით თავსო, ---
ანუგეშა მოჯამაგირემ თავისი ბატონი.

ფილოსოფოსი და ვირი

ერთი ფილოსოფოსი, ძველებური ჩვეულების მიხედვით,
ვირზე იჯდა და ისე დადიოდა სოფელ-სოფელ ხალხის დასამოდღე-
რებლად.

ერთხელ ღამის გასათევად შექორწილებს მიადგა კარზე.
იცნეს და მიიწვიეს სუფრაზე. ნეფე-დედოფლის სადღეგრძელო
რომ დალიეს, ფილოსოფოსსაც მიაწოდეს სასამისი და დააღვინეს
ნუნუა. მეორე სადღეგრძელოზე უარი განაცხადა სტუმარმა: მეტი
აღარ შინდა და ვერ დავლევო. აღარ მოეშენენ, ძალა დაატანეს და
დააღვინეს. მესამეზე ხვეწნა-ვედრებით შიმართეს: მართალია, არ
გინდა, მაგრამ პატივი გვეციო!.. შენი ჭირიმე, შენ გენაცვალე, თუ
გიყვარდეთო — და სხვანი.

ფილოსოფოსმა ამდენ მახვეწარს ხათრი ველარ გაუტეხა და ძა-
ლაუნებურად კათხას კათხაზე ცლიდა. ისე მოეკიდა ღვინო, რომ
იქვე უგრძნობლად სუფრის ქვეშ გაგორდა.

მეორე დღეს რომ გამოვლვიდა, შერცხვა: ეს რა მომივიდაო?
შეჯდა ვირზე და გამოიპარა შინისაკენ. გზაში ერთ პატარა მდინა-
რეს მიადგა. მიწყურვალმა ვირმა რომ წყალი ნახა, დალუნა თავი
და იმდენი სვა, სანამდის გული არ იჯერა; შერე კი აიღო თავი და
გაჩერდა. ფილოსოფოსმა უთხრა, დალიე კიდევო! ვირი არ გაინძრა.

— დალიე, გიბრძანებო! — შეუძახა. ვირმა მხოლოდ კული
გაიქნია და ყურები გააპანტურა. გადმოხტა მხედარი, დაუჩოქა და

შეხვეწა: თუ გიყვარდე, შენი ჰირიმი, შენ გენაცვალე, თუ ჩემი ხათრი გაქვს, დალიეო. ვირი არ ინძრეოდა, ყურადღებასაც არ აქცევდა პატრონის ხვეწნა-ვედრებას.

მაშინ ადგა ფილოსოფოსი და დიდი მოწიწებით თაყვანი სცა ვირს და მოახსენა: ვირი მე ვყოფილვარ, რომ სხვებს აყევი და. რაც არ მინდოდა, იმაზე მეტი დავლიე, შენ კი — ფილოსოფოსი. რომ ამდენი ხანი გეხვეწები და ვერ დაგიყოლიეო.

ნათლიმამის მარილი

ერთხელ, როცა უმარილობა იყო ქვეყნად და ხალხს უჭირდა. ერთმა კაცმა იშოვნა ერთი კაი დიდი მარილის ქვა და ნათლიდედას მიიბარა: შემოდგომამდე შემინახეო. ნათლიდედას ძალიან უჭირდა მარილი, მაგრამ ვერ ბედავდა პატარა ნატეხი მაინც მოეტეხა. ბოლოს, მეტი გზა აღარ იყო, აიღო მარილის ქვა და წყლით სავესე კასრში ჩადო გასარეცხად და ამ ნარეცხს ხმარობდა. როცა მლაშე წყალი გაუთავდა, კიდევ გარეცხა მარილის ქვა. მარილის ქვის გარეცხვა და მლაშე წყლის ხმარება მოეწონა ნათლიდედას და უფრო ხშირ-ხშირად დაუწყო ქვას რეცხვა. რომ იღეოდა მარილის ქვა, იმას კი აღარ უკვირდებოდა.

ერთხელაც მოაკითხა ნათლიმამამ ნათლიდედას მიბარებული მარილის ქვის წასაღებად.

— დილამშვიდობისა, ნათლიდედა!

— ღმერთმა მშვიდობა მოგცეს, ნათლი.

— აღბათ, ღვთის წყალობით კარგადა ხარტ ოჯახში, არა ნათლიდედა?

— ღვთის მადლით და შენი წყალობით კარგად, აგრემც შემოგვევლოს შენი ნათლიდედა.

— მაშ, რახან კარგად ხარტ, ერთი ჩემი მარილის ქვა გამომიტანე, ამ გაზაფხულზე რომ მოგაბარე, მინდა წავიღო, შემოდგომამა. ოჯახში ახლა უფრო საჭიროა, ჩემს პატივისცემას კი ღმერთი გადაგიხდის, ჩემო ნათლიდედა.

ნათლიდედა შეუძღვა ნათლიმამას მარანში მარილის ქვის მისაცემად. როცა ნახა ნათლიმამამ თავის მარილის ქვა, რომელიც ძალზე გაღუულიყო და გათეთრებულიყო, მიხვდა ნათლიდედას ეშმაკობას და ლექსად თქვა:

აბა ჩემო, მარილაო, დღეში სამჯერ ბანილაო,

ფერი კარგად გიცვლიაო, ტანი კი არ გიქნიაო.

ხელმწიფე და გლეხის ქალი

ბატონის და მეფის ხელში
ნუ დაეძებ სამართალსა;
არაკს გეტყვი, შიგ არ გავრევ
არც ტყუილს და არც მართალსა.

იყო და არა იყო რა, ღვთის უკეთესი რა იქნებოდა. იყო ერთი გლეხი, ჰყავდა გაუთხოვარი ქალიშვილი.

ერთ წელიწადს გლეხი მიწას ხნავდა. შემოუარა ათი კვალი და პეტერთმეტე უნდა დაეწყო, რომ სახნისი რალაცას წაშოედო და გუთანს ხაზი გააპრუდებინა. გლეხმა დააყენა ხარები, მივიდა იმ ადგილას და რას ხედავს! ხსულის შავ ნალარში ოქროს ფილი გდია. პირველად არ უჯერებდა თავის თვალებს, მაგრამ როცა ჩოხის კალთით კარგად გაწმინდა და გააპრიალა, მაშინ კი დარწმუნდა და სიხარულისაგან კინალამ გაგიჟდა.

გლეხმა გაანება თავი ხვნას და სახლისკენ გაეშურა.

შინ რომ მივიდა, ქალიშვილმა გაკვირვებით ჰკითხა: მამავ, რად უაბრუნდი, ნუთუ ასე ადრე მოათავე ხვნაო?

— რას ამბობ, შვილო, ღღეს ისეთი ბელი დამეცა, რომ ხვნაც დამავიწყდა და საკუთარი თავიც!

— რა, მიწაში ხაზინა ხომ არ იპოვე?

— აბა, შეხედე, განა ხაზინაზე უკეთესი არ არის! — უბასუხა გლეხმა და თანაც ძვირფასი ნივთი ხელში შეათამაშა.

— ეგ ხომ ოქროს ფილია! — გაკვირვებით წამოიძახა ქალიშვილმა.

— დიახ, შვილო, ოქროს ფილია, ოქროსი!

— მერე, რა უნდა ვუყოთ? რაში მოვიხმაროთ?

— როგორ თუ რა ვუყოთ! ჩვენს ხელმწიფეს მივართმევ და ამაში სამ დღიურ მიწას ვთხოვ.

— რას ამბობ, მამავ! ხელმწიფეს უნდა მიართვა?! იცოდე, ის წყალგაშორმა მოგედავება და ოქროს სანაყელსაც მოგთხოვს.

შვილი დიდხანს უშლიდა თავის მამას, რომ ხელმწიფისთვის არ მიერთმია ოქროს ფილი, მაგრამ მამამ შეაგლო ქვა და შეუშვირა თავი: ასეთი ძვირფასი ნივთი მხოლოდ მეფის საკადრისია და ამიტომ მას უნდა მიუტანო!

გლეხმა აიღო ფილი და წავიდა. მივიდა ხელმწიფესთან, ქუდ-პოხდილმა სალაში მისცა და მოახსენა: დიდებულო ხელმწიფევ, ეს ძვირფასი ნივთი თქვენი საკადრისია და საჩუქრად მოგართვითო.

— რა არის, რა ნივთია?

— ოქროს ფილია, შენი ჰირიმე!

— ოქროს ფილია?! — გაკვირვებით იკითხა მეფემ. — მე რე. სანაყელი რაღა უყავ?!
— მიწაში მარტო ეგ ვიპოვე, შენი ჰირიმე!

— რას აპზობ, ბრიყვო! სადაც ეს იპოვე, იქ სანაყელსაც იპოვიდი! წადი ახლავე და ისიც მომიტანე, თორემ მაგ მატყუარა ენას ქვით დაგინაყავ!

გლეხი დაღონდა. მაშინვე კი გაახსენდა თავისი ქალის დარიგება და ოხვრით ჩაილაპარაკა: ახია. შენზე, ჩემო თავო! რატომ ჩემს ქალს არ დაუჭერე.

ხელმწიფემ გაიგონა ეს სიტყვები და ჰკითხა:

— რა გითხრა შენმა ქალმა?

— ხელმწიფეს არ წაულო ეგ ოქროს ფილი, თორემ ოქროს სანაყელსაც მოგედავებო. — უპასუხა გლეხმა. — აი, აკი ამინდა კიდეც.

— შენმა შვილმა წინასწარ საიდან იცოდა, თუ მე სანაყელსაც მოგედავებოდი?

— ეპ, მე ვერ მოვიხმარე, თორემ, ვისაც ცოტაოდენი ჰქუა და აზრი აქვს, იმან წინასწარ იცის, ესა თუ ის საქმე რა ნაყოფს გამოიღებს.

— რაკი შენი ქალი ასეთი ჰკვიანი ყოფილა, წადი და ახლავე აქ გამომიგზავნე! — უბრძანა ხელმწიფემ.

წამოვიდა დაღონებული გლეხი სახლისაკენ. შოდიოდა და თავის თავს უსაყვედურებდა: არა. შე ოხერო ჩემო თავო, რაზე გადაიკიდე დარდი და ხათაბალა! ოქროს ფილი ხომ დავეკარგე და დავეკარგე. ოქროს სანაყელი ვალად დამედო, ჩემი ქალის ცოდვაში რაღა ჩავდექიო.

გლეხი შევიდა თუ არა სახლში, ამოიხრა, და თავის შვილს უთხრა: ეპ, ჩემო შვილო, რა მალე ამიცხადდა შენი სიტყვები. ხელმწიფეს შივართვი თუ არა ოქროს ფილი, ჰკითხა: ოქროს სანაყელი რაღა უყავით?! ისიც მომიტანე, თორემ ჩემი მოტყუებისათვის ენას ქვით დაგინაყავო! ჩემს დარდს გავუძლებდი, მაგრამ უბედურება ის არის, რომ შენი დარდიც დამემატა: წადი და შენი ჰკვიანი ქალი ახლავე აქ გამომიგზავნეო. ღმერთმა იცის, რა უძევს გუნებაში!

— ნუ გეშინია, მამაჩემო! ხელმწიფე, ალბათ, იმისთვის მბარებს, რომ ჩემი ჰქუა გამოსცადოს. წავალ, იქნება გავიმარჯვო

და ოქროს სანაყელის დარღვი მოგაშორო, — ანუგეშა შვილმა და წასასვლელად გაემზადა.

ქალი წავიდა. მივიდა ხელმწიფესთან, თავი დაუკრა და მოახსენა:

— რას მიბრძანებთ, დიდებულო ხელმწიფე!

— აბა, თუ ჭკვიანი ხარ, ახლა გამოჩნდება: ხვალ კვლავ გამოცხადდები ჩემთან, მაგრამ ისე, რომ არც შიშველი იყო და არც ტანისამოსი გეცვას, არც ფეხით მოხვიდე და არც სხვა რამით, რაც აღამიანებს სამგზავროდ აქვთ გამოყენებული. შეასრულებ ამ დავალებას, მამაშენს უკანვე დავუბრუნებ ოქროს ფილს, შენ კი ცოლად შეგირთავ, თუ არა, ენას მოგჭრი!

გლეხის ქალი დათანხმდა და წამოვიდა.

მეორე დღეს ქალმა დაიხალა ტანისამოსი, ჩაჯდა ბადეში, გამოება უკან ვიარს და ისე მივიდა ხელმწიფესთან.

ხელმწიფეს ძალიან გაუკვირდა ქალის ასეთი მოხერხება და, როგორც პირობა ჰქონდა მიცემული, ოქროს ფილი გლეხს დაუბრუნა, ქალი კი ცოლად შეირთო.

იმ დღიდან ცხოვრობდნენ ერთად მყუდროდ და ბედნიერად.

ხელმწიფე ხშირად ნამართავდა ხოლმე რჩევასათვის თავის ჭკვიან ცოლს და მისი დარიგება ყოველთვის კარგადაც უჯდებოდა.

ერთ წელიწადს მწყემსებს ცხვარი და ძროხა მთაში მიუდიოდნენ. ერთ დღეს შებინდებამ მათ ქალაქის მახლობლად მოუსწრო. მწყემსებმა მოსინჯეს ღამის გასათევი ადგილი, მოხადეს დატვირთულ ცხენებს ბარგი-ბარხანა და საქონელიც იქვე დააყენეს.

იმ ღამეს ერთი მეცხვარის ცხენმა კვიცი მოიგო, მეორე მწყემსმა მოიპარა ქორფა კვიცი და თავის ხარს ფეხზე გამოაბა.

გათენდა. ცხენის პატრონმა კვიცი მოიკითხა. მივიდა ხარის პატრონთან და უთხრა: ძმობილო, ამ კვიცს შენთან რა უნდა? წუხელ ჩემს მაკე ცხენს მოუგიაო.

— რას ამბობ! ეს კვიცი შენი ცხენისა კი არა, ჩემი ხარისაა. რომ იგებდა, თავზე ვადექ და, დედას რომ არ მოშორებოდა, მის ფეხზე მივაბიო, — უმტკიცებდა მეორე.

მწყემსებმა იდავეს, იჩხუბეს და, რომ ვერ შეთანხმდნენ, ხელმწიფეს მიმართეს.

ხელმწიფე იმჯერად კი არ დაეკითხა თავის ჭკვიან ცოლს და ასეთი განაჩენი გამოიტანა: რადგანაც კვიცი გათენებისას ხართან აღმოჩნდა, ამიტომ ის ხარს მოუგია და არა ცხენსო.

ცხენის პატრონი სასტად დარჩა, გაყვითლდა, ენა დაემა. გამოვიდა სასახლიდან გაბოროტებული, სიმწრისაგან ტუჩებს იკვნიტდა და თვალები ცრემლებით ევსებოდა.

სასახლიდან გამოსულ მწყემსს კარებთან ხელმწიფის ცოლი შემოეყარა წინ და ჰკითხა: ძმობილო, ასე მწარედ რაზე ხარ დაღონებულიო?

მწყემსმაც აღარ დამალა თავისი გულის ბოღმა და დაწვრილებით უამბო.

— ნუ გეშინია, შენი სიმართლე არ დაიკარგება და, როგორც დაგარიგო, ისე მოიქეცი: წადი, იშოვე საღმე ბადე, მოიტანე და ხელმწიფის სასახლის ეზოში გადაისროლე ბოღმე, ვითომ მებაღური ხარ. ხელმწიფე რომ დაგინახავს, გკითხავს: რას შვრები, ცარიელ მიწაზე თევზების დაჭერა შეიძლებაო?! შენ უპასუხე: დიდებულო ხელმწიფევე, თუ ცარიელ მიწაზე თევზის დაჭერა არ შეიძლება, ის კი შეიძლება, რომ ხარმა კვიცი მოიგოს—თქო?! ხელმწიფე მიხედება თავის შეცდომას და კვიცს შენ დაგიბრუნებს.

წავიდა მწყემსი, იშოვა საღმაც ერთი ძველი ბადე, მოვიდა სასახლის ეზოში და რამდენჯერმე გადაისროლა.

სწორედ იმ დროს ხელმწიფე გარეთ იყო გამოსული და, მწყემსი რომ დაინახა, გაუკვირდა და ჰკითხა:

— რასა შვრები, კაცო! ცარიელ მიწაზე თევზის დაჭერა ვის გაუგონია?!

— რატომ გაგიკვირდათ, დიდებულო ხელმწიფევე! თუ მიწაზე თევზის დაჭერა არავის გაუგონია, ის კი გაუგონია ვინმეს, რომ ხარმა კვიცი მოიგოს?

ხელმწიფეს მაშინვე გააჩვენდა თავისი უსამართლო განაჩენი, მაგრამ მწყემსის თვალში სახელი რომ არ გაეტეხა, გაბრაზებულმა უპასუხა:

— ხელმწიფის სიტყვა გარდუვალია! როცა ის ბრძანებს, რომ შეიძლება ხარმა კვიცი მოიგოსო, მაშ, შეიძლება!

მწყემსი გაბრუნდა.

— ეს მწყემსი, უსათუოდ, ჩემი ცოლის დარიგებულია, — თქვა ხელმწიფემ, — ის თუ თავიდან არ მოვიშორე, მთელ ხალხში სახელსა და ნდობას დამიკარგავსო.

ერთ ღამეს განგებ მოიბრაზიანა თავი და ცოლს წაეჩხუბა: შენთან ცხოვრება აღარ შემიძლია! ოღონდ გამშორდი და უფლებას

გაძლევ აარჩიო. ჩემს სახლში რაც კი შენს თვალ-გულს მოეწონება, და თან წაიღო.

— თუკი აღარ გინდა ჩემთან ცხოვრება, არც მე დაგატან ძალას, მხოლოდ ერთსა გთხოვ: დღემდე ტკბილად ვცხოვრობდით. გაყრითაც ტკბილად ვავიყაროთ. უკანასკნელად ერთად კვლევ ვცანით პურა და გზა დავულოცოთ ერთმანეთსაო.

ხელწიფეს გული მოუღბა ცოლის სიტყვებზე და დათანხმდა. ქალმა ქმრის ღვინოში ბანგი გაურია, თვითონ კი სუფთა ღვინო დაიდგა. ჰამეს პური. ხელმწიფე ჯერ ისევ სუფრასთან იჯდა, რომ ძილი მოერია და ხერინვა ამოუშვა. ქალმა შესვა ცხენზე ნამძინარევი ქმარი და თავისი მამის სახლში მიიყვანა.

მეორე დღეს ხელმწიფეს გაეღვიძა. ჰერსა და კედლებს მიაველ-მოველო თვალი და თავისთვის ჩაილაპარაკა: სადა ვარ? ნუთუ ეს ჩემი სასახლეაო?

— დიდებულ ხელმწიფე, შენ ახლა მამაჩემის სახლში ხარ, აქ გეძინა და აქვე გაიღვიძე, — უპასუხა თავით მჭდომმა გლეხის ქალმა.

— აქ რა მინდა?.. ან ვინ მომიყვანა?! — გაკვირვებით იკითხა ხელმწიფემ.

— როგორ თუ აქ რა გინდა! გუშინ ჩვენ რომ გავიყარეთ, შენ ხომ უფლება მომეცი: აირჩიე, რაც კი შენს თვალ-გულს მოეწონება. და თან წაიღეო. მე კი მხოლოდ შენ მომეწონე და მძინარე ჩემს სახლში წამოგიყვანე.

ხელმწიფე იმჯერადაც გააკვირვა გლეხის ქალის სიკვიანე-მოხერხებამ, მოეხვია და შერიგება სთხოვა.

იმავე საღამოს შესხდნენ ცხენებზე და დაბრუნდნენ სასახლეში; დაიწყეს ისევ ბედნიერი ცხოვრება.

ივანე და გოგია

იყო და არა იყო რა, რაც არ იყო, რა იქნებოდა. იყო ორი კაცი — ივანე და გოგია. ივანეს ფულის გასესხება უყვარდა, გოგიას კი ვალის გადახდა ეჭავრებოდა.

ერთხელ გოგია ივანეს ორ აბაზს ესესხა.

გავიდა დრო, ივანემ მოსთხოვა თავის მოვალეს ფული. გოგიამ

მიიპატიჟა სახლში, დაუკლა მსუქანი დედალი. კარგა აქეიფა და წასვლის დროს უთხრა: კვირას მოდი და მოგცემო.

კვირას კვლავ მივიდა ივანე თავის მოვალესთან. გოგიამ იმ დღესაც მიიწვია სახლში, დაუკლა ქათამი, აქეიფა კარგად და სუფრიდან ადგომის დროს უთხრა: კვირას მოდი და მოგცემო.

გოგიას ასეთმა საქციელმა მეტად გააბრაზა ცოლი და უთხრა: აცო, სად გაქვს ჭკუა! ჭერ მართო ქათამი ღირს ორი აბაზი, პურსა და ღვინოს რაღაზე მიხარჯავო!

— ეს ხარჯი მიჩვენია ვალის გადახდას. — უპასუხა გოგიამ, — მაგრამ ისიც ვიცი, რომ ივანე თავს არ დამანებებს, ამიტომ ეს ღონე უნდა ვიხმარო: როცა მოვიდეს და მიკითხოს, შენ თვალზე ხახვო მოისვი, თავი მოიჭირისუფლე და უთხარო: შენი ძმობილი გუშინ ვალის დარდისაგან მოკვდა-თქო.

როცა კვირა მოახლოვდა, გოგია ჩაწვა ლოგინში და წაიფარა პირზე საბანი.

მოვიდა ივანე და გოგიას ხრიხლიდან დაუძახა. ცოლმა მოისვა თვალეებზე ხახვი, მივიდა მოვალესთან და ტირილით უთხრა:

— შენი ძმობილი, გოგია, შენი ვალის დარდმა თან გადაიტანა, გუშინ თავის ანგელოზს მიაბარა სული!

— ვაი, შენ ჩემო ორო აბაზო! — წაიშინა თავში ივანემ, — არა, ჩემს ორ აბაზს თავს ვერ დავანებებ, ვერა! თან გამოგყვები, გოგია, თან! — შევიდა სახლში და მოვალეს თავით დაუჭდა.

წევს გოგია სულგანაბული.

— დედააცო, მოიტანე კუბო და საყდარში წამასვენეთ, მაშინ მაინც არ დამანებებს თავს! — უთხრა გოგიამ თავის ცოლს, როცა ჯდომისაგან შებეზრებული ივანე ერთი წუთით გარეთ გავიდა.

ივანე შემოვიდა და ისევ თავით დაუჭდა.

გოგიას სიკვდილი მთელმა სოფელმა გაიგო. ცოლმა გააკეთებინა კუბო. ჩაასვენეს შიგ გოგია, წაიღეს და სოფლის მოშორებით მდებარე ერთ ძველ საყდარში დაასვენეს. ხალხი გამობრუნდა, ივანე კი მაინც არ მოშორდა, დაჯდა კუბოს თავით და მოვალეს თვალვაშტერებით დასცქეროდა.

დაღამდა. საყდარში ისეთი სიბნელე ჩამოწვა, რომ კაცი თვალთან მიტანილ თითსაც ვერ დაინახავდა.

შუალამე გადაცილებული იქნებოდა. რომ ივანეს გარედან რაღაც ხმაური შემოესმა. შეეშინდა და საკურთხეველში დაიმალა. თურმე, ნუ იტყვი, ქურდებს ვილაცის ქონება გამოეტაცათ და გასაყოფად მოდიოდნენ. გატეხეს საყდრის დაკეტილი კარი, შევიდნენ

შიგ, აანთეს სანთელი და დაიწყეს ნაქურდლის გაყოფა. გაანაწილეს ყველაფერი, მხოლოდ ერთი ხმალი მოუვიდათ ზედმეტი და იმის გაყოფაზე ღონღებოდნენ.

— მოდი, ვინც ერთი დაკვრით აი, ამ კუბოს შუაზე გაჭრის, იმისი იყოს. ერთმა დაიძახოს: ერთი, ორი და მესამეზე დაჰკრასო, — თქვა ერთმა და სხვებიც დათანხმდნენ.

ამოაძრო ერთმა ქურდმა ხმალი და შემართა მალღა.

— ერთი!.. ორი!.. — თელა ველარ დაამთავრა, რომ წამოხტა კუბოდან შეშინებული გოგია და დაიძახა: ძველო და ახალო მკვდრებო, აბა, მომეშველეთო!

— აქა ვარ, აქა! — ხმა მისცა საკუროთხველიდან ივანემაც.

ქურდს გაუვარდა ხელიდან ხმალი და ზარდაცემული ყველა გარეთ გავარდა.

მთელი ქონება დარჩათ გოგიას და ივანეს. ახლა მათ დაიწყეს ნაძარცვის გაყოფა. ნაქურდალი ჩაყარეს ტომრებში, მოიკიდეს ზურგზე და, ის იყო, საყდრიდან უნდა გამოსულიყვნენ, რომ ივანეს მოაგონდა გასესხებული ფული და თავის მოვალეს უთხრა:

— მოიცა, ძმობილო, მომეცი ჩემი ორი აბაზი.

— არა, არ მოგცემ! — გაბრაზებით უპასუხა გოგიამ.

საყდარში წრეს უვლიდნენ: წინ გოგია მიდიოდა, უკან კი ივანე მისდევდა და ვალსა სთხოვდა.

შეშინებული ქურდები პირველად დამფრთხალი თხებივით უგზო-უქვლოდ გარბოდნენ, მაგრამ მალე ისევ გონს მოვიდნენ, შედგნენ და ერთმანეთს უთხრეს: კაცო, ჩვენ როგორი ქურდები ვართ, რომ მკვდრებისა შეგვეშინდაო. ან იქნება ჩვენმა თვალმა და ყურებმა მოგვატყუეს!.. მოდი, გავიგოთ სინამდვილეო.

ერთი, როპელიც უფრო გაბედული იყო, აღგა და წავიდა. ფრთხილად მივიდა საყდართან და პატარა სანათურიდან თავი გადაყო. ყაჩაღს კარგი ტყავის ქუდი ეხურა თავზე. როცა გოგიამ სანათურთან გაიარა, მოხადა ქურდს ქუდი, მიარტყა ივანეს სახეში და თანაც მიიძახა:

— აპა, შენი ორი აბაზი, არც ახლა დამანებებ თავს!

გულგახეთქილი ყაჩაღი გამოიქცა უკან და თავის ამხანაგებს დაწვრილებით უამბო ყველაფერი:

— სწორედ იმ დროს მივედი, როცა მკვდრები ჩვენს ნაძარცვს იყოფდნენ. ერთს ორი აბაზი დაჰკლებოდა და მეორეს ხმამაღლა ეჩხუბებოდა: მომეცი ორი აბაზიო! საყდარში გადავყავი თავი თუ

არა, მომადრეს ქუდი და, რომ არ გამოვქცეულიყავ, ალბათ, ტანი-სამოსსაც გამხდიდნენო!

ყაჩაღებს ახლა უფრო მეტად შეეშინდათ და ცხრა მთას იქით გადაიკარგნენ.

ივანესა და გოგიას კი დღესაც ისევ დავა აქვთ იმ საწყალ ორ აბაზზე.

შხალღური ხელმწიფე და ჭკვიანი გლეხის ბიჭი

იყო და არა იყო რა, ღვთის უკეთესი რა იქნებოდა. იყო ერთი საწყალი ცოლ-ქმარი, ჰყავდათ ერთი ვაჟი. მამამ თქვა: მე რომ ეგრე ვიტანჯები, მოდი და, ჩემს შვილს ვასწავლი, იმან მაინც კარგი ნახსო.

წაიყვანა და ერთ მეცნიერ კაცს მიაბარა. მშობლები პირიდან ლუკმას იღებდნენ და შვილს უგზავნიდნენ.

გავიდა ხანი, ბიჭმა სწავლა დაამთავრა და დაბრუნდა თავის ქვეყანაში. დიდხანს ეძებდა სამსახური, მაგრამ, რაკი გლეხის შვილი იყო, ადგილი არ მისცეს. დარჩა ისევ ღარიბი მშობლების შემყურე.

ბიჭი ძალიან დააღონა ცხოვრების უკუღმართობამ, ყველაზე მეტად კი მშობლების გაწეული ამაგი აწუხებდა.

ბევრი იღონა, ბევრი იფიქრა და, ბოლოს, თავის დედ-მამას გამოუცხადა: ჩემო მშობლებო, ასეთ გაჭირვებაში რომ ვცხოვრობთ, წავალ ჩემს თავს გავყიდი და იმ ფულით თქვენ მაინც ცოტა ხანს კარგად იცხოვრებთო.

— ეგ აზრი გულში თუ გქონდა, სიტყვიერად როგორ გამიბედე!.. ერთ ლუკმა პურს, როგორც იქნება, ყოველთვის ვიშოვით და თავს დავირჩინთ! — წყენით უპასუხა მამამ.

ბიჭმა მაინც თავისი არ დაიშალა და ერთ დღეს გაიპარა.

ბევრი იარა თუ ცოტა იარა, მივიდა თავიანთ ხელმწიფესთან და მოახსენა:

— დიდებულო ხელმწიფევე, ერთი საწყალი ტყვე ვარ, სხვა ქვეყნიდან გამოპარული, ან შემისყიდეთ, ან მოჯამაგირედ დამიყენეთ!

— რა ხელობა იცი?

— სიმართლეს გამოვიცნობ, არ მოგტყუვდები, — უპასუხა ბიჭმა.

— არაა ცუდი ხელობა. რას აფასებ შენს თავს?

— რაცა ვღირდე, ის მომეცით.

ხელმწიფემ ამოიღო ორი ოქროს თუმენიანი. გადაუგდო და უთხრა:

— ამაზე მეტი არა ღირხარ.

ბიკმა ის ფული თავის მშობლებს გაუგზავნა. თვითონ კი შეაგდეს ერთ ბნელ ოთახში და ხელმწიფის ბრძანებით დღეში ჭიქა წყალი და ერთი მჭადი დაუნიშნეს.

ერთხელ ერთმა გლეხმა ხელმწიფეს გამხდარი ცხენი მიუყვანა და უთხრა:

— დიდებულო ხელმწიფე, იყიდეთ ეს ცხენი.

— რას აფასებ?

— ათ თუმანს.

ხელმწიფეს გაახსენდა თავისი ტყვე და თქვა: მოდი, ვკითხავ და იმის სიმართლეს გავიგებო. გამოაყვანინა მოსამსახურეს და უთხრა:

— ამ ცხენში ათ თუმანს მთხოვს, ღირს?

ბიკმა შემოუარა ცხენს, ახედ-დახედა და უპასუხა:

— მართალია, გამხდარია, მაგრამ ღირს. მხოლოდ ერთი ზნე სჭირს: წყალში დაწოლა იცის.

ხელმწიფემ გამოართვა ცხენი, ჩააბარა თავის მეჭინბეებს და უბრძანა, ძლომაზე ეკმიათ ქერი და ქიშმიში.

გავიდა ერთი თვე, ცხენი ისეთი გახდა, რომ ვარსკვლავებს ეთამაშებოდა. ერთ დღეს ხელმწიფეს გასეირნება მოუნდა. შეაკაზმინა ნაყიდი ცხენი, გაიყოლა თან თავისი ვეზირები და გავიდა ტრიალ მინდორზე.

— შინდა, ჯერ სირბილში გამოვცადო ჩემი ბედაური, — თქვა ხელმწიფემ და მათრახი ჰაერში შეატრიალა. ცხენმა შეათამაშა ფეხები და მერცხალივით გაფრინდა.

— ბარემ წყალშიც გამოვცდი, — თქვა ხელმწიფემ და ახლა მდინარეში შეაგდო. შუა წყალში არც კი იქნებოდა შესული, რომ ცხენი უცბად ჩაწვა. ვეზირები მისცვივდნენ და ხელმწიფე ძლივს გამოიყვანეს. ცხენი კი ცურვით გაჰყვა წყალს და, როცა მოეწყინა, გავიდა ნაპირზე, ხელმწიფე შექდა ისევე ზედ და წამოვიდა. შინ რომ მოვიდა, გამოუძახა ნაყიდ ტყვეს და ჰკითხა:

— შენ რა იცოდი, რომ ამ ცხენმა წყალში წოლა იცოდა?

— ეგ ცხენი ფურკამეჩის გაზრდილია და წყალში წოლა ჯიშად მოსდგამს, თუ არა გჯერათ, მაგის პატრონს ჰკითხეთ, — უპასუხა ბიკმა.

ხელმწიფემ გაგზავნა კაცები და მოაყვანინა ცხენის პატრონი.

— შენეული ცხენი რა ჯიშისაა? — ჰკითხა მეფემ.

— ეგ ჯერ ისევ კვიცი იყო, რომ დედა მოუკვდა, ერთ ფურკამეჩს შევაჩვიე და იმან გაზარდა, — უპასუხა გლეხმა.

ხელმწიფემ თავის ტყვეს სასმელ-საჭმელი მოუმატა: დღეში კიქანახევარი წყალი და ერთი პური დაუნიშნა.

ბიჭი ამითაც კმაყოფილი დარჩა და თქვა: მადლობა ღმერთს, მე თუ ამ დღეში ვარ, ჩემი მშობლები ხომ მაინც კარგ პირობებში არიანო.

გავიდა რამდენიმე წელი. ხელმწიფესთან შოვიდა ვიღაც კაცი. გადაწოდა ადამიანის თვალი და უთხრა:

— დიდებულო შეფევ, იყიდეთ, ეს ნატვრისთვალია!

— რას აფასებ?

— რამდენ ოქროსაც აიწონის.

დადეს სასწორზე. ვეზირებმა მთელი ხაზინის ოქრო შეუწონეს, მაგრამ ვერ გაეგოთ, რა ხდებოდა. ხელმწიფემ გამოიძახა თავისი ტყვე და უამბო ეს საკვირველი ამბავი.

ბიჭმა აიღო თვალი, გააგორ-გამოაგორა მიწაზე და მოახსენა:

— აბა, ახლა შეუწონეთ!

შეუწონეს აბაზიანი და ახლა იმანაც კი გადაწონა. ხელმწიფეს გაუხარდა და კიდევ მოუმატა თავის ტყვეს სასმელ-სასმელი: ორი კიქა წყალი და პურნახევარი დაუნიშნა.

ბიჭი ამჯერადაც კმაყოფილი დარჩა და თქვა: მადლობა ღმერთს, მე თუ ამ დღეში ვარ, ჩემი მშობლები ხომ მაინც კარგ პირობებში არიანო.

გავიდა რამდენიმე წელი. ერთ დღეს ხელმწიფემ დაიბარა თავისი ვეზირები და უთხრა: ჩემი ქვეყანა უნდა შემოიაროთ და ჩემი მომდურავი ხალხი ყველა აქ მომგვაროთო.

ვეზირებმა მოახსენეს: ჩვენ სიმართლეს არ გვეტყვიან, დიდებულო ხელმწიფევ, დაგვიმალავენ, უკეთესი იქნება, თქვენი ტყვე გაგზავნოთ. იმან ყველაფერი იცის, სიმართლეს შეიტყობსო.

ხელმწიფემ დაიბარა თავისი ტყვე და უბრძანა: ჩემი ქვეყანა უნდა შემოიარო და, ვინც ჩემი მომდურავია, ყველა აქ მომიყვანო.

რა ქნას საწყალმა ბიჭმა, ხელმწიფის ბრძანებას როგორ გაეკტევა?

ბიჭი წავიდა თუ არა, მთელ ქვეყანაში მაშინვე გავრცელდა ხმა: მოდის ვიღაც სიმართლის შემტყობი კაცი ხელმწიფის უკმაყოფილო ადამიანების წასაყვანადო.

ხალხი დაღონდა, არავინ იცოდა, როგორ მოქცეულიყო — ყველა ხელმწიფის მომდურავი იყო. ბევრი იღონეს, ბევრი იფიქრეს და,

ბოლოს, ერთ გამოცდილ მოხუცს მიმართეს: დავვარიგე, როგორ მოვიქცეთო! იმან უთხრა: რა გაშინებთ, როცა ის კაცი მოვა, ყველამ ვთხოვოთ, შეგვიანახოს და ხელმწიფესთან ნუ წავგიყვანს; თუ ის ნამდვილად სიმაართლის მთქმელია, მხარს ჩვენ დავვიჭერსო.

ასე მოიქცნენ. ბიჭი წავიდა ხელმწიფის ბრძანების შესასრულებლად. ბევრი იარა თუ ცოტა იარა, მივიდა იმ ადგილას, სადაც მთელ ხალხს თავი მოეყარა. ჯერ ყველა ჩუმად იყო. მერე კი გამოვიდა ჰკვიანი მოხუცი და მოახსენა: ეს ხომ ვიცით, რისთვის ხარ გამოგზავნილი, მოდი, შეგვიანახე და ხელმწიფესთან ნუ წარგვადგენ, თორემ ყველას სახრჩობელა მოგველის, კანონიც მის ხელშია და ძალაცო.

ბიჭმა უთხრა: ნუ გეშინიათ, თუ მხარს დამიჭერთ, ხელმწიფე ვერც თქვენ დაგაკლებთ რასმე და ვერც მე, ყველანი თან გამომყევით და თქვენ მაგიერ მე ვიტყვი ყველაფერსო.

ხალხი შეფიქრანდა: რომ გავყვეთ, ვაითუ მიგვიტყუოს და სათითაოდ სახრჩობელაზე ჩამოგვკიდონო.

იფიქრეს, იღონეს და, ბოლოს, ისევ ჰკვიანი მოხუცს ჰკითხეს:

— შენ რას გვირჩევ, როგორ მოვიქცეთ?

— ხალხო! როგორც ეს კაცი გვირჩევს, ისე მოვიქცეთ. თუ გავყვიდა, დაე, ჩვენი და ჩვენი ცოლ-შვილის ცოდვა ამის კისერზე იყოს. ერთხელ დავბადებულვართ, ერთხელ მოვკვდებით, სხვას რას გვიზამენ!

ბიჭი გამობრუნდა და მთელი ხალხიც თან წამოიყვანა. ჯერ თვაითონ შევიდა ხელმწიფესთან და მოახსენა:

— დიდებულო ხელმწიფე, ბრძანება შევასრულე!

— აბა, რა შეიტყვე, მიაშბე!

— ჯერ პირობა მომეცით, რომ სიმაართლის მოხსენებისათვის არ გამიბრაზდებით!

ხელმწიფემ შეჰფიცა, რომ დამშვიდებით მოუსმენდა. ბიჭმა და იწყო: ხელმწიფე, ხალხი კარგი გყავს, მაგრამ თვითონ შენა ხარ უმადური! შორს რომ არ წავიდეთ, ჩემს თავზე ავიღოთ: ცოცხალი აღამიანი ორ თუმნად მიყიდე, გამხმარ ცხენში კი ათი თუმანი მიეცი. ესეც არაფერი! იმ გლეხმა ის ცხენი შენ დასახრჩობად მოგყიდა და სიკვდილს მე გადაგარჩინე, მაღლობის ნიშნად ნახევარი ჰიქა წყალი მომიმატე და ნახევარი პური. ესეც არაფერი! მეორე კაცმა თვალი მოგიტანა და იმ თვალში მთელი შენი ხაზინა მიჰქონდა. ის თვალი ხარბი კაცისა იყო, იმას შავი მიწის მეტი არაფერი გააძღებდა. მეც იმიტომ გავაგორ-გამოვაგორე და მიწა შევალოცე. აქაც

მე გიხსენ, შენ კი მადლობის ნიშნად ნახევარი ჭიქა წყალი მომიმატე
და ნახევარი პური. ესეც არაფერი! მთელი ქვეყანა შემოვიარე და
შენი მადლიერი კაცი ვერავინ ვნახე. აი, ის მომდურავი ხალხი თან
წამოვიყვანეო.

ხელმწიფე განრისხდა და ვეზირებს უბრძანა:

— სათითაოდ ჩამოახრჩეთ ყველა აკვნის ბავშვიც კი აზრ გაუშ-
ვით ცოცხალი!

— ხალხო, განაჩენი ჩვენ თვითონ გამოვუტანოთ ხელმწიფეს!—
დაიძახა ბიჭმა.

მართლაც, იგრიალა ხალხმა, დაიჭირეს უმადური ხელმწიფე,
მისი ნაზირ-ვეზირებიც და ყველა ერთად ჩამოახრჩეს.

ხელმწიფედ ის ბიჭი დააყენეს და იმ დღიდან ისეთი ბედნიერი
და მშვიდობიანი ცხოვრება დამყარდა, რომ მგელი თხას მეგობრობ-
და და კატა თავის ესარჩლებოდა.

სიმაართლე

ერთ ქვეყანაში ცხოვრობდა ორი მეგობარი — მეცხვარე და
სოვდაგარი. მეცხვარე ცხოვრობდა სოფელში და ჰყავდა უთვალავი
ცხვარი. სოვდაგარი კი ცხოვრობდა ქალაქში და ჰქონდა აუარე-
ბელი სიმდიდრე. როგორ ეცათ ერთმანეთისათვის პატივი, აღარ
იციოდნენ, მხოლოდ ერთ რამეში ვერ შეთანხმებულიყვნენ: იყო თუ
არა ქვეყანაზე ისეთი კაცი, რომელსაც ტყუილი არ ეთქვა.

ერთხელ, ერთმანეთს რომ შეხვდნენ, პურისქამის დროს ლაპარა-
კი კიდევ ამაზე ჩამოვარდა.

— ნამდვილად არ იქნება ისეთი ადამიანი, რომელსაც თავის სი-
ცოცხლეში ტყუილი არ ეთქვას? — თქვა სოვდაგარმა.

— ჩემო მეგობარო, — უპასუხა მეცხვარემ, — მე მყავს ერთი
ისეთი მწყემსი, რომელსაც თავის სიცოცხლეში ტყუილი არ უთქ-
ვამს და არც იტყვის.

— ვერ დავიჯერებ, რომ იმ მწყემსს საერთოდ ტყუილი არ
ეთქვას და ან არასდროს არ იტყვის, — უთხრა სოვდაგარმა. მე-
ცხვარე არწმუნებდა, სოვდაგარს არა სჯეროდა. ბოლოს, დანაძ-
ლევდნენ: თუ მწყემსი ტყუილს არ იტყოდა, სოვდაგარის ქონება
მეცხვარეს უნდა დარჩენოდა, და თუ მწყემსი ტყუილს იტყოდა, მე-
ცხვარის ფარა სოვდაგარს უნდა დარჩენოდა.

დასცილდნენ ერთიმეორეს და თავიანთ საქმეზე წავიდნენ. მეცხვარეს ცხვარი მთაში ჰყავდა და ასეთი წესი ჰქონდა, კვირაში ერთი-ორჯერ აღიოდა სანახავად და, როცა ფარესში მივიდოდა. მწყემსს მიმართავდა: გამარჯობა, ჩემო მწყემსო! როგორა ხარ, როგორ არის ჩემი ცხვარი და ჩემი ყოჩიო?

— გაგიმარჯოს, ჩემო ბატონო. მეც კარგადა ვარ, თქვენი ცხვარიცა და ყოჩიც კარგად არისო. — ეტყოდა ხოლმე მწყემსი.

მოხდენილი და მშვენიერი იყო ფარის წინამძღოლი ყოჩი. დიდრონი დაგრეხილი რქები და ამაყი სიარული, ჰკვიანი თვალები აორკეცებდა მის სილამაზეს. ამიტომაც მეცხვარეს იგი ძალიან უყვარდა.

სანაძლეოს დადების შემდეგ კარგა ხანმა გაიარა. ერთ დღეს სოვდაგარმა კარგი საგზალი მოამზადა. ღვინოც ბლომად იყიდა, ორი სხვა მეგობარიც დაპატიჟა და მთაში წავიდა მწყემსის სანახავად.

სოვდაგარი მწყემსს კარგად იცნობდა, მაგრამ მის ასეთ პატიოსნებაში არ იყო დარწმუნებული.

მწყემსმა მეცხვარის მეგობრის მოსვლა რომ გაიგო, დიდად გაუხარდა, პატივისაცემად ცხვარი დაუკლა და კარგადაც გაუმასპინძლდა. სტუმრებმაც თავიანთი ხურჯინებიდან საგზალი ამოალაგეს, ხის ჩრდილში დასხდნენ და ჭამა-სმას შეუდგნენ. სოვდაგარი მწყემსს ღვინოს აძალებდა და, ბოლოს, დაათრო კიდევც, თვითონ კი ფხიზლები იყვნენ. სოვდაგარმა მწყემსის სიმთვრალით ისარგებლა და უთხრა:

— თუ შენ ჩვენი პატივისცემა ვინდა, ფარაში ის ლამაზი ყოჩი რომ გყავთ, ის დამიკალიო.

— არა, ამას ვერ ვიზამო, — უპასუხა მწყემსმა, — ჩემს პატრონს ის ყოჩი ძალიან უყვარს, მთელ ფარას ურჩევნია, მერე იმას რაღა პასუხი გავცეო!

— შენს პატრონს უთხარი, რომ მეგლმა მომტაცა-თქო, — დაარიგა სოვდაგარმა.

მწყემსი დიდ უარზე იყო, სოვდაგარი კი არ ეშვებოდა. ბოლოს, რომ აღარაფერი გასდიოდა, ისევ ღვინო დააძალა და უფრო მეტად დაათრო, ისე რომ მწყემსს აღარაფერი გაეგებოდა და ყოჩი დააკვლევინეს.

იმ დამეს იქ დარჩნენ, დილით ადრე ადგნენ, მწყემსს კვლავ ურჩიეს — პატრონისათვის სიმართლე არ ეთქვა. გამოეთხოვნენ და გახარებულები ქალაქს წავიდნენ.

გამოფხიზლებული მწყემსი მიხვდა თავის შეცდომას და დიდად

შეწუხდა, საგონებელში ჩავარდა. აღარ იცოდა, რა პასუხი გაეცა მეცხვარისათვის.

დიდი ხნის ფიქრის შემდეგ მინდვრად გავიდა, მიწაში ერთი მაღალი ჯოსი ჩაარჭო, ზედ თავისი ნაბადი წამოასხა, ქულიც დაახურა და ისე მოიჩვენა, ვითომ ის მწყემსი იყო, თავისი თავი კი მეცხვარედ წარმოიდგინა; შორს წავიდა, მერე ისევ მობრუნდა, ჯონთან მივიდა და უთხრა:

— გამარჯობა, ჩემო მწყემსო! როგორა ხარ, როგორ არის ჩემი ცხვარი და ჩემი ყოჩი?

— მე კარგად ვარ, ჩემო ბატონო. ცხვარიც კარგად არის, მაგრამ შენი ყოჩი წუხელ მგელმა მომტაცა.

ამ ტყუილის თქმით მწყემსი დიდ უხერხულობაში ჩავარდა. შერცხვა.

ასე რამდენიმეჯერ გაიშეორა, მაგრამ ვერა და ვერ შეეგუა ტყუილის თქმას და, ბოლოს, გადაწყვიტა: როცა პატრონი მოვიდოდა, ყველაფერი სიმართლით ეთქვა.

ამასობაში მეცხვარეც მოვიდა და მწყემსს უთხრა:

— გამარჯობა, ჩემო მწყემსო, როგორა ხარ, როგორ არის ჩემი ცხვარი და ჩემი ყოჩი?

— კარგად ვარ, ცხვარიც კარგად არის, მაგრამ შენი საყვარელი ყოჩი აღარა მყავს. გუშინ სალამოს შენი მეგობარი სოვდაგარი და მისი ორი მოკეთე მესტუმრნენ. კარგი პატივი ვეცი, იმათ ღვინით დამათვრეს, შემაცდინეს, შენი საყვარელი ყოჩი დამაკვლევინეს და თან დამარიგეს, შენთვის ტყუილი მეთქვა, ვითომ ყოჩი მგელმა მომტაცა; ასე შემაცდინეს, შენი ჭირიმე. ახლა რაც გინდა, ის მიყავი, როგორც გუნებოს, ისე შემრისხე, რა ვქნა, მე ჩემს სიცოცხლეში ტყუილი არ მითქვამს და ვერც თქვენ მოგახსენებო.

მეცხვარეს, მართალია, ყოჩის დაკვლა ძალიან ეწყინა, მაგრამ უთხრა: ნუ სწუხარ, ჩემო ძმაო, მადლობელი ვარ. რომ ტყუილი არ მითხარი, მაგ შენი სიმართლით ჩემს თვალში უფრო ამაღლდი და თან მეც სანაძლეო მომაგებინე, დღეიდან ეს ჩემი ცხვრის ფარა შენი იყოსო.

ცხვრის ფარა მწყემსს ჩააბარა და თვითონ ქალაქისკენ გაეშურა.

მეცხვარე სოვდაგართან მივიდა, მოიკითხა და ასე უთხრა: აკი ამბობდი, ქვეყანაზე არ მოიპოვება ისეთი ადამიანი, რომ ტყუილი არ ეთქვასო. ჩემმა მწყემსმა ყველაფერი სიმართლით მიაბზო: თუ როგორ დაათვრეთ და ყოჩი დააკვლევინეთ, მერე დაარიგეთ, თითქოს ყოჩი მგელმა მოიტაცაო, ასე ეცრუა ჩემთან. იმან ტყუილის

თქმა ვერ გაბედა, იმიტომ რომ სინდისმა შეაწუხა; სიმართლის თქმაზე უკეთესი ცხოვრებაში არაფერი არ არის. შეიძლება კაცი ღარიბი იყოს, მაგრამ სიმართლის თქმისა არ ეშინოდეს. ტყუილს, ჩემო კარგო მეგობარო, მოკლე ფეხი აქვს, ტყუილის თქმა ქურდბაცა და ავაზაკ კაცს სჭირდება, პატიოსან ადამიანს კი სიმართლის თქმა სწორ გზაზე აყენებს და თავის შეცდომებს ასწორებინებს. ახლა, შენ ჩემო მეგობარო, სანაძლეო წაგებულნი გაქვს. ჩემი ცხვარი სიმართლის თქმისათვის ჩემს მწყემსს ჩავაბარე, პირობის თანახმად კი შენი ქონება მე მეკუთვნისო.

რალას იზამდა სოვდაგარი, სანაძლეო წაგებულნი ჰქონდა, თავისი ქონება მეცხვარეს ჩააბარა, მეცხვარემ მისი ქონების ნახევარი ისევ სოვდაგარს დაუბრუნა და ცხოვრობდა სიმართლით.

ა ნ დ ა ზ ა: სიმართლეთა თქვა — ურმით დავდივარ, მაგრამ ბედაურზე მჯდომ კაცსაც კი დავეწევიო.

მატყუარა მკითხავი

იყო მეთად ზარმაცი კაცი. ზამთარში ცეცხლის პირს არა შორდებოდა. ზაფხულში მკვდარივით იდო, ეძინა და ბუზები ჭამდნენ.

ერთხელ ცოლმა ვედარ მოითმინა და მოატყუა: კაცო, გადი გარეთ, ღმერთი ქადა-პურსა ყრისო. გაიტყუა და ჩაუტეკა კარები, აღარ შეუშვა. ზარმაცი აივლის გზაზე და ჩაივლის მთქნარებით. ორი კაცი შეხვდა და უთხრა: მეფის გამოგზავნილები ვართ, მან ოქროსტარიანი ხანჯალი დაკარგა და კარგი მკითხავი ხომ არსად გეცოდინებო.

-- მე თვითონ მკითხავი ვარ, — უთხრა ზარმაცმა, — ხანჯალი წყალში გდიაო.

მაშინვე მოახსენეს მეფეს: მკითხავმა გვითხრა, წყალში გდია ხანჯალიო.

მეფეს გაახსენდა, იმ ცოტა ხანში წყალზე მოუხდა გადასვლა და ხალხი გაგზავნა საძებნელად. ხანჯალი მართლა წყალში იპოვეს.

მეფე ყოველ წელიწადს ხაზინიდან აუარებელ ოქრო-ვერცხლს კარგავდა. ეს ვითომ მკითხავი დაიბარა, სანამ მოვიდოდა, ყუთში კალიები ჩააშწყვდია და იფიქრა, თუ ამ კალიებს გამოიცნობს, ნამდვილ ქურდებსაც გამოიცნობსო. უთხრა მკითხავს: აბა, ამ ყუთში რა არისო?

ზარმაცი კაცი საგონებელში ჩავარდა. მოაგონდა ერთი ლექსი და თქვა:

ახტი, კალია, დახტი, კალია,
ვაი, შენ, ჩემო თავო,
რა ძალად მოგკალია.

მეფესთან ერთად ნაზირ-ვეზირებმა დაიძახეს: გამოჩენილი გულ-თმისანი მკითხავი ყოფილაო! მეფემ უბრძანა: ხაზინის ქურდებიც გვაპოვნინე და კარგად დაგასაჩუქრებო. მკითხავს შიშით გააცივ-გაცხელა და უთხრა: ერთი კვირა დამაცადეთო.

გავიდა ერთი კვირა. ქურდების ასავალ-დასაქალსაც ვერ მიაგნო და რა უთხრას მეფეს. ცოლს სთხოვა, ნაზუქი გამოეცხო, მეფისათვის მიერთმია და ბოდიში მოეხადა, რომ ქურდები ვერ აღმოაჩინა.

სალამო ეამზე შევიდა სათონეში და ჰკითხა ცოლს, რამდენი ნაზუქი გამოაცხვეო. ერთი ნაზუქი თონის თავზე იდო. ცოლმა უთხრა: აი, ეს ერთი, ცხრამეტიც სახლში შევიტანე, ოცი იქნებო.

სწორედ ამ სიტყვების დროს ბანზე გაიარა ერთმა ქურდთაგანმა. გაიგონა, გაიქცა და უთხრა ამხანაგებს: დავილუპეთ, გაუფიათ, რომ ხაზინის ქურდები ოცნი ვართ. ეს არის, ახლა მკითხავის სახლში ლაპარაკობდნენო.

ქურდები მივიდნენ მკითხავთან და სთხოვეს, არ გაეცა ქურდები და ქრთამს რამდენსაც მოითხოვდა, მიართმევდნენ. მკითხავი მაინც მივიდა მეფესთან და ოცივე ქურდი მისცა ხელში. მეფემ მრავალი სიმდიდრე, ოქრო-ვერცხლი უბოძა და მკითხავის სახელიც ერთი ათად გავარდა.

ჰატარი და ლარიზი ცოლ-ქმარი

ღატაკ ცოლ-ქმარს ერთი ვაჟიშვილი ჰყავდათ და ერთი ბერწი ძროხა. შვილს უთხრეს: შვილო, წაიყვანე, ძროხა, ბაზარში აატარ-ჩაატარე, სამ თუშნად თუ გაყიდე, ჰირნახული ვიყიდოთ, მშვივრები ხომ არ დავიხოცებითო.

შვილმა წააბა თოკი და ჩაატარა ბაზარში. დაინახა ერთმა ვაქარმა და დაუძახა: მოიყვა ეგ ხბო, მე მომყიდე, სამ მანეთს მოგცემო.

ბიჭმა უთხრა: ხბო კი არ არის, ძროხაა და სამ მანეთად როგორ მოგცემო.

ჩაატარა. გამოვიდა მეორე ვაჭარი.

— ბიჭო, ბიჭო, ეგ თხა სადღა მიგყავს, მომყიდე. ორ მანეთს მოგცემო.

ბიჭმა უთხრა: საიდან არის თხა, ძროხაა, ორ მანეთად ძროხას ვინ მისცემსო.

ჩაატარა. კიდევ დაედევნა მესამე ვაჭარი: რაღას ახეტიალე ამ ციკანს, მანეთს მოგცემო. ბიჭმა უთხრა: ციკანი კი არ არის, ძროხაა. ძროხა როგორ უნდა მოგცე მანეთად, სამ მანეთად არ მივეციო.

ბიჭმა იფიქრა, იქნება ის სამი მანეთიც დავეკარგო და სხვა ვაჭრებმა ათი შაური, აბაჯი შემაძლიონო. აატარა პირველ ვაჭართან, სამ მანეთად მიჰყიდა.

სახლში ძალიან გაუჭავრდნენ. ბოლოს, მამამ უთხრა: წადი, უთხარი ვაჭარს, ვისაც ძროხას მივეყიდლით, კუდი ჩვენთვის უნდა მოეცა, თუ არ მოგცემ, აჰა, სამი მანეთი უკანვე წაიღე-თქო.

ვაჭარმა ძროხა ვერ გაიმეტა, მოსჭრა კუდი, მისცა. მამას უნდოდა შვილისთვის კუდით ეცემა, მაგრამ იფიქრა, ჩემი შვილი რომ მოკვლა, ვაჭრებს რა დააკლდებათო. იშოვა ფული, გააკეთა კარგი საკმელები, სახლში ამოთხარა სამი პატარა ორმო, ჩადგა საკმელები, წააფარა მიწა. დაპატიჟა სამივე ვაჭარი, გაშალეს სუფრა, დაჰკრა ბარი ერთ ორმოს, ამოიღო საკმელი; დაჰკრა მეორე ორმოს, ამოიღო საკმელი; დაჰკრა მესამე ალაგს, ამოიღო საკმელი. ვაჭრები ხარბად ჰამდნენ და უკვირდათ: ამისთანა გემრიელი საკმელები საიდან ჩხდება მიწაშიო. მასპინძელმა უთხრა: ეს ბარი ისეთი თილისმიანი გახლავთ, რომ, როცა მინდა, დავეკრავ მიწას, ამოვა საკმელებიო.

ვაჭრები შეევაჭრნენ: ჩვენ მოგვეყიდე, რამდენი მოგცეთო? მასპინძელი ვითომ არ ყიდდა ბარს, ბოლოს ათ თუმნად მისცა. წაიღეს ბარი, მოუვიდათ ჩხუბი ვაჭრებს, არა ჩემი უნდა იყოს, არა ჩემიო. როგორც იყო, მორიგდნენ, რიგრიგობით ვინმაროთო. მიიტანეს შინ. დაჰკრეს მიწას, საკმელი არ აღმოჩნდა, მთელი სახლის მიწა სულ დაბარეს, მაგრამ საკმელს რა გააჩენდა.

მეორე დღეს საჩხუბრად წავიდნენ ბარის პატრონთან. კაცმა იცოდა, ვაჭრები მიეჭრებოდნენ, იყიდა ორი კურდღელი. ცოლს ერთი კურდღელი დაუტოვა და უთხრა: საკმელი გააკეთე, სუფრა გაშალე, სადილი მზად გქონდეს. ვაჭრები რომ მოვიდნენ, ჩემთან, მინდორში ჩამოასწავლეო. მეორე კურდღელი წაიყვანა.

ვაჭრები მივიდნენ ყვირილით. ცოლმა მინდორში გაგზავნა. ვაჭ-

რებმა ჩხუბი დაუწყეს, რად მოგვატყუე. მიწა სულ გადავთხარეთ და საკმელები არ აღმოჩნდაო!

კაცმა დაუწყო: თქვენ მოგნდომებიათ ბარი ყოველდღე საკმელებს გაძღვედეთ, ის კი კვირაში ერთხელ იძლევა საკმელსო.

ვაჭრები დარწმუნდნენ. კაცმა ისინი სახლისაკენ წაიყვანა. გაუშვა კურდღელი და დაუბარა: ჩემ ცოლს უთხარი, სანამ მოვიდოდეთ, სუფრა გაშლილი დაგვხვდეს, სტუმრები მომყავს-თქო.

კურდღელმა მოუსვა. ვაჭრები განცვიფრდნენ კურდღლის გონიერებაზე და მასპინძელს სთხოვეს. მოგვეციდეო. მორიგდნენ ათ თუმნად, წაიყვანეს.

გზადაგზა სტუმრები დაპატიყეს. გაუშვეს კურდღელი და უთხრეს: აბა, კურდღელო, ჩვენ ცოლებს უთხარი, სტუმრები მოგვეყავს და სანამ მოვიდოდეთ, სუფრა გაშლილი დაგვხვდეს-თქო.

მივიდნენ სახლში: არც კურდღელია, არც სუფრა გაშლილი. ჰკითხეს ცოლებს: კურდღელი სად არის, რომ გამოგიგზავნეთო? ქალებმა უთხრეს: კურდღელი ჩვენთვის არავის მოუყვანიაო.

ვაჭრებს შერცხვათ სტუმრებისა. გაჯავრებულნი გაეშურნენ ამ გლებთან, რომელმაც მათ კურდღელი შეატყუა.

კაცმა გააკეთა სტვირი, ცოლს ყელზე სისხლით სავსე ბუშტი შეაბა და უთხრა: ვაჭრები მოვლენ, მე სტვირს დაუყარავ, შენ დაამღერე. მერე დანას გაგისვამ ყელში, ბუშტს გაეჭრი, სისხლი გადმოგივა, წაიქეცი, მოიმკვდარუნე თავი. ერთ ხანს სამგლოვიაროს დაუყარავ, შემდეგ სამხიარულოს. შენ წამოხტი და დაიწყე თამაშობაო.

გათავა დარიგება და ვაჭრებიც მოეჭრნენ. კაცმა თავის მართლება დაიწყო: ჯერ უნდა სახლში გაგეშინაურებინათ, რა იცოდა თქვენი სახლი, სხვასთან მივიდოდაო.

გაშალა სუფრა. ჰამენ პურს. მასპინძელმა დაუკრა სტვირი, ცოლმა დაამღერა. ქმარი გაუჯავრდა, კარგად არა მღერიო, მივარდა დანით, ყელში გამოუსვა, ცოლი ძირს დაეცა, სისხლი გადმოსჩქეფს. კაცმა ჯერ დაუკრა სამგლოვიარო, მერე — სამხიარულო. ქალი წამოხტა და თამაში დაიწყო.

ვაჭრები კინალამ გადაირივნენ გაკვირვებისაგან. დაუწყეს ხვეწნა: რახან კურდღელი დაგვარგეთ, სტვირი მაინც მოგვეციდეო. გლები არ იმეტებდა, მაგრამ, როგორც იყო, დაიყოლიეს კარგ ფასში. კაცი შვილს ვაჭრების მოსვლისას მალავდა, რომ არ ეცნოთ.

ვაჭრებმა მიიწვიეს სტუმრები. დაუკრეს სტვირი, დაამღერეს ცოლებმა. ვაჭრებს გული მოუვიდათ, რატომ კარგად არ დაამღერეთო, მივარდნენ, დანებით გამოსჭრეს ყელები. ცოლები დავარდნენ

ძირს. დაუკრეს სამგლოვიარო, მერე — სალხინო. ქალები არ ინძრე-
ოდნენ. უკრეს, უკრეს, მოილაღნენ. ნახეს ცოლები, ანძრიეს, ასული-
ერეს, მაგრამ მკვდრებს როგორღა გააცოცხლებდნენ. შექნეს ტირი-
ლი, თავში ცემა.

დაწნეს გოდორი, მიიტანეს კაცთან გინება-ლანძღვით: ცოლები
რად დაგვახოცინეო. ჩასვეს გოდორში, გადაუხლართეს თავი, მი-
აქვთ. უნდა მალლა სადმე მთის წვერზე აიტანონ და გადააგდონ
ხრამში. ერთ მინდორში დააგდეს გოდორი და ხრამის დასათვალე-
რებლად წავიდნენ. გოდორში კაცი ფართხალებს და იძახის: არ
წავალ, არ მინდა, არ მინდა!

მეცხვარეს ცხვარი მიუღის, გაიგონა გოდრიდან კაცის ბუტბუ-
ტი. მივიდა, ჰკითხა: კაცო, ვინა ხარ, გოდორში რას ტუტუნებო?

— რას ვტუტუნებ და იმას, რომ ჩამციებიან, გინდა თუ არა,
ხელმწიფის ქალი შეირთეო. რად მინდა ხელმწიფის ქალი, რა ჩემი
საქმეა ხელმწიფის სიძეობაო?

— ეს ცხვარი შენი იყოს, ამოგიყვან, მე ჩავვდები, ხელმწიფის
ქალს მე შევირთავო, — უთხრა მეცხვარემ.

— კარგი, გადამიხსენ თავი, — ამოსძახა კაცმა.

ჩაჯდა მეცხვარე, გადაუხლართა თავი კაცმა, გაუძღვა ცხვარს
ვაჭრები მივიდნენ, წამოიკიდეს გოდორი, აიტანეს კლდეზე და გადა-
აგდეს. არხეინად წამოვიდნენ: ჯავრი ამოვიყარეთო. წინ შეხვდათ
კაცი ფარა ცხვრით. ვაჭრები განცვიფრდნენ. იმ სიმაღლე კლდიდან
ხრამში გადაგაგდეთ და კიდევ ცოცხალი გადარჩიო, ან ამოდენა
ცხვარი სად იშოვეო!

— თქვენ გეგონათ მოკვდებოდო? ძირს სულ დოშაკ-დორები
ფენიო და ფარა და ფარა ცხვარი დადის. აი, ეს ცხვარი იქიდან წამო-
ვასხი, — უთხრა კაცმა. ვაჭრებმა სთხოვეს: რახან ეგრე ყოფილა,
გოდორი დაგვიწანი, ჩავსხდებით და გადაგვაგდეო.

კაცმა დაწნა დიდი გოდორი, ვაჭრებიც მოიშველია. აიტანეს
კლდეზე, ჩაჯდა შიგ სამივე ვაჭარი. კაცმა გადაუხლართა პირი, ჰკრა
წიხლი და გადაუძახა უფსკრულში. თვითონ წამოასხა სახლში ცხვა-
რი და იძახოდა გზადაგზა: ახლაც გაყვლეფთ ხალხს? ახლაც მოა-
ტყუებთ ხალხსო?

თავის მაგიერ დალუპული მეცხვარე ენანებოდა. მაგრამ იმის
კოდვასაც ვაჭრებს ახვევდა თავს.

ორი სილა

იყო ერთი ღარიბი კაცი. მეტი სიღატაკისაგან კინალამ მიიხრწნა. იფიქრა: რაც იქნება იქნება, უნდა ხელმწიფეს მოვახსენო ჩემი გაპირვება. ან იქვე მომკლას, ან საზრდო გამიჩინოსო.

ჩისვა მშვიერი კატა გულაში და გასწია. კარისკაცი არ უშვებდა ხელმწიფესთან, მაგრამ, როგორც იყო, დაჰყვა ნებას, იმ პირობით, თუ შუაზე გაუყოფდა, რასაც ხელმწიფე აჩუქებდა.

გლებმა ამოუშვა კატა. მშვიერი კატა ეცა კედლებს, დარბოდა აქეთ-იქით კნავილით. ხელმწიფემ ჰკითხა მისვლის მიზეზი. ღარიბმა მოახსენა: გიახვლით, რომ ორი სილა გამკრათო.

ხელმწიფეს გაუკვირდა, რა სათხოვარი იყო სილის გაკვრა, მაგრამ კაცი იმდენს ეხვეწა, რომ ორი კარგი სილა გააჩუქა. ღარიბმა მადლობა გადაუხადა, ჩისვა კატა გულაში, გავიდა. კარისკაცი მიეგება მხიარულად: აბა, რა მიიღე, ჩქარა გამიყავიო! გლებმა ლაზათიანი სილა სტკიცა. შეიქმნა ჩხუბი. ხელმწიფეს შეესმა, გამოვიდა. ჰკითხა, რაზე ჩხუბობთო. გლებმა უთხრა: — ხელმწიფევე, თქვენთან არ მიწვევდა ეს კაცი, სანამ რასაც მიბოძებდით, შუაზე არ გავუყოფდი. იმიტომ გთხოვეთ ორი სილა, რომ ერთი ამას რგებოდაო.

ხელმწიფეს მოეწონა გლების მოქმედება და კარგად დაასაჩუქრა. კარისკაცი კი შერცხვენილი დარჩა.

ვირის მაძებარი

იყო ერთი გლები, რომელსაც ჰყავდა ერთი ვირი. გლები, როცა ფქვილი შემოელეოდა, გადაჰკიდებდა ვირს სიმიანდს და წისქვილში გააგზავნიდა. ვირი დაფქვავდა და ისევ მოიტანდა.

ერთხელ გლებმა გაატანა სიმიანი დასაფქვავად. ვირმა გზაში ბალახობა დაიწყო, შეხვდა მგელი და შეჰკამა ვირი. გლებმა უცადა, უცადა ვირს და მერე წამოვიდა საძებრად.

პირველად წისქვილში მოვიდა და ჰკითხა მეწისქვილეს: ჩემი ვირი სად არისო? მან უპასუხა ხუმრობით: აქ არ იყო ცარიელი წისქვილი და ზევით წისქვილში წავიდაო.

წავიდა გლები ზევითა წისქვილში. იქაც მეწისქვილემ ხუმრობით უთხრა: შენმა ვირმა სიმიანი გაყიდა, იყიდა ჯორი, შეჭდა ზედ და პეტერბურგისაკენ წავიდაო.

გლებმა დაუჯერა, დაბრუნდა სახლში, ჩაიღო საგზალი და წავიდა პეტერბურგში.

შეხვდა ხუთი კინტო და ჰკითხეს: სად მიდიხარო? გლებმა უამბო, რომ მისმა ვირმა ჯორი იყიდა მისი სიმიწით, შეჯდა და პეტერბურგში წავიდა.

კინტოებმა იფიქრეს, რომ ან ჩვენზე უკინტოესი არისო, ანდა მთლად გამოუცდელიაო. მაგრამ ბოლოს მიხვდნენ, როგორც იყო საქმე და უთხრეს: შენი ვირი პეტერბურგს კი არ წასულა, არამედ, აგერ რომ სამსართულიანი სახლია, იქ შესულა, გამოწყობილა კაცივით და სკამზეა წამოკიმულიო.

იქ მართლა იჯდა კაცი. იშოვა გლებმა ბაწარი და შევიდა სახლში. მიეპარა ამ კაცს, გადააცვა კისერზე და წაუჭირა ყელში. ჰკითხეს გლებს: რატომ შერები ამასო? გლებმა უპასუხა: ეს ჩემი ვირი არისო, აქ გამომეპარა და უნდა წავიყვანო. მოჰკიდეს ხელი გლებს და ცემით გააგდეს კარში.

საწყალი გლების ნიყვები

საწყალმა ღარიბმა გლებმა ნიყვები იპოვა. თქვა: ამის შექმით რა მომემატება, მეფეს მივართმევ და დამაჯილდოვებსო.

წაიღო ნიყვები და მეფეს მიართვა. ნიყვები გლებს ჩამოართვეს, შეწვეს საჩქაროდ, მეფეს მიართვეს. გლები კარებს უკან ალოდინეს.

როდესაც შემწვარი ნიყვი მეფეს მიართვეს, საწყალმა გლებმა წამოიყვირა:

ვაიმე, ჩემო ნიყვო!
ჩემო თავო ბრიყვო!
შენ მეფის წინ იყო და,
მე კარებს უკან ვიყო!
ოდეს გნახო, ნიყვო,
პირში ყლუწი გიყო!

მეფემ ეს სიტყვები გაიგონა და ბრძანა: მომგვარეთ, ვინ არის ამის მთქმელიო?

მეფესთან მიიყვანეს.

— რა იყო, ეს სიტყვები რომ წამოიძახეთ?...

— ბატონო, მე ნიყვი კი არა მძულდა; ეს ნიყვი იმიტომ მოგარ-
თვით, თქვენგან წყალობას მოველოდი. წყალობა კი არა, შიმშილით
კარებს უკან მალოდინესო.

ამაზე მეფე გაუჩავრდა თავის ქვეშევრდომებს: სიარცხელი რად
მაჰამეთო?

მეფემ დიდად დაასაჩუქრა და განხარებული გამოუშვა საწყალი
ღარიბი გლეხი.

საწყალი გლეხი ამბობდა: ალაგ თქმა ჯობს უთქმელობას, ალაგ
თქმითაც დაშავდებისო.

დედაბერი და ხბო

იყო და არა იყო რა, იყო ერთი დედაბერი, ჰყავდა ერთი ძროხა
და ერთი ხბო.

ერთხელ ძროხა რომ მოწველა, ხბო გარეთ გამოუშვა და თვი-
თონაც გამოჰყვა. იმ დროს ჯორიანმა კაცმა ჩამოიარა, ხბოს თვალი
უქცია და წაიყვანა, მაგრამ ხელით კი არა, ჯორს გააყოლა, ვითომც
ჯორის შვილი ყოფილიყოს. დედაბერი გამოუდგა: ხბო რად მიგყავს,
ჩემიაო. კაცმა უთხრა: რას ლაპარაკობ, შენი რად იქნება, ჯორის ნა-
შობია. თუ აგრე არაა, წადი და მიჩივლეო.

საწყალი დედაბერი ადგა და სოფლის მამასახლისს შესჩივლა.
მამასახლისი თურმე ბრმა იყო. ის იყო ჯორის პატრონიც
მოვიდა. ხბო ფეხებში უხტოდა ჯორსა და ძუძუს ულოკავდა. მეჯო-
რემ ბრმას ჰკითხა: ჩემი საქმისა რა გაარიგეო?

— დამაცა, აგერ ერთი შემომტირის, თევზებმა ოთხი ქცევა
ნათესი შემიკამესო.

კაცმა უთხრა: თევზებისაგან ყანის ჭამა სად გაგონილაო?

— ან ის სადღა გაგონილა, რომ ჯორი ხბოს შობდესო, — მიუგო
მამასახლისმა.

სამი მძიმი ძმა

იყო და არა იყო რა, ღვთის უკეთესი რაღა იქნებოდა, კახეთში
სამნი ძმანი იყვნენ. იმათი ხელობა იყო ექიმობა. ისინი ერთმანეთს
ეჯიბრებოდნენ: არა მე გჯობივარ და არა მეო.

ერთმა თქვა: თქვენ რით მჯობიხართ, მე მოვიპოე ჩემს მკლავს, დავდებ და სხვაგან წავალ; ერთი კვირის შემდეგ მოვალ. ავიღებ მკლავსა, მივიღებ მხარზე და ისევ მოვირჩენო.

მეორემ თქვა: ეგ რა გასაკვირველია. მე ამოვიღებ ჩემს თვალს, დავდებ. წავალ სხვაგან, ერთი კვირის შემდეგ მოვალ, ავიღებ თვალს და ჩავისვამო.

მესამემ თქვა: ეგ რა გასაკვირია, მე ამოვიღებ ჩემს გულსა, დავდებ, ერთი კვირის შემდეგ მოვალ, ავიღებ, ჩავიდებ და ისევ სალი დავრჩებიო. ბოლოს, თქვეს: ჯერ კაცი ვიშოვოთ, რომ დავაყენოთ თავზე ჩვენი სხეულის ნაწილებსო. იშოვეს ასეთი კაცი და მისცეს ორმოცი თუმანი. ერთმა ამოიღო თვალი, მეორემ ხელი მოიჭრა, მესამემ გული ამოიღო, დააწყვეს ერთ ალაგას და წავიდნენ.

ხუთი დღის განმავლობაში დაეხვია ჭია-ღუა და შეჭამეს ექიმების სხეულების ნაწილები. დარაჯმა თქვა: რა უნდა ვქნა, მოვლენ და რა პასუხი გავცეო.

წავიდა, მოკლა ერთი კატა და ამოაცალა თვალი. დაკლა ერთი ღორი და ამოაცალა გული. გაიგო, რომ იმ დღესვე ერთი ქურდი მოეკლათ, წავიდა, მოსჭრა ხელი და წამოიღო. მოვიდა იმ ალაგას, სადაც უწინ იყო და დააწყო: თვალი, გული და ხელი.

გავიდა ერთი კვირაც და მოვიდნენ ექიმები. რომელსაც ხელი ჰქონდა მოჭრილი, იმან მიიბა ქურდის ხელი: რომელსაც ჰქონდა გული ამოღებული, იმან ჩაიდო ღორის გული: თვალი რომელსაც ჰქონდა ამოღებული, იმან ჩაისვა კატის თვალი. მოირჩინეს და თქვეს: სამივენი კარგები ვყოფილვართო. მოდი და ახლა წავიდეთ სადმეო.

დაიჭირავეს ეტლი და ჩასხდნენ შიგ. რომელსაც ქურდის ხელი ჰქონდა მიბმული, ის ხელი მეორე ხელით ეჭირა. თუ ხელი გაეშვებოდა, სხვისი ჯიბისკენ მიიწეოდა.

ერთხელ ხელი რატომღაც გაუშვა და ხელმა მიიწია ძმის ჯიბისკენ. მუჭლუგუნი წაჰკრა ძმამ, გაუჯავრდა: რასა შვრები, რა მოგივიდაო. ყმაწვილმა უპასუხა: მეც მიკვირს, რასა ვშვრებიო.

გაიარეს კიდევ. დაინახეს ლაფი. მეეტლემ ეტლი მოარიდა. დაინახა თუ არა იმან, ვისაც ღორის გული ჰქონდა ჩადებული, გადახტა ლაფში, გადაგორდ-გადმოგორდა, ადგა და ჩაჯდა ეტლში.

ჰმებმა ჰკითხეს: რასა შვრები, რა მოგივიდაო?

ყმაწვილმა უპასუხა: მეც მიკვირს, რასაც ვშვრებიო.

იარეს, იარეს და დაულამდათ. მივიდნენ ერთი კაცის სახლში და დადგნენ. ვახშამზე იმ კაცმა, რომელსაც ჰქონდა კატის თვალი ჩას-

მული. აიღო ღვინო ყანწით და დაუწყო სმა. უეცრად დაინახა კუთხეში თავი, გაქცა მის დაპაჟერად. თავგმა სოროში შეასწრო და თვითონ თავი კუთხეს მიახალა. ჰკითხეს ძმებმა: რა მოგივიდა, კაცო, რას შვრებიო? ძმამ უპასუხა: მეც მივივრის, რასაც ვშვრებიო.

ბოლოს, თქვეს, უთუოდ იმ კაცმა ჩვენი სხეულის ნაწილები გამოგვიცვალაო. წავიდნენ მის საქებრად, იპოვეს და ჰკითხეს: შენ ხომ არ შეგვიცვალე სხეულის ნაწილებიო? დარაჯმაც უპასუხა: დიახ, გამოგვიცვალეთ, რადგანაც ჭია-ღუებმა შექამესო. ექიმებმა უთხრეს: — თუ კარგი კაცის თვალს, გულს და ხელს შოგვიტან, ორმოც თუმანს მოგცემთო.

— კარგიო, — უპასუხა.

მეორე დღეს გაიგო ამ კაცმა, რომ ვიღაც მომკვდარა: წავიდა. მოსჭრა ხელი, ამოუღო თვალი, გული და მოუტანა ექიმებმა. ექიმებმა ფული მისცეს და გაისტუმრეს. ვისაც თვალი აკლდა, იმან თვალი ჩაისვა, ვისაც გული აკლდა, იმან გული ჩაიღო და ვისაც ხელი აკლდა, იმან ხელი მიიბა.

ჭირი იქ დავაგდე,
ლხინი აქ მოვიტანე.
მთას ურემი ავაგორე,
ბარს ჩავიდა გორებითა,
აქ სიცოცხლით გამოძებით,
საიქიოს — ცხონებითა.

მოხუცი ნავეზირალის რჩევა

იყო და არა იყო რა, ღვთის უკეთესი რა იქნებოდა, იყო ერთი ხელმწიფე. იმ ხელმწიფემ ბრძანა, რვა საათის შემდეგ სანთელი აღარავის სახლში აღარ ვნახო ანთებულიო, და თუ ვნახე, დამნაშავეს სიკვდილით დავსჯიო.

მართლაც, შელამდებოდა თუ არა, ხელმწიფე ჩაიცივამდა გლეხურ ტანისამოსს და დადიოდა თავის სატახტო ქალაქში, და ვის სახლშიც ნახავდა რვა საათის შემდეგ სანთელს ანთებულს, სიკვდილით სჯიდა.

ერთ საღამოს ჩვეულებისამებრ ჩაიცივა ხელმწიფემ გლეხურად და დადის თავის ქალაქში. გაიარა ერთგან, შეხედა, რომ ერთი სახ-

ლიდან სანთელი ცოტათი ბეუტავდა, მივიდა და ეზოდან დაუძახა: მასპინძელო, ამაღამ მისტუმრებო?

სახლის პატრონი მოეგება და უთხრა: მობრძანდით, სტუმარი ღვთისააო!

შევიდა შინა. ხელმწიფემ ჰკითხა მასპინძელს: სანთელი ესე რად გიბეუტავსო?

— რა ვქნათ, შენი ჰკირიმე, დიდებული ხელმწიფე ასე გვიბრძანებო. — მიუგო მასპინძელმა.

ვანშამი ჰამეს, სტუმარს კაი პატივი სცეს, ცალკე გაუშალეს და დააძინეს; რა იციან, თუ ხელმწიფეა?

შუალამე რომ შეიქნა, მასპინძლის ცოლი წამოდგა, ჩაიცვა, ჩამოიღო ხმალი, ამოაძრო ქარქაშიდან, დაადგა ქმარს და უთხრა: თუ გძინავს, არ გაიღვიძო, და თუ გღვიძავს—და — მოგკლავო.

ქმარი, საბრალო, თუნდაც რომ ღვიძებოდა, აბა, ხმას როგორ ამოიღებდა? დედაკაცმა ხმალი ისევ ქარქაშში ჩააგო, დაჰკიდა ალაგას, გამოვიდა გარეთ და გასწია სადღაც.

ხელმწიფემ ეს გაიგონა, ადგა და შორიახლო მიჰყვა დედაკაცს. დედაკაცი მიდის, ესეც მისდევს.

იარა, იარა დედაკაცმა, მიადგა ერთ უზარმაზარ კლდეს და შესძახა გამოქვამულში: გამოდი, ჩემო საყვარელო!

ვანახოთ, გამოვიდა უზარმაზარი არაბი, ისეთი უშნო, რომ ქვედა ტუჩი მიწაზე დასთრევდა და ზედა კი თავზე ჰქონდა გადაფარებული. შეხედა დედაკაცს და შეუტია:

— წადი, შენი დანაპირები არ მოგიტანია, მე შენ ვერ შეგიყვარებო!

დედაკაცი ტირილით დაბრუნდა ისევ უკან. ხელმწიფეც საჩქაროდ წამოვიდა და ჩაწვა ლოგინში. დედაკაციც მოვიდა და ჩაწვა დასაძინებლად.

გათენდა, ხელმწიფემ მადლობა გადაუხადა მასპინძელს და გასწია შინ.

მეორე დღეს, რომ დაღამდა, ხელმწიფემ სხვანაირი ტანისამოსი ჩაიცვა, მიადგა ისევ იმ კაცს კარებზე და დაუძახა: ოჯახიშვილო, თუ შეიძლება, მისტუმრე ამაღამო!

მასპინძელი გამოვიდა, სტუმარი ღვთისააო და შეიყვანა შინ. ვანშამი გაშალეს, სტუმარს კაი პატივი სცეს, ცალკე მოასვენეს და ცოლ-ქმარმა ცალკე დაიძინა.

შუალამე რომ შეიქნა, დედაკაცი კიდევ წამოდგა, ჩაიცვა, ჩამოიღო ხმალი და თქვა: ეჰ, როდემდის უნდა ვიტანჯო ასეო? ამოაძრო

ზმალს ქარქაშიდან, სწყვიტა ქმარს და გააგდებინა თავი. ხელმწიფე კი გამოჰყურებს საბნინდან განაბული. კანკალმა აიტანა: უთუოდ მეც მომკლავსო! დედაკაცმა გაახვია ბაღდადში თავისი ქმრის თავი, გამოვიდა გარეთ და გასწია სირბილით. ხელმწიფეც წამოდგა და შორიანლო მიჰყვა.

დედაკაცმა იარა, მივიდა ისევ უღაბური კლდის გამოქვაბულთან და შესძახა: გამოდი, ჩემო საყვარელო, მოგიტანე დანაპირებიო!

გამოვიდა ისევ ის საძაგელი ლაშქარი არაბი, დედაკაცს გამოართვა ბაღდადი, გახსნა და ნახა, რომ მშვენიერი ვაჟკაცის თავი იყო.

— შე წუწკო, ამისთანა მთვარესავით კაცს უღალატე, მე, ამ ბედასლს, როგორ შემეყვარებო?! — გაუშალა, ერთი სილა გაართვა დედაკაცს და ცხრაჯერ ყირამალა გადაატრიალა.

დედაკაცი კარგა ხანს ეგდო დარეტიანებული, მერე წამოდგა და ტირილით დაბრუნდა შინ. ხელმწიფემაც ისევ ჩქარა გამოსწია შინ; შევიდა, დაისველა ხელი თავმოჭრილი კაცის სისხლში, გამოვიდა, დაჰკრა ალაყათის კარებს, რომ დასტყობოდა ნიშანი, და გამოსწია სასახლისაკენ.

დედაკაცი მივიდა შინ, ნახა, რომ სტუმარი წასულიყო, საჩქაროდ დამარხა თავისი ქმარი იქვე ეზოში. მერე იფიქრა: იმ სტუმარმა არაფერი დამიშალსო. მიათვალეირ-მოათვალეირა იქაობა. ნახა, რომ ალაყათის კარებს სისხლიანი ხელი აქვს დარტყმული. ადგა, თვითონაც დაისველა სისხლში ხელი, დაჰყვა და თავისი სახლის დაყოფებაზე ყველა ალაყათის კარზე ისეთივე ნიშანი დაადო.

ხელმწიფემ მეორე დღეს დაიბარა თავისი ვეზირები და უთხრა: წადით ამ და ამ ქუჩაზე და, რომელი სახლის ეზოს კარებსაც სისხლიანი ხელი ეტყობოდეს, იმ სახლში მყოფი დედაკაცი აქ მომგვარეთო!

ვეზირები წავიდნენ ხელმწიფის ბრძანების აღსასრულებლად. აიარ-ჩაიარეს ქუჩა და ნახეს, რომ იმ ქუჩაზე ყველა სახლის ეზოს კარებს სისხლიანი ხელი ეტყობოდა. დაბრუნდნენ ისევ და მოახსენეს ხელმწიფეს: დიდებულო ხელმწიფევ! იმ ქუჩაზე ყველა კარს სისხლიანი ხელი ატყვია და რომელი ქალი მოვიყვანოთ, არ ვიცითო.

ხელმწიფე ძლიერ ჩაფიქრდა. მეორე დღეს დაიბარა ერთი თავისი საყვარელი ვეზირი და უთხრა: სანადიროდ უნდა წავიდე, ორი კვირა მომიგვიანდება და სანამ მოვიდოდე, პირველად ჩემი ცოლი და ქალები დახოცე, მერე შენი და შემდეგ, რაც ჩემ ქალაქში დედათაგანი იყოს დიდთან-პატარიანად, უნდა გაწყვიტო, ერთი არავინ დარჩეს, თორემ დაბრუნებისას, თუ ჩემი ბრძანება შესრულებული არ დამხვდა, ჩაგაყრი ბურნუსს და ჰაერში გაგაქანებო.

მწარედ დაღონებული წამოვიდა ვეზირი შინ. ამ ვეზირს ჰყავდა მოხუცი პაპა. ყოველთვის, როცა გარედან შინ შემოვიდოდა ხოლმე ვეზირი, მივიდოდა პაპასთან, მიესალმებოდა და ხელზე აკოცებდა. ახლა კი არც მიესალმა და არც ხელ შეხედა. დაღონებული გადის და გამოდის. პაპამ დაუძახა და ჰკითხა: შვილო, რად ხარ დაღონებული, რა მოგსვლიაო?

— როგორ რა მომსვლიაო, ასე და ასე მიბრძანა ხელმწიფემ და, იუ არ ავასრულე, ბურნუთი უნდა ჩამაყაროს და ჰაერში გამაქანოსო.

— მაგისტვის რად დაღონებულხარ, შვილო? — უთხრა მოხუცმა. — ხელმწიფე რომ მობრძანდეს, მოახსენე, ჩემმა პაპამ არ დამანება თქვენი ნების ასრულება-თქო. დამიბაროს და პასუხს მიცემო.

გავდა ორი კვირა და დაბრუნდა ხელმწიფე ნადირობიდან. მოვიდა შინ, ნახა, რომ თავისი ცოლ-შვილიც ცოცხალი იყო და სხეულისაც. ძლიერ განრისხდა. დაიბარა მაშინვე ვეზირი და დაიძახა: მომიტანეთ ჩქარა ბურნუთიო!

ვეზირმა დაიჩოქა მუხლებზე და მოახსენა: დიდებულო ხელმწიფე, გთხოვთ, ერთი სიტყვა მათქმევინოთო.

— თქვიო, — უბრძანა ხელმწიფემ.

— მე ჰერ ჩემი ცოლ-შვილი უნდა დამეხოცა და მერე თქვენი. მაგრამ ერთი მოხუცი პაპა მყავს, იმან არ დამანება და მითხრა: ხელმწიფე რომ მობრძანდეს, დამიბაროს და მე მოვახსენებ პასუხსაო.

— მაშ, წადი, მომიყვანეო! — ბრძანა ხელმწიფემ.

წამოვიდა ვეზირი. აბა, სიარულის თავი მოხუცს სადა ჰქონდა? მაგრამ თეთრ ყუთში ჩაუგეს ბამბა, ჩააწვინეს შიგა და წაიყვანეს ხელმწიფესთანა. მიიყვანეს თუ არა, ასწიეს მოხუცი და ყუთით შეიტანეს ხელმწიფის სახლში. მობრძანდა ხელმწიფე, შეხედა, რომ თეთრი წვერი, თეთრი ყუთი და ბამბა არ ერჩეოდა ერთმანეთში. ხელმწიფემ ჰკითხა მოხუცს: — რატომ არ დაანებე ჩემი ბრძანების შესრულებათ?

— დიდებულო ხელმწიფე, — დაიწყო მოხუცმა, — მამათქვენის მამის ვეზირი გახლდათ. ჩვენ ვიყავით ორმოცი ვეზირი. ამ ორმოც ვეზირში ერთ დამეს ერთი დაგვაკლდა ისე, რომ ვერავინ გაიგო მისი ასავალ-დასავალი; მეორე დღეს — მეორე; ოცდაცხრამეტი კაცი ოცდაცხრამეტ დამეს თითო-თითოდ დაგვეკარგა და დავრჩი მარტო მე.

მეორმოცე დამეს, ლოგინში რომ ვიწეჭი, ვილაცამ დამიკაჟუნა

კარებზე. წამოვფრინდი პერახგა, გარეთ უნდა გამეხედა. წამოხტა ჩემი ცოლი, წამომეწია, ისეთი წამომკრა, რომ თავბრუ დამესხა და მითხრა: სად მიდიხარ ტიტველა, იქნებ ის იარალიანია და შენ უიარალოდ გადიხარო? ჩაიცივი, აისხი იარალი და ისე გახედეო!

ჩავიცივი, ავისხი იარალი და უნდა გავსულიყავი გარეთ, რომ წამომეწია ჩემი ცოლი და კიდევ უარესად წამკრა კისერში: სად მიდიხარ, რომ მიდიხარ. იქნება ის ცხენით არის და შენ კი უცხენოდ მიდიხარო?

გავექანე, მაშინვე შევეკაშმე ცხენი, შევაჯექ და გავედი გარეთ. დამინახა თუ არა მან. ვინც კარებზე დამიკაკუნა, მომძახა: უჰ, შენი გამჩენის ჰირიმე, შენი, ძლივს არ ვნახე ვაჟკაციო! — შემოჰკრა თავის ცხენს ქუსლი: ჩქარა მომყევო!

მეც დავეძარ ცხენი და გავწიეთ. ცხენი ჰყავდა ისეთი, რომ ფრანველივით მიჰქროდა, მაგრამ მეც კარგი ცხენი მყავდა. სწორე გითხრათ. ძლიერ შეეფიქრიანდი და გზაზე რამდენჯერმე გადავწყვიტე მოკვლა ჩემი თანამგზავრიანა. კიდეც ამოვწიე ხანჯალი. მაგრამ, არ ვიცი, როგორ შემასწრო თვალი უკან მიმდევარს და მომძახა: პეი, ყმაწვილო, ეგ ვაჟკაცის საკადრისი არ არის, იარე, მომყევო!

რა მეტი გზა მქონდა, მივედევდი!

ვიარეთ, ვიარეთ და მივედით ერთა უზარმაზარი კლდის ძირში. გამოქვავებულთან. გადმოხტა ჩემი თანამგზავრი და მეც გადმოვხტი; მომცა ცხენი ხელში და მითხრა: ამ გამოქვავებულში მტერი მყავს, უნდა შევიდე და დავექიდო. ერთს, როცა დავინახავ, მაშინ დავიწვილებ, ერთს — როცა დავექიდები, და ერთსაც — თუ მოვერიე, მაშინ დავიწვილებ; თუ მესამედ აღარ დავიწვილო, იცოდე, რომ ის მომერია და მაშინ გასწი და წადი, ეგ ცხენიც შენთვის წაიყვანე, ღმერთმა მოგახმაროსო.

შევიდა გამოქვავებულში, მე დავიწყე ლოდინი. ლოდინი რომ მომწყინდა, მივედი გამოქვავებულის კარებში. როგორც შევდგი ცალი ფეხი შესასვლელად, ერთი ისეთი წვილი გამომესმა, რომ კინალამ შიშით დავიბნიდე. გამოებრუნდი, ისევ დავიწყე ლოდინი, კიდევ რომ მომწყინდა და ის იყო, ვაპირებდი გამოებრუნებას. წინანდელზე უარესი წვილი მომესმა. დავიწყე კიდევ ლოდინი, რომ მომწყინდა, ის იყო, უნდა შევემჯდარიყავი ცხენზე. ცალი ფეხიც გავყავი უზანგში, ერთი საშინელი წვილიც კიდევ შემომესმა. მაშინ კი გავიგე, რომ გადარჩა ჩემი თანამგზავრი. ცოტა ხნის შემდეგ გამოვიდა და აბრეშუმის ხელსახოცით შეხვეული რაღაც გამოიტანა,

შეჯდა ცხენზე და მითხრა: შეჯექ შენც და მომყეო! მეტი რა გზა მქონდა, გაყვევი.

ვიარეთ, ვიარეთ და მივადექით კიდევ ერთ უზარმაზარ კლდეს, სადაც უზარმაზარი გამოქვაბული იყო. შევხედე, რომ ამ გამოქვაბულში ჩემი ოცდაცხრამეტი ამხანაგი ჰკიდიან: ზოგი ხელით, ზოგი ფეხით, ზოგი ცხვირითა და ზოგი რით. ესენი რომ ვნახე, მაშინ უფრო თავის იმედს გადავწყვიტე და ვთქვი: მშვიდობით, ცოლო და შვილო-მეთქი!

იქიდანაც ვიარეთ და, როგორც იყო, გავედით ედემისებურ მწვანე მინდორზე. მინდორში საუცხოო ბაღია გაშენებული და შიგ მშვენიერი სასახლე დგას. გადმოვხტივთ ცხენებიდან; ჩემი თანამგზავრი შევიდა სასახლეში, გამოიტანა ბარი და ნიჩაბი, ბაღში შემომიხაზა ადგილი და მითხრა: აბა, მოთხარე აქაო.

მეტი რა გზა მქონდა, დავიწყე თხრა და თან ვფიქრობდი: ჩემი ხელით ჩემს საფლავს ვთხრი-მეთქი. ვთხარე, ვთხარე და ერთი მშვენიერი კუბო გამოჩნდა. ამოიღეო, მითხრა. ამოვიღე კუბო. ახადეო, მითხრა. ავხადე, დავხედე, ისეთი მშვენიერი ვაჟკაცი იწვა კუბოში, რომ მის დანახვაზე მტერსაც კი ტირილი მოუვიდოდა; მერე მითხრა: იცი, ძმაო, მე ქალი ვარ. ეს მკვდარი არის ჩემი საქმრო. მე და ამას ერთმანეთი გვიყვარდა, მაგრამ ჩვენმა დედ-მამამ ნება არ მოგვცა. შემდეგ ამას ცოლმა უღალატა და მე — ქმარმა. მეც ქმარს თავი დავანებე. მე რომ კლდეში შევედი და გითხარი, მტერი მყავს-მეთქი, ის იყო, რომელმაც ამისი ცოლი გადაიბირაო.

გახსნა ის აბრეშუმის ხელსახოცი, რომელიც გამოქვაბულიდან გამოიტანა, და მაჩვენა ერთი საძაგელი არაბის თავი.

— ეს ჩემი საქმრო რომ კვდებოდა, ასეთი ანდერძი დამიტოვა, ჩემი მტერი მოკალი და შენც ჩემთან მოიკალ თავიო. მე ღროზე მინდოდა ამესრულებინა მისი ანდერძი, მაგრამ დღემდე შენს მეტი ვაჟკაცი ვერ ვნახე, რომ ეს ჩემი ამბავი შეამბნა და მასთან ჩემი საქმროს ანდერძი ამესრულებინა; ახლა მე ამას თავი უნდა დავაკლა ზედ და გთხოვ, ამ საფლავში ერთად დაგვასაფლავო, შენ კი ღმერთმა მოგახმაროს ჩემი ცხენი და იარაღი. რაც რამე მოგეწონოს ამ სახლში, ყველაფერი წაიღე და წადიო.

მერე დაიწყო ტირილი, იტირა და მეც მატირა, იმდენი იტირა, რომ კუბოში ცხედარი სულ ცრემლით დაასველა. მერე ამოიძრო ხანჯალი, ტარი მიცვალეხლეს დააბჯინა, წვერი თვითონ მიიბჯინა გულში, დააწვა და ხანჯლის წვერმა ბეჭებში ამოჰყო თავი, დააკვდა ზედ. მერე, როგორც იყო, გადმოვაბრუნე, ამოვაძრე ხანჯალი და ორივენი

ერთად დავასაფლავე. რაც რომ მომეწონა, წამოვიღე და წამოვედი. გამოვიარე ჩემს ამხანაგებთან, ვინც ცოცხალი იყო, ჩამოვხსენი, გავათავისუფლე, ვინც მკვდარი იყო, დავმარხე, ცოცხლებს გავუყავი რაც წამოვიღე და მოვედი შინ.

აბა, დიდებულო ხელმწიფე! ჩემს ცოლს რომ ჩემთვის რჩევა არ მოეცა, მეც ხომ იმ ალაგს ჩავვარდებოდი, სადაც ჩემი ამხანაგები იყვნენ? და იმ ქალს რომ თავის შეყვარებულისათვის ანდერძი არ აესრულებინა, ხომ, ვინ იცის, საიქიოსაც იმ მშვენიერ ვაჟკაცს დარდად ექნებოდა ჩაყოლილი თავისი მტრის ჯავრი? ახლა ხომ თქვენ თვითონ დარწმუნდით, რომ ქალებსაც შესძლებათ რაღაც? შე დალოცვილო, ერთი წუწკი დედაკაცის გულისათვის ქალაქში მთელი დღდათაგანის გაწყვეტა როგორ გინებებია?

რასაკვირველია, მოხუცი ნავეზირალის რჩევა ხელმწიფეს ძლიერ მოეწონა. იმას დიდი, დიდი წყალობა უბოძა და მის შემდეგ თავის სამეფოს უფრო გონივრულად განაგებდა.

ქირი იქა, ლხინი აქა.
ქატო იქა, ფქვილი აქა.

ჭკუა მაქვს და სარჩო არა

იყო და არა იყო რა, ღვთის უკეთესი რა იქნებოდა. იყო ერთი საწყალი კაცი, დადიოდა გზაზე და იძაბოდა: ჭკუა მაქვს და სარჩო არა, ჭკუა მაქვს და სარჩო არაო!

გაიგონა ერთმა სოვდაგარმა და იფიქრა: მოდი, ერთი ორას-სამასი თუმანი ვითომც წყალში გადამიყრია, ავიღებ, მივცემ მაგ კაცს და, აბა, თუ ჭკუა აქვს, მაშინ გამოჩნდებაო.

სოვდაგარმა დაიბარა ეს გლეხი კაცი, მისცა ორასი თუმანი და უთხრა: აი, ახლა სოვდაგრები სავაჭროდ ემზადებიან და შენც უნდა წახვიდე იმათთან და ივაჭროო.

— კარგიო, — უთხრა საწყალმა კაცმა.

ეს კაცი სოვდაგრებთან რომ მივიდა, იმათ დაცინვა დაუწყეს: "შენმა მზემ, შენს აღას ერთი ორად მიუტანო! რამ გააგიჟა ის სოვდაგარი და რამ მიაცემინა ამისათვის ფულიო?"

საწყალმა კაცმა ჩაიცინა თავისთვის. სოვდაგრები მალე გაემგზავრნენ სავაჭროდ და გაჰყვა თან ეს საწყალი კაციც. ზღვასთან

რომ მივიდნენ, სოვდაგრები ჩასხდნენ ხომალდებში, ამ საწყალმა კაცმა კი თქვა: არა, ძმობილო, მე ზღვას ვერ ვენდობიო.

იყიდა ერთი პატარა ნავი, ჩაიდგა სამი-ოთხი ტომარა ჩამიჩი, ჩაქდა და ნაპირის ახლოს დაიწყო ცურვა, თან ჩამიჩს ქამდა. ერთ მჯილ ჩამიჩს რომ შექამდა, მეორეს ზღვაში ჰყრიდა. საწყალი კაცის ნავს გარს თევზები ეზვეოდნენ და განქარებით ყლაპავდნენ ტკბილ მარცვლებს.

— მე რომ ვქამ, სხვებმაც ქამონო, — ამბობდა საწყალი კაცი.

ახლა თევზებმა თქვეს: მოდი, ეგ რომ ხმელეთის ნაყოფს გვაქ-
ქევს, ჩვენ ზღვის სიმდიდრე მივცეთო, იქნება გამოადგესო.

ჩაყურყუმელავდნენ თევზები წყალში და ცოტა ხანს შემდეგ ამოიტანეს თვალ-მარგალიტით სავსე პირები და გადმოუყარეს სა-
წყალ კაცს მშრალზე. საწყალმა კაცმა უფრო ბევრი ჩამიჩი ჩაუყარა. უზიდეს და უზიდეს თევზებმა თვალ-მარგალიტი და დააგროვეს მთასავით.

საწყალმა კაცმა იფიქრა: ჩემი ამხანაგები რომ ნახვენ ამ სიმდი-
დრეს, მოჰკლავენ და წაიღებენ, თუ არაფერი ვიღონეო.

ადგა ეს კაცი, აიღო ნეხვი, გააკეთა ჯამებივით, ჩაყარა შიგ
აუვალ-მარგალიტი, დაფარა ზევითაც ნეხვი და ისე გაახმო წივად.
ნეხვი რაკი განმა, ამ კაცმა აიღო, ჩააწყო ყუთებში ოთხი საპალნე
ნეხვი. ცარიელი წივაც შეკრა.

ამ დროს მოვიდნენ სხვა სოვდაგრებიც. ზოგს მაუდი ეყაღა,
ზოგს ფარჩა და ზოგს სხვადასხვა საქონელი. სოვდაგრებმა რაკი
ნახეს საწყალი კაცი და ამის წივა, დაუწყეს თავში ცემა: შე ოხერო,
თუ შენი თავი არაფრად გეზოგებოდა, აღს ფულებს მაინც გაუფ-
რთხილდებოდი, რად გინდოდა ნეხვი, აქედან რომ არ წაგელო,
ჩვენს ქალაქში კი ცოტა არისო?

საწყალმა კაცმა უთხრა: მე ეს მინდოდა და ეს ვიყიდე, თქვენ
რაც გინდოდათ, ის ივაქრეთო.

შეკაზმეს აქლემები, ჯორ-ცხენები, აჰკიდეს საპალნეები და გა-
უდგნენ გზას. მთაზე სოვდაგრებს თოვლი მოუვიდათ. საწყალმა კაც-
მა მოჰხადა წივიანი ორი საპალნე, დაანთო ცეცხლი, შემოუმწკრივა
ირგვლივ აქლემები, ყუთები და ჩამოჭდა თვითონაც. სოვდაგრები
სიცივით იყინებოდნენ და დაუწყეს ხვეწნა წივის პატრონს: გვასეს-
იე ორიოდე საპალნე წივაო!

წივის პატრონმა ცივი უარი უთხრა: თქვენც საქონელი გაქვთ.
დაწვით და გათბითო.

სოვდაგრებმა დაუწყეს ხვეწნა: აბა, როგორ დაეწვათ ეს საქონელი, გვასესხე წივა და ქალაქში ერთი-ხუთად მოგცემით.

წივის პატრონმა უთხრა: მაშ, კარგი, თქვენ ხელწერილი მომეცით, რომ ისესხეთ ჩემგან ორი საპალნე ამ წივისა, რაც მე მიკიდო აქლემებს, მეტი არ მინდაო!

სოვდაგრებმა სიხარულით მისცეს ხელწერილი და გულში კი ლანძღავდნენ. როდესაც ქალაქს მიუახლოვდნენ, სოვდაგრებმა გაგნავნეს კაცები ქარვასლების დასაქირავებლად. კეთილ სოვდაგარს კი შეუთვალეს, რომ შენს ჰკვიან კაცს ნეხვი მოაქვს შენი ორასი თუმნისაო.

აღას საწყალი კაცისაგან წინათვე ჰქონდა ნათქვამი, რომ სანამ შენი თვალით არა ნახო და შენი ყურით არ გაიგინო, ნუ დაიჯერებ. რომ ჩემზე რამე ვითხრან, ცილისწამება იქნებაო.

საწყალმა კაცმა გამოუგზავნა აღას კაცი და შეუთვალა: რომელიც კარგი ქარვასლა არის ქალაქში, ის დაიქირავეო.

დაიქირავა საწყალი კაცის აღამ ერთი უკეთესი ქარვასლა და დაუწყო მოლოდინი თავის მოვაჭრეს. მალე მოაყენა წივით დატვირთული აქლემები ქარვასლას და უბრძანა კაცებს — ჩამოეხადნათ საპალნეები. აღამ ნახა, რომ იმის „ჰკვიანს“ მართლაც წივა მოუტანია, გული ჩასწყდა, მაგრამ მაინც რაღაცას ელოდა და არაფერს ამბობდა.

როდესაც დაღამდა, აღამ წაიყვანა ეს კაცი სახლში: წავიდეთ, პური ვჭამოთ, დაისვენე, მიამბე რა გაყიდე, რა იყიდეო.

ამ საწყალმა აიღო ორი ნაქერი წივა, გაახვია ერთ ხელსახოცში და წავიდნენ. როდესაც დასხდნენ ვახშამზე და სანთლისათვის გავიდა აღა, საწყალმა კაცმა გატეხა ერთი წივა და თვალ-მარგალიტი გადმოცვივდა, სახლი მზესავით განათდა.

გაოვიდა აღა და გაკვირებულს თვალები დაქვეტილი დარჩა. საწყალმა კაცმა უთხრა: მე აი ეს მოვიტანე და იმ სოვდაგრებს ჩემი ორი საპალნე მართებთ ამ წივისაო, წავიდეთ, ვუჩივლოთ ხელმწიფესთან და წავართვათო.

მართლაც, გასწიეს ხელმწიფესთან და მიართვეს საჩუქრად, რაც ერთ წივაში თვალ-მარგალიტი იყო.

საწყალმა კაცმა იჩივლა, რომ მე და ის სოვდაგრები ერთად ვმგზავრობდით, გზაზე თოვლმა მოგვისწრო, იმათ ჩემგან ორი საპალნე ამ წივისა ისესხეს და ხელწერილიც მომცეს. ახლა კი აღარაფერს მაძლევნო.

მაშინვე დაიბარა ხელმწიფემ სოვდაგრები და უთხრა, რომ ამ

კაცისაგან ორი საპალნე წივა გისესხიათ, ხელწერილი მიგიციათ და ახლა აღარ აძლევთო. სოვდაგრებმა გაიცინეს და მოახსენეს ხელმწიფეს, რომ რად უნდოდა მაგ საწყალს ჩივილი, ნებეს თუნდა ერთი ხუთად მიეცემთო.

— ეს კაცი ნებეს კი არა, ამისთანა წივას გთხოვთო, — უთხრა ხელმწიფემ და აჩვენა თვალ-მარგალიტით სავსე წივა.

სოვდაგრებმა უარი თქვეს: ჩვენ მაგისთანა წივა არ გამოგვირთმევიანო, მაგას ერთი წივა ჰქონდა თვალ-მარგალიტით სავსე და ხბლა სურს, რომ ჩვენ ორი საპალნე მიეცეთო.

საწყალმა კაცმა მოახსენა ხელმწიფეს: დიდებულო ხელმწიფეე, კაცები გამოგვაყოლე, სათითაოდ დავამტვრევთ ყველა წივას, სოვდაგრებიც იქ იქნებიან და თუ ყველაში თვალ-მარგალიტია, ხომ უნდა გადამიხადონ, თუ არ არის და მე თავი მომჭერითო.

ხელმწიფემ გაატანა კაცი და დაამტვრიეს სათითაოდ ყველა წივა. ყველა თვალ-მარგალიტით იყო სავსე.

რალას იზამდნენ სოვდაგრები. იმათი სარჩო ნახევარი საპალნის ფასიც არ გამოვიდა და ამ კაცმა ეს ამპარტავანი სოვდაგრებიც მსახურებად წამოიყვანა.

მამასახლისისა და გლეხკაცის არაკი

იყო და არა იყო რა, ერთ სოფელში ბიძა და ძმისწული ცხოვრობდნენ. ძმისწულს მეტად ლამაზი ცოლი ჰყავდა. მდიდარია, გაუმტკიცავ პურს არა ჰკამს, სულ თეთრ პურსა და ერბო-კვერცხს აკმევეს თავის ცოლსა. მის ცოლს კი მამასახლისი ჰყვარობს; მამასახლისია იმ სოფლის ბატონ-პატრონი. რაც იმ ქალმა ეს მამასახლისი შეიყვარა, ქმარზე გული აქვს აყრილი. აღარც სახლს უვლის, აღარც მოხუც ბიძასა. თავისი ქმარი და ბიძა სულ ხმელა პურზე ჰყავს. მამასახლისს ურჩევს კარგ ლუკმას.

ერთხელ ბიძა-ძმისწული სახნავად იყო წასული. ამ ქალმა მათ სამხარი წაუღო. ბიძა ჯაერობს: რა ვქნა, ეს რა ხმელი და დაობებული პური მოგაქვს, შვილო, ასეთი პური ჩემს სახლში არასდროს არ ყოფილაო!

ქალმა უთხრა: ბიძაჩემო, მე რომ ცომის მოსაზველად ფქვილსა

ვცრი, თქვენი ძმისწული გვერდზე დამიჯდება და ზულს უბერავს ხოლმეო. ამოდენა ფქვილი სულ იმან გაიტანა ქარსაო.

ბიძა ჯავრობს, ბიჭო, ცოცხალი არ გიდამირჩები იცოდეო.

ისამხრეს და წამოწვენენ გრილოში. ცოლი შინ წავიდა. ბიჭმა უთხრა ბიძას: გამიშვი ცოტა ხნით, მოვბრუნდები სულ მალეო.

გაიჭრა ბიჭი, მოკლე გზებით მოსჭრა და ცოლს ჩაასწრო შინ მისვლა. მივიდა შინ და რას ხედავს? წამოწოლილა ტახტზე მამასახლისი, დაულია ხახა, სძინავს. წინ გამტკიცული შოთი პურები ულაგია, ცეცხლზე ერბო დულს და კვერცხებია გამზადებული. აილო ბიჭმა ეს ერბო ქაფად აღდუღებული და ჩაასხა პირში. მძინარეს. ბიჭი გაიქცა. ქალი მოვიდა. დახედა — მკვდარია მამასახლისი. ტირის ეს ქალი: ვერ მოიცადე ცოტა ხანი, რა გაგიჭირდა ეგრე, მოვიდოდი და გემრიელად გაქმევდიო, რად დაიმღულრე ყელიო!

იტირა ბევრი, მაგრამ რას იზამდა, ტახტქვეშ დამალა მკვდარი, იფიქრა: ღამე გადავაგდებ ხრამშიო.

მოვიდნენ საღამოზე ბიძა და ძმისწული, გაიხადეს ფეხთა და შეაწყეს ქალამნები ტახტქვეშ. შეიხედა იმ ქალის ქმარმა ტახტქვეშ: უპ! ბიძაჩემო, რა მოგვსვლია, ვილაც მკვდარი გდია ტახტქვეშო!

ნახეს, მართლა მკვდარია. იცნეს მამასახლისი. შეწუხდა მოხუცი ბიძა. ძმისწული ეუბნება: ბიძაჩემო, არ შეგეშინდეს, ამ მკვდარს მე მოვიშორებ და ბევრ ფულსაც ვიშოვი ამითაო.

აიკიდა მკვდარი ზურგზე და წაიღო დამიანად. მიიტანა ეკლესიის ეზოში და დადო. თვითონ მიიბრინა სამრეკლოსთან, დარეკა ზარები და დაიმალა.

მღვდელმა უთხრა თავის ცოლს: ადე, ქალო, საწირავს მოიტანდნენ ცხვარსა და ხარსა, წყალი შედგეო!

ქალიც ადგა და წყალი შედგა. იმედი აქვს ფოფოდიას, ცხვარი მოდის ან ხარის ბეჭიო. გავიდა მღვდელი, მაგრამ იქ არავინ დახვდა. დაბრუნდა და ისევ ლოგინში ჩაგორდა. ქალმა უთხრა: რა ჰქენი, ვერაფერი მოიტანეო?

ისევ მივიდა ის ბიჭი, კიდევ დარეკა ზარები და დაიმალა. გამოვარდა მღვდელი, ისევ ვერავინ ნახა.

მესამედ რომ დარეკა ზარი, ეს მკვდარი მამასახლისიც იქვე დააყენა და დაიმალა. მღვდელი გამორბის, ხელში ცული უჭირავს. ხედავს, კაცი დგას ცარიელა, არც შესაწირი მოუტანია, არც რა სხვა. გაცეცხლდა:

— შე ასეთო და ისეთო, შენა ხარ, რომ ძილი არ დამანებო?! — მივარდა და დაჰკრა ცული. იცნო მამასახლისი. შეშინდა, მოიკიდა ზურგზე, მიიტანა სახლში. ქალს უძახის: გამილე კარებო. ფოფოდისა უხარია, შესაწირი მოდისო.

— რა მოგაქვსო?

— იპისთანა შენმა მტერმა მოიტანოს. როგორც მე მომაქვსო. დაასვენა მკვდარი ტახტზე. აქეთ ქალს გული შეუწუხდა, იქით მღვდელი გდია გულშემოყრილი. ამ დროს ამ ბიჭს აულია ერთი ჩანახი მარალი და ეძახის: მღვდლო, ბიძაჩემმა გამომატანა, მარალი გვიკურთხო.

მღვდელს რა მარილის დარდი აქვს, წაათარა მკვდარს საბანი საჩქაროდ, მაგრამ ცალი ჩექმა კი გამოუჩნდა. მოსწია ბიჭმა ჩექმა: ე ჩვენი მამასახლისი რად მოკალითო, წავალ სოფელს შევატყობინებო.

მღვდელი ეხვეწება, ყელს უწევს. ოლონდ ნუ წახვალ და ჩემი ქონება სულ შენ გენაცვალსო.

ბიჭმა უთხრა: დარდი ნუ გაქვს, ამ მკვდარს მე დაგიმარხავთო.

მისცა მღვდელმა ოქრო-ვერცხლით სავსე ჩანახი: ოლონდ მომაშორე ეს მკვდარი აქედანაო.

წაილო ბიჭმა ეს ოქრო, მიუტანა ბიძას. აილო ერთი თოკი, აიკიდა მამასახლისი და წაილო ახლა მეწისქვილესთან. მიიტანა, შორიასლო დამალა, თვითონ მივიდა წისქვილის სათავესთან და გადაუგდო წყალი. მეწისქვილეს გამოედვიდა: რამ დააყენა ეს ჩემი წისქვილიო. ავიდა, ნახა, მოუგდო წყალი და ისევ დაიძინა. ახლა ამ ბიჭმა ეს მკვდარი კაცი წისქვილის ღარზე დააყენა. თვითონ კი წისქვილი ისევ გააჩერა. გამოვარდა მეწისქვილე, ესროლა თოფი მამასახლისს და მოარტყა ტყვია. წაიქცა ორი დღის მკვდარი მამასახლისი. მივარდა მეწისქვილე, წაიშინა თავში. წაილო წისქვილში, დამალა.

ბიჭმა ჩაყარა ერთი ტომარა ხორბალი და მიიტანა მეწისქვილესთან: ეს ბიძაჩემმა გამომატანა, რომ არ დამიფქვა ამაღამე, არ ჩქნებაო.

მეწისქვილე უტრევს ამ ბიჭს: ჩემი ვერ დამიფქვავს და შენ სად დაგიფქვავო!

— წამოვწვები, სანამ მოიცლის წისქვილიო, — უთხრა ბიჭმა და ტომარაზე წამოგორდა. — უჰ, ეს რა ამბავია, ვინა გყავს ტომარებშია დამალულიო?

გამოათრია ისევ ის მამასახლისი ბიჭმა: რად მოჰკალ ჩვენი მამასახლისი, ახლავე დავაჭერინებ შენს თავსაო!

მეწისქვილე ეხვეწება: შეილო, ოღონდ ნურსად იტყვი და რაც ჩემს წისქვილში ჭირნახული მაქვს, სულ შენ მოგცემო.

ახლა ბიჭი ეუბნება: მომეცი, რასაც მაძლევ, და არსად გაგცემ, მაგ მკვდარსაც მე მოგაშორებო.

გახვეტა ეს ამოდენა ჭირნახული ბიჭმა, დააბინაუა. მოიკიდა მე-სამე ლამეს ეს მკვდარი, მიიტანა მის სახლში. მიიტანა, დააყენა კიბეზე და მისი ზმით შესძახა ცოლს: კარი გამიღე, შინ შემიშვიო!

გამწარებულმა ცოლმა გამოსძახა: სამი ღამეა შინ არ მოსულხარ, სად დადინარ და დაეხეტებიო?

— გამიღე კარი, თორემ ფეხზე ძლივს ვდგევარო.

— საიდანაც მოსულხარ, იქვე წაეთრიეო, — ცოლმა უთხრა.

— გამიღე, თორემ თავს მოვიკლავ, იცოდეო!

— ჯანდაბაშიაც წასულხარო, — ცოლმა უთხრა.

ჰკრა ბიჭმა ამ მკვდარს ხელი და კიბიდან დაბლა ჩასჩეხა. იკივლა ცოლმა და გამოვარდა ვარეთ, ბევრი იტირა, მაგრამ რაღას უშველიდა. რა იცოდა, სამი დღის მკვდარი იყო მისი ქმარი.

გაბრუნდა ეს ბიჭი, მივიდა შან, გამოიტანა ვარცლი და საცერი, დაუძახა ცოლს და უთხრა: — აბა, მე ვცრი და შენ სული უბერე, თუ წაიღებს ფქვილს ქაროო.

ერთი ლაზათიანად ასწავლა ჰკუა ცოლსა და გააგდო სახლიდან.

ქალის შარი

ერთი თავადიშვილი გადაეკიდა ერთ ლამაზ ქალსა ისე, რომ სადაც გაივლიდა ის ქალი, ეს ვაჟიც დაბარებულებით იქ გაჩნდებოდა ხოლმე და სატრფიალო სიტყვებს გადაჰკრავდა.

ერთ დღესაც, როცა ეს ვაჟი იმ ქალს შორიახლოს მისდევდა და რაღაცას უჩუჩულებდა, შენიშნა ვიღაც მონუცებულმა გლახამ. მივიდა იმ ვაჟთან, მოწყალება სთხოვა, დალოცა და თან, სხვათა შორის, დაუმატა: ღმერთმა დაგიფაროს ქალის შარისაგანაო.

ეს სიტყვა ძლიერ ეწყინა ამ ვაჟსა და წამოიძახა: რაო! ქალი რა არის, რომ მისი შარი რა იყოსო?!

ვაჟის ამ პასუხმა ქალს გულზე ძალიან უკბინა და თავის გუნებაში თქვა: მაშ, დამაცა, ახლა კი გაჩვენებ შენ სეირსაო.

როცა კარგა გზა გაიარეს, ერთმანეთს გაუსწორდნენ, მაშინ ერთი პირი შეხედა ქალმა ვაჟსა და მომხიბლავად გაუღიმა. ამას გაცნობაც მოჰყვა, გაცნობას დაახლოვება და, სხვათა შორის, ჰკითხა ვაჟმა:

— როდის მელირსება თქვენთან ხლება და ტრფობაო?

ქალმა დრო დაუნიშნა და უთხრა: ჩემი ქმარი ამაღამ სხვა ქვეყანაში მიდის და თავისუფლად შეგიძლია მოსვლაო.

მივიდა ვაჟი დანიშნულ დროზე. კარგი სმა-ჭამის დროს კარების რახუნნი მოისმა.

— აჟი თქვი, ქმარი სხვაგან წავაო? — ჰკითხა ეაკვირვებით ვაჟმა.

— ეს უეჭველად ჩემი ძმა იქნებაო, — იცრუა ქალმა და დაუმატა: — ადექ ჩქარა, დაიმაღე, თორემ შენც მოგკლავს და მეცაო.

— სად დავიმალო, მაჩვენე ალაგიო, — ამბობს გაფითრებული ვაჟი.

— სადა და, აი, აქაო, — ახადა ერთ დიდ სკივრს და უთხრა: — ჩაჯექ ამაშიო.

ჩაწვა ვაჟი. ქალმა დაკეტა სკივრი, გასაღები ჯიბეში ჩაიღო, წავიდა, კარი გაუღო ქმარსა და შემოიყვანა სიხარულით და ალერსით, სკივრში მყოფის გასაჯავრებლად და ჯავრის ამოსაყრელად. როცა ვახშამზე დასხდნენ, სხვათა შორის, გაეხუმრა და უთხრა ქმარს: — მე შენ აღარ მინდინარო!

— რათა, ქალო, რა მოგეჩვენაო? — ეკითხება ქმარი.

— რათა და მყვარობს ერთი ახალგაზრდა თავადიშვილი, დღეს გამომიციხადა სიყვარული და მეც პირობა მივეცი, ის უნდა შევიყვაროო.

— მერე ვინ არის, სად არისო?! — ეკითხება ქმარი.

— სად არის და აი, იმ დიდ სკივრში. თუ არა გჯერა, აი, გასაღები, გააღე და შენი თვალითა ნახეო, — და გაუწოდა გასაღები.

გაცეცხლებულმა ქმარმა გამოართვა გასაღები თუ არა, ქალმა შესძახა: — ჰაიდოსთ, მოგიგე, მოგიგეო!

ქმარი გასაღებით ხელში დარჩა გაშტერებული, აქამდის მართალი ახლა სიცრუე ეგონა. მოტყუებულად ჩათვალა თავი.

მეორე დილას ქალმა ვაჟი სკივრიდან ამოსვა, გზა დაულოცა და თან დაუმატა: — ახლა ხომ ნახე ქალის შარით, წადი და სადაც შენი თქვა, იქ ჩემიც თქვიო.

ვაჟმა ჩაილაპარაკა: ტყუილად არ უთქვამს გლახას: ქალის შარისაგან ღმერთმა დაგიფაროსო.

მოხუცი ღურგალი და მისი რძალი

იყო ერთი მოხუცი ღურგალი. განთქმული იყო თავისი ხელობითა და გონებით. ეს ღურგალი მაღალი ბოძის წვერზე ააგებდა ისეთ სახლსა, რომელიც ამ ბოძზე ტრიალებდა და მუდამ მზე ანათებდა მის ოთახებს. მის მეტს ქვეყანაზე არავის შეეძლო ასეთი სახლის აშენება.

ღურგალს ეყოლა ვაჟი. რომ წამოიზარდა, მამამ თავისი ხელობა ასწავლა.

იზრდება ეს ბიჭი. საქორწილო ვაჟია. მამამ უთხრა: შვილო, შენ ცოლი გინდა, მე — კარგი რძალი. ეს კია, ჭკვიანი ქალი უნდა ვიშოვოთ. ჭკვიანი რძალი აავსებს ოჯახს, სულელი კი — დაავსებსო.

შვილი დათანხმდა. წავიდა მამა, ბევრი ფული დახარჯა და ის კი მოახერხა, რომ თავის შვილს აზნაურის ქალი შერთო ცოლად. იფიქრა: ეგ უფრო კაი გაზრდილი და ნასწავლი იქნებაო.

გავიდა ხანი. ერთხელ მამა ეუბნება შვილს: აბა, შვილო, ახლა მომეტებული ჯათა და შრომა გმართებს, ოჯახი უნდა ფეხზე დააყენო, წავიდეთ, სამუშაო ვიშოვოთ, ბარაქიანი შრომით ხარჯები ავინახლაურითო.

ცოტა თუ ბევრი სიარულის შემდეგ მიადგნენ ერთ ტყეს. მამამ უთხრა შვილს: შვილო, სიარული მიჭირს, შედი ტყეში მშველელი გამომიყვანეო.

შევა შვილი ტყეში. აქეთ-იქით აწყდება, ეძებს, მაგრამ ტყეში ვერავის ნახავს და ცარიელი გამოვა.

— ეს უბრალო საქმე გაგიჭირდაო, — მამამ უთხრა, — აბა, წადი, შენ ცოლსა ჰკითხე და ის გასწავლისო.

წავიდა ბიჭი, მაგრამ აზნაურის ქალმა პირი დაალო და ვერაფერი ურჩია ქმარს.

გაჯავრდა მამამთილი და ეუბნება შვილს: ახლავე გაუშვი ეგ ქალი, ჩვენი ოჯახს არ გამოადგებაო.

დალონდა ვაჟი მეტიანმეტად, მაგრამ მამისა დიდი ხათრი ჰქონდა. შესვა ქალი ცხენზე, მისი მზითვევი ურემზე დააწყო და მოუყვანა სიმამრს.

წავიდა მამა, ორი იმდენი ფული დახარჯა და მოიყვანა რძლად თავადის ქალი.

რამდენიმე ხნის შემდეგ მამამ უთხრა შვილს: შვილო, ქალაქში წადი, ჩვენი ნახელავი წაიღე გასაყიდად, მაგრამ გზაზე სიარული

რომ არ გაგიჭირდეს, ბაზარზე გაიარე და ორ კაპიკად ცხენი და მისი უნაგირი იყიდეო.

ეს ვაჟი გაცეცხლდა: მამასხარავებ, მამაჩემო, ორ კაპიკად ცხენი და უნაგირი ვინ უნდა მომცესო?

— ჰკითხე შენ ცოლს, ის გეტყვისო.

თავადის ქალი თვალებს აცეცებს იქით-აქეთ, ჯავრობს: ეგეთი ცხენ-უნაგირი მამირევის სახლში არც მინახავს და არც შეკადრებო.

— ახლავე გაუშვი ეს ქალიც, — მამა ეუბნება ვაჟს, — თორემ წავალ და გადავიკარგებო.

რა ექნა ბიჭს? ბარემ არ უნდოდა, მაგრამ მეორე ცოლიც გზას გაუყენა. მამამ ახლა სამი იმდენი ფული დახარჯა და ხელშეწყობა ქალი მოუყვანა ცოლად თავის პირმშოსა. ცხოვრობენ კარგად.

ერთხელ მამა და შვილი ყანაში წავიდნენ სიმინდის სატეხად. დიდი აღმართი ჰქონდათ ასავლელი.

— შვილო, გზა დიდია და ან მე ამეკიდე, ან მე აგეკიდებო, --- მამამ უთხრა.

შვილი გაშტერებული უყურებს და უარზეა. როგორც იქნა ავიდნენ ყანაში. ყანა ისეთია, ავ თვალს არ დაენახვება. მამა ამბობს: ამ ზამთარს რა გვეშველება, ეს ყანა სანახევროდაც რომ არ არის მოსულაო.

— რას ამბობ, მამი, ჩვენი ყანის ნახვას არაფერი სჯობია, შენ ამბობ სანახევროდაც არ მოსულაო!

— რაკი შენ ვერ გაგიგია ამ ყანის ამბავი, წადი, ჰკითხე ცოლსა, იმას მაინც ეცოდინებო.

მივა ქმარი თავის ცოლთან, ეკითხება, ცოლი კი ჯავრობს: მამიჩემის სახლში განა გულმისნობას მასწავლიდნენო. მაგაზე ფიქრი სულაც არ შეკადრებო.

ტირის ეს ბიჭი, თავში იცემს: მამამისი მესამე რძალს უშვებს სახლიდან.

— კარგო, — ვაჟმა უთხრა, — წავალ, ჩემი გუნების ქალს მე თვითონ მოვძებნი და იმას კი აღარ შეველევი, ან სულ გადავიკარგები აქედანაო.

იარა, იარა, ჩვენი ენა მალე იტყვის, საქმე კი ნელა კეთდება. მივიდა ეს ბიჭი ერთ სოფელში. ღამეა და ერთი გლეხის სახლში სინათლე ბეუტავს. მივიდა ეს ბიჭი, შეეხმაურა: მასპინძლო, ღამე გამათევინე, შორეული მგზავრი ვარო!

გაულო კარი გლეხის ქალმა: მობრძანდი, სტუმარი დალოცვილიაო.

შევიდა ეს ბიჭი. ქალი ზის და მატყლს ართავს. ბიჭი უყურებს და თვალში მოსდის ეს ქალი, მაგრამ ფიქრობს: რად მინდა ტყუილად შაგის ცოდვაში ჩავდგე, მამაჩემი შაინც არ დამიყენებს. სადაც, მეფის, თავადისა და აზნაურის ქალები დაიწუნა, ამ უწაველ გლეხის ქალს რას გააჩერებო.

— რასა ოხრავო? — ქალმა ჰკითხა ბიჭსა.

— ე, ჩემი საქმე წასულია, მამაჩემი ცოლებს არ მიყენებს სახლშიო.

— რათაო?

— რათა და, -- უამბო ამ ბიჭმა თავისი ცოლების ამბავი.

ქალმა გაიცინა: არც შენ ყოფილხარ ჰკვიანი და ცოლებიც სულელი გყოლია. აბა, ყური დამიგდე: მამამ რომ გითხრა. ტყიდან მშველელი გამოპყვანეო, მოუჭრიდი კარგ შინდის ჯოხსა და მშველელიც ის იქნებოდაო. ორ კაპიკად ცბენსა და უნაგირს არაინ მოგყიდდა, მაგრამ ღვინოსა და პურს კი იყიდდი, ის იქნებოდა შენმატარებელი, ცხენიცა და უნაგირიცაო. მამაშენმა რომ გითხრა, გზა გრძელია, ან შენ ამეკიდე ან მე აგეკიდებოო, გეთქვა კარგი ზღაპარი გზაზე, ან მამაშენისათვის დაგეგდო ყური, გზაც შეგიმოკლებოდათო. ყანაზე რომ გითხრა მამაშენმა, სანახევროდაც არ არის მოსულიო, რატომ დაგაგიწყდა, რომ ვალი გქონდათ და ნახევარიც ვალის დაფარვას უნდოდან!

წამოხტა ვაჟი, ეხვეწება: შენს მეტი ცოლი არ მინდა, ჰკვიანიცა ხარ და ლამაზიცო!

წამოჰყვა ის ქალი სახლში. ცხოვრობენ ტყბილად და უღარდელად.

ერთხელ მამა-შვილი მეფემ დაიბარა. შეუკვეთა სახლის აშენება. ააშენა ღურგალმა სახლი; მაღალი ბოძის წვერზე ტრიალებს სახლი, მის ნახვას არაფერი სჯობს.

აივსო გაუმადლარი მეფის გული შურით: ეს სახლი რომ ასეთი კარგი ამიშენა, ვინ იცის, წავა და სხვას კიდევ უკეთესს აუშენებსო. ან არადა სხვას რად უნდა ჰქონდეს ჩემისთანა სახლიო.

იფიქრა, იფიქრა და გადაწყვიტა, მოეკლა ღურგალიცა და მისი შვილიც. მოხუცი ღურგალი დიდი გონების კაცი იყო.

— აი, შენი ცოლის ჰკუა და მოხერხება სად გვჭირდება, ის თუ გვიშველის, სხვა ვერაინო, — უთხრა შვილს.

აღვა და გააჩერა ის სახლი ღურგალმა. მეფე ეკითხება, რა ვქნა, ეს სახლი რატომ აღარა ტრიალებსო?

დურგალმა უთხრა: შინ დამრჩა უმართ-სამართი, სანამ იმას არ მკოვიტან, ეს სახლი ვერ მოიმართება რიგზეო.

— ვერ გაგიშვებთ შენა და შენ შვილსაო, — მეფემ უთხრა.

— ბატონი ბრძანდები, შენი შვილი წავიდეს, მე ჩემ რძალთან ღიტიყვას დავაბარებ და ის გამოატანს უმართ-სამართსაო.

წავიდა ხელმწიფის ვაჟი. მივიდა დურგლის რძალთან და ეუბნებოდა: მამამთილმა შემოგითვალა: ხელმწიფეს სახლი ავუშენე, მაგრამ უმართ-სამართსა მთხოვს და, აბა, შენ იციო.

მიხვდა ჭკვიანი რძალი. შეიპატიჟა ხელმწიფის ვაჟი სახლში, ჩაკეტა მაგრად ცხრაკლიტულში და ხელმწიფეს შეუთვალა: ჩემი ქმარი და მამამთილი ახლავ თუ არ გამოგიშვია ჯორკიდებული ოქროთი, შენ შვილს შავ დღეს დავაყენებო, მძევლადა მყავსო.

მეტი რა ღონე ჰქონდა ხელმწიფეს, გამოუშვა მოხუცი დურგალი და მისი შვილი. გამოატანა ჯორკიდებული ოქრო.

— ხომ ხედავ, შვილო, ჭკვიანი რძალი რად მინდოდა, — მამამ უთხრა შვილსა. — აკი გითხარი, ჭკვიანი რძალი აავსებს სახლსა, მაუღელი კი დაავსებს-მეთქი.

ქუნწი მასპინძელი

იყო ერთი ცოლ-ქმარი. ცხოვრობდნენ კარგად, მაგრამ ცოლი პეტად ქუნწი იყო. ერთი ბატი ჰყავთ სამი წლისა. ეხვეწება ქმარი ცოლს: დავკლათ ეს ბატი, მადირსე მაგის ხორცის ჭამაო!

— ადამიანო, როგორ იქნება? გვეყოლება სტუმარი ვინმე და მაშინ დავკლავო.

ერთ დღესაც ნათლიმამა შეესწრო სტუმრად. უხარია ამ კაცს: ჩემი ცოლი ახლა ხომ მაინც დაკლავს ბატსაო?

სხვა გზა არ ჰქონდა ქალს, დაკლა ბატი, მოხარშა. მერე ქმარს უთხრა: ჩადი მარანში, ერთი ხელადა ღვინო გადმოიღე, სტუმარს გავუმასპინძლდეთო.

ჩავიდა კაცი მარანში. ცოლმა ბატი გადმოიღო, წვენი გადაწურა და კიდობანში ჩადგა, ბატი თახჩაში შეინახა, ჩააწყო შამფურები ცეცხლში, ჩაყარა ქვებში ქვები და ხარშავს. ზის და თავისთვის ბუტბუტებს: გაცხელდით კარგად, შამფურებო, იხარშეთ, ქვებო! გაცხელდით, შამფურებო, იხარშეთ, ქვებო!

— ნათლიდედ, ე შამფურები რაღად გინდა, ან ქვებს რადა ხარ-შავო? — სტუმარი ეკითხება.

— არ იცოდი, გენაცვალე, ჩვენში ასეთი წესია, ჯერ სტუმარ-უნდა დავდალოთ ცხელი შამფურებით, რომ სხვა დროს ვიცნოთ ხოლმეო, და მერე მოხარშული ქვები ვაყლაპოთო.

ამ კაცმა თქვა: ერიპა! მე თუ აქ დამდაღეს, მერე ბატი რას მიქვიაო? — დაავლო ქუდს ხელი და გაიქცა.

მოდის ეს მასპინძელი კაცი მარნიდან, ხელადით ღვინო მოაქვს..

— ქალო, სტუმარი რა იქნაო?

— სტუმარი და მისი თავიო! მარანში ფეხი ჩადგი თუ არა, დაავლო ბატს ხელი და გავარდაო.

— ქალო, ამ ბატს სამი წელიწადია ველი, იმას როგორ შევარ-ჩენო! — იშვირა ფეხი და ქუდმოგლეჯილი მისდევს ნათლიმამას.

დაეწია როგორც იქნა; გააჩერა სტუმარი და ეკითხება:

— შე კაცო, რა იყო, სად გავარდი, ან ეს ბატი ასე უცებ როგორ გაათავე, გააქრეო?

— სად იყო ბატი, შენმა ცოლმა ცხელი შამფურები ჩააწყლო ცეცხლში ჩემ დასადაღავად, საჭმელად ქვები ჩაყარა ქვებში. ბატ-თახჩაში დამალა, წვენი კიღობანში ჩადგაო.

— წამოდი, შენი ჭირიმე, დაბრუნდიო.

— რას ამბობ, კაცო, თქვენთან რაღა მომიყვანსო!

წავიდა სტუმარი. კაცი შინ მობრუნდა და ცოლს უთხრა: ნათლიმამა ვერ ვნახე, ძლიერ დავიღალე და თავი კალთაში ჩამადებინე, ცოტა წავიძინოო.

ქალმა თავი კალთაში ჩაადებინა. მინაბა თვალები კაცმა. უცებ წამოხტა და დაიძახა: ქალო, ჩქარა თახჩიდან ბატი გადმოიღე, კიღობნიდან კი წვენი ამოდგი სუფრაზეო! — და მოყვა მის ლან-ძღვასა: — შე ასეთო, შე ისეთო, ასე უნდა მასპინძლობაო?!

— შენ საიდან იცი ბატის ამბავიო? — ჰკითხა ცოლმა.

— რა და, შენმა მუხლისთავებმა მითხრეს ეს ამბავიო.

გადმოიღო ბატი თახჩიდან, ამოდგა წვენი, აჭამა ქმარს. აიღო მერე ცხელი შამფურები, გაისვა და გამოისვა მუხლებზე: თქვე დასამიწებლებო, ასე როგორ გამიძეტო?!

მზეთუნახავისა და ხელმწიფის შვილის ზღაპარი

იყო და არა იყო რა, იყო ერთი ხელმწიფე, ჰყავდა სამი ვაჟი. იმ სახელმწიფოში ერთი მზეთუნახავი ქალი იყო. ის ქალი არაკის არ ეჩვენებოდა უფასოდ. იმისი ერთი ხელი რომ ენახათ, უნდა ასი თუმანი მიეცათ და მთლიანად რომ ენახათ ქალი, უთვალავი ფული უნდა მიეცათ.

ხელმწიფის შვილებს ძლიერ უნდოდათ ამ ქალის ნახვა. უფროსს და საშუალოს მისცა მამამ უთვალავი ფული და ორივემ ნახეს. უმცროსს კი არ მისცა. ეწყინა ძალიან. წავიდა გზაზე, მიდის და ტირის. შემოჰხვდა ერთი ქოსამატყუარა და ჰკითხა: რა გატარებსო?

— ჩემმა ძმებმა კი ნახეს მზეთუნახავი, მისცა მამაჩემმა უთვალავი ფული და მე კი არ მომცა, რომ შენახაო, — უპასუხა ხელმწიფის შვილმა.

— წადი, ერთი თხა და სადგისი იყიდე, წავიდეთ და იმ მზეთუნახავს მალე გაჩვენებო, — უთხრა ქოსამატყუარამ.

წავიდა ვაჟი, იყიდა ერთი თხა, იშოვა სადგისები, წამოიყვანა, წამოიღო და მოიტანა.

მივიდნენ მზეთუნახავის სახლის წინ, წააქციეს თხა და დაუწყეს სადგისებით ჩხვლეტა: ვითომდა კლავდნენ, აჩხავლებდნენ თხასა. შეცვივდნენ მოსამსახურეები და მოახსენეს მზეთუნახავს: აბა, გამოდი, ქალბატონო, რანაირად კლავენ იმ თხას ის კაცებო! გამოვიდა მზეთუნახავი და ხელმწიფის შვილმა დაინახა. ეს ერთხელ. უბრძანა მზეთუნახავმა მსახურებს: ჩადით, დაუკალით, როგორც რიგი და წესი იყოს!

ჩავიდნენ, დაუკლეს, ქვაბში ჩაუყარეს და დადგეს ცეცხლზე. აიღო ქოსამატყუარამ ქვაბი და პირქვე მოაბრუნა. შევიდნენ კიდევ მოსამსახურეები მზეთუნახავთან და მოახსენეს: აბა, გამობრძანდი, ქალბატონო, რასა შერებთან ის კაცებო.

გამოვიდა მზეთუნახავი და უბრძანა მსახურებს: ჩადით და, როგორც რიგი და წესი იყოს, ისე მოუხარშეთო.

ეს მეორედ ნახა ხელმწიფის შვილმა მზეთუნახავი.

ჩავიდნენ მსახურები, გაურეცხეს ხორცი, ჩაყარეს ქვაბში და შედგეს ცეცხლზე. როდესაც მოიხარშა, მოუხსდნენ ქოსამატყუარა და ხელმწიფის შვილი. ხან ერთი ჩასცემს პირს და ხან მეორე. იწვავენ ლაშებს. ამას ნახავენ ქალის მსახურები, შევლენ და მოახსენებენ მზეთუნახავს: აბა, გამობრძანდი, ქალბატონო, ის კაცები რასა შერებთანო!

მზეთუნახავმა უბრძანა: ჩაღით, ამოიყვანეთ აქ, მაღლია, დაე-
სხათ და ვაჭამოთ, როგორც რიგი და წესი იყოსო.

ჩავიდნენ, ამოიყვანეს, დასხეს, ასვეს და აჭამეს. ბოლოს, ძი-
ლი მოეკიდათ. ხან ქოსა გაწვება ხელმწიფის შვილზე, ვითომ ლეი-
ბიაო, ხან ხელმწიფის შვილი — ქოსამატყუარაზე.

უბრძანა მზეთუნახავმა მახათრებს: ეგ ქოსა თქვენ წაიყვანეთ,
დააწვინეთ და ამას მე დაეაწვენო.

დაწვა ქალი და მოიწვინა ხელმწიფის შვილიც გვერდზე. უთხრა:
აი, ასე უნდა წოლა. ხელი არ გაანძრიო, თორემ ახლავე თავს
მოგჭრი. ხვალ სამ ოქრო-ვერცხლით აკიდებულ ჯორს მოგცემ, წაი-
ყვანე, და თუ ერთიორად აქცევ, ქმრად შეგიერთავ, და თუ
ვერა — არაო.

წამოასხა ეს ჯორები. არის დაღონებული: ერთიორად როგორ
უნდა ვაქციოო. მოვიდა ერთ მეხაშესთან და უთხრა: აბა, ეს ჯო-
რი და, რომ ჩამოვიარო, ერთი თავი მომეციო.

გაუხარდა მეხაშეს ძალიან. აიარა კიდევ. ერთი მემაწვნეს მი-
ცა: რომ ჩამოვიარო ერთი ქილა მაწონი მომეციო.

წავიდა და ერთიც სესაბლეს მისცა: რომ ჩამოვიარო, ერთი სა-
ბელი მომეციო.

დარჩა ცარიელი და წავიდა დაღონებული. შემოეყარა ერთი კა-
ცი და ჰკითხა: რადა ხარ დაღონებულიო?

— იმიტომა ვარ დაღონებული, რომ მზეთუნახავმა სამი ოქრო-
ვერცხლით აკადებული ჯორი მომცა; თუ ერთიორად ვაქცევდი.
შემირთავდა. სამივე ტყუილუბრალოდ დავკარგე, ერთი მეხაშეს
მიცევ, ერთი — მემაწვნეს, ერთიც — მესაბლეს და დავრჩი ცარიე-
ლიო.

კაცმა უთხრა: აბა და ამ ადგილას ერთი ხე დგას, იქ წადი, იმ ხეს-
თან მოვლენ ის შენი მეხაშე. მემაწვენე და მესაბლე. შენ იმ ხეზე
დაიმალე. იქ მოვა მათი უფროსიც და იმას ეტყვიან ყველა თავის
ზარალ-სარგებელსა, თუ გეშველება. იქ გეშველებაო.

წავიდა ხელმწიფის შვილი. მიაგნო იმ ხეს, ავიდა ზედ და დაიმა-
ლა. მოვიდნენ ის კაცებიცა და იმათი უფროსიც.

— აბა, რა მოიგეთ, რა წააგეთო? — ჰკითხა უფროსმა.

მეხაშემ უთხრა: მე გუშინ კარგი მოგება ვნახე: ერთი კაცი მოვი-
და, ერთი ოქრო-ვერცხლაკიდებული ჯორი მომცა და, რომ ჩამოვი-
ლის, ერთი თავი უნდა მივცეო.

— შენ მოგება არ გინახავს, — უბასუხა უფროსმა, — იქნებ
კაცის თავსა გთხოვსო?!

გამობრუნდა დაღონებული მეხაშე.

ახლა მემაწვნე მოვიდა.

— შენ რაღა წააგე, ან მოიგეო?! — ჰკითხა უფროსმა.

— მე გუშინ დიდი მოგება მქონდა, — უპასუხა მემაწვნემ, — ერთმა კაცმა ჩამოიარა, ერთი ოქრო-ვერცხლით დატვირთული ჯორი მომცა და, რომ ჩამოვიღის, ერთი ქილა მაწონი უნდა მივცეო.

— ვერ გქონია კარგი მოგება, — უთხრა უფროსმა, — იმან რომ ჩამოიაროს და ადამიანის რძისა გთხოვოს, საიდან მოუტანო?

წავიდა ისიც დაღონებული.

ახლა მესაბლე მოვიდა.

— შენ რაღა ჰქენიო?! — ჰკითხა უფროსმა.

— მეც გუშინ დიდი მოგება მქონდა; ერთი კაცი მოვიდა, ერთი ოქრო-ვერცხლაკიდებული ჯორი მომცა და, რომ ჩამოვიღის, ერთი საბელი უნდა მივცეო.

— ვერაფერი მოგება გქონია, — უპასუხა უფროსმა, — იმ კაცმა რომ შენი ულვაშების თოკი გთხოვოს, საიდან მოუტანო?

ისიც დაღონებული წავიდა. უფროსიც თავის გზაზე წავიდა.

ჩამოვიდა ხელმწიფის შვილიც და წამოვიდა მაშინვე მეხაშესთან.

— აბა, გამომიტანე დაპირებული თავიო!

მეხაშემ ერთი კარგა გაკეთებული ცხვრის თავი გამოუტანა.

— აჰა, წაიღეო.

— არა, — უპასუხა ვაჟმა, — ჩვენი პირობა ეგ არ იყო. ან ერთიორად ჩემი ოქრო-ვერცხლი და ან კაცის თავიო!

რა მეტი ღონე ჰქონდა მეხაშეს, გამოუტანა და ერთიორად მისცა ოქრო-ვერცხლი. წამოიღო ვაჟმა და ახლა მემაწვნესთან ჩაიარა.

— გამომიტანე ქილაო!

მემაწვნემ ერთი ქილა მაწონი გამოუტანა.

— პირობა ეს არ იყო, — უთხრა ხელმწიფის ვაჟმა, — თუ ადამიანის რძისა არ იქნება, არ მინდაო.

წაართვა იმასაც ერთიორად ოქრო-ვერცხლი და წამოვიდა. ჩაუარა მესაბლეს.

— გამომიტანე ჩემი საბელიო!

მესაბლემ ერთი კარგი საბელი მოუტანა, ინებეთო.

— ეს არ მინდა, — უპასუხა ვაჟმა, — შენი ულვაშისა უნდა იყოს, არა და, ერთიორად, რაც მომიციაო.

წაართვა ერთიორად და წამოვიდა გახარებული. მიუტანა ქალს, შეიერთო და გაიხარა.

ქირი იქა, ლხინი აქა,
ქატო იქა, ფქვილი აქა.

ხელმწიფის ვიჟი შვილი

იყო ერთი დიდებული ხელმწიფე. ხელმწიფეს ორი ვაჟიშვილი ჰყავდა. ერთ ვაჟს გიყს ეძახდნენ. გიჟი ეგონათ და ყურსაც არ უგდებდნენ. მეორეს ჰქვიანს ეძახდნენ და ტახტის მემკვიდრედ იმას ამზადებდნენ.

გიყს დილით ჩააცმევდნენ მშვენივრად, მორთავდნენ ვერცხლითა და ოქროთი; მიეფარებოდა მერე საღდაც და საღამომდის აღარ გამოჩნდებოდა. საღამოზე დაბრუნდებოდა ჩამოხეული და ჩამოწეწილი, საძაგელი კონკებით, თითქოს გლახა არისო. მეორე დღეს ისევ ასალი უნდა ჩაეცმიათ. თუმცა არ მოსწონდა ხელმწიფეს შვილის საქციელი, მაგრამ რას იზამდა, ტიტველს ხომ ვერ ატარებდნენ?!

ხელმწიფეს ერთი ვეზირი ჰყავდა, ბრძენი და მეცნიერი, ერთგული ხელმწიფისა, სიერთაგულეში სწორი არა ჰყავდა. მთელი თავისი სიცოცხლე ხელმწიფის სამსახურში გაეტარებინა, ხელმწიფეც პატივსა სცემდა და აფასებდა იმის ერთგულებას. ვეზირიც ხედავდა, რომ ხელმწიფის შვილი დილით ატლასიონს ჩაიცვამს, წავა და საღამოზე ჩითიონითაც აღარ მოვა.

ერთხელ თქვა: მოდი, გავყვები ამ გიყს ისე, რომ ვერ გაიგოს, ვნახავ, ან ტანისამოსს რაზე ხევის, ან მთელ დღეს სად ატარებს, რას აკეთებსო.

ერთხელ, როდესაც ხელმწიფის შვილი, მშვენივრად მორთული გავიდა სასახლიდან და გასწია მინდვრისაკენ, ვეზირიც თან გაჰყვა. მიდის ხელმწიფის შვილი და მიჰყვება შეუმჩნეველად უკან ვეზირიც.

გაიარა ხელმწიფის შვილმა მინდორი, გავიდა შარავნაზე და გზაგასაყარში დადგა. ააყოლებს და ჩააყოლებს თვალს გამველე-გამომველეს, ხმას არავის არა სცემს. ბოლოს, ერთი საბრალო, ჩამოხეულ-ჩამოფლეთილი გლახა ჩამოვიღის, ტანზე არა აცვია რა ძონძების მეტი, ერთი საბრალო და ღვთის ცოდვილია. გადაუდგება წინ ხელმწიფის შვილი, შეაყენებს გლახას და უბრძანებს: გაიხადე ახლავე, რაც გაცვია და მე მომეციო!

გლახას გაუჟვირდება: რა მაცვია: რად გინდა, რისთვის გავიხადოო.

როგორც იქნა, გაახდევინა ტანისამოსი გლახას ხელმწიფის შვილმა, თვითონაც გაიხადა, თავისი გლახას ჩააცვა, გლახისა თვით ჩაიცვა. მერე გაუშვა: ახლა კი შენს გზაზე იარეო.

გლახა გასცდა და ხელმწიფის შვილმაც გულდასვენებით გასწია წინ. იარა, იარა, ერთ რიყეზე მივიდა და დაჯდა ლამზე. აიღებს ჩა-

ნახს. აავსებს ლამით: ეს იმას, ვინც ძმას გაეყაროს და ძმობილს შე-
ეყაროს! აავსებს მეორედ ჩანახს: ეს იმას, ვინც ცოლს გულის სი-
ტყვა უთხრას! აავსებს მესამედ და იტყვის: ეს იმას, ვინც ბატონს
ვერთგულოსო!

ამას რომ მორჩება, ადგება და გამოსწევს სახლისაკენ.

ვეზირს გულში ჩაეჭრა ხელმწიფის შვილის სიტყვები. იფიქრა:
თუ ყველა ეს არა ვცადე, არ იქნებაო.

მეორე დღესვე ძმას რალაც შარი მოუღო. გაეყარა და ძმობილს
შეეყარა. სანამ ვეზირი ფულს აძლევდა და აჭმევდა, მეგობარსაც ძა-
ლიან მოსწონდა და უყვარდა, მაგრამ როდესაც ვეზირმა ქისას მო-
უჭირა, ცოტა ხანს ითმინა მეგობარმა, ბოლოს, ჰკრა კიტლაცი და
გამოუძახა.

აუსრულდა ხელმწიფის შვილის სიტყვა ვეზირს. მერე მეორე და
მესამე სიტყვის გამოცდა მოინდომა.

ხელმწიფეს ერთი შველი ჰყავდა, ძალიან უყვარდა. თავისთან
აჭმევდა, ასმევდა და აძინებდა. სულ იმის ალერსსა და სიყვარულო-
ბაში იყო. ვეზირმა იმისი მოპარვა განიზრახა და აასრულა კიდევ.
წამოიყვანა შველი და დამალა. თხა დაკლა და ცოლს უთხრა: ეს ხელ-
მწიფის შველია, მე მოვიპარე, დაკვალ და ვჭამოთო.

ჭამეს თხის ხორცი. რა იცის ცოლმა, თუ შვლისა არ არის.

შვლის მოპარვამ ხელმწიფე ძალიან გააბრაზა. გასცა ბრძანება.
რომ აუცილებლად უნდა ეპოვათ იმისი მომპარავი.

ერთ დღეს ვეზირმა ცოლი ლაზათიანად მიბეუა. გაიქცა ცოლი და
ნაშინვე ხელმწიფეს მოახსენა: შენი შველი ჩემმა ქმარმა მოიპარა.
დაკვალთ და შეეჭამეთო.

დაიჭირეს ვეზირი და მაშინვე სახრჩობელაზე წაიყვანეს. ვეზირმა
სთხოვა ხელმწიფეს: ერთი სიტყვა მათქმევინეთო! — დააყადეს.—
ის შველი ცოცხალია, არ დაგვიკლავს. ესე, ესე გამოცდა მინდოდა
ცოლისა და იმიტომ მოვიპარეო.

მოიყვანეს შველი და გადარჩა სახრჩობელას ვეზირი, მაგრამ გაი-
გო კი ვეზირმა, რაც უნდოდა, დარწმუნდა, რომ ბატონის ერთგუ-
ლება მართლა არა ღირებულა არაფრად: ხელმწიფემ ერთი შვლის
გულისთვის სახრჩობელაზე წამიყვანა ერთგული ვეზირი და ცოლ-
მა კი პირველ წყენაზედვე გამცაო.

მაშინ მიხვდა ვეზირი, ვინ გიჟი იყო და ვინ ჰკვიანი.

ქირი იქა, ლხინი აქა,
ქატო იქა, ფქვილი აქა.

ხელმწიფის შვილისა და ხელმწიფის ახვავი

ერთი დიდებული ხელმწიფე იყო. როდესაც დაბერდა და სიკვდილის უამს მიაღწია, დაუძახა თავის ერთადერთ მემკვიდრე შვილს და უთხრა: შვილო, ხომ ხედავ შენი თვალით, დღეს არა, ხვალ მოგკვდები, ფესი სამარეში მიდგას, ქვეყანა შენ ხელთ უნდა მოექცეს. წადი ახლა და ყველა მხარეში თითო სახლი აიშენე. რომ გაჭირვება იქნება, თუ სხვა რამე, თავი იქ შეათარო.

შვილმა გაუგონა მამას ბრძანება, დაუსანებლად ადგა, წაიღო ფული და წავიდა თავის სახელმწიფოში. სადაც მოეწონება ადგილი. მთა იქნება. გორა. სოფელი თუ ტყე, მშვენიერი სახლები ააშენა. როცა ყველგან მორჩა სახლების აშენებას, დაბრუნდა მამასთან.

მამამ დაიბარა შვილი თავისთან და გამოჰკითხა ყველაფერი: რა ჰქენ. შვილო, ააშენე ყველგან სახლები, როგორც გითხარ. თუ არაა?

— ავაშენე, — უპასუხა გულდამშვიდებით შვილმა, — სადაც ან მთა, ან კორდი მომეწონა, ყველგან მშვენიერი სასახლე დავიდგო.

— ვაჰ, შენ მტერსა. შვილო, შენ ის სახლები არ აგიშენებია, რაც მე გითხარი. ცარიელი სახლები, შვილო, გაჭირვებაში კაცს ვერ შეიფარებენ. მე ის გითხარი, წადი. ყველა ქვეყანაში თითო პატროსანი კაცი დაიმეგობრე, შეიყვარე და შენი სახლი ის იქნებოდა. რა ქვეყანაშიაც კაცს კარგი და პატროსანი მეგობარი ჰყავს, იქ იმისთვის სახლიც არის და ბინაცაო.

ქირი იქა, ლხინი აქა,
ქატო იქა, ფქვილი აქა.

ცრუ და მართალი კაცი

იყო ორი ამხანაგი. ერთი იყო ცრუ და მეორე მართალი. ცრუს თავის დღეში სიმართლე არ ეთქვა და მართალს — სიცრუე.

ერთხელ ცრუმ უთხრა მართალს: გავიმზადოთ საგზალი, წავიდეთ ბედის საძებნელად, იქნება ხეირს შევეყაროთო.

— კარგიო, — მიუგო მართალმა.

გამოაცხვეს პურები, მკვადები და გაუდგნენ გზას. საგზალი ცრუმ წამოიკიდა ზურგზე.

იარეს, იარეს, მოვიდა მართალს და შეეხვეწა ცრუს: ცოტა თუ არ მაქამე. შიმშილისაგან დავსუსტდი, სიარული აღარ შემძლიაო.

ცრუმ უარი უთხრა: რა დროს ჰამაა, ფეხი გამოდგი ჩქარაო.

რას იზამდა მართალი კაცი, განაგრძო სიარული, მაგრამ უარესად დასუსტდა და ისევ შეევედრა ამხანაგს: ცოტა მაინც მაქამეო.

ცრუ ამხანაგმა უთხრა: თუ მარჯვენა თვალს ამოიგლეჯ, გაქმევეო. რალა უნდა ექნა მართალს, შიმშილით კუჭი ეწვოდა, ამოითხარა მარჯვენა თვალი და ლუკმისათვის ხელი გაიშვირა.

ცრუმ კიდევ იცრუა და უთხრა ამხანაგს: ჯერ ცოტა კიდევ იარე და მერე გაქმევეო.

ძლივსძლივობით კიდევ განაგრძო მართალმა გზა, მაგრამ შიმშილმა ძლიერ შეაწუხა და ისევ სთხოვა ამხანაგს პატარა მჭადი.

ცრუმ უთხრა: სანამ მეორე თვალს არ მოითხრი, არას გაქმევეო.

მართალს მეტი რალა გზა ჰქონდა, ამოითხარა მარცხენა თვალიც და მჭადისათვის ცრუს ხელი გაუშვირა.

ცრუმ მჭადის ნაცვლად ბრმას ხელში ქვა ჩაუდო და სადღაც გაეპარა.

დარჩა მართალი თვალეზდათხრილი მარტო, უდაბურ ტყეში. შეწუხდა საწყალი, მაგრამ რას იზამდა. გადადგა ორი ნაბიჯი და ხეს დაეჯახა. იფიქრა, ძირს რომ დავრჩე, ნადირი შემეჭამსო და დიდი გაქირვებით ხეზე აცოცდა. მოუსვა ხელები აქეთ-იქით და ხელში მწიფე მსხალი მოჰყვა: ხეს თურმე მსხალი ესხა. დაიწყო ბრმამ ჰამა და გაძღა.

გავიდა ცოტა ხანი და ბრმას ხის ძირიდან რალაც ხმა შემოესმა. თურმე სამი ქაჯი მოსულა და ერთიმეორეს რალაცას ელაპარაკებთან.

ქაჯებმა თქვეს: ვთქვათ, ვინც რა ვიცითო.

ერთმა დაიწყო: აქ მეგულემა ერთი წყალი და, ზევით, ხეზე რომ ბრმა ზის, ის რომ იმ წყლით თვალს ამოირეცხავდეს, მაშინვე აეხილებო.

მეორემ თქვა: ამა და ამ ქვეყანაში ფულის ქესატობაა, იქ ერთი დიდი ჰადრის ხეა, მის ძირში აუარებელი ფულია; ვინც ჰადარს მოთხრის, ფულიც მისი იქნებო.

მესამემ თქვა: ამა და ამ მეფეს ერთადერთი ქალიშვილი ჰყავს და უკვდება. ვერავინ უშველა და არც მორჩება, თუ არ მოკლეს ის ბაყაყი, რომელიც ქალის ტახტის ქვეშა ზისო.

ბრმამ გაიგონა ქაჯების ნალაპარაკევი.

ქაჯები წავიდნენ. ბრმა ჩამოცოცდა ძირ', როგორც იქნა, მოძებნა წყალი, ამოიბანა თვალები და მორჩა, აეხილა თვალები.

წავიდა ქადრის ხის საძებრად და იმასაც მიაგნო. მივიდა იქაურ მეფესთან და მოახსენა: რას მარგებ, იმდენი ფული რომ აღმოვაჩინო, შენს სახელმწიფოში ყველას ეყოსო.

მეფემ უპასუხა: ოღონდ აღმოაჩინე და რამდენიც გენებოს. წაიღეო.

წავიდა მართალი კაცი, წაიყვანა მეფის კაცები, მივიდა ქადართან, მოთხარა, ამოიღო უამრავი ფული და მეფეს მიუტანა. ერთი ჯორკიდებული თვითონ აიღო და მეფეს მიაბარა.

მართალი კაცი წავიდა მეორე სახელმწიფოში, მივიდა იქაურ მეფესთან და მოახსენა: მეფევ, რას მიბოძებ გასამრჯელოდ, ქალი რომ მოგიჩინო?

მეფე დაპყრდა: ყველაფერს მოგცემ. რასაც ისურვებ. თუცი ქალს მომიჩინო.

შევიდა მართალი ქალის ოთახში, გამორეკა ყველა გარეთ, მონახა ტახტქვეშ ბაყაყი, მოკლა და ქალიც მორჩა.

გახარებულმა მეფემ უხვად დაასაჩუქრა ეს ექიმი, გამოატანა ჯორკიდებულები და გამოისტუმრა.

მართალმა კაცმა გამოიარა პირველ მეფესთან, გამოართვა მიბარებული ფული და წამოვიდა სამშობლოში. დაიწყო მდიდრული ცხოვრება.

გაიგო ცრუმ მართალი ამხანაგის გამდიდრება, მოვიდა და ჰკითხა: რამ გაგამდიდრაო?

მართალმა ყველაფერი სიმართლით უამბო.

ცრუმ იფიქრა: ავშენდი კაციშვილი, თუ ასე ადვილად შეიძლება გამდიდრებაო, წავიდა ტყეში, მონახა ის მსხლის ხე და აცოცდა ზედ. ღამით მოვიდნენ ქაჯები ხის ძირში და დაიწყეს ლაპარაკი. ცრუ სმენად გადაიქცა.

ერთმა ქაჯმა თქვა: ამ ხეზე ცრუ კაცი ზის, ჩამოვიყვან ძირს და ერთს მაგრად მივებგვაყო.

მეორემ თქვა: მე მოვკლავო.

მესამემაც დაუმატა: ეს მოლესილი დანა რად მინდა? მე სულ ნაკუწ-ნაკუწად ვაქცევო.

ქაჯებმა შეასრულეს თავიანთი ნათქვამი: ერთმა ძირს ჩამოიყვანა ცრუ და მივებგვა, მეორემ მოკლა, მესამემ გალესილი დანით აკუწა.

მეფე და მსახური

იყო და არა იყო რა, იყო ერთი მეფე. ძალიან უყვარდა ქეიფი და დროსტარება. ჰყავდა ერთი მსახური, რომელიც ჰკიცხავდა მის ასეთ საქციელს და ხშირად უსაყვედურებდა: მეფეს მთელი ქვეყანა აბარია, იგი მხოლოდ თავისთვის დაკმაყოფილებაზე კი არ უნდა ზრუნავდეს. არამედ ხალხის ბედსა და ავ-კარგზეო.

მეფე მაინც არ იშლიდა თავისას და ცდილობდა, ჰკუთხის დამრიგებელი მსახური თავიდან მოეშორებია.

ერთხელ მოიხმო მეფემ მსახური თავისთან და უთხრა: სამ კითხვას მოგცემ და სამი დღის ვადას გაძლევ. თუ სამი დღის განმავლობაში სამივე არ ამიხსენი, თავს მოგჭრიო.

— ბრძანეთო, — მიუგო მსახურმა

მეფემ დაიწყო: დალიე მთელი ზღვა; გაიგე, რა მანძილია ცასა და დედამიწას შუა და მითხარი, რას ვფიქრობ მეო.

წამოვიდა დაღონებული მსახური. არ იცის, რა ქნას, დღეს თუ ხვალ სიკვდილი მოელის.

გზაზე ბერიკაცი შეხვდა.

— გამარჯობა შენი, რას ჩაფიქრებულხარ აგრე მწარედო? — ჰკითხა ბერიკაცმა.

— ეჰ, როგორ არ ჩაფიქრდე, დღეს თუ ხვალ სიცოცხლეს უნდა გამოვესალმოო, — მიუგო მსახურმა და თანაც ბერიკაცს ყველაფერი უამბო.

— ნუ გეშინია, მაგ გაჭირვებისაგან მე გიხსნი. შენ მხოლოდ მეფეს ერთი ტომარა ნართი გამოართვი და სხვა მე ვიცი და ჩემმა გამოცდილებამაო, — უთხრა მოხუცმა.

მსახურს ძალიან გაუხარდა და მეფეს ერთი ტომარა ნართი სთხოვა. მეფემაც მისცა.

მოხუცმა ჩაიცვა მსახურის ტანისამოსი, ნართიანი ტომარა ზურგზე წამოიკიდა და ასე ამგვარად მეფესთან მივიდა.

— რა ჰქენი, ახსენი ჩემი კითხვები? — დაეკითხა მისვლისთანავე მეფე მოხუცს, რომელიც მას მართლა თავისი მსახური ეგონა.

— კი, შენი ჭირიმე, ავხსენი!

— დალიე ზღვა?

— დავლევ, ბატონო, თუ შეაჩერებ ყველა იმაში შემავალ მდინარეს და შიგ ადარ ჩაუშვებო.

მეფემ გაოცებით შეხედა.

— გაიგე, რა მანძილია ცასა და დედამიწას შუა?

— გავიგე, ბატონო, აგერ ზომაც მოგიტანეთ, აი, ეს ნართი. თუ არა გჯერათ, თქვენ თვითონ გაზომეთ და დარწმუნდებით, რომ მართლს ვამბობო, — მიუგო მოხუცმა.

— კარგი, ვთქვათ, ეს ასეა, ახლა მითხარი, მე რასა ვფიქრობო?

— თქვენ, ბატონო, ახლა იმას ფიქრობთ, თითქოს თქვენ წინაშე მსახური იდგეს, მაგრამ მოტყუებული ბრძანდებითო.

ამ სიტყვებთან ერთად მოხუცმა მსახურის ტანისამოსი გაიხადა.

მეფე მიხვდა, რომ მოტყუვდა, შერცხვა, გაწითლდა და მსახური კიდევ უფრო შეიყვარა.

ღარიბი კაცი და სოვდაგარი

იყო ძალიან ღარიბი კაცი, ჰყავდა ძალიან ლამაზი ცოლი და ორი ვაჟი.

ქვეყანაზე არაფერი არა გააჩნდათ რა.

კაცი დღეში თითო გულდურა შეშას მოჭრიდა, გაყიდდა და ასე იოლად მიდიოდნენ.

ერთხელ ცოლმა უთხრა: კაცო, შვილები წამოგვეზარდნენ, ტყეში დავსახლდეთ, ჩვენც ხელს წაგახმარებთ, შეშის მოჭრას გიშველითო.

კაცმა მოიწონა ცოლის რჩევა. ჩადგეს ქოხი ტყის პირში და დასახლდნენ.

კაცი სანამ ერთ გულდურა შეშას გაყიდდა, მეორე გულდურაც მზად იყო. ცოტა უკეთ დაიწყეს ცხოვრება.

ერთ საღამოს სოვდაგარი დასაპალნებული ჯორ-აქლემებით ტყის ახლო მინდორში ღამის გაათევად დაბინავდა. მოჰკრა თვალი ქალს, მოეწონა. თქვა: ეს ქალი უნდა მოვიტაცო.

ღამე რომ კარგად გატყდა, ბიჭი მიგზავნა ქოხში: ქალს მუცელი გვიტყვივა და თუ მანდილოსანი გყავთ, ღვთის გულისთვის მოხედოსო.

ქალი არ მიდიოდა, არ გვატყუებდნენო. ქმარმა გაგზავნა: რად მოგვატყუებენ, რა ჯავრი უნდა სჭირდეთ ჩვენო.

სოვდაგარმა მაშინვე ჩასვა ქალი ყუთში. დაკეტა, წამოჰკიდა აქლემს და არხეინად გაემგზავრნენ.

დილით ქალი რომ აღარ დაბრუნდა შინ, ქმარი ხან აქეთ ეცა,

ხან იქით. ასავალ-დასავალი ვერ გაიგო. დამწუხრებულმა მოჰკიდა შვილებს ხელი და წავიდა უგზო-უყვლოდ. მიადგა ერთ მდინარეს. წყალი დიდი იყო. იფიქრა: ჯერ ერთს გავიყვან, მერე — მეორესაო.

უფროსი შვილი ნაპირზე დატოვა, უმცროსი აიყვანა ხელში და შევიდა წყალში. კაცი ფიქრებში წავიდა, გაეშვა ხელი და ბავშვი წყალში ჩაუვარდა. სდია, სდია, მაგრამ ვერ დაიჭირა ბავშვი.

გამობრუნდა: ეს ხელიდან წამივიდა, ის მაინც გამოვიყვანო მშვიდობითაო.

მაიტანა ნაპირს. უცებ მგელი გამოვარდა საიდანღაც, დაავლო ბავშვს პირი და გაიტაცა. დაიწყო კაცმა თავში ცემა, ტირილი: ვაიმე. ცოლო, ვაიმე, სიღარიბეში გაზრდილო შვილებო, მოგიკვდეთ მამაო!

წავიდა იქიდან და მიადგა დუქანს. მელუქნეს ჰკითხა: მოჯამაგირე ხომ არ გინდა, დამაყენეო.

მელუქნემ უთხრა: გოდრის დაწვნა თუ იცო, დაგაყენებო.

კაცმა უთხრა: შე დალოცვილო, სოფელ კაცს გოდრის დაწვნა როგორ არ შეცოდინებაო?

— მაშ. შენი სიგრძე დაწანიო, — უთხრა მელუქნემ.

დაწნა კაცმა გოდორი. მელუქნემ უთხრა: აბა, ჩაჯექი, როგორ მოგივაო.

კაცი ჩახტა. მელუქნემ სწრაფად გადაუხლართა თავი და წამოიკიდა ზურგზე, სირბილით აიტანა მთის წვერზე. იმ მთის წვერზე არწივი ბუდობდა და ვინც ადამიანს მოუყვანდა, სასყიდელს კარგს აძლევდა.

მელუქნემ დადგა გოდორი და უთხრა: იცოდე, თუ გაჩერდები, არწივი შეგჭამს, თუ გაანძრევ გოდორს, დაგორდება და აღიდებულ წყალში ჩავარდებიო.

კაცმა იფიქრა: არწივის შეჭმას სჯობს, წყალში დავიხრჩოო. შეინძრა, დაგორდა გოდორი, კაცი შიგ ხელებს აფათურებდა, ცდილობდა გოდორი როგორმე დაემტვრია. გოდორი ოღრო-ჩოღრო ქვაგორანებზე იმტვრეოდა, დაიშალა და გამოვიდა.

— ეჰ, ამ სიალალმართლემაც კეთილი არ დამაყარაო.

შეხვდა მისებრ საწყალი კაცი. ტანისამოსი გაუცვალა, წვერი ბოიპარსა, კვლავ მივიდა მელუქნესთან და ჰკითხა: მოჯამაგირედ მინდა დავდგე და ხომ არ დამიყენებო?

— დაგიყენებ, თუ კალათის დაწვნა იცო, — უთხრა მელუქნემ.

— როგორი კალათიც გნებავდეს, დავწნავო, — მიუგო კაცმა.

— მაშ, შენი სიგრძე გოდორი დაწანიო, — უთხრა მელუქნემ.

გოდრის დაწვნა რომ გაათავა, მედუქნემ უთხრა: აბა, ჩაჯექი. როგორ მოთავსდებიო.

— ჯერ შენ ჩაჯექი, დაგინახო, რომ მეც ისე ჩაჯდეთ.

ჩაჯდა მედუქნე. კაცმა გადაუხლართა თავი, წამოიკიდა. სულ სირბილით აიტანა მთის წვერზე; დატოვა იქ და არხეინად ჩამოვიდა. დაიწყო დუქანში ვაჭრობა.

ერთხელ ორი ვაჟი მივიდა მედუქნესთან და სთხოვა: ბიჭებად აგვიყვანეთ. მედუქნემ აიყვანა.

ერთ დღით ერთი სოფდაგარი მივიდა დუქანში, მოითხოვა სასმელ-საქმელი და ბიჭები. დუქნის ახლოს ჩამოხადა ჯორ-აქლემებს საპალნე, ბიჭები დაუყენა და თვითონ დუქანში შევიდა დასასვენებლად.

ბიჭები ჩამოსხდნენ ერთ ყუთზე. თქვეს: ერთადა ვართ ამდენი ხანია და ჯერ არა ვიცით რა ერთმანეთისა, ვინა ვართ, სადაურები ვართო.

ერთმა დაიწყო თავისი თავგადასავალი: — მამაჩემი ძალთან ლატაკი იყო. დღეში თითო გუდურა შეშის ფასით გვაცხოვრებდა ცოლ-შვილს, ორი ვაჟი ვყავდით, ჩვენ რომ წამოვიზარდეთ, დედაჩვენმა უთხრა მამაჩვენს: ტყეში დავსახლდეთ, ჩვენც მოგეხმარებით შეშა-ფიჩხის მოჭრაშიო. ავაშენეთ ქოხი. ტყის ნაპირას დავდექით. დღეში თითო გუდურა შეშას თითოს კიდევ ვუმატებდით და წინათ თუ ნახევარზე მშვივრები ვიყავით, ახლა მუცელს ვიძლებდითო.

ერთ საღამოს ვილაც მგზავრები დადგნენ ჩვენი ქოხის შორაახლოს. შუალამისას დედაჩვენი წაიყვანეს: ქალს მუცელი გვიტყვივა და უშველეთ. ის იყო და ის, დაიკარგა, სად წაიყვანეს და სად არა, ველარა გავიგეთ რა. მამაჩემი ველარ დადგა სახლში, ჩაგვიკიდა ხელი შვილებს და წაგვიყვანა.

ერთგან წყალი დაგვხვდა გასასვლელი. ჩემი უფროსი ძმა ნაპირზე დასვა: ორივეს ერთად ვერ გავიყვანთო. მე ამიყვანა, ჯერ მე უნდა გავეყვანე, მერე ჩემი ძმა. მამაჩემს ხელი გაეშვა, წყალში ჩაუფეხარდი. მდია, მაგრამ ველარ მომეწია.

მატარა, მატარა წყალმა და წინქვილის სათავესთან მიმიყვანა. მეწისქვილემ ამომიყვანა, აქამდის მასთან ვიყავი, ახლა ამ მედუქნესთან დავდექი.

მეორე ბიჭი გადაეხვია: მე ვარ შენი ძმა, მგელმა რომ მომიტაცა. მონადირემ გამოგლიჯა მგელს ჩემი თავი და აი, როგორც ხედავ, მეც მედუქნესთან დავდექიო.

ყუთიდან ხმა მოისმა: თქვენ გენაცვალოთ, შვილებო, დედა, ჩქარა ამომიყვანეთო.

ბიჭებმა ყუთს მტვრევა დაუწყეს. სოვდაგარს შეესმა რახუნი, მტვრევა და გამოვარდა. მელუქნეც გამოჰყვა. დაუწყეს ლანძღვა ბიჭებს. ბიჭებმა უთხრეს: დედაჩვენი ზის ყუთშიო.

იცნო მელუქნემ, რომ მისი ცოლი იყო, შვილებიც გამოეცნაურნენ მამას, უამბებს თავიანთი თავგადასავალა.

მოეხვივნენ ერთმანეთს.

სოვდაგარი გაიპარა და იმისი ამოდენა სიმდიდრე, ფარჩეულობა, ჯორ-აქლემები სულ მათ დარჩათ და დაიწყეს ტკბილი, ბედნიერი ცხოვრება.

შრომის ყადრი

ერთ კარგ მეურნე გლეხთან ორი გლეხი მივიდა.

— რა გნებათ, რისთვის მოსულხართ? — ჰკითხა მასპინძელმა.

პირველმა გლეხმა უთხრა:

— ერთი დოქი ღვინო უნდა მასესხო.

— ვენახი გაქვს? — შეეკითხა მასპინძელი.

— დიახ, მაქვს, მხოლოდ შემოუღობაფი.

— წადი, შემოღობე და მერე გასესხებ.

შემდეგ მეორე გლეხს მიუბრუნდა და ჰკითხა:

— შენ რაღა გინდა?

— მეც ერთ დოქ ღვინოზე ვარ მოსული, მაგრამ უკან რომ მივდიოდე ის დროა: იმ გლეხს ვენახი ჰქონდა და არ ასესხე, მე როგორღა მასესხებ, როცა სავენახე მხოლოდ შემოღობილი მაქვს და ვაზი ჯერ არ ჩამიყრია.

— შენ გასესხებ, რადგან შრომის ყადრი გცოდნია, — უპასუხა მასპინძელმა, — ჯერ უნდა შემოღობო და ვაზი შემდეგ უნდა ჩაყარო. შენი ვენახი უფრო მალე გამოიღებს ნაყოფს, ვიდრე იმისიო!

მრუდე სამართალი

ერთ მოსამართლესთან ორი კაცი მივიდა საქმის გასარჩევად. ისინი ერთმანეთს ედავებოდნენ.

მომჩივანმა მოსამართლეს ერბოთი სავსე დიდი ქილა მიართვა, ხოლო მოპასუხემ სიმსუქნისაგან ათქვირებული ვეებერთელა ტახი მიიყვანა და მოსამართლეს ეზოში დაუბა.

მოსამართლემ დინჯად. დამშვიდებით მოისმინა ამ ორივე კაცის ურთიერთბრალდება, რის შემდეგაც ტახის პატრონი გაამართლა, ხოლო ერბოიანი ქილის პატრონი გაამტყუნა.

ერბოს პატრონს ძალიან ეწყინა მოსამართლის უსამართლო საქციელი და იმავე ღამეს შინ ეწვია. შევიდა თუ არა მოსამართლესთან, მაშინვე ბრაზიანად უსაყვედურა: კაცო, არა გრცხვენია, რისთვის გამამტყუნე, განა მაგიტომ მოგიტანე იმხელა ერბოიანი ქილაო!

— აბა, რა ვქნა, ძეო, შენს ერბოიან ქილას ტახმა ეშვი ამოჰკრა და გატეხაო, — მიუგო მოსამართლემ.

მზე და წვიმა

ერთ გლეხკაცს ორი ქალიშვილი ჰყავდა. ერთი მხვნელ-მთესველს მისცა ცოლად, მეორე — თიხის ქურჭლის ოსტატს.

გავიდა ხანი და ცოლმა უთხრა გლეხს: წადი, ნახე, შენი შვილები როგორ ცხოვრობენ, რა უჭირთ და რა უღბინთო.

გლეხი მართლაც წავიდა. შიადგა მხვნელ-მთესველი სიძის კარს. მოიკითხეს ერთმანეთი. გლეხმა ჰკითხა სიძეს: შენს მოსავალს რა პირი უქანსო?

— აბა, რა გითხრა, თუ ამ ერთ კვირაში წვიმა არ მოვიდა, სულ დავიღუპებიო.

გლეხი ახლა მეორე სიძესთან მივიდა. იმასაც ჰკითხა: როგორ არის შენი საქმე, ქურჭელი ბლოჰად გაგიკეთებია, ხომ მაგრად შეხვდები ამ ზამთარსო?

— აბა, რა გითხრა, — უპასუხა სიძემ, — თუ ამ ერთ კვირაში სულ მზიანი დღეები იქნება, კარგა გამოვაშრობ ქურჭელს, ჩემს ბედს ძალლი არ დაჰყეფს. და თუ წვიმა გატყვრა: დავიღუპებიო.

დაბრუნდა გლეხი სახლში. ცოლმა ჰკითხა: როგორ არიან ჩვენი შვილებიო?

— ამ ერთ კვირაში ან ერთი დაგვეღუპება, ან მეორეო, — უპასუხა გლეხმა.

პატარძალი

იყო ერთი ცოლ-ქმარი და ჰყავდა ერთი ვაჟი. სამივენი მუყაითი მშრომელები იყვნენ. გათენებიდან დაღამებამდე ვენახში მუშაობდნენ. ოჯახის მომვლელი და ვახშმის გამკეთებელი არავინ ჰყავდათ. გადაწყვიტეს — ვაჟი დავაქორწინოთ, ვაჟსაც გავახარებთ და ოჯახის მომვლელსაც ვიშოვნითო.

ასეც მოიქცნენ. მოიყვანეს პატარძალი, მაგრამ ძალიან უსაქმური გამოდგა. დილით აღდგებოდა თუ არა, შეჭამდა, რაც დაუხვდებოდა, მერე მეზობლის კარზე ჩამოჯდებოდა და ლაპარაკსა და მზესუმზირას კნაწუნში ატარებდა დღეს.

სალამოს დაღლილი დედამთილი შეუდგებოდა ვახშმის მზადებას და სახლის მოვლას. შეწუხდა ცოლ-ქმარი. გადაწყვიტეს: სალამოს ერთმანეთს შევეცილოთ საქმეში, შერცხვება პატარძალს და ის გააკეთებსო. პირში თქმა ვერ გაუბედეს — ცოლ-ქმარში უსიამოვნება არ ჩამოვაგდოთო.

ერთ სალამოს დაღლილმა დედაკაცმა კოკას დაავლო ხელი: წავალ: წყალს მოვიტან, წვეთი არ გვიდგა ყელამომხმარ ხალხსაო.

კაცმა წაატანა კოკას ხელი: რას ამბობ, დედაკაცო, დღეს მთელი დღე მუშაობდი და ახლა წყლის მოტანა შეგიძლიაო?

დედაკაცმა მაინც არ დაანება: შენ კი რა, მხართეძოზე იყავ წამოწოლილი? მთელი დღე თოხმა მოგკლა, ახლა კოკას მოგცემ ხელშიო?

პატარძალი, რომელიც აქამდე ქმართან ლაზღანდარობაში იყო გართული, მოუბრუნდა დედამთილ-მამამთილს და უთხრა: რა განხუბებთ, ხალხო, ჯერ ერთმა მოიტანეთ წყალი და მერე მეორემო.

ბატონი და ყმა გლეხი

ერთხელ ბატონი საეკლესიო დღესასწაულზე სანადიმოდ წავიდა, თან შინაყმა გლეხი გაიყოლა.

მიდიოდნენ ცხენებით, ზედ ხურჭინებით ეკიდათ ხორავი, პური და ღვინო. მდინარე უნდა გადაევიდნენ. ხიდი შორს იყო. ბატონი წინ მიდიოდა. მან ხიდისაკენ მიმავალ გზას გადაუხვია და მდინარის პირდაპირ გადალაზვა მოიწადინა.

ყმამ უთხრა: ბატონო, შენი ჭირიმე, გაზაფხულია, წყალი აღიდებუ-
ლია, საშიში არის, ხილზე მოვეუაროთო.

ბატონმა უთხრა: ბრიყვო, სულელო, სანამდე ხილზე მოვეუვლი-
დეთ, მე ცხენის ჭირითიც დამთავრებული შექნება, ქეიფობაც და
ცეკვა-ჭილაობაცო.

ყმა გაჩუმდა. მიადგნენ მდინარეს. ბატონმა აღიდებული მდინა-
რე რომ დაინახა, ცოტა შეკრთა, ცხენი შეაჩერა და ყმას მიმართა:
— მოდი, ბიჭო, წინ შენ წადიო!

ყმამ ცხენი შეაჩერა, ხელები გაასავსავა და ბატონს მორიდე-
ბით მიმართა: რას ბრძანებთ, ჩემო ბატონო, ღმერთმა ნუ მომასწროს
იმ დღეს. რომ ბატონზე წინ ფეხი გადავდგაო!

ბატონმა ყმის ეს თავაზიანი შენიშვნა მიიღო; ცხენს მათრახი
წემოჰკრა და მდინარეში შეაგდო. აზვირთებულმა მდინარემ ცხენიც
და ბატონიც მაშინვე ყირამალა ამოატრიალა. ერთი-ორი გადატრი-
ალების შემდეგ მდინარემ ბატონი და ცხენი ერთმანეთს დააცილა
და ჩაძირა.

ყმამ ხელი ჩაიქნია და მიაძახა ბატონს: გეზარებოდა ხილზე მოვ-
ლა და იარე, სანამ არ მოგეწყინებოდეს; ხურჯინში ღვინო და პური
ბევრი გაქვს და წყალიც არ შემოგაკლდება, მშვიდობით გეზავრობა
გქონდესო! — და შინისკენ გაბრუნდა.

ჯეელი მოსამართლე და მისი ცოლი

იყო და არა იყო რა. იყო ერთი ჯეელი მოსამართლე, ხალხის
საყვარელი კაცი.

ცოლი უნდა შეერთო. თქვა: ისეთი ქალი უნდა ვითხოვო, ჩემს
საქმეში არ ჩაერიოსო.

მოეწონა ერთი ღარიბი კაცის ქალი. უთხრა: — ვითხოვ, თუ ჩემ
საქმეში არ ჩაერევიო!

ქალი დათანხმდა. დაქორწინდნენ. ცხრა დღე და ღამე იყო მათი
ქორწილი. მოსამართლე საქმეზე დადიოდა, ქალი ოჯახს უვლიდა.

ერთხელ ამ სოფელში მეურმეები გაჩერდნენ. შორი გზიდან
მოდოდნენ და იქ დაუღამდათ. ცოტა ხნის შემდეგ მათთან ცხუნო-
სანი კაცი მივიდა და სთხოვა: კეთილო ადამიანებო, ნება დამრთეთ,
მეც აქ, თქვენთან ერთად, გავათიო ღამეო!

— მობრძანდი, დაისვენე, პური ქამე. ღარჩიო! — უპასუხეს მეურმეებმა.

ცხენოსანიც ჩამოხტა. პური ქამეს, დაწვენენ და დაიძინეს. დილით ნახეს, რომ ცხენს კვიცი მოეგო და ურმის ქვეშ იწვა. მეურმეებმა თქვეს: ეს კვიცი ურემმა მოიგო!

— არა, კაცო, ჩემმა ცხენმა მოიგო! — უთხრა მგზავრმა.

ვერ მორიგდნენ. ჩხუბი მოუვიდათ. წავიდნენ მოსამართლესთან და დაუძახეს. ცოლი გამოვიდა, მოსამართლე შინ არ იყო.

— რა გაგპირებიათ, რაზე ჩხუბობთ?

— ესე და ესეა საქმე, ჩვენმა ურემმა კვიცი მოიგო, ეგ კაცი კი გვედავება, ჩემმა ცხენმა მოიგო! — შესჩივლეს მეურმეებმა.

ქალმა ხმა არ გასცა, მოტრიალდა და შინ შევიდა. გვიან გამოიხედა. მოთმინებადაკარგულმა მეურმეებმა უთხრეს: სად ხარ აქამდის, ხმა რატომ არ გაგვეცი, გვეჩქარება!

— ჩემი სახლის უკან მდინარეს ცეცხლი წაჰკიდებოდა, გავიქეცი. ფიჩხი დავაყარე, ცეცხლი ჩავაქრე და აი, ეს არის მოვედიო! — უპასუხა ქალმა.

მეურმეებმა გაიკვირვეს: აბა, ქალო, რას ამბობ, წყალს ცეცხლი როგორ მოეკიდებოდაო?!

— წყალს თუ ცეცხლი არ მოეკიდებოდა, ვერც ურემი მოიგებდა კვიცსა, ეს კვიცი ცხენისაა და არა ურმისაო! — უთხრა მათ ქალმა და შინ შევიდა.

მეურმეები გაწბილდნენ. სად იყო, სად არა, ამ დროს მოსამართლეც მოვიდა, ცოლს ჰკითხა: ვინ იყვნენ ისინი, რას ელაპარაკებოდით?

ცოლმა ყველაფერი უამბო.

მოსამართლე გაბრაზდა და ცოლს უთხრა:

— შენ პირობა დაგირღვევია, ჩემ საქმეში ჩარეულხარ, უნდა გავიყაროთ, ახლავე ადექ, წაიღე, რაც ყველაზე უფრო მოგწონს ჩემ ოჯახში, შეაბი ურემი და სახლიდან წადიო.

ქალი რაღას ეტყოდა, პირობა პირობა იყო!

— რახან ასეა, წავალ, ოღონდ გასაყრელი პური მაინც ვქამოთ ერთადო.

— კარგი, ვქამოთო! — დაეთანხმა მოსამართლეც.

დასხდნენ პურის საჭმელად. ცოლმა დააძალა კაცს ღვინო და დაათრო, მოსამართლეს ჩაეძინა. ქალმა შეაბა ურემი, ქმარი ზედ დააწვინა, თბილი საბანი დაახურა და ხარებს შოლტი გადაჰკრა.

ბევრი იარეს თუ ცოტა იარეს, შევიდნენ ერთ გაუვალ ტყეში.

შთვრალ მოსამართლეს გამოელვია. გონს რომ მოვიდა, შეეშინდა:
— ქალო, ეგ რა გიქნია, სად მიგყავარ?

— ხომ მითხარი, რაც ყველაზე უფრო მოგწონს, წაიღე და წა-
დიო, მეც შენს ოჯახში შენს მეტი არაფერი მომწონდა და, აი, წა-
შოგიყვანეო!

მოსამართლეს შერცხვა და ურემი შინისაკენ მოაბრუნა. ცოლიც
შინ წამოიყვანა და რჩევასაც ხშირად ისმენდა მისგან.

ქირი იქა, ლხინი აქა.

მოჩხუბარი დედაბერი და ჭკვიანი პატარძალი

ერთ სოფელში ცხოვრობდა ორი დედაბერი. ერთი მდინარის
ვალმა ესახლა, მეორე — გამოღმა. შორს იყო გავარდნილი მათი სი-
ავის ხმა. გათენდებოდა თუ არა, ორივე გამოვიდოდა წყლის სანა-
პიროს და გვიან საღამომდე აღარა წყდებოდა მათი ჩხუბისა და და-
ვიდარების ხმა. რაზე ჰქონდათ გაუთავებელი დაევა? რა ჰქონდათ
სადაო და გასაყოფი, არავინ იცოდა. ზნე სჭირდათ ისეთი და იმით
იკლავდნენ ეინს.

ერთმა მათგანმა ოჯახში პატარძალი მიიყვანა. მთელ სოფელს
გაუხარდა. ამბობდნენ: ალბათ, ახლა კი მოვისვენებთო.

დედამთილმა მხოლოდ ქორწილის დღეს შეიკავა თავი. მეორე
დღეს კი გავიდა წყლის სანაპიროს და უფრო მეტი სიკაპასით ეკვეთ-
ნენ ერთმანეთს.

ერთ დღეს ჩხუბით შებეზრებულმა პატარძალმა დედამთილს
სთხოვა: ნება მომეცი, ხვალ მე გავიდე მდინარესთანაო.

— რას ამბობ, ქალო! იმ აშართან მე ვერათფერი გამიწყევია და შენ
რას გახდები?! — უგემურად უპასუხა ოჯახის თავდღედაცემა.

— დედი, ოღონდ გამიშვი და სიტყვას გაძლევე, რომ ხმას არ
გავცემ!

დედამთილმა ნება დართო.

პატარძალი მივიდა მდინარესთან და გამოღმა, დედაბრის პირ-
დაპირ მუნჯივით დადგა.

— უყურეთ. უყურეთ იმ ვირზე ნაჭლომს, იმას! ხმასაც რომ არა
შცემს! მოიცადე, ახლავე მანდ გამოგივარდები და სულ თმით გათ-
რევე! — გადაიჩია გაღმელი დედაბერი.

გაასპიტებულმა კაბა მუხლებამდე ააყვცა და მდინარეში შეტოპა. ის იყო. შუაგულში მივიდა, რომ სიპ ქვაზე ფეხი გაუცურდა და წელუკულმა გადავარდა.

დაიხახა თუ არა პატარძალმა, შეებრაღა, საშველად ხალხსაც კი არ დაუძახა: ცოდოა, უფრო ქვეყანა შეეყრებო, და თვითონ შეიქრა მდინარეში. ფეხზე წაშოაყენა დედაბერი, ხელი მკლავში გაუყარა და გაღმა გაიყვანა, დასვა ქვაზე, გაუსწორა გაწეწილი თმა, მოახვია გადაგდებული მოსახვევი.

დედაბერი ერთ ხანს ღუმღა, ძერე კი ცრემლმორეული თვალეზით თავის მხსნელს შეხედა და მწარედ აქვითინდა. ძლივს ლულულუღებდა.

მაღე მთელმა სოფელმა შეიტყო ეს ამბავი. ყველა ქეზით იხსენიებდა ქკვიან და კეთილ პატარძალს.

იმ დღიდან აღარავის გაუგონია ავი დედაბრის ჩხუბის ხმა.

ბედნიერი კაცი

ერთი მეფე ავად გახდა. დაახვიეს ექიმეზი, მაგრამ ვერაფერი უშველეს. ბოლოს, განთქმული მკითხავი მოიყვანეს. მკითხავმა თქვა: თუ ბედნიერი კაცის პერანგს უშოვით, მორჩებო!

დადიან, ეძებენ ბედნიერ კაცს. მთელი სამეფო შემოიარეს, ვერ ნახეს. სადღაც შეხვდნენ ერთ გლეხკაცს, ხის ძირში რომ იღგა და ამბობდა: ახლა კი ვარ ბედნიერიო.

ეცნენ, მოსთხოვეს პერანგი.

— პერანგი სადა მაქვსო.

— აბა, რით ხარ ბედნიერი, შე ქესატოო?

— სათოხარი მქონდა, მოვათავე და ბედნიერად ვთვლი თავსაო.

ოქრუა

იყო და არა იყო რა, იყო ერთი მდიდარი კაცი, რომელსაც ერთი ვაჟიშვილის მეტი არავინ ჰყავდა. მამა დღე და ღამე იმის ცდაში იყო, რომ შვილისათვის ბლომად სიმდიდრე დაეტოვებინა.

შვილი წამოიზარდა, გადააბიჯა ოც წელიწადს თუ არა, გაიჩინა

ძმაცაცები და ქეიფს მიჰყო ხელი. მამა ძალიან წუხდა, დარიგებაც ბევრჯერ მისცა, მაგრამ შვილი მაინც თავისას არ იშლიდა.

ერთხელ მამა ძლიერ ავად გახდა, სიკვდილის პირს მიეწურა. დაიბარა შვილი და უთხრა: შვილო ოქრუა! მე ვკვდები და მსურს ანდერძი დაგიბარო.

— გაძლევ მალღა ღმერთს და ძირს დედამიწას, შენი ანდერძი არ დავარღვიო და შევასრულო, — უთხრა ოქრუამ.

— მაშ, კარგი, შვილო, ოთხ რამესა გთხოვ:

პირველი: რაგინდ ძლიერ საშური საქმე გქონდეს. ზარების რეკა რომ გაიგონო, გადაუხვიე, მიდი საყდარზე. ღმერთი ილოცე, ხალხს გამოელაპარაკე და ისე წადი შენ გზაზე.

მეორე: ძმაცაცებს უფრთხილდი. გზაზე რომ მიდიოდე და შეჩერდე, თუ ამხანაგმა არ შეეცადა, ის სანდო არ არის და მოერიდე. სანამ კაცი მგზავრობასა და საქმეში არ გამოიცილო. მეგობრად ნუ გაიხდით.

მესამე: ქალს ყოველივე შენს საიდუმლოს ნუ ეტყვიო.

მეოთხე: თუ ვინცობაა, ძალიან ვაგიჟირდეს ცხოვრება, სასოწარკვეთილებამ დაგძლიოს და თავი სასიკვდილოდ გაიშეკრე, მაშინ სხვენზე რომ თავკაცვია მიჰქედით, იმაზე ჩამოიხრჩვე თავიო.

შვილმა პირობა მისცა, ყოველივე ნაანდერძევს შევასრულებო.

კარგა ხნის ავადმყოფობის შემდეგ გარდაიცვალა ოქრუას მამა. ოქრუამ, როგორც რიგი იყო, ისე გაასვენა, ყოველივე რიგი და წესი წესურულა მიცვალებულ მამას, გლოვობდა. გარშემოხვეულმა ძმაცაცებმა მაინც არ მოასვენეს, შავი თითქმის ძალათი შემოახიეს ტანზე და გულჯავრის გადასაყრელად საქეიფოდ გაიტაცეს.

სანამ ოქრუას ქონება და შეძლება ჰქონდა, გამუდმებით ქეიფობდა. მამის სიკვდილის ოთხი-ხუთი წლის შემდეგ თანდათან შემოაკლდა ქონება და ბოლოს. მთლად გაღარიბდა, ძმაცაცებიც ჩამოშორდნენ. გზაში რომ შეხვდებოდნენ ოქრუას ძმაცაცები, პირს მოარიდებდნენ და გამარჯვებასაც აღარ ეუბნებოდნენ.

ოქრუა დარწმუნდა, რომ ყველა ძმაცაცი მხოლოდ სიმდიდრე-ქონების მეგობარი ყოფილა — მისი კი მტერი და დამლუპველი. დარწმუნდა, მაგრამ გვიანდა იყო, მაშინ გასაფრთხილებელიც აღარა ჰქონდა-რა.

იგი ნახევარჯერ მშვიერი დადიოდა და ლუკმის მიმწოდებელი არავინ ჰყავდა.

ერთხელ სხვაგან წავიდა და გზაში საქეიფო ბაღებთან ჩაიარა, დაინახა, რომ ერთ ბაღში ყველა მის ძველ ძმაცაცს მოუყრია თავი

და გახურებულ ქეიფში არიან. ოქრუას არ მოუთმინა გულმა და მოინდომა მათთან შესვლა. მებაღემ კარებში არ შეუშვა: შენისთანა დახეულ-დაგლეჯილს აქ რა უნდაო. ღობეზე გადახტა და მივიდა მათთან. მოქეიფებმა არ მიიღეს: საიდან მოთრეულხარ, გასწი, დაიკარგე აქედანაო!

— ხალხო! მე თქვენი ძმაკაცი და მეგობარი ოქრუა არა ვარ? მთელი ჩემი ცხოვრება თქვენ შეგაქამეთ და ახლა ველარა მცნობთ, რომ გავღარიბდიო?

— რას როტავ, ვინ ოქრუა, რა ოქრუა! აქედან გაეთერი, თორემ სულ კინწისკვრითა და პანღურით გაგაგდებთო.

ამ ლაპარაკსა და დავიდარაბაში ძაღლს ცეცხლზე დაფიცებული მწვადი მოეტაცა, სტაცეს ხელი ოქრუას, მისწი-მოსწიეს: თქვი, მწვადი რომ მოიპარე, სად წაიღეო!

— არა, ღმერთი, რჯული, მწვადი არ მომიპარავს, მე დავინახე, რომ ერთი ყურშა ძაღლი მიაბრებინებდა შამფურიან მწვადსაო.

— რას ყბედობ! შამფურიან ცხელ მწვადს ძაღლი როგორ წაიღებდაო, — და საწყალი ოქრუა, სულ კინწისკვრით გამოაგდეს ბალიდან.

გალახული და შეურაცხყოფილი ოქრუა საშინლად დაღონებული მიდიოდა შინისაკენ. თვალცრემლიანი და სრულიად სასოწარკვეთილი ამბობდა: ავიკიდე ამოდენა ძმაკაცები, მთელი მამიჩემის დანატოვარი სიმდიდრე ამ ოხერ ხალხს შევაქამე; ესენი კი დღეს, მადლობისა და სამაგიეროს გადახდის ნაცვლად, აღარც კი მცნობენ, მცემენ და შეურაცხყოფასაც კი მაყენებენო. მამაჩემის ანდერძიც დავარღვიე და მისი საფლავიც შეურაცხვეყავი, ამის შემდეგ მე სასიცოცხლო პირი აღარა მაქვს და სიკვდილი ჩემთვის ერთადერთი მკურნალაო.

გადაწყვიტა ოქრუამ თავის მოკვლა. მივიდა სახლში, შეხედა სხვენში თავკაკს და თქვა: ამ ერთ ანდერძს მაინც შევუსრულებ მამაჩემსაო. მიიღვა საფეხური, ჩამოაბა თოკი, გაუყარა მარყუქში თავი და გამოიკალა ფეხებიდან საფეხური: ჩანგალი მოძვრა და თან ჩამოჰყვა ნახევარი ადლი ალიზით გაღესილი სხვენი. ოქრუა დაეცა ძირს და თავზე რამდენიმე პეშვი ოქრო დააცვივდა.

განსვენებულ მამას წინდაწინვე ეგრძნო, რომ შვილი ქონებას ვაფლანგავდა და ამ გაჭირვების დღემდის მივიდოდა. ალიზით გაღესილ სხვენში ოქროები ჩაეთლა და ზედ ჩანგალი მიემაგრებინა.

ოქრუამ ილოცა. კეთილი მამის სული და თავყანი სცა მის საფლავს, ამის შემდეგ ოქრუამ ზოგიერთი გაყიდული და გაფლანგული

მამულიც დაიბრუნა, შეირთო ცოლი და ცხოვრობდა თავისთვის ბედნიერად.

ძმაცაცებმა გაიგეს თუ არა ოქრუას ქონება შეუძენიაო, ისევ დაუწყეს ძებნა. ცდილობდნენ ისევ დამეგობრებოდნენ.

ერთხელ ოქრუამ დააბატია ყველა თავისი ძველი ძმაცაცი და გაუმართა კარგი სადილი. ოქრუას ყველა წარბში შეჰყურებდა და რასაც იგი იტყოდა, ყველა იქ მყოფი მოწიწებით ემოწმებოდა. ოქრუამ დაიწყო:

— იცით, რა საკვირველი და განსაცვიფრებელი ამბავი მომივიდაო?

— რა, ბატონო, შენი კირიმეო? — მოესმა აქეთ-იქიდან ხმები.

— ერთი სავსე სარდაფი რკინა მთლად თავგებმა დამიხრეს და შემიქამესო.

ყველანი დაემოწმნენ: ადვილი შესაძლებელია, ბატონო ოქრუა. აბა, რა არის გასაკვირველი. თავგები არა თუ რკინას, თუჯსაც კი ადვილად გამოხრავენ და შექამენო.

— მაშ თუ აგრეა, რომ ერთ სარდაფ რკინასა და თუჯს შექამენ თავგები, თქვე ღორჭუტელა შლიქენელებო. ერთ მწვადს ვერ მოიტაცებდა და შექამდა ძალი?! ადექით დაიკარგეთ ჩემი სახლიდან, თქვენი ფეხი ჩემმა კარმიდამომ აღარ ნახოსო.

გარეკა გარეთ მთელი ძმაცაციები. ჩამოშორდა სამუდამოდ იმათ ბრბოს და ცხოვრობდა ბედნიერად თავისი ცოლ-შვილით.

ერთხელ ოქრუა გაემგზავრა ორი დღის სავალზე. ისეთი საჩქარო საქმე ჰქონდა, რომ ერთი წამით შეჩერებაც არ შეეძლო გზაში. დილას წირვის დროზე გაჩქარებული რომ მიაგელვებდა თავის ლურჯას, ზარების რეკა გააგონა. მოაგონდა მამის ანდერძი, მაშინვე გადაუბრუნა, ცხენი გალავნის გარეთ დააბა, თვითონ შევიდა საყდარში და გულმხურვალედ ლოცულობდა წირვის გამოსვლამდის. წირვის შემდეგ გამოელაპარაკა ზოგიერთებს. გამოკითხა გზის ვითარებაც, რომელიც უნდა იმ დამეს გაეცლო. გაიგო, რომ ადიდებულ მდინარეს ხიდები მაღალ დაუხვეტია და სანაპირო ჩასავალი გზებიც ისე არის დახრამული, რომ არა თუ დამით, დღისითაც გაუძნელდება კაცს მგზავრობაო.

— ამაღამ აქ მოითმინე, თორემ უადგილო-ადგილებში დაგიღამდება და საფათერაკო მგზავრობა შეგექნებაო. ხვალ იახელი გამოცდილი მგზავრი, რომელმაც გზაც კარგად იცის და წყლების ფონიცა, — უთხრა ხალხმა.

მეორე დღეს ოქრუა გაემგზავრა დილაადრიაანად და ბევრი გან-

საყდელიც გაიარა გზაში. თუმცა გზისა და ფონის მცოდნე მგზავერებიც კი ახლდა თან. ოქრუამ დაიწერა პირვეარი და დალოცა მამის საფლავი: აქ რომ არ გავჩერებულყავ და ყოველივე ეს არ გამეგო, ახლა მე ცოცხლებში აღარ ვიქნებოდით, — ამბობდა გულში და ღმერთს მადლობას სწირავდა.

გავიდა კარგა ხანი და ერთხელ ოქრუას აზრად მოუვიდა ცოლის გაშოცდა. საღამოზე როცა შინ მიდიოდა და მიაღწია სასოფლო წყაროს სიახლოვეს, ერთი ჭირკი დამარხა მიწაში და სახლს რომ მიუახლოვდა, ცხვირში ხელი შემოიკრა. სისხლი წაიგდო, პირისანგ და ჩოხა-ახალუნის კალთა-გულსპირი მიისვარ-მოისვარა სისხლით და შევიდა შინ აღელვებული. შეშინებული ცოლი მაშინვე მივარდა:

— ეს რა ამბავია, ოქრუა, ჩვენს თავს, რა მოგივიდა?

— ჩუ, დედაკაცო! გაქუმდი, არავინ გააგონოს და არ დავიღუპოთ. ცეცხლი დაანთე, რომ სისხლიანი ტანისამოსი დაწვეათ და წყალი მომიტანე, რომ თავ-პირი დავიბანო.

— ნუ გადამრიე. მითხარი. რა ამბავია? — ემუდარებოდა თვალცრემლიანი ცოლი.

— რომ გამამხილო საღმე. დავიღუპები და ვერ გეტყვი.

— რას ლაპარაკობ! რას ჰქვია გაგამხელ, მე ჩემი თავის დაღუპვას მოვინდომებ? აბა, რას ამბობ? მითხარი, თუ ღმერთი გწამს, ნულარ მაწვალე.

— მამ, კარგი და თუ საღმე წაგცდა, მაშინ ჩემი გადარჩენა აღარაფერს შეუძლია.

— თქვი, ბეჩა, რა იყო? გული ნუ გადამიღო!

— რა იყო და ჩვენ წყაროსთან ჩხუბში კაცი შემომაკვდა და იქვე ჩავფალი მიწაში, ქვეყანაზე არავის არ უნახავს. ახლა ეს ტანისამოსი დავწვათ, წყალიც მომიტანე, დავიბანო, რომ არაფერი ნიშანკვალი აღარ ეტყობოდეს.

ტანისამოსი დაწვეს, ოქრუამ ხელ-პირი დაიბანა და სხვა ტანისამოსი ჩაიცვა.

მეორე დღეს დილას მთელი სოფლის დედაკაცები დამწკრივებულიყვნენ კოკებით და მიდიოდნენ წყაროზე, ოქრუას ცოლმა დაინახა თუ არა კოკებით დამწკრივებული ქალები, იმანაც წამოავლო კოკას ხელი, აიხვია ცხვირ-პირი და მიეწია ქალებს. შუა გზა არ ჰქონდათ ჩავლილი, რომ ოქრუას ცოლი, ფშლუკუნს მოყვა და თავსაფრის ყურით ცრემლმორეული თვლების წმენდა დაიწყო.

მთელ ქალებს ცნობისმოყვარეობა აღუძრა: ნეტა რა მოგივიდა, ქალო, რატომ არ გვეტყვიო.

ოქრუას ცოლმა უფრო მოუმატა ზღუქუნს.

— რა შეგემთხვა, თქვი, ქალო, ამისთანა რა უნდა იყოს, რომ თქმისა გეშინოდეს? ავადმყოფი ხომ არავეინა გყავთ, ან ხომ არავეინ მოგველომიათო?

— არა, არა! გენაცვათ, ნუ მკითხავთ, რაც არის, არის, ყველამ თაღის ვარამი და ცეცხლი თვითონვე უნდა მოიქარვოსო.

— ბეჩა, რა არის მისთანა, თქვი, ქალო? მტრები ხომ არა ვართ და ურჯულოები, რომ გაგვეხარდეს. ნათქვამია: ჭირის თქმა დაშწვარ გულს ნახევრად ანელებსო.

— აჰ! ვერ გეტყვით, გენაცვალეთ! მეშინია, წამოგცდებით სადმე და ქმარშვილიანად დავიღუპები.

— ვაი! რისხავდეს მაღალი ღმერთი და ძარს დედამიწა. ვინც გაგამხილოს! განა ჩვენ მაგისთანები ვართ, რომ არ გვენდო?

— გეტყვით და, აბა, არსად არა წამოგცდეთ—რა, თქვენი ჭირიბე.

— არა, ღმერთი იყოს თავდები!..

— მაშ, სუნი არაფერი მოგლით ახლა თქვენა?

— რისი?.. რა სუნი?.. არ ვიცი.

— ბეჩა! მე ცხვირ-პირი მაქვს ახვეული და კიდევ მომღის სუნი და თქვენ რამ დაგიბიდგნათ ეგ ცხვირები?

ყველანი გაკვირვებულნი ერთმანეთს ავლებდნენ თვალებს და ვერაფერი გავგოთ.

— თქვენი ჭირიბე, არსად წამოგცდეთ: წუხელის ჩემ ქმარს აქ, ეშმაკად და ქაჯად, კაცი შემოკვდომია და, აი, აგერ რომ ნაყარი მიწა მოჩანს, იქ დაუმარხავს.

— უიბე! გენაცვალეთ, თურმე მისი სუნი არ მოგვდიოდა! — წამოიძახეს ქალებმა და სუყველამ ცხვირ-პირი აიხვიეს, — ფუი! ფუი! რა საშინელი სუნი ასდენია ასე ჩქარაო.

ამგვარად ცხვირპირახვეულები ამოვიდნენ სოფელში, სადილობადის მთელ სოფელს მოსდეს აშბავი. ჩქარა მსაჯულებშაც გაიგეს. ოქრუა დაიჭირეს და საქმემ მეფის ყურამდისაც მიიღწია. რადგანაც ქვეყანა კაცის მკვლელად აღიარებდა ოქრუას, სახარჩობელა გადაუწყვიტეს და მეფემაც ამაზე დასტური ბრძანა. ოქრუამ ბევრი იყვირა: არა ვარ დამნაშავე, კარგად გამოიძიეთო, მაგრამ ყურადღებაც არავეინ შიქცია და ჩამოსახარჩობად ქალაქში გაამგზავრეს.

როცა ოქრუა მიჰყავდათ, სოფელში ცოლი წამოეწია და დაუძახა: ოქრუა! თუ ვინიცობაა სიკვდილს გადარჩე, ქალაქიდან შეიდიში წამომიღე, არ დაგავიწყდესო.

რამდენიმე კვირის სიარულის შემდეგ ოქრუა მიიყვანეს ქალაქში.

როცა ჩამოსახრჩობად წაიყვანეს, მეფეს ებრძანებია: სახრჩობელაზე რომ აიყვანოთ, უკანასკნელი სიტყვა თუ რამე თქვას, მომახსენეთო.

მარყუჟში თავს რომ აყოფინებდნენ, ოქრუამ თავისთვის ღიმილით ჩაილაპარაკა: ჩვენს მეფეს და ჩემს ცოლს ერთი ჭკუა აქვთო.

ბრძანებისამებრ ეს სიტყვები მაშინვე მოახსენეს მეფეს. მან ბრძანა: მკვლელი მომიყვანეთო. მიუყვანეს ჩვენი ბრალდებული. მეფე განურისხდა: შენ რა გითქვამს სახრჩობელაზე, როგორ გაბედე იმ სიტყვების თქმაო?

— ვილას მოვერიდო, შენი ჭირიმე, მახრჩობენ და სიკვდილის წინ სიმართლე როგორ არ უნდა გაგებდო.

— აბა, რა არის სიმართლე იმ სიტყვებში, მითხარო, — უბრძანა მეფემ.

— როგორ, სიმართლე არ გახლავთ, შენი ჭირიმე, — მოახსენა ოქრუამ, — მამაჩემმა ანდერძად დამიბარა, ქალს შენს საიღუმლოს ნუ ეტყვიო. მე ცოლის გამოსაცდელად ჯირკი ჩავმარხე ჩვენ წყაროსთან, ცხვირ-პირი სისხლით მოვისვარე და ცოლს ვუთხარი: არიქა კაცი შემომაკვდა და არ გამაშხილო-მეთქი. იმან მთელ ქვეყანას მოსდო, მე დამიჭირეს თქვენგან დაყენებულმა მსაჯულებმა, არც კი გამოიძიეს რიგიანად საქმე, ჩემს სიმართლეს ყური არ ათხოვეს და თქვენც სახრჩობელა გადამიწყვიტეთ ასე ალაღ-მართალ კაცს. როცა დასახრჩობად მივეყავდი დარაჯებს, ჩემმა ცოლმა მომაყვირა: კაცო, თუ თავი გაითავისუფლო სიკვდილისაგან, შეიდიში წამომიღე ქალაქიდან, არ დაგავიწყდესო. აბა, ამის შემდეგ სად არის ან ჭკუა და ან სამართალიო.

მეფემ გამოიძია, ოქრუას ყველა ნათქვამი მართალი აღმოჩნდა. მაშინ გაათავისუფლა იგი და სხვა საჩუქრებთან ერთად თავისი ხალათიც უბოძა.

ჭირი იქ და ლხინი აქ,

ჭატო იქ და ფქვილი აქ.

სტუმრები

ერთმა მდიდარმა მეზობელი გლეხი ქეიფზე მიიპატიჟა. გლეხმა დაძონძილ-დაკონკილი ტანისამოსი ჩაიცვა, ყველაზე ადრე მივიდა და საპატიო ადგილზე ჩამოჯდა. რამდენიც ახალი სტუმარი მოვიდა, იმდენჯერ წამოაყენეს, ადგილი დააცლევინეს და ქვემოთ დააწვევინეს. ასე, თანდათან სუფრის ბოლოს მოექცა.

გავიდა რამდენიმე ხანი. გლეხი იმავე კაცმა დაპატიჟა. ახლა მდიდრულად ჩაიცვა და ეწვია მასპინძელს. დიდი თავაზით მიიღეს, მიიწვიეს და საპატიო ალაგას დასვეს. ხელის დასაბანი წყალიც პირველად მიართვეს. გლეხმა წყლის მომტანს თავისი ძვირფასი საცმლის კალთები მიუშვირა და უთხრა:

— აი, გარეცხეთო!

— რას ბრძანებთ, ბატონო, როგორ შეიძლებაო!

— თქვე სულელებო! ძველი ტანისამოსით მოვედი, სუფრის ბოლოში მომაქციეთ და ახლა მე კი არა მცემთ პატივს, არამედ ამ ჩემ ძვირფას ტანსაცმელსო.

ქელები

გარდაიცვალა ერთი დიდებული კაცი. ქირისუფლებმა ქელებში დიდძალი ხალხი მიიწვიეს. შეიყარა ხალხი და ეზოში ჩამოსხდა. ყველა დადრეჯილია, დაღონებული. ბევრნი ტირიან. ამ დროს სოფლის მასხარა გამოჩნდა.

ხალხმა იფიქრა: ეს მასხარა რასმე იტყვის, გავვაცინებს და სირცხვილს გვაქმევსო. უთხრეს: ოღონდაც აქედან წადი და კომლზე თითო პინა ხორბალსა და ბრინჯს მოგცემთო.

— კარგი, წავალო და პირობა კი შემისრულეთო.

წავიდა და ფიქრობს: თუ პირობა არ შემისრულეს, ქელებსაც დავეკარგავ, პურსა და ბრინჯსაცო.

გამოიყვანა თავისი მწვეარი და აბრეშუმის მშვენიერი მოსართავითა და უნაგირით შეკაზმა. აბრეშუმის ხურჯინიც გადაჰკიდა. ერთი კურდღელიც საღდაც იშოვა, უბეში ჩაისვა, მწვეარს ლაგამი პირში ამოსდო, გასწია და წავიდა.

ქელების ხალხი სუფრაზე უნდა დამჯდარიყო. მასხარა მარდად შევიდა ალაყაფის კარებში და თავისი რაშიც შეიყვანა. დაინახა თუ არა ხალხმა ეს მოჩვენება, დაიწყო ხარხარი. რამდენიმე კაცი მივიდა მასთან და უთხრა:

— კაცო, ხომ არ გაგიეებულხარ, რასა შერები?!

— თქვე სულელებო, ეგრე ადვილად ვერ მომატყუებთო,— უპასუხა მასხარამ.

გაიგო ეს ამბავი სახლის პატრონმა, ფქვილითა და ბრინჯით

გაუვსო ხურჯინი. მასხარამ მადლობა გადაუხადა და დაბრუნდა. ალაყაფის კარებთან რომ მიალწია, უცებ მწევარს კურღლე-ლი დაანახვა. შეხტა მწევარი, წკმუტუნ და ხტუნვა დაიწყო: — აი, შე გიჟო რაშო, რა დაგემართა, ამ შათრახს ხედავო? — უყვირის. ძაღლს მასხარა. ამ დროს უბიდან ძაღლის წინ კურღლევი გადმოაბ-ტუნა. გაიქცა კურღლევი, მწევარიც გამოეკიდა. მწევარს რომ ფქვი-ლი ეკიდა, სულ განიავდა.

მასხარა კი იდგა და იძახოდა: ერთი შეხედეთ ამ ჩემ რაშს, ბუქი და კორიანტელი არ დააყენაო!

ხალხი იცინოდა, კვდებოდა სიცილითა.

ნალის შეჭამადი

ერთხელ მოხუცი მამამთილი რძალს ესტუმრა. რძალს არ ესი- აპოვნა მისი მოსვლა და გუნებაში თქვა: კარგად რომ დაუხვდეთ, აქ სიარულს აღარ დაიშლის, მოდი, მარტო გამხმარ პურს მივეუტანო.

სადილობა რომ მოახლოვდა, ქალმა ბოდიში მოიხადა:

— რა ცუდ დროს მობრძანდით, მამამთილო, სახლში არა მაქვს რა, რომ პატივი გცე; ქათმები იყო და, რაც ქორსა და ძერას გადაურჩა, ჭირმა გამიწყვიტა. წელს, კარგად მოგეხსენებათ, ღვინის მოსავალიც ძალიან ნაკლები იყო, ერთი-ორი ხელადა ჩავწურეთ ქო- ცოში და ისიც უპატრონობით დაგვიცხარდა. ლობიო გვალვამ ისე ამოახმო, რომ სათესლეც ველარ ავიღეთ.

— ვიცი, ჩემო რძალო, ვიცი, — უპასუხა მამამთილმა, — რას ღონ- დები, შეილო, საწყალი კაცის შეჭამადი გააკეთე.

— რა არის საწყალი კაცის შეჭამადი? ეგ მხოლოდ თქვენგან მესმის პირველად.

— საწყალმა ადამიანმა როგორ შეიძლება არ იცოდეს ეს შეჭა- მადი? ეს საკმელი ნალის შეჭამადია, რაკი არც გაგიგონია და არც გემო გინახავს, მე მოვამზადებ, შენ კი მიყურე, ვიდრე მე ცეცხლს დავანთებ, შენ ცხენის ნალი მომინახე.

რძალმა ნალი მოარბენინა, მამამთილმა ცეცხლი ააბოლა.

— აბა, ქვაბი მომიტანე! — უთხრა მამამთილმა.

რძალმა მოარბენინა ქვაბი, მამამთილმა სუფთად გარეცხა ნალი და ჩადო ქვაბში.

— ჩემო რძალო, ცოტა ერბო და ხუთიოდე ხახვიც მომიტანე! რძალმა მოუტრბენინა ერბოს ქილა და ხახვის კალათა.

მამამთილმა ერთი კოვზის მაგივრად სამი კოვზი ერბო ჩადო ქვაბში, ბლომად ხახვიც ჩააქრა და ცეცხლზე შემოდგა. როცა ხახვი კარგად მოიწვა, წყალი დაასხა.

— ჩემო რძალო, ცოტა მწვანილიც მომიტანე და ერთი ხუთიოდე კვერცხი, ისეთი სადილი გაგიკეთო, რომ ხელმწიფეც კი ჩვენ შეგვენატროდეს!

რძალმა მოარბენინა ხასხასა მწვანილი და კვერცხებით სავსე ჯამფილა. მოხუცმა დაამტვრია კვერცხები, გათქვიფა და ჩაასხა ქვაბში. მწვანილიც ჩააქრა. შეაზავა მარილით, გასინჯა და რძალს შესთავაზა.

— აბა. ნახე, ჩემო რძალო, როგორ მოგეწონება ნალის შექამადი?

რძალმა გასინჯა და ძალიან გაუკვირდა, ნუთუ ცხენის ნალისაგან ასეთი გემრიელი კერძი მზადდებო?

— ახ, ჩემო რძალო, რომ იცოდე, როგორ უხდება ნალის შექამადს გვალვიანი წლის ღვინო! — უთხრა მამამთილმა.

— ოცნაფიანი ქვევრი თეთრი ღვინითა გვაქვს სავსე, ჩემი ქმარი ძალიან აქებს წლეგანდელ ღვინოს, — მიუგო რძალმა, სავსე ხელადა მოარბენინა და სუფრაზე დადგა.

მოხუცმა მოიხადა ქუდი, თეთრ თმაზე ხელი გადაისვა და თქვა:

— ახლა ორიოდე სიტყვა უნდა გითხრა, ჩემო რძალო: მე იმიტომ კი არ მოვედი, რომ ან მშვიოდა ან მწყუროდა. არა, ჩემი შვილის ცხოვრება მაინტერესებდა, რა უკირს, ან რა უღზინს-მეთქი. შენი წუწუნი გულში ეკალივით მომხვდა, მაგრამ რატომღაც არ დავიჯერე, მინდოდა შენი გამოცდაც და ჩემი შვილის ოჯახის ავლადილების შეტყობაც. ამიტომ მოვიგონე ნალის შექამადიც.

ყასაბი და ვაჟარი

ერთ პატარა ქალაქში ცხოვრობდნენ ყასაბი და ვაჟარი. მათ ძალიან უყვარდათ ერთმანეთი: ჭირი და ლხინიც საერთო, საზიარო ჰქონდათ.

ერთ დღეს ყასაბი შორეულ სოფლებში საქონლის საყიდლად

უნდა წასულიყო. გამგზავრების წინ თავის ძმობილთან ერთად, დაითვალა ოქროს თუმნიანები, ჩაიღო უბეში, შეჯდა კარგ იორლა, ცხენზე და წასვლისას მეგობარს უთხრა: ნათქვამია, ანდერძს, კაცი არ მოუკლავსო. თუ შევაგვიანდეს, ჩემს ოჯახსა და ცოლ-შვილს პატრონობას ნუ მოაკლებო! დაემშვიდობა და გაუდგა გზას.

ყასაბს გამზადებული ნაბადი დარჩა სახლში. ცოლი ძალიან შეწუხდა: რა ეშველება, უამინდობა რომ შეესწროს? ან ღამით სიცივემ რომ შეაწუხოსო?

— რას ღონდები, ჩემო დაო, მომეცი, მე გავუქცევ, დიდი გზა არ ექნება გავლილიო. — ანუგეშა ვაჭარმა. შეკაზმა მაშინვე მეორე ცხენი, წინ ნაბადი შემოიღო და გაეკიდა.

მიდიოდა, მაგრამ გონება სხვაგან მიუბრუნდა, სულ ნანახი ოქროს თუმნიანები ებღირსებოდა თვალებში. ოხვრით ამბობდა: ეჰ, რატომ ჩემი არ არის ის ოქროები, ხვალვე დიდ სასახლეს წამოეკიშავდიო. ამ ფაქტებში იყო, რომ მიმავალ ცხენოსანს მოჰკრა თვალი, შორიდანვე იცნო და დაუძახა: ძმობილო, ძმობილო, დაიცადეო!

ყასაბმა მოახედა, ბედაური შეაყენა და, თავისი მეგობარი რომ დაინახა, ელდამ გაჰკრა გულში, ჰკითხა: რა ამბავია? ცუდი რამ ხომ არა მოხდა რა სახლშიო?

— ნუ გეშინია, ყველაფერი კარგადაა, ნაბადი დაგრჩა შინ და ის წამოგიღეო!

ყასაბმა მაღლობა გადაუხადა და ის იყო, მიბრუნდა, რომ ვაჭარმა დამბაჩა დასცა ზურგში. გაძარცვა მკვდარი, ამოაცალა ფული და წამოვიდა.

ოცი ნაბიჯი არც კი ექნებოდა გამოვლილი, რომ ცხენი ისევ შეაყენა და გაიხედ-გამოიხედა, გაიფიქრა: ხომ არავინ მიყურებდაო. არსად ძე-აღამიანი არა ჩანდა. მხოლოდ ერთგან კუდიან ქარს გზიდან მტვერი აეხვეტა და ჰაერში ძაბრავით ატრიალებდა. ხელსისხლიანმა ვაჭარმა დაცინვით თითი დაუქნია და მიაძახა: ჰაა, ქარო, ქვეყანა არ შემოიყარო, ეს ამბავი შენ იცი და მეო!

დამარხა ყასაბი. დიდხანს ეძებეს მისი მკვლელი, მაგრამ ვერც ის იპოვეს და არც არავინ მნახავი გამოჩნდა. ერთ ხანს თვით ვაჭარზე ჰქონდათ ეჭვი, მაგრამ ყასაბის ცოლი ალალი გულით უფიცავდა: ცოდვას ვერ დავიდებ, ის ჩემს ქმარს არ გაიმეტებდა მოსაკლავად, ღვიძლი ძმებივით უყვარდათ ერთმანეთითო.

გავიდა ხანი. ყველას დაავიწყდა ოდესღაც მომხდარი ამბავი. იდროვა გულბოროტმა ვაჭარმა და გამოაჩინა ნაძარცვი ოქროები. მოკლე ღროში, მართლაც, ისეთი სასახლე წამოჰკიმა, რომ ხელმწიფე-

საც კი თვალი ზედ დარჩებოდა. მაგრამ ვის შერჩენია ნაარმევი, რომ მას შერჩენოდა?

ერთ დღეს ვაჭარი და მისი ცოლი ეტლით სასეირნოდ წავიდნენ. იარეს. იარეს და სწორედ იმ ადგილთან ჩაიარეს, სადაც რამდენიმე წლის წინათ ყასაბი მოკლა.

უცბად, გზაზე კუდიანი ქარი ამოვარდა, ჰაერში აიტაცა ხმელი ბალახ-ბულახი და თითისტარავით დაატრიალა. ვაჭარმა დაინახა თუ არა ციბრუტა ნიავექარი, გაახსენდა ოდესღაც თავისი ნათქვამი სიტყვები და გულაანად გადაიხარხარა.

— რაზე იცინი? რა დაინახე ისეთი? — შეეკითხა ცოლი. ქმარი დიდ უარზე იდგა, არ უნდოდა, გაემხილა თავისი ცოდვა და დანაშაული, მაგრამ არ იქნა და აღარ მოეშვა ცოლი. ვაჭარმაც დაწვრილებით უამბო ყველაფერი და თანაც შეეხვეწა, გაგონილი საიდუმლოდ შეენახა გულში, არავისთან არა წამოსცდენოდა რა. მაგრამ არ გავიდა სამი დღეც კი, რომ ყასაბის მოკვლის ნაშედეგი ამბავი მთელ ქალაქს მოედო და მალე ხელმწიფემდისაც მიაღწია. მეფემ დააჭერინა ვაჭარი და ერთ დღეს სახალხოდ ჩამოახრჩვეს.

ასეა, არავის შერჩება ცოდვა და დანაშაული.

ორი ძმა — მდიდარი და ღარიბი

ერთ სოფელში ცხოვრობდა ორი ძმა — მდიდარი და ღარიბი.

ერთ წელიწადს მდიდარს შვილის ქორწილი ჰქონდა. რვა სოფლის ხალხი დაპატიჟა, თავისი ძმა წყლის მზიდავად დააყენა: ეთაკილებოდა, ქალამნებიანი და დაკონკილხოხიანი გვერდით როგორ მოვისვაო?

სუფრაზე ისეთი ღვინო გაჩაღდა, რომ ვარკალალოს და ტაშფანდურის ხმა ცხრა მთას იქით გადიოდა. ღარიბ ძმას კი ლუკმაპურიც არ მიაწოდეს. ის მუხლჩაუხრელად ტრიალებდა და სამი ვირით წყალს ეზიდებოდა. როცა შიმშილმა შეაწუხა, ისევ თავის ქოხს მიაშურა: ხმელ მკვადს მაინც შევჭამო.

წავიდა. გზაში უცბად მოაგონდა, რომ ძმისწულის ქორწილიდან მიდიოდა, თქვა: ვინც დამინახავს, რას იტყვის? ნაქეიფარი კაცი ასე ჩუმად უნდა მიდიოდეს? მოდი, ჩემ ძმას ნუ დავამცირებო.

გული გაიმხიარულა და სიმღერა შემოსძახა. მის სიმღერას ვილცამ ბანი მისცა, მიიხედ-მოიხედა და, რაკი ვერავინ დაინახა, ახლა

მრავალუმიერი წამოიწყო. ამჯერადაც ვილაცა აჰყვა. მიბრუნდა, უკან ერთი თავისავით ღარიბი კაცი დაინახა, ჰკითხა:

— ვინ ხარ? საით მიხვალ?

— მე შენი სიღარიბე ვარ, საითაც შენ მიხვალ, მეც იქით მოვდივარო!

— მე რას დამდევ? ახლა სხვასთან წადი!

— ვერ დაგშორდები, მე შენზე ვარ დაწერილიო.

— რომ მოვკვდები, მაშინ რაღას იზამ?

— თან ჩამოგყვებიო, — უპასუხა სიღარიბემ.

კაცი მივიდა თუ არა სახლში, იმავე დღეს კუბო გააკეთებინა. სიღარიბემ გაიფიქრა: არ დამასწროსო და პირველი თვითონ ჩაწვა შიგ. კაცსაც სწორედ ეს უნდოდა. დააფარა სახურავი, მაგრად დალურსმა და სოფლის ბოლოს ღრმად ჩაფლა მიწაში. იმ დღიდან წინ წამოვიდა მისი ოჯახი.

გაბოროტდა მდიდარი ძმა, შურისაგან ბოღმა ჩაუვარდა გულში, აღარც ჰამდა, აღარც ეძინებოდა. ბოლოს, ველარ მოითმინა, მივიდა და ჰკითხა: კაცო, ასე უცბად საიდან გამდიდრდი? ოქროს ქილა იპოვე თუ ნატერისთვალიო?

ძმამაც დაწვრილებით უამბო ყველაფერი.

— ბარემ ისიც მითხარი, სად დამარხებ შენი სიღარიბე? — ჰკითხა მდიდარმა.

— ჩვენი სოფლის ბოლოს ძველი საყდარი რომ არის, იმის კარებთან ჩავფალ. კარგად კი დავუფასე ჩემზე გაწეული ამაგი! როგორც ის იყო ჩემთვის, მეც ისეთი სამაგიერო გადავუხადეო.

გახარებულმა მდიდარმა ძმამ იმავე ღამეს სოფლის ბოლოს მიასურა. მივიდა საყდართან და, კარების წინ ახლად დაყრილი მიწა რომ ნახა, გაიფიქრა — ეს უნდა იყოს იმის საფლავიო, ჩასძახა:

— სიღარიბევ, ისევ მანდა ხარ?

— აბა, სხვაგან სად წამესვლევიგება? — შემოესმა პასუხად.

— ამოგიყვან, თუ ისევ ჩემს ძმასთან წახვალო!

— მართალია, ამ შავ დღეში ჩამავლო, მაგრამ იმას მაინც თავს არ დავანებებო.

გულბოროტმა ძმამ თხარა, თხარა და ამოიყვანა. სიღარიბე მაშინვე წელზე მოეხვია თავის მხსნელს და უთხრა: იმასთან რაღა მინდა, ცოცხალი მიწაში დამმარხა, შენ კი სიკვდილს გადამარჩინე. ამიერიდან აღარ მოგცილდებიო.

იმ დღიდან უკან-უკან წავიდა მდიდარი ძმის ცხოვრება, მალე ისე გაღატაკდა, რომ მკვადის ლუკმაც კი ენატრებოდა.

ასე ემართება ყველა ბოროტსა და შურით სავსე ადამიანს.

მეცხვარე და მისი ნათლული

კავკასიონის მაღალ მთებში, პატარა სოფელში, ცხოვრობდა ვინმე მეცხვარე. ერთ წელიწადს მეცხვარე შირაქში მიდიოდა ცხვრის ფარის სანახავად. ზამთარი იყო, მთელ დღეს წყნარად თოვდა, მაგრამ შებინდებისას კი ამინდი შეიცვალა. ჯერ ნიავეწანწალამ დაუბერა, მერე კი ქარბუქი ამოვარდა და მთელი მიდამო ნამქერში გაეხვია. ცხენი და მხედარი ბრმად მიიკვლევდნენ გზას. ქარი კვიშასავით აყრიდათ თვალებში თოვლის მონახვეტს. ერთგან ხიფათსაც კა გადარჩნენ: უმოაჯირო ხიდი უნდა გაევლოთ, ცხენმა ნაპირისაკენ დაიწია და, ბედზე მხედარს თვალი რომ არ გაეხილა, ორივენი კლდეში გადაიჩხებოდნენ.

— არა, წინ წასვლა აღარ შეიძლება, საქონელიც ცოდვია, გზას ვეღარ იკვლევს, — ჩაილაპარაკა მეცხვარემ და ცხენი ვიწრო ორღობეში შეაბრუნა. პატარა ფანჯრიდან მბუუტავი ლამფის სინათლე გამოკრთოდა. მეცხვარე პირდაპირ მივიდა ფიცრულ სახლთან და მათრახის ტარით კარი დააკაკუნა, დაუძახა ოჯახიშვილებს, გამოიხედეთო!

შინიდან კაცი გამოვიდა, როგორც წესია, ერთმანეთს მიესალმნენ.

— ძმობილო, მგზავრი ვარ, ქარბუქში გზას ვეღარ მივიკვლევ, ამაღამ შემიფარე როგორმე! — სთხოვა მწყემსმა.

— მოდი, კაცო, მოდი! ამისთანა ამინდში შენ კი არა, მტერიც რომ ყოფილიყო, იმასაც არ გავაბრუნებდი უკან, — გულიანად შეიპატიჟა მასპინძელმა.

— ცხენს მე დავაბინავებ, შენ შეციებული იქნები.

მეცხვარე დიდხანს ბერტყავდა თავის ნაბაღსა და გრძელბეწვიან ტყავის ქუდს, მაგრამ შეყინული თოვლი მაინც ვერ გააყრევინა. მასპინძელმა კვლავ შეიპატიჟა სტუმარი და სახლში შეუძღვა. დიასახლისმა ცეცხლი გააღვია, ვახშამი მოამზადა. ვაჟკაცებმა დიდხანს ისაუბრეს, თქვეს ამ მთისა, იმ მთისა, ალიანისა, ჩალიანისა, პურის ჭამა მოათავეს. მასპინძელი უხერხულ მდგომარეობაში იყო, ღონდებოდა: სად დაეძინებინა სტუმარი? იქნება კუნჭულს მაინც გამოუნახავდა, მაგრამ ფენძიმე ცოლი აფიქრებდა, იქნება ამაღამ იმშობიაროსო. მეცხვარე თითქოს გუმანით მიხვდა და თვითონვე გამოიყვანა მასპინძელი უხერხული მდგომარეობიდან, უთხრა:

— ძმაო, ნურაფერზე სწუხდები! მწყემსი კაცი ვარ, ჩემთვის გარეთ ძილი უფრო სასიამოვნოა. ნაბაღი მაქვს, არ შემცივდებაო.

— ქარბუქია, კაცო, ახლა გარეთ დაწოლა არ შეიძლება. მოდი, თუ არ გეწყინება, მალა, სხვენზე მოისვენე, იქ თოვლის ნამქერი მაინც არ დაგეყრებაო.

მეცხვარე ავიდა სხვენზე, ნაბადში გაეხვია და მიწვა. ერთ ხანს იტუქყუნა და, რაკი სიცივისაგან ვერ დაიძინა, წამოჯდომა ამჯობინა.

შულამე გადასული იქნებოდა, რომ ღიასახლისის მართლაც მუცელი ასტივდა. ქმარმა ბებიაქალი მოიყვანა.

ძილგამფრთხალ და ფიქრებში წასულ მეცხვარეს თავის სიახლოვეს რაღაც ჩურჩული შემოესმა. სმენადგადაქცეულმა ცხადად გაიგონა ყველაფერი: ახლა ამ სახლში ბიჭი რომ დაიბადება, ეს ბედი დაეწეროს: გაიზარდოს, ოცი წლისა რომ გახდეს, ცოლი შეერთოს, ქორწილის დღეს ცოფიანმა მგლებმა დაკბინოს და მოკვდეს. ვინც ჩვენს ნათქვამს ხელი შეუშალოს, მას გადახდეს ამ ბიჭის გადასახადიო.

მეცხვარეს უმალ გაახსენდა ხალხში გაგონილი, თქვა: ბედისმწერლებს რომ ამბობენ, ესენი უსათუოდ ისინი იქნებოდნენო. გაგონილი სიტყვები რამდენჯერმე გაიმეორა, გონებაში ღრმად ჩაიჭდევა, არ დამავიწყდესო.

გათენებამდე ჯერ კიდევ დიდი დრო იყო დარჩენილი, რომ გახარებულმა მასპინძელმა ხმამალა შესძახა: ძმობილო, ბიჭი შემეძინა, ჩამოდი, ბედი დავულოცოთო!

ვაეკაცები ხელმეორედ შემოუსხდნენ სუფრას, კვლავ გახშირდა ტბილი, ქართული ბაასი.

— კეთილი ფეხი გქონია, ჩემო ძმაო! — უთხრა მასპინძელმა, — რაკი ძეობაში შეგვესწარ, მოდი, ნათლიაც შენვე იყავი! ხელიც კეთილი გექნება. დაე, შენი მარჯვენაც ფარავდეს ჩემს შვილს, როცა კი გასაჭირში იყოსო.

მწყემსმა რაკი სიტყვა მისცა, ნათლიად უსათუოდ მე ვიქნებო, შეასრულა კიდევ. ის დაბადების ყოველ წლისთავზე ინახულებდა ხოლმე თავის ნათლულს და რამდენადაც გულს უხარებდა მისი ზრდა, იმდენადვე ფიქრი და დარდიც უხშირდებოდა.

აი, დაიწყო მეოცე წელიც. იმ წელაწადს მეცხვარე ცხვარში აღარ წავიდა.

შემოდგომის მზიანი დღე იყო, როცა მწყემსის ეზოში მისმა ნათლულმა ოფლით გახვითქული ცხენი შეაქენა. შეღერებულ ვაეკაცს ისედაც სიხარულით ნათელმოფენილ სახეს უფრო მეტად უმშვენებდა თეთრი ჩოხა-ახალუხი. სტუმარი შორიდანვე მიესალმა: ჩემს ნათლიას გაუმარჯოსო! ცხენიდან გადმოფრინდა და ერთმანეთი გადაკოცნეს.

— ნათლიავ, რაღაც ხასიათზე არ მეჩვენები, — ხუმრობის კილოთი უსაყვედურა ნათლულმა, — ჩემი ბედნიერება ხომ არ გეწყინა? ხვალ ქორწილი მაქვს და, ხომ იცი, უშენოდ ჭვარს არ დავიწერ.

მეცხვარემ ბედნიერება მიულოცა, ხელმეორედ გადაეხვია, მაგრამ გული ისე ჰქონდა დახურული და სახეც ისე გაქვევებოდა, რომ კაცი სასიხარულოს ვერაფერს ამოიკითხავდა.

— ნათლიავ, ჩემს ვაჟკაცობას გეფიცებით, ქორწილს ჩავმლი, თუ შენ იქ არ მყვოლები! — კვლავ მტკიცედ უთხრა მოპატიემ.

— წარღვნაც რომ იყოს, წამოუსვლეელი არ დავდგები, — დაამედიანა მწყემსმა და სოფლის შარაგზამდე გააცილა. ის კარგა ხანს თვალს არ აშორებდა თეთრცხენიან მხედარს. ყურში კი კვლავ ესმოდა: ქორწილის დღეს მგლებმა დაკბინონ და მოკვდესო. მეცხვარემ ხელი სატევარზე გაივლო და ჩაილაპარაკა: მაშ, მოგიკვდეს ნათლია, თუ ბედნიერი დღე გაგიმწაროსო.

მეცხვარემ ის ღამე თეთრად გაათენა, ძილი გაუფრთხა. ლოგინში წისქვილის დოლაბივით ტრიალებდა, ბორგავდა. ცაში ჭერ კიდევ ნათელი არ იყო ჩავარდნილი, რომ წამოდგა, ჩაიკვა ჭაპვის პერანგი და ცხენი შეკაზმა, მერე ისევ სახლში შებრუნდა, ლედის ბრტყელ ქამარზე ხმალი და სატევარი დაიკიდა, შიგ გატენილი დამბაჩა ჩაიბნია, თოფი მხარილივ გადაიგდო, შეჭდა შავ ულაყზე და ნიაქქარივით წამოვიდა.

ნათლულმა შორიდანვე იცნო თავისი ნათლია და გახარებული გზაში მიეგება. მეცხვარე ომანხანად მიესალმა სტუმრებს, ნათლიმამას და ნათლიდედას კი შვილის ბედნიერება მიულოცა.

ხალხი გაკვირვებით უყურებდა აბჯარში გამოწყობილ უცხო ადამიანს და ერთმანეთს ჩურჩულით ეკითხებოდნენ: ეს კაცი ჩვენთან საომრად ხომ არ არის მოსულიო?

მექორწილენი ნეფე-პატარძალს გაჰყვნენ ეკლესიაში ჭვრის დასაწერად. ნათლია მხარში ედგა თავის ნათლულს და გასასვლელ გზას შორ მანძილზე თვალით სინჯავდა. ის საყდარში არ შეჰყვია, მოშორებით საფლავის ქვაზე შედგა და გაღმით, ტყიან ფერდობს გაჰყურებდა. ის იყო მექორწილენი ეკლესიიდან გამოდიოდნენ, რომ ვილაცამ შემხარავი ხმით კივილი მორთო: მგლები! მგლებიო! ქალები და ბავშვები წივილ-კივილით ჯგუფად მიაწყდნენ საყდრის კარებს, ვაჟკაცები კი გაკვირვებულნი ერთმანეთს ეკითხებოდნენ: რა დაინახეს?! რა მოეჩვენათო?! მხოლოდ მაშინ გამოერკვნენ, როცა კარგა მოშორებით მეხივით გავარდა თოფი. მეცხვარეს შორს მოეკ-

რა თვალი ტყიდან გამოვარდნილი სამი მგლისათვის და წინ შეგებებოდა. ორმა მგელმა ერთი უკან მოიტოვა, ნასროლი ტყვიით ვულგანგმირული, და ეკვეთნენ ვაჟაკს. დამბაჩის ხმამ და ნადირის შემზარავმა ღმუილმა ერთხელ კიდევ ააფორიაქა შეშინებულთა გულები. ახლა ხმალი და სატევარი აელვარდა მამაცი მეცხვარის ხელში.

ყველაფერი ეს ისე სწრაფად მოხდა, რომ ხანჯლებმომარჯვებულმა ვაჟაკებმა მხოლოდ მაშინ მიუსწრეს, როცა ორი დაჩეხილი ნადირი უსულოდ ეგდო მიწაზე. ბრბოდ შემოხვეული ხალხი გაქვავებულავით იღვა და სიბრალულით შეკუურებდა უცხო ვაჟაკს, რომელსაც სისხლი თქრიალით სდიოდა წვივიდან და სისხლისაგან იცლებოდა: მგელს მოესწრო და კბილი გაეკრა. ყველაზე მეტად ნეფე იყო შეწუხებული, სახეზე ნაცრისფერი დასდებოდა, თვალები წყლით ავსებოდა. უილაჯომ პატარძალს თეთრი სარტყელიც კი ჩამოგლიჯა ჭრილობის შესახვევად, მაგრამ ვერა და ვერ შეუწყვიტეს მომსკდარი სისხლი.

ხალხის სიჩუმე ისევ მეცხვარემ დაარღვია: ჩემო ნათლულო! რაკი შენ გადაგარჩინე, აღარაფერსა ვჩივი. ნათლიმამავ, შენთანაც პირნათლად ვარ: თქვენს ოჯახში კეთილი ფეხით შემოვედი, ძეობის ღამეს მისურვე: დაე, შენი მარჯვენაც ფარავდეს ჩემს შვილს. როცა ძალიან უჭირდესო. დღეს ჰქონდა გასაჭირი და მეც ჩემებურად დავეხმარე... მეცხვარეს კიდევ რალაცის თქმა უნდოდა, მაგრამ სისხლისაგან დაცლილს სიტყვა გაუწყდა და სული დალია.

ხალხმა ზღვა ცრემლით დაიტირა შორეული სტუმარი, დიდხანს დარჩათ სასინანულო მოსაგონებლად: ნამდვილი კაცური გული ჰქონია, რომ ადრევე შეუტყვია თავისი ნათლულის ბედისწერა, თავი გასწირა და ის კი გადაარჩინაო.

რძალი და ბრმა დედამთილი

ერთ რძალს ბრმა დედამთილი ჰყავდა. ერთ დღეს დედამთილმა ქათმის ხორცი მოინდომა და თავის რძალს სთხოვა: შვილო, შენ ისე-ღაც დიდი ამაგი გაქვს ჩემზე, ეს სიკეთეც გამიწიე: ერთი პატარა მამალი ან ვარია დამიკალ, ქათმის ხორცისათვის კბილები მიკაწკაწებსო.

— რას ამბობ, დედამთილო, ერთს კი არა, ორს დაგიკლავო!

რძალმა დაიჭირა მაშინვე ერთი მსუქანი დედალი, დააკვლევიანა

მეზობლის ბიჭს და ქვებით შემოდგა ცეცხლზე. როცა მოიხარშა, ამოიღო და, როგორც კი დადო თეფშზე, მოხარშული ქათამი მკვდარ კატად იქცა.

რძალი ძალიან შეწუხდა, მაგრამ რას იზამდა! დაკლა მეორე, მოხარშა და, ამოიღო თუ არა ქვებიდან, კვლავ მკვდარი კატა შერჩა ხელში. დაკლა მესამე, მოხარშა და ისიც კატად ექცა.

— უიმე, ეს რა მემართება! ღმერთო, განა რა შეგცოდნე ისეთი. რომ სამაგიეროს ამით მიხდი?! — შეშინებულის ხმით წამოიძახა რძალმა.

ქათმის მოლოდინით სულწასულმა დედამთილმა ვეღარ მოითმინა და რძალს დაუძახა:

— შეილო, რა ჰქენ. ქათამი ვერ მოხარშე?

— დედამთილო, არ ვიცი რა უბედურებაა ჩემს თავს: რამდენიც მოვხარშე, იმდენი მკვდარ კატად მექცა. გამიგონია, რომ ასეთი რამ ცოდვიან ადამიანებს ემართებათო, მაგრამ ვის რა ცოდვა გაუუკეთე! რომ დავდივარ, ჰიანჰველასაც კი ფეხს ვარიდებ, — შეწუხებულის კილოთი უბასუხა რძალმა.

— არა, შეილო, შენ რა შუაში ხარ. სამართლიანობამ მაგიტ დამსაჯა... მომიტანე ის მკვდარი კატა... მე ქათმის ხორცის ღირსი არა ვარ, — ათრთოლებული ხმით თქვა დედაბერმა.

— რას ამბობ, დედამთილო, განა რა ცოდვა მიგიძღვის ისეთი, რომ სიბრმავეც არ გეკმარა და კიდეც ისჯები? — ჰკითხა რძალმა.

— ეჰ, შეილო, ხელცოდვიანი ვიყავ და ისეც წამივიდა საქმე. მეც ჩემს რძლობაში ბრმა დედამთილი მყავდა. ერთხელ იმანაც ქათმის ხორცი მოინდომა. მე, სულგაყიდულმა, ქათამი ვერ გავიმეტე, შავი კატა დაეკალ, მოვხარშე და ის ვაქამე. აი, ხედავ, ცოდვა სად მომეწია! — თქვა დედამთილმა, ამოშრეტილ თვალებზე მომდგარა ცრემლები შავი ძონძით მოიწმინდა და აქვითინებული ხმით ჩაილულლულა: ტყუილად კი არ არის ნათქვამი: ავი საქმის მქნელსაო, ავი გადახდესაო.

ბატონი და ყმა

ერთ თავადს ერთი ყმა გლეხი ჰყავდა. ყმამ მთელი თავისი ჯეგელ-კაცობა ბატონის სამსახურში გაატარა. უღამურ ცხოვრებაში ისე უცბად შემოეპარა წვერულვაშში ქალარა, რომ ბავშვობისა და ახალგაზრდობისა არც კი ახსოვდა რაიმე.

ერთ დღეს ბატონი თავის ცოლ-შვილით მოყვრების სანახავად უნდა წასულიყო. როცა გაემზადნენ, ყმას გადასძახა: ურემი შეაბი, კალმა. ჩემს მოყვრებს უნდა ვესტუმრო, ჩემთვის კი კარგი ცხენი შეკაზმეო!

— ბატონო, რაკი წყალი უნდა გავიაროთ, უღელ კამეჩს შევაბამ.

— კამეჩებს წინ ხარებიც მოუბი; უღელი საქონლით სოფლებზე გავიარო და ისიც თავადიშვილმა! — წყრომით უპასუხა ბატონმა ყმამ გაამზადა ურემი და ეზოში შემოაგორა. გამოიყვანა თავლიდან შეკაზმული ცხენიც. გამობრძანდა ბატონი. ცოლ-შვილი ურემზე დააბინავა, თვითონ ცხენზე შებრძანდა და ღონიჭშემოყრილი გვერდით გაჰყვა.

გაიარეს სოფლები. შემხვედრი გლეხები ქუდის მოხდითა და თავდახრით მიესალმებოდნენ ამაყ თავადიშვილს.

ის კი იყო გასცლოდნენ ორლობეებს, რომ მინდვრიდან მომავალი ერთი ბერიკაცი შემოეყარათ. მიესალმა თავადს და მოახსენა: ბატონო, თუ გაღმა მხარეს მიბრძანდებით, არ გირჩევთ ფონზე გასვლას. ალაზანი ისეთი ადიდებული მოდის, რომ გვეგონებათ ზღვა ვადმოვარდნილაო.

— მე არც წყლისა მეშინია და არც მტრისა! — ამაყად უპასუხა თავადმა და თან უღვაშები შეიგრიხა.

შუაღლე მოახლოებული იქნებოდა, როცა ურემი ალაზნის სანაპიროს შიადგა. ყმა დიდხანს გასცქეროდა მოზღვავებულ წყალს.

— ბატონო! — მოახსენა ყმამ. — გასვლა, ცოტა არ იყოს, სახიფათოა — არც ფონია და მდინარესაც, ხედავთ, რამოდენა ხეები და კარჩხლები მოაქვს.

— ზღვაც რომ იყოს ვადმოვარდნილი, უნდა გავიდეთ! — უბრძანა ბატონმა. — შუა გზაში მოსული წყალს შევეუშინდე და უკან გავბრუნდე!.. შედი და მეც უკან მოგაყოლებ ცხენს!

— ნუ შევალთ! აზღვავებულ მდინარესთან შებრძოლება შეიძლება?! — უსაყვედურებდა ქმარს შეშინებული ქალბატონი. შვილები ცალკე ეხვეწებოდნენ თავადს — დავბრუნდეთ უკანო, მაგრამ ახირებულმა ბატონმა რაკი ერთი თქვა, სიტყვა უკან ველარ ჩაიბრუნა.

ყმამ ფრთხილად შეაცურა ურემი ალაზნის მღვრიე ტალღებში. ფონის ადგილას, მართალია, წყალი გაშლილად მოდიოდა, მაგრამ ურემი შესვლისთანავე კოფომდე შიგ დაიმალა. სამ ნაბიჯზე არც კი იქნებოდნენ ნაპირიდან დაცილებული, რომ ბატონმა შემოატ-

რიალა ცხენი და უკანვე გავიდა, ყმას შეშინებული ხმით დაუძახა: ურემი გამოაბრუნე! წყალს დიდი კარჩხლები მოაქვსო!

ყმამ დაინახა თუ არა მოტივტივებული ხეები, გაიხადა მაშინვე ახალუხი და წინა ხარების მოსაბრუნებლად წყალში გადაეშვა. ის იყო უღელზე მკერდით გადაწოლილი ხარებს აბრუნებდა, რომ კარჩხალი მთელი ძალით დაეჭახა კოფოს და ურემი საქონლიანად შუაწყლისკენ ვაიტაცა. ატყდა ბევშვებია და ქალბატონის გულსაკლავი ყვირილი: გვიშველეთ!.. გვიშველეთ!..

ბატონი გაღმიდან უბრაზდებოდა ყმას და მათრახის ტარს უტურტურებდა.

ყმა თავგამეტებით ებრძოდა წყალს. იღბალზე მდინარის ერთ, შუა ადგილს, ამალღებული ნაშე დაინახა. მიუახლოვდა თუ არა, ისევ ურმის თავზე ავიდა და კამეჩები უცბად ნაშისკენ მიირეკა. კარჩხალი ჯერ დაცერავდა, მერე კი წყალმა შეატრიალა, ურემს მოსხლიტა და ნაფოტივით გააქანა.

ყმამ თავისუფლად ამოისუნთქა.

— ახლა ნულარ გეშინიათ! — ანუგეშა თვალცრემლიანი ქალბატონი, რომელსაც ორივე ბავშვისათვის მოეხვია ხელი და მთელი ძალით მკერდზე მიეკრა.

— აქეთა ნაპირზე გადმოიტანე ურემი! აქეთა ნაპირზე! — ხელის ქნევით გადმოსძახა ბატონმა.

ყმა ჩამოხტა ურმიდან, ჩახსნა ჯამბარა და ჯერ ხარები გარეკა გაღმა, მერმე კი მშვიდობით გაიტანა ურემიც და ბატონთან ერთად დაბრუნდნენ უკან.

მეორე დღეს ბატონმა დაუძახა თავის ყმას და უთხრა: რაკი ცოლშვილი გუშინ დალუპავს გადამირჩინე, უნდა დაგასაჩუქრო, რას მთხოვ, რომ შეგისრულო?

ყმამ ქუდი მოიხადა, გულზე ხელები დაიკრიფა და უპასუხა:

— დიდო ბატონო! კარგად მოგეხსენებათ, რომ საწყალ ყმას სხვა არა აქვს რა სათხოვარი, თუ არა მიწა და თავისუფლება.

— თავისუფლებას ვერ მოგცემ. ღმერთს ყმა ყმად გაუჩენია. ბატონი კი — ბატონად. მიწას კი მოგცემ. რამდენი დღიური გინდა?

ყმას სახე გაუნათდა. ჯერ თქმას ვერ ახერხებდა, მერმე კი თავი შოიფხანა და გაუბედავად მოახსენა: — ბატონო, მოიტა, რასაც სირბილით შემოგუფვლი, ის მიწა სულ ჩემი იყოს.

— მომიცია, — უპასუხა ბატონმა.

გახარებულმა ყმამ გაიხადა ახალუხი და გაშლილ ველს ხარბად შოავლო თვალეში. — ოხ, ნეტავი, აი, ის, სამი დღიური ყამირი შემომარბენინა! — ჩაილაპარაკა თავისთვის და გასაქცევად მოემზადა.

— გაიქეცი! აქედან გიყურებ! — უბრძანა ბატონმა.

ყმა გაიქცა. მირბის, რაც ძალი და ღონე აქვს, მირბის, მაგრამ მუშაობისაგან არაქათვამოცლილი, მალე დაიღალა, სულს ველარ ითქვამდა, ოფლი ღვარივით ჩამოსდიოდა, მაინც არ შეჩერდა, თვალებს არ აშორებდა ხასხასა ყამირებს. ბოლოს გაუსკდა გული და პირქვე დავარდა. მომაკვდავმა ყმამ ორივე ხელები წინ გაიწოდა: უფრო მეტი მიწა შემხვდებო.

მოკვდა საწყალი ყმა და შეუსრულებელი სურვილი საფლაგშიც თან ჩაიტანა.

ჭკვიანი რძალი

ერთ ოსტატს ჰყავდა ერთი ვაჟი. მამას უნდოდა ისეთი რძალი მოეყვანა, რომ მისი გულის აზრს მიჰხვედროდა ხოლმე.

გამოაცხო საგზალი, ჩააწყო ხურჯინში, გადაიკიდა ზურგზე და წავიდა სარძლოს საძებრად. იარაღღეს, ხვალ... გზაზე რომ მიდის, ერთი კაცი შეჰხვდა.

— გამარჯობა, ძმაო, შენისო, — უთხრა.

— ღმერთმა გაგიმარჯოსო, — უპასუხა ამ კაცმა.

— მართალია, შენ მოდიხარ, მაგრამ შენი ძმა რა უყავიო? — ჰკითხა რძლის მძებნელმა.

— ჩემი ძმა სახლში დავტოვეო, — უთხრა კაცმა.

ახლა იმ კაცმა უთხრა რძლის მძებნელს.

— შენც რომ არ მოგყავს ძმა, არა გყავს თუ რაო.

-- მე ჩემი ძმა თან მომყავსო, — უთხრა რძლის მძებნელმა.

გაიხედა იმ კაცმა და ვერაფერს დაინახა, კაცს არაფერს არ მოჰყავდა.

გაუდგნენ გზას, ორივეს ერთი გზა აქვს. მიადგნენ ერთ აღმართს. რძლის მძებნელმა კაცს უთხრა: ამ აღმართზე ან შენ ამიყვანე, ან მე აგიყვანო.

იმან უთხრა: აქ ვერც მე აგიყვან და ვერც შენ შესძლებ ჩემს აყვანასო.

იარა ამ რძლის მძებნელმა და ავიდა აღმართზე. თანამგზავრის ასვლამდე ერთი ჩიბუხი თამბაქო მოსწია. მიდიან ისევ. ერთ ადგილას ისეთი პურის ყანა ნახეს, რომ მის შეხედვას არაფერი სჯობდა.

მგზავრმა თქვა: ჰაი, ბედნიერი ამის პატრონიო, რა კარგი ყანა ჰქონიაო.

— კარგია, შექმული თუ არ არისო. — უთხრა რძლის მძებნელმა.

ეს კაცი მივიდა ახლოს, დააკვირდა, მაგრამ პური შექმული არ იყო. იარეს, იარეს და ერთ ადგილას კივილის ხმა შემოგვსმათ.

— უბედური, ვიღაცა მოკვდაო, — თქვა მეორე კაცმა.

— თუ მთლად მკვდარია, ცოდვია, თუ ნახევრადაა, არა უშავს რაო, — უთხრა რძლას მძებნელმა.

— ნახევრად მკვდარი როგორ იქნებაო, — შეეპასუხა.

იარეს, იარეს და ერთ ადგილას შემოალამდათ. შევიდნენ ერთი კაცის სახლში.

— ღამე გაგვათევინეთო, — სთხოვეს.

— მობრძანდითო, — უთხრა მასპინძელმა.

რძლის მძებნელი შიგნით არ შევიდა: მოხუცებული ვარ, ხან დავახველებ, ხან გადავაფურთხებ, არ მინდა შეგაწუხოთო.

მგზავრი მასპინძელს შინ შეჰყვა. დაიწყეს ლაპარაკი. ილაპარაკეს იქითური, აქეთური და, ბოლოს, სტუმარმა რძლის მძებნელზეც უამბო:

— ერთ ადგილას, გზაზე შემხვდაო, გამარჯვება მითხრა და მკითხა: შენი ძმა რა უყავიო. მე ვუთხარი: ჩემი ძმა სახლშია, მაგრამ შენც თან არ გახლავს შენი ძმა-მეთქი! მე თან მოწყავს ჩემი ძმაო, — მითხრა, — მაგრამ მას თან არავინ ახლდა. წამოვედით და აღმართს რომ შევუღდექით, კვლავ მითხრა: ან შენ ამიყვანე, ან მე აგიყვანო. მე ვუთხარი: აქ ვერც მე აგიყვან და ვერც შენ ამიყვან-მეთქი. მერე კარგი პურის ყანა ვნახეთ. ბედნიერია ამის პატრონი, რა კარგი პურის ყანა ჰქონია-მეთქი, ვუთხარი. კარგია, მაგრამ, ვაი მისი პატრონის ცოდვა, თუ კი შექმულია უკვეო, თქვა მან. ვნახე, მაგრამ ყანა შექმული არ იყო. წამოვედით ისევ და ერთ ადგილას კივილის ხმა შემოგვესმა ახავაი, მოკვდა ვიღაცა-მეთქი. იმან მითხრა: თუ მთლად მკვდარია, ცოდვია და თუ ნახევრადაა მკვდარი, არა უშავს რაო. ამ კაცისა ვერა გავიგე რაო.

სტუმარ-მასპინძელმა დიდხანს ისაუბრეს ასე, მაგრამ ვერავინ ახსნა იმ კაცის სიტყვები. მასპინძელს ერთი ქალიშვილი ჰყოლია, წამოდგა და თქვა: ამას მე ავხსნიო!

— პირველად რომ გითხრა, შენი ძმა რა უყავიო, ყავარჯენი გქონდა?

— არა, ყავარჯენი არა მქონდაო, — უთხრა ამ კაცმა.

— იმას ჰქონდა?

— კი, იმას ჰქონდაო.

— აი, ის იყო ძმაო, — უთხრა ქალიშვილმა.

— აღმართს რომ შეუდექით, ისეთი საუბარი უნდა დაგეწყო, რომ არც იმას და არც შენ არ უნდა გეგრძნოთ დაღლა. პურის ყანაზე რომ უთქვამს, განა არ შეიძლებოდა იმ ყანის პატრონს ორი იმდენი ნასესხები ჰქონოდა და ამიტომ შექმული ყოფილიყო! კვილის ხმა რომ გაიგონეთ, იმ მიცვალებულს თუ შვილი არ ჰყავდა, სულ მკვდარი იქნებოდა და, თუ შვილი დარჩა, ნახევრად მკვდარი იქნებოდა.

რძლის მძებნელმა ყოველივე მოისმინა, ადგა და სახლში შევიდა.

— შვილო, რძლად უნდა წაგიყვანო, — უთხრა ქალიშვილს, ამოიღო ოქროულობა და დანიშნა.

დაბრუნდა შინ, მოაწყო საქორწილო სუფრა და რძალი მოიყვანა. ერთი თვე რომ გავიდა (ეს მამა-შვილი კარგი ოსტატებია), თავიანთი იარაღით გაემგზავრნენ სამუშაოს საძებრად. მივიდნენ ერთ ქალაქში. ხელმწიფემ მოჰკრა ზევიდან თვალი.

— ვხედავ, ისინი ოსტატებია და აქ მომგვარეთო! — უთხრა ვეზირებს.

მოიყვანეს ოსტატები. ხელმწიფემ ჰკითხა:

— თქვენ ოსტატები ხართო?

— დიახო, — უთხრეს.

— აბა. ისეთი სახლი ამიშენეთ, თავისით ბრუნავდესო.

— კარგიო, — უთხრეს და ფასზედაც მორიგდნენ.

ოსტატები შეუდგნენ სახლის აშენებას. ისეთი სახლი ააგეს, რომ მთელ ქვეყანაზე მისი მსგავსი არ მოიძებნებოდა, თავისით ბრუნავს. სამუშაოს მორჩნენ, დღეს თუ ხვალ ფულიც უნდა მიიღონ.

— ხვალ დილით მიიღებთ ფულსაო. — უთხრა ხელმწიფემ.

იმ ღამეს ხელმწიფემ და მისმა ცოლმა იფიქრეს: ასეთ სახლს ესენი სხვა ვისმესაც აუშენებენ და ჩვენ რაღა ხელმწიფეები ვიქნებითო. გადაწყვიტეს ამათი მოკვლა.

მოხუცებული მიხვდა, რაც მოელოდათ. სოლი ჩაურჭო ბორბალს და სახლი გაჩერდა.

— რა არის, სახლი რომ გაჩერებულაო? — დაუძახა ხელმწიფემ ოსტატს.

— უხერხო ხერხი დამრჩა შინ და უმისოდ ვერ იმოძრავებსო, — უთხრა ოსტატმა.

— აბა, რაღა ვქნაო? — იკითხა ხელმწიფემ.

— რა და მე წავალ და მოვიტანო.

— თქვენ არა, მე გავუშვებ კაცს და მოვატანინებო.

— ბატონო, სხვა კაცს მას არ მისცემენ და გააწბილებენო.

— მაშინ ჩემს შვილს გაეგზავნი და იმას მოვატანიებო, — უთხრა ხელმწიფემ.

— კარგო, გააყოლე ერთი კაცი და შენი შვილი გაგზავნეო. ოსტატმა ხელმწიფის შვილს დააბარა: სახლში რომ მიხვალთ, უთხარით: ოსტატმა შემოგითვალა, უხერხო ხერხი გამომიგზავნეთქო.

მოვიდნენ ოსტატების სახლში. დახვდათ რძალი.

— ოსტატმა შემოგითვალა, უხერხო ხერხი გამომიგზავნეო, — უთხრა ხელმწიფის შვილმა.

რძალმა მეორე ოთახის კარი გააღო და უთხრა მოსულებს: მე იმას ვერ ავწევ, შედით და თქვენ აიღეთ, აქა ძევსო.

ხელმწიფის შვილი მომყოლიათურთ შევიდა სახლში. რძალმა კარი გაოუკეტა: ხელმწიფესა და მის მეუღლეს ჩემი ოსტატების დახოცვა სურთ, მაგრამ იმათ იქ რომ დახოცავენ, მე თქვენ აქ დაგხოცათო.

იფიქრა ხელმწიფის შვილმა, იფიქრა და ჰკითხა ამ ოსტატის რძალს: რა ვქნათ, როგორ მოვიქცეთო?

— შენ აქ დარჩი, მეორე რომ ვყავს, ის გაგზავნე, ამბავი მიუტანოსო, — უთხრა ქალმა.

გაუშვეს ეს კაცი. ქალმა დააბარა: თქვენ ფიქრობთ ჩემი ქმრისა და მამამთილის მოკვლას, მაგრამ როგორც მათ დახოცავთ, თქვენს შვილს მე აქ გავუსწორდებიო.

მივიდა ეს ბიჭი და ყველაფერი ხელმწიფეს მოახსენა.

— არ ყოფილა ამათი საშველიო, — თქვა ხელმწიფემ. დაუძახა ოსტატებს და უთხრა: დააბრუნეთ სახლი და თქვენი ფული წაიღეთო.

ისევე დააბრუნეს სახლი. მისცეს ფული და ოსტატები წამოვიდნენ შინ. შინ რომ დაბრუნდნენ, ხელმწიფის შვილი გაუშვეს თავის სასახლეში.

ასეთი რძალი რომ არ მოეძებნა იმ კაცს, თავისი გულის ნააზრვის მიმხვედრი. მას და შვილს ორივეს მოკლავდნენ.

ბედის მამებარი კაცი

ერთი ღარიბი კაცი წავიდა ბედის საქებრად: რაღაც არ უნდა დამიჯდეს, ჩემი ბედი უნდა ვიპოვოო. მივიდა ერთ ტრიალ მინდორზე, დაინახა დიდი ხე, სადაც დიდი ძველი იღვა და იტანჯებოდა.

— გამარჯობა, მგელო, შენო! — უთხრა.

— ღმერთმა გაგიძარჯოსო! — უპასუხა, — სად მიდიხარ, კაცო?

— ბედის საძებრად მივდივარო, — უპასუხა ღარიბმა კაცმა.

— იმ შენს ბედს ჩემი გაჭირვების მიზეზიც ჰკითხე: კბილი მტკივა და რა არის მისი წამალი, არ ვიციო.

წავიდა ეს კაცი. მივიდა ერთ ხელმწიფესთან. დაინახა, იქ იდგნენ პუშები, დიდძალი ხალხი.

— გამარჯვება თქვენო! — უთხრა მათ.

— ღმერთმა გაგიძარჯოსო! — უპასუხეს.

— სად მიდიხარ, ბიჭო, — ჰკითხეს.

— ჩემი ბედის საძებრად მივდივარო, — უპასუხა.

— იმ შენს ბედს ჩვენი გაჭირვების მიზეზიც ჰკითხეო, — უთხრეს.

— რა გაგჭირვებიათო?

— ჩვენი გაჭირვება შიმშილიაო.

— მერე და რა მიზეზითო?

— პურს დავთესავთ, მოსამკალი რომ გახდება, ცეცხლი წაეკიდება და დაიწვებაო.

ღარიბი კაცი გამოემშვიდობა მათ და წავიდა. ხელმწიფის სასახლეს ჩაუარა. ხელმწიფეს მიესალმა. ხელმწიფემ ჰკითხა: — სად მიდიხარო?

— ჩემი ბედის საძებრად მივდივარო.

— იმ შენს ბედს ჩემი გაჭირვებაც გააცანო.

— რა გაგჭირვებიათო?

— საომრად მივდივართ ისეთ ხელმწიფესთან, რომელსაც ცოტა ჯარი ჰყავს, მე კი ბევრი ჯარი მყავს, მაგრამ ის ყოველთვის მჯობნის, იქნებ გამიგოს, რა მიზეზიაო.

— ძალიან კარგო, — უთხრა.

გასწია და გაუდგა გზას. შეხვდა ერთი კაცი. გამარჯობა უთხრა, მაგრამ იმ კაცმა პასუხი არ გასცა. კიდევ გაუშეორა გამარჯობა ორსამჯერ, მაგრამ პასუხი მაინც არ გასცა. მივიდა და ხელი მოჰკიდა: — რა არის, გამარჯობა გითხარ და არ მიპასუხეო.

— რა გინდა, კაცო, რა გიჭირსო?

— ჩემი ბედი მინდა მოვძებნო.

— მე ვარ შენი ბედი და რასა მთხოვო? — უთხრა.

— გზაზე დიდი მგელი შემხვდა, კბილი სტკიოდა მთხოვა, გაშეგო, რა არის კბილის ტკივილის წამალი.

— ვირის ტვინი შექამოს და მაშინვე მორჩებაო, — უთხრა ამ კაცმა.

— გზაზე მუშა ხალხი შემხვდა, შემომჩივლეს: დავთესავთ პურს და მოსამკალი რომ გახდება, გაუჩნდება ცეცხლი და გადაიწვება; გავგიგე, რა არის ამის მიზეზიო.

— საიდანაც ცეცხლი უჩნდება, იქ მიწაში ოქრო და ვერცხლია დამარხული, ის ხურდება და ცეცხლიც იმისგან ჩნდება. ამოთხარონ მიწა, ამოიღონ ის ოქრო-ვერცხლი და მერე არ გაჩნდება ცეცხლიო.

— ახლა ხელმწიფის გაჭირვების მიზეზიც მითხარო, ასეთ დიდ-ჯარიან ხელმწიფეს როგორ სჯობნის მცირეჯარიანი ხელმწიფეო.

ბედმა უთხრა: დიდჯარიანი ხელმწიფე ქალია, პატარაჯარიანი კი—მამაკაცი, ავიტოპ სჯობნის დიდჯარიანსო. თუ ის თავის ტანისამოსს გაიხდის, მამაკაცს ჩააცმევს და აოჰებს, უსათუოდ გაიმარჯვებსო.

— შენთან ჩემმა გაჭირვებამ მომიყვანა. მითხარო, რა ბედი მაქვსო! — ჰკითხა ბოლოს ღარიბმა კაცმა.

— შენი ბედი გზაზე შეგხვდება, თუ მიხვდებიო.

გამობრუნდა ეს კაცი და წაჰოვიდა. მოვიდა ამ ხელმწიფესთან.

— რა ამბავი მომიტანეო, — ჰკითხა ხელმწიფემ.

— შენ ქალი ხარ, შენს ტანსაცმელს თუ გაიხდი და მამაკაცს ჩააცმევ, აჯობებ იმ ხელმწიფესო.

— მოდი, შენ ჩაიცვი ეს ტანსაცმელი, შენ იოჰე, შენ იყავი ხელმწიფე და მე შენი ცოლი გავხდებო.

— არა, მე ვერ დავიცდი, მიმეჩქარებო.

დაიჭირავეს ვილაც კაცი, ის აომეს. აჯობეს მტერს.

ეს კაცი წაჰოვიდა. მოვიდა მეორე სახელმწიფოში.

— რა ამბავი მოგვიტანეო? — ჰკითხეს.

— ყანას საიდანაც ცეცხლი უჩნდება, იმ მხარეს ოქრო და ვერცხლია დაფლული, აპოიღეთ და ყანა გადარჩებო.

— მოდი, შენც შემოგვიერთდითო. — სთხოვეს.

— არა, მე მივდივარ და ეს თქვენ გქონდეთო.

მივიდა აქ დიდ მგელთან.

— რა ამბავი მოიტანეო, — უთხრა მგელმა.

— შენი კბილის ტყვილის წამალი ვირის ტვინი ყოფილა. როგორც კი შექვამ, მაშინვე მორჩებიო.

— შენ რა გითხრაო?

— რად გინდა, მე რა მითხრაო?

— არა, მაინც მითხარო, რა დაგაბარაო.

— მე მიოხრა, თუ მიხვდები, შენს ბედს გზაში შეხვდებიო.

— არაფერს შეხვედრიხარო?

— ჯერ არაო.

— სულ არაო?

დაჯდა და უამბო, თუ რა შეხვდა გზაზე.

მგელმა აქეთ-იქით გაიხედა და თქვა: სად მოვა აქ ამაზე უფრო უკეთუ ვირი, ეს ყოფილა ჩემი კბილის წამალიო, წააქცია ეს კაცი და შექაშა.

წითელი კაცის ზღაპარი

ცხოვრობდა სამი ძმა, ძალიან ღარიბები. თვითონ კარგები იყვნენ, მაგრამ ქონება არ ჰქონდათ. თქვეს: რა ვქნათ, მოჯამაგირედ მაინც დავუდგეთ ვინმესო.

წავიდა უფროსი ძმა. უმცროსი ძმები შინ დარჩნენ. იქ, ახლოს, ერთი კაცი ცხოვრობდა, ვინც სადმე წავიდოდა, ყველა მასთან უნდა მოხვედრილიყო. ეს კაცი წითელი იყო და სახელად ქოსა ერქვა. უფროსი ძმაც ამასთან მოხვდა.

— სად მიდიხარ, ბიჭო? — ჰკითხა ქოსამ.

— ქირით მინდა ვიმუშაოო.

— მამა-შვილობას, კაცი მჭირდება და ჩემთან იმუშავე, წელიწადში ას მანეთს მოგცემ, მაგრამ თუ რამეზე გული მოგივიდა, უნდა მოგკლა, მე თუ მომივიდეს გული, შენ მომკალიო. მორიდდნენ.

ქოსამ ბიჭი წაიყვანა სახლში. მეორე დღეს გამოუწყო კავი და ხარები, წინამძღოლად ძალღი გაატანა და უთხრა: წადი, შვილო, და ყანა მოხანიო.

დაიწყო ხვნა, შენი ჭირიმე, მაგრამ ძალღი დარბის აქეთ-იქით. კაცი დაიღალა, საღამოს გასაჯათებული დაბრუნდა შინ.

— რა ჰქენი, ბიჭო? — ჰკითხა ქოსამ.

— ძალღმა აქეთ-იქით მარბენინა, გავთავდი კაციო.

— რაო, გული მოგივიდა? — ჰკითხა ქოსამ ნიშნისმოგებით.

ამდენი რაღა გავაგრძელოთ, მოკლა ეს ბიჭი.

ერთი წლის შემდეგ ძმებმა თქვეს: ძმა დაგვეკარგა. მოდი, მოვძებნოთო.

მოილაპარაკეს და საძებრად შუათანა ძმა წავიდა. ისიც ამ ქოსასთან მოხვდა. ქოსამ ჩაილაპარაკა: აჰა, კიდევ მოსაგები საქმე მომივიდაო! ქოსამ ამ ბიჭსაც მისცა ძალღი, კავი და ხარები. საღამოს დაბრუნდა ცოცხალ-მკვდარი კაცი.

— რა ჰქენი, ბიჭო, მოხანი ყანაო?

ბიჭი გამწარებული იხედებოდა.

— რა არის, გული მოგივიდაო?! — ჰკითხა ქოსამ ამასაც ნიშნის-
მოგებით

მოკლა ესეც. ორ წელიწადში ორი ძმა შეიწირა. დარჩა უმცროსი
ძმა.

ადრე ასე არ გაკვირვებია, მაგრამ ახლა მეორე ძმაც რომ დაი-
კარგა, თქვა: რა ამბავია, რა მოხდა. რალაც უბედურებააო, და წა-
ვიდა მათ საძებრად.

გზაში ქოსა შეხვდა. გამარჯობა, კარგად ყოფნა უთხრეს ერთმა-
ნეთს, აქითური-იქითური ილაპარაკეს და. ბოლოს, ქოსამ ჰკითხა:
რას ეძებ, შვილოო?

— სამუშაოს ვეძებ, უქონელი ღარიბი კაცი ვარ. რალაც უნდა
ვიშოვო, იმიტომ წამოვედიო.

— ძალიან კარგი, მოვრიგდეთ და ჩემთან იმუშავეო, — უთხრა
ქოსამ და მორიგდნენ.

ამასაც ისეთი პირობა დაუდო. როგორც უფროსსა და შუათანა
ძმებს. ბიჭმა გაიკვირვა: გული რაზე უნდა მომივიდესო?

მორიგდნენ ას მანეთად (ყველას აძლევს ას მანეთს, მაგრამ რად
ჯინდა, სამ ღლეს არ აცოცხლებს). ქოსამ მეორე ღლეს მისცა ძალ-
ლი, ხარები და გაუშვა სამუშაოდ. ძალლი ტყეში გაიქცა. აქეთ-
იქით ეცა.

ბიჭმა ესროლა და მოკლა. დაწყობ ხენა. შუადღისას სახლში
მოვიდა.

— რა ამბავია, ბიჭო, ძალლი რა უყავო? — ჰკითხა ქოსამ.

— შე კაცო, ის გაუწვრთნელი ყოფილა და მოკვალაო, —
უთხრა.

— რატომ მოხვედი ასე ადრეო?

— მომშივდა და მოვედიო.

— რა მოხდა მერე, ძალლმა რომ ირბინა, განა იმაზე გული მო-
გივიდაო?

— არა, გასაგულსებელი რა იყო, ძალლმა აქეთ-იქით ირბინა.
მერე რა ფუყოთო! მაგრამ შენ ხომ არ მოგსვლია გული. ქოსავ! —
უთხრა ბიჭმა.

— არა, მე რაზე მომივიდოდა გული?

ქოსას ეწყინა. მაგრამ რა ექნა: გუგულია მოსვლაჲდე იყვნენ
გარიგებულნი: სანამ გუგული „გუ-გუს“ არ დაიძახებდა. ქოსა ამ

ბიქს ვერ გაუშვებდა. ოჯახის წევრები გააფრთხილა: ეს არ არის კარგის მომტანი და ფრთხილად იყავითო.

დილას ქოსამ ბიქს უთხრა: ამ ხარებს ფეხი არ დაუსველდეს. ისე დააღვეინე წყალიო.

ბიქმა წაიყვანა ხარები, ფეხები დააქრა, ისინი იქვე დატოვა. ფეხები შინ წაშოიღო.

— ბიქო, ეგ რა გიქნია?

— ფეხები არ დაასველებინოო, მითხარი და მეც მოვქერი, სხვა რა უნდა მექნაო.

ქოსამ თქვა: ეს თუ თავიდან არ მოვიშორე, საქმე გამიფუტდებაო.

— შენი ვადა გავიდა, შვილო, და აი, ასი მანეთი, წადი, ახლავეო.

— არა, მამაშვილობას, შენი ცოდვა მე რად მინდა, გუგულის მოსვლამდე ჯერ დიდი დროა დარჩენილიო.

ქოსამ იფიქრა: ეს მე კარგს არ მიზამსო და დედას უთხრა: შენ ადი ხეზე და დილას დაიძახე „გუგუ“, იმას ვადა გასული ეგონება და გავუშვებო.

დილით ქოსას დედა ავიდა ხეზე და, როგორც დაარიგა შვილმა, „გუგუს“ ძახილი დაიწყო. ქოსა და ეს ბიჭი ერთად ისხდნენ.

— აჰა, ბიქო, შენი ვადა მოსულაო — და ასი მანეთი შეაძლია. აღვა ეს ბიჭი, ქოსას თოფს ხელი წამოავლო, ესროლა და ქოსას დედა ხიდან ჩამოაგდო.

— ბიქო, ეგ რა გიქნიაო?

— რა, ხომ არ გეწყინაო?

— არა, როგორ მეწყინა, — მაგრამ სიცოცხლე კი გაათავა ქოსამ.

მესამე დღეს წავიდნენ საფლავის სათხრელად. ქოსას ვაჟმა დაიგვიანა.

ქოსა გაბრაზდა და ბიქს უთხრა: წადი მალე და ეს ბარი თავზე გადაატეხე ჩემს შვილს, ამდენხანს რომ იგვიანებსო.

წავიდა ეს ბიჭი, ქოსას შვილს თავში დაჰკრა ბარი და იქვე გაათავა. მკვდარ დედაბერს რომ მოასვენებდნენ, ქოსას ვაჟიც მკვდარი დაინახეს.

ახლა კი ქოსამ ერთი სიცოცხლე გაათავა, მაგრამ რაღას იზამდა. დარჩა მარტოდ მარტო ცოლქმარი. ქოსამ ცოლს უთხრა: აქედან უნდა წავიდეთ, ერთი დღე და ღამე მჭადი აცხვე, ჩვენი საშველი არ არის, აქაურობა ამ ბიქს უნდა დავუტოვოთო.

ცოლმა, როგორც ქმარმა უთხრა, აცხო მკადები, გრძელ ყუთში ჩაალაგა და გასაქცევად მოემზადა. ღამით ეს ბიჭი ამ ყუთში ჩაძვრა. ქოსამ ჩუმად მოიკიდა ყუთი, ცოლი წაიყვანა და წავიდა. გზაზე დაიღალნენ.

— ქალო, ცოტა რამე შევჭკამოთ, — უთხრა ქოსამ ცოლს.

ცეცხლი დაანთეს. მივიდა ქოსას ცოლი ყუთთან, ახსნა და იქიდან ეს ბიჭი ამოვიდა, მიუჯდა ცეცხლს. ქოსამ გადაწყვიტა ღამით მოეკლა ბიჭი.

ღალამდა. დაწვინენ, დაეძინათ. ბიჭმა დაიძინა იქ, სადაც ქოსას ცოლი იწვა, ქალი კი თავის საწოლში გადმოიყვანა. ადგა ქოსა, აიღო ნაჯახი, თავში ჩასცა მძინარეს და ცოლს გადასძახა: ადგი, ქალო, წავიდეთ, ამ ბიჭთან ანგარიში გავასწორო.

უცებ წამოდგა ბიჭი. ქოსა კი გაშეშდა.

— რაო, გული ხომ არ მოგივიდა, ქოსავ!

— ახლა ჩემს ყოფნას, არ ვიყო ის სჯობიაო! — უთხრა ქოსამ.

მოკლა იმ ბიჭმა ქოსა. იმისი ქონება მას დარჩა და, როგორც უნდოდა, ისე მოიხმარა.

ღარღიანი

ერთი კაცი ქვეყნიერებისთვის ღარღობდა: რა დღესაც ავ სიტყვას გაიგონებდა, იმ დღეს პურს აღარ შექამდა.

ერთ დღეს ცუდი არა გაეგონა რა, იყიდა ხორავი, მიიტანა სახლში და უთხრა ცოლს: დედაკაცო, დღეს ქვეყნის მშვიდობიანობა მესმის, კარგი სადილი მომიმზადეო.

გაუკეთა სადილი და, როგორც რომ დაჯდა სუფრაზე, შემოვიდა ერთი პატარა ბიჭი და უთხრა:

— ოსტატო, ახალი ამბავი არ გაგიგიაო?

— რა არის, შვილო, ახალი ამბავიო?

— ქვევით უბანში ერთ ფურს უკუდო ხბო მოუგიაო.

დაღონდა ეს კაცი და უთხრა ცოლს: აალაგე სუფრა, თორემ პური გაჰწარდაო.

ცოლმა უთხრა: კაცო, შენ იმისთვის რასა ღარღობ, ცეტი ხომ არა ხარო!

— მაშ, იმას მკათათვეში რომ ბუზები დაეხვევიან, რით უნდა მოიგერიოსო? — თქვა და ადგა სუფრიდან.

მკვებარა

ერთი კაცი კოლს თავზე კვერცხს ადებდა. თოფს ესროდა და კვერცხს გადმოაკდებდა ხოლმე ძირს. დედაკაცს გული უსკდებოდა შიშისაგან და ქმარი კი იკვეხნოდა: ჩემისთანა ვაჟკაცი კიდევ იქნებაო? ქალმა იჩივლა თავის დედასთან, რომ ჩემი ქმარი ესე მიშვრება და ძალიან მეშინიაო. დედამ უთხრა: ერთიჯ რომ დაიკვეხოს, შენ უთხარი: მჯობნზე მჯობი არ დაილევია-თქო.

როდესაც ამ კაცმა თავზე კვერცხი დაუღო და თოფით გადმოაგდო, მოჰყვა კვეხნას. ცოლმა უთხრა: რას იკვეხი, მჯობნზე მჯობნი არ დაილევიაო!

ამ კაცმა თქვა: ვინ იქნება, რომ მე მაჯობოსო. წავიდა ასეთი კაცის საძებნელად.

ერთ სოფელში გაიარა. ნახა, რომ ერთმა ქალმა წყალი აავსო და მიჰქონდა.

— ერთი წყალი დამალევიანო, — უთხრა მკვებარამ.

— აი, წყარო, მიღი და დალიეო.

— შენ დამალევიანო.

— მე კოკას ვერ დავანაკლულუბო.

— დამალევიანე, თორემ კოკას გაგიტეხო!

ქალმა ამ ბიჭს ფეხში ხელი ჩაავლო, კოკა და ბიჭი ორივე აიკიდა და შინ აიტანა, ხელფეხი შეუკრა და ისე დააგდო. ამ ქალს მაჰამთილი მოუვიდა. ნახეს, კაცი შეკრული გდია. უთხრა: ვინ არის, შვილო, ეგაო?

— მაგას კოკა უნდა გაეტეხა ჩემთვის და იმისთვის შეეკარიო.

მერე ის ბიჭი შეეხეწა ბერიკაცს: სთხოვე, გამიშვასო. ბებრმა კაცმა უთხრა რძალს, გაათავისუფლეს ბიჭი და დაარიგეს: წადი და თავნაბლად მოიქეცი, თორემ უარესი დღე დაგაუგებო.

ეს ბიჭი წაჰვიდა, თავისი ვაჟკაცობა დაავიწყდა და ამბობდა: ჩემი ცოლი მართალს მეუბნებოდა, რომ მჯობნზე მჯობნი არ დაილევიაო.

პირმყრალა

ერთი ძალიან მავინებელი კაცი იყო და პირმყრალას ეძახდნენ. ყველას ეჯავრებოდა ეს კაცი. თქვა: რადგან ყველას ვეჯავრები. წავალ მონასტერში და ბერებს ვემსახურებო. მივიდა ბერებთან

და უთხრა: თქვენი არა მინდა რა. პური მაჯამეთ და თქვენ გემ-
სახურებითო.

ბერებმაც მიიღეს და იმსახურეს რამდენიმე თვე.

ამ ბერებს ჩვეულებად ჰქონდათ: ზაფხულობით წავიდოდნენ და
სოფელ-სოფელ პურს აგროვებდნენ. ამ კაცს აჰკიდებდნენ ტომ-
რებს, ორი ბერი წინ მიუძლოდა.

მივიღნენ ერთ სოფელში, გამოვიდა ერთი ქალი და ხელი
დაუქნია: დადექითო. ბერები დადგნენ. ამათ ეგონათ: სადილს
გვაჰმევენო. ერთი საათი ელოდნენ. მერე გამოვიდა ქალი და
უთხრა: ახლა წადითო.

უყურა ამ მაგინებელმა და უთხრა: ან ჩვენი დაყენება რა
იყო, ან წასვლა რა არისო?

იმ ქალმა უთხრა: ჩემმა დედამთილმა დამარაგა: მაღალქუ-
დიანი კაცი რომ ნახო, კრუხი დასვიო და ქოჩორა წაწილებს
გამოჩეკავსო. ახლა მე კრუხი დავსვი და იმიტომ დაგაყენეთო.

ამ კაცმა ჰკითხა: სად არის შენი დედამთალიო?

— საიქიოს არისო.

— საიქიოს ის ჩაძლდეს და სააქაოს — შენაო!..

ბერებმა გაიცინეს და ჰკითხეს:

— ყოველთვის ეგრე სიმართლით გიგინებიაო?

— ასე მიგინებიაო.

— მაშ, შენ ცხონებული ყოფილხარო. — ადგნენ და წავიდნენ.

გაუმთავარი ცოლი

ერთი საწყალი კაცი ჯაგებში დადიოდა და შეშას აგროვებდა.
წებდა ერთი გველი და უთხრა: რას დადიხარო?

კაცმა უთხრა: რა ვქნა, წვრალშვილის პატრონი ვარ, შეშა
უნდა მოვაგროვო და წავილოო.

გველმა უთხრა: მე ერთ რაშეს გასწავლი და იქ წადი: ხელმწი-
ფეს ერთი სიზმარი უნახავს, წადი. აუხსენი და რაც გაჩუქოს.
მოიტანე და შუაზე გამიყავიო.

— მასწავლეო, — უთხრა გლეხმა. გველმა უთხრა, წადი, ხელ-
მწიფე დალოცე და უთხარა: წუხელ სიზმარი გინახავს და უნდა
აგისხნა-თქო. გეტყვის: მართალიაო, და უთხარა: შენ წუხანდელ

სიზმარში ხმალი გეკიდა, სხვა ხელმწიფე მოდის შენზე საომრად და თადარიგი დაიჭირე-თქო.

მივიდა ეს კაცი ხელმწიფესთან და სიზმარი აუხსნა. ხელმწიფემ მადლობა გადაუხადა, ერთი გულა აუესო ფულით. წამოვიდა სიხარულით თავის სახლში, მოიტანა და ცოლს უთხრა: ხელმწიფის სიზმარი ავხსენი და ერთი გულა ფული მაჩუქა, მაგრამ ვინც მასწავლა, ნახევარი იმას უნდა მივცეო.

— ვინ გასწავლაო? — ჰკითხა ცოლმა.

— მცურავმა მასწავლაო.

— შენ ხომ არ გაგიყებულხარო, — უთხრა ცოლმა, — მცურავს ფული რად უნდაო?!

ამ კაცმა ცოლის სიტყვა დაიჭერა და აღარ წაუღო.

ერთი კვირის შემდეგ ხელმწიფემ კიდეც ნახა სიზმარი და დაიბარა ეს კაცი. დალონდა იგი და უთხრა ცოლს: აბა, ეს რა მიყავიო? ადგა და წავიდა გველთან. იველი თავის სოროს პირზე იწვა. მივიდა ეს კაცი და შეეხვეწა: შენი ჰკირიმე, დედაკაცმა შემაცდინა და ხელმწიფე მიბარებს, მასწავლე, რა ვუთხრაო?

მცურავმა უთხრა: ხელმწიფემ რომ გკითხოს, შენ უთხარი: სამი მკლე ხარი გინახავს და სამი წელიწადი შიმშილობა ჩამოვარდება, მოსავალი არ მოვა და, თუ შეგიძლია, თადარიგი დაიჭირე-თქო.

მივიდა ხელმწიფესთან და აუხსნა სიზმარი. კიდეც აუესო ფულით გულა და წამოვიდა. გამოიარა შინ და უთხრა ცოლს: ახლა კი უნდა წაველო მცურავსაო.

ცოლმა უთხრა: კაცო, ხომ არ გაგიყებულხარ, მცურავს ფული რად უნდაო? აილე კეტი, მოკალი და სულ ჩვენ დაგვრჩებაო.

ეს კაცი მართლა გაბრიყვდა, აიღო ჯოხი და წავიდა მოსაკლავად. გველს რომ მიუახლოვდა, ჯოხი უკან დაიჭირა. გველმა იგრძნო, ეს კაცი ჩემს მოსაკლავად მოდისო და მაშინვე სოროში შევარდა. კაცმა ჯოხი ესროლა, კულში დასქრა, გამობრუნდა და წამოვიდა.

გავიდა რამდენიმე დღე, დაიბარა ხელმწიფემ და უთხრა: სიზმარი ენახე და უნდა ამიხსნაო.

ამ კაცმა უთხრა, ხვალამდის დამაცადეო. წამოვიდა სახლში, ცოლი გამოლანძღა: შე ასეთ-ისეთო, ეს რა მიყავი, ხვალ ხელმწიფე ჩამომახრჩობს, თუ სიზმარი ვერ ავუხსენიო. მცურავი ახლარალას მასწავლისო.

ადგა, წავიდა მცურავთან და შეეხვეწა: მოვტყუედი ცოლის

სიტყვითა და შაპატიე ჩემი დანაშაულიო. ახლა ხელმწიფე მიბარებს და თუ სიზმარი ვერ აუხსენი, ჩამოშახრჩობსო. აქვე თავს მოვიკლავ და იქ კი არ წავალო.

შეიცოდა გველმა და ასწავლა. წავიდა ეს კაცი და აუხსნა სიზმარი. მერე შეიყვანეს იგი ხაზინაში, აუხსეს ერთი გულდა ფულით და გაისტუმრეს. ეს კაცი შინ არ წავიდა, პირდაპირ მცურავს მიუტანა ის ფული და უთხრა: აი, ჩემო მეგობარო, რაც მომცა, სულ შენთან მოვიტანეო!

გველმა უთხრა: მე რად მინდა ფული? წაილე, ეგეც შენი იყოს, მაგრამ შენს კაცობასა და იხტიბარს ვცდილიო.

მეფე და ვეზირები

იყო ერთი მეფე. ჰყავდა სამი ვეზირი. ერთ დღეს მოიხმო მეფემ ვეზირები და უთხრა: გამიგეთ, აღმოსავლეთიდან დასავლეთამდე რამდენი ხნის სავალაა, ღმერთს საითა აქვს პირი და მე რამდენად ვღირვარო.

ვეზირებმა ვერ ახსნეს. მაშინ მეფემ უბრძანა:

— მე საში დღის ვადას გაძლევთ და ამ სამ დღეში ან თქვენ ამიხსენით და ან იპოვეთ კაცი ამის ამხსნელი, თორემ სამივეს თავებს დაგჭრითო.

წავიდნენ. თვითონაც ბევრი იფიქრეს, სხვასაც ბევრს ჰკითხეს, მაგრამ ეს სამი კითხვა ვერ ახსნეს. მივიდნენ ერთ წისქვილთან და მეწისქვილეს ცეცხლის დანთება უბრძანეს. მეწისქვილეშაც ცეცხლი დაანთო და შეამჩნია ვეზირებს მოწყენილობა. ჰკითხა: რად ბრძანდებით ეგრე მოწყენილები, ჩემო ბატონებოო. ჯერ არც ერთმა არა უთხრა-რა, იფიქრეს: ამას რა გაეგებოო. მერე ერთმა მათგანმა თქვა: იქნება ღმერთმა აგონოს და აგვიხსნასო. უთხრეს: ასე და ასეა ჩვენი საქმეო.

მეწისქვილემ მოახსენა: ეგ რა საფიქრებელი და დასაღონებელია, მე შევიძლია მაგ კითხვების ახსნაო.

გაუხარდათ ვეზირებს, წავიდნენ და მეფეს მოახსენეს: ბატონო მეფე, ჩვენ თქვენი კითხვების ახსნა ვერ შევძელით და კაცი კი ვიპოვეთ მაგის ამხსნელიო.

მაშინ მეფემ მოიხმო მეწისქვილე და უბრძანა: აბა. მითხარი. აღმოსავლეთიდან დასავლეთამდე რამდენი ხნის სავალიაო?

მეწისქვილემ მიუგო: აღმოსავლეთიდან დასავლეთამდის არც თქვენ ბრძანებულხართ ფენით და არც მე. მზე-მთვარით ოცდაოთხი საათის სავალი არისო.

მერე მეფემ უბრძანა: აბა, ახლა ამიხსენ, ღმერთს პირი საითა აქვსო?

მეწისქვილემ აანთო სანთელი და მოახსენა: აბა, ამ სანთელს საითა აქვს პირიო?

მეფემ თქვა: ამას პირი ყოველ მხრივა აქვსო.

მაშინ მეწისქვილემაც მიუგო: ღმერთსაც ყოველ მხრივა აქვს პირიო.

მეფემ ახლა მესამე კითხვა მისცა: მე რამდენად ვღირვარო?

მეწისქვილემ მოახსენა: მეფევ ბატონო, თუ არ გამიწყრებით. მოვახსენებთ: ქრისტე ოცდაათ ვერცხლად გაყიდეს და მეტად აღარც თქვენ ეღირებითო.

მეფეს ძალიან მოეწონა მეწისქვილეს პასუხი და დაასაჩუქრა.

ქვრივი ქალი და ერთი ქოთანი ნადული

იყო ერთი საწყალი ქვრივი დედაკაცი. ჰყავდა სამი ობოლი-ცხოვრება უჭირდა: რა უნდა ექმია და ესმია ობლებისათვის, ლობიოსა და მჭადის მეტი არაფერი მოეპოვებოდა, იმისი შოვნაც უძნელდებოდა.

ერთ დღეს ქვრივმა ქალმა მოკრიფა ქორფა კიტრები, ჩაყარა გოდორში, მოიკიდა ზურგზე და წავიდა ბაზარში: კიტრებს გავყიდი და ბავშვებს რამეს ვუყიდო.

დაინახა, გზაზე ეგდო ერთი ნადულით სავსე ქოთანი. ქალს ნადულას პოვნა ძალიან გაუხარდა: ჩემს ობლებს ღმერთმა საჩუქარი გამოუგზავნაო. აიღო ქოთანი და წავიდა გახარებული. შორი გზა ჰქონდა გასავლელი და მიიჩქაროდა.

ქვრივი ქალი ჩაფიქრდა. თვალწინ წარმოუდგა მისი გაჭირვებული ცხოვრება, უდროოდ დაკარგული ქმარი, საწყალი ობლები, უკაცო ოჯახი. ფიქრობს: რა კარგი დღე გამითენდა, კიტრებს გვარიან ფასად გავყიდი, ნადულშიაც ორ მანეთს ავაღებ, ამ ფულით ერთ დეკეულს ვიყიდი, გავზრდი და მარჩენალი ძროხა მეყოლებო; ჩემ ობლებს მაშინ არც რძე მოაკლდებათ, არც ყველი და არც ნადულიო.

ქვრივს ეგონა, ეს ყოველივე ცხადად აუხდა და ძროხის წველას შეუდგა. ამ ფიქრებში წასული ქალი გზას აცდენოდა და პირდაპირ მდინარეს მიდგომოდა. უცებ ფეხი დაუცდა და შიგ მორევში გადავარდა. კიტრები და ნაღული წყალში წაართვა, თვითონაც ქლავს გადაარჩინეს მგზავრებმა.

ქვრივი ქალი წყლიდან ამოიყვანეს სულ დასველებული. ჯერ კიდევ აზრზე ვერ მოსულიყო. შემდეგ ცოტა რომ მოსულიერდა, ისევ შინ დაბრუნდა.

მირბოდა საწყალი სახლსკენ და მიტიროდა: ვაი, ჩემო უბედურო ობლებო, მოგიკვდეთ დედათქვენი, როგორ ხელიდან გამოგაცალეთ მარჩენალი ძროხაო!

ასეთია ღარიბი კაცის იღბალი. რა იქნებოდა, საწყალი ქვრივი ქალი წყალში არ გადავარდნილიყო! მაგრამ ხომ გაგიგონია, შენ ხარ ჩემი ბატონი, საწყალ კაცს ქვა აღმართში მიეწევიაო!..

უმცროსი ძმა

იყო და არა იყო რა, ცხოვრობდა სამი ძმა. უმცროსი ძმა არ უყვარდათ უფროსებს და ისიც იძულებული გახდა სახლიდან წასულიყო. უნდოდა ვინმეს შვილად აეყვანა.

ბევრი ეძებდა მამობილ-დედობილი, ბევრი სოფელი მოიარა, მაგრამ უშედეგოდ. ბოლოს, ეს ბიჭი შორეულ სოფელში შეხვდა მოსუტ უშვლო ცოლქმარს. მათ ბიჭის თავგადასავალი გაიგეს და იშვილეს. სამი გოჭი ჰყავდათ და შვილობილსაც მათი მოვლა დაავალეს.

შეორე დღეს ამ ბიჭმა გამორეკა გოჭები და ტყისკენ წავიდა. გაიარა შუა სოფელში. დაინახა თავადის ქალიშვილმა და აივნინდან გადმოსძახა:

— ყმაწვილო, ყიდი მაგ გოჭებსო?

— ვყადიო, — უპასუხა ბიჭმა.

— რას აფასებო?

— ჩამობრძანდით ძირს, ახლოს გასინჯეთ გოჭები და მოვრიცდეთო.

ქალი სასწრაფოდ ჩამოვიდა. ბიჭმა ფული არ აიღო.

— კაბა აიწიე მუხლებამღის და ერთი გოჭი შენი იყოსო, — უთხრა თავადის ქალს.

ქალმა კაბა აიწია მუხლებამდის და ბიჭმაც მისცა ერთი გოჭი. საღამოს მოიყვანა შინ ორა გოჭი. მამობილი შეეკითხა: შვილო, მესამე გოჭი რაღა უყავიო?

— მგელმა მომტაცაო. — უპასუხა ვაჟმა.

მამობილმა არაფერი უთხრა. მეორე დღეს ბიჭმა ტანსაცმელი გამოიცვალა და ისევ ისე წაიყვანა ტყეში ორი გოჭი. იმავე აივნინდან კიდევ გადმოსძახა თავადის ქალიშვილმა:

— ყმაწვილო, ყიდი მაგ გოჭებსო?

— ვყიდიო, — უპასუხა ბიჭმა.

— რას აფასებო?

— ჩამობრძანდით დაბლა და მოვრიგდეთო.

ქალი მაშინვე ჩავიდა. ბიჭი ფულზე არ მოურიგდა.

— კაბა აიწიე წელამდის და ერთი გოჭი შენი იყოსო.

ქალმა აიწია კაბა წელამდის და ბიჭმაც მისცა ერთი გოჭი. საღამოს მოიყვანა სახლში ერთი გოჭი.

— შვილო, მეორე გოჭი რაღა უყავიო? — შეეკითხა მამობილი.

— მგელმა მომტაცა, ბევრი ვდიე, მაგრამ ვერ დავატოვებინეო, — უპასუხა ბიჭმა. მამობილს არც ახლა უთქვამს რამე.

მესამე დღეს ბიჭმა ისევ გამოიცვალა ტანსაცმელი, წაიყვანა ერთი გოჭი და ტყისკენ წავიდა. იმავე აივნინდან კიდევ გადმოსძახა თავადის ქალიშვილმა:

— ყმაწვილო, ყიდი მაგ გოჭებსო?

— ვყიდიო, — უპასუხა ბიჭმა.

— რამდენს აფასებო?

— ჩამობრძანდით დაბლა და მოვილაპარაკოთო.

ქალი მაშინვე ჩამოვიდა. ბიჭი ფულზე არ მოურიგდა.

— კაბა გაიხადე, ტიტველი მეჩვენე და ეს გოჭი შენი იყოსო.

ქალმა გაიხადა კაბა და ბიჭს ტიტველი ეჩვენა. ბიჭმა ტიტველ ქალს ზურგზე შენიშნა სამი თეთრი ბეწვი. მისცა ქალს ეს ერთადერთი გოჭიც და თვითონ შინ დაბრუნდა ცარიელ-ტარიელი. მამობილი შეეკითხა: შვილო, გოჭი რა უყავიო?

— ისიც მგელმა შემიჭამაო. — უპასუხა ბიჭმა. მამობილს არც ახლა უთქვამს რამე.

ერთი კვირის შემდეგ თავადმა (იმ ქალის მამამ) გამოაცხადა: ვინც ჩემ ქალს ნიშანს გაუგებს, ჩემი ქონებაცა და ქალიშვილიც იმას დარჩებაო.

მოდან ყოველდღიურად მნახველები, უტყერიან ამ ქალს, ზოგი რას ამბობს, ზოგი რას, მაგრამ ნამდვილს ვერავენ გებუ-

ლობს. ერთ დღეს ამ ბიჭმა დაინახა, რომ კარგი ნასწავლი ყმაწვილი მოდის ეტლით, თან დიდძალი ოქრო-ვერცხლი მოაქვს. დაუხვდა წინ და ჰკითხა: სად მიბრძანდებით, ვის ეძებთო?

— თავადის მზეთუნახავთან მივდივარ, მაგრამ მისი ნიშანი კი არ ვიციო.

— მე გასწავლი მის ნიშანს, ოღონდ რაც ოქრო-ვერცხლი გაქვს, მომეციო.

ამ ყმაწვილმა მისცა თავისი ოქრო-ვერცხლი ეტლითურთ და ბიჭმაც ასწავლა, თან დაუმატა: თავადმა რომ პირველად იკითხოს ნიშანი, ხმა არ ამოიღო; მეორედ რომ იკითხოს, მაშინ უთხარიო.

ბიჭი დაბრუნდა მამობილ-დედობილთან მოგებულნი სიმდიდრით. ოქრო-ვერცხლი მამობილს ჩააბარა და გასწია თავადის ქალღმერთთან. იქ თავი მოეყარა სასიძოვებს, ყველას უნდოდა ამ მზეთუნახავის ხელში ჩაგდება. გამოვიდა თავადი და დაიძახა: აბა, ვინ მეტყვის ჩემი ქალის ნიშნებსო.

ბიჭი წინ წაუდგა და დაიწყო ნიშნის თქმა. ამას ყური რომ მოჰკრა ნასწავლმა ყმაწვილმა, მანაც უთხრა თავადს ქალის ნიშნები, მაგრამ თქმა ამ ბიჭმა დაასწრო. შეიქნა დავა, თუ ვის უნდა დარჩენოდა ქალი. საქმე მორიგებით ვერ გადაწყდა. მაშინ თავადმა ასეთი პირობა დაუდო: ვინც თქვენს შორის ჩემს სამოცდაათ კურდღელს უკლებლივ შეინახავს მთაში, ჩემ ქალს იმას გავატანო.

ნასწავლმა ყმაწვილმა ვერ გაბედა კურდღლების წაყვანა. წაიყვანა უმცროსმა ძმამ.

მეორე დღეს თავადმა სხვა ტანსაცმელი ჩაიცვა და წავიდა უმცროს ძმასთან, იქნებ ერთი კურდღელი წავართვაო. ბიჭმა მაშინვე იცნო თავადი და ტყბილი საუბარი გაუბა.

— ერთი კურდღელი მაჩუქეო, — სთხოვა თავადმა.

— წაიყვანე, ოღონდ შენი შარვალი დამიტოვეო.

თავადმა დაუტოვა შარვალი და წაიყვანა კურდღელი. გახარებულთა, იმას კი არ დაჯდობს, უშარვლოდ რომ მიდის. უცებ ხელიდან გაუსხლტა კურდღელი და ტყეში გაიქცა. დაბრუნდა თავადი შინ გაწბილებული.

მეორე დღეს თავადის ცოლი წავიდა კურდღლის მოსაყვანად. უმცროსმა ძმამ იმეც კარგად იცნო, მაგრამ თავი ისე მოაჩვენა, რომ თითქოს თავის სიციოცხლეში არ ენახოს.

— ყმაწვილო, მშვიერი მგზავრი ვარ, ერთი კურდღელი მომეციო, — უთხრა ბიჭს.

— ორი წაიყვანე, ოღონდ სახსოვრად თქვენი კაბა დამიტოვეთო.

ქალმა დაუტოვა კაბა და წაიყვანა ორი კურდღელი. მორბის გახარებული. იმას კი არ დარდობს, კაბა რომ არ აცვია. უცებ წაიფორხილა და მიწაზე გაიშლართა. კურდღლებმა ტყისაკენ მოკურცხლეს. დაბრუნდა შინ გაწბილებული. თავისი განსაცდელი კი არავის გაუმხილა.

მესამე დღეს თვითონ თავადის ქალიშვილი წავიდა კურდღლის წამოსაყვანად. შეიფუთნა ძველ ტანსაცმელში, ხელში ჭოხი დაიჭირა და ისე მიაღდა ამ ბიჭს. უმცროსმა ძმამ ჰაზონე იცნო თავადის ქალიშვილი, მაგრამ თავი ისე მოაჩვენა, თითქოს ვერ მიხვდა.

— ყმაწვილო, ერთი კურდღელი მაჩუქე, მადლიაო.

— სამი წაიყვანე, ოღონდ შენი პერანგი დამიტოვე და ნება დაჰრთე, ლოყაზე გაკოცოო.

თავადის ქალიშვილმა აქეთიქით მიიხედ-მოიხედა, ვერავინ დაინახა, უცებ გაიხადა თავისი აბრეშუმის პერანგი და ბიჭს მისცა. ბიჭმა სავჭერ აკოცა ლოყაზე, გამოიყვანა სამი კურდღელი და გამოატანა.

ქალიშვილი გახარებული გაჰიქცა შინ. მორბის და ფიქრობს სამი კურდღელი დააკლდება და მამაჩემი ამას აღარ მიმცემსო. სახლს რომ მიუახლოვდა, კურდღლები ვეღარ შეიმაგრა. ერთი ხელიდან გაუსხლტა. ქალი მას დაედევნა. რომ უნდა დაწეოდა, მეორეც გაუსხლტა ხელიდან, თავი ვეღარ შეიმაგრა და მიწაზე გაიშოტა. ამ დროს მესამე კურდღელმაც თავს უშველა.

დარჩა თავადის ქალიშვილი გაწბილებული. მოვიდა შინ გამწარებულ-დაძმარებული. მშობლებს, აბა, ხომ არაფერს ეტყოდა!

მეოთხე დღეს თავადმა შეუთვალა ბიჭს: კურდღლები ჩამოიყვანეო. ბიჭმა ჩააბარა მას სამოცდაათი კურდღელი უკლებლივ. ახლა კი თითქოს გადაწყდა საქმე უმცროსი ძმის სასარგებლოდ, ნასწავლ ყმაწვილს რაღა უნდა ეთქვა, შინ წასვლას აპირებდა. მაგრამ თავადს მაინც არ უნდოდა თავისი ქალი ამ ბიჭისათვის. ეშმაკობას ხმარობდა, რომ ის თავიდან მოეშორებინა.

ახლა ასეთი ბრძანება გასცა: ვინც სამ ტომარას ტყუილით გაავსებს, ჩემ ქალს ის წაიყვანსო.

ვერავინ გაბედა ასეთი ტყუილის თქმა. ისევ ისე ეს ბიჭი წადგა წინ და დაიძახა: მე გავავსებ ტომრებსაო!

მიუტანეს ტომრები. ბიჭმა აიღო პირველი ტომარა და დაიწყო მოყოლა იმისა, თუ როგორ მისცა თავადმა ერთ კურდღელში თავისი შარვალი, მაგრამ დამთავრება აღარ აცალა და თავადმა დაიძახა: კმარა, ეს ტომარა სავსეაო!

მეორე ტომარა რომ მოუტანეს, ბიჭმა დაიწყო მოყოლა, თუ როგორ მისცა თავადის ცოლმა ორ კურდღელში თავისი კაბა... მაგრამ ქალმა დამთავრება აღარ აცალა და დაიყვირა: კმარა, ეს ტომარაც სავსეაო!

მესამე ტომარა მოუტანეს. ბიჭმა დაიწყო მოყოლა, თუ თავადის ქალიშვილმა როგორ მისცა სამ კურდღელში თავისი პერანგი... მაგრამ ქალიშვილმა დამთავრება აღარ აცალა და წამოიძახა: კმარა, ეს ტომარაც სავსეაო!

უმცროსმა ძმამ აჯობა ყველას და გაამტყუნა თავადი. შეირთო ცოლად მისი ქალიშვილი; ამდენი ქონება ძმებსაც გაუნაწილა და იცხოვრა ბედნიერად.

ქირი იქა, ლხინი აქა,
ნაცარი იქა, ფქვილი აქა...

ურჩი შვილები

ერთ ხელმწიფეს ორი ვაჟი ჰყავდა. მამას არაფერს უჩერებდნენ, საითაც გაიწეოდნენ, იქით მიდიოდნენ. ხელმწიფე დაღონდა. არ იცოდა, როგორ გაეზარდა ურჩი შვილები. დამწუხრებულმა თავისი სასახლე შავად შეღება. შვილებმა ჰკითხეს:

— ყველას სასახლე წითლად და თეთრად არის შეღებილი. ჩვენი სასახლე რატომ გავიშავებიაო?

— მე, შვილებო, ჯავრი მაქვს და იმიტომაო.

— ჯავრი რა არის. ნეტავ რას გვეუბნებიაო! — უთხრეს შვილებმა.

— როცა ნახავთ, შვილებო, მაშინ გაიგებთო! — უპასუხა მამამ.

ჯავრის გასაგებად ბიჭები სხვა სახელმწიფოში წავიდნენ. სამი დღე და სამი ღამე იარეს და ერთი ხელმწიფეს სასახლე დაინახეს. სულ წითლად ლაპლაპებდა ეს სასახლე. მივიდნენ ხელმწიფესთან და ჰკითხეს: ჩვენ ამა და ამ ხელმწიფის შვილები ვართ, მამაჩვენს სასახლე შავად აქვს შეღებილი, თქვენ კი წითლად მოგირთავთ. გვითხარით, რა მიზეზიაო.

— მე ჩემი სახელმწიფო და ცოლ-შვილი ერთგული მყავს. ხალხსაც და ცოლ-შვილსაც ჩემი ესმის. ამიტომ ჯავრი არ ვიცი და სასახლეს აფერადებული მაქვსო.

შვილები სახლში დაბრუნდნენ და, რაც ამ ხელმწიფემ უთხრა, მაშას უაზბეს.

— მე, შვილებო, ხალხიც კარგი მყავს, სახელმწიფოც კარგი მაქვს, მხოლოდ თქვენ გამომადექით ცუდები, ჩემი არა გჯერათ, სადღაც დაიღუპებით, ამას ვდარღობ და სასახლეს ამიტომ შევლებე შავადო.

შვილებმა გადაიხარხარეს. აიღეს მშვილდისარები და სანადიროდ წავიდნენ. მაშამ ბევრი უშალა, მაგრამ არ გაუგონეს.

ცხრა შთა და ცხრა მინდორი გადაიარეს. მივიდნენ ერთ დიდ ფარეხთან. ეს ფარეხი ცხვრით არის სავსე. ძმები შიგ შევიდნენ. დაინახეს, ცეცხლი ანთია, ზედ ცარიელი შამფური დევს და ტრიალებს. ძმებმა მეცხვარეს უთხრეს: ეს რა არის, თავისით როგორ ტრიალებს ცარიელი შამფურიო?

მეცხვარემ ერთ ბიჭს დაავლო ხელი, ააგო შამფურზე და დაუწყო შეწვა. ეს მეცხვარე ცალთვალა იყო. ფარეხს ერთი კარი ჰქონდა და ისიც ჩაექტა. უმცროსმა ძმამ დაინახა, რომ ისიც იღუპებოდა და მეცხვარეს უთხრა: ნუ მომკლავ და თვალს აგინებლო.

— ოღონდ ეს თვალი მომიჩინე და არაფერს დაგიშავებო.

— აბა, დაწექი და თვალში წამალს ჩაგიშვებო, — უთხრა ბიჭმა.

მეცხვარე დაწვა და სადი თვალიც მოხუჭა. ბიჭი სწვდა ამ შამფურს, ჩაჰკრა მეცხვარეს და მეორე თვალიც გადმოაგდებინა. დაბრმავდა მეცხვარე. სიმწარისაგან წამოვარდა და ბიჭს დაემუქრა. მე კი დამბრმავე, მაგრამ არც შენ გაგიშვებ ცოცხალს, სად გაიქცევი, კარები დაკეტილია და ახლავე დაგიჭერო!

გამოუდგა ამ ბიჭს, დასდევს, მაგრამ ვერ იჭერს. ბიჭი ხან აქეთ გაერევა ცხვარში, ხან იქით. შეწუხდა მეცხვარე. გაალო ფარეხის კარები, ჩაჯდა კარებში და თქვა: რამდენი ბეწვი აქვს ჩემს ცხვარს დათვლილი მაქვს, სადღა წამიხვალ, ცხვარს რომ გარეთ გავრეკავ. ხელში ჩაგიგდებო.

ცხვარი გარეთ გადის, მეცხვარე ყველას სინჯავს და თვლის ბიჭი ჯავრში ჩავარდა. თავ-ბედს იწყევლის. ხერხი იხმარა: დაკლა ერთი დიდი ერკემალი, სანამ ცხვარი გავიდოდა, გაატყავა, წამოიხნა იმის ტყავი, რქები და თავი ხელში დაიჭირა და კარებს მიადგა. მეცხვარემ ხელი გადაუსვა ზურგზე და უთხრა: — გადი, გადი. ჩემო ერკემალო, ახლა გაშუალდა ჩემი ცხვარიო.

ბიჭმა გადააბიჯა კარებს თუ არა, აიღო ეს რქები და შიგ თავში ჩაარტყა მეცხვარეს. ლაზათიანად შეუკურთხა. მეცხვარემ დაუ-

ბახა: ხომ გამეჭეცი, ერთი ბიჭობა მაინც გააკეთე: ამ ნაჯახს მოგცემ, საჩუქრად მიუტანე მამაშენსო.

მეცხვარემ აიღო. ნაჯახი და გასტყორცნა. ნაჯახი წავიდა და, სადაც ბიჭი იდგა, იმ ხეზე მიესო თავისთავად. ჭიუტი ბიჭი დასწვდა ნაჯახს, მაგრამ მარჯვენა ხელით ზედ შეეხორცა. ველარ შორდება. ნაჯახიც იძახის: „დავიჭირე, დავიჭირეო!“ ბრმა მეცხვარე გამოქანდა ბიჭის დასაქერად, მიჰყვება ნაჯახის ხმას. ბიჭმა იფიქრა: ნამდვილად შემჭამს ეს წყეულიო. ამოიღო დანა, მოიჭრა მარჯვენა, მიატოვა ნაჯახზე და გაიქცა. მეცხვარემ დაუძახა: მართალია, დამაბრმავე, მაგრამ ვერც შენ წახვედი დაუმახინჯებელიო. დაბრუნდა ბიჭი ცალხელა. მამამ ეს რომ დაინახა, თავში წაიშინა:

— აი, შეილო, ეგ იყო ჩემი ჯავრი, ჩემი არ დაიჭერეთ, შენი ძმა სულ დაიღუპა, შენ კი დასახინჩრდიო. ეს მადარღებდა და მაჯავრებდა, აპიტომ შევლებე სასახლე შავადო!

ყველას ასე მოუვა, ვინც მამას არ დაუჭერებს!

ჭირი აქა, ლხინი აქა.

ღარიბი და სოვდაგრიბი

იყო და არა იყო რა, იყო სამი ძმა. აუტყდა უმცროსი უფროს ძმებს, უნდა გაგეყაროთო. აღარ მოეშვა, გაეყარა და ძალიან გაღარიბდა.

ცოლმა უთხრა: ჩემს სამშობლოში წადი და რამეს მოგცემენო. წავიდა ეს კაცი მოყვრებში და მისცეს სამი ოქრო და ერთი ვირი. მიიყვანა ვირი სახლში.

ცოლმა უთხრა: წაიყვანე ეგ ვირი, ამა და ამ ქალაქში რომ სამი სოვდაგარია, იმათ კარზე გაატარე და თითო სოვდაგრის კარზე თითო ოქრო დააგდო.

წაიყვანა კაცმა ვირი, მიაღვა ერთი სოვდაგრის კარს და ერთი ოქრო დააგდო. ასევე მეორისა და მესამის კარზე. გამოუღდა პირველი სოვდაგარი: კაცო, კაცო, ეს ოქრო დაგივარდა, რად მინდა შენი საცოდაობა, წაიღეო.

კაცმა უთხრა: რად მინდა ეგ ოქრო. ჩემი ვირი სულ ოქროებს მიყრისო.

შეიყარა სამივე სოვდაგარი: კაცო, ვიყიდოთ ეგ ვირი, ოქრო-
თი აგვავესებო.

გამოუდგნენ ამ კაცს: კაცო, მობრუნდი, მობრუნდიო!
ძლივს მობრუნეს.

— რა გინდათო? — ჰკითხა მან.

უთხრეს: მოგვყიდე ეგ ვირიო.

— ჰე, თქვენ სად შეგიძლიათ მაგისი ფასიო, — იმან უთხრა.

— გვითხარი ფასი, იქნებ შევძლოთო.

მაშინ კაცმა უთხრა: თუ ამ ვირს ოქროში ჩაფლავთ, ისე რომ
ჟურების მეტი აღარათფერი გამოუჩნდება, მოგცემთო.

-- კარგიო, -- უთხრეს სოვდაგრებმა.

დააყენეს ვირი, შემოაყარეს ოქრო და კიდევ დააკლდათ. ისე-
ხეს და ასე. მისცეს. ღარიბმა კაცმა უთხრა: ერთ დიდ სახლში შე-
იყვანეთ ეს ვირი, კლიტე დაკიდეთ და შეიდი ღლის შეძლეგ ნახე-
თო. კარებისაკენ დააბით, ოქროთი რომ გაიფსოს ოთახი, არ და-
იხრჩოსო. დააბეს ვირი სოვდაგრებმა და მივიდნენ შეიდი ღლის
წემდეგ. ვირი მომკვდარა და კარებისათვის ფეხები მიუხირებია. მი-
აწვნენ კარებს, ვერ გააღეს. უთხრეს ერთმანეთს: სახლი ოქროთი
გავსებულა და კარები აღარ იღებო. შეიქვრიტეს — ვირის ნალი
ბრჭყვიანავს. დიდი სიხარული შეექმნათ, ეგონათ, ოქრო-ვერცხ-
ლით იქნებოდა სახლი სავსე. მიაწვნენ კარებს, გააღეს, ნახეს: ვი-
რი მკვდარია და სხვა არაფერი! წავიდნენ გაჭაფრებული, ვისგანაც
ვირი იყიდეს, უნდა მოკლან.

ვირის პატრონმა ცოლი დაარიგა: მე წავალ სათონელად და
შენ კარგი სადილი გააკეთეო.

ამ კაცს ორი კურდღელი ჰყავდა, უთხრა ცოლს: ერთს მე წავიყ-
ვან, იქ შეყოლება და ერთი აქ იყოს. სოვდაგრებო რომ მოვიდნენ.
ჩემთან გამოასწავლე და მე ვითომ იმ კურდღელს გამოგიგზავნი, სა-
დილს დავაბარებ და იმათ დავაბატიებო.

მოვიდნენ სოვდაგრები, ჰკითხეს ცოლს: შენი ქმარი სად არი-
სო?

— უ მანდ თოხნისო, — მიასწავლა ცოლმა.

მოვიდნენ სოვდაგრები იმ კაცთან: უნდა მოგკლათ, რად
დაგვლუპე, ვირი მოკვდაო.

იმან უთხრა: დაიცათ, ჯერ სადილი ვჭამოთ და მერე ვილაპარა-
კოთო.

აუშვა კაცმა დაბმული კურდღელი და უთხრა: წადი, ჩემს

ცოლს უთხარი, დღეს კაი სტუმრები მყავს და კაი სადილი გააკეთეთო.

გაიქცა კურდღელი ტყეში, იმათ კი ეგონათ, მართლა სახლში წავიდაო. წაიყვანა ამ კაცმა სახლში სოვდაგრები, კურდღელი იქ დახვდათ დაბმული. დასხდნენ სადილად. უკვირთ სოვდაგრებს. რანაირი გაზრდილი კურდღელი ჰყოლიაო. მოგვეციდეთ, უთხრეს მასპინძელს. ახი თუმანიც ამ კურდღელში მისცეს.

წამოვიდნენ სოვდაგრები და გზაში უთხრეს კურდღელს: წადი და ჩვენს ცოლებს უთხარი, კარგი სადილი მოგვიმზადონო.

გაუშვეს, კურდღელი ტყეში გაიქცა. მოვიდნენ სახლში. ცოლებს უთხრეს: ჩვენ რომ კურდღელი გამოვგზავნეთ. რატომ კაი სადილი არ გააკეთეთო?

ცოლები ეუბნებიან: რას ამბობთ, ჩვენ კურდღელი არ გვინახავსო.

სოვდაგრები ძალიან დაღონდნენ და გული მოუვიდათ, კიდევ მოგვატყუაო.

წავიდნენ კიდევ იმ კაცთან. იმ კაცმა იფიქრა, მე ის სოვდაგრები არ მომასვენებენო და უთხრა ცოლს: მე ვითომ მოვკვდები. კუბო გამოიკეთე და ისე დამმარხე, რომ მიწას ძალიან ნუ დამყრი და საულის მოსაქცევი გამოიკეთო.

დამარხა ეს კაცი ცოლმა. მოვიდნენ სოვდაგრები, ჰკითხეს: სად არის შენი ქმარიო?

— ჩემი ქმარი მოკვდა და დავმარხეო, — უთხრა ცოლმა.

— წავიდეთ საფლავიდან ამოვავლოთ და წყალში გადავავლოთო. — თქვეს სოვდაგრებმა.

მოვიდნენ, დაუწყეს თხრა. ატაკა იმ კაცმა შამფური საფლავიდან და ერთს თვალი გაჰოთხარა. მანც ამოთხარეს, შეკრეს მაგრად, მოაკიდეს და მიაქეთ, წყალში უნდა გადაავლონ.

სოვდაგრები დაიღალნენ, ეს კაცი მზეში დააგდეს და თვითონ ჩრდილში დაიძინეს. ამ შეკრულმა დაიწყო ყვირილი: გამიშვიტო. არ მინდა ხელმწიფობაო!

ამ ღროს მოდის ერთი მეცხვარე, ათასი სული ცხვარი მოუდის. გაიგონა შეკრული კაცის ყვირილი, მივიდა და უთხრა: კაცო, თუ შენ არ გინდა ხელმწიფობა, მე ვაქნები ხელმწიფეო.

— აბა, შეშასენიო, — უთხრა შეკრულმა. — შენ შეგკრავ და ხელმწიფობას მოგცემენო, მე არ მინდა ხელმწიფობა და არ მეშვებიანო.

შეხსნა მეცხვარემ. ამ კაცმა შეკრა კარგა მაგრად მეცხვარე და დატოვა. ის ათასი სული ცხვარი გამოირეკა და წამოვიდა შინ. გამოეღვიძათ სოვდაგრებს, ასწიეს შეკრული კაცი და გადაადგეს დიდ წყალში. წამოვიდნენ და გზაში ნახეს ის, ვითომ დამხრჩვალ კაცი, ცხვარს უდგას. ჰკითხეს: ვინ მოგცა ეს ცხვარი. ჩვენ ხომ წყალში გადაგადგეთო?

კაცმა უთხრა: თქვენ რომ წყალში გადაგადგეთ, მოვუსვი ხელი და წყლიდან ეს ფარა გამოვრეკეო, იქ კიდე უფრო ბევრი დამხრჩაო.

სოვდაგრები წავიდნენ და გადაცვოდნენ იმ წყალში, უნდა ცხვარი გამოერეკათ და სამივე დაიხრჩო.

ქირი იქ დაეადღე,
ლხინი აქ მოვიტანე.

ბიძა და ძმისწული

ცხოვრობდნენ ბიძა და ძმისწული. ძმისწული ბავშვი იყო და არაფერი შეეძლო, ბიძა კი მამაცი იყო და ძალიან ქურდი; ნაქურდლით თავსაც ირჩენდა და ძმისწულსაც არჩენდა.

ერთხელ ბიძამ დააპირა საქურდლად წასვლა კეისართან. ძმისწული შეეხვეწა: ბიძა, მეც წამიყვანეო, მაგრამ ბიძამ უარი უთხრა: შენ ჭერ პატარა ხარ, ქურდობის არა იცი რა, როცა გაიზრდები, მაშინ მე თვითონ წაგიყვანო.

ძმისწულმა მოსვენება არ მისცა და ბიძამაც წაიყვანა.

წავიდნენ. იარეს, იარეს, გავიდნენ ერთ მინდორში. იქ ერთი ალვის ხე იდგა. ზედ ყორანი იჯდა. ბიძამ უთხრა ძმისწულს: თუ ამ ყორანს ფრთას ისე მოვპარავთ, რომ ვერ გაიგებს, — ყველგან გავიშარჯვებთ, თუ არა და — ვერ გავიშარჯვებთო.

ადგა ბიძა და დაიწყა ხეზე ასვლა. იცოცა, იცოცა, მიაწია ყორანთან, მოჰპარა ფრთა და ჩაიღო უბეში. ბიძა რომ ფრთის მოსაპარავად აღიოდა, ქვევიდან აჰყვა ძმისწული და ბიძას შარვალის ისე მოჰპარა, რომ ბიძამ ვერაფერი გაიგო. ძირს რომ ჩამოვიდა, ძმისწულმა ჰკითხა: ბიძა, შარვალის რა უყავიო?

ბიძამ რომ ნახა, უშარგლოდ იყო, ძალიან ეწყინა და უთხრა თავის ძმისწულს: ეს ცუდი ნიშანია, ჩვენ ამიერიდან ვერ გავიმარჯვებთო.

მაშინ ძმისწულმა უთხრა: ნუ გამიწყრები, ბიძია, შარვალი შე გაგხადეო. ბიძას ძალიან გაუხარდა: მადლობა ღმერთს, რომ შენც ასეთი ქურდი გამხდარხარო, და წავიდნენ კეისრის ბელლის გასატეხად.

მივიდნენ იქ, გამოიტანეს კეისრის ბელლიდან პური და წაიღეს. კეისარმა რომ თავისი ბელლის გატეხა შეიტყო, ძლიერ ეწყინა და მაშინვე ყაღთან გაიქცა იმის შესატყობად, თუ ვინ გატეხა ბელლი. ყაღმა უთხრა: ერთი ხარის ტყავი გაშალე იქ, სადაც სამი გზა ერთად თავს იყრის, ტყავზე ვერცხლის ფული მოაპნიე, მცველები დაუყენე და, ვინც იმ ფულებს მოიპარავს, ბელლის გამტეხიც ის იქნებაო.

კეისარმა ყაღის ნათქვამი შეასრულა. შეიტყვეს ეს ამბავი ბიძამ და ძმისწულმა, იყიდეს დათვის ტყავი და შეიკერეს ქალამნები. წავიდნენ ნაძვის ტყეში და დაიფისეს ქალამნები. როცა მივიდნენ იქ, სადაც ხარის ტყავი იყო გაფენილი, გაიარეს და გამოიარეს ტყავზე: გაფისულ ქალამნებს ფული მიეკრა. ისე ამოლიეს ტყავზე ფული, რომ სამი აბაზიც აღარ დარჩენილა.

შეიტყო კეისარმა, რომ ფულებიც ტყუილად დაეკარგა და ვერც ქურდი გაიგო. უფრო შეწუხდა და მივიდა ისევ ყაღთან: ყაღო ბედნიერო, მითხარი რაზე, თორემ ჩემს ყოფას სიკვდილი მირჩეენიაო.

ყაღმა უთხრა: ცოდვა შენზე იყოს და, თუ მაინც და მაინც გინდა შეიტყო, მოთხარე ბელლის წინ ორმო, ჩაასხი კუპრი და ქურდი შიგ ჩავარდებაო. კეისარმა ორმო მოათხრევინა და კუპრიც ჩაასხა. მობრუნდნენ კიდეც პურის მოსაპარავად ბიძა და ძმისწული. როცა მიუახლოვდნენ ბელლს, საიდანაც წინათ პური წაიღეს, ბიძამ უთხრა ძმისწულს: წინ შენ წადიო.

ძმისწულმა უთხრა: სანამ შეგიძლია, შენ უნდა გამიძღვე და, როცა დაბერდები, მაშინ მე გაგიძღვებიო.

ბიძა დათანხმდა და გაუძღვა წინ. ორი-სამი ნაბიჯი არა ჰქონდა გადადგმული, რომ ჩავარდა ორმოში: ვაიო! — დაიყვირა და დაუძახა ძმისწულს: ხედავ, რა უბედურება გვეწია! მე დავიღუპე, შენ მაინც არ წამოხვიდე წინო.

ძმისწული ძლიერ შეწუხდა, მაგრამ რა უნდა ექნა. დაუძახა ბიძას: ბიძაჩემო, შენ დაიღუპე, მაგრამ მეც ვიღუპებიო.

ბიძამ უთხრა: შენ რა დაგლუპავსო?

ძმისწულმა მიუგო: შენ გიცნობენ და მერმე მეც მომკლავენო.

— მაშ. მე რაც გითხრა. ის გააკეთეო, — უთხრა ბიძამ, — შენი აღმასის ჯაყვით მოშვერი თავი. თუ მონახავ ჩემს ძვლებს და საპარხავად, ხომ კარგი, თუ არადა, თავი მაინც წაილე და დამარბეო.

ძმისწულმაც ძალაუნებურად აასრულა ბიძის ბრძანება, მოსჭრა თავი და შინ წაიღო.

მეორე დღას ნახა კეისარმა ორმოში უთავო კაცი. ამოიტანეს მკვდარი და მიუტანეს ყადს. ყადი გაკვირდა, ეს რა ამბავიაო. კეისარი კიდევ შეეხვეწა ყადს, ბელლის გამტეხი აღმომიჩინეო.

ყადმა უთხრა: სამი გზა რომ ერთად თავს იყრის, იქ ერთა ბოძი ჩაქვი და ზედ ეს მკვდარი ჩამოაკიდე. ვისაც იგი შეეცოდება, მკვდარიც მისი იქნება და ამით ყველაფერს შეიტყობო.

კეისარიც ისე მოიქცა, როგორც ყადმა დააროგა. არის სამი გზის თავში ბოძზე ეს მკვდარი ჩამოაკიდებული.

შეიტყო ძმისწულმა ეს ამბავი, შეკაზმა ვირი და წავიდა იქ, სადაც მისი ბიძა იყო ბოძზე ჩამოაკიდებული. იქ რომ მივიდა, აიღო სამი შაურა და გადაუგდო, თან ეს სიტყვები დააყოლა: საწყალი ამის პატრონი, ეს რა დამართიაო.

ბოძთან, რომელზედაც მისი ბიძა ეკიდა, ერთი ხორა შენაწირი ფულა ეყარა. მკვდრის მცველები ყოველთვის ლხინში იყვნენ, ერთგულად ყარაულობდნენ მკვდარს და კეისარიც მადლიერი იყო. მცველებმა ძმისწულს სთხოვეს, ღამე მათთან დამდგარიყო, მაგრამ მან უარი უთხრა: ერთი ვირი გაჰაჩნია მე უბედურს, ვინ იცის. ეგებ ამაღამ ეს მკვდარი აღგეს და ვირი მომპაროს, მაშინ რას მიპირებთო?

მცველებმა გაიცინეს: რას ამბობს ეს კაცი, მკვდრის ქურდობა ვის გაუგონიაო.

— მაშ, კარგიო, — უთხრა ძმისწულმა, — იმის პირობა მომეცით. რომ ჭრას არაფერი დაემართება და ამაღამ მუქთად არ შეგიკამთ საკმელს, თქვენ მაჯივრად ერთხანს კიდევაც ვუყარაულებ მკვდარსაო.

მცველებს უფრო გაუბარდათ. დაწოლის დროს ძმისწულმა თავისი ვირი ჩააბარა უფროს მცველს და შემდეგ დაწვნენ ყველანი.

როცა მცველებს დაეძინათ, ადგა ძმისწული, ჩამოხსნა ბოძიდან მკვდარი ბიძა, გასჭრა შუაზე, ნახევარი ხურჭინის ერთ თვალში ჩადო, ნახევარი მეორე თვალში. რაც შენაწირი ფულები იყო, თავ-

ზე დაყარა, გადაჰქიდა ვირს და სახლისკენ გაუშვა. თერთონისევე დაწვა და დაიძინა.

მცველები დილით ადრე ადგნენ, შეხედეს, ვირი არსადაა და დაიწყეს ჩურჩული: ან ამ კაცს რა ვუყოთ. ან კეისარს რა ვუთხრათ. რომ მკვდარი არსადააო.

ძმისწულმა ყველაფერი გაიგონა, წამოხტა და დაიყვირა: ვაი-ნი, ვირი არ არის! ხომ ვამბობდი, რომ თქვენ დამლუპავთ! ერთადერთი ვირი იყო ჩემი მარჩენალი და ისიც დამიკარგეთ! ახლავე მომიძებნეთ, თორემ კეისართან ვიჩივლებო!

მცველებმა ფულით მოქრთამეს ძმისწული და ისე გაუშვეს.

დასაპაღნებელი ვირი კარს მოადგა ბიძის ცოლს. ძმისწულს დაბარებელი ჰქონდა ბიცოლასთვის: როცა ვირი კარს მოგადგეს, მაშინვე კარი გაულე, სახლში შეიყვანე და ბარგი ჩამოხადეო.

როგორც დაპარებული ჰქონდა, ბიცოლაჰაც მაშინვე შინ შეიყვანა ვირი და ბარგი ჩამოჰხადა. მოვიდა ძმისწული სახლში და ბიძა დამარხა ჩუმად.

ახლა სულ აშენდა ძმისწული: ფული ბევრი აქვს და ცხოვრობს მდიდრულად.

კეისარმა შეიტყო, მკვდარი ვიღაცამ მოიპარაო. მცველები სულ ამოხოცა და ისევე ყაღთან წავიდა საკითხავად. ყაღმა უთხრა: ერთი უღელი კამეჩი გაგზავნე შენს სამეფოში, ვის კარზედაც იხინი გაჩერდებიან, ის იქნება ამისი მქნელიო.

კეისარმა შეასრულა ყაღის ნათქვამი, გაგზავნა ერთი უღელი კამეჩი. კამეჩებმა დაიარეს მისი სამეფო, მაგრამ არავის კარზე არ გაჩერდნენ. ბოლოს, მივიდნენ იმ კაცის კარზე, რომელმაც მკვდარი მოიპარა. ამ დროს ეს კაცი შეშაზე იყო წასული და, როცა შინ მოვიდა, ნახა კარზე გაჩერებული კამეჩები. შეიყვანა სახლში, დაკლა ორივე და მათი ხორცი დიდ ჭურში შეინახა.

კეისარი შეწუხდა, კამეჩები რომ არ დაუბრუნდნენ, და ისევე ყაღთან მივიდა. ყაღმა უთხრა: ორი ვეზირი გაგზავნე შენს სამეფოში, კამეჩების ხორცი იკითხონ, ვისაც ის აღმოაჩინდება, ბოროტ მოქმედიც ის იქნებაო.

გაგზავნა კეისარმა ორი ვეზირი. ვეზირებმა იარეს, იარეს და ვერსად აღმოაჩინეს კამეჩის ხორცი. ბოლოს, მივიდნენ ძმისწულის კარზე. იგი სხვაგან იყო წასული. მისი ბიძის ცოლს უთხრეს ვეზირებმა: ეგების კამეჩის ხორცი გაქვთ, ცოტა მოგვეყიდე და, რამდენსაც გვთხოვ, იმდენს მოგცემთ.

ქალმა უთხრა: შემობრძანდით, ორი ქური საესეა კამეჩის ხორცით. რამდენიც გსურდეთ, იმდენი წაიღეთო.

ვეზირებს ძლიერ გაუხარდათ. შევიდნენ სახლში, ამოირჩიეს ერთი ბეჭი და წამოვიდნენ. კარზე შეხვდათ ძმისწული და ჰკითხა: როგორ ცუდი ხორცი ამოგიჩივით, ვინ მოგცათო?

ვეზირებმა უამბეს, რისთვისაც იყვნენ კეისრისგან გამოგზავნილი. ძმისწულმა რომ ეს შეიტყო, უთხრა: კეისრის ვეზირებს ამისთანა ცუდ ხორცს როგორ გაგატანთ, შემობრძანდით, მე მოგართმევთ კარგ ხორცსაო.

ვეზირები ნებას დაჰყვნენ და სახლში შევიდნენ. ამ კაცმა ქურის თავზე დააყენა ისინი და უთხრა: ამოირჩიეთ, რამდენიც გნებავდეთო. ვეზირებმა როგორც კი თავები დალუნეს, დაჰკრა ხმალი და ორივეს თავები გააგდებინა.

კეისარი ელის ამბავს. გავიდა ხანი, არც ვეზირებია, არც ამბავი. გამოვიდა მოთმინებიდან კეისარი, მივიდა კვლავ ყადთან და უთხრა: ყადო, მითხარი რამე, თორემ შენ მოგკლავო! ყადმა უთხრა: სხვა არაფერი შემიძლია და ამას კი გეტყვი: ვისაც ამდენი შეუძლია, იმას შენი სიძეობაც შეუძლია. გამოაცხადე ხვალ: კეისარი ქალიშვილს ათხოვებს და ყველა მოვიდეს-თქო.

კეისარმაც გამოაცხადა. მეორე დღეს, ვისაც კი შეეძლო მისვლა, ყველა მივიდა კეისრისას. წავიდა ძმისწულიც. როცა საბრძანებელმა თავი მოიყარა, მაშინ კეისარმა გამოაცხადა: ვინაც მე ამოდენა ზარალი მომაყენა და ამდენი შესძლებია, იმას ჩემი სიძეობაც შეეძლებაო. ამისათვის მსურს, ჩემი ქალიშვილი მას მივცე ცოლად და, ვინც იყო, გამოტყდესო.

გამოჰკითხეს ყველას, მაგრამ არავინ არაფერი იცოდა. ბოლოს ჰკითხეს ქურდს, რომელმაც კეისარს ბელელი გაუტეხა. მან უთხრა კეისარს: თუ არ გამიწყრები, გეტყვი ყველაფერსო.

— გაგიწყრები კი არა, საჩუქარსაც მოგცემო, — უთხრა კეისარმა.

ქურდმა უთხრა: ხელი მომეცი, არ მომატყუო, და გეტყვიო.

კეისარმა ხელი მისცა. მაშინ ქურდმა უთხრა: რაც შენ ზარალი მოგივიდა, ყველაფერი ჩემი ბრალიაო.

კეისარმა რომ ეს გაიგონა, უნდოდა ემტყუნა, მაგრამ ხალხმა არ დაანება. კეისარმა დაინახა, რომ ლაპარაკი ფუჰად ჩაუვლიდა, მოჰკიდა ხელი ამ ბიჭს და წაიყვანა თავის სასახლეში. ვეზირებს უბრძანა, რომ მოეტანათ მისთვის სამეფო ტანისამოსი. ამ ბიჭმა ჯვარი დაიწერა კეისრის ქალიშვილზე და იყვნენ ნეტარებაში.

შეუტყვია ეს ამბავი აღმოსავლეთის კეისარს და გამოუგზავნია ამ კეისარსათვის კაცი: ასეთი უღირსი სიძე რომ აგიყვანია, ან შენ უნდა დანებო თავი მეფობას, ანდა შენი სიძე უნდა მოკლაო.

ეს რომ კეისარმა შეიტყო, გაიხადა სამეფო ტანისამოსი, ჩაიცვა გლახის ტანისამოსი, გამოჩხრიკა ნაცარი და დაჯდა ზედ. ამ დროს მივიდა სიძე თავის სიმამრთან, შეწუხდა და ჰკითხა: რა დაგემართაო?

კეისარმა უთხრა: აღმოსავლეთის კეისარს კაცი გამოუგზავნია, რომ ან შენ უნდა მოგკლა, ანდა მეფობას თავი უნდა დავანებოო.

— კარგიო, — უთხრა სიძემ, — თუ მოგიყვანო ის კეისარი აქ და თუ დავატოვებინო თავისი სამეფო, მე ვყოფილვარ შენი სიძე, თუ არადა, ნებას გაძლევ, მომკლაო.

მეორე დღეს სიძემ დათვის ტყავი იწოვა, შეაბმევინა თავის სიმამრს ოქროს ეყვნები, შეჯდა ცხენზე და წავიდა აღმოსავლეთის კეისართან. როცა იქ მივიდა, აღმოსავლეთის კეისარი აღაპს იხდიდა, მთელი სამეფო სულ დაპატიებული ჰყავდა.

მივიდა ეს კაცი მისი ვეზირების სახლში, ცხენი მათ შიბარა საში დღის ვადით და ჭირად საში აბაზი დაუტოვა. მერმე შევიდა იმ სახლში, საღაც აღაპი იყო, დაჯდა სხვა კაცებთან და დაიწყო სმა-ჰამა.

საღამოს ყოველი კაცი მადლობას ეუბნება კეისარს და შინ მიდის. ეს კაცი კი ისევ ზის თავის ადგილზე, უნდა შეიტყოს, სად დაწვებიან კეისარი და მისი ცოლი. მოვიდა დაწოლის დრო. კეისარი და მისი ცოლი დაწვნენ. ეს კაცაც ამას უცდიდა.

როცა კეისარი და მისი ცოლი ღრმა ძილში შევიდნენ, ადგა ეს კაცი, აიღო დათვის ტყავი, ოქროს ეყვნებით რომ იყო შეჭედილი, დადგა კეისრის ლოგინის თავთან და დააყდარუნა. კეისარსა და მის ცოლს გამოედვიძათ, წამოჯდნენ და დაიწყეს გაკვირვებით აქეთ იქით ცქერა. რომ ვერაფერი დაინახეს, ისევ დაწვნენ. როცა დაეძინათ, ამ კაცმა ისევ დააყდარუნა ტყავი. კეისარმა რომ ეს მეორეჯერ გაიგონა, დაიძახა: ვინა ხარ, ღმერთი თუ კაცი, მითხარი, რა გინდაო.

ბეჭმა უთხრა: მე სული წმინდა ვარ, იესო ქრისტესაგან გამოგზავნილი, და სული უნდა მომცეთო.

კეისარმა ჰკითხა: რანაირად უნდა მოგცეთ სულიო?

ბეჭმა უთხრა: უნდა ამოიძროთ და ისე მომცეთო.

კეისარმა და მისმა ცოლმა დაიწყეს ხველება, მაგრამ ვერას გზით სული ვერ ამოიძვრეს, თუმცა ბევრს ეწვალნენ. მაშინ ამ

კაცმა უთხრა: რადგანაც აძღვრის წვალობით, გავბრუნდები ისევ ქრისტესთან, შევეხვეწები, რომ ცოცხალი წაგიყვანოთ. ხვალ მოსამსახურეებს ორი დიდი სკივრი გააკეთებინეთ, ქონება შიგ ჩაალაგეთ, თქვენც შიგ ჩაჯექით და ამ ღროს მზად დამხვდითო.

ეს ბიჭი წავიდა სადღაც. კეისარმა მეორე დღეს გააკეთებინა ორი დიდი სკივრი, რომლებშიც მასაც და მის ცოლსაც თავისუფლად შეეძლოთ ჩაჯდომა. მეორე დამეს კი, რაც რამე ძვირფასი ჰქონდათ, ყველაფერი ამ სკივრებში ჩააწყვეს და შემდეგ თვითონ ჩასხდნენ შიგ. შუალამისას მოვიდა ეს კაცი და გააუღარუნა ტყავი. კეისარმა დაიძახა: აბა, მობრძანდი, მზადა ვართო.

მოვიდა ეს კაცი. სკივრები მაგრად შეკრა, ერთი იქით და მეორე აქეთ აჰკოდა ცხენს და წაიყვანა თავის სიმაჰრთან.

სასახლეს რომ მიღწია, სიმამრს დაუძახა: ჰე, ჩემო სიმაჰრო, მოგიყვანე თუ ვერა ის კეისარი, რომელიც შენ მეფობას გართმევდაო!

გახსნეს სკივრები, ნახეს აღმოსავლეთის კეისარი და მისი ცოლი. ამის შემდეგ სიძე აღმოსავლეთის კეისრის ქვეყანაში წავიდა და იქ დაჯდა ტახტზე. სიმამრს კი მისი სამეფო დაუტოვა.

სამი ზარმაცნი

ერთ ხელმწიფეს სამი ზარმაცი ჰყავდა. გაგზავნა ბაღში, იქ იყავითო.

წავიდნენ და ერთი მსხლის ხის ქვეშ წამოწვნენ. ხეს მწიფე მსხალი ესხა.

ერთმა თქვა: ნეტავი მსხალი ჩამოვარდეს და პირში ჩამივარდესო.

მეორემ თქვა: ნეტავი უყუნწოდ ჩამოვარდეს, რომ აღვიღად ჩავყლაპოო.

მესამემ თქვა: ნეტავი თქვენ, არ გეზარებათ, რომ მაგდენს ლაპარაკობთო?

ვალნიანი ხარაზი

იყო ერთი ვალის მოყვარული ხარაზი. მევალე მუდამდღე მოდიოდა ამ ხარაზთან და სთხოვდა ფულს. ხარაზი აწვალებდა და ატყუებდა.

ერთხელ მოვიდა და ხარაზი არ დაუხვდა ღუქანში. შეგირდსა ჰკითხა: შენმა ოსტატმა როდის უნდა მომცეს ფულიო?

შეგირდმა დაზგას ხელი დაადო და უთხრა: როცა ეს აყვავდება, მაშინ მოგცემსო.

ადგა ეს კაცი და წავიდა დალონებული. ოსტატი როცა დაბრუნდა, ჰკითხა შეგირდს: რა პასუხი მიეციო? შეგირდმა უთხრა, რაც პასუხი მისცა. ხარაზმა დაუწყაო შეგირდს ცემა: ეგ რად უთხარიო, ეგების მართლა აყვავდესო და მე იმას ფული საიდან უნდა მიეციო?

ბატის ყიღვის მოწმეები

ერთმა კაცმა ერთი ბატი იყიდა, შინ წაიყვანა და ცოლს მისცა, კარგად გაასუქეო. დედაკაცმა თავის კუროს დაუკლა და აჭამა. ქმარმა მოიკითხა ბატი. ცოლმა გადაფიცა: შენ ბატი არ მოგიყვანიო, თუ ვტყუი, აბა, მოწმე მაჩვენეო.

წავიდა ეს კაცი, კიდევ ერთი ბატი იყიდა. გრძელ ლატანს მოაბა და ზურნა-ნალარის კვრით შინ წაიღო, დიდძალი ხალხი გაჰყვა თან. შინ რომ მივიდა, ცოლმა ჰკითხა: ეს რა ამბავიაო?

ქმარმა უთხრა: ესენი ჩემი მოწმეები არიანო.

მხოლოდ ერთი პალო წავიღეო

ერთი მდიდარი სოვდაგრის ოცი აქლემის საპალნე ძვირფასი საქონელი მიჰქონდათ. დასასვენებლად ერთ ადგილს დადგნენ, პალო დაჰკრეს და ზედ დააბეს აქლემები. ერთი საწყალი კაცი შეშას ეძებდა და ნახა ის პალო. ამოიღო და წაიღო. ოცი აქლემიც, ზედ მიბმული, თან გაჰყვა.

პატრონებმა ძებნა დაუწყეს საპალნიან აქლემებს და იპოვეს. ქურდი ფიცავდა: მე არაფერში დამნაშავე არა ვარ, მხოლოდ ერთი პალო წავიღე, ზედ ერთი თოკი ებაო.

უღვაში

ერთი უღვაშიანი კაცი წავიდა საყასბოში და ყასაბს უთხრა: ერთი აბაზის ხორცი მომეცი ნისიადო.

ყასაბმა უთხრა: ბატონი ბრძანდები, მაგრამ თქვენ არ გეკადრებათ ხორცის წაღება, მსახური გამოგზავნეთ, ნიშნად თქვენი ერთი ღერი უღვაში გამოატანეთ და ხორცს იმისი ხელით მოგართმევთ.

იმ კაცმა გამოგზავნა მსახური და ყასაბს უღვაში მისცა: ხორცი მომიჭერიო.

ყასაბმა უთხრა: შენი ბატონი თვითონ აქ იყო თავისი უღვაშით, მაშინ არ მივეციო და ახლა მაგ ერთ ბალანზე შოგცემო?

წვერზე ცეცხლწყვილებული

ერთ კაცს წვერზე ცეცხლი მოეკიდა. მეზობელი მიეშველა, ცეცხლს უქრობდა. სხვა კაცი მივიდა და შეეხვეწა: ჯერ დაიცა, ნუ გააქრობ, ჩიბუხს ცეცხლი მოვუკიდოო.

ფული გაინაღდო

ერთ კაცს მეორე კაცის ცოტა ფული ემართა და ვერ გადაეხადნა. ფულის პატრონი მალმალ აწუხებდა და სთხოვდა თავისას. ცოლმა უთხრა ქმარს: კიდევ თუ მომავალი დაინახო, შენ დაიმალე და მე ვიცი, როგორც დავხედებიო.

მოვიდა ფულის პატრონი. ქმარი დაიმალა და ცოლი მიეგება. კაცმა იკითხა: სად არის შენი ქმარი? ვალი მართებს, არ იძლევაო.

ცოლმა უთხრა: სწორედ შენ საქმეზე წავიდა, თესლი უნდა იყიდოს. მოიტანოს და ორ დღიურ მიწაზე ეკალი დათესოსო. ერევნიდან ბამბის ქარაჯანი გამოივლის, ეკალზე ბამბა დარჩება, შეკრებს. გაყიდის და შენს ვალს გადაიხდისო.

კაცს გაეცინა. დედაკაცმა უთხრა: გიხარია განა, ფული გაინაღდო!

შენ მავაზე კარგად იციო?

ერთი დედა-შვილი იყო. დაქვრივებულმა დედამ გაზარდა ეს შვილი. როცა მოიზარდა, შვილმა იფიქრა, დედაჩემმა რომ კარგად გამზარდა და ამაგი გასწია ჩემზე, იმის სიკეთეს რითი გადავიხდიო. შეუთქვა: სამჯერ ხატის კარს აკიდებულს წავიყვანო.

ორჯერ წაიყვანა აკიდებულნი. მესამედაც რომ მიიყვანა, ჩამოსვა. კაი სახის დედაკაცი იყო და ახალგაზრდა ბერმა როგორც კი დაინახა, მათთან მივიდა. შვილს ჰკითხა: რა დამართნია მაგ დედაკაცსაო?

შვილმა უთხრა: ჩემზე იმდენი ამაგი გაუწევია, რომ მაგისი სიკეთე სხვა ვერაფრით გადავიხადე, ხატში აკიდებულნი მოვიყვანეო.

ბერმა უთხრა: მაგით ვერ გადაუხდი სიკეთესაო; კარგი კაცი გეშოვნა, უფრო მადლობელი იქნებოდაო.

შვილმა სიტყვა შეუბრუნა: ამაზე მეტი გადახდა რაღა იქნებაო?

დედამ უკანიდან კისერში ჩაჰკრა შვილს: რომ ედავები, შენ მავაზე კარგად იციო?

მკერავნი

ერთი კაცი მივიდა მკერავთან და ჰკითხა: საკაბე რამდენი ადლი მომიხდებო? უთხრა, ამდენი და ამდენიო.

კაცმა თქვა: წავალ, სხვასაცა ვკითხავო.

მივიდა ჰეორე მკერავთან. ამან ნახევარი ადლით ნაკლები უთხრა და ამას მისცა შესაყრავი.

დანიშნულ დროს მივიდა კაბის პატრონი, ნახა, პატარა ყმა-წვილს, მკერავის შვილს, ტანთ მაუდის კაბა აცვია და იცნო, რომ იმის კაბის ნაჭერია. მკერავს უთხრა: მართალი მითხარი და გასამრჯელოს კარგს შოგციემო: სხვა მკერავთან მივედი და ნახევარი ადლით მეტი მითხრა და აქ შენ შვალისათვისაცა კაბა შეგიკერავსო.

მკერავმა უთხრა: იმას ჩემ შვილზე დიდი ვინმე ეყოლებოდა და მეტი იმიტომ უთხოვიაო.

მართალი სიტყვა მოეწონა კაბის პატრონს და ფასი კარგი მისცა.

რძალ-დედამთილი

ერთ დედაკაცს რძალი ჰყავდა. რძალი მშვიდი ქალი იყო. მაგრამ დედამთილი სულ ეჩხუბებოდა და ებუზღუნებოდა -- ვერ შეეწყო. შვილს ჩააცვიდა: თავი დაანებე, გავყარეო.

შვილმა უთხრა: როგორ გავეყარო, ცოლიაო!

დედამ უთხრა: სხვა შეირთეო.

გამოვიდა კაცი დაღონებული. შემოხვდა ერთი ქოსა და ჰკითხა: რამ დაგაღონაო?

კაცმა უთხრა: ასე და ასეა ჩემი საქმეო, დედაჩემი ვერ მორიგებია ჩემ ცოლსაო.

ქოსამ უთხრა: მე გიშველი, შენი ცოლი სამშობლოში წაიყვანე პატარა ხანს სტუმრადაო, მე ქალის ტანისამოსს ჩავიცვამ, შენსას წამიყვანე და მეზე მე ვიციო.

წავიდა ეს კაცი, წაიყვანა ცოლი სამშობლოში და დედაკაცად ჩაცმული ქოსა შინ მიიყვანა. დედას უთხრა: აი, ჩემი ახალი ცოლიო და ახლა ვნახოთ, როგორ შეეწყობიო.

დედაკაცს გაეხარდა, რაკი ის მოიშორა, ახლა რაღა მიჭირსო უაღერსებს ახალ რძალს და სიყვარულით ეკიდება, მუშაობს და უვლის სახლს. ახალი რძალი კი აი ასე ელაპარაკება: ჰაი, შე ქოფაკო, აგრე კი არ უნდა, ასე უნდა გააკეთოო!

დედამთილი ყოველ შეტევაზე იკუნტება და იკუნტება. მოიტანა ხახვი შექამადისათვის და ჭრის. ახალმა რძალმა ყურზე ხელი მოავლო: ჰაი, შე ქოფაკო, დაბერებულხარ და საყურეები არა გკიდიაო. საყურეები უნდა ჩამოგკიდოო.

ყურები დახვრეტილი არ ჰქონდა. ამოიძრო თავშლიდან ნემსი. ატაკა ბიბილოში და გაუხვრიტა. ხახვის ნაჭერი აიღო და გაუყარა ყურში: აჰა, შენი საყურეო.

მოვიდა შვილი. დედამ შესჩივლა: მე იმ რძალსა ვჩიოდი, იგი ღვთის წყალობა დედაკაცი იყო, ეს აშარი საიდან გადამკიდეო. ისევ ძველი მოიყვანე, ოღონდაც ეს მომაშორეო.

წავიდა შვილი და ცოლი მოიყვანა სამშობლოდან. დედამთილი დაუტკბა რძალს და ახლა დაიწყო იმისი პატივისცემა.

რძალ-მეზლი

ერთ დედაკაცს ქმარი მოუყვდა. ტირილითა და ნაღვლით შინაურებს თავი მოაბეზრა. მეზლი გაუჭავრდა: რა დაგემართა, დედაკაცო, მოისვენე და მოგვასვენეო!

ის კიდევ იძახდა: რა მიყავი, კაცო, სად წახველ, სად დამეკარგეო?

მეზლმა დაუყვირა: ჯანაბას წავიდაო!

დედაკაცმა დაიხსომა და უნდოდა შეეტყო, ჯანაბაში როგორ იყო იმისი ქმარი. გამოვიდა გარეთ და ნახა ერთი გლეხი კაცი, დაღლილი იჯდა, ისვენებდა. მივიდა და დაუწყო კითხვა, რას აკეთებ, რად მოხველო, გააჭერა ლაპარაკით.

ბოლოს ჰკითხა: საიდან მოდიხარო?

გლეხმა უპასუხა, ჯანაბიდანაო. დედაკაცს გაეხარდა, ქმრის ამბავს შეტყვისო.

— უი, გენაცვალე, რაკი ჯანაბიდან მოდიხარ, ჩემი ქმრის ამბავი გეცოდინებაო!

გლეხმა შეატყო, რომ დედაკაცი სულელი იყო, და უთხრა: ვიცაო; ძალიან შეწუხებულია, ნიორსა და ხახვს ყიდის, მაგრამ იმდენი არა აქვს, რომ მუცელი გაიძლოს, ლუქმა ენატრებაო.

დედაკაცმა უთხრა: მაშ, ერთი მადლი ქენი, ხუთას თუმანს მოგცე, ჩემ ქმარს წაუღეო.

გლეხმა უთხრა: ბატონი ბრძანდებიო.

გამოიტანა ფული დედაკაცმა და მისცა. გლეხმა გამოართვა და წავიდა, თან უკან იხედება, ხომ არაეინ მომდევსო.

მოვიდა მეზლი. რძალმა ახარა: ჯანაბიდან მოსული კაცი ვნახე. შენი ძმის ამბავი მომიტანაო. დიდ გაჭირვებაშია თურმე, ჩვენ ღვთის წყალობა არ გვაკლია, ხუთასი თუმანი ავიღე და გავუგზავნეო.

— აი, დაგექცეს ოჯახი, კაი საქმე გიქნიაო! — შეუტუროთხა მეზლმა. შეჯდა ცხენზე და გამოუდგა.

გლეხმა შორიდან დაინახა, რომ ცხენოსანი მოაქვენებს, იფიქრა, მე მეძებსო. ახლოს წისქვილი იყო, შევიდა, ნახა თავმოტვლებილი მეწისქვილე და უთხრა: ხელმწიფის ბრძანება გამოსულა, თავმოტვლებილი კაცი საცა ნახოთ, ტყავი გადააძრეთ, დიპლიპიტოსათვის მინდაო. სამი კაცი ვნახე, თავზე ტყავი გადააძრესო. თავს უშველე მალე. აჰა, ეს ტანისამოსი გავცვალათო.

მეწისქვილემ საჩქაროდ გაიხადა ტანთ, იმ გლეხის ტანისამოსი

ჩაიცვა, გლებმა — მეწისქვილის ტანისამოსი და ასწავლა: ხეზე ადი, დაიმალო.

თვითონ ფქვილი შეიყარა. მივიდა მაზლი და ჰკითხა გლებს: აქეთ ერთი გლები მოდიოდა, აქ შემოვიდაო.

გლებმა ხმამაღლა უთხრა: აქ არავინ მოსულაო, მალვით კი აჩვენა: მალლა არისო.

გამოვიდა კაცი, შეხედა ხეს და გადაცმული მეწისქვილე დაინახა. დაუწყო გინება: აქ ჩამოდი, შე მატყუარაო, ფული მოგიტაცნია და ახლა მანდ იმალეზიო? გამწარებულმა მეწისქვილემ ხეზე თავი ახალა და ახალა, ნურც მე ცოცხალი და ნურც შენ ეს თავი მთელიო.

ამასობაში გლები კაცი შემოაჯდა მაზლას ცხენს და გაჰკურცხლა. მაზლმა ჩამოიყვანა ხიდან ის კაცი და იმანაც ყველაფერი უამბო. მაზლი ცარიელი დარჩა. შინ დაბრუნდა.

რძალმა ჰკითხა: რა ჰქენიო?

— რაღა რა ვქენი, ისეთ გაჭირვებაშია თურმე ჩემი ძმა, რომ ცხენიც იქ გავატანეო, — უთხრა მაზლმა.

ტკბილი ცოლ-ქმარი

ერთ სოფელში ერთი ცოლ-ქმარი იყო. ფური დაუბერწდათ. ცოლმა უთხრა ქმარს: წაიყვანე ქალაქში, გაყიდე ან გამოცვალო.

გლებმა წაიყვანა. გზაზე ფური უკან იწევს. გლები მოიქანცა, სულ თავბედს იწყევლის და აგინებს ფურს: მაცა, შენ თუ არ გადაგკარგოო.

მეღორემ გაიგონა იმისი ლანძღვა-გინება და ჰკითხა: რა ამბავია, რას გაუჭაერებინარო?

გლებმა უთხრა: ეს ძროხა გამიბერწდა, ქალაქს მიმყავს გამოსაცვლელად და ასე მაწვალებს, სულ უკან ბრუნდებაო.

მეღორემ უთხრა: რახან გამოცვლას აპირებ, მოდი გოჭებიან ღორზე გამიცვალო.

გლებმა იფიქრა, ღორს ადვილად ვატარებო და გადაცვალა. გაიგდო ღორი გოჭებიანად, მაგრამ აბა ღორებს მოსვენებით როგორ ატარებდა. შეწუხდა გლები და დაიწყო კიდევ ლანძღვა-გინება.

შემოხვდა მეცხვარე. ჰკითხა: რა გაჯავრებსო? თუ გინდა, მოდი ერთ ციკნიან თხას მოგცემ, გამიცვალეო.

გლებმა გამოართვა, იფიქრა: მოსვენებით ჩავიყვანო. თხამა და ციკანმა უარესი უყო. გლებმა თავბედი იწყველა.

შემოხვდა ერთი ცხენოსანი გლეხი, ქათამი მიჰყავს გასაყიდად. თხის პატრონს ჰკითხა: რა გაჯავრებსო?

ამან უთხრა თავისი და ნახა, ცხენოსანს ცხენზე ხურჯინი უკიდია და იქიდან მამალს თავი ამოუყვია. მოეწონა და უთხრა: მოიტყუვანაზე გამიცვალეო.

ქათმის პატრონს, რასაკვირველია, იამა და გაუცვალა. გლებმა გამოართვა, ილღიაში დაიჭირა და ალერსით უყვავებს ქათამს: როგორი ჰქვიანი ხარო.

მივიდა ქალაქში და გაყიდა ორ აბაზად. გზაზე ღუქანში ქულები ნახა და ერთი ქული მეტად მოეწონა. შეევაჰრა. ჰონმა მანეთად დაუფასა. გლეხი იმდენს ეჩიჩინა, ორ აბაზად გამოართვა და თავისი ძველი ქულიც სართად მისცა, გამოიყენებო. ადგა, წამოვიდა.

გზაში წყალი მოსწყურდა, წყალზე ჩავიდა და, რომ დაეწაფა, ქული ჩაუვარდა და წყალმა წაიღო. გლეხი გამოუდგა, ვერ დაიჭირა და კინალამ თვითონაც მოიტაცა წყალმა.

მივიდა ჰონთან და ძველი ქული სთხოვა. ჰონმა უთხრა: რა კაცი ყოფილხარ, ცოლს რაღა პირით დაენახეები, ხომ შეგქამსო!

გლებმა უთხრა: ხმასაც არ გამცემს ჩემი ღედაკაციო.

ჰონმა უთხრა: დავნაძლევედეთო, თუ შენმა ცოლმა ჩხუბი არ დაგიწყო, თქვენი სოფლისაკენ ცხვარი მყავს, წამოვალ და სანაძლეოდ ფურის ფასს, სამ თუმანს მოგცემო, თუ არადა სამი თვე მოჭამაგორედ დამიდექიო.

— კარგი, აგრე იყოსო, — უთხრა გლებმა. ადგა ჰონი და გაჰყვა გლებს.

სოფელში რომ შევიდნენ, გლეხი შინ არ შევიდა, ბანიდან გადასძახა ცოლსა; ღედაკაცმა შინ შეიპატიჟა: გარედან რას მელაპარაკები, რატომ შინ არ შემოხვალო!

გლებმა უთხრა: რა შემოვიდე, ძროხა წავიყვანე, გავცვალეო.

— ეგ ხომ ვიცი, მე არ გამოვაგდე სოფლის ბოლომდისაო? მერე რაში გასცვალეო?

— ღორში, თავის გოჭებითაო, — უთხრა ქმარმა.

— ეგ ძალიან კარგიო, გავამრავლებთ და გავკეთდებითო. მერე რა უყავიო?

— რაღა რა ვუყავი, გზაზე თავი მომაბეზრეს და ციკნებიან თხაში გავცვალეო.

— იფ, ეგ უკეთესიო, მოვწველით და ყმაწვილებს დავიოკებთო. მერე სად არისო?

— რაღა სად არის, ვერც ისინი ვატარე და ყივანაზე გავცვალეო.

— ეგეც კარგიაო. იგნთიადისას იყივლებს და გამოგვადვიძებსო. მუშაობას აღარ მოვცდებითო. მერე რა უყავიო?

ქმარმა უთხრა: გავყიდე და ქუდი ვიყიდეო.

ცოლმა უთხრა: კარგი გიქნია, მაშ, ქალაქობა რაზე დაგეტყოსო? ქუდი რა უყავიო?

ქმარმა უპასუხა: რაღა რა ვუყავი, წყალი მომწყურდა, დავეწაფე, ჩამივარდა, წყალმა მომტაცა, გამოვუდექი, კინალამ მეც წამიღოო.

დედაკაცმა ხელები თავში წაიშინა: უი, მე თვალდამდგარსა, რატომ ლიტრა არ გაგატანე, ცივ წყალს მოიტანდიო!

ქონმა შეუკურთხა: ჰა, თქვენი ასე და ისეო, რა ხალხი ყოფილხართო! დაუთვალა გლეხს სანაძლეო ფული და წამოვიდა.

ცოლ-ქმარი

ერთი მდიდარი კაცი იყო. ქონება კარგი ჰქონდა, მაგრამ დაჭირიანებული, დაგრეხილი იყო. ცოლმა იფიქრა: ეს სიმდიდრე ხომ არსად წამივა, ჰირიან კაცს რაღას მოვუჭდეო.

ადგა და წავიდა თავის სოფელში.

ქმარი დაღონდა, მარტობამ შეაწუხა და ერთ კაცს შესჩივლა: ცოლმა თავი დამანება და წავიდაო.

ამ კაცმა უთხრა: რას დაღონებულხარ, კაცები დავატაროთ სოფლებში კვერცხისა და ქათმების საყიდლად; ხმა დავყაროთ, ვითომ ცოლს ირთავ და ქორწილს აპირებო; ცოლი შეიტყობს და მოვივაო.

დაუჯერა მდიდარმა კაცმა და ცოლის სოფელშიც კვერცხ-ქათმის საყიდლად კაცი გაგზავნა. ცოლმა შეიტყო, ჩემი ქმარი სხვა ცოლს თხოულობსო, ადგა და ქმართან გაიქცა.

ჩხუბი არაფერზე

ერთ ტრიალ მინდორზე ორი კაცი იწვა და ერთმანეთს ელაპარაკებოდა. ვარსკვლავებით მოჭედული ღამე იყო. ერთმა გადაავლო თვალი მინდორს და თქვა: ნეტავ ეს მინდორი ჩემი იყოსო, ვირებს გავიჩენდიო.

მეორემ თქვა: რაც ამ ცაში ვარსკვლავია, იმდენი ცხვარი მომცაო. მოუვიდათ ლაპარაკი.

— მაგოდენა ცხვარი რომ გყავდეს, ჩემ მინდორში უნდა მოძოვონ და ვირები უბალახოდ უნდა დამირჩენო? -- უთხრა პირველმა.

— თუ შენ ვირებს საძოვარი უნდათ, ცხვარს კი არ უნდაო?

— მერე ვინ დაგანებებსო?

— არ დამანებებს, ძალათი შემოვრეკავო!

შეპყენენ ლაპარაკს, მოუვიდათ ჩხუბი და ერთმანეთს ცხვირპირი დაამტვრიეს. გამოიარა მგზავრმა და ჰკითხა: რა გაჩხუბებთო?

უთხრეს თავიანთი საჩივარი.

— ვაჰ, თქვენ ჰკუთას! რაც არა გაქვთ, რაზე ჩხუბობთო!

ტყუილი ტირილი

ერთი ყმაწვილი ქალი იყო. წავიდა წყლის მოსატანად. წყლის პირას დაჯდა ხის ძირში. იფიქრა: მე რომ გავთხოვდე, შვილი მომეცემა, წყალზე ჩამოვა, ამ ხეზე ავაო, ხიდან რომ ჩამოვარდეს, ამ წყალში ჩამივარდება და დამეხრჩობაო — უი, შენ დედასაო!

მოჰყვა ტირილს. ამასობაში დედაც აქ მოვიდა და ქალს ჰკითხა: რა გატირებს, შვილოო?

— რაღა რა მატირებსო, — უთხრა ქალმა, — რომ გავთხოვდე და შვილი მომეცეს, აქ მოვა, ხეზე ავა, ჩამივარდება წყალში, დამელუპება და ბეზიას ვილა დავიძახებს, როგორ არ ვიტყვოო.

— უი, შენ დედასა, ეგ რა მოგსვლიაო, — დაიწყო დედამ მოთქმა და მოჰყვა ტირილს.

მოვიდა ქალის მამა: რა გატირებთო, რა დაგმართნიათო?

ცოლმა უთხრა: ასე და ასეა, ქალი რომ გაგვითხოვდეს, შვილი მიეცეს, ამ ხეზე ავიდეს და ჩამოვარდეს, წყალში რომ დაიხრჩოს,

ჰაპას ვილა დაგიძახებსო; შენ კი არ იტირებ შვილიშვილსა, ჰაპა ხარო?

ქმარმა უთხრა: დაიცა, ამ ხეს ტოტს მოვტეხ, რომ ყმაწვილი არ ავიდესო.

მოსტეხა და ურტყა ცოლსა და ქალიშვილს.

ცოლის მორჩულება

ორი დუნე ძმა იყო. ერთმა ცოლი შეირთო. პირველსავე ღამეს ცოლთან გაჯავრებული მივიდა. კატას მოავლო ხელი: აქაურობას სულ მტვერს ავადენო. მოიქნია და კედელს მიანარცხა. კატა მოკლა.

ცოლი მოიკუნტა, იფიქრა: ეს რა ღეთის რისხვა კაცი ყოფილაო! უჭერებდა და მორჩილი იყო.

მეორე ძმას ნებიერი ცოლი შეხვდა. არას აკეთებდა, თავს მოავადმყოფებდა: საქმე არ შემოძლიაო.

ამ ქალის ქმარმა ძმას შესწივლა და ჰკითხა, შენი ცოლი როგორ დაიპორჩილეო? იმანაც ასწავლა.

კაცმა მოუტანა ცოლს ხორცი, ეს მაინც მოხარშე, საღამოზე დაღლილი მოვალ, შენცა ჰამე და მეც მაჭამეო.

ცოლი ადგილიდან არ დაიძრა. დედაკაცმა თქვა: ახლა რომ საღილი გავუკეთო, დაეჩვევა და აღარ მომასვენებსო.

ძალღმა შეჭამა ხორცი. დედაკაცი იწვა. მოვიდა საღამოს კაცი: აბა, ჰური მაჭამეო.

დედაკაცმა უთხრა: ძალღმა შეჭამაო. კაცი გაჯავრდა: თუ არა ხარშავდი, შეინახავდი მაინცაო. წაავლო კატას ხელი და შუაზე გაგლიჯა.

დედაკაცი წამოდგა და თავში ჩაჰკრა: ეგ ადრევე უნდა გექნა. ახლა გვიანიაო.

უსაქმური ქალი

ერთ კაცს ცოლი უნდოდა: ისეთი ქალი უნდა შევიერთო, კარგი მოსაქმე იყოსო.

ერთი დარჩენილი გასათხოვარი ქალი იყო, უსაქმური. უთხრეს:

კოპში ფერადდაფასხმული ნემსები გაიკეთე და კარზე დადექ. ეგება თვალი მოგკრას და გითხოვოსო.

ქალმა გაიკეთა კოპში ბლომად ნემსები სულ სხვადასხვა ფერის ძაფითა და კარზე იდგა. მოჰკრა თვალი იმ კაცმა და იკითხა: რა არის ამოდენა ფერადი ძაფი რომ ჰკიდია თავსაფარზეო?

უთხრეს: ძალიან მოსაქმე არის და ნემსები სულ აგებული აქვსო. მოეწონა კაცს: სწორედ საჩემო ქალი ყოფილაო.

შეირთო. იჭდა ქალი უსაქმოდ.

ვნახოთ, მოვიდა ნამის ჰია. წამოდგა ქალი და ჰიას თავი დაუკრა: მობრძანდი, მამიდაჩემო!

კაცმა ჰკითხა: რასა შერები, რა ამბავიაო?

ქალმა უთხრა: მამიდაჩემიაო. გვარში მოგვდგამს საქმის სიყვარულიო. მეტის საქმით ასე დაილია და ჰიად იქცაო.

კაცმა თავი მოიკლა: ამას იქით თუ შენ ხელში ნემსი მინახავს, თავი ცოცხალი აღარ მინდაო. სულ დაუშალა საქმე.

სულელი დედაკაცი

იყო და არა იყო რა, ღვთის უკეთესი რა იქნებოდა. იყო ერთი ცოლ-ქმარი. ძალიან ღარიბები იყვნენ. წავიდა კაცი და მოჯამაგირედ დადგა, წელიწადში სამ თუმნად. ოთხ წელიწადს იყო მოჯამაგირედ. აილო თორმეტი თუმანი და წამოვიდა შინ. ათი თუმანი ცოლს მისცა და ორი თუმანი სავაქროდ წაიღო.

ვნახოთ, ერთ კაცს ერთი გატეხილი საღლევებელი დააქვს და იძახის: ვის უნდა ძვირფასი, ვის უნდა ძვირფასიო?

დაუძახა ამ დედაკაცმა და ჰკითხა: რას ჰკიდისო? იმან უპასუხა: ასეთ რამესა ვკიდისო, ერთი ბოლოდან რომ გაიხედო, მთელ ქვეყანას დაინახავო, მეორედანაც რომ გაიხედო, უფრო მეტს დაინახავო.

— რა ღირსო? — ჰკითხა დედაკაცმა.

კაცმა უთხრა თორმეტი თუმანიო, მაგრამ ათ თუმნადაც მივცემო.

— ათი თუმნის მეტაც არა მაქვსო, — უთხრა დედაკაცმა.

აილო და მისცა. მოვიდა ქმარი. ცოლმა უთხრა: იცი, კაცო, ისეთი რამ ვიყიდე, რომ აქედან რომ გაიხედო, მთელ ქვეყანას დაინახავო, მეორე პირიდან რომ გაიხედო, უფრო მეტს დაინახავო.

დახედა ქმარმა, ნახა, გატეხილი სადღვებელა არის. თქვა: წავალ სხვა ქვეყანაში, თუ ამ ჩემი ცოლისთანა სულელი დედაკაცი ვნახე სხვა, ამას არ მოვკლავ, თუ ვერ ვნახე, მოვალ და მოვკლავო.

წავიდა. ნახა ერთი დედაკაცი, რომელსაც ერთი ქოსმენი ჰყავდა. დადგა ეს კაცი და უყურებს ამ ქოსმენს. დედაკაცმა ჰკითხა: რას უყურებო?

კაცმა უთხრა: ამისმა ძმამ გამომგზავნაო, ძალიან ავად არის და უნდა ამის ნახეო.

— თუკი ასე ძალიან უნდა მაგის ნახვა, წაიყვანეო. — უთხრა დედაკაცმა.

გამოუყვანა ღორი და მისცა. წამოიყვანა კაცმა და წამოვიდა შინ. მოვიდა ამ დედაკაცის ქმარი და ცოლმა მაშინვე უთხრა: იცი, ჩვენ ქოსმენს ძმა გახდომია ძალიან ავად, იმისგან კაცი მოგვივიდა და წაიყვანაო, ნეტავი ცოცხალს მაინც მიუსწროსო.

მაშინ ამ კაცმა თქვა: წავალ სხვა ქვეყანაში, თუ იქაც ვნახე ამისთანა სულელი დედაკაცი, არ მოვკლავ ამას, თუ ვერ ვნახე, მოვალ და მოვკლავო.

წავიდა, მივიდა ერთ ქვეყანაში. ხელმწიფე მომკვდარიყო. გაიარა-გამოიარა ამ კაცმა სასახლის წინ, დაინახა ხელმწიფის ცოლმა და ჰკითხა: საიდან მოდიხარო?

კაცმა უპასუხა: იქიდანაო.

— მაშ, ჩემი ქმრის ამბავი გეცოდინებო, — უთხრა ხელმწიფის ცოლმა, — რა იცი ჩემი ქმრისაო?

კაცმა უთხრა: მშვიდობითააო, დამაბარა თავისი ლურჯა ცხენი, თავისი ტანისამოსი და ერთი სამასიოდღე თუმანიო.

გამოაყვანიდა დედაკაცმა ლურჯა ცხენი და მისცა. გამოატანინა და მისცა ერთი ხელი კარგი ტანისამოსი და სამასი თუმანი. მისი მაზლი მაშინ შინ არ იყო და, რომ მოვიდა, უთხრა: იცი, შენ ძმას კაცი გამოეგზავნა და დაებარებინა თავისი ლურჯა ცხენი, ერთი ხელი კარგი ტანისამოსი, სამასი თუმანი ფულიო და გავუგზავნეო.

ადგა მაშინვე ეს ხელმწიფის ძმა თავის ნაზირ-ვეზირებით და გამოუდგა იმ კაცს. კაცმა დაინახა ესენი, იფიქრა: ჩემ საძებნელად მოდიანო და უნდა ვუშველო თავს რამეო.

იქ ახლო, ჭალაში ერთი პატარა წისქვილი იყო. ცხენიდან ჩამოხტა, ცხენი ჭალაში გაუშვა, თვითონ წისქვილში შევიდა და მეწისქვილეს უთხრა: მოიჯარადრეები მოდიან, ვისაც ბევრი მინდი აუღია, იმათ თავებს სჭრიანო.

— მიშველე რამეო, — უთხრა მეწისქვილემ. — სად დავიმალეო?

— ემანდ ხაროში ჩაძვირო, — უთხრა კაცმა.

თვითონაც ფქვილი დაიყარა ტანისამოსზე და დაჯდა.

ჩაძვრა და დაიძალა მეწისქვილე. მოვიდა ხელმწიფის ძმა თავისი მხლებლებით და ჰკითხა: რა იქნა ის კაცი, ახლა რომ შემოვიდაო?

კაცმა თითოთ უჩვენა, ემანდ ხაროში არისო. დაადგა ზემოდან მეწისქვილეს ხელმწიფის ძმა და ეუბნება: ამოდი მალაო!

მეწისქვილე იქიდან ეფიცება: ღმერთმანი, ბევრი მინდი არ ამი-ლიაო.

ამ დროს ის კაცი გაიპარა გარეთ, შეჯდა ხელმწიფის ლურჯაზე და გაკურცხლა. ამოვიდა ხაროდან მეწისქვილე, ხელმწიფის ძმამ შეიტყო ყველაფერი, მაგრამ გვიანდა იყო.

მენახირის ქალი

იყო და არა იყო რა, ღეთის უკეთესი რა იქნებოდა. იყო ერთი ხელმწიფე. ჰყავდა ვაჟიშვილი, გულადი და ისეთი ლამაზი, რომ მასზე უკეთესი ვაჟი მთელ ქვეყანაზე არ მოიძებნებოდა. ბიჭი დასაქორწინებელი რომ გახდა, ხელმწიფემ დაიბარა და უთხრა: წადი, შვილო, და, ვინც მოგეწონოს, ის ითხოვეო.

ბიჭმა დაუჯერა მამას და გაუდგა გზას. დედამიწის ზურგი სულ შემოიარა, ბევრი ქალი ნახა, მაგრამ არც ერთი არ მოეწონა. ბოლოს, შეჯდა თავის მფრინავ რაშზე და გაფრთხიდა აღმოსავლეთით, ბედის მწერლის საძებრად. ცეცხლის მთა გადაიარა და პირდაპირ სამოთხის კარს მიაღწია. ისეთი სანახაობა გადაეშალა, რომ იქიდან კაცს წამოსვლა აღარ მოუნდებოდა. ბევრი საკვირველება ნახა. აქეთ-იქით გაიარ-გამოიარა და შეხვდა ერთ თეთრწვერა ბერიკაცს.

— ჯერ შენი დრო არ მოსულა და აქ რამ მოგიყვანაო, — ჰკითხა ბერიკაცმა.

— ბედის მწერალს დავეძებ, იქნებ იცნობდეთ, — უპასუხა ვაჟმა.

— ბედის მწერალი მე ვარ, რას თხოულობო! — უთხრა ბერიკაცმა.

ვაჟი მუხლებზე მოეხვია ბერიკაცს და ხვეწნით ჰკითხა:

— დედამიწა შემოვიარე და ქალი არ მომწონებია, მითხარი, ჩემი ბედი ვინ არისო!

— შენი ბედი ამა და ამ სოფლის ამა და ამ მენახირის ქალია, ის უნდა შეერთო, — უთხრა ბერიკაცმა.

ვაჟი გაბრაზდა და თქვა: ეგ ხომ ტყუილია, მენახირის ქალს მე არ შევირთავ, ახლავე წავალ, იმ ქალს მოვკლავ და ეგ იქნებაო.

გამოემშვიდობა ბერიკაცს, შეჯდა თავის რაშზე, გადმოიარა ცეცხლის მთა და პირდაპირ იმ მენახირეს მიადგა კარზე. დაუძახა, გარეთ გამოდიო. გამოვიდა სახლიდან ერთი საწყალი, კონკებში გახვეული ბერიკაცი, ბიჭს მიესალმა და ჰკითხა: რას მიბრძანებ, ხელმწიფის შვილო!

ვაჟმა უთხრა: შენი უფროსი ქალიშვილი მომეცი, ცოლად უნდა შევირთო.

— ჩემი ქალი რა შენი შესაფერისია, შენ ხელმწიფის შვილი ხარ, ის კი მენახირისა, ეგ როგორ იქნებაო! — გაკვირვებით ჰკითხა ბერიკაცმა.

— არა, ბედის მწერალმა მითხრა, უნდა შევირთო, — უთხრა ვაჟმა.

მენახირე დათანხმდა. შეიპატიჟა შინ. შუალამე რომ გახდა, ვაჟი წამოდგა, ქალს მუცელში ჩასცა ხანჯალი და მიაძახა: აი, თუ ჩემი ბედი ხარო?!

ქალმა კივილი მორთო: მიშველეთ, მომკლათ!

მენახირემ რის ვაივაგლახით ანთო კვარი და ნახა, ქალიშვილს მუცელი ჰქონდა გაფატრული. მამამ მაშინვე შეაბა ურემი, ქალი შიგ ჩასვა და ქალაქში წაიყვანა ექიმთან. შეხვდა ქალაქის უფროსს, რომელსაც ძალიან მოეწონა მენახირის ქალი და სთხოვა მამას: ეგ ქალი მე მომეცი, შვილი არა მყავს, მოვარჩენ, გავზრდი და გავათხოვებო.

მენახირეს რალა უნდა ექნა. დათანხმდა, გამოემშვიდობა თავის ქალიშვილს და შინ დაბრუნდა. მართლაც, ქალი მოარჩინა ქალაქის უფროსმა, ასწავლა და გაზარდა. სულ აბრეშუმის კაბებს უკერავდა. ეს ქალი ისეთი ლამაზი გახდა, რომ ქვეყანაზე უკეთესი ქალი არ მოიპოვებოდა.

ხელმწიფის შვილი კიდევ დადიოდა საცოლოს საძებრად. ბევრი ადგილი შემოეწვლია და უკანასკნელად ამ ქალაქს მოსდგომოდა. დაღლილ-დაქანცულს წყაროსთან დაესვენა. აბა, ნახე ბედი! სწორედ ამ დროს ეს ქალიც ამ წყაროსთან მოვიდა. მაშინვე იცნო ხელმწიფის შვილი, მაგრამ არაფერი უთხრა. ვაჟმა ვერ იცნო, მაგრამ ძალიან მოეწონა. მიიკითხ-მოიკითხა, ვინ არის, ვისი ასულიაო. ერთმა ბებერმა უთხრა: ჩვენი ქალაქის უფროსის ქალია, მან გაზარდაო.

ვაჟმა იფიქრა: აი, ვინ არის ჩემი შესაფერისი, სხვა რა-
ლად უნდა ვეძებო. რალა ბევრი გავაგრძელო, შეირთო ცოლად.
ერთხელაც ვაჟმა ქალს მუცელზე კრილობა შენიშნა.

— ეგ რა არისო? — ჰკითხა.

ქალმა გაიცინა და უპასუხა: შენ რომ ხანჯალი დამკარ, ის არის,
განა აღარ გახსოვსო? და უამბო თავგადასავალი.

ვაჟი ახლა კი დარწმუნდა, ბედს ვერავინ გაეჭყევავო, და ამის შემ-
დეგ ცოლ-ქმარი ბედნიერად ცხოვრობდა.

შერცხვენილი კაცი

ორი მონადირე იყო. მუდამ ტყეში დადიოდნენ და ერთად ნადი-
რობდნენ. ერთი მონადირის ცოლს საყვარელი ჰყავდა, მაგრამ ქმარ-
მა არაფერი იცოდა.

ერთხელ მეგობრები სანადიროდ იყვნენ ტყეში. ბევრი ნადირი
დახოცეს, ბევრი იხეტიალეს და კიდეც დაუღამდათ. თქვეს: მოდი,
ცეცხლი ავანთოთ, მწვადი შევწვათ, ვკამოთ და შინ მერე წავი-
დეთო.

არც ერთს არ აღმოაჩნდა ასანთი. დაინახეს, სადღაც შორს, ტყე-
ში ბოლი მოჩანდა. ერთი იქითკენ წავიდა ცეცხლის მოსატანად.
პეორე კი შეუდგა ხმელი ფიჩხის შეგროვებას.

წავიდა ერთი მონადირე. ბევრი იარა თუ ცოტა იარა, მივიდა იმ
ადგილას, სადაც ბოლი ამოდიოდა. მართლაც, ცეცხლი ენთო და
მასთან ერთი ბერიკაცი იჯდა. მიესალმა: — გამარჯობაო!

— გაგიმარჯოსო! რა გინდა, საიდან მოსულხარო? — ჰკითხა ბე-
რიკაცმა.

— მონადირე გახლავარ, ასანთი არა მაქვს, ცეცხლისთვის მო-
ვედიო, — უთხრა ამ კაცმა.

— რახან მონადირე ყოფილხარ, ერთი მთვარეს შემიხედე და
გამიგე, სადაროა თუ საავდრო, — უთხრა ბერიკაცმა.

მონადირემ დაიღო შუბლზე ხელი და უპასუხა: საავდროაო.
ამის თქმაზე ბერიკაცმა გადაჰკრა წვეპლა და მონადირე ვირად
აქცია. დადგა ვირი იქვე, აზრი კაცისა აქვს, სახე — ვირისა.

მეგობარი ელოდება ტყეში. უცადა, უცადა და, რომ აღარ დაბ-
რუნდა, წავიდა საქებრად. მოვიდა ისიც ბერიკაცთან. ისიც მიე-
სალმა:

— გამარჯობა!

— გაგიმარჯოსო!

— რა გინდა, საიდან მოსულხარ, რა გაგჭირვებიაო? — ჰკითხა ბერიკაცმა.

— მონადირე გახლავარ, მეგობარი გამოვგზავნე ცეცხლისთვის, აქ ხომ არ მოსულაო?

— რახან მონადირე ყოფილხარ, ერთი მთვარეს შეხედე და გამიგე, სადაროა თუ საავდრო, — უთხრა ბერიკაცმა.

— შე კაცო, მე რომ მაგის გაგება შემეძლოს, მაშინ აქ, ტყეში კი აღარ ვიქნები, ხელმწიფობას მომცემდნენო, — უთხრა მონადირემ.

ბერიკაცს მოეწონა მისი პასუხი, მისცა ცეცხლი და ვირიც აიუქა. წამოვიდა მონადირე, წამოიყვანა ვირი. ანთო ცეცხლი. შეწვა მწვადი. ვირი დგას ყურებჩამოყრილი, გონება ადამიანისა აქვს, მაგრამ ლაპარაკი არ შეუძლია.

გვიან ღამით აკიდა ვირს ნანადირევი და წამოვიდა შინ. ვირს ტვირთი მოხადა და გაუშვა ეზოში, ვირი კი მაშინვე სახლისაკენ გაიქცა, პირდაპირ საწოლ ოთახში შევარდა. მაგრამ ვაი იმ სანახავს, რაც თვალწინ წარმოუდგა: მის ცოლს გვერდზე საყვარელი ეწვა და ეალერსებოდა. გამწარებულმა ვირმა ყროყინი დაიწყო. წამოვარდა ცოლი, წაშოავლო ცულს ხელი და გამოუდგა ვირს: საიდან მოთრეულხარ, აქედან დაიქარგეო!

ვირი წამოვიდა ამხანაგთან, გაჩერდა მის კარებზე და ჩამოყარა ყურები. არის დაღონებული. შეებრაღა კაცს. რა იცის, რასა სთხოვს. იფიქრა, მეგობარი უნდა მოვძებნო, და ისევ წავიდა იმ ბერიკაცთან. ვირი წინ-წინ გაიქცა. მივიდა ბერიკაცთან და დაუწოქა მუხლებზე. ბერიკაცმა ახლა გადაჰკრა წიკვლა, ისევ ადამიანად აქცია და ჰკითხა:

— შინ რომ გაიქეცი, რა ნახე, ტყუილი არ თქვა, არაფერი დამიმალოო?

მონადირემ უთხრა:

— ჩემს ცოლს გვერდზე საყვარელი ეწვა და ეალერსებოდაო.

— შე კაი კაცო, შენ თუ საკუთარი ცოლის არა იცი რა, მთვარისა რა გეცოდინებოდა, — უთხრა ბერიკაცმა, — ამის შემდეგ ტყუილი აღარა სთქვა, ახლა კი წადიო.

მონადირე წამოვიდა შინ შერცხვენილი. ცოლი გააძევა და შემდეგ ტყუილი აღარ წამოსცდენია.

ვირი იქ დავტოვე,
ლხინი აქ მოვიტანე.

ბატონი და მოჯამაგირე

იყო ერთი ბატონი. გულადი და ამაყი, მოქეიფე და მოჯირითე. ძალიან უყვარდა ცხენით სეირნობა. თავისი იორლა მთელ ქვეყანას ერჩია.

ერთ დღეს შეკაზმა, დაადგა ოქროს უნაგირი, წაიღო ორი დღის საგზალი, წაიყვანა თან ერთი მოჯამაგირე და გაემგზავრა მეზობელი ბატონისაკენ.

ბევრი იარა თუ ცოტა იარა, ერთ სოფელში დაუღამდათ. ერთ ოჯახში ჩამოხტა ღამის გასათევად. თვითონ ოღაში მიიწვიეს, მოჯამაგირე კი ცხენთან დატოვა. მშვენიერი, ვარსკვლავებით მოჭედოლი ღამე იყო.

— ბიჭო, ღმერთი არ გაგიწყურეს, არ დაიძინო, თორემ ცხენს ვინმე მოგპარავსო, — გაათრთხილა მოჯამაგირე.

— საკუთარ თავსავით მოვუფრთხილდები, ტკბილად დაიძინეთ, არ შეწუხდეთო. — უპასუხა მოჯამაგირემ.

ბატონი დაწვა დასაძინებლად. ყველას რომ დაეძინა, ბატონი წამოდგა, მივიდა სარკმელთან და გადასძახა მოჯამაგირეს:

— ბიჭო, გძინავს?

— არა, ბატონო, რა დამაძინებს, ვფიქრობ!

— რაზე ფიქრობ, რა გაქვს სადარღებელი?

— ამ დიდებულ ღმერთს ეს ამოდენა ცა რომ გაუჩენია, რატომ ძირს არ ვარდება, ამაზე ვფიქრობ.

— ჰო, კარგია, იფიქრე, იფიქრე. ოღონდ არ დაიძინო, ცხენს მოუფრთხილდი!

დამშვიდებულ ბატონს ჩაეძინა. შუალამისას გამოელვია, მივიდა სარკმელთან და ისევ გადასძახა მოჯამაგირეს:

— ბიჭო, გძინავს?

— არა, ბატონო, რა დამაძინებს, ვფიქრობ!

— რაზე ფიქრობ, რა გაქვს სადარღებელი?

— ამ დიდებულ ღმერთს ცაზე რომ ვარსკვლავები ჩაუმწყვრივებია, რატომ დაბლა არ ცვივა, ამაზე ვფიქრობ.

— ჰო, კარგია, იფიქრე, იფიქრე, ოღონდ არ დაგეძინოს და ცხენი არავინ მოგპაროს! — უთხრა ბატონმა და ისევ დაიძინა.

გათენებისას ბატონს კვლავ გამოელვია, მივიდა სარკმელთან და გადასძახა მოჯამაგირეს:

— ბიჭო, გძინავს?

— არა, ბატონო, რა დამაძინებს, ვფიქრობ!

— რაზე ფიქრობ, კიდეც რაღა გაქვს სადარღებელი?

— შენი ცხენი ვილაცას მოუპარავს და ახლა იმაზე ვფიქრობ, ეს ოქროს უნაგირი როგორ ვზიდოო. — უპასუხა მოჯამაგირემ.

ამის გამგონე ბატონმა შემოირტყა თავზე ხელი, მაგრამ რაღას იზამდა. დილით აპკიდა ოქროს უნაგირი მოჯამაგირეს და სახლისაკენ წამოვიდა დაღონებულ-გამწარებული.

ასეთ მზეს რა გაუძლებსო?!

ერთ სოფელში ერთი ზარმაცი კაცი იყო. დღედაღამ იწვა და ეძინა, ცოლ-შვილი კი მშვიერი და გაწვალებული ჰყავდა.

ერთ დღეს ცოლმა უთხრა: კაცო, შენ სულ გძინავს და არაფერს აკეთებ, აბა, ასე როგორ იქნება. ხომ ხედავ, აგერ როგორი ზამთარი მოვიდა, სიცივით ხომ არ უნდა დაგვხოცო, შეშის მოტანა მაინც ხომ შეგიძლია, ხელი გაანძრიეო!

ზარმაცმა უპასუხა: მოიცადე, ქალო, ცოტა კიდეც, აგერ ზაფხული მოვა, ამ ზამთარში წვალებას როგორ დავივიწყებ, ზაფხულში სულ შეშის ზიდვაში ვიქნებიო.

გავიდა ზამთარი, ცოლ-ქმარს სული ძლივსღა შერჩათ. ცოლმა ისევ უთხრა ქმარს: აი, ახლა შეიძლება შეშის მოტანა და ზამთარისათვის მომარაგება, ხელი გაანძრიე, ნულარ იგვიანებო.

ზარმაცი ისევ მხართეძოზე წამოწვა. ცოლმა კვლავ უსაყვედურა: რატომ გძინავს, რატომ არ ამზადებ შეშას ზამთარისათვის, ახლა ხომ თოვლი არ არის, თბილაო?

— შენ სულელი ხომ არა ხარ, ქალო, ვერა ხედავ, როგორი სიცხეა, განა ასეთ მზეს თოვლი გაუძლებსო?! — უპასუხა ცოლს და არხეინად დაიძინა.

სამი ზარმაცი და ხანძარი

იყო სამი ძმა, სამივე ერთიმეორეზე უფრო ზარმაცი. დილიდან ხალამომდის სამივე იატაკზე იყო გაუძვართული. თუ ვინმე პირში პურს არ ჩაუდებდა, მშვივრები დაიხოცებოდნენ.

ერთ დღეს სახლიდან ყველა წავიდა. შინ მარტო ზარმაცი ძმები

დარჩნენ. მეორე ოთახში ბუხრიდან ნაპერწკალი გადმოვარდა და ხანძარი გაჩნდა. შავი ბოლი რომ შევიდა ამ ზარმაცების ოთახში, მხოლოდ მაშინ მიხვდნენ, რომ ხანძარი გაჩენილაო. დაიწყო უფროსმა ძმამ ყვირილი: დედაა, მამაა, სახლს ცეცხლი გაუჩნდა, ვიწვითო!

შემდეგ უმცროსმა დაიწყო ყვირილი: ვიწვით, მოგვეშველეთო!

შუათანა ძმა ისეთი ზარმაცი იყო, რომ ყვირილიც შეეზარა და ძმებს შეეხვეწა: მოდა, ჩემ მაგივრადაც თქვენ იყვირეთო!

უფროსსა და უმცროს ძმას ხმა რომ ჩაუწყდათ ყვირილით, სწორედ იმ დროს მოუხსწრეს მეზობლებმა და ძლივს გადაარჩინეს ზარმაცი ძმები. ძმები კი გამოიყვანეს, მაგრამ სახლს ველარაფერი უშველეს: ფერფლად იქცა.

ერთგული ძმარი და მოღალატე ცოლი

ერთმა ცოლმა და ქმარმა ფიცი დადეს: თუ ერთი რომელიმე ჩვენთაგანი აღრე მოკვდეს, მეორემ პატივი სცეს, ხელახლა აღარ დაქორწინდეს. ქვრივად დაბერდესო. ჯერ ქალმა შეჰფიცა: ჩემს სიცოცხლეში შენ მიყვარდი, მიყვარხარ და, რომ მოკვდე, მაშინაც მეყვარები, შენს მეტს აღარავის გავყვებიო. ასევე ქმარმაც მისცა ფიცი, არავის ვითხოვო.

არ გასულა დიდი ხანი და უცებ გარდაიცვალა ცოლი. კაცმა, რაც წესი იყო, ყველაფერი შეასრულა, მდიდრულად დაასაფლავა. ქალის ცოდვითა და სიყვარულით არ შორდება საფლავს, დღედაღამ საფლავზე წევს და დასტირის საყვარელ ცოლს.

ამ დროს გამოიარა ერთმა მგზავრმა და ასეთი ტირილის მიზეზი ჰკითხა. მოტირალმა ყველაფერი უამბო. მგზავრმა უთხრა: შენ ოთხმოც წელიწადს კიდევ იცოცხლებ, სთხოვე ღმერთს, რომ ნახევარს შენს ცოლს დაუთმობ და გააცოცხლებსო.

აღგა ეს კაცი და შეეხვეწა ღმერთს: გამჩენლო ღმერთო, მე რამდენიც უნდა ვიცოცხლო, შუაზე გაყავი და ნახევარი ჩემს ცოლს უწილადეო.

ამის თქმა და ქალის საფლავიდან ამოდგომა ერთი იყო. გაიხარა ცოლ-ქმარმა და სიცილ-კისკისით სახლისკენ გასწია.

გზაში ქმარმა ქალი შეაჩერა და უთხრა: ერთი კვირა არ მიძინია, რაც შენ მოკვდი, მოდი, ჩამოვსხდეთ აგერ ქვაზე, შენს კალთაში თავს ჩავლებ და ცოტას ჩავთვლემო.

დაიძინა კაცმა ქალის კალთაში. ამ დროს გამოიარა ცხენიანმა კაცმა, რომელიც თავიდან ფეხებამდის ოქრო-ვერცხლის ტანსაცმელში იყო გამოწყობილი. ძალიან მოეწონა ქალი და დაუძახა: რას ჩაგიდგია ძაღლის თავი კალთაში, მორი, ცოლად გამომყევ და ჩიტის რძეს არ მოგაკლებო.

ქალმა ქმარს თავი წამოუწია, თავქვეშ ქვა შეუღო, შემოუჭდა ამ კაცს ცხენზე უკან და წაჰყვა.

გავიდა ცოტა ხანი. ამ კაცს გამოეღვიძა, მაგრამ რას ხედავს მისი თვალები! ცოლის კალთის მაგიერ თავი ქვაზე აქვს დადებული, ქალი არსად ჩანს. კაცს ეს კიდევ ეწყინა და კიდევ გაუკვირდა. მთელი სოფელი დაიარა, მაგრამ ქალის კვალს ვერ მიაგნო. გადავიდა სხვა სოფელში, ვერა და ვერ იპოვა, ქალი არსად ჩანს.

ერთ დღეს რომელიღაც სოფელში დაუღამდა. მიადგა ორსართულიან სახლს. დაინახა, რომ მისი ცოლი აივანს გვიდა. ხომ არ მომეჩვენაო, იფიქრა, დააკვირდა კარგად, იცნო: ნამდვილად მისი ცოლია. ქალმა ნაქმრევს რომ თვალი მოჰკრა, იქიდან გაიქცა. კაცმა იფიქრა: ამ დამეს აქ გვათავე, ქალი გამოჩნდება, მიცნობს და გამომყვება უკან, რა გული მოუთმენს, ჩემი დარჩენილი სიცოცხლის ნახევარი ხომ მას დავუთმეო!

დაუძახა მასპინძელს, დამის გათევა სთხოვა. სახლის პატრონმაც შეიპატიჟა, მასპინძელმა სტუმარს სუფრა გაუშალა. კაცი გაკვირვებულია, რატომ ქალმა არ გაშალა სუფრა, რატომ მერიდებო.

გათენდა დილა. ქალი კიდევ არა ჩანს. ადგა ეს კაცი და ხელმწიფესთან იჩივლა: ამა და ამ კაცმა ცოლი წამართვა, ჩემი კანონიერი მეუღლე დამიბრუნეთო.

ხელმწიფემ დაიბარა ქალი და მისი ახალი ქმარი. ქალს დაუპირდაპირა ეს კაცები: რომელია შენი ქმარი, რომელს გინდა გაუწიო ცოლობაო.

ქალმა პირვანდელი კანონიერი ქმრისკენ ხელი გაიშვირა და თქვა: მე ამ კაცს სულ არ ვიცნობ, მას პირველად ვხედავ, რამდენ კაცსაც მოვეწონები, ყველას ცოლად ხომ არ გავყვებიო?!

ხელმწიფემ დაუძახა ჯალათებს: ახლავე ჩამოახრჩვეთ ეს კაცი ასეთი ტყუილის თქმისათვისო.

კაცი შეეხვეწა ხელმწიფეს, სიკვდილის წინ ერთი სიტყვა მაინც მათქმევინეთო. ხელმწიფემ ნება დართო და კაცმაც თქვა: მე მაგ ქალს ჩემი სიცოცხლის ნახევარი ვუწილადე და ახლა ქმრად აღარა მცნობსო?! ღმერთო გამჩენლო, ნუ შეარჩენ ჩემს გამასხარავებას

მაგ ქალს, აღარა ვარ თანახმა, ჩემი სიცოცხლის ნახევარი მაგას მოვაკუთვნო!

კაცმა დაამთავრა თუ არა ეს სიტყვა, ქალი უსულოდ დაეცა იატაკზე.

მოჯამაგირე და ოქროს ხანჯალი

იყო და არა იყო რა, იყო ერთი მოჯამაგირე. დღესა და ღამეს ასწორებდა მუშაობით. ნამოჯამაგირალით ოქროს ხანჯალი იყიდა და შესანახად ბატონს მიაბარა. ბატონმაც უთხრა: როცა დაგჭირდეს, შეილო, მითხარი და დაგიბრუნებო.

გავიდა ხანი. ერთ დღეს მოჯამაგირე მივიდა ბატონთან და თავისი ოქროს ხანჯალი მოსთხოვა. ბატონმა ქვა ააგდო და თავი შეუშვირა: რა მოგიბარებია, რასა მთხოვო! პანდური ამოჰკრა და გარეთ გამოაგდო, მეტი აღარ გაბედო ასეთი რამე, მოჯამაგირეს ოქროს ხანჯალი ვინ მისცაო!

წამოვიდა გამწარებული და დაღონებული მოჯამაგირე. კი უნდოდა, ყელში სწვდომოდა მატყუარა ბატონს, ერთ გულის ჯავრს მაინც ამოვიყრიო, მაგრამ ვიღამ დააცადა. აიღეს და გარეთ გამოაგდეს. დადიოდა სოფელში მოჯამაგირე და თავის გაჭირვებას ხალხს შესჩიოდა.

ერთი მეზობლის ქალს შეებრაღა მოჯამაგირე. დაისვა და ყველაფერი დაწვრილებით გამოჰკითხა. ისიც კარგად იცნობდა წყეულ ბატონს, მასაც სხენაირი თვალით უცქეროდა ბატონი, მაგრამ ვერა დააკლო რა. „მოდო, ამ საწყალ ბიქს დავეხმარები და წყეულ ბატონებზეც შურს ვიძიებო“, — იფიქრა.

მოჯამაგირე დაარჩია: წამომყევი, მე ბატონთან შევალ, შენ ჩუმაღ უკან დადექი, როცა გავესაუბრები, შემოდი და ხანჯალი მოსთხოვე, თუ არ მოგცეს, მე ვიციო.

ასეც მოიქცნენ. ქალი ბატონთან წავიდა. გაღიმებული მიდიოდა. ბატონი მაშინვე გამოეგება, აი, ამ დღეს ველოდი და მოვესწარო! ქალი გვერდზე მოუჯდა ბატონს და თითქოს რაღაც უნდა ეთქვა, რომ ამ დროს მოჯამაგირე გამოჩნდა.

— ბატონო, ცოდვას ნუ ჩაიდენ, დამიბრუნე ჩემი ოქროს ხანჯალი, რად მართმევო!

ბატონს სახეზე მრისხანება დაეტყო და ზეზე წამოვარდა, მაგრამ უცებ თვალი მოჰკრა გაღიმებულ ქალს, შერცხვა, ეგ ქალი რას ატყვის, მიბარებული ნივთი თუ პატრონს არ დაევებრუნე. ძუნწად ჩამთვლისო და მაშინვე გამოუტანა ოქროს ხანჯალი.

მოჯამაგირემ ხელი დაავლო თავის ხანჯალს და ერთი ჩამოუარა. მას ქალიც აჰყვა. მშვენიერი ცეკვა გაიპართა. ბატონი ტაშს უკრავდა. ქალმა ერთი გადაიკისკისა და ბატონს უთხრა: ჩვენ ჩვენი საქმე გავაკეთეთ, შენ კი რაღა ტაშს უკრავ, წყეული იყოს შენი სახელიო!

ჩაავლო მოჯამაგირეს ხელი და გამოიქცა. ბატონი დარჩა ხახა-მშრალი, დაკარგა ოქროს ხანჯალიცა და ქალიც.

მოჯამაგირე და ეს ქალი დაქორწინდნენ. გამართეს სახლ-კარი და ბედნიერად იცხოვრეს.

ცხრა ძმა და მათი დედინაცვალი

იყო და არა იყო რა, ცხოვრობდა ერთი მშრომელი კაცი. ცხრა ვაჟიშვილი ჰყავდა, ყველა კარგი მონადირე. ცოლი ალრე მოუყვდა და შვილები თვითონ გამოზარდა. მოგვიანებით შეირთო მეორე ცოლი. დედინაცვალი კუდიანი და ავი გამოდგა. გერები სძულდა, მაგრამ, რაღას დააკლებდა: ყველა მოზრდილი იყო.

მამა მოხუცდა. დაიბარა შვილები და უთხრა: ხვალ სანადიროდ რომ წახვიდეთ, საღამოს თვითეულმა ტყიდან თითო სახრე მომიტანეთ.

ძმები წავიდნენ, კარგად ინადირეს, საღამოთი დაჭრეს სახრეები და მამას მიუტანეს. მამამ შეკრა სახრეები ერთად, მაგრად მოუჭირა ბაწარი, მისცა უფროს ვაჟს და უთხრა: აბა, შვილო, ზაიდღე მუხლზე და გადატეხეო.

ბიჭმა დაიდო მუხლებზე, მაგრამ ვერ გადატეხა. ცხრავე ძმამ ჩამოირიგა, მაგრამ ვერცერთმა ვერ გატეხა.

— აი, ხომ ხედავთ, ერთად შეკრული ცხრა სახრე ვერ გატეხეთ. თუ თქვენც, ძმები, ერთად იქნებით, მტერი ვერ დაგაჩაგრავთ, თუ არა, მტერი დაგძლევთო. წადით ახლა, დაიარეთ ყველა კუთხე, სადაც ცხრა და ნახოთ, ცოლებად წამოიყვანეთო,—უთხრა მამამ შვილებს.

ძმები წავიდნენ. ბევრი იარეს, ბევრი სოფელი და ქალაქი გაიარეს და ერთ სოფელში ნახეს ღარიბ გლეხს რვა ქალი ჰყავდა. რვა ძმამ წამოიყვანა რვა ქალი, უმცროსი ძმა დარჩა უცოლოდ. მოვიდ-

ნენ თავიანთ სოფელში. მეზობელს ერთი კაი გოგო ჰყავდა, დასტაცეს ხელი და უმცროს ძმას ცოლად მოუყვანეს. ცხრანივე დაქორწინდნენ. ნაღირობდნენ და ბედნიერად ცხოვრობდნენ.

ძამა მოუკვდათ და საკადრისად დაასაფლავეს. დარჩათ კუდიანი დედინაცვალი. გერები ახლა უფრო შეიძულა. დედინაცვალმა რძლებს საყვარლები გაუჩინა. უმცროსმა რძალმა სხვა კაცი არ მიიკარა, დაჯდა სახლში და ნაცარს ქექავდა. სხვა რძლები კი, როცა ქმრები სანადიროდ წავიდოდნენ, საყვარლებში დროს ატარებდნენ. ქმრები რომ მოვიდოდნენ, მხიარულად ხვდებოდნენ, ნანადირევს ჩამოართმევდნენ და სიცილ-კისკისს ატეხდნენ. უმცროსი რძალი მუდამ მოწყენილი იყო. ერთ დღეს ქმარმა ჰკითხა:

— ყველა მხიარულობს. შენ რად ხარ ასე მოწყენილი. რად არ მეტყვი, რა გაწუხებს?

ჯერ ვერ გაუბედა ქმარს ყველაფრის თქმა. შემდეგ კი უთხრა:

— ხვალ სანადიროდ რომ წახვალთ, შენ ჩუმად ადრე მოდი სახლში და ჩემი დაღონების მიზეზს გაიგებო.

კუდიანმა დედინაცვალმა ეს გაიგო. ერდოიანი სახლი ჰქონდათ. წაიღო ნაცარი და ირგვლივ შემოაყარა: თუ ვინმე მოვა, გავიგებო.

უმცროსი ძმა მეორე დღეს გაჰყვა ძმებს სანადიროდ. შუა გზაზე რომ მივიდნენ, ძმებს უთხრა: შინ მშვილდისარი დამრჩა, დავბრუნდები და დაგეწევითო.

სანამ ეს დაბრუნდებოდა, საყვარლები მოსულან და რძლები მათთან დროს ატარებენ. უმცროსმა ძმამ დაინახა, რძლები საყვარლებს ეალერსებიან, მისი ცოლი კი ნაცარში ზის დაღონებული. დარწმუნდა ცოლის სიმართლეში, არავის ეჩვენა, წითლის ძირში ისარი დაარქო სანიშნოდ და ძმებთან გაბრუნდა.

კუდიანი დედინაცვალი გამოვიდა. ნაცარი დათვალიერა. ნახა ნაკვალევი, გაზომა და ზომა შეინახა. საღამოს ძმები რომ დაბრუნდნენ, დედინაცვალმა უთხრა მათ: აბა, შვილებო, ფეხები უნდა დაგიზომოთ, წინდები უნდა დაგიქსოვოთო.

აულო ყველას ფეხის ზომა. უმცროსი ძმის ფეხი მოერგო მის ზომას. ძმებს უთხრა: — ხვალ უმცროსი ძმა შინ დატოვებთ, საფქვავე უნდა წაიღოს, ფქვილი სულ არა გვაქვსო.

დარჩა მეორე დღეს შინ უმცროსი ძმა. წაიღო წისქვილში საფქვავე. ეს ბიჭი ისეთი ღონიერი იყო, რომ ცხრა კაცი ხელს ვერ მოჰკიდებდა. საფქვავე მეწისქვილეს ჩააბარა, თვითონ ჩეროში წამოწვა და დაიძინა. ჩაისუნთქავს, ხეები აქეთ გადმოიხრება, ამოისუნთქავს — ხეები გაიმართება. სძინავს არხეინად.

ამ დროს დედინაცვალთან ხელმწიფის კაცები მოვიდნენ და კითხეს: ხელმწიფეს ცალი თვალი დაუშავდა, იქნებ წამალი გვასწავლოთ, რომ მოვარჩინოთ!

დედინაცვალს გულში უმცროსი ძმის დალატი ედო და უთხრა: ამა და ამ წისქვილში ერთმა ყმაწვილმა საფქვეცი წაიღო, მას იქ ახლა ხის ჩეროში სძინავს. თუ მოჰკლავთ და მის გულ-ღვიძლს ხელმწიფეს თვალეზე მოუხვამთ, ბრმა თვალი აეხილებაო.

ხელმწიფის კაცები გამოემშვიდობნენ კუდიან დედინაცვალს და წისქვილისაკენ წავიდნენ. ნახეს, მთაკაცს სძინავს: ჩაისუნთქავს, ხეები მისკენ გადაიხრება, ამოისუნთქავს, ხეები გაიმართება. უნდა მოეკლათ, მაგრამ ერთმა თქვა: ასეთი ვაჟკაცის მოკვლა როგორ იქნება, გავაღვიძოთ, იქნებ მან სხვა წამალი გვასწავლოსო.

გააღვიძეს. უმცროსმა ძმამ თვალეები ამოიფშენიბა, აქეთოქით მიიხედ-მოიხედა, ხელმწიფის კაცებს ზრდილობიანად მიესალმა. მათ უთხრეს: ხელმწიფე დაგვიბრძავდა, იქნებ წამალი რამე გვასწავლოო.

— ახლავე მოვდივარ, მე მოვარჩენო. — უთხრა ბიჭმა.

წავიდნენ. ცოტა გზა რომ გაიარეს, ხელმწიფეს თვალეებში შუქი მიეცა.

— რაღაც ამბავია ჩემ თავსო! — თქვა.

უმცროსმა ძმამ შედგა ფეხი თუ არა ხელმწიფის სასახლეში, ხელმწიფეს სულ აეხილა თვალი. სტუმარი სიხარულით მიიღო. კარგად გაუმასპინძლდა: ერთი კვირა სულ აქეიფა. ბოლოს, ხელმწიფემ უთხრა: ამა და ამ მთაში ცხენი გამეჩქა. ცხრა კვიცი შობა ერთმანეთზე უკეთესი. თუ იმ ცხენს დაიჭერ, ცხენი მე და კვიცები შენაო.

უმცროსმა ძმამ წაიღო სამი ღლის საგზალი და გზას გაუდგა. ერთ მაღალ მთაზე დაინახა, ცხენი ბალახს სძოვდა და ცხრა კვიცი უკან ედგა. ესროლა ბიჭმა ქამანდი და ცხენი დაიჭირა. მაგრად ჩააბა ქამანდი, დაიჭირა კვიცებიც და ხელმწიფეს მოუყვანა. ხელმწიფის სიხარულს საზღვარი აღარ ჰქონდა. მთელი კვირა წვეულება და ქეიფი გრძელდებოდა.

— გხედავ, ნამდვილი ვაჟკაცი ხარ; ამა და ამ ზღვის პირას ვაზი მაქვს გაშენებული, ვაზს ფუტკარი დაეხვია და ვერავინ ეკარება, იქნებ მიწოდან ამოგლიჯო ის ვაზი და აქ მომიტანოო. — უთხრა ხელმწიფემ.

მეორე დღეს უმცროსმა ძმამ შეკაზმა მის მიერ მოყვანილი ცხენი, წაიღო სამი ღლის საგზალი და გზას ვაუდგა. ვაზს რომ

მოუახლოვდა, მინდორში დაკრიფა ყვავილები, შეკრა კონები, ჰკრადეზი ცხენსა და ვაზთან მიაგდო. ფუტკარი ყვავილის კონებს დაეხვია, ბიჭმა ამოგლიჯა ძირიანად ვაზი და უკანვე გამოქუსლა. მართვა ხელმწიფეს მისი საყვარელი ვაზი. ხელმწიფემ ძალიან გაიხარა. დააჯილდოვა ეს ბიჭი და თან ცხრა კვიციც გამოატანა.

უმცროს ძმას სახლი მონატრებოდა. მოაქროლებდა ცხრა კვიცს და მოიჩქაროდა. გადაწყვიტა, ძმებისათვის ტყეში მიესწრო და ყველაფერი ეთქვა.

მაღალ მთაზე დაინახა თავისი ძმები: წინ ირემი გამოეგდოთ და უკან დაღვენებოდნენ. მათ იცნეს უმცროსი ძმა და გადაეხვივნენ. დასხდნენ და თავგადასავალი გამოჰკითხეს. უმცროსმა ძმამ ყველაფერი უამბო, მაგრამ დედინაცვლისა და რძლების ღალატზე მაინც ვერ ამოიღო ხმა. ჯერ კიდევ შუაღლე არ გადასულიყო, მაგრამ შინ დაბრუნდნენ. ძმებს თითო-თითო კვიცი დაურიგა. წიფლის ძირში რომ მოვიდნენ, ამ ბიჭმა ძმებს უთხრა: თუ ვაყვაცები ხართ, ამოიღეთ ისარი, ეს ჩემი დაკრულია სანიშნოდ.

ძმები სწვდნენ, მაგრამ ვერ ამოიღეს მიწიდან. უმცროსმა ძმამ წამოჰკრა ნეკი და ამოაძრო.

— ახლა შედით სახლში და, რაც ნახოთ, დამნაშავეები არ დაინდოთო, — უთხრა ძმებს. თვითონ კი სამზარეულოში შევიდა, სადაც მისი ცოლი მოწყენილი იჯდა და ნაცარს ქეჩავდა.

ძმები სახლში შეიჭრნენ. ნახეს, მათ ცოლებს საყვარლები მოუპატიყებიათ და ქეიფობენ. დაერივნენ და სულ დახოცეს. ჟუღიანი დედინაცვალი ზედ მიაყოლეს. უმცროსი ძმალი დასავით შეიყვარეს და შემდეგ ბედნიერად იცხოვრეს.

კირი იქა, ლხინი აქა.

333 პარი

იყო ერთი მდიდარი ვაჭარი, ისეთი. მდიდარი, რომ ბაღალი იშვიათად მოეძებნებოდა მთელ ქვეყანაზე.

ვაჭარი დადიოდა სოფელ-სოფელ და ვაჭრობდა.

ერთხელ ვაჭარმა იფიქრა: მოდი, ახლა სადმე შორს წავალო.

აჰქვდა თავის ჯორს ერთი საპალნე ოქრო-ვერცხლი, თან საგზალიც წაიღო და წავიდა.

იარა, იარა და მივიდა ერთ უდაბურ ტყეში. დამდებოდა, ის დრო

იყო. რა უნდა ექნა, თვითონ კი ავიდოდა ხეზე, მაგრამ ჯორს ხომ ვერ აიყვანდა! გავიდა ხანი და ისე დაღამდა, ისე, რომ სულ და-
ღურსკუშდა, თვალში თითს ვერ იკრავდა კაცი. ვაჭარმა შემოჰკრა
შათრახი ჯორს და წავიდა.

იმდენი იარა, იმდენი იარა, რომ ბოლოს გავიდა ამ ბნელი ტყე-
დან. გაიხედა და დაინახა, ერთი პატარა ორლობე.

დაადგა ამ ორლობეს და გაჰყვა. დაინახა ერთი პატარა ჯარგვა-
ლი. იქით-აქეთ კი სულ ტყეა. ვაჭარმა ჯორი პირდაპირ ჯარგვლისა-
კენ წაიყვანა.

დაძახებისთანავე ჯარგვიდან ერთი ისეთი კაცი გამოვიდა, ისე-
თი, რომ სულ კონკებში იყო გამოხვეული.

— რა გინდაო? — ჰკითხა ამ მოხუცებულმა კაცმა ვაჭარს.

— თუ შეიძლება, მიქენი სიკეთე და ღამე გამათევინეო, —
შეეხვეწა ვაჭარი.

— სამი კი არა, ორი სული ძლივს ვეტივით ამ ჯარგვალშიო, —
უთხრა მოხუცებულმა, — ცოლი ავადა მყავს და ძალიან შეწუხდე-
ბაო.

რა უნდა ექნა ვაჭარს? წასვლა შეუძლებელი იყო, რადგან ახლო-
მახლო სოფელი არ იყო. ბევრს ეხვეწა ვაჭარი. ბოლოს, ხუთ ოქ-
როს დაჰპირდა და ასე იყო, თუ ისე, დაითანხმა, მაგრამ ჯარგვლის
პატრონმა უთხრა: აივანზე თუ გაათევ ღამეს, თორემ შინ ვერ
შოთავსდებიო.

— ოღონდ გამათევინე ღამე და, თუ გინდა, სხვენზე დავიძინებ
ამ ცხემლისჭრა საღამოსო.

ვაჭარმა ჯორს საპალნე მოხსნა, ჩალა დაუყარა და შეჰყვა მო-
წუცებულს. თურმე ამ მოხუცებული კაცის ცოლი ორსულად ყო-
ფილა. რომ დაღამდა, ჯერ აგუნა გადაიძახეს, მერე ვახშამი ჰამეს.
შუაღამეც შეიქნა და ძილის დრო მოახლოვდა. ვაჭარი გამოვიდა
გარეთ, მოხადა ჯორს ნაბადი და აივანზე მიწვა. გათენების ხანმა
რომ მოაღწია, ბერიკაცმა გამოაღო კარი, გამოვარდა გარეთ, მი-
ვარდა ვაჭართან და გააღვიძა: — ჩემი ცოლი მორჩა და ყარაფინა
შათხოვეო.

ვაჭარმა გამოათრია სასთუმლიდან ყარაფინა და ერთი ისეთი
ბეჭეა, რომ სულ გააყრუა იჭაურობა. მერე ჰკითხა:

— ბიჭია, თუ ქალიო?

— ბიჭიაო, — უთხრა ბერიკაცმა და ერთი ბერიკაცმაც გაის-
როლა.

მორჩნენ საქმეს, მერე დაწვნენ და დაიძინეს. ვაჭარმა თვალი რომ

მიღულა, მოფრინდა ორი ანგელოზი და შეექმნათ დავა ერთიმეორეში. თურმე ამ ანგელოზებს ახალ დაბადებული ბავშვის ბედი უნდა ჩაეწერათ ბედის წიგნში. ერთი ლაპარაკობდა: ამ ბავშვის ბედი ასეთი უნდა იყოს: თორმეტი წლის რომ შეიქნეს, ან ხიდან ჩამოვარდეს, ან წყალში დაიხრჩოსო.

მეორე ანგელოზი ამბობდა: ამ ბავშვის ბედი უნდა ასეთი იყოს: ამ ვაჭრის მთელი ქონება მის ხელში გადავიდესო.

ბევრი იღავეს და ბოლოს, დიდი ლაპარაკის შემდეგ, ჩაწერეს ბედის წიგნში: რაც ვაჭარს ქონება აქვს, მთელი მიისი სიმდიდრე გადავიდეს ამ ბავშვის ხელშიო.

ანგელოზებმა მოათავეს ლაპარაკი და გაუჩინარდნენ. ვაჭარი ყურს უგდებდა მათ. ამ დროს კიდეც გათენდა და ვაჭარიც ადგა. მოხუცებული, როგორც წესი და რიგი იყო, გაუმასპინძლდა სტუმარს. მაგრამ ვაჭარმა ისე მოიწყინა, ისე, რომ სულ აღარ ლაპარაკობდა. წასვლის დროს ვაჭარმა უთხრა: ერთ რაღაცას გთხოვ და თუ ამისრულებ, რაც აქ ოქრო და ვერცხლი მაქვს, იმის ნახევარს მოგცემო.

— რა იქნება ისეთი, რომ ამდენი ქონების საფასურად ვერ აგისრულოო? — უთხრა ჯარჯვლის პატრონმა.

— ეს ბავშვი უნდა მომყიღოთო. — უთხრა ვაჭარმა.

მშობლებმა შეიცხადეს. დიდი ხვეწნის შემდეგ დაითანხმა ვაჭარმა, ნახევარ საპალნე ოქრო-ვერცხლად იყიდა ბავშვი, გამოახვია ნაბადში და წაიყვანა.

ვაჭარმა იარა, იარა და მივიდა ერთ უდაბურ ტყეში. ფიქვებსა და ნაძვებს ცაში ჰქონდათ წვერი. ტომარაში ჩასვა ბავშვი, მოუკრა თავი, აიტანა ნაძვის კენწეროში, ჩამოაბა ერთ ტოტზე და ჩამოვიდა ძირს: ორბები და ჩიტები დაწინწყინიანო. ერთი კიდეც შეავლო თვალი და გაუდგა თავის გზას.

გავიდა ერთი-ორი დღე და ამ ტყეში სანადიროდ მოვიდა ამ ქვეყნის ხელმწიფე. ჯარით ნადირობდა და ტყეს რეკავდნენ. ერთმა მონადირემ დაინახა, მაღალი ნაძვის კენწეროზე რაღაცაა ჩამოკიდებული. გაიქცა ხელმწიფესთან და მოახსენა: დიდებულ ხელმწიფე, ამა და ამ ადგილას, ერთი მაღალი ხის კენწეროზე რაღაცა ჰკიდია და იქიდან ბავშვის ტირილი ისმისო.

ხელმწიფემ მაშინვე გაგზავნა თავისი ჯარი, მივიდნენ იმ ხის ძირში, ერთი ავიდა ხეზე, ჩამოხსნა ტომარა და ნელ-ნელა ჩამოიტანა ძირს. ტომარას თავი მოხსნეს და ამოიყვანეს მტირალი ბავშვი: მიჰგვარეს ხელმწიფეს. ხელმწიფემ კი დაუძახა თავის მეჭინბეს და

ვაატანა კოშკში. ეს ბავშვი ხელმწიფემ გაზარდა და დაარქვა ნაძვია.

გავიდა ხანი. ბავშვი გაიზარდა ისეთი კარგი, რომ ხელმწიფის მარჯვენა ხელი გახდა.

ერთხელ ამ ვაჟარს ხელმწიფის სასახლეში მოუხდა სტუმრობა. ვეზირებმა ვაჟარს დიდი პატივი სცეს. ვაჟარმა შეამჩნია, რომ ერთ პატარა ბიჭს უძახიან: ნაძვიავ, აქეთ მოდი, ნაძვიავ, იქით წადიო. იკითხა: ამ ბიჭს ნაძვიას რატომ ეძახითო?

ამ სიტყვაზე ერთ ვეზირს გაეცინა და უთხრა: ერთხელ ჩვენი ხელმწიფე სანადიროდ იყო. როდესაც ტყეს ვრეკავდით, ნაძვის კენწეროში ჩამობმული ვნახეთ, წამოვიყვანეთ, გავზარდეთ და სახელად ნაძვია იმიტომ დავარქვითო.

ვაჟარი ღარწმუნდა; ეს, მე რომ ნაძვის კენწეროში ბავშვი დავკვიდე, უთუოდ ის იქნებო.

იფიქრა, იფიქრა ამ ვაჟარმა და მოიფიქრა: მოდი, დავწერ წიგნს და გავატან ამ ბიჭს, რომ ჩემს სახლში მოკლანო.

სთხოვა ვეზირს: ეს ბიჭი შინ გამიგზავნეო.

ვეზირი დათანხმდა.

ვაჟარმა დაწერა წიგნი: „ეს ბიჭი რომ მოვიდეს თქვენთან, მაშინვე თავი მოსტერითო“. მისცა წიგნი ბიჭს და გაუშვა.

ნაძვია მაშინვე წავიდა. იარა, იარა და შუა გზაზე შეხვდა ერთი კაცი.

— გამარჯობა შენი, საით მიხვალო? — ჰკითხა ამ კაცმა.

— მე მივდივარ ამა და ამ კაცისას, ეს წიგნი უნდა გადავცეო, — უპასუხა ბიჭმა.

კაცმა გამოართვა წიგნი და წაიკითხა: ბიჭო, ბიჭო! ეს რა ამბავიაო!

ძალიან შეწუხდა და დიდი ხნის ფიქრის შემდეგ უთხრა ამ ბიჭს: მე დაგიწერ წერილს და ის მიეცი იმ ქალს, ვისთანაც ეს წიგნი მიგაქვსო.

ამ კაცმა ამოიღო ჯიბიდან კალამი და დაწერა: „ეს ბიჭი რომ მოვიდეს, ჩემს ერთადერთ ქალიშვილზე ჯვარი დასწერეო“.

გამოართვა წიგნი ნაძვიამ კაცს და წავიდა. მივიდა თუ არა ვაჟარისას, კარებზე შეხვდა ვაჟარის ცოლი. ნაძვიამ წიგნი გადასცა. ვაჟარის ცოლმა წაიკითხა თუ არა წიგნი, მაშინვე დასწერა ჯვარი თავის ქალზე. ამ ქალსა და ვაჟს ისე შეუყვარდათ ერთმანეთი, ისე, რომ ერთი-მეორეს ვერ სცილდებოდნენ, სულ მუდამ ერთად იყვნენ.

კარგა ხანი რომ გავიდა, ვაჭარმა იფიქრა, ნაძვიას თავს მოსპობდნენო, და წამოვიდა შინ. როგორც კი მოუახლოვდა ეზოს, დანახა, ნაძვია და მისი ქალი ერთად სეირნობდნენ. ამის დანახვაზე ვაჭარს ელდა ეცა, მაგრამ თავი შეინაგრა, ვითომ ორივეს მოეფერა, როგორც შვილს, ისე ნაძვიასაც. ცოლმა მიახარა, რაც შენ შემომითვალე, შევასრულე, ჯვარი დაეწერეო.

რა ქნას ვაჭარმა, ბრაზი მოსდის, კბილებს აკრატუნებს. რომ მოსალამოვდა, წავიდა თავის საკირეზე და მუშებს უთხრა: ამაღამ აქ რომ კაცი მოვიდეს, უხმოდ ჩააგდეთ საკირეშიო.

ვაჭარი წამოვიდა სახლში და ცოლი გააფრთხილა: ამაღამ საკირეზე არავინ წახვიდეთ, თორემ კირის საწვავ ქურაში ჩავაგდებენო. იქმართო ნაძვია უნდა წავიდესო.

ეს გაიგონა ნაძვიას ცოლმა და ქმარს უთხრა: ამაღამ მამაჩემი საკირეზე გაგზავნის, შენ კი იქ არ წახვიდე, ჩადი ძირს. გაიარჯამოარე ცოტა ხანს და მერე მოდიო.

გავიდა ერთი საათი. ვაჭარმა უთხრა ნაძვიას: საკირეზე ჩაირბინე და მუშებს გააგებინე, რომ ხვალსათვის ერთი ოცი ფუთი კირი დაწვანო.

ნაძვიამ ჩაიცვა და წავიდა, მაგრამ იქ კი არა, სულაც ვაჭარმა გაგზავნა. ისე მოიქცა, როგორც მისმა ცოლმა დაარიგა: ჩავიდა ძირს და ცოტა ხანს მოიცადა.

ცოტა ხანი რომ გავიდა. ვაჭარმა თქვა, ახლა კი იქნება ბიჭი შეხრუკულიო და თვითონ წავიდა საკირეზე. მუშებმა იფიქრეს, ესაა, ვაჭარმა რომ დაგვიბარაო, სტაცეს ხელი და შიგ საკირეში გადაუძახეს. ვაჭარი წამსვე შეიხრუკა ძვლიან-ზორციანად.

ნაძვია გადარჩა, ვაჭარი კი დაიწვა. მთელი მისი ქონება დარჩა. ამ გლეხის შვილს, ნაძვიას.

ისინი იყვნენ პირში
და ჩვენ ვიყოთ ლხინში.

ხელმწიფე და მწყემსი

იყო ერთი ხელმწიფე. რომელსაც იმდენი ოქრო ჰქონდა, რომ ხაზინაში ვერ ეტეოდა. იგი მეტად ძუნწი იყო და სამოწყალოდ ერთ გრამ ოქროსაც არავის აძლევდა.

ერთ დღეს ამ ხელმწიფემ თავისი ვეზირების მეშვეობით ხალხს.

ჯანუცხადა: ვინც ღღემდე გაუგონარ სამ ტყუილს მეტყვის, დიდ-
შალი ოქროს ფულით დავასაჩუქრებო.

შეიძრა ხალხი. დიდხანს ფიქრობდნენ, მაგრამ ხელმწიფის წი-
ნაზე ტყუილის თქმას ვერავინ ბედავდა. ზოგს ვერც კი მოეფიქრე-
ბინა, თუ რა ტყუილი ეთქვა.

გავიდა ერთი კვირა, გაუგონარი ტყუილის მთქმელი კი არსად
ჩანდა. ხელმწიფის ნათქვამმა ბოლოს ერთი მწყემსის ყურამდე
შიაღწია. მან შეუთვალა ხელმწიფეს: პირველი ტყუილის თქმამდე
სამი დღე დამაცადე და შემდეგ ყოველ დღე თითო ტყუილს გეტყ-
ვიო.

გაეცინა ხელმწიფეს. დარწმუნებული იყო, რომ მწყემსი გაუ-
გონარს ვერაფერს იტყოდა და გულდამშვიდებით იჯდა თავის
ტახტზე. გავიდა ერთი დღე. ხელმწიფე დაღონდა. „ნუთუ სამ დღე-
ში მართლა მოიფიქრებს მწყემსი ჩემთვის უცნობ ტყუილსო“, —
ფიქრობდა იგი. იხმო ვეზირები და უბრძანა: მოიგონეთ ყველა ის
ტყუილი, რაც კი ღღემდე თქმულა. ერთი დღე-ღამის შემდეგ კი
ყველაფერი მომახსენეთო.

ვეზირებმა შეასრულეს ხელმწიფის ბრძანება.

გავიდა სამი დღე და მწყემსი წავიდა ხელმწიფის სასახლეში,
დარბაზის კარებთან გაიხადა თავისი ქალამნები და შევიდა.

— აბა, რა ტყუილი ამბავი მოგვიტანე? — ჰკითხა ხელმწიფემ.
მწყემსმა უთხრა:

— მამაჩემს თავის ცხოვრებაში მხოლოდ ორი პატარა ყანა
ჰქონდა. ერთ ყანაში ხორბალს თესავდა და ყოველ წელიწადს იმ-
დენი მოსავალი მოჰყავდა, რომ ერთ სახელმწიფოს ეყოფოდაო.

— გაგიგონიათ ასეთი ტყუილი? — ჰკითხა ხელმწიფემ ვეზი-
რებს.

— არაო, — უპასუხეს.

გამოემშვიდობა მწყემსი, გავიდა დარბაზიდან, ჩაიცვა ქალამნე-
ბი და თავის ცხვარს მიაშურა.

მეორე დღეს მწყემსმა კვლავ გასწია ხელმწიფის სასახლისაკენ.
ხელმწიფე და ვეზირები ახლა მხოლოდ იმაზე ფიქრობდნენ, რომ
არაფერი გამოჰპაროდათ და გაგონილი ამბავი გაუგონრად არ ჩაეთ-
ვალათ მწყემსისათვის. მწყემსი მიადგა დარბაზს, სადაც მეფის
ტახტი იყო, კვლავ გაიხადა ქალამნები და შევიდა.

— მეორე ყანაში მამაჩემი კვერცხს თესავდა და ყოველ წე-
ლიწადს იმდენი ქათამი მოჰყავდა, რომ მთელ სოფელში ვერ ეტეო-
დაო, — უთხრა მწყემსმა.

მოულოდნელი ტყუილით გაკვირვებულმა ხელმწიფემ გადახედა ვეზირებს და ჰკითხა:

— გაგიგონიათ ასეთი ტყუილი?

— არაო.

მწყემსმა გააღო კარი და გავიდა. მაგრამ მან კარგად იცოდა ხელმწიფის სიძუნწე. იგი დარწმუნებული იყო, რომ მისგან ადვილად ვერ მიიღებდა ამდენ ოქროს ფულს და მეორე ტყუილის თქმის შემდეგ უნდოდა გაეგო ხელმწიფის აზრი. იგი ნელა იცვამდა, აქიანურებდა ქალამნების ჩაცმას და ცალი ყური დარბაზისაკენ ჰქონდა.

— ხედავთ, ვეზირებო! — ამბობდა ხელმწიფე, — ხელიდან მეცლება ქონება. თუ ვერაფერი მოგიფიქრებიათ, ხვალინდელი ტყუილის თქმის შემდეგ იმ მწყემსს უთხარი: ეს გაგონილი გვაქვს-თქო. მწყემსმა შეიტყო ეს სიტყვები და წავიდა. იმ დღეს საღამომდე ცხვარს აძოვებდა და ტბილად უკრავდა თავის საღამურს.

გათენდა მესამე დღე. ხელმწიფე სრულიად დამშვიდებული იყო და წინასწარვე თავს გამარჯვებულად თვლიდა.

მოვიდა მწყემსი.

— აბა, კიდევ ერთი გაუგონარი ტყუილი, მწყემსო, და შენც ჩემსავით გაგამდიდრებო, — სიცილით თქვა ხელმწიფემ.

— მამათქვენს ბევრი მტერი ჰყავდა და ხშირი ომი ჰქონდა. მათთან ყოველ ომს დიდი ზარალი მოჰქონდა. თანდათან იცლებოდა მამათქვენის ოქროს ხაზინა. ამიტომ მას ხშირად მისი ქვეშევრდომებიც ეხმარებოდნენ. ერთხელ ასეთი გაკვირვების დროს მამაჩემსაც უსესხებია ასი ათასი ოქროს ფული მამაშენისთვისო, — უთხრა მწყემსმა და დაასრულა თავისი ტყუილი.

— ეს ცნობილი ამბავია — წამოიძახეს ვეზირებმა.

— ეს გაგიგონია, მწყემსო! — დაუმატა ხელმწიფემ.

— თუ თქვენთვის ეს ამბავი ცნობილია, ვალდებული ხართ. როგორც მამათქვენის მემკვიდრემ, ვალი გადამიხადოთო.

გონს მოსული ხელმწიფე დიდხანს იჯდა ტახტზე ხმამოუღებლად, საწინააღმდეგოს ვერაფერს ამბობდა. შემდეგ გასცა ბრძანება, ასი ათასი ოქროს ფული მიეცათ მწყემსისათვის.

გამარჯვებულმა მწყემსმა წაიღო ოქრო, თვითონაც მოიხმარა და სხვასაც მოახმარა.

ღარიბი გლეხი

ერთ სოფელში ცხოვრობდა ერთი ღარიბი გლეხი. ჰყავდა ცოლი და ერთი რვა წლის ვაჟიშვილი. მას საყოფი მიწა არ ჰქონდა და მეტად გაჭირვებულად ცხოვრობდა. ცოლი ოჯახურ საქმეებს ვერ აუდიოდა. ქმარი კი მუდამ სხვის მიწას ამუშავებდა, მაგრამ საკმარისი მოსავალი მაინც არასდროს ჰქონდათ. ოჯახი ყოველწლიურად ვალებში იყო ჩავარდნილი. „ნუთუ ყოველთვის ასე უნდა ვიცხოვროო!“ — ამბობდა თავისთვის გლეხი და, ბოლოს, საშოვარზე წასვლა გადაწყვიტა. „ვიმუშავებ, ფულს მოვიგებ, დავბრუნდები, ვალებს გავისტუმრებ, მიწას ვიყიდი და ცოლ-შვილიც კარგად მეყოლებათ“, — ფიქრობდა იგი. თავისი გადაწყვეტილება ცოლს გაუმხილა. სახლში სულ ათი ოქრო ჰქონდა. ქმარმა სამი ოქრო აიღო, შვიდი ოქრო ცოლს დაუტოვა, მოემზადა, ორი კვირის საგზალი ჩაალაგა ჩანთაში და მეორე დღეს გზას გაუდგა.

ათი დღე-ღამე იარა და, ბოლოს, ერთ დიდ სოფელში შევიდა. სოფლის განაპირას, გზის მახლობლად, წყაროსთან დაჯდა, დაისვენა, პური ჭამა და ამდენი დღის სიარულით დაღლილ-დაქანცულს ტკბილად მიეძინა. გზაზე სამი ცხენოსანი გამოჩნდა. ისინი მოახლოვდნენ, ჩამოხტნენ ცხენებიდან და მოწყურებულები წყაროსთან მივიდნენ. ერთი მათგანი ამ სოფლის ყველაზე მდიდარი კაცი იყო, დაინტერესდა წყაროსთან მძინარე მგზავრის ვინაობით და უბრძანა მხლებლებს, გააღვიძეთო! ღარიბი წამოდგა და მივიდა მდიდართან.

— ისე ღრმად როგორ გეძინა, რომ ცხენების ფეხის ხმამ და ამდენმა ხმაურმა ვერ გაგაღვიძა?! — საყვედურის კილოთი ჰკითხა მდიდარმა.

— შორიდან მოვდივარ, ათი დღეა გზაში ვიმყოფები და დაქანცულმა ვერაფერი გავიგონეო.

— სადაური ხარ, რისთვის მოსულხარ? — კვლავ ჰკითხა მდიდარმა.

ღარიბმა გლეხმა უამბო ყველაფერი.

— თუ ჩემთან წამოხვალ, საქმეს გაგიჩენ და წელიწადში ას ოქროს მოგცემო.

ღარიბი დაეთანხმა და გაჰყვა. გლეხი ყველაფერს აკეთებდა, რასაც უბრძანებდნენ და მდიდრის ოჯახში ყველა კმაყოფილი ჰყავდა. გლეხის ოჯახს მდიდარი ყოველწლიურად სამოც ოქროს უგზავნიდა.

გავიდა ათი წელიწადი. გლეხმა გადაწყვიტა სახლში დაბრუნე-
ბულიყო. მდიდარმა მას უანგარიშა ათი წლის ჯამაგირი, ორმოცი
ოქრო ყოველწლიურ ჭამა-სმასა და ჩაცმა-დახურვაში გამოუქვითა
და გაისტუმრა.

გლეხი ხელცარიელი გაუდგა გზას. ჯიბეში მხოლოდ თავისი
სამი ოქრო-ლა ჰქონდა. „ათი წელიწადი ვიმუშავე, ვერაფერი მო-
ვიგე, როგორ მივიღე სახლშიო?“ — ეკითხებოდა თავის თავს გლეხი
და განაგრძობდა გზას. შეხვდა ერთი მგზავრი, მიესალმა, მაგრამ
გლეხს არაფერი გაუგონია. მგზავრმა სალამი კვლავ გაუმეორა.
გლეხი გამოფხიზლდა და სალამითვე უპასუხა. მგზავრი მეტად დაკ-
ვირვებული კაცი აღმოჩნდა, მიუხვდა გლეხს და ყველაფერი დაწვ-
რილებით გამოჰკითხა. დიდხანს ისაუბრეს. ბოლოს, მგზავრმა უთხ-
რა:

— ერთ ოქროს თუ მომცემ, ერთ ჰკუას გასწავლიო.

— მე სიღარიბე მაწუხებს, თორემ უჰკუო როდი ვარო, — იწ-
ყინა გლეხმა.

— ვიცი, რომ უჰკუო არა ხარ, მაგრამ ზოგი რამ შეიძლება
ჩემგანაც ისწავლო და გამოგადგებო, — უთხრა მგზავრმა.

გლეხს მოეწონა ამ მგზავრის სიტყვები და მისცა ერთი ოქრო.
მგზავრმა უთხრა:

— მგზავრობისას მუდამ შორი გზით მოუარეო.

— სულ ეს არისო? — ჰკითხა გლეხმა.

— ერთ ოქროდ ეს არის. თუ ერთსაც მომცემ, კიდევ ერთ
ჰკუას გასწავლიო.

მისცა ღარიბმა კიდევ ერთი ოქრო.

— რაც შენ არ გჰირდება, ნუ იკითხავო.

კიდევ ერთი ოქრო ჰქონდა გლეხს. „სამი ოქროც სიღარიბეა და
ერთი ოქროცო“, — იფიქრა და უკანასკნელი ოქროც მისცა.

— სანამ საქმეში კარგად არ გაერკვევი, ნუ აჩქარდები, მოით-
შინე და შემდეგ იმოქმედეო, — უთხრა მგზავრმა, გამოემშვი-
დობა და წავიდა.

ღარიბი გლეხიც თავის გზას გაუდგა. ბევრი იარა თუ ცოტა
იარა, ერთგან მექარავენები შეხვდნენ. გაუამხანაგდა მათ. „ესენი
საქმელს მაინც მაჰმევენ გზაზეო“, — ფიქრობდა. დიდი მანძილი გაი-
არეს. ერთგან შეჩერდნენ. გზა ორად იყოფოდა: ერთი მოკლე გზა
იდო, მაგრამ სახიფათო, მეორე კი გრძელი და ორივე კვლავ ერთ-
დებოდა. მექარავენებმა გადაწყვიტეს მოკლე გზით წასულიყ-
ვნენ. გლეხს კარგად ახსოვდა ერთ მანეთად ნაყიდი ჰკუა და შორი-

დან მოვლა ამჯობინა. გზების შესაყართან რომ მივიდა, მექარავენები არსად ჩანდნენ. გლეხმა დაიცადა, ეგებ ჩამორჩნენო, მაგრამ არავინ ჩანდა. გზა განაგრძო, მაგრამ მექარავენები არსად იყვნენ. იგი კვლავ დაბრუნდა, მოკლე გზას გაჰყვა და ნახა, რომ მექარავენები მკვდარი ეყარნენ: ყაჩაღებს გაეძარცვათ და დაეხოცათ.

ლარიბი თავის გზას გაუდგა. დაღამდა. ერთგან ლამპის სინათლე შენიშნა. წავიდა ამ სინათლის მიმართულებით და ფიქრობდა: „თუ მიმიღეს, დავისვენებ, ღამეს იქ გავათევ და ხვალ ისევ გზას დავადგებიო“. მიუახლოვდა სინათლეს და მის წინ დიდი ფიცრული სახლი გამოჩნდა. დაუკაკუნა. კარი გაიღო და გამოვიდა ერთი მოხუცებული კაცი.

— მობრძანდითო, — შეიპატიჟა სტუმარი.

შევიდა გლეხი და რას ხედავს: კედლებზე ადამიანის მოჭრილი თავები, ხელები და ფეხები ცალ-ცალკე ჰკიდია. ჭერ გაუკვირდა და შეშინდა კიდევ, მაგრამ ხმა არ ამოუღია. სახლის შუაში ქალი იყო ფეხებით დაკიდებული. ერთ კუთხეში ლამაზ ტანტზე ძაღლი იჯდა და მის წინ დადგმულ სუფრაზე დაწყობილ ქათმებს, ბაკლავას, ბურელსა და ფლავს გემრიელად შეექცეოდა. ლარიბი გაშტერებული იდგა. მიმოიხედა და მის გვერდით მოხუცებულიც აღარ იყო. ცოტა ხანში კვლავ გამოჩნდა, მაგრამ ლარიბს არაფერი უკითხავს.

— დაჯექი, დაისვენეო, — უთხრა მოხუცმა და კვლავ დაიკარგა. ცოტა ხნის შემდეგ ჰქერიდან მოესმა:

— სტუმარო, შენს წინ რამდენი საკვირველი სანახაობაა, ყველაფერს კარგად ხედავ. რატომ არაფერს მეკითხებიო?

ლარიბმა აიხედა მაღლა და დაინახა მოხუცის გამხეცებული სახე.

— რაც მე არ მჭირდება, იმას არ ვკითხულობო, — უპასუხა ლარიბმა გლეხმა და შიშისაგან აკანკალდა.

მოხუცი ჩამოვიდა ჰქერიდან, სტუმარს ვახშამი აჭამა და ლოგინი გაუშალა. ლარიბი წავიდა დასაძინებლად, მაგრამ დიღამდე ძილი არ მიჰკარებია, ეშინოდა, სულ იმას ფიქრობდა: აგერ, ახლამოვა კაციჰამია მოხუცი და ნაჯახს დამცხებს კისერზეო.

გათენდა. ლარიბი აღგა, მაგრამ ოთახიდან გასვლას ვერ ბედავდა. შემოვიდა მასპინძელი და გააბეს საუბარი. ბოლოს, მოხუცმა უამბო:

— მე ძალიან მდიდარი ვარ. ვცხოვრობ ამ განმარტოებულ აღ-

გილას. ფეხებით რომაა დაკიდული, ის ჩემი ცოლია, ტახტზე — ჩემი ძაღლი. მეტი არავინა მყავს. ცოლს ყოველთვის კარგად ვეპყრობოდი.

ერთხელ მოვიმზადეთ რამდენიმე დღის სურსათი. საყოფი ფულიც თან წავიღეთ და წავედით ქვეყნის სანახავად. თან ძაღლიც გავიყოლიეთ. გზაზე მოგვშივდა, დავჯექით წყაროსთან და ვსადილობდით. ყაჩაღები დაგვეცნენ. მე შემკრეს და ცოლთან არმიყოფა დაიწყეს. ცოლი მათ ყველაფერზე დაეთანხმა და ჩემზე სრულებით არ უზრუნია. ერთად ჭამეს, სვეს, ყაჩაღები დათვრნენ და იქვე დავარდნენ. ცოლს ბევრი ვეხვეწე, მაგრამ ხელები არ გამიხსნა. ერთგულმა ძაღლმა კი კბილებით დაწყვიტა თოკი და გამათავისუფლა. ყაჩაღები დავხოცე. ცოლი წამოვიყვანე სახლში, ფეხებით დაკვიდე და არა ვკლავ. ჩემს ერთგულ ძაღლს კი ვაჰმევე იმას, რასაც ადრე ცოლს ვაჰმევედი.

ამ საკვირველებით დაინტერესებული ყოველი სტუმარი მეკითხებოდა მიზეზს. ყველას ვკლავდი, ვჭრიდი თავს, ხელებს, ფეხებს და კედელზე ვკიდებდი, რადგან მეგონა დამცინოდნენ. შენ ჭკვიანი კაცი ყოფილხარ და სიკვდილს გადარჩი. ახლა შენი პატივისცემით ჩემს ცოლს გავათავისუფლებ და მოგემსახუროსო.

მოხუცმა დაამთავრა თავისი სიტყვა, გაათავისუფლა ცოლი სასჯელისაგან და სტუმრისათვის საუზმის მომზადება უბრძანა.

ისაუზმეს. მოხუცმა ოქროთი სავსე ორი ტომარა გადაჰკიდა ერთ კარგ ცხენს და ამით დაასაჩუქრა ღარიბი. იარაღიც თან გამოატანა. მადლობა გადაუხადა და ღარიბი თავის გზას გაუდგა.

ბევრი იარა თუ ცოტა იარა, მიუახლოვდა თავის სახლს. საღამო იყო. სახლიდან მამაკაცის ხმა ისმოდა. მივიდა სახლთან, ფანჯრიდან შეიხედა და დაინახა, რომ ვიღაც კაცი წამოწოლილა და ქალი თავზე ხელს უსვამს. გაბრაზდა ღარიბი, ამოიღო იარაღი და ორივეს მოკვლა მოინდომა, მაგრამ უცბად ერთი ოქროთი ნაყიდი ქკუა მოუვიდა თავში: სანამ საქმეს კარგად გაარკვევ, ნუ აჩქარდები, მოითმინე და შემდეგ იმოქმედეო. შეჩერდა და ყურს უგდებდა.

— დედა, ახლა რომ მამა დაბრუნებულიყო, ხომ კარგად ვიცხოვრებდით. ორივე ვიმუშავებდით და ყველაფერი გვექნებოდაო, — მოესმა ღარიბს სახლიდან.

— კარი გამიღეთ! — შესძახა.

გაიღო კარი და ღარიბი გლეხი შევიდა თავის სახლში, გადაეხვია თავის ცოლ-შვილს და დაიწყო ბედნიერი ცხოვრება.

ნიაზი და ჰარზი

იყო ერთი ცოლ-ქმარი. ჰყავდათ ორი ვაჟი. უფროსი სამი წლისა იყო, უმცროსი კი — ერთი წლის. ქმარი მოკვდა. მარტოდ დარჩენილ ქალს ძლიერ გაუჭირდა ცხოვრება და მშობლებთან წასვლა გადაწყვიტა. ქალმა მთელი თავისი ქონება ერთ პატარა სკივრში ჩაალაგა, მოიკიდა ზურგზე, უმცროსი ვაჟი ხელში აიყვანა, უფროსი გაიყოლია და წავიდა. შორი გზა ჰქონდათ საველი. დიდხანს იარა და მიადგა ერთ დიდ მდინარეს. ხიდი არსად ჩანდა, მდინარეში უნდა გასულიყვნენ. ქალმა უმცროსი ვაჟი სკივრში ჩასვა, მოიკიდა ზურგზე, უფროსი ხელში აიყვანა და შევიდა მდინარეში. თოკი რომ დასველდა წყალში, გაწყდა და სკივრი მდინარემ გაიტაცა. ბევრი იკივლა, იტირა ქალმა, მაგრამ შევლა არსაიდან იყო. ქალი სწრაფად გავიდა მეორე ნაპირზე, ჩაჰყვა მდინარის ნაპირს, მაგრამ სკივრი არსად ჩანდა. ქალი კვლავ თავის გზას გაუდგა ტირილით.

სკივრი წაიღო მდინარემ, ბევრი უცხო ქვეყანა გადაატარა და ბოლოს ზღვაში შეაგდო. ამ ზღვის ნაპირზე ცხოვრობდა ერთი უშვილო მეთევზე. მას დიდხანს არ მიეცა შვილი. რა არ იღონა, მაგრამ არა და არა, ღმერთი არ აძლევდა. ბოლოს, მოხუცებულობაში ქალიშვილი შეეძინა და სახელად ჰარზი დაარქვა.

მოხუცი მეთევზე მუდამ ზღვის ნაპირზე ტრიალებდა. ერთ დღეს მან ნაპირთან ახლოს ზღვაზე რაღაც შეამჩნია. ნავი შეაცურა და გამოიტანა სკივრი. მოხუცს არ გაუხსნია, სახლში წაიღო და დაუძახა ცოლს:

— ქალო, მოდი, ვნახოთ, მძიმე კია და, ალბათ, ცარიელი არ იქნებაო.

გახსნეს სკივრი. ცოლ-ქმრის სიხარული ცას სწვდებოდა, როცა მასში მშვენიერი ვაჟი დაინახეს. ბავშვი ცოცხალ-მკვდარი იყო. ყველაფერი იღონეს, სითბოში ამყოფეს, ასვეს, აჭამეს და მოასულიერეს. ბავშვს სახელად ნიაზი დაარქვეს.

ამ დროს ჰარზი ერთი თვისა იყო, ნიაზი კი — ერთი წლის. გადიოდა დრო. მოხუცებული ცოლ-ქმარი ბედნიერად გრძნობდნენ თავს: ერთად იზრდებოდნენ ნიაზი და ჰარზი.

ნიაზმა დიდხანს არაფერი იცოდა თავისი ვინაობის შესახებ, მოხუცებულები მას ნამდვილ დედ-მამად მიაჩნდა. იგი თხუთმეტი წლის გახდა. ერთ დღეს მეზობლის ბავშვებთან თამაშის დროს გაიგო, რომ ზღვაზე ნაპოვნი იყო და მისი ნამდვილი დედ-მამის

ამბავი არავინ იცოდა. პარზის კი უფრო აღრე შეეცყო, რომ ნიაზ არ იყო მისი ნამდვილი ძმა.

მშობლები ნიაზსა და პარზის ყოველთვის ერთად ათამამებდნენ, ერთად აკმევდნენ და საქმეზეც ერთად გზავნიდნენ.

ერთ დღეს პარზი მარტო წავიდა წყლის მოსატანად. წყარო სახლიდან კარგა მოშორებით იყო.

პარზის შეაგვიანდა. დედა შეწუხდა და დაუძაბა ნიაზს.

— შეილო. გაიქეცი, პარზი წყალზე გავგზავნე და ჭერ არ დაბრუნებულა. გაიგე, ხომ არაფერი შეემთხვაო.

ნიაზი სწრაფად წავიდა, მაგრამ პარზი არ დაბრუნდა. წყაროსთან ქვაზე იღო პარზის ბეჭედი, რომელიც დედის საკუთრებას წარმოადგენდა და პარზი ატარებდა. სიაზმა ბეჭედი აიღო და შეინახა ჯიბეში.

ცოტა ხნის შემდეგ პარზიმ მოიბრინა და წყაროსთან რაღაცის ძებნა დაიწყო. ნიაზი მიუხვდა, მაგრამ ჭერ არაფერს უმხელდა.

— დედის ბეჭედი დავკარგე. — თქვა აკრემლეტულმა პარზიმ და შესედა ნიაზს.

— მკოვნელი რომ გამოჩნდეს, რას აჩუქებდი?

— ჩემს სულს ვაჩუქებდიო, — უთხრა პარზიმ.

ნიაზმა დაუბრუნა ბეჭედი. პარზი დამშვიდდა. სიხარულისაგან გაბრწყინებული თვალები ნიაზისკენ გაექცა. ისინი ისე უმზერდნენ ურთიერთს, თითქოს პირველად ხვდებოდნენ ერთმანეთს თავიანთ ცხოვრებაში და სურდათ ურთიერთის ვინაობა გაეგოთ. პარზი სიტყვისუთქმელად მიბრუნდა და სახლისაკენ მოკურცხლა. ნიაზი დიდხანს იდგა ერთ ადგილზე, ფიქრობდა. მას თვალწინ ედგა პარზი. ბოლოს დედის ძახილმა გამოათხიზლა და შინ წავიდა.

სამმა წელიწადმა განვლო. ნიაზი დავაჟაკადა. პარზი კიდევ უფრო დამშვენდა. მშობლებმა გადაწყვიტეს პარზის გათხოვება. ყოველდღე დარბოდნენ შუამავლები. პარზი სასტიკ უარს ამბობდა გათხოვებაზე. ნიაზსაც მოწყენილობა ეტყობოდა. მშობლები დაეჭვდნენ, მიხვდნენ კიდევ და გადაწყვიტეს, რომ ნიაზი სადმე შორს გაეგზავნათ, დროებით მოეწორებინათ და მის დაბრუნებამდე მოესწროთ პარზის გათხოვება.

დედამ ავადმყოფობა მოიგონა და დაწვა. დაუძახეს ექიმბაშს.

— ათი დღის სავალ გზაზე. ერთ სოფელში ზემზემის (უკვდავების) წყალია. ის წყალი თუ მოარჩენს, მეტი არაფერიო, — თქვა ექიმბაშმა.

ნიაზი მზადებას შეუდგა. შეკაზმა თავისი ცხენი, პარზიმ საიზა-

ლი მოკვსხდა და მეორე დღეს გასწია ზემხემის წყლის მოსატანად. საპი დღე-ღამე იარა, დაიღალა, ერთ ტყეში შეჩერდა, ცხენი საბალახოდ ვაუშვა და თვითონ მიწვა ხის ძირში. ჩაეძინა.

— ნიიაააა! --- ჩაესმა ყურში ჰარზის ხმა ღრმა ძილში მყოფს. წამოხტა, შეჯდა ცხენზე და უკან შურდულივით გამოეჭანა. მოუახლოვდა სოფელს, ჩუმად მიდიოდა. სოფლის თავზე ავიდა და დაინახა, რომ მათი სახლის ეზოში ხალხი ირეოდა. დუდუკისა და დოლის ხმა ისმოდა. ქორწილი იყო, ჰარზის ათხოვებდნენ.

სიაზს გულზე შემოეყარა და ცხენიდან გადმოვარდა. ცხენმა თითქოს იგრძნო მოსალოდნელი უბედურება, პატრონს ლოყა მოულოყა და მოასულიერა. სიაზს დიდსანს არ დაუყოვნებია, შეჯდა ცხენზე, შემოჰკრა მათრახი და გასწია იქით, სადაც მწყემსები ეკულებოდა. გზაზე ერთი მწყემსი შეხვდა. მას თავისი ტანსაცმელი მისცა, თვითონ მწყემსის ტანსაცმელი ჩაიცვა და სწრაფად წავიდა სახლისაკენ.

სიაზმა თავისი ცხენი შორიახლოს სხვა ცხენებს შორის დააბა და თვითონ ხალხში გაერია. მას ვერავინ ცნობდა.

ჰარზი, პატარძლის ტანსაცმელში გამოწყობილი, ეზოში იდგა. ხალხი მზად იყო წასასვლელად. ჰარზი ცხენზე უნდა შეესვათ, მაგრამ მას არცერთი ცხენი არ იკარებდა. ჯერი სიაზის ცხენზე მიდგა. ცხენმა არავინ მიიკარა ახლოს. პატრონს დაუძახეს. მივიდა სიაზი და თავისი ცხენი მიჰგვარა საპატარძლოს. სიაზს არავინ აქცევდა ყურადღებას. იგი უბრალო მწყემსი ეგონათ და უბრძანეს, აღვირი დაეჭირა და წინ გაძლოლოდა.

დიდხანა იარეს. მზე გადაიწვერა. გზა კიდევ დიდი ჰქონდათ. ყველა ჩქარობდა. სიაზი კი თანდათან ნაბიჯს უკლებდა, იგი ჩამორჩა მაყრებს და ჰარზის გაუმელავენა თავი. გაპარვა გადაწყვიტეს. სიაზიც შეჯდა ცხენზე და გადაუხვია გზას.

მაყრებს გაახსენდათ დედოფალი და შეიცადეს, მაგრამ როცა არ გამოჩნდა, მობრუნდნენ. დედოფალი და მწყემსი არსად ჩანდნენ. ხალხი ჯგუფებად გაიყო და გამოუდგნენ მწყემსს.

სიაზი და ჰარზი მიჰქროდნენ. მიადგნენ ზღვას. მღვეარი ყოველი მხრიდან ახლოვდებოდა. გზები შეკრული იყო.

სიაზმა თავი დაიწყევლა: მე ქვად ვიქცე და ჰარზი — ჩიტადო. სიაზი ქვად იქცა, ჰარზი — ჩიტად და გაფრინდა. ცოტა ხნის შემდეგ ეს ჩიტი მოფრინდა, იმ ქვაზე დაჯდა და თვითონაც ქვად იქცა.

სიაზის ცხენი ღამ-ღამობით ტყიდან გამოდის და იმ ქვას ლოკავსო.

უ ე ნ ი უ ვ ნ ე ბ ი

ჯ ა ღ ო ს ნ უ რ ი ზ ლ ა პ რ ე ბ ი

ც ე რ ო დ ე ნ ა (გვ. 9). თედო რაზიკაშვილის ჩაწ., ქართლი. ქართული ხალხური ზღაპრები, შეკრებილი თ. რაზიკაშვილის მიერ, 11, მ. ჩიქოვანის რედ., თბილისი, 1952.

ს ა მ ი და (გვ. 11). თედო რაზიკაშვილის ჩაწ., ქართლი. იქვე. ე შ მ ა კ ი ს ლ ა გ ა მ ი (გვ. 15). თედო რაზიკაშვილის ჩაწ., ქართლი. იქვე.

დ ღ ი ს ი თ მ კ ე დ ა რ ი (გვ. 17). მთქმელი კატო გაგნიძე, ჩამწ. გ. ლომთათიძე. რჩეული ქართული ხალხური ზღაპრები, ელ. ვირსალაძის რედ., თბილისი, 1949.

გ ვ ე ლ ი ს ტ ყ ა ვ ზ ე ა მ ო ს უ ლ ი ა ლ ვ ი ს ხ ე (გვ. 24). მთქმელი დავით ქვრივიშვილი, ქართლი, ჩამწ. შემდგენელი. ალ. ლლონტი, ქართლური ზღაპრები და ლეგენდები, თბილისი, 1948.

გ ვ ე ლ ი ს ძ მ ო ბ ი ლ ი (გვ. 28). მთქმელი ნინო ჭავჭავაძე, კახეთი, ჩამწ. ელ. ვირსალაძე. რჩეული ხალხური ზღაპრები, ელ. ვირსალაძის რედ., თბილისი, 1949.

ტ ყ ი ს კ ა ც ი (გვ. 32). ჩაწერილი სვანეთში, ვ. უმიკაშვილის კოლექციიდან, საქართველოს სსრ მეცნ. აკადემიის შ. რუსთაველის სახ. ლიტერატურის ინსტიტუტის ფოლკ. განყ. არქ., № 4263.

ცი ე ბ ა, ც ხ ე ლ ე ბ ა და ს ი კ ვ დ ი ლ ი (გვ. 33). მთქმელი დავით ქვრივიშვილი, ქართლი, ჩამწ. შემდგენელი. ალ. ლლონტი, ქართლური ზღაპრები და ლეგენდები, თბილისი, 1948.

ა ვ ი დ ე დ ა კ ა ც ი (გვ. 34). მთქმელი ვანო კაკაშვილი, ქართლი, ჩამწ. შემდგენელი. ალ. ლლონტი, ქართული ხალხური ნოველები, 1956.

გ ვ ე ლ ი და გ ლ ე ხ ი (გვ. 36). მთქმელი დავით ქვრივიშვილი, ჩამწ. შემდგენელი. იქვე.

გ ვ ე ლ ი და კ ა ც ი (გვ. 37). მთქმელი დავით ქვრივიშვილი, ჩამწ. შემდგენელი. იქვე.

ს ი კ ვ დ ი ლ ი ს ჩ ა მ ო ს ვ ლ ა დ ე დ ა მ ი წ ა ზ ე (გვ. 40). გრ. კუტუბიძის ჩაწ., გურია. იქვე.

ბ ე ღ ი ღ ა ი ლ ბ ა ლ ი (გვ. 4.). მოქმელი ფიდა კვიწინაძე, ქართლი, ჩამწ. შემდგენელი. იქვე.

მ ე რ ო ნ გ უ რ ე (გვ. 44). მოქმელი ფიდა კვიწინაძე, ჩამწ. შემდგენელი. იქვე.

ფ ი ს ა ს ო ს ზ ლ ა პ ა რ ი (გვ. 45). თედო რაზიკაშვილის ჩაწ., ქართლი. ქართული ხალხური ზღაპრები, შეკრებილი თ. რაზიკაშვილის მიერ, წიგნ. II, მ. ჩიქოვანის რედ., თბილისი, 1952.

მ ა რ გ ა ლ ი ტ ი ს ც რ ე მ ლ ი (გვ. 51). თედო რაზიკაშვილის ჩაწ., ქართლი. იქვე.

მ ო ხ უ ც ი ს ტ უ მ ა რ ი (გვ. 57). მოქმელი ემუზა გუჯეჯიანი, სოფ. კოლაში, ზემო სვანეთი, ჩამწ. ქს. სიხარულიძე, 1945.

ს ი ზ მ რ ი ს ა ხ ს ნ ა (გვ. 61). მოქმელი ამაიზ აზარეთის ძე კვიციანი, სოფ. უშხვანარო. ზემო სვანეთი, ჩამწ. მერი კვიციანი-მალაფერიძე, 1962.

ნ ა ტ ც რ ი ს თ ვ ა ლ ი (გვ. 62). მოქმელი ილია ბენაშვილი, ქიზიყი, ჩამწ. დიმ. გონაშვილი. ქართული ხალხური ზღაპრები, შ. ძიძიგურის რედ., თბილისი, 1959.

თ ვ ა ლ ჩ ი ტ ა (გვ. 72). მოქმელი ალია ბაბალაშვილი, ქიზიყი, ჩამწ. დიმ. გონაშვილი. იქვე.

გ ლ ე ხ ი, მ ო ლ ა და ე შ მ ა კ ი (გვ. 90). მოქმელი პართენ გონაშვილი, ქიზიყი, ჩამწ. დიმ. გონაშვილი. იქვე.

მ ე ნ ა ხ ი რ ე (გვ. 93). მოქმელი ევა კაცელაშვილი, ქიზიყი, ჩამწ. დიმ. გონაშვილი. იქვე.

მ ზ ე თ უ ნ ა ხ ა ვ ი ს ც ხ ე რ ს ა ხ ო ც ი (გვ. 101). ა. ახალშენიშვილისა და ი. ზარაფიშვილის ჩაწ., ქართლი. იქვე.

დ ე დ ი ნ ა ც ვ ა ლ ი და გ ე რ ი (გვ. 109). ქს. სიხარულიძე, ხალხური ზღაპრები, თბილისი, 1938.

ა რ ვ ი ც ი ა (გვ. 114). იქვე.

უ მ ც რ ო ს ი ვ ა ჟ ი და მ გ ე ლ ი (გვ. 117). იქვე.

მ უ ხ ა გ ლ ე ჯ ი ა ს ი დ ე დ რ ი ს ა და ს ი მ ა მ რ ი ს ა (გვ. 119). თედო რაზიკაშვილის ჩაწ., ქართული ხალხური ზღაპრები, შეკრებილი თედო რაზიკაშვილის მიერ, II, 1952.

ღ ო რ ი ს თ ა ვ ი ა ნ ი ბ ი კ ი (გვ. 121). მოქმელი ნინო ბერიძე, ქართლი. ჩამწ. ვენერა სომხიშვილი, 1958.

ა ს ლ ა ნ ი ს გ ა ზ რ დ ი ლ ი (გვ. 125). მოქმელი ფიდა კვიწინაძე, ჩამწ. შემდგენელი. ქართული ხალხური ნოველები, 1956.

ბ ო ლ ო ლ ა (გვ. 130). პ. მირიანაშვილის ჩაწ., ზღაპრები. 1903.

ს ა მ ი ძ მ ა და მ ა თ ი და (გვ. 136). ბეს. ნიუარაძის ჩაწ. ზემო სვანეთში. სვანური ზღაპრები, 1893.

უ ლ უ ნ ო და ხ ე ლ მ წ ი ფ ი ს შ ვ ე ლ ი (გვ. 141). მოქმელი სოლო ზურაბიშვილი, მესხეთი, ჩამწ. ილია მაისურაძე, 1960.

კ ე ი ს ა რ ი (გვ. 151). მოქმელი ივანე ხაქვანი, ზემო სვანეთი, ჩამწ. ე. თოფურია. სვანური პროზაული ტექსტები, I, თბილისი, 1938. გადმოღებული აკ. დავითიანის მიერ.

ს ი კ ვ დ ი ლ ი და ყ ა ჩ ა ლ ი (გვ. 155). ან. ხინთობიძის ჩაწ.

გურია. აღ. ლლონტი, გურული ფოლკლორი, I, თბილისი, 1937.
ქუ რ დ ი და ხ ე ლ მ წ ი ფ ი ს შ ე ი ლ ი (გვ. 159). მოქმელი
დავით ქვრივიშვილი, ჩამწ. შემდგენელი, 1938.
ო რ ი ძ მ ი ს ა (გვ. 165). მოქმელი დავით ქვრივიშვილი, ჩამწ.
შემდგენელი, 1938.
ს ო ვ და გ რ ი ს შ ე ი ლ ი და ო ქ რ ო ს ი რ ე მ ი (გვ. 169).
მოქმელი ფიდა კვიციანიძე, ჩამწ. შემდგენელი, 1940.
მ ე ფ ე და ს კ ვ ი ნ ჩ ა (გვ. 173). სოსიკო მერკვილაძის ჩაწ.,
იმერეთი. ს. მერკვილაძე, ხალხური ზღაპრები, ქუთაისი, 1902.

ს ა ნ ო ფ ა ნ ო ვ რ ა გ ო ზ ლ ა პ რ ე მ ი, ნ ო ვ ე ლ ე ბ ი

ნ ა ც ა რ ქ ე ქ ი ა (გვ. 176). თედო რაზიკაშვილის ჩაწ., ქართლი.
ხალხური ზღაპრები, შეკრებილი თ. რაზიკაშვილის მიერ, II, თბ.,
1952.

ე რ თ ი მ ა ნ ე თ ი ს შ ო ვ ნ ა (გვ. 179). შემდგენლის ჩაწ., გუ-
რია. ქართული ხალხური ნოველები, 1956.

ვ ი ნ ც ს ა ქ მ ე გ ა ა კ ე თ ა, პ უ რ ი ც ი მ ა ნ ა კ ა მ ო ს (გვ.
180). გ. ნათაძის ჩაწ. ქართლი. გ. ნათაძე, ხალხური ლექსები და
ზღაპრები, ს. ხუციშვილის რედ., თბილისი, 1950.

უ ფ რ ო ს ი ძ მ ა (გვ. 183). მოქმელი სოფიო ხვინგია-ლონ-
ტისა, გურია, ჩამწ. შემდგენელი. ქართული ხალხური ნოველები,
1956.

ა მ მ ა ვ ი ხ ე ლ მ წ ი ფ ი ს შ ე ი ლ ი ს ა, ქ ა ლ ი რ ო მ ა რ მ ი -
ს თ ხ ო ე და, ს ა ნ ა მ ხ ე ლ ო ბ ა ს ა რ ი ს წ ა ვ ლ ი ო (გვ.
185). თედო რაზიკაშვილის ჩაწ., კახეთი. ქართული ხალხური ზღაპ-
რები, შეკრებილი თ. რაზიკაშვილის მიერ, I, თბილისი, 1951.

ზ ნ ი ა ნ ი ქ ა ლ ი (გვ. 187). მოქმელი დავით ქვრივიშვილი,
ჩამწ. შემდგენელი. ქართული ხალხური ნოველები, 1956.

ღ ა რ ი ბ ი ბ ი კ ი (გვ. 188). მოქმელი დავით ნოზაძე, ქართლი,
ჩამწ. შემდგენელი. იქვე.

ზ ა რ მ ა ც ი კ ა ც ი (გვ. 192). შემდგენლის ჩაწ., გურია, იქვე.

ო ქ რ ო ს ტ ა რ ი ა ნ ი ც უ ლ ი (გვ. 195). მოქმელი ფიდა კვი-
ციანიძე, ჩამწ. შემდგენელი. იქვე.

ს ა მ ი ტ ყ უ ლ ი (გვ. 197). მოქმელი სიმონ ქვრივიშვილი,
ქართლი, ჩამწ. შემდგენელი. იქვე.

ნ ა მ დ ვ ი ლ ი ტ ყ უ ლ ი (გვ. 198). მოქმელი ფიდა კვიცი-
ანიძე, ჩამწ. შემდგენელი. იქვე.

ც რ უ და მ ა რ თ ა ლ ი (გვ. 200). მოქმელი ფიდა კვიციანიძე,
ჩამწ. შემდგენელი. იქვე.

გ უ რ ჯ ი ს ტ ა ნ ი ს ხ ა ტ ი (გვ. 202). მოქმელი ფიდა კვიციანიძე,
ჩამწ. შემდგენელი. იქვე.

ხ ა რ ბ ი ო ქ რ ო მ ქ ე დ ე ლ ი (გვ. 205). მოქმელი ბარნაბ თა-
ლაკვაძე, გურია, ჩამწ. შემდგენელი. იქვე.

ღ ა რ ბ ი კ ა ც ი (გვ. 206). მოქმელი ფიდა კვიწინაძე, ჩამწ. შემდგენელი. იქვე.

ძ მ ე ბ ი (გვ. 208). მოქმელი ფიდა კვიწინაძე, ჩამწ. შემდგენელი. იქვე.

ს ა მ ი ღ ა (გვ. 209). მოქმელი ფიდა კვიწინაძე, ჩამწ. შემდგენელი. იქვე.

გ ლ ე ხ ი ღ ა ვ ა ქ ა რ ი (გვ. 211). მოქმელი დავით ნოზაძე, ქართლი, ჩამწ. შემდგენელი. იქვე.

ბ რ ი ყ ვ ი ბ ა ტ ო ნ ი ღ ა მ ო ჯ ა მ ა გ ი რ ე (გვ. 214). მოქმელი დავით ნოზაძე, ჩამწ. შემდგენელი. იქვე.

ც ო ლ -ქ მ რ ი ს ა მ ბ ა ვ ი (გვ. 215). თედო რაზიკაშვილის ჩაწ., კახეთი. ქართული ხალხური ზღაპრები, შეკრებილი თ. რაზიკაშვილის მიერ, I, თბილისი 1951.

ქ ვ რ ი ვ ი შ ვ ი ლ ი (გვ. 217). მოქმელი იასონ შერმაღინი, ქართლი, ჩამწ. შემდგენელი. ქართული ხალხური ნოველები, 1956.

ფ ი ნ ა ჩ ი (გვ. 220). მოქმელი ფიდა კვიწინაძე, ჩამწ. შემდგენელი. იქვე.

ქ კ ვ ი ა ნ ი ღ ა გ ი ე ი ძ მ ა (გვ. 224). მოქმელი დავით ქვრივიშვილი, ჩამწ. შემდგენელი. იქვე.

გ ლ ე ხ ი ს ც ო ლ ი (გვ. 227). მოქმელი დავით ქვრივიშვილი, ჩამწ. შემდგენელი. იქვე.

ს ტ უ მ ა რ ი (გვ. 229). მოქმელი ფიდა კვიწინაძე, ჩამწ. შემდგენელი. იქვე.

ს ა მ ი ს ი ტ ყ ვ ა (გვ. 231). მოქმელი დიმიტრი გელაშვილი. ქართლი, ჩამწ. შემდგენელი. იქვე.

ხ ე ლ მ წ ი ფ ე ღ ა მ ო ჯ ა მ ა გ ი რ ე (გვ. 233). მოქმელი დიმიტრი გელაშვილი, ჩამწ. შემდგენელი. იქვე.

ი ვ ა ნ ი კ ა ღ ა ს ი მ ო ნ ი კ ა (გვ. 234). მოქმელი ექვთიმე დოლიძე, გურია, ჩამწ. შემდგენელი. იქვე.

ს ა მ ი მ ე ც ნ ი ე რ ი ღ ა გ ლ ე ხ ი (გვ. 238). მოქმელი დავით ქვრივიშვილი, ქართლი, ჩამწ. შემდგენელი. იქვე.

მ ე ც ნ ი ე რ ი ღ ა მ ე ნ ა ვ ე (გვ. 239). მოქმელი დავით ქვრივიშვილი, ქართლი, ჩამწ. შემდგენელი. იქვე.

ბ რ მ ა მ ე ჩ ო ნ გ უ რ ე (გვ. 240). მოქმელი ბაგრატ ტატიშვილი, ქართლი, ჩამწ. შემდგენელი. იქვე.

გ ლ ე ხ ი ღ ა ბ ა ტ ო ნ ი (გვ. 240). მოქმელი დიანოზ პავლიაშვილი, ქართლი, ჩამწ. შემდგენელი. იქვე.

პ უ რ ი ს მ ა რ ც ვ ა ლ ი (გვ. 241). მოქმელი დავით ქვრივიშვილი, ჩამწ. შემდგენელი. იქვე.

მ ძ ლ ე თ ა მ ძ ლ ე (გვ. 244). შემდგენლის ჩაწ., გურია. იქვე.

ხ ე ლ მ წ ი ფ ე ღ ა მ ი ს ი შ ვ ი ლ ი (გვ. 248). შემდგენლის ჩაწ., გურია. იქვე.

მ ო ნ ა დ ი რ ე ღ ა ხ ე ლ მ წ ი ფ ე (გვ. 249), შემდგენლის ჩაწ., გურია. იქვე.

ფულს ყველაფერი შეუძლია. (გვ. 251). შემდგენლის ჩაწ., გურია. იქვე.

ეშმაკი ქმარი (გვ. 253). შემდგენლის ჩაწ., გურია. იქვე.

მდიდარი და ღარიბი (გვ. 255). შემდგენლის ჩაწ., გურია. იქვე.

გლახა შვილი (გვ. 257). შემდგენლის ჩაწ., გურია. იქვე.

ამისთანა და ამის უარესი (გვ. 260). შემდგენლის ჩაწ., გურია. იქვე.

ქოსატყულია დიაკონი (გვ. 263). შემდგენლის ჩაწ., გურია. იქვე.

გაფუფქული მღვდელი (გვ. 266). ვაჭირელი ქალის (ანუსია კარგარეთელი) ჩაწ., კახეთი. „ძველი საქართველო“, II, განყ. IV, თბილისი, 1914 — 1915.

მღვდლის ზღაპარი (გვ. 275). მთქმელი გიორგი ლაცაბიძე, კახეთი, ჩამწ. მიხ. ჩიქოვანი. სახალხო მთქმელები, I, თბილისი, 1956.

ცერცვი თუ ცეცხლი (გვ. 278). აბ. ცანავა, ხმალზე უფრო ძლიერად სურის, თბილისი, 1960.

თქვა უფალმა (გვ. 279). ს. ყუბანეიშვილი, სამღვდელოება ხალხურ სიტყვიერებაში, თბილისი, 1932.

მღვდელი და დიაკონი (გვ. 279). გ. ლომთათიძე, სამღვდელოება ქართულ ზეპირსიტყვიერებაში, თბილისი, 1928.

მღვდელი და ჭვარცმული ქრისტე (გვ. 279). მთქმელი ანა ედებეგაშვილი, ჩამწ. პ. უშიკაშვილი. მისივე კოლექცია ფოლკ. განყ. არქ., № 4230.

ზოგჯერ ეშმაკსაც უნდა დაუჯერო (გვ. 280). მთქმელი ეფემია ჩომახიშვილი, ჩამწ. პ. უშიკაშვილი. იქვე, № 4232.

ძუნწი ხუცესი (გვ. 280). მთქმელი ანდრია აშბაკოს ძე ლლონტი, გურია, ჩამწ. შემდგენელი. ქართული ხალხური ნოველები, 1956.

მღვდელი და ღარიბი გლეხი (გვ. 283). მთქმელი სიმონ ქვრივიშვილი, ქართლი, ჩამწ. შემდგენელი. იქვე.

ავი მღვდელი და დიაკონი (გვ. 284). მთქმელი ბარნაბ თალაკვაძე, გურია, ჩამწ. შემდგენელი. იქვე.

გამოქექილი ბერიკაცი და მღვდელი (გვ. 285). შემდგენლის ჩაწ., გურია. იქვე.

მღვდელი და მისი ღამაზი ცოლი (გვ. 292). მთქმელი სიმონ ქვრივიშვილი, ჩამწ. შემდგენელი. იქვე.

მღვდლის ცოლი (გვ. 294). მთქმელი დიმიტრი ყიფშიძე, ქართლი, ჩამწ. შემდგენელი. იქვე.

წუწკი მღვდელი (გვ. 296). მთქმელი სიმონ ქვრივიშვილი, ჩამწ. შემდგენელი. იქვე.

მეწიისქვილის ვაჟი შეილა და სამი ქოსა (გვ. 297). მთქმელი ვასილ ხრიკული, ქართლი, ჩამწ. შემდგენელი. იქვე.

ს ა მ ი მ ო ჯ ა მ ა გ ი რ ე (გვ. 299). მოქმელი ფიდა კვიწინაძე, ჩამწ. შემდგენელი. იქვე.

ს ო ლ ო მ ო ნ ბ რ ძ ე ნ ი და ბ ე რ ი კ ა ც ი (გვ. 301). თედო რაზიკაშვილის ჩაწ., ქართლი. ქართული ხალხური ზღაპრები, შეკრებილი თ. რაზიკაშვილის მიერ, II, თბილისი, 1952.

ს ო ლ ო მ ო ნ ბ რ ძ ე ნ ი ს რ ჩ ე ვ ა (გვ. 303). მოქმელი ფიდა კვიწინაძე, ჩამწ. შემდგენელი. ქართული ხალხური ნოველები, 1956.

ს ო ლ ო მ ო ნ ბ რ ძ ე ნ ი და ლ ა რ ი ბ ი გ ლ ე ხ ი (გვ. 305). მოქმელი ქიტესო ქუფარაშვილი, ქიზიყი, ჩამწ. დიმ. გონაშვილი. ქართული ხალხური ზღაპრები, შ. ძიძიგურის რედ., თბილისი, 1959.

ა რ ჩ ე ვ ა ნ ი (გვ. 308). ანეტა კაპანაძის ჩაწ. რჩეული ქართული ხალხური ზღაპრები, II, ელ. ვირსალაძის რედ., თბილისი, 1958.

ს ა ბ რ ა ლ ო ფ ა ს ო ს ა მ ბ ა ვ ი (გვ. 310). ნ. მაღალაძის ჩაწ., ქიზიყი. „აკაკის კრებული“, III, განყ. II, 1898.

ხ ე ლ მ შ ი ფ ე და მ ე ლ ო რ ე (გვ. 322). მოქმელი ფიდა კვიწინაძე, ჩამწ. შემდგენელი. ალ. ლლონტი, ქართული ხალხური ეპოსი, 1952.

ქ ვ რ ი ვ ი ქ ა ლ ი და ვ ა ქ ა რ ი (გვ. 323). მოქმელი ფიდა კვიწინაძე, ჩამწ. შემდგენელი. ქართული ხალხური ნოველები, 1956.

ღ ა კ ა რ გ უ ლ ი შ ა რ ვ ა ლ ი (გვ. 324). მოქმელი თებრო ზირაქაშვილი, სოფ. კაკაბეთი, კახეთი, ჩამწ. გულსუნდა მჭედლიშვილი, 1962.

მ ე დ ა ი რ ე (გვ. 326). „აკაკის კრებული“, XII, განყ. II, 1898.

ზ ა რ მ ა ც ი (გვ. 328). თედო რაზიკაშვილის ჩაწ., ფშავი. ქართული ხალხური ზღაპრები, შეკრებილი თ. რაზიკაშვილის მიერ, I, თბილისი, 1951.

ო რ ი ც რ უ ჰ ე ნ ტ ე ლ ა (გვ. 332). თედო რაზიკაშვილის ჩაწ., ქართლი. ქართული ხალხური ზღაპრები, შეკრებილი თ. რაზიკაშვილის მიერ, II, თბილისი, 1952.

მ უ ჭ ა ნ ა ხ ე ვ ა რ ა (გვ. 335). თედო რაზიკაშვილის ჩაწ., ქართლი. იქვე.

პ უ რ ი და ხ ე ნ ა-თ ე ს ვ ა (გვ. 337). თედო რაზიკაშვილის ჩაწ., ქართლი. იქვე.

ს ა მ ნ ი ძ მ ა ნ ი (გვ. 338). თედო რაზიკაშვილის ჩაწ., კახეთი. ქართული ხალხური ზღაპრები, შეკრებილი თ. რაზიკაშვილის მიერ, I, თბილისი, 1951.

ო ბ ო ლ ი და ქ ო ს ა მ ა ტ ყ უ ა რ ა (გვ. 342). თედო რაზიკაშვილის ჩაწ., კახეთი. იქვე.

ს ა მ ი ძ მ ა და ქ ო ს ა მ ა ტ ყ უ ა რ ა (გვ. 344). თედო რაზიკაშვილის ჩაწ., კახეთი. იქვე.

ს ო ვ დ ა გ რ ი ს შ ე ი ლ ი (გვ. 347). ქს. სიხარულიძე, ხალხური ზღაპრები, თბილისი, 1938.

ა ლ ა ლ ი ო რ ი შ ა უ რ ი (გვ. 353). ავთანდილ ლამაზოშვილის

ჩაწ., კახეთი. ქართული ხალხური ზღაპრები, II, მიხ. ჩიქოვანის რედ., თბილისი, 1952.

ორი ძუნწი (გვ. 355). ავ. ცანავა, ხმალზე უფრო ძლიერად სკრის, თბ., 1960.

მოხერხებული მებაღე (გვ. 356). იქვე.

თავგაუთქელი კაცი (გვ. 357). იქვე.

მეფის შვილობილი (გვ. 358). იქვე.

ახირებული დედაკაცი (გვ. 358). მოქმელი თებრო ზირაქიშვილი, სოფ. კაკაბეთი, კახეთი, ჩამწ. გულსუნდა მკვდლიშვილა, 1962.

მდიდარი და საწყალი კაცი (გვ. 360). ავ. ცანავა, ხმალზე უფრო ძლიერად სკრის, თბ., 1960.

ჩემი მამალი გზაში იყივლებსო (გვ. 361). იქვე.

ძუნწი ვაჭარი (გვ. 361). იქვე.

ორმოცი კაციც რომ გამომიგზავნოს... (გვ. 362). იქვე.

როგორ ანუგეშა მოჭამაგირემ ბატონი (გვ. 363). იქვე.

ფილოსოფოსი და ვირი (გვ. 364). იქვე.

ნათლიმამის მარილი (გვ. 365). ჯ. სონდელაშვილი. ხალხური სიტყვიერების მასალები, თბ., 1957.

ხელმწიფე და გლეხის ქალი (გვ. 366). მოქმელი ილო ბენაშვილი, ქიზიყი, ჩამწ. დიმ. გონაშვილი. ქართული ხალხური ზღაპრები, შ. ძიძიგურის რედ., თბილისი, 1959.

ივანე და გოგია (გვ. 370). მოქმელი ილია ჭანიკაშვილი, ქიზიყი, ჩამწ. დიმ. გონაშვილი. იქვე.

უმადური ხელმწიფე და კკვიანი გლეხის ბიჭი (გვ. 373). მოქმელი ქიტესო ქუფარაშვილი, ქიზიყი, ჩამწ. დიმ. გონაშვილი. იქვე.

სიმართლე (გვ. 377). ანა ახალშენიშვილისა და ი. ზარაფიშვილის ჩაწ., ქართლი. იქვე.

მატყუარა მკითხავი (გვ. 380). ანეტა კაპანაძის ჩაწ., ქართლი. ქს. სიხარულიძე, საბავშვო ფოლკლორი, თბილისი, 1938.

ვაჭარი და ღარიბი ცოლ-ქმარი (გვ. 381). მოქმელი გ. გელაშვილი, ჩამწ. ანეტა კაპანაძე. იქვე.

ორი სილა (გვ. 385). მოქმელი ვ. თარხნიშვილი, ქართლი, ჩამწ. ანეტა კაპანაძე. იქვე.

ვირის მამებარი (გვ. 385). იქვე.

საწყალი გლეხის ნიყვეები (გვ. 386). გ. ლომთათიძის ჩაწ., იქვე.

დედაბერი და ხბო (გვ. 387). იქვე.

სამი ექიმი ძმა (გვ. 387). მ. გიორგაძის ჩაწ., ქართლი. იქვე.

მოსუცი ნავეზირალის რჩევა (გვ. 389). მოქმელი შაქრო შავიშვილი, ჩამწ. ქართველი ოსებში. „აკაკის კრებულები“, IX, განყ. II, 1899.

ქკუა მაქვეს და სარჩო არა (გვ. 395). თედო რაზიკაშვილის ჩაწ., ქართლი, „ჯეჯილი“, VI, 1890.

მამასახლისისა და გლექკაციის არაკი (გვ. 398). მთქმელი სონა კასრაძე-ტოლიაშვილი, ქართლი, ჩამწ. ელ. ვირსალაძე. რჩეული ქართული ხალხური ზღაპრები, II, თბილისი, 1958.

ქალის შარი (გვ. 401). იქვე.

მოხუცი დურგალი და მისი რძალი (გვ. 403). მთქმელი სონა კასრაძე-ტოლიაშვილი, ჩამწ. ელ. ვირსალაძე. იქვე. ძუნწი მასპინძელი (გვ. 406). მთქმელი ოლა შალიკაშვილი, მთიულეთი, ჩამწ. ელ. ვირსალაძე. იქვე.

მზეთუნახავისა და ხელმწიფის შვილის ზღაპარი (გვ. 408). თედო რაზიკაშვილის ჩაწ., ფშავი. ქართული ხალხური ზღაპრები, შეკრებილი თ. რაზიკაშვილის მიერ, I, თბილისი, 1951.

ხელმწიფის გიჟი შვილი (გვ. 411). თედო რაზიკაშვილის ჩაწ., ფშავი. იქვე.

ხელმწიფის შვილისა და ხელმწიფის ამბავი (გვ. 413). თედო რაზიკაშვილის ჩაწ., ქართლი. ქართული ხალხური ზღაპრები, II, თბილისი, 1952.

ცრუ და მართალი კაცი (გვ. 413). ქს. სიხარულიძე, ხალხური ზღაპრები, თბილისი, 1938.

მეფე და მსახური (გვ. 416). იქვე.

ღარიბი კაცი და სოვდაგარი (გვ. 417). იქვე.

შრომის ყადრი (გვ. 420). მთქმელი გ. გელაშვილი, ქართლი, ჩამწ. ნ. მუმლაძე. „სოფლის ცხოვრება“, № 14, 1963.

მრუდე სამართალი (გვ. 420). მთქმელი დავით გარსევანიშვილი, კახეთი, ჩამწ. გ. შეთეკაური. „კომუნისტი“, № 48, 1962.

მზე და წვიმა (გვ. 421). ლ. მარტაშვილის ჩაწ., თბილისი. „კომუნისტი“, № 42, 1962.

პატარძალი (გვ. 422). ლ. მარტაშვილის ჩაწ., თბილისი. „კომუნისტი“, № 42, 1962.

ბატონი და ყმა გლახი (გვ. 422). მ. ნასყიდაშვილის ჩაწ., ქართლი. „კომუნისტი“, № 42, 1962.

ჯელი მოსამართლე და მისი ცოლი (გვ. 423). მთქმელი ფიდა კვიციანიძე, ჩამწ. შემდგენელი. „კომუნისტი“, № 42, 1962.

მოჩხუბარი დედაბერი და ქკვიანი პატარძალი (გვ. 425). მთქმელი ელო გოგებაშვილი, კახეთი, ჩამწ. დიმ. გონაშვილი. „კომუნისტი“, № 4, 1963.

ბედნიერი კაცი (გვ. 426). მთქმელი თადეოზ ჩაგუნავა, იმერეთი, ჩამწ. ვ. კახიძე. „კომუნისტი“, № 4, 1963.

ოქრუა (გვ. 426). სოსიკო მერკვილაძის ჩაწ., იმერეთი. ს. მერკვილაძე, ხალხური ზღაპრები, ქუთაისი, 1902; ქს. სიხარულიძე, ქართული ხალხური სიტყვიერების ქრესტომათია, I, 1956.

ს ტ უ მ რ ე ბ ი (გვ. 432). მ. ჭანაშვილი, საინგილო, „ძველი საქართველო“, II, განყ. IV, თბილისი, 1911 — 1913.

ქ ე ლ ე ხ ი (გვ. 433). მოსე ჭანაშვილის ჩაწ., საინგილო. იქვე.

ნ ა ლ ი ს შ ე ქ ა მ ა დ ი (გვ. 434). მოქმელი ისაკო გოგებაშვილი, კახეთი, ჩამწ. დიძე. გონაშვილი, 1959.

ყ ა ს ა ბ ი დ ა ვ ა ქ ა რ ი (გვ. 435). მოქმელი სანდრო ოვანოვი, ქიზიყი, ჩამწ. დიძე. გონაშვილი, 1959.

ო რ ი ძ მ ა — მ დ ი დ ა რ ი დ ა ლ ა რ ი ბ ი (გვ. 437). მოქმელი ზურაბ ჭანიკაშვილი, ქიზიყი, ჩამწ. დიძე. გონაშვილი, 1959.

მ ე ც ხ ვ ა რ ე დ ა მ ი ს ი ნ ა თ ლ უ ლ ი (გვ. 439). მოქმელი ისაკო გოგებაშვილი, კახეთი, ჩამწ. დიძე. გონაშვილი, 1959.

რ ძ ა ლ ი დ ა ბ რ მ ა დ ე დ ა მ თ ი ლ ი (გვ. 442). მოქმელი პელაგია ფერაძე, კახეთი, ჩამწ. დიძე. გონაშვილი, 1959.

ბ ა ტ ო ნ ი დ ა ყ მ ა (გვ. 443). დიძე. გონაშვილის ჩაწ., კახეთი, 1959.

ქ ე ვ ი ა ნ ი რ ძ ა ლ ი (გვ. 446). მოქმელი ე. ხარებავა, სამეგრელო, ჩამწ. მაკარ ხუბუა. მ. ხუბუა, მეგრული ტექსტები, თბილისი, 1937, გადმოიღო ა. ცანავამ.

ბ ე დ ი ს მ ა ძ ე ბ ა რ ი კ ა ც ი (გვ. 449). მოქმელი ტ. ქავა, სამეგრელო, ჩამწ. მაკარ ხუბუა. იქვე, გადმოიღო ა. ცანავამ.

წ ი თ ე ლ ი კ ა ც ი ს ზ ლ ა პ ა რ ი (გვ. 452). მოქმელი მ. გვარამია, სამეგრელო, ჩამწ. მაკარ ხუბუა. იქვე, გადმოიღო ა. ცანავამ.

დ ა რ დ ი ა ნ ი (გვ. 455). მიხ. როსტომაშვილის ჩაწ., „აქაკის კრებული“, IX, განყ. III, 1898.

მ კ ე ვ ხ ა რ ა (გვ. 456). მიხ. როსტომაშვილის ჩაწ., იქვე.

პ ი რ მ ყ რ ა ლ ა (გვ. 456). მიხ. როსტომაშვილის ჩაწ., იქვე.

გ ა უ მ ა ძ დ ა რ ი ც ო ლ ი (გვ. 457). მიხ. როსტომაშვილის ჩაწ., „აქაკის კრებული“, X, განყ. III, 1898.

მ ე ფ ე დ ა ვ ე ზ ი რ ე ბ ი (გვ. 459). პ. მიროიანაშვილის ჩაწ. ზღაპრები, 1903.

ქ ვ რ ი ვ ი ქ ა ლ ი დ ა ე რ თ ი ქ ო თ ა ნ ი ნ ა დ უ ლ ი (გვ. 460). მოქმელი ექვთიმე დოლიძე, გურია, ჩამწ. შემდგენელი, 1935.

უ მ ც რ ო ს ი ძ მ ა (გვ. 461). მოქმელი ფიდა კვიციანიძე, ჩამწ. შემდგენელი, 1940.

უ რ ჩ ი შ ვ ი ლ ე ბ ი (გვ. 465). მოქმელი ფიდა კვიციანიძე, ჩამწ. შემდგენელი, 1940.

ღ ა რ ი ბ ი დ ა ს ო ვ დ ა გ რ ე ბ ი (გვ. 467). მოქმელი ნიკა ორჯონიკიძე, ქართლი, ჩამწ. ნინო ხიდიბეგაშვილი. პ. უშიკაშვილის კოლექცია, იქვე, № 4158.

ბ ი ძ ა დ ა ძ მ ი ს წ უ ლ ი (გვ. 470). ბეს. ნიჟარაძის ჩაწ. სვანეთში 1871 წ., პ. უშიკაშვილის კოლექცია, იქვე, № 4173.

ს ა მ ი ზ ა რ მ ა ც ი (გვ. 476). პ. უშიკაშვილის ჩაწ., იქვე. № 4190.

ვალდიანი ხარაზი (გვ. 476): პ. უმიკაშვილის ჩაწერი-
ლი, იქვე, № 4205.

ბატის ყიდვის მოწმეები (გვ. 477). პ. უმიკაშვილის
ჩაწ., იქვე, № 4205.

მხოლოდ ერთი პალო წავიდეთ (გვ. 477). პ. უმი-
კაშვილის ჩაწ., იქვე, № 4207.

ულვაში (გვ. 478). პ. უმიკაშვილის ჩაწ., იქვე, № 4208.

წვერზე ცეცხლწაკიდებული (გვ. 478). პ. უმიკა-
შვილის ჩაწ., იქვე, № 4209.

ფული გაინაღდეთ (გვ. 478). მთქმელი მიხეილ მამუ-
ლაშვილი, 1887 წ., თბილისი, ჩამწ. პ. უმიკაშვილი. იქვე, № 4221.

შენ მაგაზე კარგად იციო? (გვ. 479). მთქმელი მი-
ხეილ მამულაშვილი, 1887 წ., თბილისი, ჩამწ. პ. უმიკაშვილი. იქ-
ვე, № 4223.

მკერავი (გვ. 479). მთქმელი ანა ედიბეგაშვილი, 1887 წ.,
თბილისი, ჩამწ. პ. უმიკაშვილი. იქვე, № 4234.

რძალ-დედამთილი (გვ. 480). მთქმელი ანა ედიბეგაშვი-
ლი, 1887 წ., თბილისი, ჩამწ. პ. უმიკაშვილი. იქვე, № 4237.

რძალ-მამა (გვ. 481). მთქმელი მიხეილ მამულაშვილი,
1888 წ., თბილისი, ჩამწ. პ. უმიკაშვილი. იქვე, № 4238.

ტკბილი ცოლ-ქმარი (გვ. 482). მთქმელი მიხეილ მამუ-
ლაშვილი, თბილისი, 1888 წ., ჩამწ. პ. უმიკაშვილი. იქვე, № 4242.

ცოლ-ქმარი (გვ. 484). მთქმელი მიხეილ მამულაშვილი,
თბილისი, 1888 წ., ჩამწ. პ. უმიკაშვილი. იქვე, № 4243.

ჩხუბი არაფერზე (გვ. 485). მთქმელი ეკატერინე კაკა-
შვილი, თბილისი, 1875 წ., ჩამწ. პ. უმიკაშვილი. იქვე, № 4244.

ტყუილი ტირილი (გვ. 485). მთქმელი დთა მამულა-
შვილი, თბილისი, 1889 წ., ჩამწ. პ. უმიკაშვილი. იქვე, № 4245.

ცოლის მორჯულემა (გვ. 486). მთქმელი ეკატერინე
კაკაშვილი, თბილისი, 1885 წ., ჩამწ. პ. უმიკაშვილი. იქვე, № 4251.

უსაქმური ქალი (გვ. 486). მთქმელი ეკატერინე კაკა-
შვილი, თბილისი, 1885 წ., ჩამწ. პ. უმიკაშვილი. იქვე, № 4252.

სულელი დედაკაცი (გვ. 487). ზ. ჯანდიერის ჩაწ., კა-
ხეთი, 1870 წ., პ. უმიკაშვილის კოლექტი, იქვე, № 4239.

მენახირის ქალი (გვ. 489). მთქმელი შალვა მელიქიძე,
ჯავახეთი, ჩამწ. ილია მისიურაძე, 1959.

შერცხვენილი კაცი (გვ. 491). მთქმელი ვანო კაკა-
შვილი, ქართლი, ჩამწ. შემდგენელი, 1948.

ბატონი და მოჯამაგირე (გვ. 493). შემდგენლის ჩაწ.
გურია, 1939.

ასეთ მზეს რა გაუძლებსო? (გვ. 494). ჯ. ნოღაიდ-
ლის ჩაწ., აპარაში. ჯ. ნოღაიდელი, აპარის ხალხური სიტყვიერება,
ბათომი, 1936.

სამი ზარმაცი და ხანძარი (გვ. 494). შ. ნიქარაძის
ჩაწ. აპარაში, შ. ნიქარაძე, ზემო აპარული დიალექტი, ბათომი, 1961.

ერთგული ქმარი და მოღალატე ცოლი (გვ. 495). შ. ნიჟარაძის ჩაწ. აპარაში. იქვე.

მოჯამაგირე და ოქროს ხანჯალი (გვ. 497). მთქმელი სიმონ ქვრივიშვილი, ჩამწ. შემდგენელი, 1938.

ცხრა ძმა და მათი დედინაცვალი (გვ. 498). მთქმელი დავით ნოზაძე, ქართლი, ჩამწ. შემდგენელი, 1948.

ვაჭარი (გვ. 501). კ. კალანდაძის ჩაწ., გურია. „ძველი საქართველო“, ე. თაყაიშვილის რედ., IV, თბილისი, 1914 — 1915.

ხელმწიფე და მწყემსი (გვ. 505). მთქმელი მუსტაფა მემიშის ძე მემიშიში, სოფ. სარფი, ლაზეთი, ჩამწ. ზურაბ თანდილავა, 1948.

ღარიბი გლეხი (გვ. 508). მთქმელი ალი ომერის ძე ნუმა-ნიშვილი, სოფ. სარფი, ლაზეთი, ჩამწ. ზურაბ თანდილავა, 1959.

ნიაზი და ჰარიზი (გვ. 512). მთქმელი ალი ომერის ძე ნუ-მანიშვილი, სოფ. სარფი, ლაზეთი, ჩამწ. ზურაბ თანდილავა, 1959.

*** (წინასიტყვაობა პროფ. ალ. ლლონტიისა) . 5

ჯ ა დ ო ს ნ უ რ ი ზ ლ ა კ რ ე ბ ი

ცეროდენა	9
სამი და	11
ემშაკის ლაგამი	15
დღისით მკვდარი	17
გველის ტყავზე ამოსული ალვის ხე	24
გველის მშობილი	28
ტყის კაცი	32
ციება, ცხელება და სიკვდილი	33
ავი ღედაკაცი	34
გველი და გლეხი	36
გველი და კაცი	37
სიკვდილის ჩამოსვლა ღედამიწაზე	40
ბედი და იღბალი	41
მერონგურე	44
ფისასოს ზღაპარი	45
მარგალიტის ცრემლი	51
მოხუცი სტუმარი	57
სიზმრის ახსნა	61
ნატვრისთვალი	62
თვალრიტა	72
გლეხი, მოლა და ემშაკი	90
მენახირე	93
მზეთუნახავის ცხვირსახოცი	101
ღედინაცვალი და გერი	109
არვიცია	114
უმცროსი ვაჟი და მგელი	117
მუხაგლეჯია სიდედრისა და სიმამრისა	119
ლორისთავიანი ბიჭი	121
ასლანის გაზრდილი	125
ბოლოლა	130
სამი ძმა და მათი და	136
უღუნო და ხელმწიფის შვილი	141
კეისარი	151
სიკვდილი და ყაჩაღი	155
ქურდი და ხელმწიფის შვილი	159
ორი ძმისა	165
სოვდაგრის შვილი და ოქროს ირემი	169
მეფე და სკვინჩა	173

**ს ა ყ ო ფ ა ც ხ ო ვ რ ე ბ ო ჯ ლ ა კ რ ე ბ ი,
ნ ო ვ ე ლ ე ბ ი**

ნაცარქექია	176
ერთი მანეთის შოენა	179
ვინც საქმე გააკეთა, პურიც იმანა ჭამოს	180
უფროსი ძმა	183
ამბავი ხელმწიფის შვილისა, ქალი რომ არ მისთხოვდა, სანამ ხელობას არ ისწავლიო	185
ზნიანი ქალი	187
ღარიბი ბიჭი	188
ზარმაცი კაცი	192
ოქროსტარიანი ცული	195
სამი ტყუილი	197
ნამდვილი ტყუილი	198
ცრუ და მართალი	200
გურჯისტანის ხატი	202
ხარბი ოქრომჭედელი	205
ღარიბი კაცი	206
ძმები	208
სამი და	209
გლეხი და ვაჭარი	211
ბრიყვი ბატონი და მოჯამაგირე	214
ცოლ-ქმრის ამბავი	215
ქერივიშვილი	217
ფინაჩი	220
ჭკვიანი და გიჟი ძმა	224
გლეხის ცოლი	227
სტუმარი	229
სამი სიტყვა	231
ხელმწიფე და მოჯამაგირე	233
ივანიკა და სიმონიკა	234
სამი მეცნიერი და გლეხი	238
მეცნიერი და მენავე	239
ბრმა მეჩონგურე	240
გლეხი და ბატონი	240
პურის მარცვალი	241
მძლეთამძლე	244
ხელმწიფე და მისი შვილი	248
მონადირე და ხელმწიფე	249
ფულს ყველაფერი შეუძლია	251
ეშმაკი ქმარი	253
მდიდარი და ღარიბი	255
გლაზა შვილი	257
ამისთანა და ამის უარესი	260
ქოსატყუილა დიაკონი	263
გაფუფქული მღვდელი	266

მღვდლის ზღაპარი	275
ცერცვი თუ ცეცხლი	278
თქვა უფალმა	279
მღვდელი და დიაკონი	279
მღვდელი და ჯვარცმული ქრისტე	280
ზოგჯერ ემშაკსაც უნდა დაუჯერო	280
ძუნწი ხუცესი	280
მღვდელი და ღარიბი გლეხი	283
ავი მღვდელი და დიაკონი	284
გამოქეპილი ბერიკაცი და მღვდელი	285
მღვდელი და მისი ლამაზი ცოლი	292
მღვდლის ცოლი	294
წუწკი მღვდელი	296
მეწისქვილის ვაჟიშვილი და სამი ქოსა	297
სამი მოჯამაგირე	299
სოლომონ ბრძენი და ბერიკაცი	301
სოლომონ ბრძენის რჩევა	303
სოლომონ ბრძენი და ღარიბი გლეხი	305
არჩევანი	309
საბრალო ფასოს ამბავი	310
ხელმწიფე და მეღორე	322
ქერივი ქალი და ვაჭარი	323
დაკარგული შარვალი	324
მედაირე	326
ზარმაცი	328
ორი ცრუპენტელა	332
მუჭანახევარა	335
პური და ხენა-თესვა	337
სამნი ძმანი	338
ობოლი და ქოსამატყუარა	342
სამი ძმა და ქოსამატყუარა	344
სოვდაგრის შვილი	347
ალალი ორი შაური	353
ორი ძუნწი	355
მოსხერხებული მებღღე	356
თაგაუტეხელი კაცი	357
მეფის შვილობილი	358
ახირებული დედაკაცი	358
მდიდარი და საწყალი კაცი	360
ჩემი მამალი გზამიყ იყივლებსო	361
ძუნწი ვაჭარი	361
ორმოცი კაციც რომ გამომიგზავნოს...	362
როგორ ანუგეშა მოჯამაგირემ ბატონი	363
ფილოსოფოსი და ვირი	364
ნათლიმამის მარილი	365
ხელმწიფე და გლეხის ქალი	366

ივანე და გოგია	370
უმაღური ხელმწიფე და ჭკვიანი გლეხის ბიჭი	373
სიმართლე	377
მატყუარა მკითხავი	380
ვაჭარი და ღარიბი ცოლ-ქმარი	381
ორი სილა	385
ვირის მაძებარი	385
საწყალი გლეხის ნიყვები	386
დედაბერი და ხზო	387
სამი ექიმი ძმა	387
მოსხუცი ნავეზირალის რჩევა	389
ჭკუა მაქვს და სარჩო არა	395
მამასახლისისა და გლეხკაცის არაკი	398
ქალის შარი	401
მოსხუცი ღურგალი და მისი რძალი	403
ძუნწი მასპინძელი	406
მზეთუნახავისა და ხელმწიფის შვილის ზღაპარი	409
ხელმწიფის გიჟი შვილი	411
ხელმწიფის შვილისა და ხელმწიფის ამბავი	413
ცრუ და მართალი კაცი	413
მეფე და მსახური	416
ღარიბი კაცი და სოფდაგარი	417
წრომის ყადრი	420
მრუდე სამართალი	420
მზე და წვიმა	421
პატარძალი	422
ბატონი და ყმა გლეხი	422
ჯეელი მოსამართლე და მისი ცოლი	423
მოჩხუბარი დედაბერი და ჭკვიანი პატარძალი	425
ბედნიერი კაცი	426
ოქრუა	426
სტუმრები	432
ქელები	433
ნალის შეჭამადი	434
ყასაბი და ვაჭარი	435
ორი ძმა — მდიდარი და ღარიბი	437
მეცხვარე და მისი ნათლული	439
რძალი და ბრმა დედამთილი	442
ბატონი და ყმა	443
ჭკვიანი რძალი	446
ბედის მაძებარი კაცი	449
წითელი კაცის ზღაპარი	452
ღარდიანი	455
მკვეხარა	456
პირმყრალა	456
გაუმადლარი ცოლი	457

მეფე და ვეზირები	459
ქვრივი ქალი და ერთი ქოთანის ნადული	460
უმცროსი ძმა	461
ურჩი შეილები	465
ღარიბი და სოფლაგრები	467
ბიძა და ძმისწული	470
სამი ზარმაცი	476
ვალიანი ხარაზი	476
ბატის ყიდვის მოწმეები	477
მხოლოდ ერთი პალო წავიღეო	477
ულვაში	478
წვერზე ცეცხლწაკიდებული	478
ფული გაინაღდეო	478
შენ მაგაზე კარგად იციო?	479
მკერავი	479
რძალ-დედამთილი	480
რძალ-მაზლი	481
ტკბილი ცოლ-ქმარი	482
ცოლ-ქმარი	484
ჩხუბი არაფერზე	485
ტყუილი ტირილი	485
ცოლის მორჯულება	486
უსაქმური ქალი	486
სულელი დედაკაცი	487
მენახირის ქალი	489
შერცხვენილი კაცი	491
ბატონი და მოჯამაგირე	493
ასეთ მზეს რა გაუძლებსო?!	494
სამი ზარმაცი და ხანძარი	494
ერთგული ქმარი და მოღალატე ცოლი	495
მოჯამაგირე და ოქროს ხანჯალი	497
ცხრა ძმა და მათი დედინაცვალი	499
ვაჭარი	501
ხელმწიფე და მწყემსი	505
ღარიბი გლეხი	508
ნიაზი და პარზი	512
შ ე ნ ი შ ე ნ ე ბ ი	515

გამომცემლობის რედაქტორი გ. ხორნაული
მხატვ. რედაქტორი თ. ჯიშკარიანი
ტექნორედაქტორი რ. მელაძე
კორექტორი ნ. კუბლაშვილი

•

ხელმოწერილია დასაბუქდად 4/VII-64 წ.
ქაღალდის ზომა 60×90¹/₁₆
ნაბეჭდი თაბახი 33,25
სააღრიცხვო-საგამომცემლო თაბახი 28,1
ტირაჟი 20.000, შეკვეთა № 2486.
ფასი 1 მან. 42 კაპ.

•

გამომცემლობა „ნაკადული“, მარჯანიშვილის ქ. № 5.
Издательство «Накадули», ул. Марджанишвили № 5.

გამომცემლობა „ნაკადული“ სტამბა,
თბილისი, ფურცელაძის ქ. № 5
Типография издательства «Накадули»,
Тбилиси, ул. Пурцеладзе № 5.